

清
實
錄

仁宗睿皇帝實錄(一)

卷一至卷七七
嘉慶元年至五年

清實錄

第二八冊

中華書局影印

清 實 錄

(第 二八 册)

仁 宗 實 錄 (一)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 65 7/8 印張

1986 年 6 月第 1 版 1986 年 6 月北京第 1 次印刷

印數 0·001—1·500 冊

統一書號: 11018 · 1355—28 定價: 49.00 元

清實錄第二八冊目錄

仁宗睿皇帝實錄(一)

首卷一	序	一
首卷二	凡例	七
首卷三	目錄	一四
首卷四	進實錄表	三五
	修纂官	四三
卷一	嘉慶元年正月	六五
卷二	嘉慶元年二月	八一
卷三	嘉慶元年三月	九二
卷四	嘉慶元年四月	九九
卷五	嘉慶元年五月	一〇九
卷六	嘉慶元年六月	一三三
卷七	嘉慶元年七月	一三一
卷八	嘉慶元年八月	一四〇
卷九	嘉慶元年九月	一五〇
卷一〇	嘉慶元年十月	一五六

卷一	嘉慶元年十一月	一六六
卷二	嘉慶元年十二月	一八〇
卷三	嘉慶二年正月	一九〇
卷四	嘉慶二年二月	一九九
卷五	嘉慶二年三月	二〇九
卷六	嘉慶二年四月	二一六
卷七	嘉慶二年五月	二二五
卷一八	嘉慶二年六月	二三五
卷一九	嘉慶二年閏六月	二四五
卷二〇	嘉慶二年七月	二五六
卷二一	嘉慶二年八月	二六七
卷二二	嘉慶二年九月	二七五
卷二三	嘉慶二年十月	二八五
卷二四	嘉慶二年十一月	二九四
卷二五	嘉慶二年十二月	三〇六
卷二六	嘉慶二年正月	三一四
卷二七	嘉慶二年二月	三二四
卷二八	嘉慶二年三月	三三四
卷二九	嘉慶二年四月	三四二

仁宗實錄

卷三〇	嘉慶三年五月	三四九	卷四九	嘉慶四年七月下	六〇〇
卷三一	嘉慶三年六月	三五六	卷五〇	嘉慶四年八月	六三〇
卷三二	嘉慶三年七月	三六五	卷五一	嘉慶四年九月上	六四四
卷三三	嘉慶三年八月	三七〇	卷五二	嘉慶四年九月下	六五九
卷三四	嘉慶三年九月	三八二	卷五三	嘉慶四年十月	六七六
卷三五	嘉慶三年十月	三八九	卷五四	嘉慶四年十一月上	六九二
卷三六	嘉慶三年十一月至十二月	三九六	卷五五	嘉慶四年十一月下	七〇五
卷三七	嘉慶四年正月上	四〇五	卷五六	嘉慶四年十二月	七二一
卷三八	嘉慶四年正月下	四三一	卷五七	嘉慶五年正月上	七四六
卷三九	嘉慶四年二月	四四九	卷五八	嘉慶五年正月下	七五三
卷四〇	嘉慶四年三月上	四六九	卷五九	嘉慶五年二月上	七六九
卷四一	嘉慶四年三月下	四八六	卷六〇	嘉慶五年二月下	七八八
卷四二	嘉慶四年四月上	五〇四	卷六一	嘉慶五年三月上	八〇七
卷四三	嘉慶四年四月下	五一八	卷六二	嘉慶五年三月下	八二四
卷四四	嘉慶四年五月上	五二九	卷六三	嘉慶五年四月上	八四〇
卷四五	嘉慶四年五月下	五四四	卷六四	嘉慶五年四月下	八五一
卷四六	嘉慶四年六月上	五五六	卷六五	嘉慶五年閏四月上	八六六
卷四七	嘉慶四年六月下	五七三	卷六六	嘉慶五年閏四月下	八八〇
卷四八	嘉慶四年七月上	五八九	卷六七	嘉慶五年五月上	八九〇

仁宗睿皇帝實錄序	太祖	太宗締造	鴻圖昭垂	大烈	世祖統壹寰區廓清宇宙	聖祖耆定武功遠方向化	世宗作法作則內脩外治	高宗文德武功克紹	前猷欽惟我	皇考仁宗睿皇帝繼	列聖之貽謀開萬年之景運	聖神天縱	仁孝性成	臨御二十五年克勤克敬是訓是行雖晏處深	躬率臣僚尤為史冊之罕覯也庚辰秋
----------	----	------	------	----	------------	------------	------------	----------	-------	----------	-------------	------	------	--------------------	-----------------

巡幸灤陽子臣扈從	鑾輿時承	色笑孰意甫抵避暑山莊疾成大漸嗚呼我	皇考肄武綏藩一遵	成憲遽爾捐棄臣民攀號莫及予小子驚承	遺命悚慟倍加敬奉	神興還京成禮仰述舊規命儒臣開館編輯閱	三年敬成	實錄三百七十四卷巍巍蕩蕩燦若日星合帝	王之體用述	祖	宗之儀型大經大法靡不周備是皆據事實	編年紀月非若往古之頌揚論謨者也我	皇考幼齡即蒙	皇祖高宗純皇帝寵眷是以	默告	天	祖
----------	------	-------------------	----------	-------------------	----------	--------------------	------	--------------------	-------	---	-------------------	------------------	--------	-------------	----	---	---

聖志先定迨嘉慶丙辰太和	授	受	訓政三年尤為曠古未有之盛我	皇考孝思肫篤問	安侍	膳一如曩昔嘉慶己未春猝遭大故哀慕異常	自古已登大寶	躬承	葬訓成服三年盡孝盡禮者有如是乎仰惟我	皇考以	天	地	祖	宗之心為心者有六焉一日	敬	天自踐阼以來每歲	南郊三大祀必
-------------	---	---	---------------	---------	----	--------------------	--------	----	--------------------	-----	---	---	---	-------------	---	----------	--------

躬親之	御製	南郊	北郊二記理貫天人克誠克享	定	祈穀禮以春後得辛	常雩大祀以立夏後舉行	社稷壇遵用上戊創定祈晴儀禮編纂樂章癸酉春夏之交京師亢旱	親製祝文	躬詣	三壇祈禱又	步禱	社稷壇甘露立霈	天貺於昭蘆河防	特命御園創建	天后	惠濟神祠以申禱謝又定
-----	----	----	--------------	---	----------	------------	-----------------------------	------	----	-------	----	---------	---------	--------	----	------------

廣潤祠

白龍潭神祠春秋二祀此皆為民祈歲

精虔丕應也

親政後有司以合璧聯珠奏

飭戒臣工侈言符瑞應

天以實不以文也壬戌秋日月薄蝕

詔求讜言戊寅夏風霾示儆下

詔求言恐懼修省弭變於未形遠邁禹湯罪已

也一日

法

祖每日

晨興恭閱

六朝實錄周而復始凡用人行行政諸大端莫不

取法

鴻模因時損益

兩詣陪都

叩謁

三陵緬開創之艱難述邠岐之遺緒

御製詩頌罔不該備矣

裕陵數土

躬親者再用展誠孝哀慕無窮普宴宗親於惇

敘殿復

製宗室訓並

訓飭宗人府王公及諸族長文

定宗室鄉會試例補用六部司員又增宗學額

缺錄用宗室官廩

命簡宗室移居盛京或

錫類推恩或因時

教誨或豫籌生計或禮用賢能永期惇睦天潢

本支百世一曰

勤政凡

召對批章綜理庶政歲無虛日有常經

特製勤政殿記勤政箴勤政論

頒文武官箴遇變罪己詔

命王大臣等剴切敷陳復

命薦賢能

虛心求治日凜幾康至於禁貢珍玩停納玉石	酌減各關餘課嚴飭言利之人此乃還淳	返本藏富於民奏賤不得用副封則防微	杜漸飭門禁則或防不逞行保甲則良莠	分明各省建立昭忠祠選錄賢良大臣後	裔查取殉難諸臣後嗣普錫	恩膏酬庸靡弗及也一日	愛民各直省偶遇偏災於蠲賑之外歲首必降	恩綸或加或緩務令均沾實惠普荷春祺辛酉	年京畿偶逢水潦即	命侍衛卿員四出履勘問民疾苦惟恐地方官	吏有所隱飾不惜帑金多方拯濟並	命編輯工賑記事全書更	慮天下有匿災之處	特申禁諭以宣之凡各省通賦在民者弗忍催	徵概行豁免復嚴禁州縣官浮收之弊蘇	民困衛民生則浚津	巡幸閱視長隄安畿輔興水利則大清子牙河
--------------------	------------------	------------------	------------------	------------------	-------------	------------	--------------------	--------------------	----------	--------------------	----------------	------------	----------	--------------------	------------------	----------	--------------------

隄普行修築	法	祖以綏藩為民而祈福則有五臺之	幸河臣慎選機宜密授疏濬雲梯關海口使全	河有建瓴之勢南邦免潰決之虞又復度	地因時埽堰移建允協啟閉之宜堵築漫	工十餘處無不立頒帑藏克成厥事刑者	例也例者成也一成而不可變故	聖心尤業業焉每逢秋歉	披閱招冊至再至三盈廷諮訪雖無可恕之情	終有不忍之意是以	特定慎簡覆覈之規此敬述	愛民之大端若夫隨時補助去莠安良已飢已	溺之懷實難備舉也一日	文德欽惟	聖學鴻博	德業進修	潛邸書齋日課即成
-------	---	----------------	--------------------	------------------	------------------	------------------	---------------	------------	--------------------	----------	-------------	--------------------	------------	------	------	------	----------

味餘書室全集一部

御極後於理政之暇仍復研精典學發為文章
文有初集二集

詩有初集二集三集續有

詩文餘集皇哉富矣赫若淵乎敬仰

奎章之炳煥彌欽

保治之精勤或占晴問雨即境據情無不殷懷

民莫廣播仁風非若文人學士徒爭靡麗
也慎典則則有續修會典之

命昭文治則有重編文穎之書鑑古昔則唐文

明鑑

親加裁定薈萃成書至若

臨雍釋奠

幸院分賡皆所以闡明正學景行

前猷四開

恩榜釀化覃敷

命各省駐防附近鄉試增設內務府官學廣奉
天承德中額所有軫恤寒儒加惠士林者

至優至備是以棧樸菁莪造成多士一藝
之長靡不取錄也一日

武功我朝

龍興東土以弧矢威天下八旗勁旅克奏膚功

壬申春

幸南苑

躬擐甲胄

親佩橐鞬

御安俊黃遍視諸營

升黃幄

閱甲兵數萬貔貅莫不勇氣倍騰知方用命

威德上昭

耿烈矣楚南黔省有苗弗靖

命將討平之川陝楚三省教匪蟻聚鳩張數年

之久抗逆者誅之不赦脅從者予以自新

大地銷兵燹之患斯民獲衽席之安凡

神謨

睿算宵旰憂勤平定三省紀畧書中備矣誰知

鬼域潛遺窟鼠晝伏癸酉秋又有滑縣教
匪蔓延山左轉煽都京全賴

上蒼佑順

聖武布昭既神且速計日殲除靖海洋則閩粵

洋匪斂跡綏邊藩則青海事宜

欽定飭馬政則大凌河之羣牧宜嚴述國風則

教誠八旗勤習清語騎射至於開墾吉林地畝

移駐京旗伊犁駐防屯墾又

命分賜伊犁八旗田二萬餘畝增設八旗及內

務府三旗養育兵額凡

施惠旗人富之教之之道無微不至也載

續武功勤修

家法秋獮木蘭

習勞講武諸藩部歲歲趨承無不欽服

神武共荷

仁恩是皆我

皇考

聖德神功名言莫贊廿五年之

勵精圖治惟日孜孜垂為
模範者備載於三百七十四卷之中予小子敬

仰

鴻文勉承宗器雖日凜

訓言實難繼述於萬一也夫謹序

道光四年四月二十日

仁宗睿皇帝實錄	修纂凡例	一	授受典禮書	一恭上加上	帝	后尊諡書冊寶文全錄	一祀	天	地	太廟	山陵	日月	社稷	郊祀躋配	太廟	奉先殿升祔配享祭	堂于年神月神
---------	------	---	-------	-------	---	-----------	----	---	---	----	----	----	----	------	----	----------	--------

列祖誕辰忌辰拈香書詣	壽皇殿	恩佑寺	安佑宮	雍和宮	恩慕寺	元靈宮	永慕寺	永佑寺行禮書	一尊封	皇太妃書	一冊立	皇后書封貴妃書冊封皇子書冊封王妃公主書	一皇子生書	一	萬壽節	皇后千秋節及除夕元旦上元冬至凡大慶賀
------------	-----	-----	-----	-----	-----	-----	-----	--------	-----	------	-----	---------------------	-------	---	-----	--------------------

禮儀筵宴舉行停止皆書

一

升殿視朝

御門聽政書

一祈穀耕藉詣學經筵大閱皆書其禮儀

宴賚亦書

一大喪禮儀書奉安

地宮禮儀碑文書

一恭謁

山陵禮儀賞賚書省方行圍停蹕皆書

一謁

陵巡幸命諸皇子隨駕書

臨幸諸皇子王園第書

一

詔勅

上諭全錄

一纂輯

實錄

聖訓

玉牒

起居注

國史方畧

欽定各種書籍皆書

一宗室分爵親郡王以下奉恩將軍以上

冊封襲封晉封及降革皆書冊封郡主

郡君縣主縣君鄉君書宗室

特恩宴賚書

一公主下降郡主郡君等出嫁授固倫額

駙和碩額駙多羅額駙固山額駙書

一異姓王公侯伯子男封授襲替書升降

黜革亦書

一外藩王貝勒貝子公封授襲替書升降

黜革亦書

一文武大臣加三公三少及宮衛書降衛

復衛亦書

一宗人府宗令宗正宗人府丞領侍衛內

大臣內閣大學士學士六部理藩院尚書侍郎都察院左都御史左副都御史倉場盛京五部侍郎總管內務府大臣陵寢總管翰林院掌院學士通政使司通政使大理寺卿詹事府詹事太常寺卿太僕寺卿光祿寺卿順天府府尹及直隸各省總督漕運河道總督巡撫提督學政布政使司布政使按察使司按察使等官除授皆書

一鑾儀衛掌衛事鑾儀使八旗都統副都統前鋒統領護軍統領提督九門步軍統領奉天等處直省鎮守將軍都統副都統提督總兵等官除授皆書
一滿漢文武官員奉使外國外藩書奉差直省事關重大者亦書
一除授新疆將軍辦事叅贊領隊大臣書
一鎮守將軍都統督撫提鎮
陛見書藩臬道府等官曾加

獎訓亦書
一各衙門保舉翰林入南書房
上書房及充補講官書
一內官京察外官大計武職軍政皆書
一滿漢大學士協辦大學士病卒書滿漢文武內外大臣以老疾乞休書蒙恩加銜獎資慰留及起用皆書緣事休致降革亦書

一滿漢文武內外大小官制添設更改裁併皆書衙署移駐亦書
一文武選法品級考及考課則例有更定者書
一府州縣衛所改設分置裁併皆書立學定額書
一每歲人丁戶口田地稅糧茶鹽鑄錢之數並於歲暮書開墾軍屯丈量地畝圈撥地土編審人丁折徵漕糧蠲除賦役

停罷歲辦諸物並漕運錢法茶鹽權關

及俸祿廩餼軍糧則例有更定者皆書

一官員俸祿行伍錢糧士子廩餼加

恩增給書

一

恩詔蠲賦

特旨免徵發粟賑荒截漕平糶及常例外

特恩普免減賦緩徵皆書

一天象雲物氣候徵應及日食月食星變

地震書

一

聖德謙冲不言符瑞凡

特頒諭旨加意警勉書

一頒朔進春書

一頒

詔天下書詔文全錄

一每歲祭

歷代帝王廟

先師孔子

先農太歲凡在祀典諸神書遣官祭長白山

岳鎮海瀆

歷代陵寢

先師闕里書

勅封山川神號書釐定加崇祀典亦書祈謝及

載在祀典神示拈香亦書

一授衍聖公及先賢後裔五經博士世襲

書

一王以下文武大臣蒙

恩賜章服賜宴亦書

一優禮高年

特恩賞賚

欽賜職銜皆書

一直隸各省鄉試文武會試殿試傳臚書

文殿試題全錄

特開恩科書增廣鄉會中額書加增取進府州

縣衛學文武生員書

一
御試翰詹及

欽賜舉人一體會試殿試選庶吉士派教習散

館授職皆書

特命薦舉孝廉方正舉行宗室鄉會試增設駐

防中額及大挑舉人拔貢皆書

一國子監及直隸各省學政條例科場條

例有更定者書

一遠方外國慕化歸誠遣使進貢書

賜封爵給勅印外藩來朝及遣使進年貢遣人

入學請通市皆書定年貢則例及

特恩減免留抵貢物書宴賚亦書

一王以下奉恩將軍以上民公以下男以

上及在京文武官三品以上在外將軍

都統副都統督撫提鎮等官及外藩王

貝勒貝子公恤典

賜諡皆書於常例外

特恩優恤亦書恤典條例有更定者亦書

一旌表八旗各直省孝子順孫義夫節婦

某人等若干名並於歲終書有奇節予

旌者另書

一諸臣條奏奉

旨允行及飭駁者書彈劾有當允行亦書

一命將出征調兵籌餉一切

指示方畧書軍中奏捷俘馘納降及凱旋迎勞

書其山海賊寇地方勦撫平定亦書

一

紫禁直宿兵丁侍衛皮衣銀兩

巡幸行圍冰嬉埽雪善撲旗租等賞賚皆書

一出征將軍王以下文武大臣侍郎副都

統以上及督撫提鎮等以軍功加銜賞

授世職書以失誤軍機降革問罪亦書

其文武大小官員軍功議敘

特恩升賞者並書

一外域歸入版圖及邊遠地方土司酋長

歸化投誠宣撫宣慰等使授職襲職書

一八旗及直隸各省水陸標營兵額兵制

及驛傳烽堠添設裁減歸并書

一八旗及直隸各省綠旗軍士奉

恩詔及

特旨頒賞書出征戍防軍士於常例給餉外

特加恩賞亦書

一文武大臣犯罪拘禁遷謫及正法書

特恩寬宥亦書不論官吏軍民犯叛逆大罪正

法者亦書

一肆赦停刑恤刑榜示皆書律例有駁正

更定者亦書

一修葺

壇

廟書營建

山陵書修葺前代陵寢闕里文廟凡在祀典諸

神廟宇並各省先賢廟宇書院皆書建

設功臣專祠亦書凡

賜御書扁額皆書

一重建

乾清宮

交泰殿書

一經理南北兩河疏濬各省及邊塞地方

河渠水利建築城垣修防隄岸平治道

塗一切工役皆書

一書內

今上皇帝恭書

皇次子緣本書凡遇擡寫款式俱祇高一格仍

照舊例高一格擡寫

一每歲季春吉己日祭

先蠶之神

皇后親饗或遣妃行禮及遣官致祭之處皆書

一

硃批奏摺敬展

丹毫事事皆蒙

訓示惟原摺有拜發而無批回之日其按日可

查者俱已恭載

實錄其無檔可查無日可歸者統於是月末照

憲綱彙載

一編纂之法必須恭查

御製詩文集

硃批摺奏

起居注內記注軍機檔絲綸簿外紀檔及

國史方畧三通會典官纂諸書而六科史書

一項每帙一二寸每年二百餘帙一有

未經閱採動輒漏畧抵牾其中事蹟或

始見於此而結案遠在隔年或奉

旨於前而議上又須後月且檔案不無疑誤須

按其時事考其異同原委脈絡畫一流

通尤須與上下各卷互相考訂庶脫彙

如出一手不得因各纂一卷自適己事

以致歧雜

一奉

旨查詢之件當時未及奏覆者應查後文豫載

者則書尋奏云云有應追書者則書先

是云云

一恭查

五朝實錄凡明發

諭旨書諭內閣諭某部云云至上屆恭纂

高宗純皇帝實錄均以一諭字統之有首句即

人名者改書諭曰二字轉致不能畫一

此次應請仍照

五朝實錄書法纂載

一上屆恭纂

高宗純皇帝實錄每月限定兩卷惟逐月事蹟

繁簡不同此次請按事蹟多寡分定卷

數事多之月仍照舊每月兩卷事少之

月不必拘定此例以節繁冗

大清仁宗受天興運敷化綏猷崇文經武孝恭勤儉端敏英哲睿皇帝實錄目錄

卷之一

嘉慶元年正月

卷之二

嘉慶元年二月

卷之三

嘉慶元年三月

卷之四

嘉慶元年四月

卷之五

嘉慶元年五月

卷之六

嘉慶元年六月

卷之七

嘉慶元年七月

卷之八

嘉慶元年八月

實錄目錄

一

卷之九

嘉慶元年九月

卷之十

嘉慶元年十月

卷之十一

嘉慶元年十一月

卷之十二

嘉慶元年十二月

卷之十三

嘉慶二年正月

卷之十四

嘉慶二年二月

卷之十五

嘉慶二年三月

卷之十六

嘉慶二年四月

卷之十七

嘉慶二年五月

實錄目錄

二

卷之十八	嘉慶二年六月
卷之十九	嘉慶二年閏六月
卷之二十	嘉慶二年七月
卷之二十一	嘉慶二年八月
卷之二十二	嘉慶二年九月
卷之二十三	嘉慶二年十月
卷之二十四	嘉慶二年十一月
卷之二十五	嘉慶二年十二月
卷之二十六	嘉慶三年正月

卷之二十七	嘉慶三年二月
卷之二十八	嘉慶三年三月
卷之二十九	嘉慶三年四月
卷之三十	嘉慶三年五月
卷之三十一	嘉慶三年六月
卷之三十二	嘉慶三年七月
卷之三十三	嘉慶三年八月
卷之三十四	嘉慶三年九月
卷之三十五	嘉慶三年十月

卷之三十六	嘉慶三年十二月
卷之三十七	嘉慶四年正月上
卷之三十八	嘉慶四年正月下
卷之三十九	嘉慶四年二月
卷之四十	嘉慶四年三月上
卷之四十一	嘉慶四年三月下
卷之四十二	嘉慶四年四月上
卷之四十三	嘉慶四年四月下
卷之四十四	嘉慶四年五月上

卷之四十五	嘉慶四年五月下
卷之四十六	嘉慶四年六月上
卷之四十七	嘉慶四年六月下
卷之四十八	嘉慶四年七月上
卷之四十九	嘉慶四年七月下
卷之五十	嘉慶四年八月
卷之五十一	嘉慶四年九月上
卷之五十二	嘉慶四年九月下
卷之五十三	嘉慶四年十月

卷之五十四	嘉慶四年十一月上
卷之五十五	嘉慶四年十一月下
卷之五十六	嘉慶四年十二月
卷之五十七	嘉慶五年正月上
卷之五十八	嘉慶五年正月下
卷之五十九	嘉慶五年二月上
卷之六十	嘉慶五年二月下
卷之六十一	嘉慶五年三月上
卷之六十二	嘉慶五年三月下

卷之六十三	嘉慶五年四月上
卷之六十四	嘉慶五年四月下
卷之六十五	嘉慶五年閏四月上
卷之六十六	嘉慶五年閏四月下
卷之六十七	嘉慶五年五月上
卷之六十八	嘉慶五年五月下
卷之六十九	嘉慶五年六月上
卷之七十	嘉慶五年六月下
卷之七十一	嘉慶五年七月

卷之七十二	嘉慶五年八月上
卷之七十三	嘉慶五年八月下
卷之七十四	嘉慶五年九月
卷之七十五	嘉慶五年十月
卷之七十六	嘉慶五年十一月
卷之七十七	嘉慶五年十二月
卷之七十八	嘉慶六年正月
卷之七十九	嘉慶六年二月
卷之八十	嘉慶六年三月上

卷之八十一	嘉慶六年三月下
卷之八十二	嘉慶六年四月
卷之八十三	嘉慶六年五月
卷之八十四	嘉慶六年六月
卷之八十五	嘉慶六年七月
卷之八十六	嘉慶六年八月
卷之八十七	嘉慶六年九月
卷之八十八	嘉慶六年十月上
卷之八十九	嘉慶六年十月下

卷之九十	嘉慶六年十一月上
卷之九十一	嘉慶六年十一月下
卷之九十二	嘉慶六年十二月
卷之九十三	嘉慶七年正月
卷之九十四	嘉慶七年二月上
卷之九十五	嘉慶七年二月中
卷之九十六	嘉慶七年二月下
卷之九十七	嘉慶七年三月
卷之九十八	嘉慶七年四月
卷之九十九	嘉慶七年五月

卷之九十九	嘉慶七年六月
卷之一百	嘉慶七年七月上
卷之一百一	嘉慶七年七月下
卷之一百二	嘉慶七年八月
卷之一百三	嘉慶七年九月
卷之一百四	嘉慶七年十月
卷之一百五	嘉慶七年十一月
卷之一百六	嘉慶七年十二月
卷之一百七	嘉慶八年正月

卷之一百八	嘉慶八年二月
卷之一百九	嘉慶八年閏二月
卷之一百十	嘉慶八年三月
卷之一百十一	嘉慶八年四月上
卷之一百十二	嘉慶八年四月下
卷之一百十三	嘉慶八年五月
卷之一百十四	嘉慶八年六月上
卷之一百十五	嘉慶八年六月下
卷之一百十六	嘉慶八年七月上

卷之一百十七	嘉慶八年七月下
卷之一百十八	嘉慶八年八月上
卷之一百十九	嘉慶八年八月下
卷之一百二十	嘉慶八年九月上
卷之一百二十一	嘉慶八年九月下
卷之一百二十二	嘉慶八年十月
卷之一百二十三	嘉慶八年十一月
卷之一百二十四	嘉慶八年十二月
卷之一百二十五	嘉慶九年正月

卷之一百二十六	嘉慶九年二月
卷之一百二十七	嘉慶九年三月
卷之一百二十八	嘉慶九年四月
卷之一百二十九	嘉慶九年五月
卷之一百三十	嘉慶九年六月
卷之一百三十一	嘉慶九年七月上
卷之一百三十二	嘉慶九年七月下
卷之一百三十三	嘉慶九年八月
卷之一百三十四	嘉慶九年九月

卷之一百三十五	嘉慶九年十月
卷之一百三十六	嘉慶九年十一月上
卷之一百三十七	嘉慶九年十一月下
卷之一百三十八	嘉慶九年十二月
卷之一百三十九	嘉慶十年正月
卷之一百四十	嘉慶十年二月
卷之一百四十一	嘉慶十年三月
卷之一百四十二	嘉慶十年四月
卷之一百四十三	嘉慶十年五月上

卷之一百四十四	嘉慶十年五月下
卷之一百四十五	嘉慶十年六月
卷之一百四十六	嘉慶十年閏六月
卷之一百四十七	嘉慶十年七月
卷之一百四十八	嘉慶十年八月上
卷之一百四十九	嘉慶十年八月下
卷之一百五十	嘉慶十年九月
卷之一百五十一	嘉慶十年十月
卷之一百五十二	嘉慶十年十一月上

卷之一百五十三	嘉慶十年十一月下
卷之一百五十四	嘉慶十年十二月上
卷之一百五十五	嘉慶十年十二月下
卷之一百五十六	嘉慶十一年正月
卷之一百五十七	嘉慶十一年二月
卷之一百五十八	嘉慶十一年三月
卷之一百五十九	嘉慶十一年四月
卷之一百六十	嘉慶十一年五月上
卷之一百六十一	嘉慶十一年五月下

卷之一百六十二	嘉慶十一年六月上
卷之一百六十三	嘉慶十一年六月下
卷之一百六十四	嘉慶十一年七月
卷之一百六十五	嘉慶十一年八月
卷之一百六十六	嘉慶十一年九月上
卷之一百六十七	嘉慶十一年九月下
卷之一百六十八	嘉慶十一年十月上
卷之一百六十九	嘉慶十一年十月下
卷之一百七十	嘉慶十一年十一月上

卷之一百七十一	嘉慶十一年十一月下
卷之一百七十二	嘉慶十一年十二月
卷之一百七十三	嘉慶十二年正月
卷之一百七十四	嘉慶十二年二月上
卷之一百七十五	嘉慶十二年二月下
卷之一百七十六	嘉慶十二年三月
卷之一百七十七	嘉慶十二年四月上
卷之一百七十八	嘉慶十二年四月下
卷之一百七十九	嘉慶十二年五月上

卷之一百八十	嘉慶十二年五月下
卷之一百八十一	嘉慶十二年六月上
卷之一百八十二	嘉慶十二年六月下
卷之一百八十三	嘉慶十二年七月
卷之一百八十四	嘉慶十二年八月
卷之一百八十五	嘉慶十二年九月
卷之一百八十六	嘉慶十二年十月
卷之一百八十七	嘉慶十二年十一月上
卷之一百八十八	嘉慶十二年十一月下

卷之一百八十九	嘉慶十二年十二月上
卷之一百九十	嘉慶十二年十二月下
卷之一百九十一	嘉慶十三年正月
卷之一百九十二	嘉慶十三年二月
卷之一百九十三	嘉慶十三年三月
卷之一百九十四	嘉慶十三年四月
卷之一百九十五	嘉慶十三年五月
卷之一百九十六	嘉慶十三年閏五月
卷之一百九十七	嘉慶十三年六月

卷之一百九十八	嘉慶十三年七月上	實錄目錄	三
卷之一百九十九	嘉慶十三年七月下		
卷之二百	嘉慶十三年八月		
卷之二百一	嘉慶十三年九月		
卷之二百二	嘉慶十三年十月		
卷之二百三	嘉慶十三年十一月		
卷之二百四	嘉慶十三年十二月上		
卷之二百五	嘉慶十三年十二月下		
卷之二百六	嘉慶十四年正月		

卷之二百七	嘉慶十四年二月	實錄目錄	四
卷之二百八	嘉慶十四年三月		
卷之二百九	嘉慶十四年四月上		
卷之二百十	嘉慶十四年四月下		
卷之二百十一	嘉慶十四年五月上		
卷之二百十二	嘉慶十四年五月下		
卷之二百十三	嘉慶十四年六月上		
卷之二百十四	嘉慶十四年六月下		
卷之二百十五	嘉慶十四年七月上		

卷之二百十六	嘉慶十四年七月下
卷之二百十七	嘉慶十四年八月
卷之二百十八	嘉慶十四年九月
卷之二百十九	嘉慶十四年十月
卷之二百二十	嘉慶十四年十一月上
卷之二百二十一	嘉慶十四年十一月下
卷之二百二十二	嘉慶十四年十二月上
卷之二百二十三	嘉慶十四年十二月下
卷之二百二十四	嘉慶十五年正月

卷之二百二十五	嘉慶十五年二月上
卷之二百二十六	嘉慶十五年二月下
卷之二百二十七	嘉慶十五年三月
卷之二百二十八	嘉慶十五年四月
卷之二百二十九	嘉慶十五年五月上
卷之二百三十	嘉慶十五年六月下
卷之二百三十一	嘉慶十五年七月上
卷之二百三十二	嘉慶十五年七月下
卷之二百三十三	嘉慶十五年八月

卷之二百三十四	嘉慶十五年九月
卷之二百三十五	嘉慶十五年十月
卷之二百三十六	嘉慶十五年十一月
卷之二百三十七	嘉慶十五年十二月
卷之二百三十八	嘉慶十六年正月
卷之二百三十九	嘉慶十六年二月
卷之二百四十	嘉慶十六年三月
卷之二百四十一	嘉慶十六年閏三月
卷之二百四十二	嘉慶十六年四月

卷之二百四十三	嘉慶十六年五月
卷之二百四十四	嘉慶十六年六月上
卷之二百四十五	嘉慶十六年六月下
卷之二百四十六	嘉慶十六年七月
卷之二百四十七	嘉慶十六年八月
卷之二百四十八	嘉慶十六年九月
卷之二百四十九	嘉慶十六年十月
卷之二百五十	嘉慶十六年十一月
卷之二百五十一	嘉慶十六年十二月上

卷之二百五十二

嘉慶十六年十二月下

卷之二百五十三

嘉慶十七年正月

卷之二百五十四

嘉慶十七年二月

卷之二百五十五

嘉慶十七年三月

卷之二百五十六

嘉慶十七年四月

卷之二百五十七

嘉慶十七年五月

卷之二百五十八

嘉慶十七年六月

卷之二百五十九

嘉慶十七年七月

卷之二百六十

嘉慶十七年八月

卷之二百六十一

嘉慶十七年九月

卷之二百六十二

嘉慶十七年十月

卷之二百六十三

嘉慶十七年十一月

卷之二百六十四

嘉慶十七年十二月

卷之二百六十五

嘉慶十八年正月

卷之二百六十六

嘉慶十八年二月

卷之二百六十七

嘉慶十八年三月

卷之二百六十八

嘉慶十八年四月

卷之二百六十九

嘉慶十八年五月

卷之二百七十	嘉慶十八年六月	實錄一 卷 三
卷之二百七十一	嘉慶十八年七月	
卷之二百七十二	嘉慶十八年八月	
卷之二百七十三	嘉慶十八年九月上	
卷之二百七十四	嘉慶十八年九月中	
卷之二百七十五	嘉慶十八年九月下	
卷之二百七十六	嘉慶十八年十月上	
卷之二百七十七	嘉慶十八年十月下	
卷之二百七十八	嘉慶十八年十一月上	

卷之二百七十九	嘉慶十八年十一月下
卷之二百八十	嘉慶十八年十二月上
卷之二百八十一	嘉慶十八年十二月下
卷之二百八十二	嘉慶十九年正月上
卷之二百八十三	嘉慶十九年正月下
實錄一 卷	三
卷之二百八十四	嘉慶十九年二月上
卷之二百八十五	嘉慶十九年二月下
卷之二百八十六	嘉慶十九年閏二月
卷之二百八十七	嘉慶十九年三月上

卷之二百八十八	嘉慶十九年三月下
卷之二百八十九	嘉慶十九年四月
卷之二百九十	嘉慶十九年五月上
卷之二百九十一	嘉慶十九年五月下
卷之二百九十二	嘉慶十九年六月
卷之二百九十三	嘉慶十九年七月
卷之二百九十四	嘉慶十九年八月上
卷之二百九十五	嘉慶十九年八月下
卷之二百九十六	嘉慶十九年九月上

卷之二百九十七	嘉慶十九年九月下
卷之二百九十八	嘉慶十九年十月
卷之二百九十九	嘉慶十九年十一月
卷之三百	嘉慶十九年十二月上
卷之三百一	嘉慶十九年十二月下
卷之三百二	嘉慶二十年正月
卷之三百三	嘉慶二十年二月
卷之三百四	嘉慶二十年三月
卷之三百五	嘉慶二十年四月

卷之三百六	嘉慶二十年五月	寶錄一集	三
卷之三百七	嘉慶二十年六月		
卷之三百八	嘉慶二十年七月		
卷之三百九	嘉慶二十年八月		
卷之三百十	嘉慶二十年九月		
卷之三百十一	嘉慶二十年十月		
卷之三百十二	嘉慶二十年十一月		
卷之三百十三	嘉慶二十年十二月上		
卷之三百十四	嘉慶二十年十二月下		

卷之三百十五	嘉慶二十一年正月	寶錄一集	三
卷之三百十六	嘉慶二十一年二月		
卷之三百十七	嘉慶二十一年三月		
卷之三百十八	嘉慶二十一年四月		
卷之三百十九	嘉慶二十一年五月		
卷之三百二十	嘉慶二十一年六月		
卷之三百二十一	嘉慶二十一年七月		
卷之三百二十二	嘉慶二十一年八月		
卷之三百二十三	嘉慶二十一年九月		
卷之三百二十四	嘉慶二十一年十月		

卷之三百二十四

嘉慶二十一年十一月

卷之三百二十五

嘉慶二十一年十二月

卷之三百二十六

嘉慶二十二年正月

卷之三百二十七

嘉慶二十二年二月

卷之三百二十八

嘉慶二十二年三月

卷之三百二十九

嘉慶二十二年四月

卷之三百三十

嘉慶二十二年五月

卷之三百三十一

嘉慶二十二年六月

卷之三百三十二

嘉慶二十二年七月

卷之三百三十三

嘉慶二十二年八月

卷之三百三十四

嘉慶二十二年九月

卷之三百三十五

嘉慶二十二年十月

卷之三百三十六

嘉慶二十二年十一月

卷之三百三十七

嘉慶二十二年十二月

卷之三百三十八

嘉慶二十三年正月

卷之三百三十九

嘉慶二十三年二月

卷之三百四十

嘉慶二十三年三月

卷之三百四十一

嘉慶二十三年四月

卷之三百四十二	嘉慶二十三年五月
卷之三百四十三	嘉慶二十三年六月
卷之三百四十四	嘉慶二十三年七月
卷之三百四十五	嘉慶二十三年八月
卷之三百四十六	嘉慶二十三年九月上
卷之三百四十七	嘉慶二十三年九月下
卷之三百四十八	嘉慶二十三年十月
卷之三百四十九	嘉慶二十三年十一月上
卷之三百五十	嘉慶二十三年十一月下

卷之三百五十一	嘉慶二十三年十二月上
卷之三百五十二	嘉慶二十三年十二月下
卷之三百五十三	嘉慶二十四年正月
卷之三百五十四	嘉慶二十四年二月
卷之三百五十五	嘉慶二十四年三月
卷之三百五十六	嘉慶二十四年四月
卷之三百五十七	嘉慶二十四年閏四月
卷之三百五十八	嘉慶二十四年五月
卷之三百五十九	嘉慶二十四年六月

卷之三百六十	嘉慶二十四年七月
卷之三百六十一	嘉慶二十四年八月
卷之三百六十二	嘉慶二十四年九月
卷之三百六十三	嘉慶二十四年十月
卷之三百六十四	嘉慶二十四年十一月
卷之三百六十五	嘉慶二十四年十二月
卷之三百六十六	嘉慶二十五年正月
卷之三百六十七	嘉慶二十五年二月
卷之三百六十八	嘉慶二十五年三月

卷之三百六十九	嘉慶二十五年四月
卷之三百七十	嘉慶二十五年五月上
卷之三百七十一	嘉慶二十五年五月下
卷之三百七十二	嘉慶二十五年六月
卷之三百七十三	嘉慶二十五年七月上
卷之三百七十四	嘉慶二十五年七月下

大清仁宗受天興運數化綏猷崇文經武孝恭	勤儉端敏英哲睿皇帝實錄目錄	實錄目錄	四十五
--------------------	---------------	------	-----

進	實錄表	<p>建康府知府長子傅興殿學士刑部尚書鑒察欽奉南事世宗憲聖訓院掌院學士曹振鏞太子太保文淵閣筆直學士刑部尚書黃均休致學士兩廣總督臣趙起福汪官太子內侍臣大司馬胡林慶等稽察欽奉</p> <p>去衛軍營處辦大學士和碩肅親王院掌院學士敦賢原署總管務所大臣據奏據滿洲副統書統領管理銀工庫各案</p> <p>此清湖廣處總巡按御史楊芳卿稟奏督院西洋書務其和碩親王太子太保禮部尚書書房行未次殿</p> <p>陳微雲國子監書務江蘇巡撫議官吏部尚書領銜內大臣環藍張滿洲都統管理圓明園福滿洲內務府二旗官兵</p> <p>總理戶部事務吏部左侍郎國史館副總裁教習翰林院庶吉士貢之等誠惶誠恐稽首頓首</p>	上言伏以	實錄表	<p>元樞開景運中天垂久照之光</p> <p>皇極錫敷言億禩奉守成之準</p> <p>舜紹堯而授受勲華萃於一家</p> <p>武纘</p> <p>文而覲揚謨烈昭夫七葉道貫乎上古中古邁萬八千筴以立隆事徵諸見知聞知並五三六經而傳信溯初政之聽聰衣德皆</p>
---	-----	--	------	-----	--

繼	志	述	事之全心維	洪圖之過化存神允	垂裕	詒謀之大法盛自生民所未有。頌故沒世不能忘。肅跪陳編。莊薰捧錄。欽惟	仁宗受天興運。敷化綏猷。崇文經武。孝恭勤儉。	實錄表	端敏英哲睿皇帝	天亶生知。	時雍表被立敬信孝慈之則。大哉	為君協哲謀肅乂之經。負乎	作聖紀	誕祥於虹渚。奇徵鍾天地之春。兆	受命於	軒吟。吉宇定神人之券。始	薦德而
---	---	---	-------	----------	----	-----------------------------------	------------------------	-----	---------	-------	----------------	--------------	-----	-----------------	-----	--------------	-----

上穹祐薦既	奏名而	列祖馨聞	金繩啟乙卯之緘。青宮主毫	瑤篆拜丙辰之璽。彤陛垂裳。當體元和會之期	膺	手授泰平之祚。十六字危微精一。祇庸悉本乎	心傳。廿五年兢業幾康	彝憲宜銘。夫汗簡惟是	實錄表	巍巍不與	蕩蕩難名。詩有頌書有典。謨	德莫窮乎盡善盡美	道在人。政在方策。義實繫乎	丕顯	丕承敬哀六事之宏綱。仰測	全猷之廣運。夫	聖人為能饗	帝精禋昭假於無形。惟至誠故曰配
-------	-----	------	--------------	----------------------	---	----------------------	------------	------------	-----	------	---------------	----------	---------------	----	--------------	---------	-------	-----------------

天健德自彊而不息聞	南郊	北郊之記合漢通微	定用辛用戌之期考時訂禮貯靈靈承於	右社	祈晴新譜樂章懷柔徧秩於羣神告祭更增吉	典却輿衛而	步臨	崇壇甘雨立霑塵宣防而	默禱	御園安瀾馳奏猶且	凜	天人之交感謝符瑞而不書省歲或愆即	返躬而罪己庶徵克應必竭力以報	恩以祥雲膏澍為嘉珍悉屏回玉池璣之獻以	物阜年康為上理不侈聯珠合璧之奇	每觀歧麥穎禾轉深	寅畏偶值風霽日仄
-----------	----	----------	------------------	----	--------------------	-------	----	------------	----	----------	---	------------------	----------------	--------------------	-----------------	----------	----------

屢詔諫言蓋旦明上協於	鑒臨斯位育直彌於宙合此	聖敬昭事之實也攷	錫居毓慶之年泊	傳統太和之會暉騰鏤管	受	恩因誌以	感	恩采曜	睿題	繼德爰遵以	鑑德	訓政則	聖咨	聖聰偕萬國並申尊養之隆賡詩則	帝和	帝歌等百王無此遭逢之盛迨倚廬盡禮抒	孝思萬倍恒情及
------------	-------------	----------	---------	------------	---	------	---	-----	----	-------	----	-----	----	----------------	----	-------------------	---------

親政臨軒述

考烈終身孺慕

原陵敷土舉豐阡畢陌以兼崇

寢廟居歆循時孟歲終以告絜景遺徽於

二聖弧矢恭瞻誦懿訓於

六朝羹牆宛接篤宗盟則敬修

玉牒育胄子則

恩試瑣闥瞻

陪都為

王業所基再勤

星卑俾後嗣識

家風之古移駐天潢猗哉錫類展親允矣恩明

誼美此

聖孝繩承之實也

君子所其無逸

至聖足以有臨

豫奮雷霆欽瘴惡懲貪之斷

離懸日月絕蔽聰獎聽之私戒專擅復戒因循

紀綱霜肅減盈餘并減進奉筦權風清
行以

實心寬大不疑於任使慎乃

儉德細微先謹於宮庭

欽恤及庶獄庶言聽訟暨慎刑並惕懷保在民

依民莫諱災與侵賑交嚴禁開礦禁攤

徵計利之謀盡斥止捐廉止扣餉益下

之惠大孚清儲粟於通倉獎除黑檔籌

飛芻於運道引戒黃流六度治河軼四

載平成之績百川導海貽億年底定之

休通肺石而民隱悉

聞

命額楣而官箴徧勗惟無過常思改過彌宏

虛受之衷能察言尤望進言

特製諫臣之論此

聖治勵精之實也

思化民而成俗吏別賢愚期除莠而安良道先

教養勸農

首咨稼穡播廿四氣玉琯之音授衣	敦勸桑麻續十六詠木棉之繪春祺	錫羨寰區皆擊壤歌衢冬令加	恩畿甸盡含舖挾纊	飭庾郵之需擾勤甲戶之編查賦軫東南縱樂	歲而浮收必禁屯修戊己始吉林而壤	利咸開一隅之水毀金饑	立加振貸千萬之陳逋積賦	普予蠲除	巡津浞而省方金隄豫籌蓄洩	莅臺懷而錫福	帷宮力戒鋪張	惠溥旗營許養育載添兵額	禁申蹕路	諭經由母道農田守永不加賦之規	澤周鱗籍布罔治脅從之	詔赦逮雞竿此	聖德覃敷之實也
----------------	----------------	--------------	----------	--------------------	-----------------	------------	-------------	------	--------------	--------	--------	-------------	------	----------------	------------	--------	---------

天縱文思	日新典學虎闌	毓粹	味餘基蒙養之功能井賡吟	詩教寓元良之付養初二三餘成七集理包義	畫禹疇景道德仁藝為四箴意切湯盤	孔鼎宣	講筵之奧旨朵殿論思舉辟水之上儀園橋觀	聽詠春秋二百卅載兼賅通鑑本末之	全述尚書五十八篇更題幽雅歲時之	什瀛洲	寵莅韻重聯東壁西園玉海	尊藏錄益廣珠林寶笈雅頌輯	熙朝之集首冠	奎章箕裘凜	嗣服之思續編	宮史采唐文一千卷陋文苑文粹之編纂	明鑑十五傳炯監夏監殷之意誦
------	--------	----	-------------	--------------------	-----------------	-----	--------------------	-----------------	-----------------	-----	-------------	--------------	--------	-------	--------	------------------	---------------

先烈而事書松杏

念舊學而歲繹心身既敷德以祇台亦經邦以

顓俊

行殿則兩番召試

慶典則四次加科觀光而

嘉惠耆儒八九秩者迭登兩榜唱第而臚傳盛

事四十年內再得三元試准防丁勁旅

知方以鼓篋學興苗峒左言負未以橫

經此

聖謨丕煥之寶也緬濯征於

列聖騎射敢忘紹羸績於

十全聲靈誕赫肆勤

南苑期門訓秉

威弧校閱

上蘭藩部光親

行幄苗征敵愾羽干來格於兩階蓮教穢渠氛

稔全清於四省絕重洋之接濟閩浙粵

浪靜鯨鯢誅三孽之訛妖燕豫齊穴空

狐鼠皆旋起而旋滅自外生成惟能斷

而能謀剋徵

者定是以名王慕化紅鹽獻回樂之池屬國輸

誠元菟肅朝正之使珍瞻夷於蜀甸佛

香則衛藏通郵殪獯匪於滇陬金葉則

緬酋奉表謹卡倫之舊地

恩威並懾西番

嘉歸順之新藩名號特嚴南越

詔封守毋滋邊釁三萬里鎮玉斧之疆慎撫馭

以服遠人千百國集瑤筐之貢此

聖功綏靖之寶也凡此旨千文萬牘

敬

天

法

祖

勤政

愛民

經文

緯武之崇勲莫非內聖外王本	存誠戒偽	思艱圖易	勸賞畏刑之	至論所由	撫辰凝績紀元踵盛於	三朝	周甲延禧丕冒率俾於六合方謂	紫垣戴日常依	實錄表	泰表之暉何期	蒼狩勤民俄奉	鼎成之誥建極保極歸有極知	神模烏奕於無窮大書特書不一書豈史帙掄	揚所能盡恭惟	皇帝陛下	性成至孝	治本敬承追維作噩之秋	勲膺桐爵肇汴屠維之夏
									十一									

策豫籬圖痛瞻	玉几之憑寅受	芝函之命恭上	徽稱	尊諡慕切軒弓仰思	聖德	神功文光禹碣猗	契孚於	陟降彌	實錄表	志篤夫式刑爰於嘉慶二十五年九月	敕命	裁官	總纂官	總纂官	德興臣師承瀚臣那峨臣將士鑄臣陳繼昌臣姚元之臣王丙臣李昭美臣許乃廣臣周	祖培臣善堅臣方傳穆臣凌泰封臣邵正芳臣陳功臣張萬年臣勒爾經額臣景煥	臣福祿臣阿達順臣喜慶臣平慶臣善寶臣福倫臣志福臣西靈阿臣台明臣多	歡臣德齡臣連貴臣宗室克瑞臣英泰臣英昭臣覺羅祥泰臣奎亮臣端崇臣祥
									十一		臣曹振鏞為監修總裁官臣戴均元臣伯麟臣英和臣汪廷珍為總	臣文孚臣王引之臣杜塔臣周系英為副總裁官臣貴慶臣巴璠阿	臣胡達源臣松泰臣音德布為提調官臣阿廉臣黃怡德臣景善臣威人鏡為	臣容安臣鍾昌臣彭邦壽臣宗室法高阿為總校官臣穆馨阿臣				

林臣富僧額臣納蘇泰臣尼昌阿臣松阿里臣英俊臣福謙臣觀光臣慶安臣岳素圖	臣賽音博勒格臣貴福臣常明臣布彥圖臣法堂阿臣象齡臣熊兆臣嗣昌阿臣惠成	臣兆恆臣德成額臣文惠為纂修官地依龍禁人直駕	霄探黃本於璣囊萃	丹毫於瓊檢	廟畧則籍詳記注	宸章則簿按絲綸	聖人之情見乎辭其事其義其文上稽	御集天下之動觀其會繫年繫月繫日兼訂史	實錄表	書凡章程一秉夫	鑒裁即字體亦遵夫	指示謹竭捫籥扣槃之智蔚為超圖溢牒之	觀昔經序進於編摩	披勤乙覽茲幸告竣於纂校才媿三長恭成	仁宗睿皇帝實錄聖訓合凡例目錄清漢蒙古	文共一千三百五十四卷敬繕	御製序文於簡首盥沐進	呈臣等竊觀
-----------------------------------	-----------------------------------	-----------------------	----------	-------	---------	---------	-----------------	--------------------	-----	---------	----------	-------------------	----------	-------------------	--------------------	--------------	------------	-------

為章倬漢	稽古同天崇濬守於	實書仰喬皇於	金匱肅	九重而端冊	當宁拜登備三體而同文羣藩膜頌地嚴東	庫薇省恭藏位接西極	桂宮燦設霞明綈錦	鐫門之祕室先開旭麗髹箱	實錄表	幽館之層樓載啟伏願	先覺覺世	成憲	憲章率由謹而不愆不忘垂統昭而之綱之	紀博厚高明則悠久	至人合撰於穆清蕩平正直以訓行我	后重光於繼序從此同符壹揆勒崇垂閱	作者聖	述者明合惟修惟和惟敘惟歌而長欽巍煥
------	----------	--------	-----	-------	-------------------	-----------	----------	-------------	-----	-----------	------	----	-------------------	----------	-----------------	------------------	-----	-------------------

行為法

言為則胥所覆所載所照所隊而莫不尊親臣

等無任瞻

天仰

聖度肅忭幸之至謹奉

表隨

進以

聞

寶錄表

十六

道光四年四月二十日臣等謹將法官字樣大數等事開列清單呈請御覽事竊查法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

等處辦理理應於庫房設法保存並經臣等督同各該管庫房將法官字樣大數等事開列清單呈請御覽事

修纂官

監修總裁官

總纂官 監修總裁官 太子太傅武英殿大學士翰林院掌院學士管理工部事務 曹振鏞

總裁官

太子太保文淵閣大學士管理刑部事務 戴均元

休 致 大 學 士 伯 麟

經筵講官太子少保編修大學士戶部尚書翰林院掌院學士 英 和

經筵講官太子太保理部尚書管理國子監事務 汪廷珍

左 都 御 史 松 筠

副總裁官

經筵講官吏部尚書 文 孚

經筵講官吏部左侍郎 王 引之

吏部右侍郎 杜 琦

工部左侍郎 周 系英

戶部右侍郎 恩 銘

舍 場 侍 郎 博 啟圖

前任 左 都 御 史 王 鼎

前任 刑部左侍郎 廉 善

提調官									
候	補	主	事	貴	慶				
頭	等	侍	衛	臣	巴珠阿				
翰林	院	編	修	臣	胡達源				
禮	部	主	事	臣	裕泰				
理	藩	院	主	事	臣	音德布			
兵	科	給	事	中	臣	許乃濟			
翰林	院	編	修	臣	許乃普				
安	肅	肅	州	府	知	府	臣	麟慶	
修纂官									
雲	南	大	理	府	知	府	臣	吳振斌	
原	任	太	常	寺	卿	臣	長旺		
原	任	江	寧	布	政	使	臣	額特布	
總纂官									
刑	部	右	侍	郎	臣	史致儼			
翰林	院	侍	講	學	士	福建	學	政	臣
						沈維鐸			
刑	部	員	外	郎	臣	阿廉			
工	部	候	補	主	事	臣	黃怡德		
兵	部	員	外	郎	臣	景善			

盛	京	刑	部	侍	郎	臣	同麟		
江	西	九	江	府	同	知	臣	忠福	
原	任	兵	部	員	外	郎	臣	王慶	
署總纂官									
在	館	勅	力	臣	威人鏡				
總校官									
二	等	侍	衛	世	襲	三	等	子	臣
日	攝	起	居	注	官	翰林	院	侍	講
						學	士	臣	鍾昌
國	子	監	祭	酒	臣	彭邦嘯			
纂修官									
兵	部	員	外	郎	臣	宗室法式高阿			
翰林	院	侍	講	學	士	臣	穆替阿		
翰林	院	編	修	臣	德興				
日	攝	起	居	注	官	詹	事	府	右
						春	坊	右	贊
						善	臣	那峨	
詹	事	府	右	春	坊	右	贊	善	臣
翰林	院	編	修	臣	蔣立鏞				
翰林	院	編	修	臣	陳繼昌				
翰林	院	編	修	臣	姚元之				

翰林院編修 伍宜福	掌廣東道監察御史 楊希銓	掌陝西道監察御史 楊九畹	京畿道監察御史 程邦寬	福建道監察御史 趙柄	陝西道監察御史 陳湜	四川鹽茶道 周之琦	廣西右江兵備道 伍長華	浙江嘉興府知府 羅尹孚	修纂官 五	江西九江府知府 錢騷	刑部主事 勒爾經額	禮部員外郎 景煥	戶部主事 福祿	戶部主事 阿達順	吏部主事 善慶	吏部候補主事 平慶	內務府員外郎 善寶	曉晴 校書 福倫
--------------	-----------------	-----------------	----------------	---------------	---------------	--------------	----------------	----------------	----------	---------------	--------------	-------------	------------	-------------	------------	--------------	--------------	----------------

六	品	廕	生	志	福
戶	部	主	事	西	靈阿
世	襲	雲	騎	尉	台明
太	僕	寺	主	事	多歡
世	襲	雲	騎	尉	德齡
太	常	寺	詣	祝	官連貴
宗	人	府	候	補	主事宗室克瑞
吏	部	筆	帖	式	英英泰
刑	部	主	事	英	昭
修纂官					
內	閣	侍	讀	覺	羅祥泰
主	事	職	銜	內	閣中書奎亮
吏	部	主	事	端	崇
刑	科	筆	帖	候	補主事祥林
兵	部	筆	帖	式	富僧額
理	藩	院	候	補	主事德成
盛	京	戶	部	主	事景德
兵	部	郎	中	臣	納蘇泰
理	藩	院	郎	中	臣尼昌阿

理	藩	院	主	事	松阿里
國	子	監	助	秋	英俊
候	補	筆	帖	式	福謙
主	事	職	銜	內	閣中書觀光
理	藩	院	貼	寫	筆帖式慶安
理	藩	院	筆	帖	式岳素圖
理	藩	院	貼	寫	筆帖式賽音博勒格
主	事	職	銜	內	閣中書常明
修纂官					
頭	等	侍	衛	布	彥圖
理	藩	院	貼	寫	筆帖式法豐阿
二	等	侍	衛	世	襲一等子策齡
理	藩	院	筆	帖	式熊兆
理	藩	院	主	事	嗣昌阿
候	補	中	書	惠	成
理	藩	院	筆	帖	式兆恒
理	藩	院	筆	帖	式德成額
候	補	筆	帖	式	文惠

內閣	步軍統領衙門額外主事	步軍統領衙門筆帖式	工部庫	宗人府候補筆帖式	太僕寺額外主事	刑部額外主事	驍騎	繕書房候補筆帖式	協修官				原任山東道監察御史	原任兵部候補主事	原任翰林院編修廣東學政	廣東廉州府同知	安徽太平府同知	安徽和州知州	太僕寺員外郎
文治	咸齡	巴凌阿	那明阿	宗室果勒明阿	定琨	雙祿	恒明	達薩布	協修官				宗山	恒福	朱階吉	額魯禮	巴尼善	崇保	同福
籍臣	事臣	式臣	使臣	式臣	事臣	事臣	校臣	式臣	協修官				御史	事臣	封臣	知臣	知臣	州臣	郎臣

國子監	候補中書	理藩院學習筆帖式	候補編譯官	理藩院候補筆帖式	兵部員外郎	副護軍叅領	護軍叅領	內務府候補委署主事	戶部額外主事	二等侍衛侍衛什長	內務府主事職銜	驍騎	副叅領	內務府主事職銜	內務府主事職銜	內務府主事職銜	宗人府候補主事	兵部主事
富尼雅杭阿	富興泰	富成	富尼雅杭阿	文彬	克什布	圖們祿	張仙保	毓祺	文光	文通	瑞慶	富勒洪額	孔廣安	富貴	和盛額	宗室奕毓	關聖保	
習臣	書臣	式臣	官臣	式臣	郎臣	領臣	領臣	事臣	事臣	長臣	銜臣	校臣	領臣	銜臣	事臣	事臣	事臣	

仁宗實錄 首卷四

候選直隸州知州	秀山	河南彰德府通判	多爾濟扎布	收掌官	內閣學習中書	書臣	穆克登阿	主事職銜翰林院筆帖式	書臣	蘇芳阿	內務府候補主事	書臣	吉爾湛泰	內務府候補主事	書臣	文芳	工部候補筆帖式	書臣	查克丹	南苑委署主事	書臣	松桂	內閣中書	書臣	阿勒經阿	內閣中書	書臣	德隆阿	內務府郎中	書臣	廣禮	內閣中書	書臣	瑞凱	翰林院筆帖式	書臣	烏郎阿	理藩院司務	書臣	寶桂	翰林院筆帖式	書臣	景文	工部筆帖式	書臣	奎清	太常寺贊禮郎	書臣	興齡
---------	----	---------	-------	-----	--------	----	------	------------	----	-----	---------	----	------	---------	----	----	---------	----	-----	--------	----	----	------	----	------	------	----	-----	-------	----	----	------	----	----	--------	----	-----	-------	----	----	--------	----	----	-------	----	----	--------	----	----

內務府員外郎	延衡	宗學副管	宗室德恒布	翰林院筆帖式	書臣	德亮	翰林院侍讀	書臣	德祿	內閣侍讀	書臣	福昇阿	內閣中書	書臣	覺羅德舒	內閣中書	書臣	雙魁	盛京戶部司庫	書臣	伍勒興阿	主事職銜內閣中書	書臣	穆蘭泰	主事職銜內閣中書	書臣	特通安	內閣貼寫中書	書臣	多爾濟善	內閣學習中書	書臣	吉隆阿	工部候補筆帖式	書臣	惠麟	內閣學習中書	書臣	全祿	內閣學習中書	書臣	善福	內閣貼寫中書	書臣	哈當阿	理藩院主事	書臣	布延博勒格	主事職銜內閣中書	書臣	多斌
--------	----	------	-------	--------	----	----	-------	----	----	------	----	-----	------	----	------	------	----	----	--------	----	------	----------	----	-----	----------	----	-----	--------	----	------	--------	----	-----	---------	----	----	--------	----	----	--------	----	----	--------	----	-----	-------	----	-------	----------	----	----

校對官

兵部候補主事	兵部主事	吏部主事	刑部筆帖	禮部筆帖	鑾儀衛筆帖	三等侍衛	內務府主事	兵部候補主事	刑部筆帖	四等侍衛	三等侍衛	刑部候補筆帖	通政司筆帖	兵部堂主事	刑部筆帖	詹事府筆帖	鴻臚寺學習主簿
事臣蘇滿達	事臣恒春	式臣春明	式臣蘇誠額	式臣阿昆布	事臣宗室祥林	事臣文燾	事臣文丕	式臣文剛	式臣岳昌	事臣宗室恩瑞	式臣福英阿	式臣景昌	式臣楊咏頌	式臣花尚阿	式臣薩克當阿	式臣鍾祥	

戶部學習主事	內閣中書	太僕寺候補筆帖	吏部筆帖	禮部筆帖	世襲一等輕車都尉	宗人府筆帖	理藩院候補筆帖	宗人府候補筆帖	理藩院候補筆帖	內閣貼寫中書	理藩院候補主事	吏部候補筆帖	通政司筆帖	吏部筆帖	太僕寺主事	宗人府筆帖	國子監筆帖
事臣重謙	書臣文枚	式臣成慶	式臣璣祿	式臣致祥	尉臣高烜	式臣宗室興年	式臣德溥	式臣宗室德崇布	式臣瑞長	書臣文俊	事臣崇綬	式臣貴達	式臣禧淳	式臣德隆	事臣舒興阿	式臣宗室海枚	式臣朱魯

仁宗實錄 首卷四

內	戶	內	兵	兵	工	內	刑	內	翰	禮	大	四	翰	戶	大	內	都
間	部	間	部	部	部	間	部	間	林	部	理	等	林	部	理	間	察
候	候	候	候	候	候	候	候	候	院	部	寺	寺	院	部	寺	院	院
補	補	補	補	補	補	補	補	補	筆	主	司	侍	筆	帖	筆	筆	筆
中	主	中	主	主	主	中	主	中	帖	帖	司	侍	帖	帖	帖	帖	帖
書臣	書臣	書臣	書臣	書臣	書臣	書臣	書臣	書臣	武臣	書臣	書臣	書臣	武臣	武臣	武臣	書臣	武臣
張祥河	阮常生	陳寶儉	李如璋	蔣明遠	張培誠	沈欽霖	詹汝諧	胡培華	清祥	達興	徵良	文厚	鍾秀	舒文	富克精阿	慶長	麟魁

戶	內	工	吏	起	刑	禮	吏	內	戶	吏	吏	禮	內	兵	內	工	刑
部	間	部	部	居	部	部	部	間	部	部	部	部	間	部	間	部	部
員	候	候	候	注	候	候	筆	候	部	部	部	候	候	候	候	候	候
外	補	補	補	主	補	補	帖	主	主	主	主	補	補	補	補	主	補
郎臣	中	主	主	主	主	主	帖	主	主	主	主	中	主	主	中	主	主
尹佩珩	書臣	書臣	書臣	書臣	書臣	書臣	武臣	書臣	書臣	書臣	書臣	書臣	書臣	書臣	書臣	書臣	書臣
	牛鎮	胡希周	豫泰	王綬	譔厚光	陳世泰	希靈阿	陳寶楠	莫南采	那丹珠	熊如澍	甯蘭森	金應麟	康志勳	蘇應珂	福保	李印萬

吏部	工部	吏部	兵部	戶部	工部	工部	戶部	刑部	內閣	禮部	戶部	戶部	禮部	刑部	工部	禮部	兵部
部	部	部	部	部	部	部	部	部	閣	部	部	部	部	部	部	部	部
候補	主事	候補	候補	候補	候補	候補	候補	候補	中	員外	員外	員外	候補	主事	員外	候補	候補
主事	郎中	主事	郎中	主事	主事	主事	主事	主事	書	郎	郎	郎	主事	主事	主事	主事	主事
王允中	王見燁	高容聲	秦耀曾	陸以烜	傅繩勛	楊庚	李韞英	李鍾瀚	趙榮	韓俊杰	張頤雲	管通羣	陳修鼎	靳會昌	顧椿	恒泰	李本芳

內閣	理藩	內閣	太僕	理藩	理藩	理藩	理藩	理藩	刑部	兵部	吏部	內閣	戶部	工部	刑部	工部
學	院	學	寺	院	院	院	院	院	部	部	部	閣	部	部	部	部
習	習	習	習	習	習	習	習	習	筆	筆	筆	中	員外	候補	員外	員外
中書	帖	中書	帖	帖	帖	帖	帖	帖	帖	主事	主事	書	郎	主事	主事	郎
德恩	蘇克精額	阿爾珠阿	忠本	富珠隆阿	熙成	長勇	錫麟	圖塔布	富忠	雅隆阿	文德和	珠敦	彭永思	何汝霖	劉韻珂	關炳

仁宗實錄 首卷四

內閣學習中書臣	珠爾松阿
主事職銜戶部筆帖式臣	納勒赫
理藩院主事臣	鄂克敦布
主事職銜理藩院筆帖式臣	富隆阿
理藩院學習筆帖式臣	倭興額
都察院候補筆帖式臣	珠豐
欽天監筆帖式臣	鼎滿泰
禮部員外郎臣	伊克精額
候補員外郎臣	福拉納
候補筆帖式臣	祥麟
理藩院學習筆帖式臣	熙年
理藩院額外主事臣	富克津
工部候補筆帖式臣	克什克泰
太常寺贊禮郎臣	定陞
主事職銜國子監筆帖式臣	承順
理藩院員外郎臣	桂芬
內閣侍讀臣	王鈞
塔爾巴哈台辦理印務章京臣	齊克坦布

獨石口管站司員臣	景輝
繙譯官	
候補筆帖式臣	奇徹布
候補筆帖式臣	德凌阿
候補筆帖式臣	常桂
候補筆帖式臣	延恒泰
候補筆帖式臣	祥慶
候補筆帖式臣	穆克登安
候補筆帖式臣	覺羅克蒙阿
候補筆帖式臣	瑞安
候補筆帖式臣	德恒
候補筆帖式臣	恒熙
主事職銜戶部筆帖式臣	文明
候補筆帖式臣	麟舒
咸安宮教習候補筆帖式臣	常存
候補筆帖式臣	覺羅修德
候補筆帖式臣	瑞林

候	補	筆	帖	武臣	林桂
都察院候補筆帖	武臣	豐盛額			
舉	人臣	書英			
官	生臣	海明			
舉	人臣	榮緒			
官	生臣	那倫			
理藩院學筆帖	武臣	奎英			
理藩院學習筆帖	武臣	育銘			
候補筆帖	武臣	奇達勒台			
內閣候補中	書臣	伊史訥爾布			
刑部繕本筆帖	武臣	富海			
理藩院筆帖	武臣	松柏			
內閣候補中	書臣	富成			
候補筆帖	武臣	雙福			
候補筆帖	武臣	玉昌			
理藩院學習筆帖	武臣	德興			
內閣候補中	書臣	慶治			
理藩院候補筆帖	武臣	和錦			

仁宗實錄 首卷四

印	務	筆	帖	式臣	柏齡阿					
理	藩院	學	習	筆	帖	式臣	色克通額			
理	藩院	學	習	筆	帖	式臣	福純			
候	選	知	縣臣	穆晉泰						
理	藩院	行	走	筆	帖	式臣	奎文			
理	藩院	學	習	貼	寫	筆	帖	式臣	博麟	
理	藩院	候	補	筆	帖	式臣	奎英			
理	藩院	學	習	筆	帖	式臣	巴彥布			
候	補	筆	帖	式臣	祥英					
理	藩院	學	習	筆	帖	式臣	富英			
理	藩院	候	補	筆	帖	式臣	祿昌			
理	藩院	候	補	筆	帖	式臣	色普正額			
威安	官	蒙古	教	習	候	補	筆	帖	式臣	明魁
印	務	筆	帖	式臣	祥德					
理	藩院	學	習	筆	帖	式臣	昆明			
理	藩院	學	習	筆	帖	式臣	順慶			

理	藩院	學	習	筆	帖	式臣	瑞春	
太	僕	奇	學	習	筆	帖	式臣	烏喀達
戶	部	繕	本	筆	帖	式臣	蘇楞泰	
候	補	筆	帖	式臣	訥勒恒額			
候	補	筆	帖	式臣	莫德哩			
理	藩院	候	補	筆	帖	式臣	伊凌阿	
拔	貢	生	臣	那成安				
候	補	筆	帖	式臣	那容安			
候	補	筆	帖	式臣	額林布			
候	補	筆	帖	式臣	全斌			
威	京	刑	部	筆	帖	式臣	富清阿	
察	哈	爾	游	牧	主	事	臣	慶康
河	南	即	用	知	縣	臣	那英安	
分	發	福	建	鹽	大	使	臣	金嶸
山	東	候	補	縣	丞	臣	魁慶	
浙	江	候	補	鹽	大	使	臣	于惇敘
浙	江	候	補	鹽	大	使	臣	田澤
四	川	候	補	鹽	大	使	臣	王承燾

尉臣
岳松阿

嘉
策
歷
經
院
察
都
補
候

内
間
中
書
恒
每流

內閣學習中書臣覺羅德山

音

木

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

候
選
去
畢
目
柏
貴

售
運
豐
大
信
售
至

五

ス

Author	Year	Country	Sample Size	Study Design	Findings
Smith et al.	2015	USA	1,200	Longitudinal	Increased risk of depression in children of parents with mental illness.
Johnson et al.	2016	UK	800	Cross-sectional	Higher levels of anxiety in children of parents with anxiety disorders.
Lee et al.	2017	Canada	950	Longitudinal	Increased risk of substance use in children of parents with substance use disorders.
Chen et al.	2018	China	1,500	Cross-sectional	Higher levels of depression in children of parents with depression.
Miller et al.	2019	Australia	1,100	Longitudinal	Increased risk of conduct problems in children of parents with conduct disorders.
Wong et al.	2020	USA	1,300	Cross-sectional	Higher levels of anxiety in children of parents with anxiety disorders.
Patel et al.	2021	India	1,400	Longitudinal	Increased risk of depression in children of parents with depression.
Kim et al.	2022	South Korea	1,600	Cross-sectional	Higher levels of anxiety in children of parents with anxiety disorders.
Nguyen et al.	2023	Vietnam	1,700	Longitudinal	Increased risk of depression in children of parents with depression.
Alvarez et al.	2024	Spain	1,800	Cross-sectional	Higher levels of anxiety in children of parents with anxiety disorders.
Costa et al.	2025	Portugal	1,900	Longitudinal	Increased risk of depression in children of parents with depression.
Miller et al.	2026	USA	2,000	Cross-sectional	Higher levels of anxiety in children of parents with anxiety disorders.
Chen et al.	2027	China	2,100	Longitudinal	Increased risk of depression in children of parents with depression.
Wong et al.	2028	USA	2,200	Cross-sectional	Higher levels of anxiety in children of parents with anxiety disorders.
Patel et al.	2029	India	2,300	Longitudinal	Increased risk of depression in children of parents with depression.
Kim et al.	2030	South Korea	2,400	Cross-sectional	Higher levels of anxiety in children of parents with anxiety disorders.
Nguyen et al.	2031	Vietnam	2,500	Longitudinal	Increased risk of depression in children of parents with depression.
Alvarez et al.	2032	Spain	2,600	Cross-sectional	Higher levels of anxiety in children of parents with anxiety disorders.
Costa et al.	2033	Portugal	2,700	Longitudinal	Increased risk of depression in children of parents with depression.
Miller et al.	2034	USA	2,800	Cross-sectional	Higher levels of anxiety in children of parents with anxiety disorders.
Chen et al.	2035	China	2,900	Longitudinal	Increased risk of depression in children of parents with depression.
Wong et al.	2036	USA	3,000	Cross-sectional	Higher levels of anxiety in children of parents with anxiety disorders.
Patel et al.	2037	India	3,100	Longitudinal	Increased risk of depression in children of parents with depression.
Kim et al.	2038	South Korea	3,200	Cross-sectional	Higher levels of anxiety in children of parents with anxiety disorders.
Nguyen et al.	2039	Vietnam	3,300	Longitudinal	Increased risk of depression in children of parents with depression.
Alvarez et al.	2040	Spain	3,400	Cross-sectional	Higher levels of anxiety in children of parents with anxiety disorders.
Costa et al.	2041	Portugal	3,500	Longitudinal	Increased risk of depression in children of parents with depression.
Miller et al.	2042	USA	3,600	Cross-sectional	Higher levels of anxiety in children of parents with anxiety disorders.
Chen et al.	2043	China	3,700	Longitudinal	Increased risk of depression in children of parents with depression.
Wong et al.	2044	USA	3,800	Cross-sectional	Higher levels of anxiety in children of parents with anxiety disorders.
Patel et al.	2045	India	3,900	Longitudinal	Increased risk of depression in children of parents with depression.
Kim et al.	2046	South Korea	4,000	Cross-sectional	Higher levels of anxiety in children of parents with anxiety disorders.
Nguyen et al.	2047	Vietnam	4,100	Longitudinal	Increased risk of depression in children of parents with depression.
Alvarez et al.	2048	Spain	4,200	Cross-sectional	Higher levels of anxiety in children of parents with anxiety disorders.
Costa et al.	2049	Portugal	4,300	Longitudinal	Increased risk of depression in children of parents with depression.
Miller et al.	2050	USA	4,400	Cross-sectional	Higher levels of anxiety in children of parents with anxiety disorders.

卷之五

奏
補
筆
帖
武臣
穀
貴

不
不
筆
帖
式
臣
果
勤
明
呵

五五

候
補
筆
帖
式
臣
毓
延

仙
不
軍
中
立
隻
鹿

王 府

20

予

奏
補
筆
帖
文、臣
奏
昌

候
補
筆
帖
武臣
志
魁

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----

疾
南
上
上
入
亞
二
上

候
補
筆
帖
代
臣
黃
冬

候
補
筆
帖
式
臣
王
景
圭

候
補
筆
帖
式
臣
慶
泰

候
袖
筆
帖
式
臣
馬
文
鐸

候
補
筆
帖
武
臣
德
昌

何
和
筆
帖
式
阿
爾
中
阿

个 有 二 中 五 福 金

候	候	候	候	候	候	候	候	候	候	候	候	候	候	候	候	候	候
補	補	補	補	補	補	補	補	補	補	補	補	補	補	補	補	補	補
筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆
帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖
式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣
劉國柱	阿祿	清英	維堃	善祥	伊興安	石成柱	覺羅慶祿	王鑰	音德善	崇祥	覺羅安保	嗣祿	長信	九麟	祥麟	覺羅貴保	和隆額

候	候	候	候	候	候	候	候	候	候	候	候	候	候	候	候	候	候
補	補	補	補	補	補	補	補	補	補	補	補	補	補	補	補	補	補
筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆
帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖
式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣	式臣
敦貴	格圖肯	景裕	富安	文隆	寶麟	薩爾吉惠	德清	薩爾吉昌	秀桂	德華	托僧額	廉安	英睿	崑齡	玉清	扎克薩喀	祥瑞

編	候	理	六	義	官	官	覺	監	監	監	武	編	生	生	舉	候
譯	補	藩	品	學	學	學	學	學	學	學	學	譯	生	生	舉	通
生	帖	院	歷	生	生	生	生	生	生	生	生	生	員	員	員	未
員	武	學	生	生	生	生	生	生	生	生	生	員	員	員	員	入
臣	臣	習	臣	臣	臣	臣	臣	臣	臣	臣	臣	臣	臣	臣	臣	入
善	桂	筆	塔	全	昆	官	覺	寶	德	文	李	伊	吉	慶	錫	流
成	保	輝	克	麟	齡	陞	羅	誠	昌	鐸	治	克	慶	符	麟	臣
			慎				克				平	唐				長
							昌				阿					新

義	義	義	義	義	義	官	官	官	監	監	監	監	監	監	監	編
學	學	學	學	學	學	學	學	學	學	學	學	學	學	學	學	譯
生	生	生	生	生	生	生	生	生	生	生	生	生	生	生	生	生
臣	臣	臣	臣	臣	臣	臣	臣	臣	臣	臣	臣	臣	臣	臣	臣	員
寶	姜	三	奎	德	喜	福	裕	恩	景	英	桂	英	聯	景	崇	廣
善	德	英	年	恒	格	山	鐸	崇	春	華	阿	善	第	豫	祥	年
	沛															

仁宗實錄 首卷四

義	學	生臣李	鐘
義	學	生臣李	澍臨
候	補筆帖	式臣高	嶼
分發	浙江試用從九品	臣雙	壽
理藩院學習筆帖	式臣吉勒通阿		
內閣學習中書	臣常勝		
候	補筆帖	式臣福明泰	
理藩院學習筆帖	式臣富英		
理藩院候補筆帖	式臣育賢		
候	補筆帖	式臣巴延博勒	
理藩院學習筆帖	式臣文通保		
吏部候補筆帖	式臣成福		
理藩院學習筆帖	式臣賡音布		
理藩院學習筆帖	式臣武克蘇拉		
繕	譯舉	人臣奎齡	
理藩院貼寫筆帖	式臣恩沛		
理藩院學習筆帖	式臣薩炳阿		
理藩院學習筆帖	式臣陞寅		

理藩院學習筆帖	式臣果勒明阿		
太僕寺學習筆帖	式臣台芬布		
理藩院學習筆帖	式臣圖薩布		
理藩院學習筆帖	式臣祥麟		
理藩院學習筆帖	式臣全盛		
理藩院貼寫筆帖	式臣明慶		
理藩院學習筆帖	式臣恩年		
戶部候補筆帖	式臣慶福		
理藩院學習筆帖	式臣富登額		
理藩院學習筆帖	式臣英德		
理藩院學習筆帖	式臣福盛泰		
理藩院學習筆帖	式臣台臻阿		
理藩院學習筆帖	式臣德凌		
理藩院學習筆帖	式臣德成		
官	學	生臣善瑞	
候	補筆帖	式臣常治	
理藩院學習筆帖	式臣崇舒		
理藩院貼寫筆帖	式臣百敦		

理藩院學習筆帖	式臣盛通
兵部繕本筆帖	式臣潤福
理藩院學習筆帖	式臣烏爾袞珠
學習中	書臣巴達克
理藩院學習筆帖	式臣德馨爾衍
繕本筆帖	式臣明春
候補筆帖	式臣德興額
候補筆帖	式臣愛陞阿
理藩院學習筆帖	式臣三音阿
理藩院學習筆帖	式臣強謙
候補筆帖	式臣吉勒圖堪
理藩院筆帖	式臣恒福
候補筆帖	式臣多齡
候補筆帖	式臣博多洪武
理藩院學習筆帖	式臣奎亮
理藩院學習貼寫筆帖	式臣多隆武
候補筆帖	式臣靈桂
候補筆帖	式臣明經

理藩院筆帖	式臣海麟
理藩院學習筆帖	式臣珠龍阿
理藩院學習筆帖	式臣奇布松武
理藩院貼寫筆帖	式臣海亮
理藩院學習筆帖	式臣福明
理藩院候領筆帖	式臣聯慶
理藩院學習筆帖	式臣六十八
候補筆帖	式臣那明安
國子監教習	習臣福隆
修纂官	員臣花連布
官學生	生臣三多慶
理藩院學習筆帖	式臣玉山
筆帖	式臣吉奎
國子監蒙古教習	習臣穆隆阿
理藩院學習筆帖	式臣佛爾圖春
監生	生臣聯魁
監生	生臣成玉
候補筆帖	式臣托克通阿

仁宗實錄 首卷四

生	員臣	倭協布
官	生臣	孟科濟爾噶朗
候	補	華貼
監	生臣	恩科濟爾噶朗
候	補	中
理藩院學習筆帖	武臣	烏爾圖勒蒙
理藩院學習筆帖	武臣	慶成
官	生臣	福錦
官	生臣	熙春
修纂官		
三十四		
理藩院學習筆帖	武臣	清魁
候	補	華貼
請	官臣	玉山
護	軍臣	祥雲
領	催臣	西凌阿
護	軍臣	巴哈布
前	錄臣	珠爾松阿
馬	甲臣	烏爾棍泰
領	催臣	順僊

馬	甲臣	舒凌阿
馬	甲臣	愛什布
馬	甲臣	伊什建巴
領	催臣	西拉布
護	軍臣	阿年阿
馬	甲臣	嵩華
領	催臣	文恒
護	軍臣	扎克丹
馬	甲臣	忠善
修纂官		
三十五		
馬	甲臣	岳清阿
領	催臣	文永
護	軍臣	蘇勒芳阿
前	錄臣	松齡
護	軍臣	福克金布
刑部候補主事	事臣	姚晏
候	選	內閣中書臣
候	選	趙志彤
候	選	知縣臣
候	選	仇連鑑

[illegible]

舉	人臣	吳元慶
舉	人臣	周溶
舉	人臣	黃照
舉	人臣	沈澐
舉	人臣	張學詩
舉	人臣	吳福衡
舉	人臣	吳文炳
舉	人臣	鄭長昕
舉	人臣	王履亨
舉	人臣	湯慶曾
舉	人臣	姚春江
舉	人臣	仇汝弼
舉	人臣	王振鐘
舉	人臣	楊際遇
舉	人臣	江應瑞
候	人臣	鍾其恕
候	人臣	焦沛霖
候	人臣	任百勲

六二

候選鹽大使張秉愚	候選鹽大使徐縉	候選訓導紀卯元	候選主簿袁竹亭	候選主簿徐朝鼎	候選正九品婁士敏	候選從九品李養復	候選從九品蘇論崇	候選從九品陳時彥	拔貢陳元標	副貢戈廷槃	副貢吳景周	歲貢王賢舉	廩貢張連城	廩貢張光翥	廩貢張汝璧	廩貢邊銓	廩貢何天錫
----------	---------	---------	---------	---------	----------	----------	----------	----------	-------	-------	-------	-------	-------	-------	-------	------	-------

山東	直隸	廣東	福建	江西	河南	貴州	江蘇	廣東	廣東	監	監	監	監	監	監	監	附	康
候補知縣	即用知縣	即用知縣	即用知縣	知縣	知縣	知縣	知縣	知縣	知縣	生臣	生臣	生臣	生臣	生臣	生臣	生臣	生臣	生臣
張琦	于良弼	李郁然	喬有豫	張宗裕	蔡鴻升	丁良嗣	潘蒲	徐青照	徐青照	朱文燮	楊炳	張芳澄	章祖培	章照	周祖貽	賈忠杰	龔桐	王作模

河南	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣	候補知縣
廖卓	葉季魯	俞舜欽	徐金生	章朝偉	周錄	沈翼	王枚	俞達辰	楊鈺	翁忠瀚	周邦彥	孔昭焜	呂凝德	吳賜麟	趙佩琳	錢秉德	陳君	陳君	陳君

仁宗實錄 卷一

孝	康	方	正	候	選	州	判 臣	王	萱	齡
廣	東	候	補	鹽	大		使 臣	趙	文	炳
浙	江	候	補	鹽	大		使 臣	王	益	謙
山	西	候	補	鹽	大		使 臣	蔣	鎔	
雲	南	候	補	鹽	大		使 臣	魏	廷	楷
雲	南	候	補	鹽	大		使 臣	談	淳	
廣	東	候	補	鹽	大		使 臣	何	士	先
廣	東	候	補	鹽	大		使 臣	申	資	右
候	選	鹽	大			使 臣	龔	鉦		
候	選	縣				丞 臣	張	學	和	
候	選	縣				丞 臣	侯	之	翰	
候	選	牧				諭 臣	龔	慶	來	
候	選	訓				導 臣	王	履	祥	
候	選	訓				導 臣	呂	元	瑞	
候	選	訓				導 臣	閻	國	慶	
候	選	訓				導 臣	谷	勲		
候	選	訓				導 臣	王	星	漢	
候	選	吏				目 臣	嚴	鉉		

六四

[illegible]

[illegible]

端敏英哲睿皇帝諱顯

德備安貞性成淑慎事

乾隆二十五年庚辰十月初六日丑時誕

上於御園之天地一家春是年元旦

寶字宛與紀號潛符

聖集流傳讀者識為

天心素定焉

侍郎奉寬年十三通五經學今體詩於工部

侍郎謝墉學古文古體詩於侍講學士朱珪

寶錄卷一

天藻濬發英詞炳蔚援筆立就動成典則而

性尤純孝七齡時謁

孝聖憲皇后於盤山行殿渥承

飴愛事

高宗純皇帝

孝儀純皇后寢門問視婉愉孺慕曲愜

歡心以是冲齡備蒙

恩眷癸巳十四歲上元前夕曲宴親藩

特命奉觴上壽是年

高宗遵密建

家法

親書

上名絨固藏

乾清宮正大光明扁上長至

南郊大祀復以

上名默告祈加

眷佑是日復

命祀

寶錄卷一

三

東陵隱然以神器攸歸面稽
天

天

祖凝承

寶命實始於茲甲午

賜成大婚禮是為

孝淑睿皇后

上定省之暇懋學稽古日居書室惟究心治法

源流古今得失參稽考證寒暑罔閒所居書

室五楹嘗取三餘之義顏以味餘摛藻抒文

卷軸日富後所刊詩文全集四十卷是也尤

喜讀諸史通鑑上下三千年治蹟瞭然貫徹

御極後幾餘遣興依史分題製詠遂成全帙自

乙酉六齡時隨

駕至木蘭

高宗巡視江浙祇謁闕里及歲行秋獮恒侍

行幄賡

天章數蒙

獎賚咏龍井詩有泉雷忽疑雨竹春不知秋十

字

丹毫所點定也癸卯

高宗詣盛京恭謁

祖陵

命

上隨侍行禮復以宗祏有託敬告

太祖

太宗之前仰祈

靈爽式憑永垂昭鑒乙巳耕藉

特命從耕播種已酉封嘉親王是時

上儲位早定雖未經宣示而眷遇日隆每歲

兩陵春祀

壇

廟薦祈多

命恭代行禮主鬯精禋期以靈承景福紫微東

偏曰毓慶宮

上養正時所居也分邸後移居擷芳殿至建儲

未宣諭之前又重葺是宮復

實錄卷一

五

命居之並賜繼德堂額與從前避暑山莊松鶴

齋後賜額同名蓋密邇趨庭祇承

堂構早寓付託深心乙卯

高宗純皇帝撫臨函夏於是六十年

聖壽八十有五溯自踐阼之初曾以紀年周甲

歸政告

天至是果符初願又自密建以來二十二年灼

見

上仁孝端醇克肩重器爰命禮官撰吉於是年

頒朔以前九月初三日

御勤政殿集王公百官啟密緘

冊

上為

皇太子仍於歲前諏期祇告

天

地

宗廟

社稷於明年丙辰元旦

實錄卷一

六

御太和殿

親授寶璽傳位於

上

詔以是年為嘉慶元年敬惟自古帝王以聖人

相禪者惟堯舜禹而伊耆媯姁與繼體殊惟

高宗創舉盛儀前無邃古惟

上纘膺洪緒克享

天心

聖

聖相承用能乎

定志於青宮典學之初受

成命於蒼璧禮

天之後泊乎初元

授政

文謨武略

日侍祇承

兩聖同堂三年一日至四載以後猶必恪遵

考訓時塵

實錄卷一

前猷以

高宗純皇帝之心為心以

高宗純皇帝之法為法大哉至矣天子之孝無

以加已用能又安中外綏輯寰瀛慶洽天人

禧均履載貽萬萬世無疆之休茲惟景緬

前光奉揚

大訓用即

勅諭所頒暨

御製詩集所載敬稽育德以來至於

受璽條次始末備書首簡著開闢未有之盛軌

焉

嘉慶元年丙辰春正月戊申朔

上侍

太上皇帝詣

奉先殿行禮○詣

堂子行禮遣官祭

太廟後殿○

太上皇帝御太和殿傳位於

上

上即位是日鑾儀衛陳鹵簿於太和殿前步

輦於太和門外五輅及馴象仗馬黃蓋雲盤

均於午門外樂部設中和韶樂於太和殿前

檐下丹陛大樂於太和門內導迎樂及龍亭

香亭均於午門外鑾儀衛於太和殿中楹內

設

上拜褥內閣禮部鴻臚寺官於太和殿東楹設

詔案西楹設表案又設黃案丹陛中內閣學

士奉

傳位詔書於東楹案上禮部官陳

傳位賀表於西楹案上內務府官於

太上皇帝御座左右旁設几二大學士內閣學

士詣乾清門請

皇帝之寶內閣學士恭奉大學士從設左旁几

上大學士二人立殿檐下內外王公以下文

武百官朝服咸集朝鮮安南暹羅廓爾喀等

國使臣列於班末禮部堂官詣毓慶宮啟請

上朝服祇跪屆時後護內大臣率侍衛二十員

於乾清門外禮部堂官於門階下前引大臣

於太和殿後階下咸左右序立禮部堂官奏

請

太上皇帝禮服乘輿出宮

上隨行禮部堂官前引後護內大臣從至中和

殿後降輿

太上皇帝御中和殿升座

上在殿內西向立鴻臚寺官引執事大臣官員

行九叩禮侍班官先趨出就朝班位立中和

韶樂作奏元平之章

太上皇帝御太和殿升座

上在殿內西向立樂止階下鳴鞭三丹陛大樂

作奏慶平之章禮部堂官導

上詣殿中拜位後立鴻臚寺官引王公文武百

官暨外國使臣咸就位立

上率王以下咸跪宣表官由西檐入殿右門從

西楹案上奉

傳位表至殿檐下跪大學士二人跪展表樂止

宣讀訖奉安案上退

上興仍西向侍立大學士二人導

上近

太上皇帝御座前左旁大學士奉

皇帝之寶跪進

太上皇帝

太上皇帝親授

上寶

上跪受寶右旁大學士跪接恭設

太上皇帝御座右几上大學士恭導

上詣拜位樂作

上率王以下行九叩禮樂止禮部堂官奏禮成

鳴鞭如前中和韶樂作奏和平之章

太上皇帝還宮

上於保和殿暖閣更禮服內閣學士豫奉

傳位詔

皇帝之寶於太和殿中案上禮部官豫奉

登極賀表於殿東楹案上前引後護侍立保和

殿外如前儀禮部堂官奏請

上御中和殿執事大臣官員行九叩禮趨出就

班次如前

上御太和殿登極中和韶樂作奏元平之章

上升寶座樂止鳴鞭如前丹陛大樂作奏慶平

之章贊進跪如前宣表官由東檐入殿左門

奉東楹前案上表文樂止宣讀如前樂作王

公以下暨外藩各國使臣行九叩禮退復班

次立大學士入殿左門禮部堂官進至檐下
大學士奉

詔由闌東出殿中門授禮部堂官禮部堂官跪

受興奉至丹陛中黃案上恭設行三叩禮興

復奉由中階下至丹墀陳雲盤內禮部官一

員跪受興由中道出禮部堂官奏禮成鳴鞭

如前中和韶樂作奏和平之章

上還宮大學士內閣學士仍奉

寶恭送乾清門禮部鴻臚寺官詣天安門樓上

恭宣

上欽奉

太上皇帝傳位詔書頒行天下詔曰朕繼紹丕

基撫綏函夏勤求治理日有孜孜仰賴

上天眷佑

列聖貽謀震寓乂安蒸黎康阜聲教四訖中外

一家御極以來平定伊犁回部大小金川擴

土開疆數萬里緬甸安南廓爾喀以及外藩

屬國咸震懾威懷恪修職貢其自作不靖者

悉就殄除功邁十全恩覃六合普免各省漕糧者三地丁錢糧者四展義巡方行慶施惠蠲逋賑貸不下數千萬億振興士類整飭官常嘉與萬邦黎獻海隅蒼生同我太平躋之仁壽朕持盈保泰弗懈益虔勤念兩暘周諮稼穡於庶言庶獄庶慎靡不躬親宥密單心時幾交勅用璽上副

祖宗付畀之重下撫億兆仰戴之誠日慎一日六十年於茲矣迴憶踐阼初元會默顯

上蒼若紀年周甲當傳位嗣子不敢仰希

皇祖以次增載今敬迓

洪釐幸符初願朕康強逢吉九旬望袞五代同

堂積慶延祺光於往牒非

昊慈篤祐申命用庥曷克臻此

天生民而立之君使為司牧授受之際敢不兢

兢溯自癸巳

南郊即以嗣位皇子之名默奏

上帝並於盛京恭謁

祖陵敬告

列祖在天之鑒昨冬頒朔屆期特宣布詔旨明定儲位以丙辰為嘉慶元年豫勅所司敬議歸政典禮皇太子秉性謙沖臚誠固讓率同內外王公大臣等具章請朕至百歲始行斯典但

天聽維聰朕志先定再四申諭勿得懇辭皇太子仁孝端醇克肩重器宗祏有託朕用嘉焉已諏吉祇告

天

地

宗廟

社稷皇太子於丙辰正月上日即皇帝位朕親御太和殿躬授寶璽可稱朕為太上皇帝其尊號繁文朕所弗取毋庸奏上凡軍國重務用人行政大端朕未至倦勤不敢自逸部院衙門及各省題奏事件悉遵前旨行履端首祚禪授上儀宜沛新綸同敷愷澤所有合行

事宜開列於左一在京在外諸王以下至公等以上俱加恩賜一内外自公主以下至格格各加恩賜一内外滿漢文武大小官員俱加一級一内外大小各官除各以現在品級已得封贈外凡升級及改任者著照新銜封贈一文官在京四品以上在外三品以上武官在京在外二品以上照現任品級各廕一子入監讀書一内外文職自四品以下武職自三品以下降革留任及住俸罰俸處分准

其開復一會試額數俟禮部臨期奏明人數請旨酌量廣額鄉試大省加三十名次省加二十名小省加十名滿洲蒙古加六名漢軍加三名一各直省入學額數大學加七名中學加五名小學加三名一國子監貢監生及各官學教習免坐監一月一各直省儒學無論府州縣衛俱於本年以正貢作恩貢次貢作歲貢一每府州縣衛各舉孝廉方正暫賜六品頂帶榮身以備召用務期採訪真確毋

得濫舉一

歷代帝王陵寢

孔子闕里及五嶽四瀆等祀應遣官致祭者照舊例舉行一官吏兵民人等有犯除謀反叛逆子孫謀殺祖父母父母內亂妻妾殺夫奴婢殺家長殺一家非死罪三人採生折割人謀殺故殺真正人命蠱毒魘魅毒藥殺人強盜妖言十惡等真正死罪不赦外軍機獲罪隱匿逃人亦不赦外其餘自嘉慶元年正

月初一日以前已發覺未發覺已結未結者咸赦除之有以赦前事告訐者以其罪罪之一各省軍流人犯查明到配三年實在安靜守法及年逾七十者釋放回籍一各旗籍內務府並五旗包衣人等凡侵貪挪移一切賠罰應追銀兩實係本人家產盡絕者查明准與豁免其分賠代賠以及牽連著賠者一概豁免一凡官員因公賠罰等項而其子孫又代祖父著賠者查明寬免一旗營官兵有因

出征及被災借支俸餉者免其扣還。滿漢兵丁曾經効力行閒因被傷年老閒住者。除例得優卹外。查明著加賞賚。一各直省有同堂五世及親見七代者。除例賞扁額外。查明各加恩賚。一天下之本農為重。各府州縣衛果有勤於耕種務本力作者。地方官不時加獎。以示鼓勵。一年老之人。自古所重。滿漢七十以上除家奴外。給與品級之處。該部查議具奏。一除五旗包衣佐領下披甲人等不賞

外八旗滿洲蒙古漢軍護軍披甲人。礮手步軍各賞一月錢糧。一軍民年七十以上者。許一丁侍養。免其雜派差役。八十以上者。給與絹一匹。棉一斤。米一石。肉十斤。九十以上者。倍之一。各處養濟院所有鰥寡孤獨及殘疾無告之人。有司留心以時養贍。毋致失所。於戲常厥德。保厥位。深維創業垂統之心。本諸身徵諸民。聿昭繼體守文之治。欽此。予小子祇承

慈命。勉荷洪圖。謹奉宣

勅諭。布告天下。咸使聞知。

上侍

太上皇帝詣

壽皇殿行禮。御乾清宮。賜皇子親藩等宴。

庚戌以冊立

皇后前期遣官告祭

天

地

太廟

社稷

上詣

奉先殿行告祭禮。諭軍機大臣等。福康安和

琳奏攻克擒頭坡駝馬硐等處險要賊寨。痛

殲苗匪。覽奏欣悅。擒頭坡山路險窄。賊匪木

城石卡愈多。福康安和琳密為布置。出其不

意奪險而入。並令額勒登保分兵前往。遏其

歸路。大加殲戮。將駝馬硐各大山梁全行奪

據擒頭坡。騾馬碛為平隴乾州門戶。門戶既破。官兵乘勝長驅直抵平隴。福康安和琳遠在軍營。懋著勞績。嘉獎之餘。深為眷念。至兵丁等打仗出力。均屬可嘉。捷音一至。當普加優賚。同霑愷澤也。將此傳諭知之。○辛亥。

上御太和殿視朝。王公大臣官員謝恩。○

上奉

太上皇帝命。遣東閣大學士王杰為正使。禮部右侍郎多永武為副使。持節齋冊寶冊立。

嫡妃喜塔臘氏為

皇后

勅曰。撫臨萬國。先占家吉之貞。表率六宮。宜正坤元之位。遵睢麟之王化。儀輔乎邦。布種稔於天官。職崇修壺爾皇太子妃喜塔臘氏。祥傳渭涘。淑著河洲。珩璜習虞汭之容。綸翟謹周門之則。分榮少海。方寵命之司承。佐治內朝。尚徽音之克嗣。慶際十全之歲。肅肅難鳴。歡承五福之堂。詵詵螽羽。茲以皇帝嗣位初。

元是用立爾為皇后。錫以金冊金寶於戲繹三朝之寶訓。毓德蘭闥。樹九室之芳型。揚輝桂殿。欽此。茲朕謹遵奉。

太上皇帝勅旨。舉行冊立典禮。尚其祇承無數。

遣禮部尚書德明為正使。禮部右侍郎周興岱為副使。持節齋冊寶冊封。

側妃鈕祜祿氏為

貴妃

勅曰。椒庭備秩。贊坤極之安貞。桂殿分榮。沛巽

申而昇錫冠崇班於翟鞠。壺職兼修。襄順德於珩璜。芳型是式。爾皇太子側妃鈕祜祿氏。柔嘉維則。淑慎丕昭。名族鍾祥。允協瑤筐之吉。內朝輔治。庶騰煒管之徽。茲以皇帝嗣位初元。冊立皇后。是用封爾為貴妃。錫以冊寶。於戲翊化六宮之長。迓厥繁禧。拜恩九御之先膺。茲鴻鴻慶。欽此。茲朕謹遵奉。

太上皇帝勅旨。舉行冊封典禮。尚其祇承無數。遣禮部尚書紀昀為正使。內閣學士扎郎。

阿為副使持節齋冊印冊封劉佳氏為
誠妃

勅曰政承修壺榮分內治之隆慶際膺圖德奉
中宮之化鴻禧克迓象服攸宜爾劉佳氏式
禮聿嫺秉心維粹溫恭成性修綢組以甄儀
柔善流聲協珩璜而表度茲以皇帝嗣位初
元冊立皇后用以冊印封爾為誠妃爾其勤
宣淑問更懋贊乎坤儀備著芳猷用祇承乎
巽命欽此茲朕遵奉

太上皇帝勅旨舉行冊封典禮尚其敬膺無數
遣禮部左侍郎鐵保為正使內閣學士那
彥成為副使持節齋冊冊封侯佳氏為

瑩嬪

勅曰椒掖承華進崇班於月御芝函錫命昭令
範於星闈爰沛新綸用光懋典爾侯佳氏夙
秉小心克嫺內教佐禕衣而協吉禮贊三宮
習瓊珮以迎祥職參九室茲以皇帝嗣位初
元冊立皇后用以金冊封爾為瑩嬪爾其徽

章祇荷新恩均拜於蘭宮閭訓虔遵蕃祉同
承於桂紀欽此茲朕遵奉

太上皇帝勅旨舉行冊封典禮尚其敬膺無數

上侍

太上皇帝御寧壽宮皇極殿舉行千叟宴賜親
王貝子大臣官員蒙古貝勒貝子公額駙台
吉年六十以上兵民年七十以上者三千人
及回部朝鮮安南暹羅廓爾喀貢使等宴其

一品大臣及年屆九十以上者

太上皇帝召至御座前親賜卮酒並未入座五
千人各賞詩章如意壽杖文綺銀牌等物有
差侍

太上皇帝御重華宮茶宴廷臣及內廷翰林以
舉千叟宴於皇極殿禮成用柏梁體聯句○

壬子

上侍

太上皇帝御紫光閣賜蒙古王貝勒貝子公額

駙台吉哈密郡王品級貝勒額爾德錫爾等
及土爾扈特杜爾伯特朝鮮安南暹羅廓爾
喀使臣等宴並賞賚有差（癸丑）

上以孟春時享

太廟自是日始齋戒三日（甲寅）

世祖章皇帝忌辰遣官祭

孝陵 丙辰享

太廟

上親詣行禮 遣官祭

太歲之神 侍

太上皇帝幸圓明園 詣

安佑宮行禮 命吏部右侍郎胡高望在南書

房行走 丁巳

上侍

太上皇帝御山高水長賜王公大臣蒙古王貝

勒貝子公額駙台吉及外藩使臣等食 諭

軍機大臣等本日魁倫朱珪吉慶等奏擎獲

洋盜審明辦理各摺所辦俱屬認真但未獲

各犯該督撫等皆稱遠竄外洋盜匪逃竄之
後勢不能久留洋面其淡水及食米等物均
須上岸取用將弁等仍當於島嶼處所巡緝
擒拏斷不可任其遠颺潛匿即如瀕海漁船
蟹戶平日以捕魚為業若無所捕獲難以謀
生或為盜匪作線或潛行入夥皆所不免又
海面往來商船多有攜帶器械以資防禦勢
難禁止而不肖之徒或借此為名即持械出
洋為匪此則不可不實力稽查又據魁倫奏

勦匪兵船擱汕失火兵丁舵工均經沈溺著
該署督查明賞卹有淹斃者咨部照陣亡例
議卹至摺內稱獲犯一百三十名內有五十
餘犯皆係出洋販賣鹹魚因無船照經關津
拏獲到案訊明並無為匪情事是該犯等俱
非行劫案內之犯該署督一併敘入以見其
獲犯數多殊屬牽混嗣後遇有此等案外人
犯毋得仍前牽連敘入將此各諭令知之
戊午

上還宮 諭軍機大臣等朱珪奏屬員賢否摺
內所列考語俱為公允惟藩司陳大文稱其
操守廉潔倉庫謹慎惟宜化其偏僻可以獨
當一面等語粵東素稱腥羶之地陳大文操
守既優正可資其整飭即待屬員稍有過當
亦屬小疵且人才難得朱珪惟當加以勸迪
化其偏執成可用之才豈不甚善至知府陸
維垣據開向稱能吏頗事浮華到粵後漸知
敏戢知府為方面大員若不知檢身率屬則

操守即不可信朱珪務當隨時留心儻陸維
垣不能力改舊習即據實叅奏不可稍事姑
容致滋貽誤朕於愛惜人才之中寓澄敏官
方之意朱珪身任封圻尤當因才造就甄覈
協宜以副委任將此諭令知之

上以次辛祈穀於

上帝自是日始齋戒三日（庚申）

上詣

南郊齋宮齋宿 奉

太上皇帝命賞

皇后兄盛佳侯爵 辛酉祈穀於

上帝

上親詣行禮 幸圓明園 問

太上皇帝安

上以是日祈穀大祀福酒奉觴躬晉

太上皇帝

太上皇帝賜

上福酒 侍

太上皇帝御奉三無私殿賜皇子親藩等宴

御山高水長賜王公大臣蒙古王貝勒貝子

公額駙台吉及外藩使臣等食至癸亥皆如

之 壬戌

上詣

安佑宮行禮 侍

太上皇帝御正大光明殿賜朝正外藩等宴

癸亥

上侍

太上皇帝御正大光明殿賜大學士尚書等宴

賞故安南國貢使阮光裕銀三百兩甲

子以吏部右侍郎胡高望充經筵講官乙

丑

上還宮 丙寅

上詣

大高殿行禮 幸圓明園問

太上皇帝安侍

太上皇帝御山高水長賜王公大臣蒙古王貝

勒貝子公額駙台吉及外藩使臣等食添

築浙江山陰縣三江大閘石壩二道從巡撫

吉慶請也 庚午

孝聖憲皇后忌辰遣官祭

泰東陵

上侍

太上皇帝詣

恩慕寺

恩佑寺行禮 壬申戶部侍郎署湖北巡撫惠

齡奏枝江宜都二縣民人聶傑人劉盛鳴等

密謀不軌帶兵搜拏情形奏入諭軍機大臣

等惠齡駐劄荊州本為策應湖南軍務今枝

江等處適有逆民聚眾搶劫之事惠齡得以

就近查拏事機實為順利但該犯等以防範

苗匪為名見鄉民願從者多遂密謀不軌未

必不因荊州宜昌等處文武官員大半派往

軍營兵丁等亦多有徵調存城兵少以致心

生窺伺乘間滋擾延及四縣雖現在拏獲多

名而聶傑人等尚未就獲其餘夥黨尚多若

不探明該犯等實在藏匿所在悉數圍拏盡

法處治何以戢奸宄而淨根株但荊州亦屬

緊要德福未便遠離可不帶兵同往惠齡

務將首從各犯搜拏淨盡嚴行懲治俾奸民

共知儆懼不可將就了事將此傳諭知之

癸酉朝鮮國王李祘遣使表賀

萬壽冬至元旦三大節及歲貢方物賞賚筵宴

如例 甲戌

上還宮○諭內閣本日召見伴送安南國貢使之廣西泗城府知府朱禮人甚績懋經朕詢問一切情形奏對全不明晰因檢閱該省督撫節次所奏該員考語俱係中下自難勝方面之任朱禮著即以原品休致○又諭伴送外藩貢使自應於屬員中擇其才具強幹心地明白堪以管束者派令護送何得以衰庸之員率行派委轉為外夷輕視即該撫因地方緊要須明幹之員留辦地方事務但伴送

貢使亦關緊要豈該省屬員中含朱禮外別無可派之人成林著傳旨嚴行申飭仍交部議處至各省督撫遇有派委護送外藩之事往往漫不經心率以庸材充數寧不思伴送使臣乃外藩觀瞻所繫豈容率意濫委此後各督撫如不慎加遴選再經朕召見看出惟各督撫是問並著通諭各督撫知之○乙亥上以祭社稷壇自是日始齋戒三日○丙子

孝儀皇后忌辰遣官祭

陵寢 諭內閣向來各省遇有糾眾搶奪及同謀共毆等案於獲犯後如遇首犯在逃者俱係先將為從各犯按例擬結發落其為首之犯於獲日另結但夥搶之案人數眾多各犯到案後明知起意為首及動手傷人罪所不赦恃有在逃之人往往推諉卸罪避重就輕及至逸犯就獲而已結之犯業經流徙又無從到案質證殊非覈實定讞之道嗣後各省辦理此等案件於獲犯審訊時如遇首犯在逃即將從犯按例擬罪監禁俟逸犯就獲後質訊明確再行定地起解如此辦理庶兇徒無從狡展而案情不至枉縱○諭軍機大臣等朱珪等奏請撥廣西省備東穀石以備儲糴粵東上年晚稻收成分數前經朱珪具奏通省約計七分有餘其節次奏到糧價單內俱注明價中且有較上月減賤之處何以又須撥動廣西備存穀石雖據奏廣東惠肇各

府食指浩繁潮州一府毗連閩壤晚收歉薄本年青黃不接之時或須平糶必須豫為籌運但此等情形朱珪於上年奏報糧價時即應早為奏及朱珪平日尚屬留心民事於此事未免失之遲緩除現在奏請撥運穀石即照所請辦理外著傳諭朱珪即將廣肇惠潮等府現在民食是否足資接濟曾否辦理平糶之處據實具奏○又諭玉德奏東省糧價平減採買穀數已足復發銀增買一摺所辦

非是採買最易滋弊即遇倉庫缺短亦應酌量情形陸續採買不致有妨民食山東地方連年秋成本未一律豐登惟上年收成較稔未必即至穀賤傷農玉德即欲買補倉穀亦祇須按照額數量為採辦乃於各屬如數買足之外復行增買必致民間糧石漸形短絀價轉騰貴是未必實於倉儲有益而小民先受其累看來竟係該撫聽信屬員之言率於額外添買以為藉端勒派侵肥地步而於民

食有妨之處竟未計及著傳諭玉德除現在應行買補缺穀業已足額外其餘加買者不必辦理以期民食無礙至此等弊端各省皆所不免著通諭各督撫一體遵照務須酌量情形妥為籌辦毋任地方官藉詞買補致有侵肥勒派等事

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一

[illegible]

嘉慶元年丙辰二月丁丑朔祭

先師孔子

上親詣行釋奠禮○戊寅祭

大社

大稷

上親詣行禮○諭內閣本日覆勘試卷大臣進呈廣東四川等省鄉試各卷朕披閱各該省所出四書題五經題多涉頌聖詩題亦係習見語殊屬非是試官簡掄人才出題考試固不可競尚新奇然亦須擇其題句足以發揮

清實錄
嘉慶元年二月

義理敷陳經術者方可徵實學而獲真才若祇將頌聖語句命題試士何足以覘底蘊且四書五經內字句冠冕語近頌揚者皆可豫擬而得並易啟揣摩宿構之弊於士習文風均有關繫嗣後各省鄉試派出試官及各省學政所出題目務將四書五經內義旨精深及詩題典重者課士衡文用副朕敦尚經義崇實黜華至意○湖廣總督畢沅奏枝江匪犯連及四縣分投撲滅以速為責現在祇惠

齡一人在彼。恐難兼顧。現飭鎮臣袁敏相機迎會。臣於正月二十二日馳往枝江會同勦辦。又札荊州副都統德福挑派滿營兵三百名前赴枝江報聞。○命右春坊右贊善吳錫麒翰林院檢討張翮在上書房行走。○庚辰以首舉經筵大典遣官告祭。

奉先殿

上親詣

傳心殿行禮

八

御文華殿經筵直講官德明金士松進講大學詩云樂只君子民之父母講畢

上宣御論曰天生民而立之君使司牧之如保赤子適求厥寧下民傾心感戴若依父母蓋以民心為己心同其好惡耳君之於民養之教之務使家給人足勞來輔翼待其為計深遠永遂其生則小民之情亦出於至誠如孝子之事親孝思不匱自臻大同之治矣民愛君如父母為君者奚可恃尊養而忘敬畏哉

必存父天母地之敬心祈天永命則天錫豐年克綏郅治錫福萬方斯不負為民父母之稱蓋必本於敬天方能大成君道懷保小民也直講官多永武胡高望進講易經元者善之長也亨者嘉之會也講畢

上宣御論曰乾德首元生物之始於時為春於人為仁衆善之長也亨者生物之通於時為夏於人為禮衆美之會也君子體乾養民育物宅心寬大使遂其生生之性如上天發生

萬彙陽和翔洽亭育生成歲稔民安諸福匯集矣蓋以仁為體則元一物不在於心以禮為制則元一物不納於度咸臻大順合揆自然春生夏長各順其序人君敬天愛民仁至義盡咸熙庶績協和萬邦符大哉乾元之道又本於健行不息則悠久無疆與天地合其德先天弗違後天奉時矣禮成

上幸文淵閣賜講官及聽講諸臣茶復賜宴於本仁殿○遣官祭黑龍潭

昭靈沛澤龍王之神玉泉山

惠濟慈佑龍王之神○辛巳

上御太和殿視朝王以下文武升轉各官謝恩

○辛圓明園○問

太上皇帝安○遣官祭

關帝廟○諭軍機大臣等福康安和琳奏官兵攻克連雲山巖碕寨等處大兵深入重地前後防範尤宜嚴密官兵分撥調遣尚覺未能足用等語現在功屆垂成自不便稍涉冒

昧福康安等奏步步安營所見甚是如接到此旨賊首石三保石柳鄧等業經全數就獲不須再添兵丁固屬甚善儻賊首雖已就獲餘黨尚須分投搜捕即於就近添調兵丁萬餘四路搜擒藏事自更迅速將此諭令知之○禮部議覆陝西巡撫秦承恩疏請添建貴德廳

文廟應如所請從之○以攻克連雲山苗寨功加頭等侍衛綸布春副都統銜賞諸路兵

丁一月錢糧○壬午遣官祭昭忠祠○諭內閣本年恩詔普免各直省地丁錢糧甘肅省所屬府州縣有止徵糧草者又蘭州鞏昌西寧涼州四府徵收番民糧草雖不在蠲免地丁之內第念該省地處邊陲著一體加恩將應徵番民糧草全行蠲免屯糧草束蠲免十分之三俾邊徼民番共臻樂利○旌表守正被戕陝西沔縣民鄧添喜女鄧氏○甲申遣官祭

先醫之神○乙酉

上辛靜明園詣

龍神廟拈香○丙戌

上還宮○諭內閣刑部奏軍流遣戍各犯應否減免分別請旨一摺此等共毆案內訊無謀故重情擬絞之犯既得援赦而同案問擬軍流人犯情節較輕轉不得一體邀免自未平允著即加恩將此等案內人犯一律釋免至新疆黑龍江人犯除前經減徒之犯既在赦

前照例辦理外其餘在配各犯多係情重新事年分尚淺此時俱毋庸查辦俟嗣後遇有恩施再行辦理以示區別○旌表守正捐軀直隸棗強縣民劉存良妻王氏○丁亥

孝康章皇后忌辰遣官祭

孝陵旌表守正捐軀河南鎮平縣民袁添和妻劉氏○戊子春分朝

日於東郊

上親詣行禮○己丑

上御乾清門聽政○幸圓明園○問

太上皇帝安○庚寅命左春坊左庶子錢樾提

督廣西學政○壬辰諭內閣各省城守尉係

管理一城兵丁督辦操演事務大員必須簡

用曉事歷練之人方於事有益各省協領均

有隨同該將軍辦理一旗事務之責自應將

此項人員簡用著各省將軍副都統等於各

該管協領內挑選能辦事人去得者出具考

語咨部帶領引見記名後俟有城守尉缺出

由軍機大臣進呈名單補放未經咨送到部

以前及將來或全行用完後遇有缺出著御

前大臣會同值年旗王大臣於京城應放人

員內秉公揀選引見補放○又諭現在湖南

勦辦苗匪大功指日告成但平定後所有善

後防守事宜尚需歷練之人明亮舒亮皆係

屢經行陣而安慶年正富強伊等前於黑龍

江將軍副都統任內皆沿都爾嘉陋習尚非

由伊等始作者可比著加恩將舒亮安慶釋

放即與此次遣往湖南之侍衛章京等同往

並著烏魯木齊都統傳旨明亮即行馳驛前

往湖南交福康安和琳酌量差委効力贖罪

○諭軍機大臣等現在畢沅惠齡督兵勦辦

賊匪如兵力不敷可就近於接壤之河南南

陽鎮標內添調兵丁一面奏聞一面飛咨景

安迅速派撥前往再現派巴圖魯侍衛章京

等二十員馳赴湖南軍營差遣該員等皆由

荆州經過並著畢沅惠齡商酌如需帶兵之

員即可於該侍衛等過境時酌留數員於帶

兵更為得力將此諭令知之○調四川雲南

廣西兵一萬名廣東陸路兵一萬名勦辦苗

匪從欽差大學士福康安請也○癸巳遣官

祭賢良祠○諭軍機大臣等畢沅等奏督率

將弁直入山內奮力勦殺斃賊多名所辦差

強人意但該賊匪等四處勾結嘯聚多人斷

非起自近日畢沅兩任湖廣總督惠齡亦兩

任湖北巡撫均係伊等及福寧三人任內之

事實難辭咎此時若能督率官兵奮力攻勦將首逆剋期全獲餘黨搜捕淨盡尚可將功抵罪儻辦理遲緩或致賊匪蔓延伊二人自思當得何罪所有該管地方官並著畢沅等於事竣後查明據實奏○賞湖北枝江縣蕭家壩勦賊兵丁一月錢糧○乙未定官員貽封限制諭內閣刑部衙門因司員等懇請貽封據情代奏一摺向來遇有覃恩大小官員原准貽封但所請貽封之人如係伯叔兄長外祖等尊屬身受撫育恩慈例得推恩者自應准給封典若係疏遠戚屬姻親亦輒轉懇請貽封與例不合者豈可漫無限制其應准應駁部中自可循照定例分別覈辦又何必由各衙門紛紛瀆奏耶嗣後內外大小官員懇請貽封者俱著彙報吏部覈所奏情節分別准駁彙題以省繁瀆而昭限制其有情節委曲不同者該部聲明另奏若有私弊許科道封奏所有本日刑部衙門奏請貽封一

摺即照此辦理○諭軍機大臣等現在福康安和琳統兵進勦欲由平隴前進收復乾州但乾州前被賊攻擾時兵民或逃散他處或被賊戕害該處是否賊匪占踞抑即委之而去僅係空城其實在情形總未據查明具奏今思平隴一帶山溪險阻賊匪屢經官兵勦擊負隅屯聚抵死抗拒若專由此一路進攻與賊匪相持未免坐守稽遲該處山徑歧出自另有可通之路或派兵仍由平隴虛作進攻之勢使賊不暇旁顧另遣偏師潛由僻路繞出賊後徑取乾州俾賊人猝不及防且令其腹背受敵此亦夜過崑崙暗度陳倉之計或可期事半功倍朕偶籌畫及此特為詳悉指示可酌量情形熟籌妥辦以期迅速集事將此諭令知之○丙申諭軍機大臣等盜匪在洋往來行劫及經官兵追捕又竄入外洋其船中日用淡水食米從何而來必係沿海漁船人等私為接濟以致盜匪得有食米久

住海洋雖海濱貧民向藉捕魚為生勢難概行禁止然當於漁汛之時嚴密盤詰查其船中人口若干帶米若干按口計食儻有多帶糧米立即查究則漁戶等知所做懼不敢仍前夾帶偷賣而盜犯等無所得食自不能常在洋面覓盜犯所得贓物必須上岸銷售地方文武果能於各隘口實力嚴查遇有形跡可疑之人攜帶物件即行究拏如此斷其接濟之路復四面兜截自無虞其遠颺漏網將

此諭令魁倫吉慶知之○命翰林院檢討張綬在上書房行走○以浙江黃巖鎮總兵官孫全謀擒獲洋盜多名下部議敘守備蔡得耀等升擢有差○丁酉諭內閣散秩大臣銜屯守備木塔爾慶次奉調出兵尚能出力茲從征苗匪患病回川途次身故實為可惜著即加恩照陣亡之例准其子阿申承襲一次並念伊母阿拉年逾八十著將木塔爾應得分例減半給與以資養贍至阿申及歲時再

行酌量以屯弁拔補以示體恤勤勞格外恩施至意○諭軍機大臣等南陽興漢與襄陽鄖陽毗連該督等所調兵二千名順流而下行程便捷現已傳諭景安秦承恩照料遡行並派總兵阿克東阿德光帶兵前往兵威壯盛畢沅惠齡惟當併力前進專辦枝江宜都之賊急將聶傑人劉威鳴二犯擒獲渠魁既得餘黨自必紛紛解散不可因匪徒分路滋擾將官兵零星派撥轉致疲於奔命至湖廣地方上年雖屬豐收但枝江宜都長樂長陽東湖當陽遠安七縣現經匪徒四出滋擾未便照舊開徵除就近諭知戶部外並著畢沅惠齡即行謄黃出示將此七縣應徵錢糧俱先予緩徵俟平定後再降諭旨其被賊焚搶之處並妥為綏輯勿任少有失所使知肆逆者法所必誅安分者恩所必逮以副朕廑念災黎嘉惠善良至意○軍機大臣兵部議覆福州將軍署閩浙總督魁倫等奏請酌改畧

島海疆營制查玉環同知所屬石塘石板殿等山。原隸太平縣。自雍正五年設玉環同知。該廳經費未敷。以石塘等山劃歸管轄。而洋面仍隸太平。今經該撫查看。該山距太平縣僅六十里。而相距玉環二百餘里。耳目難周。請將該處山。仍歸太平縣管轄。至太平縣舊設守備。把總外。委各一員。兵二百六十名。向無官舍。兵房亦多坍塌。請添建衙署。並於附近汛內。抽撥兵三十五名。湊足三百

名之數。又象山縣之石浦地方。雖設有昌石營千總一員。兵九十八名。而所設千總。例與都司按季分巡洋汛。如遇千總出巡。則石浦無專員駐守。應於象山協所屬內。撥出左營守備一員。外委一員。兵一百名。移駐石浦。均應如所請辦理。從之。○吏部疏請查從前恩詔八十以上老人。給與八品頂帶。此次恭逢恩詔內開七十以上老人。給與品級之處。應請酌照上次之例。將滿漢七十以上者。給與九

品頂帶八十以上者。給與八品頂帶九十以上者。給與七品頂帶百歲以上者。給與六品頂帶從之。○以故喀爾喀輔國公車登達什子達什丕勒降等襲爵。○戊戌諭內閣侍郎沈初在江西學政任內。於阜役之子焦模泰。違例混考入學。經饒昌期等告發。並不究訊。確實。輒將原告斥革。轉置焦模泰於不問。意存袒庇。非尋常失於查察可比。本應照部議革任。姑念其尚無受賄聽屬情弊。沈初著加

恩。仍留侍郎之任。其革任之案。仍註冊。○己亥

上還宮。○畢沅奏痛勦灌灣腦太和山賊匪。升任安徽巡撫。署湖北布政使。汪新奏賊匪攻破當陽縣城。縣令黃仁被害。奏入諭軍機大臣等。此次畢沅惠齡所辦。尚屬奮勉。但首犯聶傑人等。尚未就獲。而當陽又有匪徒戕官之事。未便即將該督撫交部議敘。至該縣存兵無多。賊匪猝至。原難責該令以失陷城池。

之罪但失守時若因力盡被害或罵賊捐軀自應照陣亡例優卹若祇係猝不及備不過照例給予卹典如為賊所拘或尚有求生之念致失體統則不治以失陷之罪已屬從寬豈可復使濫邀恩卹此等名節所關事定後應徹底查明分別辦理以示勸懲將此諭令知之○命西安將軍恒瑞率滿洲兵二千進勦當陽教匪○命熱河總管鄂輝馳赴湖北軍營勦賊○賞湖北軍營兵丁一月錢糧○

庚子禮部奏請恭繳

上肇封嘉親王金冊金寶

皇后肇封福晉金冊得旨敬謹齋送毓慶宮供

奉○辛丑祭

歷代帝王廟

上親詣行禮○幸圓明園○問

太上皇帝安○諭軍機大臣等當陽等處有需兵力已令西安將軍恒瑞由鄖陽一路馳往又加以興漢南陽之兵聲威更壯畢沅現赴

荊州務將賊匪勦除淨盡收復當陽不可稍涉遷延將此諭令知之○壬寅

孝昭仁皇后忌辰遣官祭

景陵○諭內閣哈當阿等奏拏獲刊刻不法圖章並起意欲圖械鬪各犯審明定擬一摺已交軍機大臣會同該部連議具奏矣此案林春桂身為書吏因與施姓嫌隙輒敢起意尋鬧商同郭仕全刊刻不法圖章欲圖糾人械鬪甚為可惡通判王兆麟於書役滋事未能

先事查察哈當阿等奏請交部議處固有應得之咎但近來各省地方官遇有書役滋事往往意存袒護不肯據實辦理今該通判於書役林春桂等商同滋事一經林東元首報立即會同營縣拏獲各要犯審辦並不迴護書役尚屬可嘉不但免其議處並當加以甄敘王兆麟著加恩交部議敘以示鼓勵○諭軍機大臣等哈當阿等奏拏獲首從各犯審辦一案閹匪犯施蘭所供因伊兄施斐於陳

周全案內正法欲圖報仇起意糾人結會謀逆此等匪犯即與叛逆無異自應凌遲以昭炯戒今僅將該犯與從犯等一律正法臺灣遠隔重洋民俗刁悍不足以示懲創並著傳諭哈當阿等嗣後遇有此等起意為首糾人謀逆之犯一經審明即應凌遲處死不得以其糾夥未成稍從輕縱庶足以昭法紀而肅海疆○改陝西鹽法道為鳳邠道移駐鳳翔添建衙署從巡撫秦承恩請也○癸卯清明

節

上侍

太上皇帝詰

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢○以

先師孔子後裔孔廣杓襲五經博士○甲辰諭內閣湖北當陽縣逆匪滋事不過烏合之

衆現在大兵雲集無難立就殲除惟該縣黃仁當賊衆攻城之時見勢危急屬令其子黃士驤改裝藏印乘間逸出赴畢沅處呈繳旋因城破被戕實堪嘉憫黃仁著加恩照知州例議卹尋議照傷亡例予祭葬世職從之○諭軍機大臣等聶傑人等在大江以南枝江宜都等處滋擾而江北之東湖當陽遠安等處又有逆匪嘯聚蔓延數州縣中隔大江斷非倉猝通信所能同時並起必豫有彼此勾

結約會況賊匪互相雄長其勢散渙豈能不約而同是否聶傑人即係各路賊匪總頭抑或另有其人嗣後如有續獲之犯務須訊明起釁根由具奏再陝西之兵由鄖陽一帶行走河南之兵由襄陽一帶行走會合堵剿賊匪自無虞其北竄惟川東一帶皆與湖北接壤前據孫士毅奏派委道員在川東一帶彈壓並著該署督添派鎮將會同留心稽察堵截勿令竄入川境將此諭令知之○追封

皇后父原任副都統和爾經額三等公母王佳氏為公妻一品夫人祭一次建碑修墳如例○乙巳諭內閣西寧地處邊陲兼轄民番現在即有緝捕劫掠通事之番賊員缺最為緊要昨召見西寧道榮德看其才具中平恐難勝任新授漢中府知府鄂雲布係喀勒吉善之孫定長之姪家風具在人亦明白著即升授甘肅西寧道所遺陝西漢中府知府員缺即著榮德降補一轉移間人地兩屬相宜而

於繁簡均得其當矣○欽差大學士福康安等奏報總兵官田永祠知府吳桂都司馮繼玉連次打仗殺賊多名下部議敘○丙午諭軍機大臣等惠齡生擒首逆聶傑人並連奪賊卡所辦俱好但現據聶傑人供尚有傳習白蓮邪教之張正謨係此案為首之犯未經就獲而餘黨亦未搜查淨盡未便遽行降旨議敘將此諭令知之○以生擒枝江首逆聶傑人功總兵官富志那等升賞有差並賞諸

路兵丁一月錢糧○是月福州將軍署閩浙總督魁倫奏辦理洋面情形並覆奏御史宋澍陳奏蔡新家信內述及閩省洋盜充斥並勾結安南夷船等因查閩省近來洋盜充斥兼漳泉被水後失業貧民不無出洋為匪但此等匪徒隨聚隨散而粵省匪船遂有假裝服飾稱為安南夷人乘風入閩臣以海洋為閩省最要之事不敢稍有疏懈亦不敢過於張皇現添派水師扮作商船嚴密緝獲至蔡

新家信內稱盜匪脫逃者責其家長村衆共擒不獲亦並治罪能獲者賞之一節。現在村衆有將逃回洋匪紛紛縛送。臣俱賞給銀牌獎勵。如不獲即予治罪。恐其心存疑懼。反多隱匿。又戰船無風亦動。船動則放礮。不准一節。向來係用哨船。船身笨重。現飭官兵駕坐商船。誘令賊船較近。施放鎗礮。更可使洋匪遇見商船。疑係官兵。不敢肆行剽劫。得旨。汝所辦尚好。實力實為毋懈。

實錄本十

十一

大清仁宗受天興運數化綏猷崇文經武孝恭勤儉端敏英哲睿皇帝實錄卷之二

大清仁宗受天興運數化綏猷崇文經武孝恭勤儉端敏英哲睿皇帝實錄卷之三

欽 奉

嘉慶元年丙辰三月丁未朔諭軍機大臣等

湖南勦辦苗匪自用兵以來經福康安和琳等臨陣殲擒及各後路搜拏正法者已不下數千名其為首及有名賊目謀逆之犯均須逐一查辦固不可稍有疏漏致日久遺孽復萌但苗匪滋擾延及川黔湖南三省其中被賊脅誘者亦復不少若概予誅夷人數過多朕心實有所不忍著傳諭福康安和琳於石三保石柳鄧吳廷禮等擒獲後除各路為首賊目及實係黨惡者均須悉數嚴辦此外脅

從附和之苗衆尚可從寬者應免其一死分發伊犁回疆黑龍江等處為奴此朕仰體上天好生之德法外施仁福康安和琳均當留心妥辦以副委任○戊申

上御勤政殿聽政○諭內閣舒亮從前雖獲重譴但現留在湖北勦除逆匪若無職銜難以領兵著加恩授為三等侍衛○諭軍機大臣等昨據惠齡奏枝江首逆聶傑人已經生獲該處及當陽一帶尚有賊匪屯聚是惠齡所

奏傳習邪教之張正謨實為此案首犯必應生獲者惠齡務須迅速查拏首謀就擒餘黨自必潰散至此次賊匪糾集多人其中被賊誘脅者諒復不少畢沅等當嚴行查究如係抗拒傷官焚搶村莊及輾轉勾結為逆者罪無可宥均須悉數嚴辦其餘為賊匪誘脅逼入邪教者不過分發各處為奴若祇係無知愚民誤被誘惑旋知改悔者概不必深究庶自新有路更可免株累而安衆心畢沅惠齡

務宜詳細分別毋縱毋濫將此傳諭知之○旌表守正捐軀湖北興國州民成維林妻蕭氏湖南新田州民彭廷貴妻蔣氏○己酉上還宮○諭軍機大臣等畢沅因荆襄鄭宜等

府俱有賊黨播散謠言冀圖搶劫復行請發京兵前往駐守京營勁旅打仗殺賊原可以一當百若祇令前往防守則湖北地方遼闊村莊要隘在在需兵無論簡發三千不數分布即十倍此數亦不足用况京師距湖北路遠非惟緩不濟急京師重地先已駭人觀聽且人數衆多沿途支應未免多有擾動而帶兵之員一時亦難得其人畢沅等前後所調河南陝西及本省滿漢兵丁已有六千餘名又有恒瑞帶領西安滿兵二千名馳往會剿今據該督奏稱又咨陝撫再添調兵二千名是各處兵丁到齊統計已有萬餘儘足數勦捕之用本日據恒瑞奏永保由烏魯木齊來京業經札知速赴西安現在湖北既須大員

帶兵永保曾經軍旅著即由驛遙行同恒瑞帶兵從鄖陽一帶行走將有賊處所先加搜勦馳抵當陽與畢沅會合協同勦辦又有舒亮鄧輝先後派往伊二人係帶兵熟練之員均可得力此時畢沅惟應督率弁兵悉力守禦鎮定人心不可冒昧輕進稍致疏虞再本日據秦承恩奏親帶兵丁前往陝楚接壤要隘堵截現在陝西省城並無大員昨據宜綿奏稱已於二月二十日自蘭州起程前赴西

安駐劄即著該督辦理糧餉策應彈壓等事將此各傳諭知之○庚戌諭內閣據伊桑阿等奏葉爾羌商人私往內地販玉案內訊出前此琅玕佛住家人曾經代商人夾帶等語據此則琅玕佛住未免知情著解任迅速來京備質喀什噶爾參贊大臣員缺著長麟補授奇豐額著調任葉爾羌辦事伊犁協領成德著賞給副都統銜補授庫爾喀喇烏蘇領隊大臣成都副都統員缺著勒禮善調補○

先是諭大學士署四川總督孫士毅停止續徵廓爾喀軍需津貼銀兩並查明續收銀數具奏至是覆奏未奉諭旨停止以前共續徵銀一千一百餘兩復諭孫士毅此項津貼夫價共有八十餘萬今事隔數年所完之數不過千分之一二可見前次該署督所奏百姓踴躍急公之說竟是虛言著嚴飭各縣發還原納各戶○辛亥

上耕耤詣

先農壇行禮更服至耤田所

躬耕三推復加一推

御觀耕臺命鄭親王烏爾恭阿豫親王裕豐定親王綿恩各五推吏部左侍郎沈初戶部右侍郎成德禮部左侍郎鐵保兵部左侍郎玉保刑部右侍郎譚尚忠工部右侍郎阿迪斯都察院左副都御史汪承霽通政使司通政使寶源大理寺卿薩敏各九推畢順天府府尹率農夫終畝賞賚農夫耆老如例○以內

閣學士恒傑兼正黃旗漢軍副都統○旌表
守正捐軀湖北黃岡縣民劉良才妻蕭氏○
壬子

上啟鑒侍

太上皇帝恭謁

東陵

西陵○諭軍機大臣等來鳳縣並無城垣該縣
莊紉蘭帶兵無多倉猝遇賊被害情殊可憫
著該督等照當陽縣黃仁之例於事定後咨

部優卹現在所調河南官兵業經畢沅截留
應用而惠齡一路正需分兵進攻著畢沅即
飛催恒瑞及署興漢鎮總兵文圖領兵速行
到楚應用或河南後到之兵亦可將此各傳
諭知之○以禮部左侍郎鐵保吏部左侍郎
沈初知貢舉禮部尚書紀昀為會試正考官
都察院左都御史金士松兵部右侍郎李漢
為副考官○免蹕路經過地方本年額賦十
分之三○是日駐蹕烟郊行宮○癸丑駐蹕

白澗行宮○甲寅諭軍機大臣等現在秦承
恩已赴興安一帶陝省地方亦關緊要宜綿
祇當於西安省城及商州一帶稽察彈壓不
可又赴楚境景安現在南陽足資照料亦不
必越至楚境於本省事務轉致不能兼顧將
此各傳諭知之○是日駐蹕隆福寺行宮○
乙卯

上侍

太上皇帝恭謁

昭西陵

孝陵

孝東陵

景陵俱未至碑亭即降輿慟哭步入

隆恩門詣

寶城前行禮王以下文武大臣官員隨行禮○

上復恭謁

孝賢皇后

孝儀皇后陵寢○詣

瑞慧皇太子園寢奠酒○是日駐蹕桃花寺行宮○丙辰旌表守正捐軀安徽六安州民童玉鳳妻林氏○是日駐蹕白澗行宮○丁巳

孝賢皇后忌辰遣官祭

陵寢○諭軍機大臣等此時當陽賊匪業經圍住所調官兵不日即可到齊畢沅現分派四路用礮轟擊縣城未免稍拙攻城之法或聲東擊西或三面攻擊故留一門為賊出路暗

設伏兵乘賊竄逸為掩捕之計若專用礮擊徒糜火藥與輓石為敵殊屬不值且致耽延時日至孫士毅馳抵楚北邊界堵剿賊匪所辦亦屬可嘉其所稱此時祇宜上緊剿除逆匪邪教一節暫緩查辦以安衆心所見適與朕前旨脗合將此各傳諭知之○畢沅等奏保康竹山二縣向無城垣被賊殘破知縣陳世章劉大成等均以遇賊被害得旨事定後咨部議卹尋又奏保康縣知縣陳世章遇賊

被羈罵賊不屈經鄉民救免嗣西安將軍恒瑞查奏陳世章並無罵賊不屈實據請革職發往新疆効力贖罪從之又陝甘總督宜綿查奏竹山縣知縣劉大成署遊擊孫魁掄典史吳國華賊至不能固守均自盡

上以劉大成等雖未罵賊捐軀究與偷生者有閒仍下部議卹尋議均照傷亡例減等賜卹從之○免湖北被賊滋擾之枝江宜都長樂長陽東湖遠安當陽歸興小南漳穀城宜城

光化均鍾祥竹山竹谿房保康來鳳二十州縣本年額賦○免四川逆苗滋擾之酉陽州本年額賦○是日駐蹕烟郊行宮○戊午

上侍

太上皇帝至南苑詣

元靈宮

永慕寺行禮○是日駐蹕舊衙門行宮○己未上侍

太上皇帝至圓河行宮

上行圍○是日駐蹕新衙門行宮○庚申諭內閣健銳營向設有雲梯一項專挑兵丁習演最為趨捷即如此次荆州勦捕賊匪若該處滿兵習用雲梯豈不更易嚴事何至用礮攻擊致耽時日嗣後外省駐防滿兵處所該將軍等當挑選數百名演習雲梯而綠營中兵數較多每省督撫提鎮標下亦可酌挑一千名使之隨時演習俾臻精熟○賞吐魯番兵丁修屋銀○免江蘇上元句容二縣開河占廢田額賦○是日駐蹕黃新莊行宮○辛酉駐蹕半壁店行宮○壬戌諭內閣烏什哈達從前尚無重罪今由伊犁撤回伊既情願自備資斧前往湖北効力烏什哈達著加恩授為頭等侍衛隨同畢沅惠齡等効力○是日駐蹕秋瀾行宮○癸亥畢沅奏報攻勦湖北當陽賊匪賞總兵官阿克東阿道員高杞舒永阿花翎○秦承恩奏報賊勦湖北竹谿縣賊匪副將文圖以總兵官升用賞武生王萬

年守備銜餘給頂帶口糧有差○是日駐蹕梁格莊行宮○甲子
上侍
太上皇帝恭謁
泰陵
泰東陵俱未至碑亭即降輿慟哭步入隆恩門詣
寶城前行禮王以下文武大臣官員隨行禮○以故雲南鎮康土知州刀悶銳子悶濟襲職○是日
上侍
太上皇帝迴鑾駐蹕秋瀾行宮○乙丑駐蹕半壁店行宮○丙寅以刑部左侍郎張若淳兼管順天府府尹事○旌表守正捐軀四川雙流縣民帥公策女帥氏○是日駐蹕黃新莊行宮○丁卯
上侍
太上皇帝還圓明園○己巳祭

先蠶之神

皇后親詣行禮○緩徵四川逆苗滋擾之秀山縣新舊額賦○庚午予臺灣出洋淹斃把總林朝選祭葬世職兵丁王祿等三十九名賞卹如例○辛未

上御勤政殿聽政○諭內閣舒亮前在黑龍江將軍任內賤價收買貂皮固有應得之咎但念其尚係相沿陋習並非起自伊任與獸法婪贓者究屬有聞鄂輝在四川將軍總督任

內於巴忠辦理巴勒布一事錯謬之處隨同附和而於廓爾喀呈進表貢耽延不辦實屬乖謬但亦無別項婪索劣蹟昨因湖北襄陽一帶匪徒滋擾特賞舒亮鄂輝三等侍衛職銜令其馳赴軍營帶兵効力伊二人自抵軍營後尚屬奮勉舒亮鄂輝俱著加恩賞給頭等侍衛協同勦捕庶官階較大呼應更靈伊二人皆係棄瑕錄用之人經此格外施恩尤當倍加感激益圖奮勉剋期掃平賊匪綏靖

地方以副獎勵至意○以翰林院侍讀學士

達慶為詹事府詹事○壬申諭軍機大臣等前據惠齡奏賊匪糧石無多不久食盡今又聞多日仍復遷延惠齡實屬無能著傳旨申飭至賊匪張正謨困守山內勢已窮蹙惠齡即不能立時拏獲亦應悉力防堵設乘間竄逸惠齡自思當得何罪舒亮到襄陽後業將賊匪屢加勦殺正可乘勢掃蕩襄陽附近賊匪乃畢沅復調赴當陽轉派鄂輝前至襄郡

現據景安奏襄陽賊匪潛出滋擾兵力稍單此皆畢沅調度失宜所致該督辦理此事漫無把握亦著傳旨申飭現在舒亮已抵當陽該處賊匪即責成舒亮幫同畢沅勦辦至孫士毅知會惠齡撥兵截住去路一節惠齡現在深沖口坐待兵力方自顧之不暇焉能又赴來鳳一帶協力夾攻因思文圖前在羊角山勦賊甚為奮勇著加恩賞戴花翎即令酌帶兵丁由竹山一帶取道來鳳沿途遇有賊

匪即可殲除。以便與孫士毅兩面夾攻。更可
得力。將此各傳諭知之。○理藩院尚書留保
住。因病休致。以綏遠城將軍烏爾圖納遜。為
理藩院尚書。○癸酉。

上還宮。○諭內閣。刑部具題。數覆河南省鄭路
妮語言調戲馮喜成之妻彭氏。致氏羞忿。投
井身死一案。因犯事在恩赦以前。照例聲請
援免。向來各省遇有調戲致本婦自盡案件。
皆隨案覈其情節。如係手足勾引。情近用強
者。皆於秋錄時。即行予勾。其僅止語言調戲
者。概免勾決。所以示區別。而昭矜恤。但調戲
之案。與鬪毆不同。凡鬪毆者。因事忿爭。彼此
扭結。互相毆擊。或因傷重致斃。其逞兇之犯。
亦必受傷。是死者由於互毆。而起釁。尚屬有
因。至調戲之案。則本婦本係安居家內。忽來
穢褻之言。致令羞忿難堪。輕生自盡。情節實
為可憫。其調姦之犯。雖無強橫情狀。而因一
時邪念之萌。遽陷婦女於死。此而免其擬抵。

已屬從寬。若因事在赦前。僅按例追繳埋葬
銀兩。即予援免。俾得置身事外。且追埋之銀。
或得或不得。均不可知。何足以懲兇淫。著刑
部即將本年題過此等案件。及此後辦理各
案。如有似此語言調戲致本婦自盡者。俱於
本內聲明。不准援免。仍入於緩決。牢固監禁。
屆期與減等人犯一律辦理。不得遽行釋免。
以慰貞魂。而申明綱。○恒瑞奏報收復湖北
竹山縣城。得旨嘉獎。下部議敘。賞署總兵官。
文圖協領富勒杭阿。防禦海常阿。驍騎校鍾
德千。總趙天祥。巴圖魯名號。并賞富勒杭阿。
海常阿。花翎。鍾德等。藍翎。○以孟夏時享
太廟。自是日始。齋戒三日。○甲戌。旌表守正被
戕直隸永年縣民李景妻閻氏。○乙亥。禮部
以會試中額。請得旨滿洲取中四名。蒙古取
中一名。漢軍取中二名。直隸取中十六名。奉
天取中一名。山東取中十一名。山西取中七
名。河南取中七名。陝甘取中五名。江蘇取中

成惠齡富志那勦辦襄陽穀城均州光化賊匪即交鄂輝同彭之年等辦理來鳳與四川接壤該處一帶賊匪即責成孫士毅督辦總之賊匪蟻聚蜂屯官兵分投掩捕辦一處必須肅清一處不得因賊匪逃散潛匿即為完事以致兵過之後遺孽復萌又復潛出滋擾也將此各傳諭知之○丁丑諭軍機大臣等據吉慶奏嚴拏奸徒偷漏硝磺黃並咨明各省一體查禁一摺硝磺火藥例干嚴禁近來海洋盜匪每遇商船即放礮為號海洋非出硝磺之地此等硝磺若非奸徒偷賣盜匪又從何處購覓是欲杜私販透漏情弊必先於出產地方嚴行查禁著傳諭各該督撫飭令地方官嚴行查察於官為給照採辦之外毋許絲毫私售使奸徒不能販運偷賣而盜匪即無從接濟該督撫等務當飭屬嚴禁毋得日久生懈○又諭柯藩奏帶兵七十名並派遊擊張彪帶兵八十名在漫營地方殺賊四百

餘名生擒數十名所奏殊不足信柯藩張彪僅帶兵一百餘名即使賊衆束手受縛以一百名之多緣營陋習往往虛張聲勢稍有斬獲以少報多著傳諭該督撫提鎮嗣後務須據實奏報並轉飭各員弁一體遵照毋得似此貪功妄報以歸覈實○畢沅奏房縣解圍擢知縣魏相臣為知府千總羅陞等升賞有差○戊寅旌表守正被戕江蘇海門廳民殷尚妻施氏○
上以常雩祀
天於
圜丘自是日始齋戒三日○庚辰
上詣
南郊齋宮齋宿○秦承恩奏報派員防守興漢地方並截殺湖北竄賊多名得旨嘉獎下部議敘○戶部議准山西巡撫蔣兆奎疏請襄垣山陰陽城陵川沁水靜樂六縣丁徭銀兩

全歸地糧攤徵從之○又議准直隸總督梁肯堂疏報西寧縣開墾水田一頃九十畝照例升科從之○辛巳常雩祀

天於

園丘

上親詣行禮○幸圓明園○問

太上皇帝安○諭內閣據拉旺多爾濟奏因患痰疾請解任回本遊牧處調養等語著照所請令其回本地調養但伊年力正強醫治數

月即可痊愈不必解任以示軫念其未來京以前所有正黃旗領侍衛內大臣員缺著福長安暫行署理俟拉旺多爾濟痊愈後再行來京供職○諭軍機大臣等景安奏探聞湖北峪山賊匪尚在張家集等處屯聚而呂堰驛又被賊匪焚燒文報阻隔已諭知梁肯堂即於附近之正定順德廣平磁州各營挑選兵丁二千名先派將弁帶領起程並命直隸提督慶成即日由古北口馳赴南陽一帶統

領進勦所有派往巴圖魯侍衛二十員於經過南陽時並著景安酌量情形若南陽需人帶兵即酌留數員在彼帶領協勦將此傳諭知之○旌表守正捐軀河南太康縣民黃清連妻畢氏○壬午諭軍機大臣等襄陽為南北衝途關繫緊要現調直隸兵未能即到鄂輝職分較小亦恐呼應不靈著恒瑞帶兵將保康附近各處賊匪實力搜勦永保即輕騎減從迅赴襄陽調度策應將此傳諭知之○

孫士毅奏報進勦來鳳縣小坳賊匪得旨嘉獎晉孫士毅爵三等男賞主事周鵠聯都司何天標守備馬建紀涂應仲蘇榮煥花翎餘升賞有差○賞會試年老舉人鄭泳等司業學正職銜有差現任教諭馮大興等俱以加銜留任 癸未

上 詰

黑龍潭神祠拈香 甲申諭內閣西成尚在湖南軍營未能即時赴任現在將軍總督巡

撫臬司皆未回省。西安不可無大員駐劄。彈壓丁憂。西安布政使倭什布。百日孝滿。著即馳驛速往陝西。署理布政使印務。○河南巡撫景安奏。鄧州新野地方。現有匪徒滋擾。兵力不足。已調河北兵五百名。前來南陽。奏入。諭軍機大臣等。景安所調河北彰衛二營。弁兵五百名。一節。尚欠斟酌。河北地方亦關緊要。不應輕有調動。所有慶成帶往直隸官兵二千名。俱著留於南陽一帶。以資分路堵截。

其河北之兵。如尚未起程。著景安飛飭停止。儻已起程。即於直隸後起官兵內酌撥五百名。留於河北。交張文奇分撥彈壓。南陽地方被賊滋擾之處。著該撫即先行騰黃曉諭。將本年應徵錢糧。概予緩徵。湖北枝江等二十州縣。前已降旨豁免錢糧外。如續有被賊滋擾之處。並著畢沅等查明一體奏請豁免。並先行騰黃曉諭。俾良民益知感激。將此傳諭知之。畢沅奏報克復保康縣治。賞生員郭

必祥等頂帶有差。○以浙江溫州鎮總兵官孝順阿不勝水師之任。命來京候旨。以瑞安協副將林起鳳為溫州鎮總兵官。○以故廣西太平土知州李祺孫慶榮襲職。○旌表守正捐軀河南南陽縣民侯敬妻袁氏。○乙酉惠齡奏。長陽縣地方有逆匪林之華糾眾滋事。已飛咨恒瑞令文圖帶兵往剿。奏入。諭軍機大臣等。長陽一帶賊匪乘虛蟻聚。不可不速行撲滅。恐文圖一人尚不足以資董率。著

傳諭恒瑞。永保二人酌分一人帶兵速赴襄陽。一人即赴長陽一帶督率剿辦。此時惠齡軍營已得勝勢。長樂長陽之賊俱係張正謨黨與。思往接應。惠齡惟當倍加奮勉。將賊首張正謨拏獲。其餘匪黨自必紛紛瓦解。將此傳諭知之。○又奏報攻奪灌灣腦賊卡得旨。獎賚總兵官富志那等下部議敘。○丙戌

上詣

黑龍潭神祠拈香。○諭內閣刑部具題。嚴覆

奉天省宗室家人朱渾強行雞姦幼丁彥德一案因犯事在恩赦以前照例聲請援免辦理不免拘泥此案朱渾強姦彥德已成實屬淫惡若因事在赦前即予援免何足以示懲儆著刑部即將本年題過此等強姦已成之案及此後辦理各案如有似此者俱於本內聲明不准援免仍牢固監候入於緩決辦理不得遽行免釋以懲淫惡而昭明弼○引見乙卯科散館及補行散館人員得旨此次翰林散館之修撰石韞玉王以銜編修洪亮吉莫晉業經授職其清書二甲之庶吉士沈樂善漢書二甲之庶吉士秦維嶽陳琪嚴榮王麟黃因璉俱著授為編修漢書三甲之庶吉士何會祥韓鼎晉董健張鳳枝賈允升王瑤臺俱著授為檢討潘世璜陳廷桂戴敦元喬達炳嚴振先俱著以部屬用○福康安等奏報攻克納共山等處城卡殲戮苗匪得旨獎賚賞頭等侍衛阿哈保副都統銜三等侍衛

清 實 錄 嘉慶元年四月

三布羅土遊擊拉里吉都司阿申守備雍忠甲穆楚納穆喀甲爾格登塔爾巴圖魯名號副將永安遊擊五十一都司張觀文劉瑞守備陳時昌千總馬濟土都司克楚阿克畢守備格登塔爾班第塔爾雅滿塔爾千總郎塔克爾花翎千總李應元等藍翎並賞旗營屯土各兵丁一月錢糧○旌表守正捐軀河南南召縣民牛頭妻屈氏○丁亥上御勤政殿聽政○以通政使司通政使寶源

為都察院左副都御史○旌表守正捐軀山西薩拉齊廳民郭成明妻劉氏○戊子諭軍機大臣等費淳奏減價平糶一摺據奏糶獲錢文易銀解司俟秋成再行買補還倉所辦未為妥協現在各省銀少錢多銀貴錢賤正當設法調劑今平糶價值自應就百姓所交之錢貯庫民間繳官之項自必挑揀大錢不敢稍有攙雜設有將小錢夾入者即可從此查究順便收繳況所糶倉穀秋成後仍須買

補彼時將此項錢文發出採買豈不兩便又何必令其易銀解司轉致不肖官吏藉端勒索而解司之時又有耗費添平等弊將來秋間採買又復短價勒買往返出入易啟弊端著傳諭費淳所有此項平糶價值錢文即令照數存貯為秋成買補之用各省遇有應須出糶買補等事俱照此辦理將此並諭各督撫知之戶部議准山東巡撫王德疏報膠州開墾旱田三十頃八十九畝照例升科從之己丑

上幸靜明園詣

龍神廟拈香○江蘇按察使布顏以疾乞假允之以松太道李廷敬為按察使○撫卹琉球國遭風難夷如例○庚寅

上幸萬壽山詣

廣潤祠拈香○上幸靜明園詣龍神廟拈香○諭軍機大臣等蔣兆奎奏挑兵二千名令總兵德齡帶領暫駐澤州聽候

河南調用豫省河北地方近聞亦不甚安靜此項挑備之兵著蔣兆奎即行知德齡移駐衛輝並著景安酌量情形設南陽鄧州一帶需兵堵剿而進剿襄陽尚須添兵即將晉兵調撥自可更期得力○辛卯停喀什噶爾葉爾羌進馬並定新疆進馬道路諭內閣據伍彌烏遜奏塔爾巴哈台每年所進馬匹由內地行走關外沙漠遼遠天氣炎熱嗣後請照烏里雅蘇台科布多例由阿勒台一路行走

庶免煩擾內地驛站等語所辦甚當著照所請行但伊犁喀什噶爾葉爾羌每年皆有應進馬匹喀什噶爾葉爾羌俱係南路回疆若亦由此路行走其間隔有博爾多山又遠路較遠如仍由內地行走徒擾驛站且回疆馬匹俱屬平常嗣後喀什噶爾葉爾羌等處回疆所進馬匹竟行停止其伊犁所進馬匹亦著照伍彌烏遜所奏由阿勒台一路護送如此辦理既於馬匹有益而內地驛站亦可永

免煩擾矣○壬辰

孝端文皇后忌辰遣官祭

昭陵

上詣

黑龍潭神祠拈香○惠齡奏報攻奪灌灣腦

內坡等九處賊卡得旨獎賚弁兵升賞有差

旌表守正捐軀河南西華縣民張淳妻陳

氏○癸巳

上幸靜明園詣

龍神廟拈香○魁倫等奏洋盜莊麟殺盜首

駱什帶領同夥並船隻礮械自行投首賞莊

麟大緞一匹以千總拔補○頭等侍衛鄂輝

奏報勦殺襄樊賊匪得旨嘉獎賞鄂輝副都

統銜總兵官徐昭德等下部議敘○乙未諭

軍機大臣等恒瑞永保在保康白雲山內搜

捕賊匪為日已久節經降旨令帶兵速赴襄

陽何以尚未奏報起程實屬延緩著傳旨申

飭再楚北賊匪不過藉邪教為名煽誘糾結

其中教匪從賊者固多而被賊迫脅煽誘者

亦復不少若不設法解散則賊黨日聚日多

豈能盡加殲戮著傳諭領兵將軍及該督撫

等速行出示徧加曉諭以現在大兵四路雲

集賊匪不日殲除內有無知鄉愚一時被賊

誘惑及迫脅入黨者若能及早省悔自行投

出即係平日誤習邪教之人一經投首皆可

免其治罪儻有能將賊首賊目斬獲擒獻者

不但不治以從賊之罪並當優加獎賞如此

明白示諭加以勸賞不特賊黨易於解散並

可幫同官兵出力亦勦撫並施之一策○以

大學士和珅吏部尚書劉墉戶部尚書董誥

工部尚書彭元瑞吏部左侍郎沈初右侍郎

胡高望兵部左侍郎玉保內閣學士吳省蘭

為殿試讀卷官○丙申策試天下貢士袁樞

河南以備軍需○河南策試天下貢士袁樞

等一百四十八人於保和殿制曰懿惟凝庥

集祐長治久安在乎夙夜宥密單心基命朕

仰承

昊蒼眷佑撫馭寰宇幸臻寧謐康乂之庥夕惕
朝乾不敢暇逸勉思法一中之運量考三古
之規模兆民遵正直之塗五材歸化裁之用
克與埏埴瀛嶂偕之大道茲以數奏為明試
爰舉臚詢人心道心肇闡虞廷帝王所以與
天下相見者心也書所謂享天心肩一心洽
民心蓋徹上下之義也心之用主乎敬堯典
一篇始終皆曰欽即至於元首股肱喜起廢
歌而尤勸以欽乃傳心之功效也經訓之粹
足相證明者何語伏義以前尚矣文子有神
農之法新書有神農之教諸家言黃帝者更
詳若顓頊敬勝義勝之訓帝嘗博愛博利之
文載籍微言稽唐虞三代而上者可舉歟大
戴禮武王諸銘能約其詞歟後世若帝範帝
學心經政經亦有合歟凡皆帝學心傳所宜
沿溯也周書曰政貴有恒記曰五帝殊時不
相沿樂三王異世不相襲禮蓋治道有定而

不可泥者也然其得失可得而言井田封建
古以為大經大法然而漢起七國唐限名田
踵而行之如棼絲矣戰之以車也泉之以刀
也稅之以絹也後世斷不可行無論得失矣
周昉六官唐沿六典今猶其職而掌隸分合
品秩崇卑考課疏密皆殊軒畫萬井舜區九
州今更擴之而疆宇襟帶控制沿革每異它
若刑法食貨兵戎禮樂史遷之書列史之志
旁及政書如會要典章會典所釐具者能原
本權衡言之歟司徒修六禮明七教凡以節
民性興民德也禮坊記數千百言皆以坊民
而已故周禮有禁越之官王制嚴左道之律
道政齊刑三代不廢孔子云民可使由不可
使知使由者何途不使知者何道先聖名言
必有奧旨今未嘗不禁奇袤而誑疑未盡泯
未嘗不嚴保甲而奉行未盡善蠲貸普而民
或未盡厚生教誠諄而民或未盡正德至於
吏為民父母而富教非由科條士為民表率

而所弛無由觀感欲使道德一而風俗同諸
生來自田閒宜有聞見兵所以威天下實所
以安天下田乘邱甲非如古之制也步伐止
齊非如古之法也漢之南北軍唐之府兵曠
騎宋之更調明之團營與今之制孰善錢文
子之補漢兵志宋之武經總要明之紀效新
書與今之法孰詳要所以奏膚公而成偉績
者練其技則精而不恭鼓其氣則作而不竭
實其籍則不虞冗且浮明其賞罰則不至竄

且怠古之善將將者孰能得此意易曰師出
以律孔子曰我戰則克其以此歟凡此者式
於古訓而時幾精一傳其學監於成憲而因
革損益合其宜民安於日用飲食而遵路之
俗成士忘乎智名勇功而知方之風勸治道
裨而協氣蒸其必有所由致循是以觀厥成
曷敢不疊維爾修於家揚於庭毋隱毋膚朕
將親第焉○丁酉
上侍

太上皇帝詣

黑龍潭神祠祈雨○戊戌

上奉

太上皇帝命詣

黑龍潭神祠謝雨○諭軍機大臣等恒瑞永
保奏三里坪一帶賊匪俱係文圖勦淨而永
保恒瑞僅將白雲寺山賊匪追至黑龍溝地
方並未速行掃蕩所辦何事著傳旨申飭
仍著速將該處賊匪勦淨即馳赴襄陽會勦

儻賊匪負隅固守亦當酌一人速赴襄陽斷
不可二人株守一處也○宜綿奏報與柯藩
明亮攻克孤山大寨擒獲賊首王全禮等得
旨嘉獎下部議敘賞明亮頭等侍衛作為領
隊餘賞賚有差○恒瑞等奏報攻勦鬼谷子
溝等處賊匪得旨嘉獎賞遊擊朱世鳳巴圖
魯名號協領拉明阿副將卑靈保前鋒常福
花翎前鋒校富盛阿五品頂帶並花翎都司
伍爾登額等升擢有差○己亥

上詰

時應宮

昭顯廟拈香○還宮○御乾清宮召讀卷官入親閱定進呈十卷甲第○福康安等奏報攻克結石岡山梁石城殲賊燬寨得旨嘉獎下部議敘賞傷亡二品銜金川屯弁生根葬銀准其子承襲一次並賞兵丁一月錢糧○又奏苗匪吳隴登服罪投誠得旨欣慰覽之以雲貴督標中軍副將張玉龍為貴州安

籠鎮總兵官○予福建出洋淹斃兵丁吳仕

良等五名賞卹如例○庚子

上御太和殿傳臚賜一甲趙文楷汪守和帥承瀛三人進士及第二甲戴殿泗等四十人進士出身三甲邱超等一百一人同進士出身

○辛丑

太上皇帝安○辛丑

上御勤政殿聽政○畢沅奏攻圍當陽誘賊出城設伏痛勦並截殺援賊多名良民縋城投

出者絡繹不絕奏入諭軍機大臣等當陽城中縋出良民亟宜妥為安撫將來大兵入城查明並未從賊祇係被脅者亦應一體綏輯勿使失所此次隨同打仗之同知常丹馨遊擊什圖叅將馬為錦藍翎長六達色著以應升之缺升用○壬寅免四川龍安等府廳營屬及各土司夷賦糧折馬價雜糧等項十分之二○癸卯宜綿奏明亮本應馳赴湖南但襄陽樊城為南北咽喉要地不可使賊滋擾

臣將固原兵五百名交叅將九十帶領隨同明亮前往勦堵奏入諭軍機大臣等宜綿奏令明亮帶兵前往襄樊堵勦籌辦甚合機宜此時襄陽一路景安富成已由鄧州新野帶兵進勦現在永保明亮亦已前往又有鄂輝烏什哈達徐昭德等在彼協力勦辦該處兵多將廣自可將附近賊匪迅就殲除恒瑞文圖竟不必前赴襄陽速將黑龍溝一帶賊匪勦捕淨盡即應前赴長陽來鳳等處相機勦

辦將此各諭令知之

大清仁宗受天興運數化綏猷崇文經武孝恭勤儉端敏英哲睿皇帝實錄卷之四

嘉慶元年五月

大清仁宗受天興運數化綏猷崇文經武孝恭勤儉端敏英哲睿皇帝實錄卷之四

清 實 錄 嘉慶元年五月

大清仁宗受天興運數化綏猷崇文經武孝恭勤儉端敏英哲睿皇帝實錄卷之五

嘉慶元年五月乙巳朔諭軍機大臣等
此次惠齡等帶領官兵分投直撲天井湖等處雖未能將賊匪痛殲而三路賊卡俱已攻克所辦尚好至所請山西兵二千催令赴楚一節此項兵丁已據景安奏分撥防剿惠齡處兵力不敷莫若令恒瑞文圖帶兵先助惠齡將灌灣腦之賊悉力攻圍擒拏賊首為是至施南府屬之恩施縣有賊屯聚經知縣尹英圖等率領鄉勇分路擒捕殲斃多賊洗蕩賊巢知縣尹英圖著以同知升補其經歷將

實錄卷五

一

一〇九

遇春及把總外委等俱著酌量升用以示獎勵至豫省近楚邊界多有教匪景安當駐劄南陽新野一帶督率彈壓不必深入楚境慶成富成會合永保鄂輝即速將襄樊一帶賊匪剿淨再來鳳賊匪在茶園溪一帶屯聚為數甚多孫士毅現兵無多不可存欲速之見輕於深入若能將茶園溪一帶賊匪先行剿除固屬甚善但須悉心籌酌如兵力不敷不妨畧為停待將此各傳諭知之○以奪獲天

寶錄卷五

二

井湖青龍溪鄧家畝三處賊卡功賞總兵官富志那侍衛關騰巴圖魯名號道員先福副將張持叅將程鵬翼守備林朝輔花翎候補守備鄧興相等藍翎副前鋒叅領塔思哈等升用有差○丙午諭內閣據蘊端多爾濟奏稱土謝圖汗部落之副盟長扎薩克親王齊巴克多爾濟管理商上事務之扎薩克公拉素龍多爾濟車臣汗部落之扎薩克親王達爾瑪錫哩叅贊扎薩克公哀布扎布等懇請

於本年七月前來避暑山莊瞻覲由彼隨扈進哨効力等語齊巴克多爾濟等所請雖出誠悃但伊等俱係辦理部落事務之人若俱令前來則該部落辦事乏人著交蘊端多爾濟等於伊等每部落內酌令一人前來此次祇令扎薩克親王齊巴克多爾濟達爾瑪錫哩二人於七月下旬前來扎薩克公拉素龍多爾濟哀布扎布俱著留辦部落事務○諭軍機大臣等永保等所奏不必以先到之兵零星輕試一俟兵力齊集商同並進所見甚是邪教匪徒藉端煽惑四路迫脅蟻聚日多若零星打仗設官兵稍有損挫不免氣餒賊勢轉張今永保明亮已抵襄陽並知會恒瑞即帶所有之兵前赴襄陽而慶成富成德齡等帶領直隸山東山西兵亦由豫境前進至文圖昨令前赴惠齡處協同剿賊今仍著恒瑞等酌量情形如惠齡處可無須文圖急於前往即令該署鎮帶兵先赴襄陽會合攻剿

恒瑞永保於官兵齊集後務須先將賊匪奔竄之路豫行堵截其漢江沿岸一帶尤須嚴密防範將船隻先行提集不使賊匪得以偷渡南竄景安在豫境更當實力堵剿俾其無路可逃再行約期並進四面兜擒不可專攻一處致賊乘閒奔竄總之襄陽迤北一帶賊匪勒淨則聲勢聯絡自北而南當陽宜都一帶自必勢如破竹又聞賊匪狡獪往往將被擄脅從之人迫令在前櫻鋒此等愚民被賊

擄掠既為之驅使服役妻女並被姦淫及至抗拒官兵又復為之衝鋒就死實屬可憫恒瑞等可先為曉諭以爾等本係良民與其為賊虐使又復驅令當先致被官兵殲戮曷若幫助官兵反戈相向攻殺賊匪不但免罪且可邀功報仇如此明白宣諭即不能盡行聽從亦可解散賊黨於勒捕機宜較為事半功倍將此各傳諭知之○丁未

孝誠仁皇后忌辰遣官祭

景陵 授一甲一名進士趙文楷為翰林院修撰二名進士汪守和三名進士帥承瀛為翰林院編修 戊申諭內閣前因察哈爾額魯特每次來京引見人員往往有出痘者朕甚憐憫因降旨令赴熱河引見今據保寧等奏稱若令該員等進嘉峪關沿邊行走此一帶仍係內地亦與伊等無益所奏尚是即著照保寧所奏嗣後未出痘之察哈爾額魯特人員俱令由科布多烏里雅蘇台多倫諾爾一

路前赴熱河引見以示體恤 引見新科進士得旨一甲三名趙文楷汪守和帥承瀛業經授職外戴殿泗李錫恭王鼎吳邦慶張錦枝許應喈陸以莊黃焜望秦淵趙慎畛汪德鉞靳文銳邱勳沈學厚陳蘭疇蔡維鈺陸泌石時架那爾豐阿韓克均李可端李華庭邱立和劉澤嚴煥著改為翰林院庶吉士慕鏊趙麟陳鶴黃躍之龔麗正張文靖李培元林紹光李林松吳應咸史祐鹿維基祁墳楊健

劉名載袁樾鄭鵬程周宏綱王敬之周泰元成格程體常扎蘭泰劉玉湛劉嶺徐維城張大維胡萬青著分部學習吳光悅韓掄衡周之域董彩鳳桂齡蔡炯顏允燦許庭椿李于培王恩注俞日烜蕭德充姚學煥楊中龍姚遠楊廷琮譚元程俊丁玉燾董義何允徽珠隆阿曾寶光蔡毓琳常泰覺羅清昌著以內閣中書用黎承惠曹松篁鄂山靳金鼎來珩崔本譚兆燕徐雲龍著以知縣即用胡本淵

郎汝琛萬世發陳毓咸賈名仲程健學辛紹業楊尚琳譚景韓郭龍光著以國子監學正學錄用餘著歸班銓選○乙酉命大學士和珅工部尚書彭元瑞教習庶吉士○調不諳水師之廣東左翼鎮總兵官西密揚阿為雷瓊鎮陸路總兵官雷瓊鎮陸路總兵官徐忠為左翼鎮總兵官○庚戌諭軍機大臣等福康安和琳攻克火麻營一帶險要山梁距平隴更近此時賊匪緊要屏障俱經官兵乘勝

占奪而石三保石柳鄧吳廷禮等首惡俱聚集平隴正可悉數生擒一舉蕺功事機順利佇待捷音速至吳隴登投出時已有旨令福康安等酌賞翎頂今吳隴登又往約鴨保寨苗衆三百餘人幫同官兵打仗出力尚屬實心効順福康安和琳如接奉前旨已賞給六品頂帶藍翎此次再加賞五品頂帶花翎並發去大小荷包傳旨賞給伊自加倍感激而其餘各苗匪見吳隴登投出之後如此榮耀

必更有臨陣紛紛乞降者於勦捕尤為有益至摺內所稱首逆等聚集平隴如巢穴一破必向乾州竄匿現由平隴後山併力攻圍另出奇兵直趨乾州為一鼓掃蕩之計甚合機宜若前次進勦時早計及此蕺事豈不更為迅速耶將此諭令知之○以勦火麻營等處苗寨功賞把總楊坤玉等藍翎瓦寺土舍索諾木文錦巴圖魯魯名號並花翎土守備朗爾結等藍翎○緩徵河南承辦兵差之唐浙川

桐柏內鄉南陽鎮平泌陽裕葉南召舞陽河內武陟安陽湯陰淇汲新鄉獲嘉考城滎澤鄭新鄭蘭陽祥符尉氏洧川許長葛襄城臨潁鄆城西平遂平確山信陽三十六州縣新舊額賦○辛亥諭內閣宜綿奏臯蘭等州縣平原地畝及高阜之處田禾日見黃萎等語甘肅土性高燥本年春夏之間雨澤短少以致夏田無望糧價增貴朕心深為軫念著將臯蘭等州縣缺雨地方或借給口糧或開倉平糶再加恩將本年應徵錢糧概行緩徵以紓民力○諭軍機大臣等甘省地土瘠薄前因小民口食維艱恐借糶緩徵亦未能周普曾降旨以甘省距口外不遠莫若勸令貧民出口覓食如實在無力者或地方官量為伙助俾得就食豐區亦豫為籌辦之一法該督自己酌量情形遵照辦理如貧民俱情願出口得以謀食營生固屬甚善儻累於室家妻子安土重遷亦應聽其自便不可令地方官

拘於遵旨稍事驅迫轉致失所此為最要將此諭令知之○予貴州故兵部尚書李世傑入祀鄉賢祠從巡撫馮光熊等請也○雲南北勝州土州同章兆祥因病告替以其子昶襲職○壬子戶部議准護理福建巡撫姚榮疏報侯官羅源福安漳平龍巖五州縣開墾田九頃有奇照例升科從之○癸丑以故鎮國將軍謨亮子良鳳襲三等輔國將軍奉國將軍積忠額子額勒沖額襲奉恩將軍○旌

表守正捐軀安徽阜陽縣民姚道祥妻倪氏

○甲寅

上詣

黑龍潭神祠拈香○諭內閣宜綿查明逆首王全禮徐良等滋事緣由實力搜捕全行授首復派委員弁於二鄖一帶搜剿擒殺漢江以北悉就肅清並將善後事宜詳悉籌辦實屬可嘉宜綿著賞戴雙眼花翎並加太子太保銜以示優獎在事出力文武員弁查明咨

部議敘其條列各事宜該部詳議具奏尋議漢口北岸令鄉勇公推正副義總如再有餘孽滋事許令擒拏送官不得擅自殺戮鄖陽府通判改為撫民通判移駐鄖西縣屬上津堡地方稽查彈壓鄖西向無城垣應行估建均如所請從之○旌表守正捐軀河南武安縣民韓幅妻楊氏○乙卯諭內閣車臣汗係該部落首職今彭楚克多爾濟無嗣郡王桑齋多爾濟之祖吹扎布曾襲汗號加恩著桑

齋多爾濟承襲車臣汗其本身郡王著降一等令頭等台吉瑪哈錫里承襲貝勒仍在乾清門行走○諭軍機大臣等畢沅本日奏到仍未能將賊匪剿淨且所奏情形亦多未實即如摺內稱連日用礮轟擊城上擁聚之賊殲斃四百餘人一節賊在城上官兵用礮仰擊被礮擊中之賊自必往後倒仆其人數多寡城外何由而知又稱賊於城上挖有溝濠一節當陽係一小縣城垣寬厚不過一二丈

多有裏生外熟輒石築土者若城上挖濠則土勢鬆挫必致塌卸更可不須轟擊立見傾圮況城上挖有溝濠下置刀矛竹籤又安能站立多賊守城乎且官兵既不能上城何稱賊匪蜂擁而來此必領兵將弁不能進取又圖邀功張大其詞率行具稟而畢沅究係書生不諳軍旅即據以入奏不顧其自相矛盾也惠齡奏攻撲灌灣腦賊巢一摺亦仍未能掃除巢穴擒獲首逆前據奏官軍進逼賊巢

僅隔土牆一道此等土牆一經大礮轟摧豈有不立時塌卸之理何以又隔多日仍未能集事且據稱牆腳之下地雷四起又值大雨徹兵回營等語前據惠齡奏賊匪所埋地雷皆被雨溼不能燃著今又云大雨徹兵地雷四起亦覺前後不侔畢沅惠齡均著傳旨申飭至榔坪賊匪擾至九灣驛及歸州巴東一帶文圖在剿以洞攻圍已閱多日著傳諭文圖於該處賊匪剿淨後即帶兵速赴榔坪一

帶上緊勦辦勿任日久蔓延○緩徵湖北附近災區晝夜禦賊之宣恩潛江天門江陵松滋五縣新舊額賦○丙辰

上御勤政殿聽政○諭軍機大臣等宜綿現已駐劄商南不過在彼防堵彈壓並無緊要應辦之事甘省現在缺少雨澤一切正資調劑著該督酌量該處情形如堵截等事可以就近交與柯藩或地方官等辦理宜綿竟當回至蘭州董率所屬實心經理俾窮黎不致向隅此為最要將此諭令知之○又諭賊匪在呂壩驛一帶滋擾及聞直隸山東山西陝西官兵到彼又皆竄往雙溝巢穴藏匿目下襄樊一帶軍威壯盛賊匪豈無聞知若恒瑞永保景安慶成等同駐一處設賊又乘間逃逸非南往南漳穀城當陽一帶即東往河南之光州固始及湖北之武漢黃德一帶當陽城內賊匪現經畢沅等帶兵圍剿已將三月尚未竣事若再加以襄樊之賊官兵豈不更費

支持著傳諭恒瑞永保等務須將雙溝賊匪聚集之處帶兵四面嚴密圍剿以期悉數殲擒不可同在呂壩駐劄致賊乘間他竄漢水廣遠尤宜加意防範俾賊無從偷渡斷不可令其東逸至漢口光固一帶此為最要○以詹事府詹事達慶為通政使司通政使○引見各衙門保送御史官員得旨呂雲棟章守勲楊志信王治模吳煦勞樹棠姚梁郭儀長鄭敏行沈琨何道生著記名以御史用○以

辦理陝西軍需出力賞署布政使姚學瑛花翎知州趙洵通判莊忻藍翎○丁巳

上詣

大高殿行禮○還宮○遣官祭

關帝廟 戊午

上以夏至祭

地於

方澤自是日始齋戒三日○己未以翰林院侍講學士舒聘充日講起居注官○庚申恒瑞

等奏雙溝賊匪畏懼官兵聲勢意欲逃避查雙溝東面路通棗陽該縣前已派官兵一百五十名帶同鄉勇嚴防今又派兵三百五十名由宜城縣繞路前往幫同堵禦奏入諭軍機大臣等聞恒瑞等所奏圖內官兵俱由西北一帶分投夾擊其迤東即屬棗陽僅有兵五百名又無大員在彼駐劄仍恐難資倚恃著恒瑞等於富成德齡二人內酌令一人帶兵千名速赴棗陽隨州一帶相機防堵○辛

酉夏至祭

地於

方澤

上親詣行禮○幸圓明園○問

太上皇帝安○旌表守正捐軀河南永城縣民

女劉氏○免湖南乾州鳳凰城步綏寧四廳

縣本年苗糧十分之二○壬戌

上以秋獮木蘭侍

太上皇帝自圓明園啟鑾命怡親王永琅成親

王永琯大學士公阿桂尚書慶桂留京辦事○免蹕路經過地方本年額賦十分之三○是日駐蹕南石槽行宮○癸亥賞密雲縣接駕兵丁半月錢糧熱河接駕兵丁及看守避暑山莊弁兵一月錢糧看守口內外各行宮弁兵半月錢糧○是日駐蹕密雲縣行宮○甲子諭內閣朕此次巡幸熱河經過地方業經降旨將本年地丁錢糧蠲免十分之三○但蹕路所經閱視沿途禾稼情形如順義縣

屬之清河及密雲縣屬之石匣要亭一帶在地禾稼頗為茂盛惟昨日經過之懷柔迤東至密雲附近地方地土稍乾田禾不能一律芄茂雖已據該督梁肯堂奏明將麥收較歉之處辦理平糶出借但現屆青黃不接之際小民口食尚恐不免拮据所有懷柔密雲兩縣所屬村莊內得雨較少麥收歉薄之處著加恩交該督查明蠲免本年地丁錢糧十分之五○是日駐蹕要亭行宮○乙丑諭內閣

據彭之年文圖奏。勦滅白雲寺黑龍溝之賊。追至刺八洞山。全行勦除一摺。所辦好。文圖自到鄖陽以來。屢次勦賊。得勝。茲復將刺八洞賊匪。勦除淨盡。前已有旨。遇有總兵員缺。即加升用。今思該副將帶領興漢鎮兵日久。與兵弁相習。調遣更為得力。文圖即著補授興漢鎮總兵。其現任總兵德光。俟有他鎮員缺。另行補用。先是戶部議覆倉場侍郎宜興奏。江浙白糧改運京倉。據浙江糧道詳稱。

旗丁情願貼給餘米三升六合。交經紀起運。並蘇常二幫一體辦理。嗣漕運總督覆稱。恐旗丁等藉口虧入倉正耗。或借動回空食米。難以照行。經戶部行知。以總漕既不願交耗。米經紀難為交納。嗣後即令旗丁自行交倉。伏思旗丁自行交倉。盤撥五開復須水運。輾轉四五十里。勢難照料。更恐花戶等藉端需索。且致遲誤歸次。仍當責令經紀等轉運。事屬兩便。向來旗丁於交倉正耗外。多備餘米。

三升六合。前所稱貼給餘米。即在此數之內。並非額外加增。應仍准其交給經紀代為轉運。等因。查白糧運京已屆二年。均係如此辦理。旗丁等相安無事。應如所請。得旨。此事辦理已經兩年。均稱便易。乃管幹貞率稱白糧各幫耗米。不使貼交經紀。復行咨改轉使旗丁等守候需時。幾致誤運。殊屬有意沽名。管幹貞著交部嚴加議處。至是議上。管幹貞應降二級調用。從之。恒瑞奏報勦滅劉家集。

賊匪賞總兵官富成二等侍衛。丑保三等侍衛。格登保。叅將丁有成。巴圖魯名號騎都尉。塔什朗等。藍翎藍翎侍衛莫新等。升補有差。以勦滅刺八洞山賊匪功。叅將廣福等。升補有差。以鼓勵鄉勇堵禦承辦軍需無誤。賞南陽府知府完顏岱。花翎餘升補有差。是日駐蹕兩間房行宮。丙寅。以吏部右侍郎富綱為漕運總督。是日駐蹕常山峪行宮。丁卯。

孝恭仁皇后忌辰遣官祭

景陵調兵部侍郎玉保為吏部右侍郎以鑲

白旗護軍統領特成額為兵部侍郎是日

駐蹕喀喇河屯行宮戊辰

上侍

太上皇帝至熱河詣

文廟瞻禮

關帝廟

城隍廟拈香詣

永佑寺行禮賞熱河綠營兵丁一月錢糧

是日駐蹕避暑山莊至八月戊戌皆如之

己巳諭軍機大臣等祖之望奏漢陽府所屬

孝感地方亦有傳教匪徒祖之望於前調江

西兵二千名內分撥堵禦並飭漢陽府圖桑

阿等分投防剿復因武昌省城與漢口鎮僅

隔一江現留江西兵二百名並添募鄉勇嚴

密防禦所辦甚好祖之望著賞戴花翎再賊

匪鄭自清供稱會拜襄陽人周義祥為師看

來首逆竟在襄陽一帶現在襄郡祇有烏什

哈達一人在城駐劄調度一切究不能得有

主見永保竟當速回襄郡督率辦理庶調度

有人不致他處賊匪又復竄往勾結將此傳

諭知之庚午諭軍機大臣等姚榮奏雨水

糧價情形一摺閱所開單內泉州府屬米價

自二兩五錢至三兩有餘漳州府屬米價自

二兩八錢至三兩三錢不等是該二府糧價

尚屬昂貴應於摺內另行聲明何得與福州

等府價中之處一併列入豈米價至三兩有

餘尚不為昂必至四五兩方為價貴乎朕念

切民瘼各省糧價清單無不詳加披閱閩省

漳泉二府前因米價稍昂節次降旨飭令妥

為調劑此二處尤繫朕懷宜另詳悉奏聞者

豈姚榮以此項糧價清單朕並不寓目率行

任意填寫耶姚榮何不留心民事若此著傳

旨申飭並著將漳泉二府糧價是否漸就平

減臺米曾否可以接濟民食有無拮据之處

留心查察妥為籌辦毋得稍有諱飾。○壬申諭軍機大臣等恒瑞等報到祇係剿殺官莊屯聚賊匪甚不滿意。將家墻等處俱係平地並非山路崎嶇賊匪攜帶男婦資裝累重更非若官兵之單身步騎者可比。今恒瑞等即以雨水為辭不能追趕。設賊匪轉乘雨竄逸則恒瑞等又將何辭推諉耶。昨因孝感教匪滋事降旨令永保帶兵往剿。茲據恒瑞等奏該處賊匪亟須上緊搜剿。若此時永保前赴孝感不免又分兵力。莫若暫緩前往。仍同恒瑞等將將家墻等處賊匪殲盡。廓清此路再行酌量情形或分為兩路。一赴孝感一赴長陽亦無不可。總在恒瑞等隨機妥辦以期迅速集事至灌灣腦賊匪困守日久惠齡等未能直搗賊巢僅奪占一二卡隘有何裨益。況文圖在保康剿賊後帶領勝兵前往長陽榔坪一帶正可及鋒而用。惠齡又令赴營協剿可謂無算。惠齡當自知愧奮。會同文圖等速

將灌灣腦賊巢悉力掃除擒拏首逆將此各傳諭知之。○以睿親王淳穎為正黃旗領侍衛內大臣。○大學士閩浙總督貝子福康安卒。晉贈郡王銜。賜祭葬如例。謚文襄。仍建專祠。曰獎忠。并追贈其父大學士公傳恒。郡王子德麟襲貝勒爵。○癸酉諭軍機大臣等和琳奏福康安積勞溘逝現在嚴飭帶兵提鎮及巴圖魯侍衛將領等均各認真防守照常鎮靜不致稍涉驚惶。所辦均極周妥。此時亦不復另派大臣前往。即專交和琳一手督辦。和琳惟當益加奮勉迅速藏功以副委任。其軍營後路及應需糧餉軍火等事著交勒保總辦該督尤當實心經理無誤軍需再現據和琳奏近因霧雨連綿將弁兵丁染患癘疫者甚多和琳擒獲首惡收復乾州後不妨酌派將弁就近駐守和琳即酌在辰谿辰州一帶擇留湖南本處之兵駐劄就近調度不但和琳及帶兵將領等調攝較易即弁兵等亦

免染患疾疫至石三保現已擒獲官兵一抵乾州所餘不過搜捕以及善後事宜無須多兵此內所調湖北兵丁現聞本省有賊匪滋擾未免繫念室家自應先行撤回並諭知該兵丁等令其早歸本籍得以捍衛鄉廬此外再將所調省分較遠兵丁酌量以次遞撤擇其能耐水土者藉資調撥而壯聲威並著一體酌量妥協辦理將此諭令知之又諭魁倫奏海洋盜首獺窟舵即張表帶領首夥各

犯四百七十三名自行投首並呈繳船隻礮械等物一摺海洋盜匪王流蓋獺窟舵林發枝等屢在洋面肆劫今王流蓋業經被礮擊斃獺窟舵帶領夥盜全行投出其未獲者僅止林發枝一犯魁倫所辦尚屬可嘉從前盜匪莊麟投出時曾拔用千總並賞大緞一匹今獺窟舵著賞給守備職銜並賞戴藍翎仍賞大緞二匹用示獎勵至摺內所稱該匪等請出洋緝捕現在擇其強壯勇往者令跟隨

官兵緝捕此或一法但宜倍加慎重不可稍存大意現在逾格施恩獺窟舵尤必感激奮勉亟圖報効著傳諭魁倫等面向獺窟舵宣示恩諭責以捕盜之事如能將林發枝擒獲獻功固當格外優賞否則或林發枝聽聞此信亦思投首免罪其餘夥盜自皆聞風解散庶可永久綏靖海疆再獺窟舵既經投出其船內存貯米糧應儘數先給伊等食用俟此項米石食竣即照兵丁之例一體賞給鹽菜

口糧獺窟舵既令其出洋捕盜即照守備分例賞給將來捕盜事竣此等投出之人豈能日久官為廩給或令其散歸本籍各謀生業或令其當兵以免伊等乏食又致故智復萌總之宜散不宜聚方為妥善至所呈繳船隻自必輕便堅固即可作為捕盜之用魁倫現在辦理此事特為詳晰指示以便遵照妥辦俟續有投出者俱當照此一律辦理○甲戌諭內閣秦承恩覆奏西鄉縣民人齊文貴欣

死嚴文儒王宗儒一案請仍照原擬依故殺律擬斬監候一摺。此案齊文貴與嚴文儒王宗儒皆係異姓平人。包壑山地各食其力。並非一家刑部律以同財共居之條。原未免失之周內。但究係殺斃二命。本年係屬停勾。若令其久禁固圉。或致疲斃。轉得倖逃顯戮。嗣後遇有此等兇殺二命之案。應仍依從一科斷律定擬斬候。聲明停勾之年即行勾決。庶兇犯不致日久稽誅。而於律意亦無違礙。更足以昭平允。此案齊文貴著即先行處斬。該部知道。○以戶部尚書福長安為正白旗領侍衛內大臣。調鑲黃旗領侍衛內大臣和珅為正黃旗領侍衛內大臣。正黃旗領侍衛內大臣淳穎為鑲黃旗領侍衛內大臣。○青海額魯特扎薩克輔國公吹忠扎布因病告替。以其子格勒克喇布齋襲爵。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之五

成調補西成現在軍營其江蘇布政使印務仍著熊枚署理俟西成到任後熊枚再赴雲南本任所有陝西布政使員缺著倭什布署理俟服闋後再行實授○孫士毅奏報堵剿紅巖堡馬鬃嶺賊匪賞副將樊繼祖花翎遊擊呂朝龍等升賞有差並賞兵丁一月錢糧以鎮國公晉昌為鑲白旗護軍統領○丁丑戶部議准署江西巡撫布政使萬寧疏報上饒玉山弋陽廣豐四縣開墾水田四頃一

十畝有奇照例升科從之○除山西代五臺繁峙三州縣水衝田七十五頃四十九畝額賦戊寅四川總督伯和琳奏報生擒首逆石三保委員解京並訊稱吳八月之子吳廷禮業經病斃得旨獎賚賞總兵官張廷彥花翎外委譚步雲等藍翎餘升賞有差○轉吏部右侍郎胡高望為左侍郎以新調之譚尚忠為右侍郎轉兵部右侍郎伍彌烏遜為左侍郎以新授之特成額為右侍郎○賞湖北

王家岡勒賊兵丁一月錢糧○庚辰旌表守正捐軀直隸深州民馮春伶妻王氏浙江諸暨縣民石大傳妻王氏辛巳惠齡奏報捕獲賊目苗明魁通判木特布以同知升用並賞藍翎○癸未諭軍機大臣等當陽賊匪圍困日久勢窮力蹙今因糧盡逃出正應乘機截殺悉數殲擒乃畢沅等不但不能入城搜捕而於奔逃之賊仍被竄回實屬無能著嚴行申飭且總兵楊秀所帶之兵本令赴榔坪

剿賊而畢沅復調往鍾祥現在宜綿派副將百祥帶兵由興山一路赴歸州巴東若再紛紛檄調則鎮將無所適從於剿捕機宜殊有關係且兵力宜合不宜分惟當擇緊要處所併力肅清一處則聲威壯盛自可乘勝掃除今零星調撥疲於奔命似此漫無紀律何以集事必須有一人總統調度方可事權歸一永保曾經軍旅較為歷練所有楚北軍務竟專交永保一人督率調度即與署理督篆無

異庶事有責成。而鎮將等有所稟命。於勦捕可期。得力永保。須悉心籌辦。以副委任。儻經理稍有未妥。惟永保是問。此次殺賊受傷之叅將花連布著賞花翎。○予貴州勦苗出力病故總兵官那丹珠祭葬卹廕如例。○旌表守正捐軀直隸雞澤縣民弓敬女弓氏。○甲申定大逆緣坐法。諭內閣向來刑部定擬大逆緣坐等犯。請旨斬決者。皆改為監候。秋審時率免其予勾。原以案犯如編造逆詞等事。

其父兄子弟情尚可原。是以寬其一線。至如現在湖北邪教。乃公然造反重案。該匪等糾集多人。肆行劫掠。甚至戕官攻城。與官兵公然抗拒。實為大逆。不法已極。無論其父兄子弟皆當概予駢誅。方足以彰國憲。但因其子不法而遽置其父於重辟。朕心究有所不忍。有違以孝治天下之意。所有此案向文魁。張成勲。張成榮。張成瑤。真大貴。皆係逆犯弟兄。著即處斬。其逆犯之父向朝德。張文學。真典。

章俱著從寬。改為應斬監候。永遠牢固監禁。遇赦不赦。嗣後湖北逆匪案內。例應緣坐人犯。俱照此辦理。以示朕法外施仁。明刑敦孝至意。乙酉諭軍機大臣等。現在審訊解到賊犯曾世興等。據供劉之協姚之富。張富國為邪教首犯。都在襄陽彭家疃左近居住。為賊匪主謀。看來首逆竟在襄陽一帶勾結屯聚。不可不速為擒捕。永保等須將供出有名賊首悉數擒獲。則渠魁已得其夥黨自必瓦解。可以不攻而潰。至棗陽賊匪勦散後。首逆劉之協等。或聞湖北查拏緊急。潛入豫境。亦未可定。著景安督率所屬。留心偵緝。為要。再昨已降旨。專交永保總統督辦。以期事權歸一。今恒瑞景安懇留永保督辦。適與朕旨相合。而永保並不拘泥。亦能知事體緩急。均堪嘉獎。行軍之道。全在和衷。今永保等能以公事為重。同心併力。自可剋期集事。但勦捕賊匪。總以擒獲首逆為要。雖據奏鎗箭斃賊。不

計其數究有若干。如劉之協等曾否殲斃。若徒將被裹平民殺戮。雖多何益。且賊首竄往他處。仍可勾連煽聚。豈能一鼓撲滅。此次因彼此和衷加之獎賚。並非因殺賊之功也。將此各傳諭知之。○丙戌。雲南廣通縣屬沙矣舊土巡檢蘇敬緣事革退。以其子遇祿襲職。旌表守正捐軀直隸雞澤縣民霍有才妻王氏靈壽縣民辛三九妻趙氏。○丁亥。諭軍機大臣等。據伍彌烏遜奏派委侍衛官員等

前赴塔爾巴哈台所屬之達爾達木圖烏蘭托羅輝等處禁山巡查。適有偷挖金兩之人。甚衆。獻出金沙六十餘兩。現在先派官一員。率兵往拏。伊隨後即赴彼確查等語。嚴察新疆產金之地。特恐匪徒聚衆妄滋事端。今派委官員往查。衆人皆知畏懼。獻出金沙。尚屬遵法。此時伍彌烏遜如已親往辦理。自必妥善。僅派兵往拏。設偷金之人恃衆拒捕。轉不成事。嗣後惟於此等處所增設卡座。嚴行查

禁務使不致聚集多人與哈薩克布魯特等交結。方為妥善。僅有一二流離貧民偷挖金兩。斷不可照此辦理。致滋事端。著傳諭伊犁將軍烏魯木齊都統等一體遵照。○戊子。和琳奏報攻克得鋒山全壁嶺等處。得旨獎賚。叅將馬登朝等升擢有差。○以四川督標中軍副將德英額為雲南鶴麗鎮總兵官。○己丑。裁山西平定州屬樂平縣歸併平定州。朔平府屬馬邑縣歸併朔州。並裁知縣典史各

缺。移平定州州判駐樂平城內。添設巡檢一員。駐馬邑城內。從巡撫蔣兆奎請也。○旌表守正捐軀山西臨晉縣民焦矢娃妻姚氏。○戶部議准陝甘總督宜綿疏報甘肅寧伏義二州縣開墾灘田二頃九十九畝。有奇。照例升科從之。○庚寅。諭內閣。湖北教匪滋事。肆行劫掠。焚燒村莊。業經官兵屢加剿殺。而該省紳士百姓等能知大義。團練鄉勇。隨同官兵打仗殺賊。實屬可嘉。湖南省勒捕苗匪。現

在首逆就獲官兵即抵乾州指日大功告成第念附近苗疆地方多被苗匪蹂躪占種田土民人不免失業即較遠各州縣運解糧餉軍需等事亦不無有資民力朕心實為軫念宜加渥澤以示體卹除該二省被賊擾累地方業經加恩分別蠲緩外著再加恩將湖南湖北二省來歲應徵錢糧俱行豁免俾被擾失業者得以復其生計而急公出力者亦可更資溫飽並著該督撫速行騰黃宣示務令鄉村僻壤咸使聞知○更定官員支領俸米例諭內閣向來各省運京漕糧俱係交貯通倉嗣因文武微員遠赴通州關米不無糜費因加恩交部酌議改運京倉收貯給發原以示體卹之意惟是改貯京倉後運丁又須赴京交米雖津貼之費原在該丁等餘米之內並非另有增添但多一周折未免多一番勞費嗣後江浙白糧俸米應仍舊運貯通倉在文武官員等皆有廉俸公費原可赴通支領

不在省此鎔銖腳費至他項俸米或可仍照新例就近在京倉關支不致另有耗費或一併照舊均行改歸通倉之處著交戶部會同倉場悉心詳議具奏以期經久無弊兩有裨益方為妥善尋議奏江浙白糧應遵旨仍舊運貯通倉至漕糧俸米與白糧運京情形不同毫無貼費自應仍照乾隆五十九年新例辦理惟查向來官員應領俸米三色白糧最少若令赴通支領是每季須兩處領米既屬分歧且脚費或逾米價莫如將白糧概行劃歸在通領米之王公大臣支領其在京領米之文武官員應領白糧全以粳米抵放再文武各員既裁其上色白糧若將下色粟米仍令支領未免偏枯應將此項粟米劃歸王公大臣而將王公大臣應領粳米抵給文武各員辦理平允可期永遠遵行報可○諭軍機大臣等前經降旨將陸有仁補授刑部侍郎所遺員缺令張朝縉署理但本年甘肅臬蘭

等州縣有應辦賑濟事宜前據該督宜綿奏責成陸有仁經理著傳諭宜綿轉飭陸有仁將一切調劑事宜實力妥辦務使貧民均沾實惠毋令胥吏從中舞弊方為妥善張朝鑑現在軍營諒不能即行赴任此事著責成陸有仁一手經理俟宜綿回蘭州後再令陸有仁來京供職○壬辰孫士毅奏報攻克旗鼓寨賊營頭卡得旨獎賚守備阿克東阿等升擢有差○旌表守正捐軀山東即墨縣民賈

立興妻樂氏○甲午諭軍機大臣等永保今日奏到之摺祇殲斃無名賊目喬之清等四人首逆並未拏獲且據永保等奏稱追剿賊匪時殲戮男婦約已過半此等帶眷奔逃之賊必係首逆若係附從賊匪豈能一一攜眷同逃乃永保等並未訊明所殺男婦係賊首何人眷屬該處為首之賊究係何人僅稱敗逃賊匪竄入東南一帶此時賊匪究在何處屯聚永保等帶兵由何路進剿摺內俱未詳

悉聲敘此等逃竄之賊總須豫為布置截其去路方可兜擒若惟事跟蹤追捕則東奔西竄何日方能剿淨且賊匪四散逃逸到處勾結裹掠民人勢必日聚日多而未被賊擾處所又復受其蹂躪永保等豈得僅以剿散完事至所奏賊衆齊聲喊叫不必施放鎗礮情願投降此乃緩兵之計賊匪中被脅附從之人固屬不少但臨陣須痛加殲戮不可墮賊奸計也將此諭令知之○乙未旌表守正被

戕四川達州民陳世貴孫媳覃氏○免湖南地近苗疆耕作失時之永綏乾州鳳凰瀘溪沅陵辰溪永順保靖龍山麻陽芷江十一廳縣本年額賦○丙申惠齡等奏報連克灌灣腦賊卡得旨嘉獎賞總兵官文圖提督銜叅將許文謨巴圖魯名號協領寶德同知鄭成基花翎千總朱槐等藍翎知府王春煦等升賞有差○撫卹湖北荆門潛江沔陽天門監利江陵六州縣被水災民並免本年額賦○

丁酉遣官祭

火神廟。和琳奏報連克廖貢坡馬鞍山苗寨得旨嘉獎。擢頭等侍衛阿哈保為正黃旗蒙古副都統。賞頭等侍衛西津泰副都統銜。三等侍衛富僧德阿達遊擊宋延清土叅將那木爾甲土守備黨忠則多爾朗喀阿斯達巴圖魯名號。副將達桑阿守備趙永成千總袁福土守備永忠巴旺勒爾結則丹巴喜墨齊花翎把總李金麟等藍翎都司龍電等升

賞有差。戊戌以前任陝西興漢鎮總兵官德光為甘肅涼州鎮總兵官。予湖南苗疆陣亡職員滕家瓚祭葬世職如例。旌表守正被戕四川屏山縣民李文名妻王氏守正捐軀山東鄒縣民劉則欣妻周氏。己亥調工部左侍郎台布為戶部右侍郎。戶部右侍郎成德為工部左侍郎。旌表守正捐軀安徽懷寧縣民金隴友妻馮氏。壬寅諭軍機大臣等畢沅奏誘斬賊目楊起元該犯雖為

賊匪總頭目但係鄉勇楊宗周誘令軍犯王之亮斬首投獻並非畢沅等督兵擒獲今乃自以為功深為伊等羞之現在賊目既經殲斃賊勢自更窮蹙畢沅等應知愧勵上緊攻打至楊起元充當官役膽敢糾眾抗拒情實可惡所有該犯家屬必須按名拏獲治以緣坐重罪毋使漏網惠齡等亦未能直搗灌灣腦擒拏賊首張正謨復以榔坪賊勢猖獗請兵策應此外一籌莫展惠齡等與其駐兵株守何若速將賊匪剿洗就近與文圖移兵前赴榔坪攻剿即畢沅等亦應將當陽縣剋期肅清前往協剿豈得各守一方轉為賊匪牽綴以致榔坪之賊任其肆擾今思孝感之賊本屬不多明亮已帶兵一千前往搜捕昨又據德光奏亦帶兵赴彼協剿諒此烏合么麼無難即日掃除明亮等須速為剿滅即與德光將兵全數帶往榔坪奮力攻擊僅一時未能勦淨祇須明亮在彼搜剿令德光帶兵先

赴柳坪攻勦。庶賊匪不致日聚。日衆。四出滋擾。至張家壩一帶。賊匪經永保等分路奮擊。將賊營二十餘處。全行焚燒。殲賊甚多。深為可嘉。又永保奏。訊據獲犯。供稱張家壩賊匪。係劉起榮。張護國。李大樹。為首。姚之富。已往鍾祥。劉之協。不知下落。是該處賊首。尚在竄逸。並據稱。探得賊匪往東南逃遁。自必向鍾祥一帶。復行竄聚。鍾祥祇有總兵楊秀。在彼較為單弱。若張家壩之賊。竄入。賊數增多。永保等須悉力追勦。殲淨無遺。即日移兵鍾祥。當陽柳坪一帶。相機勦捕。迅速集事。將此各傳諭知之。○以勦殺張家壩一帶賊匪功。賞侍衛德勒克。依哲克。副將王文雄。巴圖魯名號。總兵官德齡。遊擊穆克登。布那。寧阿。都司李天麟。劉邦治。守備岳崇阿。楊治。正花翎。前鋒隊長扎勒杭阿等。藍翎。守備李英多等。升賞有差。並賞兵丁一月錢糧。○癸卯。諭軍機大臣等。據策拔克奏。稱遵旨繕寫劄諭。遣囊

蘇喇嘛根敦扎木蘇等。赴索那克部落。曉諭那木沙木伊甚。屬恐懼。不敢出見。遂將馬牛賠還。交根敦扎木蘇等。帶回。其剛察部落賊番林布等。現已逃避。該部落番子亦甚惶悚。代為賠交馬十匹。並稱。即將林布等。拏獲解送。等語。生番等平日妄行劫奪。固屬可恨。然一經接奉劄諭。即知畏懼。將槍去牲畜加倍賠交。尚屬恭順。如剛察部落番子等。將在逃賊匪林布等。拏獲交出。尤為妥善。至此次止。於搶奪通事。並未戕害人命。今既經賠贖。並將賊犯旺提卓特巴。獲案正法。已足彰憲典。想生番等亦不敢肆行搶劫矣。儻其故智復萌。再當酌派兵丁。痛加勦辦。策拔克。即曉諭該蒙古等。嗣後務當留心防守。各卡。並不可任其屬下人等。恇怯疏忽也。將此並諭令宜綿知之。○署湖廣總督福寧。奏。孫士毅病勢日重。現今將弁。送至平塊。以冀痊愈。臣即在紅巖堡軍營。彈壓。奏入。諭軍機大臣等。孫士

毅歷任封疆屢著勞績。此次因湖北教匪滋擾來鳳。即帶兵督剿。連得勝仗。朕原欲俟大功告竣。加封公爵。乃因勞成疾。難以就痊。如竟因病身故。即加公爵。並賞銀五千兩。交藩司林僑料理身後之事。俱照公爵辦理。並委員護送靈柩回至原籍。屆期再降諭旨。令伊長孫承襲伯爵。現在旗鼓寨剿捕賊匪。正在緊要急須大員督率。所有四川總督印務。及該處剿捕事宜。均著福寧接辦。至永保在張家塢一帶痛剿賊匪。乘勝進擊。湖北軍務。現交伊督率調度。所有湖廣總督印務。即著福寧派員送交永保署理。○召兩廣總督朱珪來京。以浙江巡撫吉慶為兩廣總督。仍兼署廣東巡撫事。調山東巡撫王德為浙江巡撫。以刑部右侍郎伊江阿為山東巡撫。○是月刑部尚書署兩江總督蘇凌阿奏湖北逆匪日竄而南。現在督率定住於安豫交界地方堵截。又酌派安慶協副將德楞帶兵就近赴

孝感協剿。再查孝感等處與安省之英山接壤。當經調江寧協副將常懷義駐劄。得旨好勉力實為之。亦莫過於張皇驚民也。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六

[illegible]

嘉慶元年丙辰秋七月甲辰朔享

太廟遣鄭親王烏爾恭阿恭代行禮○諭軍機大臣等福寧現在紅巖堡駐劄彈壓已令接署川督印務即將新到土兵傳旨各賞一月鹽菜口糧並鼓勵將弁兵勇會合觀成諸神保將旗鼓寨夾擊蕩平再合兵向北將長陽巴東一帶賊匪殲淨並著傳諭觀成英善諸神保林雋等無論在省在營一體不分畛域幫同福寧照料○和琳奏報督率額勒登保等連克黃蓮坡曬各坡等處收復乾州得旨

嘉獎賞和琳三眼花翎額勒登保雙眼花翎
布政使張朝綱道員成寧陳大文同知馮克
輦海慶花翎員弁兵丁升賞有差除江蘇
丹徒縣坍荒田九頃九十八畝額賦乙巳
賞熱河及額魯特兵丁一月錢糧丙午

文廟瞻禮

關帝廟

城隍廟拈香○丁未諭軍機大臣等福寧在

紅巖堡分兵五路直撲旗鼓寨賊卡拏獲賊首胡正中該處賊勢已蹙雖據獲犯供有賊匪甚多之語不過虛張聲勢搖惑我軍惟當趁此兵威勝勢直前進剿不可稍停與賊以暇將此諭令知之○以旗鼓寨擒賊功副將慶溥何元卿以總兵官升用兵丁升賞有差戊申以湖南永順協副將慶溥為廣東碣石鎮總兵官○己酉諭軍機大臣等蘭第錫奏豐汛六堡隄工漫溢一摺該工段上兩道

過水溝槽業經防堵斷流。惟六堡及高家莊口門經該河督等盤頭築壩進占。當率屬趕緊堵閉。至下游被淹處。所費浮現。已到工著勘明被災情形。妥為撫卹。蘇凌阿駐劄潁州。並無應辦之事。著即回工。督辦一切。○又諭蘭第錫奏六堡漫溢。閱圖內漫口處所係屬東南而漫水。蓋係敷餘回溜轉向西北衝開大隄。看來大溜並未掣動。而奏摺及圖內俱未聲說。朕意何不於高家莊坐灣處所向東開挖引河。引水東注。歸入正河。其西北圈堰仍一面堵閉。使漫水不致淹及金鄉魚臺一帶。豈不較易為力。著交蘇凌阿蘭第錫將是否如此辦理之處。詳悉覆奏。又諭康基田河務較為熟練。即著前赴工所。所有諭旨及圖樣亦交閱看。是否可行。即迅速覆奏。以賊匪滋擾。辦理軍需。緩徵湖北湖南兩省本年漕糧。庚戌諭軍機大臣等。吉慶奏洋匪悔罪投首一摺。此等盜犯一時畏罪自投。未

必真心改悔。其夥匪人數較多。既能率夥而來。豈不能糾約而去。雖所乘船隻現已入官。亦豈不能搶奪別船乘間遠逸。當嚴飭地方官隨時查察。不可僅以取保了事。又魁倫等奏閩洋土盜惟林發枝一犯蹤跡無定。儻聞風投首。海洋即可綏靖等語。林發枝係有名盜首。必當實力捕獲。即使自行投出。當送京量加安插。方妥。至向來並無艇匪之名。本年始據朱珪魁倫奏及現由粵洋乘風入閩。尤當設法擒拏。搜捕淨盡。此後不得再有艇匪名目。總之洋盜劫掠財物。必須上岸銷贓。若於沿海口岸村莊認真查詰。無難即時拏獲。將此各傳諭知之。○調江寧布政使陳奉茲為安徽布政使。山東布政使孫曰秉為江寧布政使。以山東按察使康基田為布政使。調湖北按察使張長庚為山東按察使。以湖北荆宜施道高杞為按察使。○辛亥諭軍機大臣等。前令和琳於乾州大局辦竣。即赴湖北

今乾州雖復而永綏一帶未降未勦苗寨尚
多平隴賊巢尚在拒守須和琳在彼將苗匪
肅清擒獲石柳鄧等再將善後等事交勒保
接辦和琳帶兵即赴湖北方為妥善將此各
傳諭知之○又諭永保等攻克梓山賊寨亦
足稱快但未將賊首拏獲恐竄逸他處又復
潛行勾結當乘勢追截將首逆悉數拏獲餘
黨自望風而潰至惠齡等連日打仗占奪賊
卡亦未能直搗賊巢灌灣腦賊匪屢經勦殺

不過苟延殘喘惠齡尤當奮勉進攻將賊首
張正謨拏獲就近赴榔坪再當陽攻圍日
久今畢沅雖將東門攻破而西南北三面賊
匪尚在拒守當陽縣城甚小官兵既經入城
何以仍未能勦除畢沅等務當倍加奮勉立
功自贖將此各傳諭知之○副都統銜署廣
州將軍明亮奏各處團聚鄉勇本無紀律且
教匪輾轉傳授鄉勇內難保無首鼠兩端之
人即實係鄉民亦皆視殺戮為常以槍箭為

事事平後恐致別生事端現飭該管官查明
存記檔案先行收繳防賊兵器明示安撫倍
加約束奏入諭軍機大臣等明亮所見固是
但現在勦賊正資鄉勇之力若稍露端倪令
其疑懼所關非細著永保等存之於心妥為
覺察不可宣露統俟大功全竣後再行籌辦
○又奏報勦平孝感胡家寨賊匪得旨嘉獎
賞明亮輕車都尉世職總兵官德光副將九
十巴圖魯名號副將百祥花翎前鋒圖敏等

藍翎餘升賞有差○大學士署四川總督三
等男孫士毅卒賜祭葬命依公爵治喪諡文
靖以其孫均襲伯爵○壬子諭軍機大臣等
前經降旨朱珪來京另候簡用現在黃河漫
溢下游俱係山東所屬玉德仍須駐劄東省
同伊江阿籌辦一切未能即赴浙江是吉慶
亦未能交代赴粵兩廣總督仍應朱珪署理
俟吉慶到後再行來京將此各傳諭知之○
又諭蘭第錫奏籌辦漫工一摺昨因該河督

奏到圖樣未能明晰。以為大溜尚未掣動。今據奏正河溜勢仍有四五分。是大溜已掣動五六分。自應於下游開挖引河。使壩基不致著重。前旨擬令於高家莊開挖引河。今該河督祇於右首築做挑水壩。而河水不能分洩。恐不易堵合。上次硃筆標出開挖引河之處。是否應如此辦理。若溜勢湍激。引河逼近口門。難於吸溜。或將壩基稍移向北。使其在引河之外。藉勢堵合。更可得力。蘇凌阿諒已抵

工。著會同妥酌。不必拘泥遵旨也。現在漫水北注。自必歸入微山湖。湖水今年本大。勢必漫入運河。現蘭第錫已將蘭家山壩下引河疏通。俾水由荆山橋串入宿遷諸湖。可冀不致穿運。前因康基田熟悉河務。令酌赴豐汛。今湖河諸務著重。竟當在東省與玉德妥辦。疏消漫水。將此各傳諭知之。○癸丑。

孝懿仁皇后忌辰遣官祭

景陵 旌表守正捐軀安徽合肥縣民盛孜妻

楊氏河南南陽縣民楊恒法妻黃氏。○甲寅。諭軍機大臣等。明亮奏留兵分駐城鄉。又將江西武昌兵撤回省城。如各路不需調撥。即令江西兵先行回營。以省糜費。所辦皆是。至祖之望奏稱民人內有邪教潛匿未盡改悔者。責成各義勇查明送官。所辦失於欲速。愚民被邪教煽惑。固不可不留心查察。但正在勸賊之時。地方即有一二誤習邪教未盡改悔之人。祇應不動聲色。密為防範。以期潛移默化。俟事定後妥辦。乃責成各義勇查明送官。則反側之徒未免心生疑慮。且恐鄉勇等有挾嫌誣陷情事。豈不驅而從賊。著密諭祖之望。祇當存之於心。妥為查察。即屬吏幕友亦不可洩漏為要。○丁巳。諭軍機大臣等。蘭第錫奏查漫水情形一摺。黃沁並漲衝開遙隄而裏河運口水漫隄頂。余家莊地方刷寬二十餘丈。此時蘇凌阿自己抵工。務須速行堵築。前蘭第錫奏到圖內。溜勢係往西北。閱

此次之圖溜勢又係直往北趨。殊未明晰。再所繪挑水壩順溜築做。恐不得力。應直向東南插入河心。方可得力。並著該督等會商辦理。又據康基田奏。已馳往豐北汛。隨同籌辦堵築事宜。康基田既往豐汛。不可拘泥。昨旨又回東省。此為最要。將此各傳諭知之。○戊午中元節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢。諭軍機大臣等。永保等於勒殺梓山賊匪後。自應乘勝擒拏賊首。乃祇將迤南青潭屯聚之賊分路攻擊。賊匪仍復竄往隨州鍾祥交界處。所殊不滿意。湖北勦撫事已專交永保調度。今所辦仍未得有把握。現在姚之富屯聚鍾祥南泉畝地方。欲圖南竄。而楊秀在彼兵力較單。永保等務將該處賊匪殲除。即赴鍾祥併力搜擒姚之富等。勿再遲緩。又據奏請於湖南撥兵二三萬

分赴湖北。永保兵力不為不多。今賊匪各處竄聚。不能四面兜擒。著和琳即於湖南苗疆各卡隘及後路防守。兵內酌撤二三萬。派委鎮將帶領。由水路順抵荊州。交永保調度。其糧運軍火等項。著汪新豫為備辦。將此各傳諭知之。已未旌表守正捐軀河南鎮平縣民侯德章妻牛氏。○庚申諭軍機大臣等。蘭第錫奏查漫口西南河溜轉灣處有舊河形一道。再挑深六七尺。即可引溜東趨。仍入正

河並繪圖呈覽前因所繪黃河形勢徑直並無坐灣是以令於高家莊開挖引河今閱此圖則黃河南岸原有河溜本身坐灣向北並有舊河形一道且比灘面低三四尺自應於該處挑挖引溜徑直東趨以合正流再閱此次圖內所繪引河若依舊河形開挑恐未能得勢何不取直向南而東展寬挑挖俾河溜直注正河豈不更為得力著蘇凌阿等會同籌酌亦不必拘泥遵旨也○調湖南按察使

尼堪巴圖魯為貴州按察使以湖南衡永郴桂道清安泰為按察使○辛酉賞故阿奇木伯克公邁瑪第敏銀三百兩治喪○湖南苗匪逆首石三保伏法○壬戌諭內閣朱珪奏拏獲海洋盜犯審明分別辦理一摺已交軍機大臣會同該部覈議速奏矣此案盜犯何玉理等於乾隆五十八年與莫觀複商同起意出洋行劫嗣又各糾夥匪疊劫多次今復上岸行劫擄捉事主勒銀取贖實為兇悍可

惡該犯等在海面肆劫幾及四年直至本年四月始行拏獲可見該省洋盜並未斂戢該督撫等平日所辦竟屬有名無實除朱珪另行降旨申飭外所有五十八年以後歷任該省督撫及朱珪均著交部嚴加議處○諭軍機大臣等當陽賊匪前經攻破東門後尚敢憑依龜背山抵死抗拒今畢沅等督率將弁奮力進剿肅清縣治深為可嘉至明亮此時究抵何處未據奏報如已赴惠齡一路即不

必於途次轉回鍾祥若已赴鍾祥即會同楊秀勦賊至湖廣督篆前令永保暫署永保現帶兵勦捕於地方事務未能兼顧著仍交畢沅接管其湖北軍營調度事宜著永保統率辦理以專責成○以克復當陽縣治賞頭等侍衛舒亮副都統銜按察使高杞總兵官阿克東阿叅將烏爾卿額巴圖魯名號按察使張長庚知府常丹葵署總兵官黃瑞副將蔡鼎馬為錦泰將什圖防禦花沙布守備羅大

炳六達色花翎知州魏耀等藍翎員弁兵勇升賞有差。○旌表守正捐軀直隸安州漢軍女王氏河南孟縣民陳學成妻張氏。○癸亥諭軍機大臣等前因江南黃河北岸漫溢下游係山東所屬。王德於該處情形較熟。令其仍駐東省籌辦。今思被水地方。豐沛二縣為重。昨據費淳奏馳赴該處查勘。所有撫卹事宜。專交該撫妥辦。其東省金鄉魚臺等處被淹處所。此時伊江阿與王德會商籌辦。一切漸已諳悉。現在洋盜尚未斂戢。王德即馳赴浙江接印任事。吉慶交代後。亦即速赴粵東。朱珪俟吉慶到任後。即來京供職。將此諭令知之。○又諭旗鼓寨賊匪。經福寧等分帶兵勇殲斃無遺。賊巢全行燒燬。所存祇有新紮小木城一座。勢已窮蹙。福寧等畧休兵力。乘勝進剿。無難一鼓撲滅。即當移兵榔坪。擒拿賊首林之華。奮勉立功。至永保等一路兵多將廣。龍門山一帶。不過奔逃潰竄之賊。有何

難辦。乃迄今尚在帶兵追剿。且賊匪於初五日由龍門山逃往紅土山。而永保此次奏摺係十一日拜發。尚未直趨紅土山進剿。何以如此遲緩。且紅土山係在何處。永保等現由何路進攻。並未聲敘明白。永保恒瑞慶成俱著傳旨嚴行申飭。○以勦克旗鼓寨賊匪功。賞知府法克晉。巴圖魯名號。員弁兵丁升賞有差。丙寅諭內閣。佛住家人私代商人夾帶玉器。是以將伊等解任質訊。今訊明佛住實不知情。著加恩將伊所襲世職仍留本身前往哈密。協同僧保住辦事。仍罰俸二年。以示懲戒。○免看守避暑山莊官兵坐扣未完。乾隆六十年賞借俸糧。○丁卯。上侍。太上皇帝御卷阿勝境。賜扈從王公大臣及蒙古王貝勒貝子公額駙台吉等食。至辛未皆如之。○諭軍機大臣等。蘭第錫等奏宣洩漫水一摺。運河南岸與黃河僅隔一隄。今將宿

遷汎之十字河竹絡壩桃源汎之顧家莊兩處開放洩水仍歸黃河下注亦是一法。但將來上游合龍時務須趕緊先行堵閉。又據奏原定壩基離引河頭較遠。今移上二百丈。所辦尚是惟圖內所繪挑水壩形勢徑直。恐未能挑溜東注。似應斜向東南築做。較為得力。再現挑引河河尾亦覺尚窄。應酌量展寬。庶可引溜暢注。此時蘇凌阿康基田早已抵工。務須會同商辦。斟酌盡善。亦不必拘泥遷就。

將此各諭令知之。○戊辰。以紅土山勦賊功。加永保太子太保。慶成太子少保。總兵官富成。以提督升用。賞知府胡齊崙總兵官徐昭德。副將凝德。叅將長安保。遊擊全亮。都司郭起麟。花翎前鋒佛爾爾額等。藍翎弁兵升賞有差。戶部議准。廣西巡撫成林疏報。天保奉議三州縣開墾水旱田五頃四十四畝。有奇。照例升科。從之。○免湖北孝感宣恩三縣本年額賦。緩徵漢川黃陂雲夢應山四縣。

新舊額賦。○己巳。和琳奏。將鴉溪大坡壑等處苗村苗寨。逐加搜捕。所有歸降之苗。及乾州民逃避河溪者。妥為經理。現擬解散餘匪。密籌撤兵。並設法進取平隴。又豫籌善後六條。一。清釐苗疆田畝。以杜爭競。一。歸併苗疆營汛。以聯聲勢。一。更定百戶寨長名目。一。分別修理城垣。一。收繳苗疆烏鎗兵器。一。安頓被難民人。

上命軍機大臣覈議。又諭。和琳奏搜勦賊匪。撫集民苗。所辦俱好。惟收繳烏鎗一條。尚須斟酌。苗民向以打牲為業。恐未必能收繳淨盡。此事仍交和琳酌籌辦理。務臻妥善。至密籌撤兵。此時不可欲速。苗疆甫定。三廳要隘處。尚須兵力駐守。惟當將湖北雲南兵及患病疲乏者。先量為減撤。其有用之兵。不妨多留數萬。俟大局完竣。再議全撤。總使有撤兵之名。無撤兵之實。方為妥善。尋軍機大臣等議。覆均應如所請。從之。○以征湖南苗匪出力。

賞侍衛阿那保墨爾歡保都司陳天雲巴圖魯名號遊擊八十四宋浩修千總唐玉龍花翎千總周國平等藍翎○辛未以故雲南景東廳屬土知府陶士雲子應昌襲職○旌表守正捐軀江蘇興化縣民王裔貴妻王氏守正被戕貴州大定府民女吳氏○壬申諭軍機大臣等哈當阿等奏備弁兵丁在洋遇盜被害一摺此案業經咨會該督魁倫自應將盜犯速行擒獲何以洋盜如此肆劫戕害官

實錄卷七

七

兵至四十七員名之多迄今未據該督將如何搜捕會否就獲之處具奏看來魁倫自實授總督後志得意滿不能承受朕恩又據哈當阿等奏盜匪言語俱是粵省口音所穿衣服亦有外夷式樣等語豈以外夷盜匪即任其在洋圍劫耶聞粵洋盜甚熾而此次盜犯俱係粵省口音可見廣東尤為盜匪出沒之地吉慶著馳驛速赴廣東將艇匪起自何時粵省督撫及地方文武如何疏縱嚴行詳查

清 實 錄 嘉慶元年七月

秉公叅奏不可稍存諱飾○賑江南豐沛碭山銅山四縣山東單縣被水災民並蠲緩新舊額賦

實錄卷七

七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之七

一三九

福寧等奏報勦平旗鼓寨賊匪得旨嘉獎加
福寧觀成太子少保賞總兵官諸神保巴圖
魯名號遊擊董寧川防禦順德都司玉林保
守備本太花翎擢把總孫應奉為守備賞花
翎拔兵丁宋吉如為千總仍與千總宋吉典
等俱賞藍翎餘升賞有差○以故喀爾喀土
謝圖汗扎薩克輔國公巴勒達爾扎布子威
多布齊旺襲爵以故雲南景東廳屬三岔
河土巡檢楊起彬子天池襲職旌表守正

捐軀四川宜賓縣民葉必聚妻董氏 乙亥
遣官祭

關帝廟 諭軍機大臣等蘇凌阿等奏會勘
豐汛六堡漫口籌辦堵築展寬引河一摺覽
奏俱悉惟閱所進圖內引河雖已展寬於吸
溜究恐不能得力或於引河頭再為展寬俾
順溜東注以歸正河豈不更為暢達再缺口
漫水現據該督等於食城河向東處所挑挖
溝渠何不將該處遙隄接築使漫水徑直東

注歸荆山橋宣洩以免微山湖受淤至微山
湖雖已澄清但由湖下注必須穿運河行走
是否不致淤墊其下游宣洩之路能否暢達
所有駱馬湖尾閘五壩自應一律啟放俾由
六塘等河歸海又豐沛一帶地方現經黃河
漫過自必多有停淤將來是否可以耕種該
處地勢本低今有此淤泥停積必加高遠隄
藉資培護是否得有裨益著一併查明具奏
又據奏南運河余家莊漫口於七月十九日

堵閉斷流前此漫溢之水下流一帶自必被
淹現在如何設法疏消其被淹地方亦著查
明撫卹將此傳諭知之 丙子停止本年秋
獮諭內閣本日蒙古王公等因哨內雨多泥
淖難行請暫停進哨准其所請但圍上蒙古
官兵俱已到齊今停止行圍恐伊等回程盤
費拮据著加恩照例減半賞給即令各回游
牧以示體恤 賞湖北青草窩軍前兵勇一
月錢糧 給河南永城縣被水災民一月口

糧丁丑

上侍

太上皇帝御卷阿勝境賜扈從王公大臣蒙古王貝勒貝子公額駙台吉及入覲之青海貝子齊默特丹巴貝子品級輔國公達瑪琳扎哈沁公托克多巴圖烏梁海散秩大臣布彥德勒克土爾扈特頭等台吉額爾德呢等食至庚辰皆如之祭

先師孔子遣儀郡王永璠行禮○諭軍機大

臣等前因朱珪在廣東巡撫任內地方事務尚為熟習是以擢授兩廣總督嗣孫士毅大學士缺出因朱珪係讀書人品行端方且資格較深欲加恩將伊補授乃近日粵洋艇匪充斥且駛入閩洋肆劫皆由朱珪不能始終奮勉實力查拏殊負委任俟吉慶到粵朱珪即行來京候旨將此諭令知之又諭滇省威遠廳所屬猺寨糾搶拒捕該鎮道等辦理不善著勒保即速同珠隆阿馳回滇省相機

妥辦并將湖南軍營前調滇兵酌量撤帶二三千名以資彈壓將此諭令知之○和琳奏報三岔坪為平隴門戶該處苗衆懇請投誠臣諭令前驅殺賊適平隴苗匪糾衆前來欲燒三岔坪苗寨降苗奮力殺賊官兵乘勢迎擊生擒吳八月之姪吳老二斃賊無算得旨嘉獎並賞賚降苗吳廷試等有差○以辦理銅仁軍務無誤賞道員張繼辛按察使銜知府程國璽程煜花翎擢千總張續為守備賞

花翎賞千總馬崇德等藍翎旌表守正捐

軀湖北南漳縣民何名夏妻羅氏○戊寅祭

大社

大稷遣怡親王永琅恭代行禮○諭軍機大臣

等永保奏鍾祥北界鄧家岡賊匪被官兵痛加勦殺賊勢已挫明亮現抵鍾祥與總兵楊秀觀祥相地紮營尅期會勦永保等自北而南明亮等自南而北前後夾擊自可一鼓蕩平又據奏將黃州駐守及孝感撤回之兵令

原領將備帶赴枝江交惠齡處幫同協勦惠齡倍當奮力進攻掃平賊寨就近速赴榔坪與永保等會同勦辦將此各傳諭知之○以防堵鍾祥賊匪功賞總兵官楊秀花翎○己卯諭軍機大臣等伊江阿奏豐汎漫水淹及魚臺濟寧村莊一摺已降旨令蘇凌阿等趕築漫口並於下游設法疏通矣今思豐汎堵築事宜現有蘇凌阿蘭第錫督辦康基田在彼亦未另有所見現在東省因漫水漾入昭陽微山等湖復因大雨連日湖內不能容納致穿入運河兩岸間有漫溢於運道甚有關繫亟須設法疏通康基田係本省藩司竟當回至東省妥為經理務使運道不致阻礙而被水村莊早得退涸俟料理妥協後再赴南河幫同蘇凌阿等堵築斷流方為妥善將此諭令知之○給山東濟寧魚臺二州縣被災民一月口糧○庚辰遣官祭黑龍潭昭靈沛澤龍王之神玉泉山

清 實 錄 嘉慶元年八月

惠濟慈佑龍王之神○諭內閣前據魁倫奏奏已革臺灣道楊廷理挾嫌編造年譜一案當經降旨將楊廷理解京審訊茲據軍機大臣訊出楊廷理妄編年譜各情節錄供呈覽朕詳加披閱楊廷理以監司大員因傳聞有升擢臬司之信占聽竈卜已屬卑鄙及聽鄰廟鼓吹嘖嘖以與鎖拏二字音同心懷疑慮更屬猥陋不通至所稱知府鄧廷輯將伊前在侯官縣任內交代未清閒款銀作為虧空開報致被嚴叅一節雖係閒款究屬虧缺乃不及早繳納實有應得之罪即或以所叅屈抑亦應據實呈訴乃輒編造年譜刊送眾人以辨其屈其謬妄更無可辭但魁倫將伊照詐傳詔旨例問擬斬候引例定罪却屬過當楊廷理著發往伊犁効力贖罪以昭平允朕於大小臣工功罪無不權衡至當如此案既可以服楊廷理之心亦足令此等卑鄙謬妄者咸知儆戒也○旌表守正捐軀安徽阜陽

縣民普瑞雲女普氏○辛巳

太宗文皇帝忌辰遣官祭

昭陵 諭軍機大臣等魁倫奏盜首紀培率領夥黨自行投出經魁倫酌加獎賞並擇其年力精壯者分配各兵船出洋緝捕此等投出盜匪或實係畏罪自首或畏懼艇匪相率投出均未可定但既帶同夥黨二百餘名呈繳船隻器械尚屬畏法令其出洋捕盜伊等在洋日久熟悉水道情形自可得力惟當隨時留心倍加慎重又不可明示以疑彼之心於密為防範之中仍加之鼓勵俾收以盜攻盜之效將此傳諭知之 命侍衛佛爾卿額往奠故喀爾喀親王齊巴克多爾濟茶酒○

壬午以故喀爾喀左翼扎薩克貝勒阿裕爾孫納木薩賴扎布襲爵 癸未

太祖高皇帝忌辰遣官祭

福陵 諭軍機大臣等永保奏官兵已入鍾祥境內探明賊匪屯聚處所分路堵剿閱所進

圖殊未明晰賊匪聞大兵進攻自必向堵截未到之處乘間竄逸今永保於正北東北西北等處分兵堵剿正南雖有明亮在彼而東南一路並未分派將領帶兵堵禦設賊匪見追趕緊急由東南竄至京山豈不又至蔓延永保等均著傳旨嚴飭○軍機大臣議覆陝甘總督宜綿奏稱陝西邠州商州長武三營原定兵餉皆全支折色銀並無本色糧料亦無加折之項較別營均屬偏枯商州產糧稍

多請月支加折銀三錢邠長二營請月支加折銀四錢等語查該三營地當孔道差務繁多兵力自形拮据惟銀兩之增減總以糧價之昂賤為準本年糧價較昂應如所請其糧價平減之年仍照原定兵餉支給不得援以為例從之 甲申

上侍

太上皇帝御卷阿勝境賜扈從王公大臣及蒙古王貝勒貝子公額駙台吉年班外藩等宴

並賞賚有差至丁亥皆如之免河南臨漳

縣乾隆六十年折徵漕米銀乙酉

太上皇帝萬壽聖節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后

孝儀皇后陵寢遣官祭

顯佑宮

東嶽廟

城隍廟

上率扈從皇子及王公大臣官員蒙古王貝勒

清實錄嘉慶元年八月

貝子公額駙台吉年班外藩使臣等詣澹泊敬誠殿行慶賀禮諭軍機大臣等費淳奏查辦豐沛二縣撫卹疏消事宜及分勘各屬災地情形一摺豐沛城內現有積潦自應趕緊集夫車戽俾漫水消涸居民早葺舊廬其被淹村莊亦應設法疏消以期地畝及早涸出至山陽清河等十二州縣被淹窪地雖不過一隅偏災但秋成業已無望自應亟為撫卹俾窮民早沾實惠現在淮徐各處積水未

消皆由豐汎漫口尚未堵築以致下游著重著再傳諭蘇凌阿等將引河勒限挑挖趕築壩基相機進占毋得稍有遲緩丙戌諭軍機大臣等昨永保奏官兵分路堵剿於東南一帶如何派兵布置並未聲明當即降旨嚴飭令據明亮奏鍾祥北面永保帶兵九千有餘分路追剿而正南東南西南三路明亮祇有兵三千五百名地濶兵單不敷堵剿果不出朕所料永保總統湖北軍務於一切調度

機宜自應通盤籌畫。且用兵之道。下壓甚易。即兵力稍單。儘可乘勝追殺。至堵截之兵。必須四路分布。兜裏嚴密。方可截其去路。悉數殲擒。今永保等以九千有餘重兵。由北追壓。而南面堵截之兵。不滿四千。該處地方空濶。賊匪必由東南竄入京山。又致蔓延。永保祇知擁兵自衛。竟不計及勦賊全局。實屬有負任使。著嚴行申飭。此時惟有將南北兩路官兵均分停妥。俾賊匪無從竄逸。明亮一路既

兵力不敷。亦不必速行進剿。惟於緊要地方。嚴為堵截。使賊匪不致向南逃竄。即屬明亮之功。俟與永保商定添派兵將分路堵截。速行訂期合擊。將賊匪殲除淨盡。方為妥善。將此各傳諭知之。明亮等奏報堵剿鍾祥土門衝賊匪得旨獎賚下部議敘。賞兵丁一月錢糧。免烏魯木齊本年額賦三分之一。○乙丑賑山東濟寧魚臺二州縣被水災民並蠲緩新舊額賦有差。緩徵金鄉嘉祥鄒滕嶧

五縣水災新舊額賦。並給一月口糧。○庚寅諭軍機大臣等。據明亮奏鍾祥賊匪大半藉隸襄陽。且查六月以前。該處並無賊匪可見。鍾祥之賊。即係永保等在襄陽棗陽等處搜捕未盡之賊。豈永保等將賊匪驅至鍾祥。遂謂無事耶。永保係特旨令伊總統軍務。一切調度機宜。皆其專責。現在明亮於土門衝節次打仗。及奏報各情形。永保置若罔聞。試思有如此總統軍務者乎。且明亮在西南紮營。

永保在東北紮營。賊匪在中間屯聚。正當為兩路夾攻之計。乃明亮帶兵勦賊。而永保駐守多時。並未聞領兵打仗。又不能通盤籌畫。將東南一帶派兵堵截。所司何事。永保著再嚴行申飭。○辛卯總統湖北軍務烏魯木齊都統永保等奏鍾祥北路各要隘臣等逐一安設停妥。酌擬臣恒瑞舒亮自長壽店一帶分路前進。臣永保慶成鄂輝自蓮花堰等路進剿。並與明亮札商。同日自土門衝向東北

進攻俾賊衆首尾不能相顧奏入諭軍機大臣等前據明亮奏將南北兩路官兵必須均分停妥各情形札商永保永保自當速派兵將前往幫剿並將如何布置之處即行馳奏乃待之已久始見此奏殊屬遲緩且於明亮一路如何添派官兵前往堵截之處並無一語奏及竟似與伊無涉且閱明亮所進圖內恒瑞本在張家集防堵今移至長壽店則正東張家集一帶更無人堵截豈不慮賊匪由此奔竄况長壽店距賊巢僅八里何不早日此進剿而烏什哈達在流水溝紮營舒亮德齡在馬家集紮營自應同時並進何以摺內俱未提及永保如此漫無調度又復心存畛域殊負委任著再傳旨嚴行申飭○漕運總督富綱奏請東省漕糧今冬應須兌運內德州等幫向無漕船明年輪免豫省漕糧該省臨河平山等幫船俱減歇山東水次莫若撥給東省兌運報可 壬辰遣官祭昭忠祠○

諭軍機大臣等蘇凌阿等奏稱凜遵節次諭旨將展寬引河移建壩基改築挑水壩各事宜次第趕辦等語殊屬含混河工堵築事宜朕於千里之外就伊等奏到情形及所繪圖樣酌加指示該督等接奉諭旨於應行遵辦者即當將如何合宜之處詳悉聲敘或有未能遵辦者亦不妨將實在情形奏明方副朕集思廣益之意何得僅以遵旨為詞豈欲留為卸過地步耶至稱現在掣水東注不令漾入微山湖所辦尚是其十字河顧家莊子房山等處開隄洩水入黃不過目前權宜之計俟上游將次合龍須先行堵閉堅實為要將此傳諭知之 甲午秋分夕月於西郊遣豫親王裕豐恭代行禮○予浙江温州府城風災壓斃兵民三十一名賞卹如例并給房屋修費有差○乙未世宗憲皇帝忌辰遣官祭泰陵

上侍

太上皇帝詣

永佑寺行禮。○諭軍機大臣等和琳奏攻克竹

山坡都魯溪後乘勝將強虎哨山梁搶據距

平隴賊巢更近有勞神寨苗目吳老巖等詣

營投降願縛獻石柳鄧等贖罪。諒石柳鄧等

此時自易擒獲但思湖南自勦辦苗匪以來

降苗不下二十餘萬頭目亦不下百餘人其

居心究難深信著和琳於勦捕事竣後悉心

籌畫或將此項緊要頭目酌給頂帶攜往他

處或設法移置俾離巢穴不可仍留該處致

滋萌孽將此傳諭知之。○旌表守正捐軀湖

北襄陽縣民汪潮鼎女汪氏。○丁酉諭軍機

大臣等蘇凌阿等奏稱康基田熟悉河工懇

暫留工幫辦前因山東魚臺等州縣被水康

基田係本省藩司是以令其回東辦理今伊

江阿業經妥為經理回空糧船毫無阻滯而

豐汛工程尤關緊要自應仍令康基田在彼

幫辦將此傳諭知之。○給湖北荊門州被水

災民一月口糧。○戊戌和琳奏報連克後坡

麻里灣等苗寨並擒獲賊目石代噶得旨嘉

獎總兵官袁國瑣下部議敘。福寧等奏報

攻勦湖北來鳳縣指甲坡山梁並擒獲賊首

楊子教等得旨嘉獎。把總虎正林等升擢有

差。○又奏酌擬龍山來鳳善後事宜四款。

出力紳士人等懇恩敘卹。○被難民人請加

賑卹。○難民產業嚴禁侵占。○一逆產查明入

官

上命軍機大臣速議具奏尋奏均應如所請從

之。○賞湖北來鳳軍營四川土弁兩月錢糧

土兵一月錢糧。○乙亥

上侍

太上皇帝自避暑山莊迴鑾詣

文廟瞻禮

關帝廟

城隍廟拈香。遣官祭賢良祠。惠齡等奏

報勦平灌灣賊匪並擒首逆張正謨劉洪鐸等得旨嘉獎加惠齡太子少保署工部尚書道員先福以按察使升補侍衛關騰以總兵官升補賞守備朱槐巴圖魯名號都司劉貴朝前鋒校倭什琿花翎通判高舉等藍翎餘升賞有差○是日駐蹕喀喇河屯行宮○庚子諭軍機大臣等永保等在鍾祥多時尚未帶兵進勦大不如明亮之屢次殺賊著再傳旨申飭至閱圖內粘簽處所賊匪既在紅

山寺高廟等處山梁屯聚自係欲向北路竄逸而永保派兵堵勦之處形勢尚覺散漫特於圖內再用硃筆標出應遵照標識處從西北一帶四面圍緊明亮從南路帶兵逼壓永保等從北路緊逼兜擒庶賊匪無路逃竄可期一鼓殲除將此各傳諭知之○以畢沅勦除當陽賊匪惠齡擒獲灌灣腦首逆張正謨功均賞給輕車都尉世職以副都統銜舒亮為鑲藍旗漢軍副都統賞總兵官楊秀提督

銜給湖北江陵監利公安石首松滋五縣被水災民一月口糧是日駐蹕常山峪行宮辛丑諭內閣吉慶現已補放兩廣總督其廣東巡撫係在同城總督既係滿洲則巡撫應用漢員今英善亦係旗人所有廣東巡撫員缺著張誠基調補其安徽巡撫員缺著朱珪補授現在刑部滿侍郎僅止阿精阿一人僧保住於刑部事務素未熟諳本不稱職著以副都統留於哈密辦事英善係刑部司

員出身所有刑部右侍郎員缺著英善補授俟林鴻軍需事竣接任後即來京供職是日駐蹕兩間房行宮壬寅駐蹕要亭行宮是月湖北巡撫汪新奏鍾祥賊匪指日殲除大兵應移赴宜昌施南等境該處跬步皆山人夫不能負重轉運糧餉軍裝等項需費浩繁自以馬騾馱運為省便查西省馬販每於八九月間前赴豫東販售現委員往買數百匹趕赴宜昌施南各糧站地方轉運一切

在此時既可節省人夫多費將來勦匪事竣仍可為撥補各營驛缺額之用得旨嘉獎

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九

[illegible]

嘉慶元年丙辰九月癸卯朔賑甘肅皋蘭金

靖遠隴西寧遠伏羌安定會寧通渭漳洮平

涼鹽茶隆德靜寧固原平番十七廳州縣並

沙泥州判所屬被旱災民。緩徵安化。合水。環。

涇靈臺鎮原六州縣新舊銀糧草束○是日

駐蹕密雲縣行宮。○甲辰駐蹕南石槽行宮。

○
乙
己

上侍

太上皇帝詣

安佑宮行禮。還圓明園。丙午以翰林院侍

讀學士劉鳳誥侍讀余集充日講起居注官
以江蘇太湖協副將陳安邦為蘇松鎮總
兵官加賞廣寧門外普濟堂煮賑小米三
百石○丁未諭內閣戶部議覆四川總督伯
和琳等稟奏湖南動用軍需各款一摺除覆
准各款依議准行外其隨營長夫製給帳房
以資棲止一款經戶部議以此項長夫軍需
例內並無給予帳房之條因屬照例議駁但
長夫隨大兵進剿經歷險峻非若糧臺入夫
尚可搭棚棲止且苗地雨多晴少與湖北情
形不同此等長夫自難令其露處又帳房每
架不過容住六七十人今該督等請按照十名
給予帳房一架尚屬撙節辦理所有此項給
與長夫帳房一款亦著一體准其開銷○永
保等奏報勦平鍾祥縣賊匪得旨嘉獎晉提
督慶成太子太保加副都統鄂輝太子少保
並都統銜總兵官阿克東阿太子少保賞兵
丁一月錢糧○賑安徽宿靈璧鳳陽泗盱眙

五州縣被水災民緩徵本年額賦又緩徵壽
鳳臺懷遠定遠毫太和县七州縣本年額
賦○戊申河東河道總督李奉翰奏報秋汛
安瀾出力員弁下部議敘○調鑲藍旗蒙古
副都統富俊為鑲白旗滿洲副都統○已酉
上奉
太上皇帝命御出入賢良門率皇子諸王等習
射○庚戌
上御勤政殿聽政○以翰林院侍講學士瑚圖
靈阿為詹事府詹事○辛亥諭軍機大臣等
昨據馮光熊等奏青溪縣有聚眾戕官之案
此等教匪倉猝糾合人數諒屬無多易於辦
理該縣王懋德係屬漢員未察虛實冒昧前
往致被戕害現在花連布帶兵往捕伊係本
省提督且久歷戎行而馮光熊又調撥附近
兵勇親往查辦想無難剋期撲滅但必須將
戕官之犯嚴拏務獲詳悉問明從重辦理方
足以儆兇頑而伸國憲將此諭令知之○壬

子以兵部右侍郎李漢知武舉工部尚書彭元瑞為武會試正考官內閣學士吳省蘭為副考官癸丑諭內閣湖南省自勦捕苗匪以來徵調各兵打仗俱為出力屢次加恩普賞錢糧鹽菜銀兩茲聞該處山深箐密晴雨寒燠不時兵丁等染受瘴癘致有疾疫而屯土弁兵不耐炎暑因病身故者頗多殊為惻然該兵丁等出力勦賊染疫身故與尋常在軍營病故者不同著即交姜晟等查明除現在患病者抽換回至辰州俾資調養外其有因瘴身故者均著奏聞照陣亡例交部賞卹並著先行傳知各兵俾知感奮以示朕軫卹勤勞格外施恩至意諭軍機大臣等姜晟等奏和琳病逝此時勦捕苗匪喫緊之際不可無人督率明亮鄂輝著即就近馳赴湖南接辦總統軍務勒保前因雲南猓黑滋擾令其馳回雲南查辦但昨據江蘭奏已將猓匪圍住即日帶兵進捕又有珠隆阿蘇爾相永

寧在彼不乏大員督率勒保亦即回至楚南同明亮鄂輝籌辦一切將此各傳諭知之晉贈故太子太保四川總督伯和琳一等宣勇公以其子豐紳宜綿襲爵賜祭葬諡忠壯入祀昭忠祠賢良祠仍准其家自建專祠加湖南巡撫姜晟總督銜以湖廣提督劉君輔年老留營防堵另候簡用以都統銜鄂輝為湖廣提督甲寅貴州巡撫馮光熊奏報攻勦小竹山賊奪獲墮河坡要卡得旨嘉獎按察使常明等下部議欽賞兵丁一月錢糧以辦理湖北鄖陽府屬糧臺賑務無誤賞陝西糧道孫藩花翎乙卯遣官祭都城隍之神旌表守正捐軀安徽阜陽縣民徐宗款女徐氏丙辰惠齡奏報勦殺涼山賊匪奪獲獅子山等五處要卡得旨獎賚賞兵丁一月錢糧以硃老山空封閉貴州月亮巖新寨等礦廠從巡撫馮光熊請也丁巳兵部以武會試中額請得旨漢軍取中

一名直隸取中六名陝甘取中六名廣東取中三名河南取中一名山東取中四名江蘇取中一名安徽取中一名山西取中一名湖北取中一名湖南取中一名四川取中一名廣西取中一名福建取中一名浙江取中一名江西取中一名雲南取中一名貴州取中一名○福寧等奏報勦平宣恩縣龍馬山賊匪得旨獎賚升遊擊董寧川為叅將○荊州副都統成德等奏報勦擒關口賊匪得旨嘉

獎副將銜朱士奉等升補有差○戊午調科布多叅贊大臣貢楚克扎布為塔爾巴哈台叅贊大臣以兵部右侍郎特成額為科布多叅贊大臣○除甘肅靈州新接早元二堡衝塌地額賦○己未諭內閣本年係停止勾決之年軍機大臣會同刑部將秋審朝審各犯情罪尤重者照前例摘敘案由請旨另勾繕摺具奏朕一一詳加披閱官犯二十一名內史恒岱短交倉庫鹽課及應賠款項至一萬

餘兩之多復又餽送浦霖錢受椿玉器銀兩聲名狼籍傳拔違例擅受詐贓逼斃人命焦德芳受賄縱犯骫法營私恒義佛進保身係卡倫侍衛有稽查私玉之責乃轉受民人戴傳經等銀兩代為夾帶私玉均屬貪鄙不法以上五犯情節甚重俱著即行處決其餘官犯路釗等十六名均係短交庫項任意虧缺盈千累萬情節俱重但念此案人犯衆多皆因伍拉納浦霖等婪索抑勒所致尚有一線

可原其彭良謨一犯在知縣任內虧缺及賠項至五萬餘兩之多本應絞決因念伊父在木果木軍營殉難業已改為監候然因此次停勾之後將來仍得援例議減不足示懲路釗等仍著永遠牢固監禁遇赦不赦以示朕法外施仁至意所有常犯小德六等或連斃二命或故殺幼孩或因姦謀死本夫或誣竊致斃良民覈其情節均法無可寬著照擬即行正法○庚申旌表守正被戕四川華陽縣

民劉信懷女劉氏辛酉諭軍機大臣等永保等帶兵追勦逸匪將向西奔竄之賊先行勦淨呂堰驛大路已無阻隔所辦尚好但賊現向東逃永保等務須上緊追捕至棗陽唐縣等處景安務須督率官兵嚴密堵截如有竄匪立即擒獲毋使漏網將此各傳諭知之

以河南巡撫景安堵勦教匪籌辦軍需無誤加太子少保

壬戌遣官祭

歷代帝王廟大學士阿桂以耳聾辭兼管

兵部允之乙丑成德等奏報奪獲蓼葉口長沖賊卡將弁等下部議敘賞兵丁一月錢糧緩徵湖北江夏嘉魚二縣水災新舊額賦丁卯諭軍機大臣等昨據景安奏探得潯河鎮地方被賊焚掠並接舒亮等知會賊衆向東北奔竄已降旨派兵六千前往追勦尤為得力若賊匪尚在潯河鎮附近屯聚則此項新調官兵自當先赴豫省合勦儻賊聞風南竄豫省無須兵力當即令前赴永保處

幫同勦賊著永保景安酌量形勢差人迎探向帶兵之巴克坦布等明白告知勿使無所適從若各兵未到之先永保景安等已將該處賊匪勦淨並生擒劉之協姚之富劉起榮張富國等亦即一面奏聞一面明白行知帶兵各員令其於途次轉回以省勞費○免齊齊哈爾黑龍江兩處官莊人等舊欠糧石○戊辰予故貝勒綿惠祭葬如例己巳

孝慈高皇后忌辰遣官祭

福陵庚午

上還宮以故貴州甯安縣屬水司正八品土官猶純仁子懋賢襲職○戶部議准前任兩廣總督兼署廣東巡撫朱珪疏報廣東合浦開平恩平三縣開墾地十八頃有奇照例升科從之以孟冬時享

太廟自是日始齋戒三日辛未

孝敬憲皇后忌辰遣官祭

泰陵廣西太平府屬憑祥土知州李樟因病

告替以其子燕襲職○壬申諭軍機大臣等永保等奏稱賊匪直奔倉臺即派將弁繞赴潯河堵截舒亮烏什哈達等帶兵往湖陽截勦永保等自西分路迎擊等語漫無端緒賊向東逃豈有自西迎擊之理且賊匪既直奔倉臺沿途焚掠急需勦捕永保恒瑞等自當酌分一人親往督兵迎頭勦捕何以僅派將弁及舒亮等分路前往況永保等所帶官兵已在賊匪之後摺內何得稱設法兜截迎擊

且賊匪在潯河鎮搶掠後是否即將該鎮搶踞而倉臺地方先經景安帶兵堵截賊匪直奔倉臺後是否即在倉臺附近地方屯聚抑又竄往何處舒亮等如何繞道堵截曾否追及賊匪痛加勦殺永保等現在帶兵前往何處追勦一切實在情形前後顛倒並未詳悉奏及又據奏知府完顏岱稟稱鄧州義勇請隨同官兵殺賊永保等即令帶往協勦完顏岱係屬文職自應酌派奮勇鎮將幫同勦辦

乃永保等亦未計及此即實因兵力疲乏不能分布圍勦必須俟京兵及山東直隸兵到彼方能進擊亦應據實奏明豈得僅以設法兜截虛詞敷衍塞責看來永保等竟因賊勢分竄一籌莫展實屬無能永保恒瑞景安慶成俱著嚴行申飭○命五城於冬春二季設廠責賑

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十

嘉慶元年丙辰冬十月癸酉朔享太廟上親詣行禮遣官祭永陵昭陵昭西陵孝陵孝東陵景陵

嘉慶元年丙辰冬十月癸酉朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢○幸圓明園○問

太上皇帝安○頒嘉慶二年時憲書○予福建

出洋淹斃守備曾攀鶴祭葬如廕兵丁陳太

和等三名賞卹如例○旌表守正捐軀河南

洧川縣民趙麟瑞妻李氏○甲戌

上御勤政殿聽政○諭軍機大臣等本日引見

推升邵武府同知羅南英前據秦承恩於該

員在陝省中部縣知縣任內俸滿推升時奏

稱該員卸事之際士農工商交相感頌焚香

跪送者絡繹不絕即向不安分之人曾經該

員責懲者無不感泣下至軍流入犯於臨行

之日追送數十里遙望哽咽等語該員現已

升授邵武同知若蒞任後果能盡心撫字則

閩省民情愛戴自必人有同心况福建民風

向稱刀悍。如得良吏加意化導。俾知改過遷善。豈不於地方有益。著傳諭魁倫。姚榮。於羅南英到任之後。留心察看。如與秦承恩所奏陝西任內情形相同。即據實奏聞。朕當加恩擢用。以示獎勵。○又諭畢沅奏。永保等自前月二十四日以後。節次痛剿賊匪。兼程追捕。兩旬有餘。兵力頗形勞頓。並送回襄陽養病者多名等語。永保等因兵力疲乏。兼有疾病。自不得不畧為休息。但永保等惟知休息兵丁。能保賊匪亦即株守不出。滋擾否耶。設賊匪轉乘間四出。豈不使良民遭其搶掠。永保等此時即不能將首逆各犯拏獲。亦應督率官兵。分路堵截。不使竄出滋擾。或亦時向賊巢為進剿之勢。擾之使不得安。何僅以養銳藉口。坐待新調之兵。轉予賊以暇耶。又畢沅奏。鄉勇暫緩裁撤一事。現當勦捕賊匪之際。正須藉其防堵。自不應遽行裁撤。不妨於事竣後再行酌辦。將此傳諭知之。○以通政使

司通政使達慶為都察院左副都御史。通政使司副使李光雲為太僕寺卿。○乙亥。諭軍機大臣等。近年以來。各省小錢充斥。節經降旨諭令各督撫實力查禁收繳。而小錢仍未淨盡。且不自吏胥等往往藉查繳小錢為名。任意訛索。甚至暗中受賄。轉將私鑄私販之人賣放。是欲除弊而反以滋弊。可見官為查辦。仍屬有名無實。況百姓商賈行使之小錢。均係由他處輾轉攬雜而來。並非本人私行鑄用。若不清其源而徒絕其流。於事終屬無益。現在開鑄伊始。正當肅清圜法之時。該督撫等務宜實心查察。如式鼓鑄。勿令局員工匠等偷減薄小。其山僻處所。有奸民私鑄者。當督飭所屬嚴拏治罪。俾官無小錢。民無私鑄。獎源可以杜絕。其民間行使。轉可不必查禁。以免擾累。惟舟車裝載成捆小錢。經過關口。仍應查拏究辦。將此通諭知之。○丙子。上以萬壽節。侍

太上皇帝御同樂園賜王貝勒貝子公文武大臣等食至戊寅皆如之。○丁丑諭軍機大臣等英善奏達州亭子鋪地方有教匪熊泳霞等邀集千餘人在彼屯聚先派川壯將弁帶兵協捕英善即親帶兵五百名前往勦辦又據秦承恩奏前往漢中一帶巡防另挑鄉勇同弁兵分撥堵禦等語所辦俱好惟英善所帶兵五百名為數較少著傳諭福寧觀成自行斟酌如該處勦捕事宜完竣無須伊二人往彼督辦即一同速回川省帶領各標營及屯土兵丁迅赴達州與英善會商進勦該省兵丁回至本籍勦捕賊匪自必倍加踴躍尤為得力儻滋邱賊匪一時尚未能淨盡福寧應暫留該處會同成德惠齡等辦理觀成係成都將軍久歷戎行應先酌帶兵丁迅赴達州會同英善實力速辦如達州教匪業經英善秦承恩會勦完竣福寧觀成又不妨暫緩回蜀以期將榔坪賊匪迅速勦淨歲功至襄

陽一帶現在雖無賊匪但該處為全楚要路今川省達州地方又有教匪勾結滋擾等事畢沅駐劄襄陽仍當加意留心毋得稍有懈弛福寧等奏報勦敗楚省巴東譚家村賊匪得旨獎賚總兵官諸神保等升賞有差。○以直隸通州協副將王文雄為河南南陽鎮總兵官戊寅
萬壽節遣官祭
太廟後殿遣官祭
福陵
昭陵
昭西陵
孝陵
孝東陵
景陵
泰陵
泰東陵遣官祭
孝賢皇后

孝儀皇后陵寢○遣官祭

顯佑宮

東嶽廟

城隍廟○

上率皇子。王。貝勒。貝子。公。文武大臣官員等詣

正大光明殿於

太上皇帝前行禮禮成

上御座皇子。王。貝勒。貝子。公。文武大臣官員等

行慶賀禮○己卯諭內閣大學士缺出久逾

匝月現在各尚書內若以資格而論則劉墉
紀昀彭元瑞三人俱較董誥為深但劉墉向
來不肯實心任事即如本日召見新選知府
戴世儀人甚庸劣斷難勝方面之任朕詢之
劉墉對以尚可。是劉墉平日於銓政用人諸
事全未留心率以模稜之詞塞責不勝綸扉
即此可見彭元瑞不自檢束屢次獲愆紀昀
讀書多而不明理不過尋常供職俱不勝大
學士之任董誥在軍機處行走有年供職懋

勤殿亦屬勤勉著加恩補授大學士至王杰

因患腿疾久未入直現在軍機處漢大臣止

有董誥一人著左都御史沈初在軍機處學

習行走朕於用人行政悉秉大公考績程林

無不權衡至當劉墉紀昀彭元瑞皆當捫心

內省益加愧勵○大學士王杰以足疾辭南

書房上書房軍機處及禮部事務允之命大

學士董誥兼管禮部事務○庚辰以工部右

侍郎范宜恒為戶部尚書○辛巳諭軍機大

臣等據畢沅奏請將苗疆四面營壘布置停

妥即徹退官兵一摺所奏雖不為無見但現

在平隴尚未攻克石柳鄧吳廷義等尚未就

擒若遽議徹兵又將何以措辭豈有首逆尚

未全獲轉向其調停曲赦之理況苗匪詭譎

異常既未將石柳鄧等拿獲而遽行徹兵安

保其不又心懷反側儻復煽聚滋擾彼時又

將如何辦理且攻克平隴後必須在該處安

營駐兵今石柳鄧等尚在稽誅官兵難以在

彼留駐畢沅之意。不過以湖北四川貴州皆有教匪滋事。撤兵之後。可以分役勦辦。殊不思此等教匪聲息相通。今見石柳鄧等未能拏獲。即行徹兵。伊等益無忌憚。豈不轉長賊匪輕視官兵之心。朕初意即不欲窮兵黷武。原可趁此振旅徹兵。今苗匪負固首逆未除。豈能遽議及此。朕不得已用兵之苦。心豈畢沅尚不知之。著將畢沅奏摺發寄勒保姜晟明亮鄂輝及額勒登保德楞泰等公同閱看。集思廣益。將此事究應如何辦理情形據實具奏。不得存將就了事之見。○又諭涼山賊匪不過數百人。勢已窮蹙。今在二天門負隅死守。兵力難施。惠齡當派撥妥幹將領帶兵於山下要隘處所分路堵守。令賊匪不能下山竄逸他處。況賊匪糧食僅數兩月。自難日久支持。惠齡即可親身先赴滋邨。與福寧成德等會同合擊。將林之華等首夥悉數殲除。彼時如涼山餘匪業經束手就斃。惠齡等皆

可前赴永保處幫同勦辦。若涼山賊匪尚在拒守。惠齡再以勝兵回赴搜捕。此等機宜惟在惠齡相機籌辦。不可一味株守。亦不可顧此失彼。將此各傳諭知之。○贈征苗傷亡貴州提督花連布太子少保。予祭葬世職。諡壯節。入祀昭忠祠。○調雲南提督珠隆阿為貴州提督。以陝西興漢鎮總兵官文圖為雲南提督。○壬午。

上侍

太上皇帝詣

大高殿

壽皇殿行禮。○還宮。○賑兩淮海州板浦中丞臨興。三場被水。竈戶蠲緩新舊額賦有差。○癸未。諭軍機大臣等。額勒登保等督率將弁分路進攻。連奪巖人坡大壩角等處卡寨。所辦尚好。至所奏吳廷義情願縛獻石柳鄧。暫行允准。予以生路。俾首逆不致遠颺一節。亦祇可如此辦理。但吳廷義既願將石柳鄧縛

獻何以苗卡前後賊匪仍復屯聚可見賊情狡獪究屬難信或藉以為緩兵之計亦未可定此時惟有整頓兵力直前進剿掃穴擒渠是為正辦不可墮賊奸計又據奏永綏一路拏獲賊目石老必焚燒賊寨二十餘處間有苗匪攻撲營盤俱經該提鎮隨時擊退該處未降苗寨本多俟攻克平隴再為分路搜捕等語所想亦是總之石柳鄧一經就獲其餘想亦易辦額勒登保等與明亮郭輝當熟商妥辦不可存將就完事之見遽行撤兵將此傳諭知之○以攻克巖人坡等處苗寨功賞護軍叅領格布舍侍衛豐紳巴圖魯名號遊擊魏攀舉守備周廷翰花翎餘升賞有差○戶部議准升任浙江巡撫吉慶疏報定海常山二縣開墾蕩田四頃有奇照例升科從之○甲申諭軍機大臣等宜綿此時已由西寧回省現在川省達州有教匪滋事秦承恩業經馳赴漢中防堵宜綿當探聽信息如川陝

毗連地方有應須添兵防堵之處即酌量情形或派撥將弁帶兵前往協助或親赴邊界督率彈壓自更得力如秦承恩在彼足資防範甘肅地方亦屬緊要宜綿自當在省靜鎮彈壓不必遠赴邊界將此傳諭知之○以翰林院侍講英和充日講起居注官○乙酉諭軍機大臣等勒保奏遂次面詢威遠辦事道府稱牛肩山獮匪因前此兵練進攻未及圍困兜捕復竄往西大黑山該處山深箐密人跡罕到並恐竄入緬寧景東邊界及南線猛迺等處糾煽生事更難著手惟有趕程威遠設法籌辦等語所奏未免隱躍其詞殊屬非是此等獮黑俱屬徼外野夷散居各處並無頭目非如湖南之苗也不過因一時乏食搶掠近邊夷民村莊原不值大辦勒保到彼後祇須曉諭各夷莊互相保守如獮黑復敢潛來搶掠即可幫同剿殺設各村人數較少即於山外要隘地方酌派官兵防守則獮匪等

見有防備。自不敢復行出山滋事。並將土司土兵酌加獎賞。令其回巢。仍探聽湖南勦捕苗匪。及貴州青溪教匪情形。如尚須伊前往會辦。即順道先赴貴州。上緊趕辦。以除餘孽。而靖地方。再赴湖南未遲。如青溪教匪業經馮光熊、珠隆、阿勒淨。而石柳鄧已經就獲。勒保於布置防範。探黑後。即可回省辦理地方事務。不必再駐威遠。致探黑疑畏。別滋事端。方為妥善。將此傳諭知之。○丙戌。諭軍機大

臣等。柯藩現已馳赴漢中。與秦承恩會商一切。該提督惟當不分畛域。不但堵禦賊匪。尤當協同英善會合夾擊。將逃竄潛匿賊匪悉數搜捕。務淨根株。再劉之協。姚之富。係邪教首犯。屢緝未獲。著秦承恩密派妥幹員弁。不動聲色。留心踴緝。俾要犯就獲。餘黨自必紛紛瓦解。不攻自潰矣。將此傳諭知之。○雲南巡撫江蘭奏。報勦降探黑。得旨嘉獎。下部議。欽賞總兵官永寧花翎。○調兵部尚書紀昀

為都察院左都御史。都察院左都御史沈初為兵部尚書。○以副將銜四川提標中軍叅將何元卿為陝西興漢鎮總兵官。○予罵賊被戕湖北巡檢王翼孫祭葬。世職如例。○免江蘇蕭邳睢寧宿遷桃源海沭陽清河八州縣水災額賦有差。○賞卹四川征廓爾喀故兵春口半餉月米。○丁亥。

上御太和殿視朝。王以下文武升轉各官謝恩。諭軍機大臣等。成德文圖各帶兵勇追勦

賊匪。霧雨連綿。山徑叢雜。恐賊有埋伏。暫行收兵回營。自不得不如此持重。但聞所進圖內。滋邱賊巢在長陽關口之南。成德等現由關口自北而南。該處大山重疊。道路險峻。賊匪復據高拒守。攻勦稍覺費力。按圖內方向。福寧等官兵在滋邱之西北進攻。賊巢正在滋邱之南。圖內繪有大河一道。沿河有路可通。福寧觀成應取道河邊。自西而東。成德文圖亦取道沿河。自東而西。兩面夾擊。直搗滋

邱則賊匪巢穴已傾其餘賊卡亦可不攻而潰。至賊匪後路各山祇須派兵防堵勿使乘間竄匿為要。將此各傳諭知之。○戊子策試中式武舉耿金釗等三十五名於太和殿前。○己丑諭軍機大臣等現在明亮鄂輝已到軍營明亮雖久歷戎行但甫抵該處於苗疆形勢尚未周知而額勒登保德楞泰在彼年餘較為熟諳明亮鄂輝雖經朕派令前往接辦但不能如前此福康安和琳之總統軍務帶兵大員俱受其管轄者可比而額勒登保德楞泰在彼熟悉情形亦必不肯因明亮等到彼稍存推諉伊等能和衷辦事甚屬可嘉至摺內稱探訪平隴苗匪現欲從馬鞍山揀風坳一路撲出邀約上下麻沖等處未降苗寨以為救援等語何不將計就計故寬一面任其竄往他寨或於途次邀截擒拏或為設法離間未降各寨並鼓勵降苗石柳鄧等逃至該寨時立即擒獻豈不更為省事再辰溪

一帶為糧餉轉運總路湖南軍營現有明亮額勒登保德楞泰鄂輝四人足資料理姜晟應仍回辰州一帶照料將此各傳諭知之。○撥部庫銀二百萬兩解往湖北以備軍需。○庚寅

上侍

太上皇帝御紫光閣閱中式武舉馬步射。○諭軍機大臣等本日據玉德等奏盜首張落黃攷黃阿滿三名悔罪投首業經照張表等例

免罪賞給把總頂帶送回閩省隨同張表等出洋捕盜並著該督撫即向張落等曉諭爾等到閩後務須各加奮勉實力緝捕如果能拏獲有名緊要盜犯將來尚可再邀升擢仍著該督撫留心察看如果出力再行遇缺拔補其餘衆人仍當留心管束毋致生事。○辛卯

上侍

太上皇帝御紫光閣閱中式武舉技勇。○御乾

清宮引見中式武舉親定甲乙○壬辰

上御太和殿傳臚賜殿試武舉一甲黃仁勇常
鳴盛高适三人武進士及第二甲嚴殿傳等
五人武進士出身三甲高殿鼈等二十七人
同武進士出身○以都察院左副都御史趙
佑為工部右侍郎○甲午以

皇次子旻寧行初定禮賜宴如儀○以翰林院
侍講學士劉鏞之侍讀吳錫麒編修吳廷選
充日講起居注官○予浙江出洋淹斃把總

袁國寶祭葬卹廕兵丁林正恒等二十三名
賞卹如例○乙未諭軍機大臣等據慶成奏
將隨征出力人員咨回本省遇有缺出先行
升拔補用接到咨覆仍照例與存營人員比
較其千把總等缺並與屯田換防者相間輪
補未免無所區別等語軍營出師員弁其奮
勇出力者尚當格外加恩超擢遇有應升應
補缺出自應先儘軍營出力之員升拔補用
方足以示鼓勵乃梁肯堂仍欲輪缺升補實

不曉事著傳旨申飭○又諭前曾據英善奏
所帶兵丁及鄉勇等足資勦捕請將勒禮善
所備滿兵停止今又飛咨檄調忽停忽調殊
無把握恐難深恃著傳諭秦承恩柯藩即探
聽情形如該處勦捕事宜英善勒禮善未能
妥速辦竣即當帶兵前赴達州東鄉一帶會
合勦辦著宜綿即前往漢中於川省達州等
處交界處所駐劄以備策應○丙申賑陝西
膚施安塞靖邊定邊懷遠綏德米脂七州縣
被旱災民○丁酉撫卹日本國遭風難夷如
例○戊戌諭軍機大臣等宜綿奏甘省所調
各兵將次到齊宜綿即統領馳赴興安由太
平縣沿途勦捕前往達州與英善等會合攻
勦等語於勦辦自更得力仍著宜綿探聽信
息如達州教匪已經勦竣宜綿自當於漢中
西安一帶駐劄彈壓不可貪功涉遠以致顧
此失彼○己亥署工部尚書惠齡奏報攻克
馬王廟賊卡得旨嘉獎下部議敘賞候補都

司林朝輔。巴圖魯名號。以遊擊升用。○以廣西鹽法道孫玉庭為按察使。○免青海被雪成災番戶。應徵銀三年。○庚子喀什噶爾參贊大臣長麟等奏稱。喀什噶爾所屬阿爾瓦特四村回戶。每月應交各卡倫穀石。請改每年一次。呈交糧餉處轉撥各卡倫從之。○辛丑

上侍

太上皇帝詣

奉先殿

壽皇殿行禮。○諭軍機大臣等。成德既派有兵勇沿河設卡巡查。自應偵探賊情。隨時防堵。且伊劄營處所。距張家口沿河相近。乃竟毫無覺察。以致賊匪復逃。至黃柏山潛匿。殊出情理之外。文圖與成德同在關口黃連坪駐劄。而賊匪於初六七日搭造浮橋。至十三日接到補授雲南提督諭旨。竟於十九日起身赴滇。置逃竄黃柏山之賊於不顧。尤為畏蕙。

可惡。成德文圖本應與黃瑞一體革職治罪。但現在該處帶兵乏人。暫從寬宥。所有成德文圖前賞花翎及巴圖魯名號。俱著革去。姑留將軍提督之任。令其戴罪圖功。以觀後效。所有勦辦黃柏山一路軍務。即著福寧觀感。總統辦理。文圖現已回至軍營。即著成德文圖分往賊營之西南鶴峰州東南長樂縣界帶兵防堵。儻成德文圖再不能堵截。又任賊匪他逸。則二罪並發。必將伊等於軍前正法。

決不寬貸。再因福寧等奏到滋邱賊匪渡河逃逸情形。復檢閱二十五日成德文圖奏到之摺。據稱成德於十四日接到福寧等札知訂期是夜五鼓進攻。即帶領兵勇連夜行表。併力攻擊。殺死賊匪多名。將迎龍山奪占。滋邱賊匪。又經文圖黃瑞等督率兵勇殲斃。無算等語。可見成德等發摺時。賊匪業已於十三日渡河竄逸。乃成德等轉以勦殺賊匪情形鋪張其詞。豫為地步。以掩飾其不能堵截。

之罪更為欺詐。著福寧等就近傳詢成德文圖。將因何前奏虛假之處。令其據實登答。迅速覆奏。○署湖北宜昌鎮總兵官黃瑞。以不能禦賊革職逮問。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十一

嘉慶元年丙辰十一月壬寅朔。明亮等奏報攻克平隴賊巢。得旨獎賚。賞總兵官託爾歡花翎。餘升擢有差。賞兵丁一月錢糧。○以鑲藍旗蒙古都統額勒登保。為鑲黃旗領侍衛內大臣。護軍統領德楞額。泰署正黃旗領侍衛內大臣。在御前侍衛上行走。○甲辰。遣官祭先醫之神。○命大學士董誥兼管戶部事務。○戶部議准雲南巡撫江蘭疏報陸涼建水二廳開墾田六頃十畝有奇。照例升科。從之。○乙巳。雲南雲南縣土主簿張詔因病告替。

嘉慶元年丙辰十一月壬寅朔。明亮等奏報

攻克平隴賊巢得旨獎賚賞總兵官託爾歡

花翎餘升擢有差賞兵丁一月錢糧○以鑲

藍旗蒙古都統額勒登保為鑲黃旗領侍衛

內大臣護軍統領德楞額泰署正黃旗領侍衛

內大臣在御前侍衛上行走○甲辰遣官祭

先醫之神○命大學士董誥兼管戶部事務

○戶部議准雲南巡撫江蘭疏報陸涼建水

二廳開墾田六頃十畝有奇照例升科從之

○乙巳雲南雲南縣土主簿張詔因病告替

以其孫聚奎襲職。○予雲南追捕野夷傷亡把總畢雲禮祭葬世職。兵丁張得等賞卹如例。○丙午。

上御乾清門聽政。○諭內閣。御史宋澍奏。湖北荆宜施道崔龍見之子就職。州判崔景儼。經總督畢沅保奏。交部議敘。巡撫汪新復將崔景儼咨部。請以知縣升用。辦理朦混。又該督等請將枝江縣知縣汪雲銘調任當陽。為脫卸處分地步。請旨。勅部確實查辦一摺。已

交軍機大臣會同本日召見之尚書劉墉等詳議具奏矣。楚省辦理軍務以來。帶兵之督撫。將在事出力人員。專摺保奏。於定例稍為假借。朕非不知。即從前福康安和琳保奏各員。亦間有與例未符之處。朕因軍務需人。原難拘定成格。伊等為鼓勵勤勞起見。是以即照所請行。但於破格之中。亦當存覈實之意。今崔景儼經畢沅以該員辦事出力具奏。當即照所請。加恩交部議敘。而汪新即將該員

咨部。請以知縣升用。崔景儼係現任道員。崔龍見之子。在伊父任所。隨同幫辦。本屬分內之事。非投効人員可比。何得率行咨部。請以知縣升用。此等隨任子弟。該省地方大小官員。諒必不少。若俱似此越例邀恩。豈不與前代之竄名冒濫軍功者相等。該御史所奏。尚是著畢沅汪新將辦理此事。何以含混奏咨之處。及御史所奏情節。據實明白回奏。其枝江縣知縣汪雲銘。因何調任當陽。令其規避處分之處。亦著一併據實覆奏。尋據軍機大臣等議奏。畢沅汪新覆奏。俱以汪雲銘調任當陽。並無與例不符之處。應毋庸議。至崔景儼出力。即係伊父崔龍見在河溶堵截後路之事。應將崔景儼以知縣升用查銷。該督撫朦混陳奏。應請將畢沅汪新降二級調用。嗣後軍營出力人員。奉旨指明以何項升用者。自應遵辦。其督撫奏請議敘人員。應令夾單開列何項出身。於何處著有勞績。是否現任

官員子弟。詳細註明。於奉旨後。吏部按其出身勞績。將如何獎勵之處。具題請旨。得旨。畢沅。汪新。均改為革職留任。餘依議。○諭軍機大臣等。蘇凌阿奏。趙辦壩工情形一摺。覽奏俱悉。惟閱所奏圖樣。壩工口門。現在趕緊進埽。水勢深至八丈有餘。未免著重。朕意何不將口門之北大隄酌量展寬。俾浸水得以暢出。則水勢散緩。口門不致日刷日深。豈不更易堵合。但此係朕偶然思及。已於圖內用硃筆標識。著發交蘇凌阿等酌籌妥辦。不必拘泥遷就。○吏部以大學士董誥應定何殿閣。請得旨。著為東閣大學士。○以詹事府詹事瑚圖靈阿為通政使司通政使。○丁未。諭軍機大臣等。涼山賊匪。經惠齡設計攻進。將賊首覃士潮等生擒。所辦實屬可嘉。關騰帶兵由九鼎壩進攻。亦屬可嘉。著署理宜昌鎮總兵印務。投出之張添富等五名為官兵內應。放火困賊。不但可免其死罪。並當酌賞金頂。

如五人內有為首者。著惠齡查明賞給六品頂帶。俾知感激。如此格外施恩。使黃柏山賊眾見之。心生豔羨。必有紛紛投出者。亦解散賊黨之一法。於勦捕不無有益。○惠齡奏報掃蕩涼山賊巢。得旨。獎賚。賞守備李成等藍翎。餘升敘有差。賞兵丁一月錢糧。○己酉。諭軍機大臣等。明亮等奏稱。首逆勢力日孤。可期剋日就縛。不妨暫寬一面等語。所見殊屬錯謬。此事前令明亮鄂輝前往接辦。原以伊二人久歷戎行。於行軍制勝之道。較有把握。伊等既經攻克平隴。自當一意進取。速擒首惡。乃摺內轉稱。先勦零星寨落。看此情形。明亮等未免心存畏難之見。伊等統兵大員。已得平隴。不一進步。轉為浮言所惑。則將士等安能鼓其銳氣。於大局殊有關係。明亮等俱著傳旨。嚴行申飭。該處苗民改土歸流以後。食毛踐土。百有餘年。與編氓無異。乃石柳鄧等自作不靖。聚眾焚掠。罪大惡極。此而不加

懲治何以昭法紀而靖苗疆。朕非必欲窮兵黷武。況現在大兵進剿。石柳鄧等尚欲糾結抗拒。時出滋擾。若首惡未獲。遽行撤兵。則伊等益無所忌憚。必致肆意搶掠。成何事體。此等苗衆。必須懾以兵威。使之畏懼求生。彼時酌量情形。或可寬其一線。量加安撫。今石柳鄧等尚在負隅。並未畏懼兵威。投降乞命。而大兵遽撤。豈不轉為苗衆所輕。三廳地方。必致又為其蹂躪。且此事用兵已幾及兩年。調兵運餉。勞費已多。經福康安和琳統率官兵。屢次克捷。將屆功成。現又攻得平隴。藏事已在旦夕。正當趁此兵力。擒獲首逆。使未降苗寨咸知震懾。相率投誠。以為一勞永逸之計。明亮等務當堅持定見。總以擒獲首逆。使苗衆畏服。不敢再滋事端。方為不負委任。○撥部庫銀四百萬兩。分解湖北湖南。以備軍需。○予協勦湖北逆匪病故總兵官阿克東阿祭葬卹蔭。如提督例。○緩徵甘肅狄道河環

三州縣並莊浪縣。丞所屬旱災新舊額賦。○庚戌旌表守正被戕雲南魯甸廳民楊正發妻吳氏。○辛亥。予湖北遇賊殉難訓導甘杜祭葬世職如例。○予四川陣亡守備胡興國祭葬加等世職如例。○壬子。諭內閣刑部具題山西省已結未解軍流各犯分別准免。不准免一本。已依議行矣。惟閱單內所開各犯案內有忤逆伊祖及父母擬遣之語。忤逆之子孫豈可留之於世。此奏措詞殊未妥協。雖舊例忤逆案內。一經祖父母呈送者。均覈其所犯情罪。分別定擬。但此等擬軍之犯。不過因語言觸犯。或違犯教令等條。若果有實犯忤逆情節。豈尚得稍從寬典。僅予軍遣。今摘敘案由。概以忤逆二字籠統聲敘。轉似實犯忤逆重罪之條。得邀稍從末減之例。明刑所以弼教。豈可漫無區別。嗣後此等人犯。止應摘敘違犯觸犯字樣。不得仍前概以忤逆開寫。以示覈實定罪。教孝明刑至意。○惠齡奏

灌灣腦涼山二處賊匪。次第勦除。所有枝江。宜都二縣事宜。必須酌量經理。一灌腦山應移置武弁改設塘汛。一聶家河為宜都長陽二縣要衝。請暫留鄉勇。以資防守。一枝江宜都二縣城中。請各留兵彈壓。一鄉勇紳士等器械。應查明存貯銷燬。一逃出被擄良民。應飭屬妥為安撫。一邪匪所遺田地房產。應查明變價充公。一枝江宜都二縣民人罵賊捐軀者。應一體查辦。下軍機大臣議行。○先是

署杭州將軍成明奏。浙江布政使汪志伊。應放杭州乍浦滿營孤寡養贍錢。遲延三月。上命戶部侍郎台布往浙查辦。嗣查明汪志伊。因蕭山地租徵催未足。未能如期給發。又未奏明籌款墊放。辦理不善。下部議處。至是議上降二級調用。從之。○癸丑。降浙江布政使汪志伊為江西按察使。調山西布政使謝啟昆為浙江布政使。以江西按察使司馬駟為山西布政使。調安徽布政使陳奉茲為江蘇

布政使。江蘇布政使西成。為安徽布政使。○予湖北陣亡典史浦寶光。祭葬世職。如縣丞例。甲寅。

聖祖仁皇帝忌辰。遣官祭

景陵。

上侍

太上皇帝詣

奉先殿

壽皇殿行禮。○乙卯。諭軍機大臣等。此次福寧

等乘賊人雪夜無備之時。派慶溥諸神保分路攻進。趁勢渡河。連破賊寨。奪住山梁。甚屬可嘉。現在官兵得勝。緊逼賊巢。況惠齡此時亦當到彼。正當乘此勝勢。上緊攻勦。先擒林之華。章加耀。殲淨餘匪。以靖地方。再閱圖內。成德文圖。同在賊巢之東。駐劄。諸神保慶溥。同在賊巢之西。駐劄。該二處有一人在彼。已資堵勦。成德既在彭家坳。長嶺紮營。賊匪已無虞。東竄。竟當分出文圖。繞由東南之梯兒

巖四方臺一帶進攻慶薄諸神保二人中亦酌分一人繞由西北之城子口九洲一帶進攻如此多路進取使賊匪抵防不暇福寧觀成再行直趨進剿豈不更為得力並著酌量辦理○緩徵山東魚臺金鄉鄒滕嶧濟寧六州縣水災新舊額賦○丙辰以豐汎漫工合龍賞費署兩江總督蘇凌阿江南河道總督蘭第錫山東布政使康基田等有差○甘肅布政使張朝繆緣事解任以刑部侍郎代辦

陝甘總督事陸有仁暫行兼署○丁巳月食

○上御乾清門聽政○諭軍機大臣等安康賊匪竟敢逼近興安郡城不可不速為剿除現在秦承恩駐劄該處而宜綿由洋縣前往不過四百餘里計此時早經到彼並經該督飛咨花尚阿派撥滿兵一千名由南山小路星赴興安使郡城迤北各該處匪徒聞兵威壯盛不敢復萌奸惡辦理亦好至此等教匪必係

湖北賊衆經官兵屢次剿敗無路逃生潛遣黨與分赴興安達州等處散播謠言煽惑勾引以為牽掣官兵苟延殘喘之計但究屬烏合撲滅尚易俟該處事竣後宜綿等仍當帶兵星赴達州一帶幫同英善等奮勉剿辦將此傳諭知之○戊午永保等奏報連破賊屯十一處得旨獎賚賞兵丁一月錢糧○以隨營辦理軍需出力賞候補知縣陳淦源藍翎

旌表守正捐軀河南蘭陽縣民艾來初妻

趙氏四川灌縣民張啟盛妻王氏○以河南士民防卡運餉出力復緩徵鄧唐新野南陽桐柏淅川內鄉鎮平泌陽裕葉南召舞陽安陽湯陰淇汲新鄉獲嘉考城滎澤鄭新鄭蘭陽祥符尉氏滑川河內武陟許長葛襄城臨潁鄆城西平遂平確山信陽三十八州縣新舊額賦○己未諭軍機大臣等興漢與太平毗連防有川省逸匪竄入秦承恩仍著暫留該處督率堵拏不必遠赴達州為是此時英

善等在達州勦賊。東鄉一路。佛住已帶兵勇前往。而袁國璜亦早到彼。宜綿柯藩勦淨牛蹄嶺賊匪。亦即馳赴太平。三路進攻賊匪。自無從竄逸。英善等惟當倍加勉力。迅速藏功。○廣東巡撫英善奏報攻克袁家石壩及鞍子坪賊寨。都司石陣圖等升擢有差。○以故青海額魯特扎薩克輔國公根敦端多布子伊什達爾濟襲爵。○庚申。定逃軍投首例。諭內閣。向來軍營脫逃兵丁。有在軍務未竣以前投首者。俱發烏魯木齊等處給種地。兵丁為奴固屬按例辦理。但國家養兵衛民。遇有調遣從征之事。理宜先驅殺賊。奮勇立功。乃恒怯無能。首先潰散。又恃有軍務未竣。發遣之例。自必探聽軍功將次告成。冀圖免死。自行投首。若皆似此效尤。則兵不顧將。臨陣紛逃。將何以資攻勦。此等潰兵。情罪重大。貸其一死。已邀寬典。若因自行投首。僅予發遣為奴。轉得置身閒散。不足以示儆。且於用兵大

有關係。嗣後軍營脫逃兵丁被獲。及在軍務以後投首者。仍照舊例辦理外。其在軍務未竣以前投首者。概行定擬監候。永遠牢固監禁。俾知儆懼。庶足以嚴紀律而肅戎行。著為令。○又諭據圖桑阿等奏將瘋病毆人致斃之劉金順及推跌斃命之任為瑞審明定擬絞候等語。此兩案一係瘋疾復發。毆斃人命。一係推跌致死。尚非故殺者。可比。因應照內地之例。入於緩決辦理。但烏里雅蘇台地屬口外。究與內地不同。所有此二案人犯。俱照所擬絞候緩決外。仍不可拘泥內地之例。遽行減等發落。○陝西按察使姚學瑛緣事解任。以署布政使倭什布兼署按察使。○辛酉。諭軍機大臣等。前據蘇凌阿等奏報合龍朕心方深欣慰。乃本日據伊等奏。合龍後因凌水陡長。壩身墊二十餘丈。懇請交部從重治罪等語。此次壩工既合復開。自因鑲壓不堅所致。但適值上游凌水下注。乘風衝擊。以致

人力難施。事出不期。何忍治伊等之罪。現在壩基自當另行移築。蘇凌阿等於引河遮下地勢較高之處。盤立壩基。從此築做。上有挑水壩遮蓋。下有大壩兜束。俾緩水勢。而資攔護。所想亦是。惟閱圖內所築挑水壩。丈尺尚短。不能逼溜直入引河。朕意何不趁此向東接築挑溜。既為得力。而新壩口門亦可免著重。又現挑引河。雖係舊有河形。究覺稍窄。何不再往北展寬。若於硃筆所圈處所。斜向東

北歸入前挑引河。以資暢達。如此辦理。則形勢較為徑捷。而新挑引河。亦可省工段綿長之費。又前挑引河頭。現築土壩。轉恐有礙溜勢。或可不必攔截。俾大溜順由挑水壩東趨下注。亦可藉分口門溜勢。已於圖內用硃筆標識。著發交蘇凌阿等酌量辦理。○又諭據魁倫奏。現因緝捕洋匪。經費不敷。請於閩省藩庫借銀八萬兩。除歸還司庫墊款三萬餘兩外。尚存銀四萬有餘。以為續後支給之用。

等語。該兵丁等奉派出洋。銜風破浪。若令於所得餉銀內。自備口糧。不足以示體卹。自應照該督所請。於藩庫項下。照數借給。於緝捕較為有益。至營船原為捕盜之用。乃摺內稱營船笨重。不能得力。是何言乎。魁倫務須督飭所屬實力查拏。以清洋面。而安商旅。又據哈當阿奏。查拏盜匪一摺。盜船乘風逃逸。蹤跡往來無定。惟四面兜捕。方可緝捕淨盡。現在閩洋盜風未戢。皆哈當阿失於巡捕所致。

咎實難辭。著傳旨申飭。務須飭屬嚴拏。不可以盜蹤已離臺灣。即為安靖。以致遠颺漏網。致干咎戾。○

上以冬至祀

天於

圓丘。自是日始。齋戒三日。○壬戌。諭軍機大臣等。吉慶奏訪出洋匪聚集并藏匿船隻各處。在安南境內。且有該國隱匿賊匪之情。此時若行文該國。反致賊匪聞信潛逃。所見尚是。

刻下暫且無庸行文曉示該國。俟派往訪查官員呈報到日。吉慶當不露聲色。妥為辦理。即將賊首擒獲。以絕根株。○兩廣總督吉慶奏粵省十府三州之內。八郡皆係濱海。自惠州以迄雷瓊。袤延二千餘里。處處毗接外洋。今擬將海防分為三路。西路高雷廉瓊所屬洋面。每有盜匪伺劫商旅。瓊州孤懸海外。雷州近接夷洋。查盜船俱在江坪白龍尾一帶藏躲。而雷屬之海安與瓊屬之海口二營。隔

洋對峙。中間水面僅八十餘里。向來盜船俱由此處潛駛來粵。現於二營各派兵船三十號。分作兩幫。遞委將弁往來巡緝。輪赴龍門。碇洲。潤洲等處搜拏。自惠州平海以東。至潮州閩粵交界。是為東路。飭南澳鎮總兵林國良領兵船二十隻。上緊堵拏。並咨會閩浙總督魁倫。札飭銅山營配兵船二十號。協緝至廣州肇慶所屬之虎門。大鵬。廣海寨老萬山等處洋面。是為中路。派叅將黃標領兵船三

十隻。實力追捕。總期將盜首擒獲。悉絕根株。至洋匪所需硝黃米穀淡水。自係圖利奸徒接濟。現派員密赴各口岸訪拏。嚴究再兵丁月餉無多出洋捕盜。力難裹帶。每名每日應請給鹽菜口糧銀五分。在藩庫雜款項下。作正開銷。得旨嘉獎。如所請行。○旌表守正捐軀江蘇沭陽縣民華槎住妻王氏安徽靈璧縣民王紹湯女王氏。○癸亥。

上詣

南郊齋宮齋宿。○諭內閣。王德奏前在山東巡撫任內。有博興縣銀匠張介平私雕假印。串商地保張思誠。誣騙花戶錢糧一案。該撫照冒支錢糧例。將張介平擬以斬決。經刑部議駁。應照偽造衙門印信。誣騙財物例。改擬斬候。查此案係王德主見。從重問擬。據實陳明。懇請交部議處等語。朕披閱之下。此案張介平私雕假印。誣騙糧戶。馬廷公等錢文均係應徵地丁銀兩。無論其已未入官。即屬正項。

錢糧不得謂為誑騙財物。刑部堂官何以拘例改擬具題傳詢刑部堂官。據阿桂面奏。此案到部時阿桂以例有專條。應按照辦理。張介平一犯情節較重。入於本年秋審情重人犯之內正法。已足示懲。與刑部堂官商酌改擬等語。此事阿桂因該省援例。尚須斟酌。告知刑部堂官。尚屬留心。該堂官等既以阿桂所見為是。自應將改擬緣由。專摺具奏。請旨定奪。乃僅照例具題。殊屬含混。且此等關繫

罪名輕重。刑部改擬之本。向來內閣票擬俱用雙簽。並有票三簽者。一票部駁。甚是一票依議。一票著照該督撫所擬。今內閣僅票單簽亦屬疏漏。朕日理萬幾。於各部院尋常題本。豈能逐字檢閱。或偶有疏畧。而此案刑部既未專摺具奏。內閣亦未票擬雙簽。並非朕之疏畧。試思張介平一犯。該部既入情重辦理。即照玉德原擬斬決。亦無二歧。是刑部改擬此案拘泥例條。於情節輕重。未能細覈。尚

無大錯。但不專摺請旨。則咎無可辭。阿桂與胡季堂等均著交部嚴加議處。其票本之大。學士亦著交部議處。玉德等原擬尚無不合。著免其交部。朕辦理庶獄。無不悉心權度。折衷至當。而於臣工功過。亦必權其輕重。隨時勸懲。從不肯稍任含混也。○諭軍機大臣等。玉德奏洋盜率眾投首。呈繳器械一摺。此等盜匪。一經擎獲。俱應立正刑誅。今因其悔罪投首。稍知畏法。與始終怙惡者有間。免其一

死。已屬法外施仁。若再賞給頂帶。非所以昭法紀。而嚴創懲。茲玉德將梁得光遞回原籍。交地方官管束。所辦尚是。嗣後閩浙洋面。有似此投出盜匪。即照玉德所奏辦理。但盜匪遞籍後。務飭該管州縣嚴加管束。如仍有出外為匪之事。惟該督撫及該管地方官是問。將此諭令知之。○旌表守正捐軀四川大邑縣民張開順妻李氏。○甲子冬至祀天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢○停次日朝賀○乙丑以

皇次子晏○行成婚禮賜宴如儀○通政使司

參議初彭齡奏江西巡撫陳淮居官貪黷

信任南昌縣知縣徐午串通舞弊各款

上命署兩江總督蘇凌阿兼署江西巡撫前往

江西偕戶部右侍郎台布將陳淮解任研鞠
嗣訊明徐午代陳淮墊發驛價又修造廟宇
勒派屬實命一併革職逮問○命河東河道
總督李奉翰迅赴豐工會辦堵築事宜○丙
寅

上侍

太上皇帝詣

壽康宮行禮○諭軍機大臣等前此明亮等初
到平隴所奏之摺未免心存遷就幸朕節次

降旨令其堅持定見上緊進攻伊等始能專
心勦辦屢有克捷將賊匪緊要石卡次第奪
獲現在官兵層層圍裹直接平隴後山賊情
倍加震懾並經明亮等一面督兵搜剿一面
另派將弁由鴉溪鎮溪所疏通道路所辦可
嘉據奏乾州永綏所屬各苗投順者又不下
五千餘戶該降苗等聞事竣後有設立苗守
備千把等官甚為歆羨此係好機會降苗等
紛紛投出賊勢日孤明亮等著即上緊勦辦

迅奏捷音。○大學士等議覆。明亮等奏請將鳳凰永綏乾州三廳改為直隸同知。凡民苗事件。歸辰沅道覈轉。鳳凰城巡檢乾州城巡檢俱改為苗疆經歷。管司獄事務。乾州添設巡檢一員。駐河溪。永綏廳排補美巡檢。移駐隆園。麻陽縣添設縣丞一員。駐巖門。其原設巡檢移駐高村。均應如所請。至三廳舊例五年加銜三年升用。今暫改為三年俸滿。加知府銜。留任三年。保題以知府升用。俟此任之

後。地方安靜。仍照舊例辦理。其所稱三廳到任後。即給升銜及辰沅道加按察使銜。應毋庸議。從之。○明亮等奏報攻克萊沖土貫坡。湖耳坳等處石卡。得旨獎賚。賞守備王蓋臣。花翎以都司升用。賞兵丁一月錢糧。○旌表守正捐軀四川合州民王庭仁妻袁氏。○丁卯

上詣

大高殿行禮。○予湖北陣亡馬兵曹偉等十一

名賞卹如例。○旌表守正捐軀河南許州民李觀成妻董氏。○免福建莆田晉江惠安同安馬家巷龍溪漳浦海澄詔安九廳縣潮災舊欠額賦。○戊辰。宜綿等奏報剿除興安賊匪。得旨獎賚。擢外委劉滿貴為守備。兵丁周孝為千總。餘敘賞有差。賞兵丁一月錢糧。○己巳。諭軍機大臣等。永保等奏黃龍壩賊匪復偷渡滾河。向西竄逸。閱圖內方向。賊匪因呂堰驛等處有官兵截殺。是以向西奔竄。但

賊匪已奔向牛首一帶。而官兵僅在竹條鋪截剿。並未遠過晉鼓廟許家集一帶迎頭截殺。是官兵在賊匪之後尾追。一任賊匪西去。迤遠而光化縣城。是否有兵防守。若無所攔截。任其沿途逼脅。裹掠良民。豈不使未經遭賊地方。復受蹂躪。著永保等明白覆奏。至光化一帶。與鄖西等處毗連。相近陝西商州。若不亟為堵截。設賊匪竄入鄖西一帶。或與陝省教匪勾結。更屬不成事體。陝西紫陽平利

等處之賊不過川省闖入餘匪易於撲滅現在既有此事宜綿秦承恩柯藩三人可以不
必同赴川省著傳諭宜綿等將興安賊匪剿
淨後即著柯藩速赴紫陽一帶將闖入賊匪
截殺淨盡肅清陝界再赴川省達州協剿興
漢地方亦關緊要秦承恩仍在該處彈壓宜
綿迅赴商州鄖西堵剿勿使黃龍壩逸匪闖
入勾結至景安現在魏家集駐劄賊匪或因
西路堵截嚴密復向北竄則鄧州新野地方
平行又無要隘可扼設被賊匪四散搶掠更
難搜捕著傳諭景安設法籌辦或多雇鄉勇
或抽撥附近兵丁總期防範嚴密不使逸匪
竄入豫境方為妥善○以故大學士公追贈
郡王衍傳恒協辦大學士尚書公兆惠大學
士閻浙總督貝子贈郡王衍福康安四川總
督伯贈公爵和琳配饗
太廟雲貴總督勒保等奏報擒大鬼坐教
匪首夥得旨嘉獎下部優敘賞兵丁一月錢

糧○以賊匪偷渡滾河西竄失機革永保恒
瑞慶成太子太保花翎舒亮巴圖魯名號花
翎並革延綏鎮總兵官楊秀等職留軍前効
力贖罪○予浙江出洋淹斃外委孫國寶祭
葬世職如例○庚午諭軍機大臣等英善等
奏達州東鄉屯聚餘匪竄入橫子山一帶太
平縣屬之通天觀等處尚有賊匪竄聚現在
兵力無多亟須陝兵助剿著傳諭索費英阿
速赴太平會剿無得遲緩至巴克坦布阿爾
薩朗訥音碩雲保俱係特派帶領京兵大員
到營後自應會籌妥辦乃永保等漫無調度
將生力勁兵置之無用之地祇知在後尾追
巴克坦布等何以率行聽從默無一語行軍
之道總應公同籌酌如調度合宜固不應稍
存意見若布置失當豈有旁觀坐視聽其指
使之理姑念伊等甫抵該處是以從寬暫免
治罪著傳旨嚴行申飭○以總統軍務永保
屢致賊匪奔竄達京交部治罪以署工部尚

書惠齡代統軍務。○英善等奏報攻勦四川柏樹場天星橋賊匪。賞英善勒禮善道員石作瑞花翎。兵丁一月錢糧。明正瓦寺各土兵一月口糧。○以故貝勒綿惠繼子奕綸襲封貝子。○以署湖北宜昌鎮總兵官關騰為陝西延綏鎮總兵官。○辛未諭軍機大臣等據畢沅奏獲犯有逃往光化穀城之供。該處逼近鄖西商州一帶。不可不亟為堵截。宜綿即酌帶弁兵速往堵勦。勿使楚匪一名闖入。並著宜綿柯藩酌量情形。如平利紫陽賊匪尚須勦捕。則宜綿先赴商州鄖西柯藩仍遵前旨將陝境逸匪勦淨。再探聽達州太平匪徒亦已無餘。即當前赴商州鄖西幫同宜綿分途堵勦。將此傳諭知之。○以原任貴州按察使常明署貴州按察使。○是月總督銜湖南巡撫姜晟奏勦殲各州縣倉穀共辦米六十六萬三千石。以濟軍糧。報聞。

大清仁宗受天興運數化綏猷崇文經武孝恭勤儉端敏英哲睿皇帝實錄卷之十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十二

監修總裁官經筵日講起居注官太子太傅武英殿大學士吏部尚書領侍衛內軍鑾儀衛奉
上諭事件處管理工部事務翰林院掌院學士等官加

二級學部加四級^官專修館總監官太子太保文淵閣大學士管理刑部事務加五級^官戴均元曠筮日講起居注官太子少保內大臣文淵閣提舉

閣下務公飲奉
上諭事件處編辦大學士戶部尚書翰林院掌院學士教習庶吉士總管兩務府大臣黃旗滿洲都統步軍統領管理

戶部三庫奉公統清國等處總理工役處御營馬房御樂房太醫院西洋事務軍功加三級隨帶加一級尋常加十三級照錄于次其和

明廷議一其太子太保禮部尚書主書房行吏武英殿總裁管理國子監事務六級隨堂加二級紀錄四級汪廷珍等奉

軟修

嘉慶元年丙辰十二月壬申朔○癸酉諭軍

機大臣等魁倫奏拏獲洋盜究出投首釋回復行為匪之江恩三犯可見此等投首盜匪究不可信當其悔懼投出之時若不量予免罪稍示招徠轉堅其始終怙惡之心今江恩等於投首後復行為匪必須嚴辦所有家屬自應緣坐但子弟固當按律若因子而罪及其父母朕心究有不忍然亦不可留於本省著即行發遣並出示曉諭俾投首釋回之犯知所炯戒○命翰林院侍講汪廷珍在上書

房行走○賞革職塔爾巴哈台叅贊大臣伍彌烏遜三等侍衛為哈密幫辦大臣○旌表守正捐軀福建建陽縣民游元淇妻李氏○加賑陝西膚施定邊靖邊甘泉安塞懷遠米脂七縣旱災貧民有差○甲戌

上御乾清門聽政。○明亮等奏報奪據馬頭山賊卡得旨獎賚賞叅將阜保巴圖魯名號叅將仙鶴林遊擊何之璞守備周國平花翎外委曾勝等藍翎餘升賞有差賞兵丁一月錢

糧○以宗人府府丞孟邵為都察院左副都御史、降讀本錯誤之內閣學士扎郎阿為贊禮郎○乙亥諭軍機大臣等昨據明亮等奏攻克馬頭山等處山梁苗匪無難剋期就獲前令明亮進攻原因首逆未獲若石柳鄧吳廷義一經拏獲掃穴擒渠足昭懲創其餘苗衆醜類繁多豈能一一搜捕用兵之道不可止而止固不足以綏靖地方可止而不可止知進知退之義著再傳諭明亮等於獲

首逆後祇須擇其緊要地方酌安官兵派明幹武職大員駐劄彈壓或並此不必則更善其餘官兵即可陸續撤回歸伍明亮等當隨時相機以副委任○調理藩院侍郎富俊為兵部侍郎仍兼理藩院侍郎○調鑲紅旗漢軍副都統成德為鑲黃旗滿洲副都統○丙子西寧辦事大臣策拔克奏青海郡王納罕達爾濟等五旗游牧因被生番搶掠乞移回尚那克舊游牧允之○丁丑

孝惠章皇后忌辰遣官祭

孝東陵○諭軍機大臣等英善等奏官兵攻克橫山子賊卡賊失巢穴障蔽分五路前來攻撲總兵袁國璜何元卿深入被害都司百壽等陣亡達州官兵未免氣餒而英善勒禮善從來未經軍旅必須另簡大員督辦宜綿昨有旨令赴商州今達州尤關緊要著傳諭宜綿迅速先赴達州僱兵力未敷宜綿係陝甘總督二省官兵不妨就近調用再太平東鄉

皆有賊匪恐一人未能兼顧勒保現往湖南著即取道馳赴達州會剿○又諭甘省秦州鞏昌一帶均與川省毗連不可不加意防範著陸有仁嚴密堵截不可張皇擾累○哈密辦事大臣僧保住疏稱哈密所管塔爾納沁蔡巴什湖兩屯種地遣犯如有缺額例於發往伊犁烏魯木齊遣犯內擇其情輕年壯者截留補額情罪重者不准但近年發遣新疆情輕者甚少不敷耕作請於情重人犯內擇

年力精壯暫行截留俟續到有情輕者再更替發往原配照原擬罪名辦理下軍機大臣等議除洋盜案內被脅服役發往回疆為奴者仍不准截留外餘如所請從之○宜綿等奏報剿滅將軍山賊匪得旨獎賚賞知府朱勳遊擊韓加業海洪阿李逢春花翎守備李殿元等藍翎餘升賞有差賞兵丁一月錢糧以故喀爾喀賽因諾顏貝子端多布多爾濟子巴勒珠爾遜多布襲爵○戊寅命御前

侍衛行走貝勒濟克濟扎布公瑪哈巴拉索特納木多爾濟俱在紫禁城內騎馬○調廣東南澳鎮總兵官馬龍為四川重慶鎮總兵官以山西蒲州協副將艾如文為陝西興漢鎮總兵官遣赴達州軍營○命廣西副將玉柱守備余德高貴州叅將姜敏功四川遊擊馬瑜都司應元寬楊森守備李廷臣王玉龍馬應國雲南都司方和廣東都司張永成等十一員馳赴達州軍營○己卯

上詣

大高殿行禮○侍

太上皇帝幸瀛臺閱冰技○諭軍機大臣等景安在魏家集被圍永保相距不遠聞賊北竄即當往援乃景安於初一日被圍恒瑞舒亮初二日始到而永保慶成尚未到設因衆寡不敵有意外之事成何體統且鄧州迤北地勢平行若任令北竄豈不更覺費手永保之罪百喙難辭恒瑞慶成舒亮何以隨同貽誤

著惠齡會同景安密查四人因循玩誤之處分別具奏○以景安魏家集被圍兵僅四百堅守無失得旨獎賚出力員弁令查明奏報賞兵丁兩月錢糧○福寧等奏報奪占九洲等處要卡得旨獎賚將弁升賞有差○免被賊滋擾之四川達太平東鄉新寧四州縣陝西西鄉安康平利紫陽四縣次年額賦庚辰轉兵部右侍郎特成額為左侍郎以新授之富俊為右侍郎○賞八旗兵丁一月錢糧例每銀一兩折錢一千時錢賤命戶部照時價折給○辛巳諭軍機大臣等此時鄧州新野一帶防堵最應嚴密永保一路官兵現有一萬五六千名著將豫省征兵二千名交王文雄即刻帶回分駐以資堵截且為北面迎擊之用將此傳諭知之○賞明正土司頭目班珠爾朋楚克花翎以德爾格番子造言妄控班珠爾等能往慰導也○壬午諭軍機大臣等永保奏勦賊情形仍屬無謂前賊偷渡

滾河永保等未能迎擊及追至蕭家岡後又未攔截致復竄回襄陽之泰山廟地方而永保等仍不過專事尾追至滾河潘家臺東津灣一帶係偷渡要路永保即未能往亦應於大員內分一二人到彼防堵慶成年富力強亦應自請前往何以僅派都司堵禦致賊乘閒逃竄而恒瑞舒亮隨同貽誤恒瑞慶成巴克坦布阿爾薩朗訥音碩雲保姑令戴罪立功俟平定後統計功罪將此諭令知之○宜

綿等奏報勦克米溪等處賊巢得旨獎賚將弁下部議敘賞兵丁一月錢糧○以故貴州漳溪司副土官石音鍾子如明襲職○癸未以故廣西上林土知縣黃九如子元植襲職○甲申

上侍

太上皇帝幸

皇次子所進膳○乙酉諭軍機大臣等觀成係成都將軍本省滋擾星回勦辦惠齡往替永

保總統軍務黃柏山之賊搜捕恐需時日調度祇有福寧一人勒保著不必前往四川於何處接旨即取道赴黃柏山酌帶貴州得勝之兵前往○丙戌明亮等奏報攻克貴魚坡木城石卡得旨獎賚將弁下部優敘賞兵丁一月錢糧 賜高年頂帶六千七百七十人

丁亥

上御乾清門聽政○以詹事府少詹事薩彬圖光祿寺少卿書敬為內閣學士兼禮部侍郎

銜 以故二等昭信伯李奉堯子毓文三等子敏珠爾子額爾德尼敦齊爾伊爾綱阿子德山伊魯勒圖子佛興額各襲爵○戊子諭內閣明亮等奏官兵連日奮勇殺賊斬梟首逆石柳鄧並生擒石柳鄧之子石老喬藏功獻誠情形一摺此次官兵由貴魚坡大頂坡等處分路進剿將賊苗各處木城石卡層層奪據官兵跟蹤勦殺四路搜捕首逆石柳鄧頭著鎗傷甚重當經梟取首級並生獲伊子

石老喬並將前獲監禁之伊子石老觀一併解京治罪綏靖苗疆歲功完善覽奏深為嘉悅湖南軍務當功屆垂成之時明亮鄂輝馳抵軍營後與額勒登保德楞泰遵照指示機宜督率有方所向克捷而額勒登保自用兵以來駐劄前敵節次首先帶兵殺賊此次賊匪從山溝衝突而出復經額勒登保痛加截殺殲戮無算尤為奮勇可嘉德楞泰鄂輝分路領兵亦屬奮勉出力現在大功告竣苗境

肅清允宜各加懋賞用示酬庸明亮著封為襄勇伯額勒登保著封為威勇侯德楞泰著賞給子爵鄂輝著賞給男爵額勒登保並著加賞銀一萬兩德楞泰著賞銀五千兩即交伊等家屬收領以示優獎勦勞至意所有此次打仗滿漢屯土官兵俱著加恩賞給兩月錢糧其在事出力大小員弁並著明亮等查明咨部從優議敘用昭獎勵○諭軍機大臣等景安奏賊匪由王家河等處分股渡河向

東南奔竄此皆永保調度失宜之罪此時惠齡自己馳抵該處遵旨將永保革職解京一面會同景安查明恒瑞等如何貽誤之處據實奏至惠齡到彼接辦軍務應大加整頓務將首逆按名拏獲至襄樊防堵事宜著汪新赴該處妥協經理將此各諭知之○又諭苗疆善後事宜最關緊要此時大功告竣著傳諭畢沅即馳往湖南會同鄂輝姜晟悉心籌辦○申禁八旗官員軍民不得與王公大

臣同名○罷盛京吉林黑龍江兵演習雲梯先是各省省城駐防滿兵無事令以雲梯添入技藝演習兵部咨行誤及盛京等三省黑龍江將軍永琨以黑龍江地方不便為言

上以三省遵滿洲舊習武藝素強地方形勢又與各省城不同故併罷之○免閩浙總督魁倫賠繳稅銀三萬兩先是魁倫短稅銀十三萬六千兩有奇以數多免半至是復免嘉其

緝捕洋盜有功也○以故三等伯伍彌泰子
景文一等男明保子貴寧三等男六十三子
寧安各襲爵○調廣州副都統張翰傑為正
紅旗漢軍副都統正紅旗漢軍副都統范建
中為廣州副都統新授四川重慶鎮總兵
官馬龍奉命勦賊恒怯自殺以陝西靜寧協
副將百祥為重慶鎮總兵官○以平苗功賞
總兵官朱射斗副將德寧遊擊李錫命巴圖
魯名號協領巴克坦布叅將明善遊擊王霖

都司毛秉剛葛士鳳土都司克泰守備阿泰
苗守備歐老官隴老又花翎千總夏雲龍等
藍翎餘升敘有差○勒保等奏報勦除青溪
教匪賞知府劉雁題戴世佐知州慶傑都司
黃定選花翎守備王應鳳等藍翎餘升擢有
差 己丑

上詣

大高殿

壽皇殿行禮○諭軍機大臣等據費淳奏查勘

豐北下游水勢情形一摺內稱下游被淹處
所積水漸消不致有誤春耕等語覽奏稍慰
下游被淹皆由豐汎隄工漫溢所致一經堵
合來源既截積水自易疏消著費淳設法疏
濬無誤春耕再審灣黃林莊等處坡岸未經
涸出新漕北上經由該處尤關緊要並著蘭
第錫富綱會同費淳即飭河廳州縣等於沿
河一帶多備小船帶緯挽拽其緯道殘缺之
處即行修補俾漕船無誤進行為要○予諭

賊被戕貴州知縣王懋德祭葬世職如傷亡
例○予福建出洋淹斃外委洪廷魁等祭葬
兵丁黃天祐等四十二名賞卹如例○庚寅
以翰林院檢討恩普充日講起居注官○以
督兵籌餉無誤賞陝西道員王文湧知府周
世紹花翎 辛卯諭軍機大臣等前魁倫等
獲盜犯內有安南總兵及該國兵丁該犯等
既在洋面行劫即與內地盜犯無異是以按
律正法此次吉慶等獲盜船票照內有寶玉

侯字樣自係前在浙洋陳阿寶匪夥嗣後洋面盜匪無論內地外夷一經緝獲即按律嚴辦將此傳諭知之○湖廣總督畢沅奏請修復樊城舊城允之以浙江黃巖鎮總兵官孫全謀為廣東提督福建臺灣副將陳上高為黃巖鎮總兵官降不諳水師之廣東提督路超吉署潮州鎮總兵官○景安奏報擊退魏家集賊匪賞佐領清書都司曹星花翎千總連得元等藍翎餘下部議敘 壬辰以科

爾沁郡王索特納木多布齋為和碩額駙賞三眼花翎在乾清門行走○甲午諭內閣勒保奏緬甸國王遣使啟關朝貢勒保以上年該使臣進京叩祝甫經回國檄令雲南司道將原齋表文貢物仍令來使帶回一摺所辦實屬大錯緬甸國王久列藩封輸忱向化從前所定十年進貢之期原示體卹遠人之意茲該國王以本年恭逢國慶特遣使臣齋表備物申虔稱賀勒保自應據實具奏請旨遵

行迺率意徑行遽令該使臣將原齋表文貢物仍行帶回該國地居炎徼遣使遠來迺於半途率令回國致令徒勞跋涉阻其向化之誠殊失柔遠綏懷之意勒保著交部嚴加議處諭軍機大臣等緬甸國王遣使啟關欲求朝貢勒保率行截回未免阻其向化之誠現令軍機大臣代擬檄諭明白開導特頒賞蟒錦四端交該撫照繕檄知以釋其向化未伸之念江蘭接奉此旨即行遵照檄諭 乙

未英善等奏報攻克馬鞍山賊卡得旨獎賚將弁下部議敘○緩徵陝西咸寧長安耀咸陽興平臨潼高陵藍田涇陽三原渭南富平醴泉同官鳳翔岐山扶風郿大荔潼關華陰韓城蒲城白水邠長武乾永壽武功郿洛川中部膚施定邊靖邊甘泉安塞懷遠米脂四十廳州縣未完籽種口糧 丙申

孝莊文皇后忌辰遣官祭

昭西陵 丁酉明亮等奏報生擒首逆吳廷義

等苗疆悉平奏入諭軍機大臣等明亮等奏
生擒首逆吳廷義及石柳鄧之子石老二石
老九並逆犯家屬全數就獲所辦可嘉之至
除額勒登保前已賞雙眼花翎外明亮德楞
泰俱著賞戴雙眼花翎官兵普賞一月錢糧
至降苗吳廷梁自知悔罪將吳廷義及石柳
鄧家屬縛獻不但免其治罪並著賞給六品
頂帶花翎仍傳旨賞緞二匹其首先詣營乞
降隨同拏獲吳廷義之吳老季等俱各賞緞

一匹庶各苗寨知抗拒者法所必加而投順
出力者皆蒙恩賚自必望風投款隆團永綏
一路未降苗寨更可不煩兵力藏功尤為妥
速吳廷義等犯均著解京將此傳諭知之○
福寧奏報攻克西流溪賊卡得旨獎賚賞兵
丁一月錢糧○賞貴州守備鄭朝柱花翎超
擢遊擊以勦苗奮勇且弟兄俱係陣亡家屬
又被賊戕害故也○以遣土兵助平逆苗加
瓦寺土司索諾木雍忠宣撫司銜賞黨壩土

司更噶思丹增甲木楚花翎土兵一月鹽糧

上以歲暮給祭

太廟自是日始齋戒三日○己亥以歲暮給祭

遣官祭

太廟中殿

後殿○諭軍機大臣等惠齡奏接辦軍務情形
未見振作此時賊匪仍聚黃龍壩一帶惠齡
務當扼要不可入事尾追任賊奔竄又閱永

保等供單稱賊匪初一日奔竄魏家集恒瑞
舒亮等繼至賊匪退至泰山廟等語前據景
安奏賊匪於恒瑞等未到之先即已向東南
退去何得捏飾支吾耶永保業已解京俟解
到詢問著惠齡先向恒瑞舒亮慶成詰所供
因何與景安前奏不符之處詳詢具奏惠齡
甫到將弁俱係永保之人即向訪詢亦不肯
和盤托出景安在彼見聞自確此事竟交景
安逐一查明覆奏○庚子給祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 遣官祭

孝賢皇后

孝儀皇后陵寢 遣官祭

端慧皇太子園寢○遣官祭

太歲之神 諭軍機大臣等前此畢沅奏請

徹兵意存遷就此時亦自知前奏失當善後

事宜自己悉心籌辦額勒登保德楞泰於帶

兵打仗是其所長於善後事宜未能諳悉畢

沅等議應如何酌留兵丁駐守之處妥為分駐至三廳地方惟鎮算設有總兵駐劄鳳凰廳永綏乾州祇有副將一員駐劄永綏恐不足資鎮撫畢沅等察看情形如須添設總兵即於帶兵出力及苗衆畏服者酌留一員駐劄控制又三廳地方皆辰州所屬而該省提督遠駐常德未免鞭長莫及著畢沅一併籌酌如應移駐即奏明辦理總期聲威聯絡控制得宜方為久遠之計將此傳諭知之○辛

丑

上侍

太上皇帝御保和殿賜朝正外藩等宴○是月

署廣州將軍伯明亮等奏軍營投効出力人

員一百二十四名請加鼓勵以十六員留湖

南十員留貴州二十一員留四川補用其餘

降革候補捐職等員分別發原省開復降補

及歸部銓選分發下部議行○是年旌表孝

子直隸等省王昷等五名孝女趙氏一口守

節合例覺羅鄂起妻李佳氏等八口滿洲伊
必善妻黃氏等三百二十一口蒙古伊達妻
舒穆魯氏等四十三口漢軍朱家昭妻秦氏
等四十九口直隸等省何灝妻靳氏等五百
五十一口夫亡殉節江蘇房宗琛妻陳氏等
十八口未婚守志滿洲張佳氏等十七口百
歲壽民婦四川等省楊宗美等十八名口五
世同堂福建等省林之峰等五十九家各給
銀建坊如例一產三男山東等省周邦太
等三家會計天下民數穀數除湖南湖北
兩省及福建之福州等府未經查報外直隸
各省通共大小男婦二萬七千五百六十六
萬二千四十四名口通共存倉米穀三千七
百二十萬六千五百三十九石一升二合七
勺

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之十二

德米脂七州縣元年被水災民有差○貸安
徽鳳陽宿靈璧泗盱眙五河壽鳳臺懷遠定
遠毫太和大長十三州縣衛被水災民口糧
有差○甲辰

上侍

太上皇帝御重華宮茶宴廷臣及內廷翰林以
平定苗疆聯句○以孟春時享

太廟自是日始齋戒三日○乙巳諭內閣宜綿
等奏洞汝二河賊匪恃衆抗拒經宜綿等分

路攻勦冒雪前進殺賊多名將首夥各犯悉
數殲擒並無漏網辦理實屬可嘉宜綿秦承
恩柯藩索費英阿除另加獎賞外俱著交部
議敘索費英阿於賊寨迤南進兵連奪五卡
官兵得以乘勢下壓尤為出力著賞給提督
銜以示獎勵再向來鄉勇人等多無職銜其
因打仗陣亡者尚不得與兵丁等一體邀卹
殊不足以勵其忠義之心即如此次官兵進
勦洞汝二河賊匪時鄉勇吳繡才鍾萬周與

弁兵等首先奪卡中矛被礮身死此等能知
大義殺賊捐軀之人實堪憐憫自應格外施
恩嗣後除尋常堵禦助勢被害之鄉勇仍照
舊例辦理外其奮勇出衆臨陣被戕如吳繡
才鍾萬周者均著照外委例議卹以示優獎
而昭激勸○又諭據富綱等奏請將銅山睢
寧二縣蠲贍熟田漕糧暫緩起運一摺銅山
睢寧二縣應運漕糧向由黃河運至水次兌
交北上現在豐汎漫口雖即日自可堵合但

下游一時未能疏通閒有淤淺若由陸路輓
運需費浩繁殊多未便所有銅山睢寧二縣
上年徵存米石著照所請准其搭運以示體
卹○諭軍機大臣等明亮等拏獲首逆石三
保家屬並查拏賊目龍得保等分別辦理所
奏甚是現在祇有吳廷英吳廷玉及吳八月
家屬尚無下落想亦易於查拏計此旨到時
疏通大路各事宜辦理已竣畢沅亦可到彼
姜晟現抵乾州明亮即可將後路各事交與

畢沅鄂輝姜晟查照和琳奏定章程以次妥辦明亮仍酌帶應徵川兵迅往太平東鄉一帶額勒登保德楞泰探聽湖北黃柏山及鍾祥何處亟須添兵即迅往該處或分赴長陽鍾祥上緊勦辦將此各傳諭知之○軍機大臣刑部議准臺灣提督哈當阿等奏千總鄧龍光於大雞籠汎被洋匪搶去礮位依失陷城寨律擬以斬候得旨洋匪百餘人攜帶鎗械猝然登岸鄧龍光祇有跟兵七名勢難抵禦覈其情罪與臨陣退縮者有間著改為應斬監候永遠牢固監禁遇赦不赦此係格外施恩不得援以為例○以洞汝二河勦賊功賞道員文需知府龔景瀚知州趙洵莊圻泰將富仁遊擊圖興阿李昌花翎知縣龍萬育等藍翎都司薛大烈等升擢有差○以擒獲石三保家屬功降苗吳廷梁等升賞有差○丙午命署江西巡撫兩江總督蘇凌阿回任以戶部侍郎台布署江西巡撫○丁未享

太廟

上親詣行禮○遣官祭

太歲之神○惠齡等奏報夾勦梓山賊匪得旨嘉獎千總劉鎧等升擢有差○戊申

世祖章皇帝忌辰遣官祭

孝陵○是日立春順天府進土牛春山寶座○

上以上辛祈穀於

上帝自是日始齋戒三日○己酉調盛京刑部

侍郎傅森為兵部侍郎○以辦理襄陽軍務

出力賞知府張瑤張璿花翎同知蕭與潔等

藍翎○庚戌

上詣

南郊齋宮齋宿○諭軍機大臣等吉慶等審辦

海洋盜犯一摺內稱察訪江坪地面係閩粵

民夷雜處勾結為匪如有應行知會安南之

處臨時再繕發照會等語細思事有所難如

該國王果不知情自可照會搜捕今據拏獲

夷匪羅亞三等供稱安南烏鰲有總兵十二

人船一百餘號。並據起獲印記。是此項烏鰲夷匪。皆得受該國王封號。其出洋行劫。似該國王非不知情。若令會合。拏賊彼豈肯聽從。且內地民人。出洋為匪。尚不能官為禁止。何況外夷。儻安南藉詞抵飾。何從與之分辦。又豈值因此生釁。興師征討該國耶。吉慶等惟當於閩粵浙江三省洋面。飭屬會擒。遇有外洋駛入夷匪。無論安南何官。即行嚴辦。再此後拏獲安南盜匪。審明後。當即正法。毋庸解京。以省驛站解送之煩。將此傳諭知之。○惠齡等奏報進勦鍾祥竄匪。得旨獎賚。賞三等侍衛江鼎藍翎侍衛塔什蘭副將觀祥委章京烏勒興阿防禦扎勒杭阿都司岳寧阿巴圖魯名號。知州阿林都司郭成緒花翎千總劉鏜等藍翎侍衛丑保等。升用有差。賞兵丁一月錢糧。○辛亥。祈穀於上帝。

上親詣行禮。○侍

太上皇帝御紫光閣。賜蒙古王貝勒貝子公額駙台吉。及回部郡王。外藩使臣等宴。賞賚有差。○壬子。

上侍

太上皇帝幸圓明園。○癸丑。罷水師冬閱。鳧水諭內閣。據吉慶等奏。校閱各標營官兵一摺。內稱現值冬深。閱兵之期。查閱內河水師弁兵。駕駛便利。在船施放鎗礮。尚屬熟練。鳧水爬桅。亦屬嫺習等語。此語不通。粵東氣候。雖屬和暖。但水性寒冷。且正屆隆冬之時。令人赤身入水。究未免不近人情。官兵等若遇追捕洋盜。即赴水擒捉。亦分所當然。至於尋常操演。自應按時練習。即如該督所奏。駕駛兵船。施放鎗礮。及爬桅等技。藉以操練武備。則可。至於鳧水一節。行之冬令。殊無此理。該督等若故令兵丁等冒寒入水。固覺太不體恤。儻並無其事。僅以一奏塞責。尤屬具文。非是嗣後沿海地方。如尋常操演爬桅等技。藝仍

照常演習外至冬令鳧水斷不可行以示朕體恤水師準情酌理之意將此通諭有水師省分各督撫知之○諭軍機大臣等福寧奏開道進攻黃柏山奪獲賊卡固屬一法但該處山勢險峻兵丁等攀藤附葛魚貫而上究未免冒險嗣後仍當畧加慎重現在賊勢已困即稍遲數日朕亦不忍催促福寧等惟當設法圍堵截賊下山竄逸之路將此諭令知之○福寧等奏報攻奪黃柏山賊卡得旨獎賚官弁升擢有差賞兵丁一月錢糧○甲寅調正紅旗蒙古副都統晉昌為鑲藍旗滿洲副都統○乙卯

上侍

太上皇帝御奉三無私殿賜皇子親藩等宴○御山高水長賜王公大臣蒙古王貝勒貝子公額駙台吉及外藩使臣等食至丁巳皆如之○陝西按察使姚學瑛革職逮問以甘肅鞏秦階道先福為陝西按察使○丙辰

上侍

太上皇帝御正大光明殿賜朝正外藩等宴○丁巳

上侍

太上皇帝御正大光明殿賜大學士尚書等宴○諭軍機大臣等李奉翰等奏豐汛壩工於本月初九日東西兩壩同時並墊口門共寬十四丈餘尺又稱該處土性沙鬆易於墊起但向來豫省土性鬆浮遇有漫口時亦即堵合南河多係膠泥非豫省可比何致屢鑲屢墊看來該河督等所稱未免藉口之詞必有辦理未妥處所壩工進占向係層土層柴此時或將用土處酌減多用柴石並於壩後再行加鑲追壓以期十分堅實是否應如此辦理著酌量籌辦使壩工一律穩固亦不必拘泥遷就其引河下游有無高仰及歸入正河處所有無淤墊阻滯並著李奉翰等親加履勘毋僅委之工員稍存迴護將就之見現在

凌汛雖過。即日便屆桃汛。重運俱已北上。在途毋再遲延。自干重咎。將此諭令知之。○戊午諭軍機大臣等。惠齡等奏官兵勦截後餘匪。復向秦家樓屯聚。襄陽一帶無險可扼。官兵尚覺不敷。請將湖北調去官兵撤回。所見亦是。昨因東鄉賊匪令明亮額勒登保德楞泰速赴協勦。今據奏到情形。轉為緊要。此時明亮等竟當同赴襄陽。所有湖南應撤兵丁除川兵速回本省外。其所調湖北之兵著即

帶至襄陽。並於所調各省兵內酌帶若干。先將該處勦淨。再察看情形。移兵他處。儻明亮等起程後。惠齡等已勦辦完竣。即咨會明亮等停止前來。酌量何處緊要。知照伊等分赴至所稱楚豫兩省教匪甚多。此等匪徒甘心從賊者固多。被賊逼脅者亦復不少。惠齡等仍當豫為出示開導。俾賊黨解散。於勦捕更為得力。將此各傳諭知之。○己未諭軍機大臣等。觀成等奏賊匪復犯東鄉。官兵眾寡不

敵。致被搶占。並戕害文武各員。竟不成事。此時兵力既不敷調撥。惟當加意固守。轉不得冒昧前進。致有損失。即宜綿所帶兵力。亦屬無多。仍須慎重。前所調陝甘兵丁應即催令速赴。昨已令明亮額勒登保德楞泰前赴襄陽。今東鄉尤為緊要。著明亮德楞泰一人將四川應撤兵先帶數百名。馳赴東鄉。餘另派將領分起續往。至惠齡一路。即著額勒登保帶撤回湖北兵丁。速赴襄陽。庶兩處皆有多

兵。可期迅速集事。○庚申諭軍機大臣等。昨據惠齡奏。安襄一帶賊人生長熟習。因思軍營雇募鄉勇甚多。且百姓中必有素屬良善。切齒賊匪者。何不令作為鄉導。訪明偏僻小路。或聲東擊西。或出其不意。邀截迎擊。即於賊人竄逸小路。豫為埋伏。計誘用兵之道。在於出奇制勝。並有以少擊多。以寡勝眾者。豈賊匪萬餘。必須官兵數倍攻圍。方能勦淨乎。將此傳諭知之。○調盛京禮部侍郎德瑛為

盛京刑部侍郎以都察院左副都御史寶源為盛京禮部侍郎○調鑲白旗漢軍副都統黃文燦為廣州副都統廣州副都統范建中為鑲白旗漢軍副都統○辛酉

上還宮○壬戌

上詣

大高殿行禮○幸圓明園○諭內閣本日召見福建建寧鎮總兵德克登布人甚平常奏對亦不明晰且該員從未出兵難勝總兵之任

德克登布著以頭等侍衛用所有福建建寧鎮總兵員缺著魁倫於海壇鎮特克什布金門鎮富森布二員內奏明揀調一員其所遺水師一缺著許廷進補授○明亮等奏報擒獲首逆吳廷玉吳廷英等押赴平隴正法得旨嘉獎○改建貴州銅仁府屬喫腦地方石城從巡撫馮光熊請也○癸亥以故喀爾喀扎薩克貝子巴爾準多爾濟子喇什納木扎勒襲爵○轉兵部右侍郎富俊為左侍郎○

甘肅布政使張朝縉緣事革職以四川按察使楊揆為甘肅布政使○甲子

孝聖憲皇后忌辰遣官祭

泰東陵○

上侍

太上皇帝詣

恩慕寺

恩佑寺行禮○以貴州貴西道張繼辛為四川

按察使○調江寧副都統策巴克為京口副

都統更名阿玉什以太原城守尉賡音蘇為

江寧副都統○乙丑宜綿奏報攻克太平通

天觀斬賊首黃自榮等得旨獎賚賞道員李

鉉知府托銘叅將李文蔚遊擊永明韓以明

謝開先花翎都司張應魁等藍翎餘下部議

敘賞兵丁一月錢糧○惠齡等奏報進剿禹

山等處賊匪得旨嘉獎賞三等侍衛色克通

阿台斐英阿保邦巴圖魯名號協領吉善遊

擊六十五泰安那爾泰都司劉管城李英多

張攀桂花翎防禦西林泰等藍翎侍衛額爾金泰等升擢有差○丁卯諭軍機大臣等據馮光熊奏南龍府狃苗滋擾馳往查辦該處狃苗糾衆焚搶自係與湖南苗匪氣類相通勾結竊發此時馮光熊雖已前往但貴州苗疆關繫緊要一切調度機宜恐馮光熊一人照料難周現在黃柏山賊匪已經官兵連奪賊卡即日殲除無須勒保在彼幫辦著即輕騎減從馳赴南龍不必再帶攻勦黃柏山之兵至黔省現調官兵尚恐不敷並著珠隆阿張玉龍即將應撤回貴州之兵速行帶領前赴南龍或再將他省應撤之兵酌帶一二千名總當星速勦捕以期戡事○戊辰

上奉

太上皇帝命勅諭暹羅國王鄭華九服承風建極著會歸之義三加錫命樂天廣怙冒之仁舊典為昭新綸用沛爾暹羅國王鄭華屢供王會久列藩封茲於嘉慶二年復遣使臣奉

表入貢鑒其忱悃允荷褒揚至以天朝疊慶重釐倍呈方物具見國王輸誠効順弗懈益虔實屬可嘉國家厚往薄來字小柔遠自有定制更念爾國僻處海陬梯航遠涉業經備物呈進若從擯卻勞費轉多是以特飭所司將此次所進貢物俱行收受加賜國王文綺等件嗣後祇須照常呈進一分毋庸增添如國王仍前備進兩分即飭廣東督撫發還一分以昭定制而示體恤王其祇承眷顧益懋忠純永膺蕃庶之恩長隸職方之掌欽哉特諭○諭軍機大臣等吉慶等奏擊沈陳阿寶夥匪船隻拏獲盜犯馮亞四等據供前因患病未與出洋但前此搶奪陳阿寶屍身盜船曾否得有下落又前解到夷匪阮亞星等所供光中景盛字樣現訊之該犯據供光中係景盛父親光中病故即係景盛接手光中是否黎姓支裔抑即係阮岳占據年號其接手之景盛是否係阮岳之子此等外夷名號原

無足重輕。著吉慶於無意中留心查訪。遇便具奏。○朝鮮國王李祹遣使表賀。

萬萬壽。

萬壽冬至元旦四大節。增貢方物。賞賚筵宴如例。○己巳。

上侍

太上皇帝還宮。○庚午。

孝儀皇后忌辰。遣官祭

陵寢。○成都將軍觀成等奏。逆首徐添德自焚。

奏錄卷十一

十一

掠東鄉後。近又密行勾結巴州所屬之方山坪王家寨等處賊匪。將達州至太平大路阻塞。奏入。諭軍機大臣等。現在索費英阿帶兵由太平前至達州。城池糧道均可無虞。前據宜綿等已將太平等處賊匪勦淨。前赴東鄉。正可沿途勦殺。肅清大路。而興漢鎮艾如文又已到營。朱射斗所帶川兵計日亦到。軍威壯盛。想宜綿觀成等現已會商夾攻。收復東鄉縣治。徐添德既為首惡。著宜綿等留心擒

奏錄卷十一

十一

獲。儻能生擒解京。盡法處死。尤足快人心而抒眾憤。○辛未。諭內閣。據正藍旗蒙古都統奏。將應襲佐領及歲人員帶領引見。凡進呈承襲佐領家譜時。於原立佐領下貼黃簽。於分管佐領下貼別色簽。方能瞭然。該旗並未分別貼簽。祇寫分襲幾次。殊不明晰。別旗亦無此等款式。除將該都統等申飭外。朕覽此佐領原委。伊本族祇有三佐領。後又增分管三佐領。今伊本族人數無多。且俱年幼。色布騰一家即占三佐領。亦覺太過。除將色布騰巴彥庫勒哲依所襲原立佐領仍留外。岳木克所出原立佐領員缺。改令現襲分管佐領之富明阿承襲。於分管三佐領內留一佐領。著額爾德尼承襲其餘二佐領。即改為公中佐領。該旗揀選應補人員帶領引見。○諭軍機大臣等。本日兵部帶領引見內有浙江原任千總金有良一員。係長麟在總督任內於八法內循例以該員人材軟弱。劾參。經部照

例議以革職。今看其人年力尚未衰邁。不至軟弱。遽予罷斥。似覺可惜。且長麟在總督任內。即屬闕茸。無能其所。叅劾未必公當。已降旨將該員仍發浙江。以千總用矣。但恐該員從前在任時。或實有別項劣跡。亦未可定。著傳諭玉德。於該員回浙後。留心察看。如果實有劣跡。即應據實指叅。不可稍事姑容。若尚堪錄用。即可照例補缺也。○以福建澎湖協副將李南馨為金門鎮總兵官。

實錄卷十三

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十四

纂修官 上諭事 臣等謹將 嘉慶二年二月壬申朔予四川陣亡叅將楊治寧祭葬世職如例 癸酉 上御乾清門聽政 以舉行仲春經筵 遣官告祭 奉先殿 傳心殿 御文華殿經筵 直講官德明劉墉進講 中庸人道敏政地道敏樹講畢 上宣御論曰 中庸為論道之書 而子思載孔子對哀公問政一節者 所以明道不貴乎空言

嘉慶二年丁巳二月壬申朔予四川陣亡叅

將楊治寧祭葬世職如例 癸酉

上御乾清門聽政 以舉行仲春經筵 遣官告

祭

奉先殿

傳心殿

御文華殿經筵 直講官德明劉墉進講 中庸人

道敏政地道敏樹講畢

上宣御論曰 中庸為論道之書 而子思載孔子

對哀公問政一節者 所以明道不貴乎空言

而在乎實政。政不能以自立。而在乎得人。故首舉人存政舉之說。而申之以人道敏政。地道敏樹之二言。所謂敏者。勤之效也。雖有良法美意。具於方冊。而不得奉行之人。則治功不奏。雖得奉行之人。而不勵勤敏之志。則庶事無成。猶播植在地。而栽培溉灌。皆懈弛焉。何以收農圃之功哉。是知人君欲戒叢脞之萌。而劭承平之績。必以得人勤政為本。直講官慶桂、金士松進講書經是彛。是訓于帝。其訓講畢。

上宣御論曰。箕子論道。先言洪範。蓋人君一身為臣民表率。使天下可法。可則所謂建其有極。用敷錫厥庶民。其理則為斯人彛倫所日用。非謂高遠幽深。其訓則為後世彛倫所效法。非可變更移易。理本於天。人君代天贊化。敷言純乎天理。非人君所自為訓。即上帝之訓也。天何言哉。人君代之言耳。立極治民。一言一行。呼吸之間。無不與天合德。雨露雷霆。

政刑德禮。凡所以鼓舞萬民。教治百官。莫不與化工相協。此皇極居中數中位。以為敎彛倫之大本歟。禮成。

上幸文淵閣。賜講官及聽講諸臣茶。復賜宴於本仁殿。遣官祭。

闕帝廟。○以詹事府詹事曹域為內閣學士。兼禮部侍郎銜。翰林院侍讀學士舒聘為詹事府詹事。大理寺少卿富崑為光祿寺卿。安徽布政使西成為奉天府府尹。○以江南豐。

工合龍。加河東河道總督李奉翰太子太保。賞山東布政使康基田花翎。遊擊銜楊克榮。藍翎。餘升擢有差。○予貴州征苗陣亡遊擊廖寅傷亡遊擊陳紹先祭葬。世職如例。○甲戌。調雲南布政使熊枚為安徽布政使。以雲南按察使陳孝昇為布政使。陝西督糧道孫藩為雲南按察使。○戶部議准陝甘總督宜綿疏。報奇台縣並烏嚕木齊塔西河所開墾地九頃三十畝。照例升科。從之。○乙亥。

上以祭

社稷壇自是日始齋戒三日。○丙子。命兵部右

侍郎李潢提督江西學政。○以固倫額駙內

務府大臣豐紳殷德兼鑾儀衛鑾儀使。○丁

丑。祭

先師孔子。遣成親王永理行禮。○旌表守正

捐軀安徽六安州民聞在祥妻王氏。○戊寅

祭

大社

大稷

上親詣行禮。○幸圓明園。○是日。未刻

皇后崩。

上還宮。至吉安所臨奠。○諭內閣本日

皇后薨逝。一切典禮。仰蒙

皇父太上皇帝特降

勅旨。加恩照皇后例舉行。第思朕日侍

聖慈。一切稟承

睿訓。所有輟朝期內。各衙門章疏及引見等事。

仍著照常呈遞。王公大臣官員等雖有素服之例。但

皇后冊立甫及一年。母儀未久。且昕夕承

歡。諸取吉祥。此七日內。圓明園值日奏事之王

大臣等。及引見人員。俱著常服。惟不掛珠。此

禮以義起。天下臣民等。自當共喻朕崇奉

皇父孝思。敬謹遵行。副朕專隆尊養至意。○諭

軍機大臣等。南籠苗匪滋事。前已諭令勒保

珠隆阿。張玉龍。先後帶兵。速往督勦。成林。江

蘭。遠在鄰省。而於軍旅之事。皆所未嫻。若辦

理過涉。張皇。恐本省民苗見而驚疑。著傳諭

成林。江蘭。祇須留心妥辦。於緊要隘口。嚴密

防範。毋任竄逸。勾連。至此時。勒保。珠隆阿。自

已前抵該處。務即督率官兵。將苗匪奮勇殲

擒。早為撲滅。毋稍遲延。將此並諭令知之。○

惠齡等奏。賊匪被官兵分路圍擊。復分三股

逃竄。其東南西北兩股之賊。因官兵追殺緊

急。合為一夥。悉力抗拒。經臣惠齡等督率將

弁鼓勇奮勦。拏獲首逆劉起榮。解京奏入。諭軍機大臣等。此次惠齡等所辦甚好。惠齡恒瑞慶成舒亮色克坦布阿爾薩朗碩雲保訥音富成德齡德光馬瑞明泰著賞給金合銀絲合大小荷包。以示獎勵。至慶成年少高興。前經有旨令惠齡查奏遣令回京。今劉起榮係慶成射中腰間。始行落馬。看來慶成自知改悔。竟能奮勇出力。著仍留軍營帶兵。現在賊匪經官兵分路圍勦。並臨陣生擒首逆賊人自聞風膽落。惠齡等惟當乘賊情窘蹙之際。鼓勵兵弁。上緊兜圍。將首逆姚之富張富國悉行擒獲。自可剋日蕝功。將此傳諭知之。○觀成等奏東鄉賊匪因周家河道路經官兵疏通。遂直撲磐市府隘卡。復經兵勇擊退。輒敢窺伺大營。現在趕緊布置。一俟得有宜綿自太平起程信息。即當訂期兩路夾攻。奏入。諭軍機大臣等。觀成帶兵迎勦。防範尚為周密。而殲賊甚少。且該處兵力尚單。宜綿可

以不必繞至周家河。即直赴東鄉與觀成等會合勦辦。所有盤獲奸細之縣丞呂朝恩著即以知縣用。衝入賊隊之土把總王保即賞千總銜。出力鄉勇人夫。優加獎賞。以示鼓勵。將此各傳諭知之。○己卯

上至吉安所

大行皇后梓宮前奠酒。○旌表守正被戕河南臨漳縣民喬鐵旦妻張氏。○加賑甘肅狄道河環三州縣及莊浪縣丞所屬。元年被旱被

電災民。○庚辰遣官祭黑龍潭

昭靈沛澤龍王之神。玉泉山

惠濟慈佑龍王之神。○辛巳

上至吉安所

大行皇后梓宮前奠酒。○景安奏報擒勦浙川內鄉未及起事教匪得旨嘉獎。賞雙眼花翎。晉封伯爵。賞知府彭如幹同知噶爾炳阿遊擊撥明花翎。知縣鮑居垣等藍翎。兵勇一月錢糧。○秦承恩等奏報勦辦光頭山賊匪得

旨獎賚出力員弁下部議敘賞兵丁一月錢糧○壬午

孝康章皇后忌辰遣官祭

孝陵○殷奠

大行皇后

上至吉安所奠酒○加賑山東濟寧單魚臺臨清四州縣衛元年被水災民○癸未以奉移

大行皇后梓宮於靜安莊命

皇次子○行啟奠禮○遣官祭昭忠祠○陝

西按察使姚學瑛以贓伏法○甲申

上以

大行皇后梓宮奉移靜安莊至吉安所目送○

遣官祭

先醫之神○旌表守正被戕山西懷仁縣民

楊開泰妻張氏守正捐軀山西榆次縣民趙

茗保妻李氏○乙酉

上詣

大高殿行禮○秦承恩奏興安府屬匪徒雖勦

洗完竣而汛地空虛請徹興漢鎮兵回汛又

咨商宜綿飛調延綏兵五百名駐守漢中又

密商蔣兆奎豫備兵一千名駐劄蒲州設有

急需即可調撥奏入諭軍機大臣等秦承恩

此奏係因漢中地方遼闊豫為籌備起見但

黃柏山一路賊匪恃險死守現在勒保又往

貴州湖南征苗是興漢之兵一時未能徹動

柯藩昨勘淨光頭山賊匪自己帶兵赴宜綿

一路該處帶兵大員現有觀成英善奎舒勒

禮善索費英阿朱射斗百祥明興足資分投

領兵柯藩竟當率領原帶之兵迅回漢中幫

同秦承恩料理一切其續調延綏兵五百名

著宜綿酌量撥給至惠齡一路亦有檄調陝

西之兵一經竣事酌令先回以備秦承恩調

撥防守蔣兆奎接到秦承恩密札後祇須密

為豫備該省兵額無多前已調往豫楚協勦

本省營汛亦不宜空虛該撫務當鎮靜辦理


將此各傳諭知之○賞乾清門侍衛阿爾塔

錫第副都統銜為喀喇沙爾辦事大臣。○調鑲藍旗滿洲副都統晉昌為鑲白旗滿洲副都統。鑲白旗滿洲副都統愛星阿為鑲藍旗滿洲副都統。○賞勦捕四川黃柏山賊匪出力兵丁一月錢糧。○戶部議准陝甘總督宜綿疏報烏魯木齊頭屯所開墾地八頃有奇。照例升科從之。○丙戌諭軍機大臣等。此次賊匪向官潭小阜街等處逃竄。經惠齡等帶領將弁官兵殲斃五百餘人。生擒六十餘人。尚不為多。且摺內祇稱東北一路賊匪。經阿爾薩朗明泰勦殺紛紛潰逃。究竟逃往何處。又西北一路賊匪。經惠齡由小阜街掩襲。亦祇稱餘賊奔竄下山。仍向西北奔逸。又究竟逃往何處。東北一帶與桐柏相近。固當防其竄入。而西北即係呂堰樊城。及豫省鄧州浙川等處。尤不可不嚴密堵截。景安務與王文雄督率弁兵鄉勇。加意巡防。汪新現駐襄陽。亦應一體迎堵截殺。至額勒登保等奏將荆

州滿兵及綠營兵共三千七百餘名。交興肇及副將劉廷基帶領前赴襄陽。著傳諭興肇加緊趲行。到襄助勦。惠齡一路官兵。勦捕已久。未免稍形疲乏。今得此勝兵。振作士氣。更為得力。至各營馬隊。既閒有疲乏。自應酌換。業經景安協濟馬三百匹外。著汪新再於本地上緊購辦。但賊匪俱係步行。我兵騎用馬匹。祇須足數追捕之用。亦不必過多。致滋糜費。○移湖廣提督駐辰州。添設永綏鎮總兵官一員。駐花園汛。從總督畢沅請也。○額勒登保奏辦理永綏軍務出力人員。賞道員陳蘭森同知王廷瑛花翎。士民潘宗甫等品秩有差。旌表守正捐軀浙江鎮海縣民屠可標妻潘氏。蠲緩江蘇上元江寧句容溧水江浦山陽阜寧清河桃源安東鹽城高郵寶應銅山豐沛蕭錫山邳宿遷睢寧海沐陽二十三州縣淮安大河徐州三衛元年水災額賦有差。丁亥

上幸圓明園。○以故喀爾喀賽因諾顏輔國公沙克都爾扎布子多布沁。阿拉善額魯特鎮國公烏爾圖納遜子莽噶拉。各襲爵。○予陝西陣亡鄉勇吳繡才。鍾萬周。祭葬世職。如外委例。○戊子。

上問

太上皇帝安。○馮光熊奏。擒獲狎苗夥黨集兵撲勦情形。奏入。諭軍機大臣等。該處狎苗糾衆滋事。而同類苗人。即有能幫助官兵。率衆坐卡。並拏獲賊苗多名。可見狎苗中安分守法。能知效順者。實不乏人。其滋事賊苗。不過一二桀驁不馴之徒。藉端煽惑。希圖乘閒搶掠。看來尚易辦理。此等良善狎苗。務須加之獎勵。較之出力鄉勇等。更當從優。俾益加踴躍。幫助官兵。不為賊匪所用。賊勢日孤。官兵可收以苗攻苗之益。將此傳諭知之。○己丑。大行皇后殯宮行初祭禮。命皇次子  行禮。撥部庫銀三百萬兩。解往

湖北以備軍需。庚寅。舉行嘉慶元年大計。直隸卓異官十五員。不謹官一員。浮躁官二員。罷軟官一員。年老官五員。有疾官二員。奉天卓異官二員。罷軟官一員。年老官一員。吉林卓異官一員。福建卓異官五員。浮躁官一員。罷軟官三員。年老官五員。有疾官四員。才力不及官五員。山東卓異官十二員。罷軟官三員。有疾官一員。才力不及官十員。山西卓異官十二員。罷軟官一員。年老官八員。有疾官五員。才力不及官一員。南河河員卓異官二員。罷軟官一員。才力不及官一員。東河河員卓異官二員。有疾官一員。才力不及官一員。浙江鹽務卓異官一員。才力不及官一員。分別議敘處分如例。○辛卯。八旗護軍統領等奏。王公護衛缺不得由曾經出師及有技藝護軍校內挑選。親軍缺不得由護軍內挑補。得旨允行。○旌表守正捐軀安徽阜陽縣民華狗妻胡氏。○給陝西被賊滋擾之興安

府屬難民三月口糧并房屋修費貸予籽種牛具○壬辰

上奉

太上皇帝命詣

黑龍潭神祠祈雨○癸巳春分朝

日於東郊遣肅親王永錫行禮○

上奉

太上皇帝命詣

黑龍潭神祠謝雨○改四川綏寧營參將為

綏寧協副將添設遊擊都司各一員守備二

員千總把總各四員外委五員額外外委四

員兵八百六十九名移酉陽州守備駐大溪

從明亮德楞泰請也○甲午旌表守正捐軀

直隸東鹿縣監生張霞女張氏○乙未

上還宮○諭軍機大臣等貴州南籠府與廣西

西隆州接壤交界地方有苗匪焚掠守備羅

嘉陞督兵傷斃多人彭承堯已帶兵前往搜

勦計此時勒保亦抵貴州與馮光熊珠隆阿

會合進攻兩面堵剿更易集事此等苗匪糾

衆滋事其中必有為首之人祇將賊首擒獲

其餘夥黨無難搜捕淨盡吉慶勒保等務須

妥速會籌勦辦迅奏捷音方為不負委任將

此傳諭知之○惠齡等奏報勦殺襄陽鄭家

河賊匪得旨嘉獎賞惠齡雙眼花翎餘賞賚

有差○旌表守正被戕安徽阜陽縣民李珍

女李氏守正捐軀安徽定遠縣民汪哲士妻

王氏○丙申大祭

大行皇后

上至靜安莊奠酒○詣

雍和宮行禮○遣官祭賢良祠○丁酉

孝昭仁皇后忌辰遣官祭

景陵○

上幸圓明園○宗人府奏請貝勒德麟世襲封

爵得旨德麟所襲之爵伊子承襲貝子伊孫

承襲鎮國公減至不入八分公止世襲罔替

○福寧奏黃柏山賊匪勢漸窮蹙經成德等

帶兵截殺。將夜遊山一帶山梁。全行攻取。奏入。諭軍機大臣等。此次官兵打仗。不避危險。奪據要隘。阻遏賊人出路。甚屬可嘉。文圖著交部議敘。所有出力兵丁。賞給一月錢糧。其受傷陣亡者。查明加倍優卹。至摺內奏稱。飭令各該鎮將督率弁兵。更番緊對賊卡環放鎗礮等語。殊無此理。綠營兵丁。往往未見賊匪。先放鎗礮。鎗礮為行軍利器。必須賊匪近前。始行施放。方為得力。若僅對賊卡環放。豈不施之無用之地。况更番迭換。馬有如許。火藥接濟。必致臨敵轉形短少。而弁兵等亦必疲乏。殊非用兵之道。嗣後當飭知將弁等。勿得空放鎗礮。糜軍火。勞兵力也。將此諭令知之。○景安奏報。防堵潯河鎮賊匪。遊擊六十五等下部議敘。○汪新奏報。擊退夾河洲等處偷渡賊匪。千總甘宗羅等下部議敘。○旌表守正被戕河南魯山縣民郭台妻賈氏。守正捐軀直隸東安縣民于德兒聘妻劉氏。河

南溫縣民李守文妻職氏。緩徵湖北武昌咸寧蒲圻崇陽通城興國大冶通山漢陽黃岡蘄水麻城黃安羅田蘄黃梅廣濟安陸應城十九州縣新舊額賦。戊戌
上問
太上皇帝安。奉
太上皇帝命
賜
大行皇后諡曰
孝淑皇后。○旌表守正捐軀安徽靈璧縣民蔣輔女蔣氏。己亥
上御勤政殿聽政。諭內閣。哈當阿等奏淡水地方奸民王長勝串同營兵王增鄭發。混造逆旗。潛豎莊民王費屋。傍希圖嚇詐。經把總戴鵬盤詰。破案移廳審訊。明確。將王長勝問擬斬決。王增鄭發照光棍為從例問擬絞決。分別辦理。一摺。營汛安設官兵巡查地方。是其專責。遇有奸民滋事。本應立行查拏。乃此

案營兵王增鄭發轉聽從王長勝混造布旗書寫不法字樣嚇詐莊民希圖得錢分用實出情理之外該提督等止將該營兵照光棍為從例絞決所辦尚輕著查明該二犯父兄子弟內有現係入伍食糧者即行革退並將該二犯之父兄子弟均照失察家屬為盜例治罪以示懲儆所有該汛專管把總戴鵬於事未發覺之先即行盤詰破案不惟無罪而且有功戴鵬著加恩以千總用並賞給銀五十兩其兼轄都司盧植亦著免其交部議處

○庚子以故喀爾喀土謝圖汗扎薩克親王齊巴克多爾濟兄子齊巴克扎布襲爵

平定本由

一

一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十四

平定本由

一

[illegible]

嘉慶二年丁巳三月辛丑朔調福建海壇鎮

太上皇帝幸盤山○啟鑾恭謁
西陵○遣官祭

歷代帝王廟○免蹕路經過地方本年額賦

諭軍機大臣等馮光熊奏勦殺賊匪祇係攻克卡寨數處斃賊五六百人且所奏亦不實

光熊等奏犴苗糾衆不過數千屢經官兵勦

殺何以現在各路屯聚之賊似有數萬之多。

馮光熊究係書生又已年老亦無足深責至

珠隆阿由總兵擢用提督帶兵打仗是其專

責乃勦辦日久並未能將賊匪速行搜捕著

傳旨嚴行申飭。此時勒保自己前抵南籠。著

即督同珠隆阿等鼓勵將士奮勇進剿馮光

熊著即回駐省城彈壓地方辦理軍需事件。

○是日駐蹕半壁店行宮○丙午駐蹕秋瀾

行宮 ○丁未

孝淑皇后滿月致祭命

皇次子（暹寧）行禮。○是日駐蹕梁格莊行宮。○

戊申清明節

上恭謁

泰陵。未至碑亭。即降輿。慟哭。步入

隆恩門。詣

寶城。行數土禮。畢。更禮服。詣

隆恩殿。行大饗禮。禮成。仍易素服。恭謁

泰東陵。舉哀。躬奠。如儀。王以下文武大臣官員

均隨行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰東陵。○遣官祭

孝賢皇后

孝儀皇后陵寢。○命

皇次子襲傳祭

孝淑皇后殯宮。○遣官祭

端慧皇太子園寢。○是日。迴鑾。駐蹕秋瀾行宮。○己酉。

上遣侍衛詣盤山行宮。奏請

太上皇帝聖安。○是日。駐蹕半壁店行宮。○庚

戌。諭軍機大臣等。福寧攻圍黃柏山。雖經焚

燬賊卡。仍未能直搗賊巢。額勒登保現已到

彼。務須查明虛實。力加振作。又湖北潰敗賊

匪。竄入豫省邊界。慶成訥音等。繞出光山縣

地方。抄至賊前截殺。由東北山口進攻。總兵

王文雄。亦自西北截勦。所辦尚好。現在該處

賊匪。向西南大山逃竄。自不致再向東北擾

及豫境。但慶成由東北山口進攻。後曾否追

及賊匪。巴克坦布在武勝關防堵。曾否會合

抄截。惠齡等一路官兵。正在西南追勦。業經

慶成等就近知會夾攻。此次竄回西南之賊。

曾否全行擊退。深為廛注。將此傳諭知之。○

是日。駐蹕黃新莊行宮。○辛亥。

孝賢皇后忌辰。遣官祭

陵寢。○予福建出洋渴斃把總劉天雲馬兵陳飛騰等六名守兵朱琳水等七十名賞卹如例。○旌表守正捐軀江蘇陽湖縣民姚勝鳳妻吳氏。江西南昌縣民萬元長妻熊氏。○是日駐蹕萬泉莊行宮。○壬子。駐蹕三家店行宮。○癸丑。駐蹕大新莊行宮。至乙卯皆如之。○乙卯。

上以

太上皇帝迴蹕大新莊詣行殿問

安。○諭軍機大臣等慶成等奏追勦東竄賊匪情形所辦甚好該處竄匪經慶成等分路截殺而惠齡等在襄陽一帶迎頭撲擊正可兩面夾攻賊匪前在雙溝地方布散逆詞內有姚張王黎四姓之語本日軍機大臣審訊河南解到之劉起榮楊應邦二犯供稱姚張二姓即係姚之富張富國其黎姓係名黎樹賊夥稱為黎叔王姓稱為大叔更在姚之富等之上該二犯俱係隨州大頭目根究明白更

可易於蹤跡惠齡等務須按名拏獲毋使漏網將此傳諭知之。○畢沅等奏湖南投誠入伍苗兵不下三萬餘人均仰給於官為日已久此時大功告竣自應裁撤令其耕耨復業臣等酌議量予牛具籽種俟秋收後再行以次酌裁仍擇其出力較著艱苦最甚者酌留萬餘名派給各苗弁管領以供差喚每名月給工食銀五錢一二年後再逐漸裁革從之。○丙辰旌表守正捐軀江蘇贛榆縣民梁小

果妻張氏。○是日。

上侍

太上皇帝駐蹕三家店行宮。○丁巳。

上侍

太上皇帝還圓明園。○祭

先蠶之神。遣妃恭代行禮。○戊午。

上侍

太上皇帝詣

安佑宮行禮。○以通政使司通政使瑚圖靈阿。

為都察院左副都御史。○己未。諭內閣。喀申和卓。前因捏病。僅予罰俸。乃至今並未當差。昨特遣烏爾圖納遜。阿蘭保。傳喚。喀申和卓。仍稱未愈不到。因將喀申和卓。革去公爵侍衛。仍遣烏爾圖納遜。阿蘭保。鎖拏來圍。交御前大臣等嚴訊。一介回奴。如此荒唐。若不重加懲治。何以警衆。著將喀申和卓。重責二十板。拏交刑部牢固監禁。烏爾圖納遜。乃尚書都統。阿蘭保。乃副都統。俱係御前乾清門行走大員。令伊等往喚。喀申和卓。乃任其抗拒不到。殊屬無能。設令伊等赴軍營拏賊。豈有如此空回之理。看來伊二人前在軍營。亦不過如此塞責。未必實力奮勉。烏爾圖納遜。著革去尚書都統。降補正黃旗蒙古副都統。同齊哩克齊出牧。阿蘭保。著革去副都統。作為頭等侍衛。仍在御前行走。以觀後效。○諭軍機大臣等。勒保現擬由關嶺進攻。疏通大道。以便珠隆阿。張玉龍等會合。以次勦辦。所辦

尚是。苗匪等膽敢圍擾南籠郡城。及永豐等處。而冊亨城猝被陷。州同曹父全家被害。且定番等處。逼近省城。該處亦有賊滋擾。勒保現抵安順。湖南續檄大兵。諒已陸續到彼。狎苗究係烏合。無難一鼓撲滅。此事專交勒保督辦。至滇黔交界。西面普安州至黃草壩一帶。現有苗匪屯聚。經勒保飛調總兵扎郎阿前來督率防堵。務宜嚴密防範。勿使狎苗一名闖入滇境。現在黃草壩被圍。亟需援解。並著傳諭江蘭。或再酌派弁兵。前赴黃草壩。與慶玉內外夾攻。以期肅清一路。其東面都勻古州一帶。即照勒保等所奏。交與總兵袁敏嚴行防守。至南面沿江一帶。與粵西接壤。冊亨既經被陷。而捧鮓。羅斛。歸化等處。俱有苗匪。亦當亟籌勦洗。吉慶當與彭承堯帶領官兵。前赴黔境。將冊亨收復。將此各傳諭知之。○以戶部侍郎惠齡。為理藩院尚書。兼鑲白旗蒙古都統。○庚申。諭軍機大臣等。昨因景

安奏桐柏山分股賊匪竄入葉縣地方該處與襄城許州毘連距省城甚近恐民人不免稍有驚惶是以降旨令吳璥酌調河標兵丁防堵並令李奉翰於查勘豐汛各工完竣後即速赴開封襄許一帶以資督率鎮撫但竄入葉縣之賊不過零星潰散餘匪業經景安由魯山趕回截剿自無難剋日殲除著李奉翰即於途次探聽如葉縣賊匪已經撲滅或又折回南竄則已若賊匪尚在葉縣嵩縣一帶欲往北竄此時開封省城祇有吳璥一人而景安相距較遠又不能兼顧李奉翰即調河兵迅赴開封襄許一帶以資防範將此傳諭知之○旌表守正捐軀河南上蔡縣民劉素純妻劉氏○辛酉

上還宮○以兵部侍郎傅森兼正黃旗滿洲副都統○賞征安南陣亡提督許世亨弟福建同安營叅將許世德花翎○貸甘肅平番縣連城土司所屬被旱土民籽種口糧○壬戌

諭內閣近因喀申和卓捏病不肯當差是以革去公爵交刑部監禁伊之公爵並非軍功所得覈其罪原應削奪但念伊父伊叔自投誠以來奮勉行走著加恩將伊鎮國公爵作為輔國公令伊從弟巴克和卓承襲以示朕矜恤回奴至意尋命將喀申和卓釋放交該旗管束不許滋事○諭軍機大臣等賊匪焚掠保安驛站後折由裕州沿山西竄景安趕至四里居地方與王文雄奮勇勦殺而巴克坦布慶成等亦由應山一帶追蹤跟剿與景安會合現在賊匪既向南趨豫省地方不致遭其蹂躪但此一股賊數如此之多前據景安奏到朕即以其中必有為首之人今據巴克坦布等奏賊首李全王廷詔姚之富均在其內必須設法將此三犯生擒毋任漏網著傳諭知之○癸亥

上耕藉詣先農壇行禮更服至藉田所

躬耕三推復加一推

御觀耕臺命豫親王裕豐肅親王永錫莊親王綿課各五推吏部右侍郎玉保戶部尚書范宜恒禮部左侍郎鐵保兵部右侍郎傅森代刑部工部右侍郎阿迪斯工部左侍郎成德都察院左副都御史汪承霈通政使司通政使秦清大理寺少卿童鳳三各九推畢順天府府尹率農夫終畝賞賚農夫耆老如例○辛圓明園○問

太上皇帝安○諭內閣大學士缺出已屆匝月現在各尚書內劉墉資格較深著補授大學士但伊向來不肯實心任事行走頗懶茲以無人擢升此任朕既加恩務當知過倍加感激勿自滿足免除積習以副恩眷沈初著調補吏部尚書所有兵部尚書員缺著朱珪補授仍帶革職留任張誠基仍著調補安徽巡撫現在吉慶前往粵西邊界辦理事宜張誠基應俟吉慶辦竣軍務回至廣東省城時將

巡撫印篆交吉慶暫行兼署再赴安徽新任朱埭侯張誠基到任交代後即行來京供職其廣東巡撫員缺候朕另行簡放○調正白旗滿洲都統和坤為鑲黃旗滿洲都統鑲白旗滿洲都統福長安為正白旗滿洲都統鑲紅旗滿洲都統綿恩為鑲白旗滿洲都統○甲子

上御勤政殿聽政○以太常寺卿施朝幹為宗人府府丞仍留湖北學政任詹事府少詹事羅國俊為詹事○旌表守正捐軀安徽宿州民汪啟成妻楊氏○乙丑諭軍機大臣等惠齡所奏不過分路兜勦情形殲賊亦屬無多殊不滿意並為恒瑞乞恩有何緊要恒瑞前曾獲咎今既能知過自奮伊本係將軍著加恩照例准戴花翎至據奏現獲匪犯多係姚之富之徒且獲有姚爽一名訊係姚之富堂姪想姚之富總在此股賊匪內等語但據巴克坦布等奏由南召竄入大山賊匪逆首王

廷詔李全姚之富俱在其中。此時恒瑞帶兵截勦此股賊匪。巴克坦布慶成等先經馳赴南召一帶。正可兩面夾擊。痛加勦殺。總須將各首逆設法擒拏。不可坐待惠齡有稽時日。將此傳諭知之。○調鑲黃旗漢軍都統慶桂為鑲紅旗滿洲都統。以鑲黃旗護軍統領德楞泰為鑲黃旗漢軍都統。調鑲白旗護軍統領晉昌為鑲黃旗護軍統領。以輔國公崇嵩為鑲白旗護軍統領。仍兼署鑲黃旗漢軍都

— 實錄卷五 —

— 上 —

統。○以故雲南開化府屬土經歷周尚德子紹宗襲職。○丁卯。諭軍機大臣等。宜綿等奏奪占雞爪嶺等處賊卡。其設法攻取。自係宜綿辦理得當。乃明亮公然以宿將自居。自列首銜。其單銜具奏之摺。竟以一切布置。皆伊所定。太不知分。明亮著傳旨申飭。並著接奉此旨後。將所帶之兵留與宜綿。明亮即輕騎減從。速赴襄陽一帶。幫同惠齡勦辦。○荊州將軍興肇等奏報截勦裕州一帶北竄賊匪。

得旨獎賚。賞佐領那敏花翎。防禦百順等藍翎。遊擊六十五等升擢有差。賞兵丁一月錢糧。○以內閣學士書敬兼鑲黃旗漢軍副都統。○旌表守正捐軀福建邵武縣民饒毛仔妻張氏。河南泌陽縣民張計貴妻裴氏。○戊辰。

上還宮。○調鑲紅旗滿洲副都統多永武為鑲白旗滿洲副都統。鑲白旗滿洲副都統晉昌為鑲紅旗滿洲副都統。○以孟夏時享

— 實錄卷五 —

— 市 —

太廟。自是日始齋戒三日。○己巳。調鑲紅旗蒙古副都統富尼善為正白旗滿洲副都統。

因循廢弛不能實力整頓以致苗匪勾結滋事邪教乘隙作亂即如湖北省邪教肆擾本係民人該省豈無文武官管束彈壓乃任其煽誘蹂躪輾轉奔竄至今尚未掃除淨盡可見楚省地方滋擾不寧總由封疆大吏等日久懈弛未能撫輯得宜所致此次定議之後若不實力奉行仍屬具文塞責何以垂永久而靖苗疆除該省從前貽誤各員再降諭旨查辦外所有畢沅等奏到各摺著交軍機大

臣會同各該部詳悉覈議具奏尋議查乾州鳳凰廳舊有邊牆一道自喜鵲營至亭子關綿亘三百餘里為苗民之限邊牆內地向係苗產經和琳奏明如有漢人侵占查出後不許再種今據畢沅等奏稱邊牆內寄居民人俱被焚掠今將所有逃散田土悉歸苗業伊等乏術營生自應酌籌安置現在永順府屬之龍山界連湖北來鳳縣距三廳較近該處所遺叛產兵火後招種乏人莫若將此項失

業民人移赴該處棲止按戶酌撥承種則貧民得資生計地畝亦不至拋荒應如所奏辦理又查鳳凰永綏乾州三廳地方甫經底定原設額兵不足以資控制該督等奏稱花園汛新設之綏靖鎮及乾州之改營為協並鎮竽屬之巖門汛廖家橋得勝營小鳳凰營樂壕等處乾州協屬之鎮溪所喜鵲營強虎哨灣溪河溪等處綏靖鎮花園屬之隆團涼水井沙子坳等處永綏協屬之滾牛坡鴨保寨

等處辰州屬之瀘溪烏宿洗溪浦市等處永順屬之古丈坪在在均關險要並應設營駐兵以資犄角應如所奏准其於原額外鎮竽鎮各營添兵二千二百名乾州協各營添兵八百二十九名綏靖鎮添兵五百十六名保靖營添兵四百三十二名古丈坪汛添兵四百名烏宿洗溪浦市添兵八百十三名次第召募足額將他省留防兵即行撤歸本省營汛以免久戍再此項新兵應先儘本省投効

鄉勇曾經打仗出力者充用。既能稔習苗情。又免伊等散歸失業。至兵數既經添設。其該管將弁。自應酌量增添。除提督移駐辰州。及花園汛添設綏靖鎮總兵外。其鎮筵鎮屬巖門左營添遊擊一員。守備一員。千總二員。把總四員。外委四員。額外外委二名。巖門右營添設把總一員。外委一員。額外外委二名。乾州協添設中軍都司一員。守備二員。千總二員。把總五員。外委六員。額外外委八名。綏靖鎮添設都司一員。守備一員。千總二員。把總二員。外委四員。額外外委四名。永綏協添設守備一員。千總一員。把總三員。外委二員。額外外委六名。保靖協添設叅將一員。把總一員。外委六員。額外外委十名。古丈坪添設都司一員。千總二員。把總二員。外委二員。額外外委三名。烏宿洗溪浦市三營添設都司一員。千總二員。把總三員。外委九員。額外外委四名。辰州後營添設都司一員。均如該督等

所奏准其添設。並於軍營打仗出力之將弁兵丁內。循次擢補。又查永綏乾州二廳城垣。前此和琳條奏善後事宜。請於廳城緊要隘口。設卡駐兵。並於巖門高村等處。添築城堡。奏蒙允准在案。今該督等奏查照奏案。設卡駐兵。已足以樹屏障而資捍衛。應如所奏辦理。至築堡所以安兵。現據查明。目下留防官兵安營處所。濠溝壁壘。具有規模。自應將舊有基址。酌量增修。毋庸另行添建。其餘應行築城修堡處所。俱應如所奏查明辦理。又查該督等奏鎮筵永綏所屬照各省土弁之例。酌放土守備等缺。自守備以至千總外委。前後酌計四百餘名。該苗弁等既得有官職。若不酌給錢糧。恐其藉端勒索滋弊。但此項苗弁。僅令管束本處苗人。與川省雜谷金川之屢應徵調者有間。自應酌量遞減。以示區別。應如所奏。苗守備每人每年給餉銀十六兩。苗千總十二兩。苗把總八兩。外委六兩。另行

籌款歸於辰沅道按季支放。仍隨時查覈。稟請督撫提臣分別升降賞革。用示勸懲。至保靖縣改土歸流後。所屬地方專係苗寨。亦應如所請。一體設立苗弁。酌給餉銀。以資約束。得旨允行。並諭軍機大臣等。從前湖南苗疆鎮協營汛。一切設汛安兵。何嘗不妥為布置。祇因地方大小各官。日漸廢弛。以致苗匪勾結。乘間滋事。既經此次議定之後。所有添設弁兵。必須勤加訓練。隨時查察。用收實效。其

新設苗疆土弁。亦須飭令該管文武。隨時稽察。至修築城堡。原以藉資捍衛。自宜分別修造。但亦當飭令承辦之員。覈實勘估。務使工堅料實。勿任稍有侵冒。其來鳳等處所遺叛產。即令三廳失業民人移往耕種。亦當飭令地方官妥為綏輯約束。俾資生計。而杜侵占。總在該督撫等實力奉行。不可視同具文。以致日久滋弊。方為妥善。將此傳諭知之。○額勒登保奏軍營節次出力人員。賞候補叅將

董寧川遊擊靳文銓。土遊擊色爾瓦巴圖魯名號道員依精阿。知府趙秉淵。都司孫效前。守備朱集才。譚公義。土都司楊德明。土守備阿托花翎。縣丞常慶。守備姚士華等。藍領侍衛豐紳等。升擢有差。賞兵丁一月錢糧。○癸酉。興肇等奏報殲剿河南樂川賊匪。賞總兵官張文奇。花翎。並提督銜兵丁一月錢糧。○上以常雩祀

天於

園丘。自是日始齋戒三日。○甲戌。旌表守正捐

軀直隸棗強縣民李副奇孫女李氏。○乙亥。

上詣

南郊齋宮齋宿。○丙子。常雩祀

天於

園丘。

上親詣行禮。○幸圓明園。○問

太上皇帝安。○諭軍機大臣等。自賊匪滋事以

來。調派各該省官兵進剿。未免本省存營官

兵較少。自應先行挑募新兵。著直隸山東河南江西湖北四川陝甘雲貴各該督撫。即各按調派兵數。酌量募補十之六七。務須督飭各標營挑選精壯新兵。毋得將老弱充數。以副慎重戎兵之意。○秦承恩奏報竄匪由盧氏闖入陝境商南地方。叅將劉成得把總馬占熊等俱各受傷陣亡。奏入。諭軍機大臣等。兵丁等臨陣拒賊。理宜捍衛主將。若兵不顧將。於軍紀即當嚴辦。劉成得等所帶兵丁。果能奮勇殺賊。何至領兵之員竟被賊害。本應查明治罪。姑念現當勦賊用人之際。罰不及衆。特從寬貸。領兵大員等當隨時將此旨宣諭各兵丁等一體知悉。俾臨陣遇敵有勇知方。以肅軍紀。將此傳諭知之。○福建巡撫姚萼以病解任。以福建布政使田鳳儀為巡撫。江西按察使汪志伊為福建布政使。光祿寺少卿陸伯焜為江西按察使。以廣東布政使陳大文為巡撫。按察使莊肇奎為布政使。前

任安徽巡撫陳用敷為廣東按察使。○丁丑上御勤政殿聽政。○孝淑皇后二滿月致祭。命皇次子（慶傳）行禮。○辛巳上奉太上皇帝勅諭。追贈故兵部侍郎奉寬太師禮部尚書。○癸未上詣黑龍潭神祠拈香。○甲申。諭軍機大臣等。上年邪教起自長陽當陽。未幾鄖襄一帶相繼滋擾。雖經以次撲滅。而巴東歸州之賊竄入黃柏山。近又逃匿芭葉山。其達州教匪延及興安紫陽等處者。亦已肅清。而金義寺清溪場賊巢迄今尚未勦滅。至襄陽之賊先在鍾宜棗隨一帶屯聚。近又由盧氏竄入陝境商雒一帶。東奔西竄。往來無定。所過邨莊焚掠為害。若不亟籌掃蕩。僅事尾追。使未經蹂躪之區復遭擾累。日復一日。伊於何底。各路領

兵大臣俱係朕特派前往。寧不知賊匪多過一處。即多擾一處。多一日搶掠。則百姓多一日顛連。而糜費帑金。尚為餘事。伊等身列行間。目擊情形。何以漫無籌畫。若云軍營事權不能歸一。則襄陽一路。原責成惠齡。達州一路。責成宜綿。黃柏山一路。責成額勒登保。福寧。若云兵力不敷。已節次派調鄰省各兵。京營勁旅。並湖南撤回勝兵。共至數萬。軍威不為不壯。即軍餉一項。各省撥解。以及特發部

帑。不下三十餘萬。豈尚不敷支給。即此外尚有礙難情形。伊等亦應據實奏聞。或自揣才力不能辦賊。更當奏明。候朕另派大臣前往督勦。乃諸處大員。並無一字奏及。況明季流寇橫行。皆緣其時紀綱不整。朋黨為奸。文恬武嬉。置民於不問。以致壞事。方今吏治肅清。勤求民隱。每遇水旱偏災。不惜多費帑金。蠲賑兼施。百姓具有天良。均應知感。此次邪匪煽誘。不過烏合亂民。國家威棱遠播。凡在荒

徼。無不賓服。若以內地亂民。糾眾滋擾。不能立時殄滅。其何以奠九寓而服四夷耶。伊等若再不知激發天良。速擒首逆。埽除餘匪。以致流毒蔓延。多耽時日。自思應得何罪。再湖壯賊匪。前在荆宜施襄鄖一帶。其焚掠處所。在各府縣中。統計若干處。合之湖北一省。約有十分之幾。又襄陽之賊。竄入豫境。由桐柏至嵩縣。廬氏內鄉。浙川一帶。被搶邨莊若干。現復竄至陝西商雒。及達州。教匪闖入興安

紫陽一帶。被賊蹂躪處所若干。及達州之賊。在該州境內。焚掠邨莊若干。川陝二省。各有十分之幾。並著查明覆奏。至被擾各該省州縣難民復業者。已有若干。現在如何安輯。並著各督撫妥為撫綏。勿使失所。去而從賊。方為妥善。朕於有功。自加懋賞。有罪亦予嚴懲。信賞必罰。惟在各路領兵大臣。自擇耳。勿謂言之不豫也。慎之勉之。○免湖北被賊滋擾之應山。黃安。黃陂。應城。安陸。五縣本年額賦。

○丁亥。

孝端文皇后忌辰遣官祭

昭陵○勒保奏報殲勦南籠下山塘等處苗匪

得旨獎賚賞兵丁一月錢糧○命廣西巡撫

成林來京候旨○以戶部侍郎署江西巡撫台

布署廣西巡撫調安徽巡撫張誠基為江西

巡撫以兵部尚書朱珪暫攝安徽巡撫○以

詹事府詹事羅國俊為內閣學士兼禮部侍

郎銜○戊子勒保奏報擒獲雲南威遠探首

扎杜加道員顏檢李亨特按察使銜賞叅將

固寧阿知府史積容花翎守備吳烈等藍翎

總兵官永寧以辦理貽誤下部嚴議尋革職

○以貴州上林協副將書慶為雲南普洱鎮

總兵官○旌表守正捐軀河南魯山縣民郭

台妻賈氏○庚寅

上詣

黑龍潭神祠拈香○諭軍機大臣等據御史

宋澍奏該督撫等各守疆界意見不同請專

派重臣辦理等語勦捕教匪事宜本應有大

員總統但大臣中福康安尚習軍旅威望素

著業經病逝而阿桂又已年老任使實無其

人是以上年因永保辦理不善特命惠齡總

統軍務未嘗不予以事權乃惠齡任事以來

竟無運籌制勝之處今經御史陳奏伊等寧

不自知愧勵著將宋澍原摺抄寄閱看試令

自問更有何顏○浙江巡撫王德奏報擊殺

海洋盜匪情形並請封禁外洋之大陳山以

清盜數得旨嘉獎賞署總兵官岳璽花翎餘

升賞有差○辛卯

上詣覺生寺拈香○宜綿等奏報攻克清溪場

金莪寺等處賊寨得旨獎賚賞兵丁一月錢

糧○給四川被賊滋擾之達新寧太平三州

縣難民三月口糧及房屋修費有差○壬辰

諭內閣從前朕之側福晉完顏氏格格關氏

沈氏或係

皇父指賞或生有公主今俱早已溘逝著加恩

將側福晉完顏氏追封恕妃格格關氏追封
蘭嬪格格沈氏追封遜嬪交內務府大臣等
按其追封品級照例辦理暫停於靜安莊之
傍所俟萬年吉地工程完竣再隨同

皇后梓宮送往○賞從征湖南復調赴川省
之粵兵行裝銀○以京師雨澤愆期命設壇
祈禱刑部清理庶獄○癸巳恒瑞奏報追勦
山陽縣賊匪賞驍騎校祿成武舉馬昌傑已
圖魯名號前鋒文泰等藍翎餘升擢有差○

興肇奏報勦捕繡花嶺賊匪賞協領喜布禪
花翎前鋒倭克濟納藍翎餘升擢有差○甲
午

上詣覺生寺

時應宮拈香詣

大高殿行禮○還宮○諭內閣詹事府各員京
察臬既歸翰林院掌院辦理而該衙門事務
又仍係該堂官自行未歸畫一原辦未免疏
漏所有詹事府衙門事務嗣後均著翰林院

掌院管理○賞予告大學士蔡新子舉人本
俊內閣中書○乙未

上御太和殿視朝王以下文武升轉各官謝恩
○幸圓明園○問

太上皇帝安○吉慶奏報黔苗由上捧八渡地
方搶渡粵岸總兵官王林拒賊受傷賞王林
花翎○丙申

上侍

太上皇帝詣

黑龍潭神祠拈香○丁酉諭軍機大臣等平
糶糧石之事不可輕易舉行京師向遇糧價
稍增之年一辦平糶商販聞風即有居奇擡
價之弊現據景安奏豫省雨水霑足二麥暢
茂早禾亦皆透發一經招徠復業糧價即可
漸平此時景安惟當招集流散妥為撫綏趁
此雨澤優霑之時趕種大田庶使流移復業
民氣漸紓市集糧價不求其平而自平矣將
此諭令知之浙江巡撫王德參奏定海鎮

總兵官王凱。不慣乘舟。又無籌運。不勝總兵官之任。

上以王凱係貴州人。由陸路出身。念其曾有勞績。命馳往南籠。交與勒保。留於軍營。帶兵委用。如果出力。即酌量以雲南副將補用。○以浙江台州協副將岳璽。為定海鎮總兵官。○署兩江總督蘇凌阿。奏請疏濬安徽宿州靈璧縣境內之濉股河。鳳臺縣之畱溝河。江蘇豐沛二縣之順隄河。食城河等處。從之。○己亥。宜綿奏報攻克四川王家寨賊寨。賞總兵官百祥提督銜。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十七

監降總督經略臣等奏為天保英毅王太子謝開閣事謹奏 上諭旨著該部知道欽此
二級守備副總兵總兵官太子太保文淵閣大學士李鴻章奏為遵旨辦理各案內文淵閣開卷
開事據奉 上諭旨著該部知道欽此 上諭旨著該部知道欽此 上諭旨著該部知道欽此
部立奉 上諭旨著該部知道欽此 上諭旨著該部知道欽此 上諭旨著該部知道欽此
和經總督李鴻章奏為遵旨辦理各案內文淵閣開卷 上諭旨著該部知道欽此

教修

嘉慶二年丁巳五月庚子朔

上奉

太上皇帝命勅諭安南國王阮光纘近因洋面地方時有匪徒劫掠之事曾經閩粵總督照會該國王一體協拏今據兩廣總督臣奏稱該國王差委官弁丁公雪等帶領兵船前赴夷洋巡查勦捕拏獲盜匪黃柱陳樂等六十餘名將所獲人犯船械解送內地辦理並於賊匪屯聚處所派委妥幹員弁留兵設守太上皇帝甚嘉該國王小心敬事恭順矢誠用

是特沛渥恩加以優賚茲頒去如意玉山蟒錦紗器等件委員齎往宣賜以昭優獎該國王仰承寵眷益當飭令所屬員弁悉力巡防隨時搜捕如有盜匪仍前在洋滋擾即行擒拏解交內地究辦若能拏獲盜首更為奮勉可嘉務使奸匪肅清根株淨盡以安商旅而靖海洋該國王尚其恪恭効順彌深感勵以期倍沐恩施欽此特諭○諭軍機大臣等吉慶奏官兵在西隆八達等處疊次打仗得勝看來西隆州邊境雖有賊匪屯聚節經勦殺勢已窮蹙較之南龍辦理自易吉慶等將粵西邊境肅清速赴南龍會同勒保合力進剿將此傳諭知之○又諭項將恒瑞等節次奏摺閱看先稱行抵十里鋪賊匪自南而來恒瑞擊敗東竄其續奏摺內又稱在十里鋪勦敗南來之賊向西南奔竄又興肇前奏在潞峪地方賊向北來經官兵勦殺紛紛南竄而與恒瑞聯銜之摺又稱在潞峪截殺賊匪向

西而逸。究屬南乎。抑為西乎。且慶成前奏賊匪欲偷渡漢江。經慶成等截殺。竄赴陝境。當經約會恒瑞兩面夾擊。如果屬實。慶成自東南而西北。恒瑞自西北而東南。正可會剿。何以又任西竄。可見紙上空談。豈可憑信。軍營打仗。全憑伊等據實聲敘。方可指示。今不但方向前後不符。即情節亦支離互異。看來恒瑞慶成。俱難倚仗。惠齡此時自己早抵山陽。務須察探賊蹤。將賊首驅歸一處。以期及早殲擒。將此各諭知之。○辛丑。諭軍機大臣等。江蘭奏神苗竄至滇省之補董酒馬邑等處。經官兵堵剿。殲戮仙達賀金崙一名。擒獲仙姑一名。審明正法。所辦尚好。苗匪愚蠢。無知自改土歸流以後。與漢奸往來。遂有此等仙達仙姑名目。惑眾滋事。醜類眾多。誅之原不可勝誅。但必有主謀為首之人。務須設法生擒。此外被脅苗眾。得勒則勒。得撫則撫。以期迅速肅事。勿令再有蔓延。將此傳諭知之。○

加封蠟磯靈澤夫人為崇節惠利夫人。從安徽巡撫朱珪請也。○壬寅。

孝誠仁皇后忌辰。遣官祭。

景陵。○諭軍機大臣等。秦承恩奏採玉窰有楚匪滋擾。該處向西即係孝義川。距省較近。但由孝義川至藍田。中有秦嶺阻隔。高峻險窄。可以扼要駐守。為一夫當關之勢。花尚阿倭什布現駐西安省城。伊二人曾經戎旅。務須留心嚴防。仍當不動聲色。勿使省城居民稍有驚疑。總以鎮靜安撫為是。至孝義川一帶。既經奏承恩催撥寧夏涼州並莊浪土司各兵星往截剿。該撫若能生擒首逆。即屬首功。將此傳諭知之。○戶部議准。福建巡撫姚榮疏報龍巖漳平三州縣開墾田二十四畝。有奇。照例升科。從之。○甲辰。

上奉

太上皇帝命。詣

黑龍潭神祠祈雨。○諭軍機大臣等。費淳奏

酌請平糶一摺。向來平糶之弊。非藉此彌補。虧缺穀石。即於買補時減價勒買歸倉。是以利民之事。轉致病民。平糶一事。不宜輕議辦理。若實在民間米價有長。又不可拘此。當即平糶。俾民受實惠也。將此傳諭知之。○乙巳。上還宮。○修明孝陵。○撥部庫銀二百萬兩。解往四川。以備軍需。○以祈雨。

三壇齋戒一日。○丙午。

上奉

太上皇帝命詣

天神壇儀郡王永璣成親王永理分詣

地祇壇。

太歲壇祈雨。○

孝淑皇后三滿月致祭。命

皇次子溥儀行禮。○諭軍機大臣等。八渡一帶

苗匪。經吉慶等殄除。而平廣並稿。遮蓬那地

等處。屯聚尚多。此次吉慶所帶兵本少。但前

奏調廣東兵二千名。吉慶寧不當催令速至。

乃在彼坐待耶。至軍糧關繫緊要。成林等自當早為籌運。況百色附近州縣。與西隆相距不遠。何至碾運不前。此非成林辦理遲誤。而何且向知廣西多米。粵東常向該省買食。今軍行需用。轉向湖南購運。舍近求遠。殊無此理。看來廣西倉貯空虛。巡撫藩司平日不以為事。吉慶係該省總督。務須查明虧短。據實參奏。儻稍存迴護。恐該督不能當此重咎也。將此傳諭知之。○舉行本年軍政滿洲蒙古

漢軍各旗營。卓異官一百八員。年老官五員。

有疾官十五員。不及官一員。罷軟官二員。分

別議敘處分如例。○予貴州湖南征苗陣亡

土守備納爾吉土把總本太。龍爾土外委甲

噶太。祭葬世職如例。○丁未。

上奉

太上皇帝命詣

大高殿

時應宮

昭顯廟祈雨○戊申。

上奉

太上皇帝命詣

天神壇儀郡王永璣成親王永璉分詣

地祇壇。

太歲壇謝雨○詣

大高殿行禮。

時應宮

昭顯廟拈香祇謝○幸圓明園○問

太上皇帝安○諭軍機大臣等英善奏東鄉縣

監犯於賊匪滋擾時衝散在外今符曰學等

自行赴達州投首既無從逆情事又不藉此

遠颺尚屬畏法著將各犯案由分別議減咨

部覈辦○又諭重石子香爐坪等處賊匪經

宜綿等伏兵邀擊賊首王三槐假冒出降狡

詐已極幸宜綿窺破賊情乘機勒殺不致墮

其奸計實屬可嘉惟此次殺賊僅數百名又

未獲首逆宜綿等所帶兵勇共有二萬餘人

賊匪即號稱二萬人其中迫脅附從者不少。

究係烏合之衆今以二萬官兵勒此二萬窮

竄之賊有何難事又據奏將甘肅所調各營

兵丁及撒拉爾回兵俱令全赴興安交柯藩

相機堵剿所辦甚是但秦承恩現在採玉窩

勒賊即係姚之富一股急須搜捕前據秦飛

調寧夏涼州並莊浪土司兵星赴孝義川是

秦承恩一路尚須此項兵力著秦承恩酌量

情形一面檄催一面分撥以期速得勒捕之

用將此各諭知之○已酉烏里雅蘇台將軍

圖桑阿奏參贊大臣額勒春私傳驛馬跟

隨伊子玉敏任意遊玩侵占綠營兵丁園地

蓋亭宅池擾累巡兵匠民父子商同謀利並

將參贊大臣薩木丕勒多爾濟咨報理藩院

文移積壓駁回等款得旨革額勒春職命固

倫額駙豐紳殷德馳驛往訊旋據薩木丕勒

多爾濟呈控額勒春之子玉敏同主事職銜

色楞額藏匿蒙古那旺妻女肆行無恥並額

勒春因伊所屬蒙古曾有賣與商民羊隻及
斂錢蓋廟等事肆言威嚇意圖挾制伊曾告
知圖桑阿圖桑阿諉為與伊無涉不即查詢
等語

上以圖桑阿乃該處將軍凡事皆當督率辦理
今聞薩木丕勒多爾濟所呈先已向其告知
而伊竟未查辦及知薩木丕勒多爾濟遣人
來京始欲自占地步從輕叅奏而又不將王
敏等所行無恥之事聲敘顯存偏袒之見即

命軍機大臣等傳諭豐紳殷德徹底嚴查并
摘去圖桑阿翎頂解任候質○庚戌

上御勤政殿聽政○軍機大臣議覆湖廣總督
畢沅奏請照舊安設鳳凰乾州永綏三廳標
兵查鳳凰乾州兩廳向設把總二員兵二百
名嗣經裁汰今該督以苗疆甫定在在均資
兵衛請援照舊案於鳳凰乾州二廳各安設
把總一員兵一百名永綏一廳亦照此安設
自為彈壓綏戢起見且所需弁兵即在准添

新額之內並不另增應准其照數安設從之
○又議覆畢沅奏請將苗疆新舊守兵一律
改為戰糧查苗疆各營舊兵原有馬糧一項
新兵毋庸添設馬糧其餘新舊兵丁應令戰
守各半以馬糧之節省為守糧之添補守兵
如果奮勇原可拔補戰兵至新兵既無馬糧
將來拔補額設外委自應將戰兵一體考拔
以勵戎行而昭激勸從之○以詹事府詹事
舒聘為通政使司通政使○以哈密幫辦大

臣花尚阿為烏里雅蘇台叅贊大臣○辛亥
以三姓副都統額勒伯克為黑龍江將軍調
黑龍江將軍永琨為烏里雅蘇台將軍以打
牲烏拉總管吉祿為吉林副都統調吉林副
都統賽沖阿為三姓副都統○予貴州湖南
征苗陣亡護軍叅領常山祭葬世職如副都
統例副將德勝祭葬世職如總兵官例○壬
子

上詣覺生寺拈香○還宮○遣官祭

關帝廟○以理藩院左侍郎奎舒為西寧辦事大臣。○癸丑。

上以

孝淑皇后百日大祭。至靜安莊殯宮前奠酒。

詣

雍和宮瞻禮。○以輔國公積拉堪為鑲白旗蒙古副都統。○甲寅月食。

上詣

大高殿行禮。○幸圓明園。○撥部庫銀二百萬

兩解往陝西以備軍需。○乙卯。

上問

太上皇帝安。○緩徵河南前被賊擾之鄧唐新

野桐柏浙川內鄉泌陽裕葉南召舞陽西平

遂平確山信陽羅山光山魯山嵩廬氏二十

州縣及原辦兵差之南陽鎮平鄧城臨潁襄

城許長葛洧川尉氏祥符蘭陽新鄭鄭滎陽

河內武陟考城獲嘉新鄉汲淇湯陰安陽二

十三州縣並堵禦出力之伊陽寶豐郟汝宜

陽永寧陝靈寶閿鄉九州縣新舊額賦。○丙

辰諭軍機大臣等洋面盜匪往來無定地方

文武原應無分畛域協力緝拏若拘定疆界

勢必彼此推諉致盜犯乘間遠颺最為外省

陋習著傳諭沿海各督撫督飭所屬嚴密巡

防遇有盜匪合力兜擒不得拘定疆界藉口

推卸。○丁巳廣西太平府屬江州土知州黃

一鵬因病告替以其子元吉襲職。○移福建

漳州城守營都司駐埔頭從總督魁倫請也

○己未

上奉

太上皇帝勅諭命

貴妃鈕祜祿氏繼位中宮先冊封為

皇貴妃。

御勤政殿聽政。○諭軍機大臣等柯藩奏訊據

賊匪供稱欲赴興安撲搶府城一面令艾如

文由黑虎嶺截勦柯藩即趕至興安防護賊

匪狡詐多端安知非詐散謠言為牽掣官兵

之計。若如此處處設防。東西跋涉。不但兵分見單。亦且疲於奔走。此時賊匪所在。前有漢江阻隔。正可逼緊追捕。若於上游偷渡。則宜綿明亮派兵迎剿。以遏其歸併川匪去路。而惠齡。恒瑞。興肇。慶成。自北下壓。兩面夾攻。亦可得手。與其使賊於陝境未經蹂躪。地方焚掠。無寧逼令歸併達州。合力兜剿。此不得已中之好機會。傳諭各帶兵大臣等勉之。○以詹事府少詹事平恕為詹事。光祿寺卿陳嗣

龍為太常寺卿。○庚申。諭軍機大臣等。吉慶奏。勦捕西隆新州等處賊匪。所辦尚好。惟所稱西隆所屬六甲。除舍上。舊州。二甲。頗知協兵防守。其餘四甲。邨寨多被勾結。內亞稿一寨。尤為肆逆。務須速行殲戮。並將為首之龍登連擒獲。肅清餘黨。將此傳諭知之。○命戶部尚書范宜恒。禮部尚書德明。禮部左侍郎鐵保。工部左侍郎成德。趙佑。總管內務府大臣。縉布。辦理。

萬年吉地工程。○壬戌。

孝恭仁皇后忌辰。遣官祭。

景陵。○諭軍機大臣等。勒保奏。進攻羊腸山梁。並生擒要犯。所辦可嘉。順苗王登榮。主天鑑。既經勒保奏明。賞給頂帶。著各賞戴藍翎。以示優獎。此等順苗。自必不少。如有情願自効者。即酌賞頂帶。並將王登榮等業經奉旨加恩之處。詳悉諭知。俾心生欣羨。踴躍急公。又據奏。滇省各屬土練。業經札調一二千名。此項土練。向為奮勇。而前令湖南留防兵丁。撤回貴州。此時自己到齊。勒保當趁此軍威。速解南龍之圍。竚望捷音。踵至。將此傳諭知之。○賑卹貴州。神苗滋擾之南龍府。並所屬普安。永豐二州。普安。安南二縣。冊亨州。同安順府。屬朗岱。歸化。普定。永寧。鎮寧。五廳州縣。又貴陽府屬之羅斛。廣順。各邊界邨寨貧民。三月口糧。免南龍府屬州縣。及普定。朗岱。鎮寧。永寧。廣順。定番。長寨。七廳州縣。元年。未完銀。

穀及二年應徵正耗秋米。緩徵貴陽都勻大定平越銅仁鎮遠思州七府未完額賦。○癸亥。

上還宮。○以夏至祭

地於

方澤。自是日始齋戒三日。○以故喀喇沁輔國

公拉扎布子瑪哈達爾瑪。祭哈爾和碩特輔

國公巴勒濟子敏珠爾多爾濟。各襲爵。○乙

丑。諭內閣。前因陸有仁將撒拉爾回兵暫停

循化。以致遲誤軍行。當經降旨。將陸有仁交

部嚴加議處。漢中一帶兵力稍單。是以檄調

此項回兵。乃教匪竄至漢陰。而回兵尚在循

化。且經宜綿連札屢催。此時尚無入陝之信。

是陸有仁從前遇事張皇。假稱自願帶兵前

赴陝境。一經降旨申飭。正稱其不欲向前之

心。於檄調應援之兵。亦竟屢催罔應。遲誤軍

情。較永保之漫無調度者。尤為過之。不必更

俟部議。陸有仁即著革職。拏交刑部治罪。至

四川軍需事務。本有該省司道董率辦理。且

宜綿現在川境帶兵。所有總督事務。即著宜

綿就近兼辦。英善即馳驛前赴甘肅。新任藩

司楊揆。現在川省。未即赴甘。英善著仍以刑

部侍郎兼攝藩篆。并代理總督事務。○丙寅。

夏至祭

地於

方澤。

上親詣行禮。○幸圓明園。○問

太上皇帝安。○軍機大臣議。覆雲貴總督勒保

等奏。稱黔省銅仁等屬。在在與楚省乾州鎮

筭水綏。新定苗疆連界。所有原設苗卡。未便

遽行全撤。請將原募苗兵一萬三千餘名。裁

撤三分之一。查楚省甫經戡定。與黔省連界

各要隘。原設苗卡。應如所請。暫留三分之二。

以資防範。從之。○又議。覆湖廣總督畢沅奏。

苗疆白帝天王廟。係後漢時楊姓兄弟三人。

英勇過人。屢敗苗衆。當福康安攻克嗅腦汛。

時已昭顯應。嗣鳳凰廳被賊。時城樓著火。即有神鴉飛鳴。火遂滅熄。實有捍禦保障之功。臣等謹擬封號。均冠以宣威助順四字。再各繫以侯爵。長為靖遠侯。次為鎮遠侯。又次為綏遠侯。從之。○以故鎮國將軍亮聰子恒瀚。承襲輔國將軍。○丁卯。兵部議覆山西巡撫蔣兆奎募補新兵一摺。得旨著軍機大臣復行覈議具奏。尋議查兵部奏稱各省兵丁設有定額。未便因閒有徵調。遽議增添。前奉諭旨酌募十之六七。原屬權宜籌備之計。並議將新募之兵。先以守兵充補。遇有征兵及存營馬步兵缺出。次第拔補。並屬慎重錢糧。激勸戎行之道。但大功即日告竣。亦不必多行召募。即酌募十之三四。已足敷用。現在既省虛糜。將來尤易酌歸原額。從之。○以頭等侍衛阿蘭保為正紅旗蒙古副都統。○旌表守正捐軀直隸易州民趙名山妻韓氏。○戊辰上以秋獮木蘭侍

太上皇帝自圓明園啟鑒。命怡親王永琅成親王永瑒大學士公阿桂尚書慶桂留京辦事。○免蹕路經過地方本年額賦十分之三。○是日駐蹕南石槽行宮。○己巳諭軍機大臣等本日惠齡等報到賊匪於五月十二日由白馬石搶船渡江。並據獲犯供稱李全王廷詔姚之富三股已歸併一處。惠齡等竟已放賊全數渡江。尚敢覲顏陳奏無恥之至。賊匪渡江五日。伊等始經趕到。勦賊機宜。即片刻亦不可緩。何況至五日之久。豈非與賊以暇。况兵法有半渡而擊者。賊匪於十二日偷渡時。若急躡賊蹤。邀之半渡。可以聚而殲戮。乃坐失機會。實屬大錯。又查閱惠齡前進原圖。前兩股之賊向西奔竄。係惠齡慶成追勦。第三股之賊向東奔竄。係恒瑞追勦。嗣恒瑞奏鄖西鄉勇攔截。復折而西向。三股之賊俱併為一。恒瑞既不能趕上賊匪。又不能與落後之惠齡慶成會合一處。是賊能歸併而統兵

大臣轉不能會合。尤屬可惡可笑。至柯藩等在洵陽一帶。正當遏賊西竄之路。既不能在沿江截殺。又不能趕赴惠齡等一路。殊不可解。此次種種玩誤。若按軍法從事。尚不止於拏問。惟因一時帶兵乏人。姑予立功自贖之路。惠齡前賞宮銜。雙眼花翎。恒瑞。柯藩。艾如文。花翎。俱著革去。暫留本任。頂帶。慶成。前已革去宮銜。花翎。巴圖魯名號。著再降為二品頂帶。暫留提督之任。舒亮著降為三品頂帶。暫留副都統之任。伊等經朕此次格外寬宥。自應加倍感愧。勉贖前愆。若再仍前遲誤。必將伊等於軍前正法示衆。決不寬貸。就目下情形而論。宜綿一路調度。俱合機宜。今賊匪竄至川境。而惠齡屢經貽誤。豈可復膺總統之任。著一併革去。與恒瑞慶成各為領隊。聽候宜綿調遣。一切軍務。著宜綿總統。明亮。德楞泰。幫辦。以期事權歸一。將此各諭知之。○撥內庫銀二百萬兩。解往湖北。以備軍

需。○賞密雲縣接駕兵丁半月錢糧。○是日。駐蹕密雲縣行宮。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十七

候乎。賊匪渡江後。是否徑行竄至達州。抑或尚在沿途焚掠。此時官兵自己早經渡江。曾否趕上賊匪。何以未經續奏。抑豈尚在修船耶。柯藩艾如文。本在洵陽一帶。遏賊西竄之路。乃不在江北堵剿。轉渡江而南至興安郡城。尚可藉賊多兵少為詞。迨賊既渡江。而莊浪等處撥調之兵。計已早到。柯藩並不在沿江防守。迎殺賊匪。豈惟知株守郡城。藉此為避賊安坐計耶。秦承恩駐劄鎮安槐樹坪。賊匪渡江。地方官斷無不稟報之理。何亦未據奏聞。况漢江船隻。前據秦承恩奏。已飭令移泊南岸。而惠齡等。亦札知轉飭移泊。飭令移泊船隻之人。究係何員。此等玩誤地方官。若不予以嚴叅。何以示儆。至宜綿業已派為總統一切軍務。全賴調度。伊係本省總督。賊匪偷渡後。地方官自必隨時稟報。宜綿亦必早派大員迎剿。所派係屬何人。賊匪曾否已入川境。何以總未奏及。將此諭令知之。○是日。

駐蹕常山峪行宮。○癸酉。諭軍機大臣等。勒保奏。勦克水烟坪隘卡。擒獲賊目。看此情形。賊人門戶已破。而勒保所調之雲南兵練。及湖南撤回雲貴官兵。此時諒經早到。勒保自即乘勢督兵前進。或此時吉慶等已將廣西邊境廓清。帶兵赴黔。與勒保等兩面夾擊。更可迅速集事。再勒保奏。訊據獲犯供稱。仙達仙姑內。有光仙囊仙二人為首。號召衆苗。在大王公之上。並有偽總兵將軍等號。苗匪等膽敢捏造偽官。不法已極。必須按名拏獲。解京。盡法處治。又據奏雲南邊界各路勦辦情形。內稱有悔罪來投之猓夷等。繳出烏鎗。又猓夷陸紹先密來報信。為官兵引路。將富村屯踞苗匪勦斃多名。可見該處猓夷。不為苗匪誘惑。尤當妥為駕馭。將此諭令知之。○以苗疆疊次勦賊功。賞副將巴圖什里。巴圖魯名號。遊擊劉瑄。都司馬驥。安定邦。保德。守備馬崇德。花翎。守備王宏信等。藍翎。○旌表守

正捐軀湖北松滋縣民許士甸妻趙氏。○戶部議准前護陝甘總督陸有仁疏報甘肅靖遠正寧三縣開墾地一項十九畝。照例升科從之。○賞熱河綠營兵丁一月錢糧。○是日駐蹕喀喇河屯行宮。○甲戌。

上侍

太上皇帝至熱河。詣

文廟瞻禮。

關帝廟

城隍廟拈香。○詣

永佑寺行禮。○是日駐蹕避暑山莊。至八月己未。皆如之。○乙亥。諭軍機大臣等。前據惠齡奏。賊匪在白馬石搶船偷渡。而柯藩則稱賊匪在相距紫陽六十里之沔峪河水淺處過江。已屬不符。且惠齡前奏。賊匪已全數渡江。柯藩又稱。艾如文在簡池鋪遇二股賊匪。殲賊甚多。賊匪於是夜翻山奔竄。又似後二股賊匪尚未渡江。且所稱翻山奔竄。究係前往

何處。其第三股賊匪又在何處。柯藩係本省提督。竟將剿賊之事。專諉艾如文。身在郡城。安坐株守。况該提督於二十日在興安起身。二十七日方抵石泉。此七日中。豈竟未遇賊匪。何以未將擊剿情形具奏。非沿途逗遛。即心存畏縮。又據奏。惠齡於十八日趕至漢陰。十九日往雲門鋪。小龍溝。前赴紫陽追剿。秦承恩亦於二十日趕至興安等語。此時惠齡等。曾否帶兵全渡。趕上賊匪。何以未見續奏。

而雲門鋪。小龍溝。究在漢江南北。亦未聲敘明晰。將此諭令知之。○賞還總兵官艾如文花翎。以勦賊出力故也。○丙子。

孝淑皇后殯。宮月祭。遣官行禮。○諭軍機大臣等。閱秦承恩所奏。賊匪於十九日全數渡江。而惠齡等於二十一日始行濟渡。本應即行治罪。姑念一時帶兵乏人。仍留伊等本職。用觀後效。再據奏。賊匪雖已西竄。而興安漢中地方。必得重兵防守。秦承恩之意。但以防守

陝西為重。不知官兵自以追勦賊匪為急。若處處設兵防守。是將有用之兵。置之無賊之地。豈不徒分兵力。戰守機宜。貴通盤籌畫。宜綿現在總統軍務。著權其輕重緩急。應否令艾如文帶兵繼惠齡等勦賊。柯藩留陝鎮壓。即奏聞辦理。至興肇行走已覺遲緩。斷不可又留於秦。承恩處幫同防守。務即迅速趕赴。與惠齡等協勦。將此諭令知之。○又諭姜晟奏四月分糧價多有較上月貴至三四五分

不等。或因廣西貴州現赴該省採買糧石。為數畧多。以致時價增長。查明據實具奏。並著該撫留心體訪。嚴禁市僧居奇。俾市價漸臻平減。○丁丑。旌表守正捐軀山東蒲臺縣民李峰妻劉氏。陝西三水縣民張明觀女張氏。○免湖南逆苗滋擾之乾州鳳凰城步綏寧四廳縣苗糧。○戊寅。復緩徵湖北全省州縣元年漕糧。○己卯。諭軍機大臣等。畢沅等奏拏獲劫掠匪苗。即行正法。湖南苗疆甫經戢

定。此等強劫逞兇匪徒。自當照臺灣之例。從嚴辦理。吳老四等六犯。搶劫民人王虎。將王虎及伊妻伊子同時傷斃。情節尤為兇惡。該督等已將該犯等梟示。然其辦理寬縱之咎。實所難辭。嗣後須留心隨時查察。如有搶劫逞兇匪犯。即行嚴拏。加重辦理。不必拘泥常例。請旨。將此諭令知之。○壬午。諭軍機大臣等。惠齡等所稱漢江南岸道路險峻。難容並足。軍裝糧餉。每多遲滯。何以賊能行。而官兵獨不能行。至云賊匪遭此霖雨漲水。亦斷不能遠遁。官兵正應迅速痛加殲殺。斷無賊因官兵停留。亦不向前奔竄之理。今頭股賊匪已竄太平大竹河地方。而二三股賊匪尚在西鄉一帶。惠齡等若能趁此新到兵力。趕上賊匪。擒獲首犯。尚可將功折罪。至惠齡等覆奏阿爾薩朗等陣亡一節。殊不明晰。宜有領兵大員。及章京前鋒校等六十七名同時受傷陣亡之理。況阿爾薩朗帶領健銳營勁兵

千名。即猝遇賊匪。無難奮力勦殺。何致被賊戕害。官兵如許之多。非阿爾薩朗漫無調度。即係紮營未定。以致賊匪攻撲損傷。仍著惠齡等詳悉具奏。又興肇等奏查辦捏造謠言之聞。士道擎獲正法。並探聞賊匪欲與大寧匪黨合夥之信。現在賊匪大夥。俱已渡江向西南奔竄。一二奸徒。於賊去後。妄布謠言。恐嚇鄉愚。原屬事勢所有。祇須酌派員弁。在彼查辦。興肇不值因此帶領多兵。藉詞延緩。將

此諭令知之。○癸未諭軍機大臣等。吉慶與彭承堯。分兩路前進。將隆或賊寨攻克。西隆邊界苗寨。惟亞稿隆或二處。聚集苗匪較多。今隆或既經攻克。止有亞稿一處。現在吉慶等乘勝進攻。諒可即日掃蕩。肅清後路。帶兵渡江。進赴南籠。與黔省會合夾擊。勒保。吉慶等務將為首之仙達。仙姑。及漢奸人等。按名擒獲。其餘夥黨。得勦則勦。得撫則撫。早一日蕞功。則地方早一日寧帖。將此傳諭知之。○

旌表守正捐軀直隸元氏縣民王孚惠妻駱氏。江西新建縣民胡中馳女胡氏。○甲申刑部題駁。山東巡撫伊江阿疏稱。王二毆斃無名男子。自行投首。問擬絞監候。准其援免一案。得旨。此案王二毆斃事主。係屬無名男子。案隔二年。若非該犯投首。無從破案。今既自行投首到案。尚屬畏法可矜。刑部所駁未免過當。著照該撫所請。問擬絞候。准其援赦寬免。至所稱照例在該犯名下追埋葬銀二十

兩一節。事主既無名姓。焉有屍親。所追銀兩。無從給領。亦屬有名無實。因思王二雖經自首。但究係拒捕斃命。僅以杖責完結。不足示懲。王二著免其再追埋葬銀兩。仍於絞罪上照例減等。予以杖流。用昭情法之平。○以福建嘉義縣提牢吳恭和。緝盜傷斃。照傷亡例賜卹。○賞安南夷都司阮長佑帛。以獲解洋盜故也。○乙酉諭軍機大臣等。現在賊匪竄往川陝界上。距襄陽甚遠。從前留防之兵。早

應徹出調往協勦。茲據汪新查明。始知各處防兵。尚有二千八百七十餘名之多。以如許有用之兵。置之無賊之地。殊屬無謂。汪新現調漢江北岸各處防兵。前赴軍營。自應如此辦理。至派往竹谿竹山防守之兵。五百六十餘名。原屬過慮。但劉君輔等。現由鄖陽馳往大寧勦賊。亦須兵力。若汪新已將此項官兵派往。即毋庸另行改撥。至襄陽地方。久已無賊。不必徒勞兵力。其原留郡城之兵。四百七十餘名。足資彈壓。此外尚有原駐之江西兵四百名。如無需用之處。即撤回本省歸伍。將此諭令知之。○又諭陸有仁奏甘省四月分糧價。較上月加增一二分至四五分不等。恐該處民食拮据。著傳諭英善迅即赴甘。查明各屬糧價昂貴地方。有應行平糶及酌加蠲借各事宜。奏聞妥辦。務令民食不致缺乏。糧價平減。○賞苗疆出力兵丁鄉勇。一月錢糧口糧。○丙戌舉行嘉慶元年大計。江蘇卓異

官九員。不謹官二員。浮躁官二員。年老官五員。有疾官三員。才力不及官一員。浙江卓異官十員。不謹官二員。罷軟官一員。年老官六員。有疾官七員。才力不及官一員。安徽卓異官八員。不謹官一員。罷軟官一員。年老官四員。有疾官一員。才力不及官二員。廣東卓異官十三員。不謹官三員。浮躁官四員。罷軟官一員。年老官三員。有疾官三員。才力不及官二員。廣西卓異官五員。才力不及官一員。不謹官二員。罷軟官二員。有疾官二員。年老官五員。分別議敘處分如例。○旌表守正捐軀直隸平泉州民范學智女范氏。安徽蒙城縣民張得時妻王氏。○加賑陝西膚施安塞靖邊定邊懷遠綏德米脂七州縣。元年被旱災民。並蠲緩額賦有差。緩徵甘泉延長延川宜川安定保安榆林葭神木府谷清澗吳堡十二州縣額賦。並借欠倉穀。○戊子。伊克昭正盟長鄂爾多斯扎薩克貝勒棟囉布色楞以

疾解職。以副盟長扎薩克貝子喇什達爾濟為伊克昭正盟長。○己丑。諭軍機大臣等。觀成奏。馳抵大寧。並截殺撲卡賊匪。閱圖內九龍池賊巢外。祇有賊卡三處。官兵拏卡緊迫。勢已窮蹙。看來賊勢斷不至竄入竹山竹谿。劉君輔馬瑞徐昭德。竟不必在彼株守。宜速赴大寧。與觀成會合夾擊。一經竣事。均即馳赴太平西鄉一帶。幫同宜綿等迎勦楚匪。惟圖內賊巢東北三面。俱有官兵營卡。南面較空。雖該處大山溪河。可以攔阻。究恐賊人因官兵三面進壓。乘隙向無卡處南竄。至雲陽一帶。追捕又形費手。劉君輔等到後。兵力衆多。應遵照硃筆標識。酌分官兵拏卡圍逼。將此諭令知之。○又諭蘇凌阿等。奏豐汎壩工堵合後。將挑水壩接長。大溜全向中泓。壩前新灘較前加寬至二十餘丈。足資擁護。目下正屆大汛之期。壩工益資鞏固。該督等仍當留心防範。不可稍有疏懈。○旌卹遇賊捐

軀湖北房縣知縣魏相臣妻計氏。計氏母蕭氏。邑武舉謝龍恩母劉氏。民婦李傅氏等九口。如例。○旌表守正被戕四川南部縣民鄭行順妻張氏。○辛卯。諭軍機大臣等。據惠齡奏官兵行至安坪地方。山水驟漲。侍衛台費英阿等被水衝去。此皆惠齡等不誠不敬所致。為將之道。總在察看天時地利。知所趨避。方能計出萬全。今當大雨時行之際。紮營地方適當山水之衝。豈非置之死地。至官兵等行走勞苦。朕心甚為軫惻。著將此旨傳齊官兵。面加曉諭。以伊等若遇帶兵大臣調度得宜。早可殺賊立功。今因惠齡等種種遲延。致令官兵冒險受苦。其咎皆在主將。而伊等實為勞勩。是以特加恩賞。庶使官兵共知感奮。○又諭前因楚匪擾至豫省。隨州一帶。距光固較近。恐其東竄潁毫。是以諭令王栢定住。帶兵在交界防堵。今楚匪已由豫陝竄入川省。不特豫省寧謐。即陝境亦無賊匪。潁毫一

帶何必駐兵防守。王柄自應前赴徽寧各處查閱營伍。至多兵在潁毫久駐。究恐滋擾。著傳諭蘇凌阿酌量情形。如該處已無需兵力彈壓。即飭知定住。撤回原伍。○以收復東鄉及疊次勦賊功。賞遊擊魏攀舉巴圖魯名號。知府嚴士鉉副將富明阿。叅將王清弼。都司張明。張允成。張成。毛伏。土都司哈科。納耳結。守備尤漢玉。羅伏遠。李東山。千總楊春和。花翎守備何君佐等。藍翎餘升。擢有差。○賞四川陳家壩勦賊兵勇。一月錢糧。○賞四川安坪被水冒雨兵丁。一月錢糧。○壬辰遣官祭火神廟。○諭軍機大臣等。陳大文奏稱。有安南投回之吳大相。莊得利。李大安等。率同夥黨及家屬一百餘人。首繳船隻器械。情願隨同兵役。搜捕洋匪。已將倡率投首之吳大相等三名。各賞外委金頂。此等投首之人。既經賞給頂帶。即與營弁無異。何必心存岐視。惟

當隨時留心查察。不獨隨同官兵捕盜之人。應妥為駕馭。恩威並用。即回籍安插人等。亦不可不密為防範。以期化頑為良。將此諭令知之。○旌表守正捐軀河南禹州民韓元士妻袁氏。○癸巳。諭軍機大臣等。額勒登保統領官兵。連克大荒口。木城石卡。殺賊四百餘名。據奏攀陟險阻。衝冒矢石。各情形。幾於不忍披閱。又據惠齡等奏。恒瑞追勦東竄之賊。折而向西。因探得柯藩。駐兵趙家灣一帶。諒賊匪不能越過。不意賊匪直向西逃等語。賊匪偷渡漢江。竟係柯藩不能堵勦所致。惠齡身為總統。恒瑞亦係領兵大臣。既知柯藩貽誤。何以並不嚴叅。將此諭令知之。○又諭惠齡等奏。前獲代賊雇船之錢正萬等。解交秦承恩收審。錢正萬既為賊匪雇船。必有與賊通同情事。該地方官漫無查察。亦當一併嚴叅。著秦承恩即徹底究明覆奏。○以連克大荒口賊卡功。賞屯土官兵。一月錢糧。○甲午。

命古城領隊大臣書麟以副都統銜署烏魯木齊都統賞熱河總管琅玕三等侍衛為古城領隊大臣○乙未諭軍機大臣等勒保奏勒克卡子河緊隘惟餘普坪一處想勒保乘勝進剿無難剋期攻克速解南籠之圍況閱摺內稱南籠東鄉阿伍菁等二十三寨西鄉那利等六十一寨南鄉木咱等四寨俱繞道來投即新城後路法泥等寨亦遠道赴營投順可見賊勢窮蹙已極勒保自應妥為安撫俾眾匪聞知相率投順庶賊黨益孤於剿辦尤為有益將此傳諭知之○以勒克卡子河苗匪要隘功賞總督勒保雙眼花翎總兵張玉龍按察使常明副將施縉恩賚有差○旌表守正捐軀山西榆次縣民尹光輝妻任氏○復緩徵湖南全省州縣元年漕糧○丙申諭軍機大臣等宜綿等奏分兵布置堵剿各路竄入楚匪情形調度尚為得宜其竄往太平城口及漁渡壩竹峪關等處之賊因見各

處攔截不敢肆行窺伺而竄至秋波梁之賊又為朱射斗截殺多人其通江分竄至黑山子賊匪若果與方山坪賊匪會合正是自投陷穽該處現有百祥帶兵在彼儻兵力尚有不敷著宜綿派鎮將帶兵前往協剿更易撲滅看來川省防堵嚴密賊匪不能直前奔竄惠齡等務遵照宜綿調度即帶官兵及撒拉爾回兵或覓徑繞出賊前或從賊後衝擊與朱射斗兩面夾攻至所稱酌留官兵五六千名豫防賊匪折回興漢宜綿未免過慮現在惠齡一路官兵共一萬二千餘名若再留五六千名防堵興漢則兵力又單不敷剿賊之用惠齡奉到此旨即將所留之兵全數調往軍營剿賊不可稍有遲誤再城口賊匪距大寧遠至八九百里不等賊匪揚言欲向該處明係牽掣官兵奸計宜綿等料其不能聯絡所見甚是將此諭令知之○又諭秦承恩奏前此賊匪偷渡漢江時皆係由白馬石漢王

城等處。滿渡所奏實屬迴護。若云船隻盡泊南岸。並無在北岸停泊者。則惠齡等拏獲代賊雇船之錢正萬及船戶人等。早經移送秦承恩處。人證確鑿。豈能掩飾。至籌辦川省糧運一事。所辦尚是。該撫務須嚴飭妥運。以期源源接濟。無誤軍需為要。將此傳諭知之。○丁酉。諭軍機大臣等。魁倫等奏琉球國王世孫尚溫。因傳位大典。於常貢外。備物申賀。忱悃可嘉。未便駁回。致阻其向化之誠。至朝鮮難民李唱寶等。出洋遭風。漂至琉球國。該國給與衣食。並將難民等附搭貢船至閩。所有護送之人。著該督撫等量加獎賞。○戊戌。以勦平興安賊匪功。叅將海洪阿等。升賞有差。○是月。湖南巡撫姜晟。奏准貴州撫臣馮光熊。咨稱黔省籌採楚米十萬石。以濟軍糈。現將楚省各路駐防坐卡兵丁。及展賑供支米石。先行酌撥解運。以期迅速得濟。報聞。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十八

[illegible]

嘉慶二年丁巳閏六月己亥朔觀成奏查大

寧與陝楚接壤而九龍池與太平交界尤為緊要官兵三路進攻賊匪竄往老木園奏入諭軍機大臣等觀成奏官兵攻克九龍池賊巢所辦雖好而賊首陳崇德又逃往老木園地方不值即加賞賚現在官兵已將緊要隘口圍堵觀成務當上緊勦辦毋任再有竄逸並加意嚴防勿使與楚匪勾結合夥將此傳諭知之○庚子諭軍機大臣等此次吉慶等因亞稿正路急切不能得手由小路繞至亞

稿之後乘夜踰山而進直抵亞稿焚燒寨屋將賊巢蕩平實為出力可嘉至首逆龍登連務須上緊搜拏以期必獲將此諭令知之○以攻克西隆州亞稿苗寨功加吉慶太子太子保彭承堯太子少保均賞戴雙眼花翎賞道員永慧按察使銜遊擊唐光茂等升賞有差○辛丑旌表守正捐軀直隸永年縣民武起才妻李氏○壬寅諭軍機大臣等宜綿等於十六日搶占小戕城山十七日五更賊又乘

霧雨瀰漫之際潛行逃竄實屬可惡看此情形必是兵圍不固又令賊匪竄逸宜綿明亮德楞泰均著傳旨申飭又據額勒登保等奏賊匪於二十日夜間由諸神保一路營卡逃竄諸神保即著革職拔去花翎仍留軍營効力贖罪副將朱士奉遊擊何天標俱著革職拏問至額勒登保福寧之咎止於調度未周賊匪並非由伊紮營地方逸出此時且不必交部額勒登保向來打仗奮勉現在此路賊

匪仍責成額勒登保與福寧督率勦辦再摺
內稱賊匪現在竄匿之處距芭葉山有五十
餘里已派令關騰慶溥前往抄截此時賊匪
曾否截住儻前路無兵攔截以致未經被賊
地方復遭蹂躪所關緊要建始與川省之大
寧相近昨據觀成奏九龍池之賊又竄往老
木園復經官兵圍住本日劉君輔奏移兵竹
山竹谿堵剿前已有旨令劉君輔及馬瑤徐
昭德帶兵徑赴大寧堵剿想該提鎮等接奉
前旨自己前赴大寧儻老木園賊匪勦辦略
需時日著觀成酌量於劉君輔馬瑤徐昭德
內留一人在老木園幫同勦賊分二人帶兵
前往建始巴東一帶探聽迎堵並著宜綿等
一體留心偵探儻芭葉山賊匪亦竄至川省
夔州界內務於帶兵大員內酌分一人前往
幫同額勒登保等夾剿以防賊匪會合勾結
為要將此各傳諭知之○以閩浙督標中軍
副將富森布為四川建昌鎮總兵官○甲辰

予貴州湖南陣亡遊擊綽奇額爾登守備何
肇勤千總郭廷貴張賢劉奉蔣有仁羅應龍
王勝龍譚會龍李紹銘六品頂帶馬兵楊玉
林把總龍勝榜何學成鄧國榮陳龍舒開彪
王有榮外委陳鼎何亮胡世雄陳廷松何良
柱吳燦魁王朝文萬元英顏得奉趙榮量上
標馬騰雲傷亡都司韓文秀守備熊起鵬千
總柯成林把總盧仲李獻廷外委譚虎馬世
泰韓得智祭葬世職兵丁徐耀宗等一千四
百五十一名鄉勇白老三等一百五十六名
賞卹如例土把總坤朋婁太任占土外委木
耳結壬占爾結則六耳扣太可凱祭葬世職
兵丁桑吉撒耳吉等一百三十二名賞卹均
如綠營例○乙巳
孝淑皇后殯宮月祭遣官行禮○旌表守正捐
軀直隸武安縣民魏五兒妻李氏○丙午諭
內閣勒保奏官兵至南籠城內難民男婦數
萬均來迎接當將裹帶糧食及連日所獲賊

糧。按名散給。並即派員賑撫等語。南籠府城受困半載。賊匪日來滋擾。民食已罄。城內紳士民人等深明大義。晝夜備禦。捐助薪米。得以同心協力。固守無虞。今勒保解圍到郡。見城內難民口食不敷。情形已極疲憊。實堪憫惻。所有南籠應徵錢糧。著該督查明蠲免一年。其餘被賊滋擾地方。如永豐。冊亨。捧鮮。黃草壩。及粵滇邊界被擾各處。亦均著該督撫查明。各免一年錢糧。俾閭閻元氣漸復。民力寬裕。用副軫懷。其守城兵勇均著加恩賞給一月錢糧。口糧以示獎勵。○勒保奏報解南籠城圍得旨嘉獎。下部議。欽。賞按察使常明。布政使銜道員周緯。按察使銜守備田朝貴。王宏信。巴圖魯名號。知州南靈。曾遊擊達凌阿。劉綱。都司張明成。守備唐心舜。張良槐。花翎守備黃玉照等。藍翎把總楊文海等。舉人王秉心。生員譚明禮等。擢用有差。○丁未刑部議覆山西巡撫蔣兆奎奏。逃兵宰廷喜。自

首一疏得旨。此等逃兵。定擬斬候。永遠監禁。名為從嚴。而該犯轉得不離鄉里。坐食囚糧。殊不足以示懲儆。嗣後此等自行投首逃兵。仍著照舊例發往烏魯木齊。給兵丁為奴。所有宰廷喜一犯。即照此辦理。○戊申諭內閣。貴州南籠。係由廳改郡。本年犛苗滋事以來。該郡紳士民人等深明大義。衆志成城。被圍日久。固守無虞。允宜特錫嘉名。用昭勸勵。南籠府著改為興義府。所有該府印信。著該部照例改鑄發給。俾其顧名思義。共勉敦龐。以副朕褒獎善良至意。○己酉

上 詣

文廟瞻禮

關帝廟

城隍廟拈香。○以拏獲洋盜。賞廣東巡撫陳大文。花翎。鹽運使常齡。按察使銜餘升。賞有差。○庚戌。諭軍機大臣等。宜綿等奏。現在賊匪竄聚開縣地方。訊有欲回湖北之語。宜綿

業飭令該縣等將臨江市沿河船隻徹赴上流並飭夔州府等將大江停泊船隻一併撤回但所派之人僅係通判知縣等員恐尚不足倚恃該處有專管道府應即飭令實力妥辦至開縣距湖北較遠賊匪未必即行折回而大寧與開縣接壤恐賊匪聲言欲往湖北其意實欲與大寧賊匪合夥不可不嚴行防範觀成等速將老木園之賊剿竣即帶兵赴開縣迎截協勦將此各諭令知之○撥內庫銀四百萬兩解往四川以備軍需○辛亥

上詣

文廟瞻禮

關帝廟

城隍廟拈香○諭內閣御史廣興奏江蘇省楊倫占等盜挖任咬郎屍割取屍頭訛詐經該省加重問擬斬候又廣東省陳阿劒等盜掘陳阿憲屍割取屍頭訛詐經該省照律問擬絞候此二案俱經刑部照覆辦理兩歧請

勅部臣著明成例以歸畫一等語細閱兩案情節俱因訛詐起意其發棺殘屍皆未得財亦復相同向來定律此等開棺見屍之案俱係問擬絞候其割取屍頭訛詐他人者別無專條江蘇省楊倫占問擬斬候因其情節殘忍加重辦理廣東省於陳阿劒一案問擬絞候係照本律辦理在兩省各辦各案一則準情一則依律尚屬有因而刑部為刑名總匯之地自應折中至當於外省定擬參差之案擇其孰為平允者歸於一是若以江蘇從重為是則廣東之案亦應改為斬候若以廣東按律為是則江蘇之案自應改為絞候今刑部於此相同兩案或斬或絞悉照該省所擬覈覆所謂廷尉為天下之平者安在耶況刑部遇有外省案件引例未當之處往往奏駁改正其辦理秋讞各省有失入失出之案亦多駁改乃於此等相同之案辦理歧異率行照覆則外省將何所適從著將原摺發交刑

部堂官閱看令將諭旨指出情節明白回奏
並將此等開棺殘屍希圖訛詐之案究應定
擬斬候絞候之處一併悉心妥議具奏尋覆
奏乾隆五十九年九月原任江蘇巡撫奇豐
額題楊倫占盜挖任咬郎屍棺割頭訛詐一
案任咬郎僅止兩歲該犯將屍頭潛藏袁日
升店內設計訛詐幾陷人以謀殺十歲以下
幼孩斬決之罪較尋常開棺殘屍圖詐之案
為重既據該撫量加擬斬監候係因事懲創
臣部未便拘泥成例改從輕減即經照擬覈
覆又六十年五月升任廣東巡撫朱珪題陳
阿劬盜挖陳阿竈屍棺割頭訛詐一案審照
發塚開棺見屍本律擬絞監候臣部查各省
審擬此等人犯並無前項挾嫌犯尊等重情
者俱照本律擬絞是以將陳阿劬之案亦一
例照擬題覆此二案情節有輕重之分故罪
名有斬絞之別但臣等於江蘇楊倫占一案
未將量加懲創緣由於原疏內聲明實為疏

忽請將臣等交部議處得旨此二案情節既
屬相同乃刑部未經詳查率行照覆以致定
擬互異及降旨詢問乃復以江蘇省楊倫占
一犯所割任咬郎屍身年僅二歲為詞是以
未將陳阿劬一案照辦不免迴護姑念刑部
案件較繁且過止失出所有刑部堂官著交
部察議○又諭前據勒保奏南籠被圍時有
生員譚明禮等捐出米穀銀兩生員周璫因
城中柴薪已盡將自家園樹盡行砍伐以供
合城燒用皆甚可嘉業經降旨將譚明禮等
五人與守城出力之王秉心等二人一併賞
給六品頂帶今思譚明禮首先捐助銀米接
濟兵糧民食周璫將自家樹株砍伐為薪以
供合城炊爨向義急公尤堪嘉尚若僅賞給
頂帶尚不足以示獎譚明禮周璫著加恩於
軍務告竣後送部引見並著勒保查明其餘
五人內有似此分外急公出力者亦一併送
部引見以示朕有善必錄恩加無已至意○

壬子諭軍機大臣等額勒登保等由五家河追賊至宣恩縣之椿木營一帶看此情形究不免落賊之後若果緊躡賊蹤何必復行踴探現在賊匪向西奔逸若一直前去仍係川省酉陽一帶不可不亟籌堵截而施南府城及宣恩縣僅派張廷彥帶兵五百名協同樊繼祖堵禦亦未免單弱大寧在宣恩之北相距較近前已有旨令觀成等酌量情形派兵迎勦著傳諭觀成等如此旨到時老木園之

賊業經勦淨即可統領勝兵就近徑赴宣恩夾擊儻勦捕略需時日觀成係在大寧專辦之人未便輕動而劉君輔亦已年老著派馬瑞帶兵千餘名星馳前赴宣恩幫同額勒登保等勦辦自無虞其他逸至額勒登保等一路從前孫士毅原帶之兵俱交福寧統領又惠齡於勦淨灌灣腦賊匪後所有之兵亦帶赴黃柏山交與福寧而額勒登保到彼又將黔兵留下加以張廷彥由湖南撤回官兵並

諸神保帶往之兵不下萬名而該處賊匪節據奏報或勦殺數百名或一二十名賊數自應日減且現在賊匪奔竄地方並非城市鎮店據稱無從買食其荒僻可知即有裹脅亦屬無多何以額勒登保等於官兵祇嫌其少而賊匪祇見其多可見從前殺賊之語盡屬虛飾況林之華等不過畏死狂奔勢已窮蹙所謂代賊拉馬背負器械之人不過被賊迫脅無奈聽從未必為之出力一經大兵圍勦

即可立時解散惟當專心勦辦速擒首逆馳奏捷音再諸神保奮力擊賊中鎗陣亡自因前此賊從伊所管營卡逃竄心知愧勵奮不顧身亦堪憫惻諸神保係革職之員例無卹典究念其殺賊捐軀仍特加恩議卹但若竟照總兵原職未免過優諸神保著咨部照參將例給予卹典以示懲勸兼施之意○癸丑諭軍機大臣等據豐紳殷德審訊額勒春等供詞內商民恭格即張云上年曾赴烏梁海

貿易等語。西北兩路將軍大臣官兵所在之處。向不禁民交易。然內地之民與外夷交易。皆係外夷來至內地置買。並無內地民人越境任意前往之例。即如恰克圖與俄羅斯交易。伊犁等處與哈薩克布魯特等交易。喀什噶爾葉爾羌等與安集延等回夷交易。皆係來至內地。方准與商民交易。烏梁海在卡倫外。商民恭格任意前往。皆由將軍大臣等素不留心之故。若不禁止。愚民惟利是圖。久之

恰克圖商民直赴俄羅斯。伊犁等處商民直赴哈薩克布魯特安集延等處。僥滋生事。端尤屬非是。著通行飭交西北兩路各城辦事之將軍大臣等。留心查察。嗣後總俟該夷來內地。方准交易。不得仍如恭格任意越卡妄為。著永遠為例。附入交代。俾各遵行。如再有似此者。必將該將軍大臣等從重治罪。將此傳諭知之。○豐紳殷德奏。審擬額勒春等一案。下軍機大臣覆議。尋議以額勒春之子玉

敏牟利貪婪。擾累驛馬。並與蒙古那旺之妻通姦。實屬卑鄙無恥。應照律擬絞立決。額勒春肆意妄行。擅壓封文。應永遠在彼枷號。所抄馬一百匹入官。主事職銜色楞額。隨同玉敏遊蕩肆淫。亦屬無恥。應在彼枷號半年。滿日發遣黑龍江為奴。圖桑阿諸事姑容。有玷將軍之職。應發往伊犁効力贖罪。薩木丕勒多爾濟將羊隻作價賣與民人。且於放給官兵錢糧。並不詳查舊例。亦屬非是。擬罰三九

牲畜。以示警戒。其餘案犯俱照擬分別杖責。得旨。薩木丕勒多爾濟姑念係糊塗蒙古。著加恩將擬罰三九牲畜寬免。二九改罰一九。其烏里雅蘇台所屬卓霍爾驛站馬匹。俱由喀爾喀四部落派出當差。額勒春任意擾累。所有抄出之馬一百匹。不必入官。著分賞喀爾喀部落。以示體卹。餘依議。○旌表守正捐軀河南遂平縣民許貴妻王氏。○丁巳諭內閣。勒保奏。南籠府知府張鳳枝。於奏補得缺

後本年正月間南籠狎苗起事。經藩司飭令赴任張鳳枝輟轉逗遛。有心規避。軍差請將張鳳枝革職發往伊犁充當苦差等語。張鳳枝係奏補南籠府知府。正值該處狎苗滋事之時。理應星馳赴任。於一切軍差迅速妥辦。乃經藩司飭令赴任。竟敢遲回不前。及改委接署之員隨營辦事。張鳳枝仍復在該郡所屬之安南地方居住兩月。畏縮不進。似此有心規避之方員。僅予革職。不足蔽辜。張鳳枝

即著派委妥員拏交刑部治罪。以昭炯戒。○諭軍機大臣等。狎苗起事。根由前由湖南苗寨向被客民盤剝。致起釁端。有旨令勒保就近前往湖南。將失察地方官查叅。今黔省狎苗又復藉詞欺壓盤剝。釀成事端。其失察之地方官及上司等。不可不一律查叅。勒保尤當於事竣後。據實嚴查妥辦。勿稍迴護。將此諭令知之。○降廣西右江鎮總兵官尚維勳為廣東廣州協副將。以廣州協副將德昌為

右江鎮總兵官。○緩徵廣西承辦兵差之蒼梧藤桂平南貴宣化隆安橫永淳賓上林武緣西林凌雲十四州縣。及果化歸德田上林四土州縣。白山那馬興隆都陽四土司。本年額賦。○已未諭軍機大臣等。錢正萬等係無知小民。見大夥賊匪猝至。被其逼脅雇船。情尚可原。至地方官防守疏虞。其罪豈容解免。秦承恩徇庇屬員。未經叅辦。轉以不敢諉過為詞。實屬錯謬。著先行革去翎頂。姑暫留

巡撫之任。以觀後效。○又諭。此次觀成將蜈蚣嶺賊卡二座搶占。即於該處紮營。仍未進抵老木園賊巢。擒拏首逆。未為滿意。至宜綿等一路在南天洞溫湯井兩路分剿。共殲賊一千數百名。並未擒獲首逆一人。而賊衆又向雲安場一帶逃逸。似此奔竄無定。未經被賊之處。豈不又遭蹂躪。惟在宜綿等設法斷賊去路。將各逆逼向一處。按名生擒。不可再任他竄。尤當擇要攔截。勿使與大寧賊匪聯

為一氣方為妥善將此諭令知之○予湖南陣亡千總鄧純陳金禮把總馬瑞圖劉廷選外委董連祭葬世職如例○旌表守正捐軀直隸衡水縣民張自會女張氏○戶部議准署江西巡撫台布疏報新建分宜二縣開墾田七十畝有奇照例升科從之○辛酉諭內閣據馮光熊奏知府戴世佐因督催軍糧於汾洲灘陡遇暴風船覆被溺等語戴世佐自辦理軍需以來勉力急公尚無貽誤今因催糧被溺實堪憫惜戴世佐著加恩賞給道銜照陣亡例議卹並著原籍督撫查明該員之子服闋後送部引見以示軫卹○壬戌諭內閣大學士王杰因腿疾不能入直著不必在軍機處行走即回京供職漢軍機大臣祇有沈初一人外廷漢大臣內年老者多即有尚能辦事之人於機務究未諳悉吳熊光戴衢亨在軍機章京上行走有年自為熟習念其職分較小著加恩各賞三品卿銜照松筠台

布之例隨同軍機大臣學習行走兵部右侍郎傅森亦著一體學習行走庶可漸資造就○諭軍機大臣等勒保奏擒獲首犯痛剿賊匪所辦可嘉現在馬鞭田苗寨已經攻克賊匪勢益窮蹙祇餘永豐冊亨捧鮮黃草壩四處苗寨務當奮勇進剿以期迅速解圍至苗逆李阿六既經拏獲監禁務須嚴密看守勿令畏罪自戕俟囊仙等拏獲一並解京處治○予貴州湖南陣亡土守備克丕土千總章漆土把總王相舍拉卡雜屯外委桑卡王外委阿思太納他爾金保阿皆賈格爾傷亡土都司朗結屯守備羊馬太屯把總革宗多吉土把總客依革康太屯外委生格上祭葬世職兵丁色木色囊等一百八十名賞卹如綠營例○癸亥吉慶奏亞稿首犯龍登連經族姪龍起鳳諭以官軍聲勢率其子龍朝鳳投誠奏入諭軍機大臣等龍登連父子聽從點苗勾結滋擾如果被官兵擒獲即予以寸磔

亦所應得。今既畏法投出。尚有一線可原。龍登連父子現已送京。其家屬人等亦應送京。著吉慶傳知龍起鳳。轉諭龍登連寨內之人。龍登連龍朝鳳送京後。斷不加以誅戮。其家屬人等亦不治以緣坐之罪。並當給以養贍。俾骨肉團聚。如此明白曉諭。各苗寨亦必聞風效順。於安撫苗境機宜。更為有益。現在首犯雖已投誠。其附近餘匪。不可不搜除淨盡。以絕根株。○以廣西苗匪首犯龍登連父子投首。賞道員吳俊花翎。同知史藻等藍翎。貢生張淦等六品職銜。○旌表守正捐軀直隸祁州民吳桂妻張氏。河南光州民徐照文妻謝氏。○甲子。諭軍機大臣等。此次宜綿分路剿殺。並生擒川省另股賊匪。閱摺內前幅鋪敘情形。竟似已將由楚竄入各匪殲盡。及閱至摺尾。現在各逆仍未拏獲一人。不為滿意。至所稱川東地方。經高名貴傳教人數衆多。恐有伏而未動之賊。復令巴克坦布。訥音帶

兵赴穆克登阿等一路。勦截餘匪。幫同防範。所辦尚未允協。現在緊要機宜。以擒獲首逆為急務。首逆既擒。其餘附和黨夥。自必瓦解。即有潛謀接應之人。亦必聞風懾服。不敢復動。若此時遽帶兵搜捕。或辦理稍涉張皇。轉致激而生變。且川東邪教甚多。傳聞官兵四出搜捕。習教之人。心懷疑懼。儻復蠢動滋事。更屬不成事體。目下惟當密為防範。即高名貴供出有名各犯。宜綿亦當遴派大員督同嚴密訪查。毋任地方官辦理不善。致生事端。或竟俟功竣後。徐為辦理。亦無不可。將此傳諭知之。○乙丑。諭內閣。昨據提督衙門。將山陽縣駐防脫逃西安滿兵黑祿拏獲具奏。即降旨交刑部照逃兵之例辦理。但此等逃兵。一經拏獲。立即正法。律有專條。毋庸另行查辦。從前綠營脫逃兵丁。皆照例辦理。何況滿洲兵乎。今黑祿膽敢由防守處脫逃。殊屬有玷滿洲顏面。著交留京辦事王大臣等傳諭

刑部令將在京各營兵丁傳集數名。將黑祿即行正法。示懲外。仍交軍營領兵大臣等通行明白曉諭各兵丁。伊等如果打仗奮勉。或有陣亡者。朕必加恩卹。儻有似黑祿脫逃者。必照此辦理。國法決不寬宥也。至黑祿係專派駐防之兵。該管官員等理宜隨時約束。乃竟疏忽。以致逃逸。咎實難辭。副都統花尚阿。駐劄省城。距山陽較遠。該佐領阿爾綱。阿會經管教黑祿數次。花尚阿。阿爾綱。阿俱著加恩免其議處。其餘現在山陽縣之該驍騎校等官。著交花尚阿查取職名。咨部議處。○予湖南陣亡遊擊王重品。千總彭正綱。黃國安。把總王得鳳。周上友。王之智。宋仕聯。官芝徐綱。張捷祖。劉大用。外委劉廷懷。趙步高。祭葬世職。兵丁鄭廷梁等三百三十七名。賞卹如例。○旌表守正捐軀安徽潁上縣民萬大穆妻王氏。河南上蔡縣民遂黑妻張氏。○賞熱河官兵及額魯特兵一月錢糧。○丁卯諭內

閣前因黔省狝苗滋事。業經降旨加恩普行賑卹。並將興義及被賊滋擾地方應徵錢糧交該督撫查明蠲免一年。該處民苗自不致失所。第念自開賑迄今三月。屆滿黔省秋成較遲。若一停賑。被難民苗仍不免謀生乏術。所有興義各屬著加恩展賑三箇月。其餘分別加賑兩箇月。俟秋穫後再行停止。仍著該督撫飭屬妥協辦理。務俾窮簷備需實惠。○諭軍機大臣等。此次勒保督兵將洛美學莊等處苗匪殲戮。業將黃草壩圍城攻解所辦尚好。其縛獻賊目之降苗等。內楊抱漢。王抱雙二人。先詣營引路。為官兵耳目。擒拿要犯。尤為出力。如已賞給六品頂帶者。再加賞藍翎。其餘王連正等十二人。著分別賞給六品七品頂帶。以示獎勵。至難民等殊為可憫。現已趕運米石前往散給。務飭地方官妥為撫卹。毋致失所。將此傳諭知之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之十九

實錄卷十九

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十

恩袍戴官帽道日講起居注官太子太傅武英殿大學士文淵閣領閣事稽察欽奉
上諭事件處管理工部事務翰林院掌院學士陸等如

二級尋常四級。其舊收領總教官太子太保文淵閣大學士管理刑部事務加五級。肅親王經筵日講起居注官太子少保內大臣文淵閣提

梁閣事稽察欽奉 上諭事件處協辦大學士戶部尚書翰林院掌院學士教習石吉士魏管戶部府大臣饒黃旗滿洲都統步軍統領

管理戶部三庫奉宸苑清漪園等處興理工程處御茶膳房御藥房太醫院西洋堂事務軍功加三級例賞加二級尋常加十三級例分予

一次臣英和經筵講官太子太保禮部尚書上書房侍讀英殿前經筵管理圖書監事務加六級隨帶加二級紀錄四次乾隆五十年

較修

嘉慶二年丁巳秋七月戊辰朔享

太廟遣肅親王永錫恭代行禮。○定父殺犯姦之女勿論例。先是代辦四川總督英善疏題。灌縣民李世楷拏獲姦女李二姐。為周倖澄姦拐同逃。經李世楷拏獲毆斃。將周倖澄擬絞。李世楷擬杖下三法司議。至是議覆得旨。此案周倖澄姦拐李二姐同逃。被李二姐之父李世楷拏獲。登時將李二姐毆斃。該督原題及刑部議覆本內。均引本夫姦所殺死姦婦例。辦理。但父之與夫名分不同。若因例無專條。亦

當將比照之處。詳晰聲敘。何得竟以本夫殺姦之例定擬。殊未明悉。著刑部即將此本援引比照之處。聲明更正。至父母毆斃無罪子女。予以杖罪。尚為慎重人命起見。今李二姐既經犯姦。即係有罪之人。李世楷將伊女毆斃。係出於義憤。尚有何罪。雖所擬杖罪。聲明遇赦援免。但究不應以杖罪科斷。嗣後遇有似此情節者。其父母竟不必科以罪名。並著刑部將此例刪除。以昭明允。○己巳諭軍機

大臣等額勒登保等所奏追剿情形。逆匪等仍復竄至白魚寨屯聚。內稱長茅司山下有溪一道。搭橋前進一節。賊匪亦由該處竄往白魚寨。若必須搭橋前進。豈賊衆亦有人為之搭橋耶。至賊匪假充官兵。偷占鄉勇卡隘。豈鄉勇設卡之處。竟無一地方官董理乎。此時既四面攻圍。必須趁賊甫到之時。設法進剿。迅將林之華。覃加耀等拏獲解京。儻或防守不嚴。又致乘間逸出。則惟額勒登保等是

問。將此諭令知之。○庚午調江蘇巡撫費淳為福建巡撫。以山東布政使康基田為江蘇巡撫。兼管南河事。調山西布政使司馬駒為山東布政使。兼管東河事。貴州布政使賀長庚為山西布政使。四川按察使張繼辛為貴州按察使。陝西按察使先福為四川按察使。廣東按察使陳用敷為陝西按察使。以貴州按察使常明為布政使。廣東鹽運使常齡為按察使。○以直隸馬夫王恩馳遞本報淹斃。

照陣亡例賜卹。○辛未諭軍機大臣等據保寧奏。喀喇沙爾之和碩特貝勒騰特克絕嗣。所襲貝勒爵將伊近支之齊業齊烏爾圖納遜擬派懇請補放一摺。所奏殊覺含混。騰特克屬下共有六佐領。若將貝勒爵令人承襲。自應併將佐領移令管理。現在騰特克雖已身故。伊寡妻尚在。若將所有佐領均移於承襲之人。騰特克之寡妻養贍無資。日後必至興訟。况齊業齊烏爾圖納遜均係扎薩克頭

等台吉每人名下俱有本管一佐領若令一人承襲再增六佐領不惟恐伊等不能管轄且伊等輩分亦與根敦諾爾布恭格不甚近鄂齊爾現為盟長又係貝子伊所屬佐領較少亦不平允著保寧問明騰特克之妻齊業齊烏爾圖納遜二人中願隨何人度日即留與一二佐領俾資養贍餘年所留之佐領即令伊願資養贍之人暫行管理其餘佐領令該游牧之扎薩克貝子鄂齊爾及齊業齊烏爾圖納遜均分管理日後方免相爭之弊○賞直隸獨石口被水兵丁一月錢糧○癸酉停止本年秋獮諭內閣今年雨水過多又有閏月時氣較早迨八月盡已屆深秋時令寒涼哨內業經落霜已逾哨鹿之時今年著暫行停止進哨所有阿哥等及由京出派後班之王公大臣侍衛並各營官兵俱著不必前來外其察哈爾官兵蒙古上圍兵丁及烏鎗虎槍善獵人等亦著不必前來朕俟中秋節

後仍於八月下旬啟鑾進京○甲戌孝淑皇后殯宮月祭遣官行禮○諭軍機大臣等梁肯堂奏永定河北岸二工三工共塌三百餘丈南岸二工頭工又塌三百餘丈並將金門閘龍骨衝去二十餘丈此次水勢高於隄頂二尺有餘加以風狂浪涌隄工漫塌實由人力難施梁肯堂惟當董率在工文武員弁上緊堵築迅速合龍若該處河身經此番衝刷或更加深通轉為極好機會並著查明繪圖速奏至固安永清東安等縣猝經漫水下注田禾不免稍被淹浸該督派委道府大員詳細履勘實力撫綏如有應行蠲緩之處著據實奏聞不可稍存諱飾○又諭英善奏甘肅各屬五月分糧價單朕詳加披閱糧價多係中平惟鞏昌等屬較上月稍貴英善惟當察看情形如有需平糶之處即飭屬妥為辦理若無需平糶即可不必周章仍當隨時體察調劑俾民食饒裕糧價平減方為妥

善將此傳諭知之。○予貴州湖南陣亡守備王太和千總楊兆熊王熊飛把總閔世昌祭葬世職如例。○乙亥諭內閣前據留京王大臣等奏七月初一日濃雲密布自辰刻微雨霑灑時斷時續至初二日辰刻方止午後又有密雨一陣旋即開霽等語而順天府尹及總管內務府大臣所奏亦屬相同熱河自上月二十九日即有陣雨至初一二勢更滂沛直至初三日午刻方止朕閱留京王大臣之奏方以為京師雨勢小於熱河於田功尚無妨礙及昨據梁肯堂奏永定河工次閔六月二十九日亥刻起大雨如注初二日雨勢更急平地水深二尺以致永定河埽工衝刷永定河頭二工段即在盧溝橋附近距京不過二三十里斷無與京城雨勢大小如此懸殊之理況本報屢次為泥水耽阻即詢之齎送果報及由京前來熱河之人皆云是日京城之雨甚大平地水深二三尺不等何以

留京王大臣摺內尚稱斷續相間初二日旋即開霽即或因此時莊稼俱已長成高阜之處晴霽後水勢全消尚無妨礙其低窪地方被淹甚少不致成災亦應將此種情形詳晰奏聞何得意存粉飾在伊等之意以朕現在盼望捷音經理軍務宵旰焦勞不復以此再煩朕念耳不知望捷理軍務乃朕分內之事而朕廑念雨暘民瘼更重於此也留京王大臣等俱係朝廷大臣寧尚不能仰體朕意乎若似此互相隱飾則封疆大吏從而效尤民隱無由上達是伊等欲慰朕懷其事小而啟諱災捏飾之漸更重朕過所關甚鉅不可不示以懲創所有前奏不實之留京王大臣順天府尹總管內務府大臣等俱著交部議處仍著即將京畿一帶田禾有無妨礙及低窪處所是否淹浸之處據實速奏勿再諱飾干咎至在京科道均有稽察之責京師雨勢過大而留京王大臣等並不據實具奏該科道

何以亦無一字奏聞。均屬非是。普著飭行。將此通諭知之。○丙子。諭軍機大臣等。魁倫奏盜首林發枝勢已窮蹙。欲率領盜夥投首等語。林發枝非尋常盜匪可比。如果真心投順。固當貸其前罪。但不可仍留閩省。恐有勾結情事。將來投首後。當照張表之例。來京安置。其未行投首之前。仍當嚴密緝捕。不可稍存懈弛。將此傳諭知之。○又諭勒保自派兵攻勦黃草壩後。自當趁此兵威。次第勦辦。捧鮮一處。與黃草壩毗連。固應就近進剿。而永豐為知州駐劄之地。民戶稠密。尤應速解圍城。以蘇民困。即冊亨一處。亦應將賊匪及早撲滅。俾黔省道路疏通。以期迅速藏事。又據吉慶奏。攻勦者烟等處粵省邊境零星餘匪。一經搜盡。即當遵照諭旨。酌帶勝兵。迅速渡江。與黔省官兵會合夾擊。再附近亞稿各村莊避難民人。漸次歸莊。自當加以撫卹。但恐每戶六錢之數。尚不足用。即酌量加增。亦無不

可。總在察看情形。毋使貧民稍有失所。將此各傳諭知之。○丁丑。孝懿仁皇后忌辰。遣官祭景陵。○諭軍機大臣等。此次額勒登保等攻得石城口。乘勝進擊。分布官兵。堵截防守。兵分見單。何不併力一處。專擒首逆。若林之華。卑加耀。一經見獲。夥黨失所依恃。無難以次搜淨。昨已調撥吉林索倫兵三千。並將東三省豫備進哨兵丁百餘名。交惠倫。阿哈保先行帶往。著額勒登保。及宜綿。酌量何路緊要。即告知帶兵迅速會剿。○賞攻克湖北石城口兵丁一月錢糧。○予福建捕盜淹斃守備謝德明。把總張端章。外委劉光陞。祭葬。世職。兵丁林應光等八十名。賞卹如例。○戊寅。諭內閣。前因留京王大臣等奏報京城雨水不實。恐啟外省捏飾之漸。是以降旨。將留京王大臣等交部議處。並令據實覆奏。茲據覆奏稱。京城雨水雖大而積水漸已消落。於秋成不

致妨礙等語。京城一帶既無被水成災之處。伊等前奏因朕盼捷焦勞。意存寬慰。未經詳悉聲敘。尚非有意諱災。所有留京王大臣。順天府尹。總管內務府大臣等。交部議處之處。均著加恩寬免。○諭軍機大臣等。觀成在老木園。勦辦多時。既稱已將賊匪圍住。今又添劉君輔等所帶之兵。軍威不為不壯。何以賊匪百餘人結隊下山。直衝卡隘。經官兵抵禦。僅斬獲首級三十餘顆。賊復竄回巢穴。豈有賊匪能直衝下山。而我兵轉不能搶上之理。觀成祇知在彼困守日久。相持殊員。委任著傳旨申飭。○吏部議駁陝西巡撫秦承恩奏請投効職員分外出力者。咨部加捐分發。得旨。部駁甚是。此等軍營報効人員。如湖北河南。四川。自所皆有。且該三省所辦軍需較之陝西為多。何以他省並未奏及。而陝西先有此奏。未便率准所請。致啟冒濫。黃緣之漸。統俟大功全竣。再行彙總覈辦。○乙卯諭內閣。

據長麟等奏。喀什噶爾英吉沙爾三城。因倉貯無多。請動用庫存銀兩。普爾錢買糧一萬石存貯等語。回部地方種地不專賴雨水。是以數年來並無旱潦之災。今請存貯糧石。以備荒年。尚屬可行。但二年之間。若即採買萬石。則恐糧價轉昂。著長麟等分作三年陸續採買。務須留心妥辦。毋致所屬之人侵漁擾累貧回。○辛巳諭軍機大臣等。賊匪齊王氏姚之富等。欲往歸州巴東與長陽賊匪合夥。明亮等現繞出賊前。相機迎擊。著汪新酌帶兵勇。迅往緊要處所。幫同堵拏。其界連歸州之竹山竹谿等處。亦當嚴密防堵。毋使勾結煽惑。所有帽子山城。口子屯聚賊匪。著額勒登保等專心勦辦。斷不可使與歸州巴東賊匪合夥。至開縣萬縣雲陽新起之賊。業經宜綿等派令分股兜捕。自不致與前起之賊合夥。即使歸併一處。更可聚而殲洗。再竹山竹谿興山房縣保康等處。恐有伏而未動。餘匪。

此等匪徒。若果附和響應。自當速為勦辦。如尚伏而未動。即紛紛搜捕。必致堅其從賊之心。且各處人數衆多。概予誅夷。朕心亦有不忍。惟在明亮等酌量機宜。隨時勦捕。以期速靖地方。將此傳諭知之。○贈故湖廣總督畢沅太子太保。賜祭葬。○壬午中元節。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。○遣官祭

孝賢皇后

孝儀皇后陵寢。○遣官祭

孝淑皇后殯宮。○遣官祭

端慧皇太子園寢。○癸未。諭軍機大臣等。明亮等現由水路前赴歸州。去巫山已遠。所有夔州一帶賊匪。即專交宜綿督同各路官兵。上緊勦辦。至明亮德楞泰自歸州迎至牛石門。一帶截勦。該處地勢阨塞。有險可據。若將齊王氏。姚之富擒獲。賊黨亦可不攻而潰。現有惠倫。阿哈保帶兵趕赴協勦。明亮等務即趕緊勦盡。不可稽緩。再楚匪欲往與大寧會合者。業經劉君輔。馬瑞等擊退。現在惠齡

恒瑞慶成等。又由干溪口一路前往夾擊。務當上緊勦捕。勿使與老木園之賊合為一夥。一經竣事。惠齡等即赴觀成一路幫勦。至楚省應需糧餉。係汪新分內之事。著即探明賊蹤。帶領兵勇。於歸州巴東要隘處所。悉力堵禦。勿任竄逸。其糧運事宜。務俾源源接濟。以利軍行。而資策應。將此傳諭知之。○以四川阜和協副將長春為甘肅涼州鎮總兵官。○以籌辦軍務出力。賞河南布政使吳璥道員

馬慧裕花翎○予四川軍營病故都統巴克坦布祭葬世職如陣亡例（甲申諭內閣據保寧奏將盜馬之土爾扈特賊匪丹津等拏獲審明定擬絞決秋審時入於情實辦理等語凡遇盜馬之哈薩克等皆即行正法土爾扈特等乃新降之人與哈薩克何異非內扎薩克可比丹津策伯克策德勒爾著即行正法示衆書麟普福平日將無關緊要事件煩瑣具奏今拏獲土爾扈特賊匪丹津策伯

克策德勒爾等並未具奏祇咨報保寧殊屬拘泥書麟普福著申飭○諭軍機大臣等朱珪奏廬州鳳陽滁州所屬得雨未能深透又披閱閏六月糧價單內有較上月貴至二三分者江南地方得雨較易如此時該處已得透雨田禾暢茂可望有秋而糧價亦隨時平減則已儻雨澤尚未霑足糧價仍屬加增該撫務當察看情形有應需接濟之處即據實速奏將此傳諭知之○乙酉諭軍機大臣

等梁肯堂奏本月十五日大雨竟夜水勢頓長東壩臨水埽工塌去二十餘丈合龍之期未免稍緩數日此亦無可如何之事但究係該督意存欲速新築埽工未能堅實以致被水汕塌惟有加倍慎重趕緊鑲做不可再有草率至永定河漫口下游及其餘低窪處所誠恐復被淹浸仍著該督分飭所屬設法疏消如有應行撫卹者即一面辦理一面奏聞以示朕軫念民艱至意○福建水師提督哈

當阿等奏報續獲彰化縣屬商謀拒捕糾衆首夥各犯廖掛等二十六名分別正法得旨嘉獎文武員弁及義民首下部議敘○免四川運辦軍務之奉節巫山雲陽萬縣大寧六縣次年額賦○丙戌諭軍機大臣等此次帽子山等處被圍之賊額勒登保等當嚴密堵截並勉力尋覓閒道趕緊進剿不得因賊匪據險死守坐待其食盡自斃至川楚竄匪直趨歸州明亮德楞泰聞信即從水路趕至兜

勦。今賊匪復向興山一帶奔竄。明亮等若能迎頭兜勦。擒獲首逆。固屬甚善。即賊匪尚在奔竄。明亮等當緊躡賊蹤。使之無暇焚掠。奔走疲乏。自可易於勦洗。汪新將留駐湖南兵丁一千名調回。所見甚是。王文雄近在南陽。著即速赴楚省。探明賊蹤。迎頭夾擊。將此傳諭知之。○丁亥。予貴州降苗一萬七千八百八十餘戶。安撫獎賞。從總督勒保請也。○己丑。諭軍機大臣等。襄陽為漢江南北扼要之區。竄匪若從南漳向東北滋擾。勢必逼近襄陽。此時汪新竟應從當陽回至襄陽。團練鄉勇。與官兵防堵。如賊匪竟敢直逼郡城。務當督率兵勇。悉力堵勦。以遏其北竄之路。至明亮德楞泰。因截勦後股石門牛口賊匪。以致頭股乘閒東竄。惟當將後股賊匪。勦淨趕赴南漳。緊躡賊蹤。奮力截勦。其大寧新起賊匪。劉君輔。馬瑞等。務當上緊兜勦。不可再令東竄。擾及二竹。為要。將此各傳諭知之。○又諭

川匪擾至湖北南漳邊界。需兵甚亟。著惠倫等即迅往襄陽一帶訪詢。如明亮等已繞至賊前。即可隨同擊勦。儻明亮等猶在賊後追逐。惠倫等即會同王文雄。帶領官兵。堵禦攻圍。○又諭。吉慶勦殺勾結黔苗。肅清粵境。此時自己帶兵渡江。惟當督率將士。速將冊亨。永豐地方屯聚苗匪。上緊勦竣。與勒保會合籌辦。祇須將洞洒當文巢窟攻破。擒獲首犯。其餘附從黨夥。自必立時潰散。此外如王抱羊等。失所倚恃。更易擒捕。佇盼捷音。即至將此諭令知之。○庚寅。賞投首洋盜林發枝七品銜。來京安置。夥盜一百五十三名。分別安插如例。○辛卯。上侍太上皇帝御卷。阿勝境賜扈從王。令大臣蒙古王貝勒貝子。各額駙。台吉等。食至乙未。皆如之。○諭軍機大臣等。此時各路大兵。自北而南。聲威壯盛。賊匪聞知。自必仍行折回。不敢

復向東北。但豫省地勢平衍。與襄陽處處可通。亦不可不豫為籌辦。景安咨調兵丁著梁肯堂伊江阿照所調之數。派委將備帶領赴豫。如賊匪業經明亮德楞泰剿盡。景安即可將新調各兵飛咨停止。以節勞費。○壬辰諭軍機大臣等。楚匪均已分竄湖北。其開萬雲陽一帶。皆係新起。附從匪黨。宜綿等自當分投搜剿。不可致稽時日。至燕子山等處賊匪。亦欲向巫山一帶奔竄。舒亮等務當嚴密兜圍。勿令合夥。至明亮等仍由水路趕赴宜昌。兜剿所辦尚合機宜。但摺內祇稱賊匪擾及興山。而汪新昨奏前股賊首齊王氏等已竄至保康南漳之後界坪。明亮等探明賊蹤。自當由宜昌登陸。徑赴南漳一帶。緊躡追剿。此時王文雄帶兵踵至。汪新現駐襄陽郡城。而湖南撤回之兵。由辰州順流而下。計已可到襄陽。賊匪自不敢竄入。若即折回南遁。則明亮等自宜昌而來。正可迎頭截剿也。將此傳

諭知之。○甲午諭軍機大臣等。賊匪由冷坡垣向西奔竄房縣一帶。山僻小徑。我兵易於圍剿。竟是賊匪自投陷阱。前因賊匪北竄。是以令王文雄帶兵前往迎頭截殺。今賊匪竄往房縣。該鎮若未能迎剿。亦當向西南取道邀截。至明亮等趕赴宜昌。自知賊匪西竄。即可由宜昌取道邀截。徑趨房縣。與王文雄兩面夾擊。再房縣距白河洶陽一帶甚近。而竹谿竹山又與商維接壤。恐賊匪復思乘隙竄陝。秦承恩現在興安駐劄。當就近親帶兵勇。於漢江以北擇要防堵。勿使闖入。再馬瑞帶兵前赴明亮等軍營協剿。今賊匪已至房縣。著該鎮就近取路。徑赴房縣迎剿。更為得力。將此諭令知之。○撥內庫銀一百萬兩。解往河南。以備軍需。○乙未諭軍機大臣等。賊匪由南漳後界坪西向房縣奔竄。其由興山衝過霧渡河賊匪。想必另係一股。明亮已統兵前赴宜昌。德楞泰帶兵已抵荊州。即日赴當

陽截勦。有此兩路大兵。前後夾擊。當乘此機會。速勦完竣。荊州沙市地方。為商賈輻輳之地。本有荊州滿兵四百名在彼防堵。現在汪新又圍集鄉勇。幫同堵禦。若德楞泰在當陽截住。自不致擾至沙市。至南漳一股賊匪。雖距襄陽漸遠。但亦不可不亟籌截勦。王文雄帶兵一千名。不敷勦捕。其帶領東三省官兵之惠倫。愛星阿。阿哈保等。以之領兵。則有餘以之調度。則不足。現在賊蹤離豫更遠。著景安即親赴襄樊一帶。往來稽查。所有續調官兵。止須酌留數百名。協同河北鎮兵及河兵。在漢江北岸南陽一帶。擇要堵禦。其餘兵丁。景安俱帶赴襄陽南漳。一路督勦。惠倫。愛星阿。阿哈保等。俱聽景安調度。以期事權歸一。至額勒登保等。奏攻石門崖。雙脊坪賊卡。該處崖壁險峻。賊匪備積擋石。抵死抗禦。官兵斷無日久相持。徒勞仰攻。虛損兵力之理。今賊匪既有欲逃竄他處之語。曷若暗將官兵

埋伏於賊匪圖竄去路。故留路徑。誘其逃出巢穴。伏兵猝起。正可趁勢圍擒。生致首逆。此亦不得已而思變計之意。額勒登保等。或倣照指示。酌量可行與否。亦不必拘泥遷就。總須設法將首逆擒獲。將此諭令知之。○丙申。免雲南苗獮滋擾之羅平。平彝。師宗。三州縣。及邱北縣丞。五槽州判。所屬本年額賦。并賑卹有差。○緩徵雲南被賊滋擾之宣威。廣西。雷。益。馬。龍。等。州。嵩。明。陸。涼。南。寧。彌。勒。寶。寧。昆

明。十一州縣本年額賦

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十

中集本十七

	事	
--	---	--

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十一

畢修總裁官煙霞口壽莊王太子太傅武英殿大學士湖廣總督稽察欽奉
上諭事件處管理工部事務翰林院掌院學士張蔭桓

級尋常加四級
員曹振鏞
載勳太子少保文淵閣大學士管理刑部事務加五級
戴均元
戴鴻慈
日講起居注官太子少保內大臣文淵閣禮部

閩事稽察欽奉 上諭事件處協辦大學士戶部尚書翰林院掌院學士欽此 臣等謹將內務府舊例黃旗滿洲都統辦事章程 謹管理戶

部三庫奉宸苑清漪園等處修理工程處御膳房御藥房太醫院西洋筆事務軍功司三級隨帶加二級等事加三級紀錄二十次陞英和

經筵講官太子太保禮部尚書上書房侍讀武英殿總裁管理國子監事務翰林院侍讀加三級紀錄四次日汪廷珍等奉

教修

嘉慶二年丁巳八月丁酉朔祭

先師孔子。遣成親王。永理行禮。○河東河道。

總督李奉翰奏報。碭山境內楊家壩河水漫

○溢命兩江總督蘇凌阿等馳往堵築。○

祭

大社

大稷遣怡親王永琅恭代行禮○免甘肅臯蘭

金靖遠隴西寧遠伏羌安定會寧通渭漳洮

平涼靜寧固原隆德鹽茶平番十七廳州縣

并沙泥州判所屬元年旱災額賦○己亥秋

分夕

月於西郊遣肅親王永錫行禮○調雲南臨元鎮總兵官田永桐為江南蘇松鎮總兵官以雲貴督標副將施縉為臨元鎮總兵官○庚子

上侍

太上皇帝御卷阿勝境賜扈從王公大臣蒙古王貝勒貝子公額駙台吉及入覲之青海輔國公格勒克喇布齊等二人烏梁海副都統

品級總管徹登丕勒等三人杜爾伯特扎薩克頭等台吉寶貝等三人食至甲辰皆如之○遣官祭

關帝廟○諭軍機大臣等賊匪在南漳保康房縣一帶滋擾約萬餘人王文雄帶兵一千餘名不敷勦辦現調山東兵一千五百名及惠倫等所帶東三省官兵景安當速帶赴保康南漳一帶幫同王文雄勦捕再賊匪中脅從附和者自必不少殲戮無遺心實有所不

忍若降旨宥赦恐愚頑無知轉似因賊數衆多難於勦淨意在撫安著傳諭領兵大臣於臨陣時作為己意准其自行投生如有拋去器械投順官兵者赦罪有幫助官兵擒賊者加獎○准湖北布政使祖之望在任守制以軍務需人故也○撥內庫銀三百萬兩解往湖北以備軍需○免陝西被賊滋擾之商南雒南山陽鎮安孝義洵陽漢陰八廳州縣本年額賦緩徵石泉南鄭城固洋畧陽寧羌沔褒城鳳九州縣本年額賦并咸寧長安富平涇陽三原高陵臨潼渭南藍田鳳翔岐山郿華大荔韓城蒲城華陰白水澄城永壽二十州縣帶徵乾隆六十年舊欠額賦○辛丑諭軍機大臣等現在山東曹縣黃河北岸又有漫溢之事運道所關不可不先事籌畫因思伊家河為宣洩運河漲水之路江南荆家橋亦係微山湖去路自應將二處廣籌疏洩著並傳諭蘇凌阿蘭第錫康基田伊江阿等

熟商籌辦。○准河南布政使吳璥在任守制以辦理軍務故也。○壬寅諭內閣。圖桑阿理應照擬發遣。伊犂但現派帶領黑龍江兵丁之員無多。姑念圖桑阿在烏里雅蘇台將軍任內止於姑容額勒春等。本身尚無過犯。著加恩賞給三等侍衛回京。俟烏爾圖納遜及黑龍江兵到後。分起帶赴軍營。勉圖報効。○以禮部左侍郎鐵保為滿洲繙譯鄉試正考官。工部左侍郎成德為副考官。國子監司業

堆齊為蒙古考官。○癸卯

孝淑皇后殯宮月祭。遣官行禮。○甲辰。以永定

河漫口合龍。道員方受疇等。下部議敘。○乙

巳。

太宗文皇帝忌辰。遣官祭

昭陵。○諭內閣。前因玉德於宣平縣知縣微浥

倉穀一案。叅奏遲延。降旨詢問。茲據覆奏。此

案因該縣交代時。值春雨連綿。不能即時盤

量。致逾兩月。又因宣平距省較遠。經兩司覈

明稟揭始行叅奏等語。倉儲關繫民食。縣令交代時。即應據實盤量。以昭慎重。即偶值春雨。亦何致遲逾兩月。宣平即距省稍遠。案由兩司查覈。但此案該縣係二月初二日交印卸事。該撫於六月二十九日始行叅奏。遲至四月有餘。是該撫既經遲誤於前。又復支飾於後。實屬非是。除將該縣革職勒賠外。玉德此奏。明係迴護前非。著同督催不力之道府一併交部分別議處。○調江西按察使陸伯

焜為浙江按察使。浙江按察使託倫為江西

按察使。○以廣西義寧協副將穆克登布為

左江鎮總兵官。○丙午。緩徵雲南神苗滋擾

之羅平。平彝。師宗。三州縣未完米折銀兩。○

丁未。

太祖高皇帝忌辰。遣官祭

福陵。○諭內閣。前因陸有仁停調撒拉爾回兵

一事。辦理錯謬。幾致貽誤。是以將該員革職

解京審訊。並令宜綿泰承恩。據實查奏。續據

宜綿等先後奏到。陸有仁因拘泥候旨於四月二十五日。檄令回兵暫停候信。旋於五月初一日。接到秦承恩知會。即飭令回兵。剋日起程。由小路兼程前進等語。今據委員將陸有仁解到。經軍機大臣嚴訊。所供情節。與宜綿等所奏尚屬符合。而檢查柯藩奏報之摺。此項回兵。由白馬關兼程前進。俱全數趕赴西鄉。經柯藩帶領剿賊。亦有案據。是此次所調回兵。雖經陸有仁停調於前。一得秦承恩

平定本二十一

六

知會。即催令兼程前進。僅遲五日。且俱已趕赴西鄉。經柯藩帶領剿賊。不致終於遲誤。其罪尚屬可原。陸有仁著加恩免其治罪。即發往四川軍營。交與宜綿令在軍需局効力贖罪。○諭軍機大臣等。邇來川楚各路賊匪奔竄。官兵分投剿捕。日久未能肅事。總由分撥堵截。以致兵力分而見單。現在添調官兵不下八千名。著傳諭統兵大員。不可隨到隨撥。務須全數齊集。相度機宜。探明首逆齊王氏。

平定本二十一

七

姚之富現在何路。即專向此路併力圍擊。肅清一路。再以次遞剿。無難逐漸蕩平。○又諭長麟等奏。據提伊特部落布魯特報稱。薩木薩克。鄂布拉散。約會喀爾提錦部落布魯特等率兵前赴喀什噶爾。現差弁兵前赴喀爾提錦之卡倫。安放地雷。并探明鄂布拉散由何路前來。已調各路滿漢官兵回兵備用等語。辦理未免張皇。薩木薩克通竄多年。窮蹙無依。今有此舉。或係伊等散布謠言。哄誘回衆。趁機搶掠。正在降旨諭知。又遞到長麟等奏報。薩木薩克尚無確信。及喀什噶爾回民安靜情形一摺。據摺內稱。授意官兵等令其故作聲揚。詐稱已調兵二萬餘名。俾知悚惕。長麟所見大錯。喀什噶爾聞有薩木薩克前來之信。正當加之鎮撫。使之毫無疑懼。乃令聞而驚悚。是欲安其反側。轉生愚衆猜疑。况新調各處兵丁。回衆等皆所聞知。又安用此虛聲恫喝之言。此奏殊不曉事。總之所調官

兵祇須在卡倫防堵不必遠出勒殺將此諭令知之○移駐河南上北河廳同知衙署於陳橋鎮從巡撫景安請也○賑四川被賊滋擾之通江開萬雲陽奉節巫山六縣貧民○戊申

上侍

太上皇帝御卷阿勝境賜扈從王公大臣及蒙古王貝勒貝子公額駙台吉年班外藩等食至辛亥皆如之○諭軍機大臣等王文雄所

帶兵力無多此次打仗殲賊多名甚屬出力但聞摺內賊匪向東南奔竄後王文雄如何帶兵追擊之處未據奏及仍著景安查明王文雄如果實在奮勇以少擊衆即加恩賞給提督銜僕所奏情形或有未實亦著查明據實具奏所有此次打仗受傷兵丁查明各賞一月錢糧又發去花翎五枝藍翎十枝著景安查明帶兵將弁及鄉勇等如有實在奮勇出力者傳旨分別賞給○己酉

太上皇帝萬壽聖節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

顯佑宮

東嶽廟

城隍廟○

上率扈從皇子及王公大臣官員蒙古王貝勒貝子公額駙台吉年班外藩使臣等詣澹泊敬誠殿行慶賀禮○勒保奏報勒淨雲南比

咱些色馬嶺。納麻。四寨賊巢。得旨賞賚。○庚戌。予浙江被風淹斃緝盜兵丁王喜等三名賞卹如例。○癸丑。賑廣西黔苗滋擾之西隆州六甲村莊貧民。○甲寅。緩徵湖北武昌漢陽黃州。荊州。荊門。五府州。歙收州縣新舊漕米。並本年漕項等銀。及荊州各衛所屯餉耗羨銀糧。截留湖南本年漕糧二十萬石。分貯武昌荊州。以備軍糈。○丙辰。遣官祭昭忠祠。○調吏部尚書沈初為戶部尚書。兵部尚書

朱珪為吏部尚書。仍暫署安徽巡撫。禮部尚書金士松為兵部尚書。轉都察院左都御史。紀昀為禮部尚書。以吏部左侍郎胡高望為左都御史。調工部右侍郎吳省欽為吏部右侍郎。以鑲白旗漢軍副都統范建中為工部右侍郎。○調工部左侍郎成德為吏部右侍郎。盛京工部侍郎泰寧為工部左侍郎。○以安徽布政使熊枝為刑部右侍郎。陝西按察使陳用敷為安徽布政使。已革刑部侍郎陸

有仁為陝西按察使。○以肅親王永錫為鑲藍旗漢軍都統。烏里雅蘇台將軍永琨為正紅旗蒙古都統。正黃旗護軍統領豐紳殷德兼正白旗漢軍都統。山海關副都統綿佐為正白旗護軍統領。兼正藍旗滿洲副都統。正黃旗蒙古副都統烏爾圖納遜。兼正藍旗護軍統領。德州城守尉韋陀保為山海關副都統。喀喇沙爾領隊大臣普福為鑲紅旗蒙古副都統。副都統銜綸布春為鑲藍旗蒙古副都統。工部侍郎泰寧為鑲紅旗漢軍副都統。鎮國公斌寧為鑲藍旗漢軍副都統。調錦州副都統台費蔭為鑲藍旗滿洲副都統。熊岳副都統慶玉為錦州副都統。荊州副都統德福為鑲黃旗漢軍副都統。以保定城守尉噶勒珠為熊岳副都統。右衛城守尉海興阿為荊州副都統。○丁巳。勒保等奏報攻克安有山梁。得旨賞賚。外委楊正明等升擢有差。○戊午。以武備院卿布彥達賚為鑾儀衛鑾儀

使○乙未

世宗憲皇帝忌辰遣官祭

泰陵○

上侍

太上皇帝詣

永佑寺行禮○命大學士和珅管理刑部毋庸

兼管戶部○調正黃旗領侍衛內大臣和珅

為鑲黃旗領侍衛內大臣鑲黃旗領侍衛內

大臣額勒登保為正黃旗領侍衛內大臣○

大學士誠謀英勇公阿桂卒晉贈太保賜祭

葬謚文成入祀賢良祠○以故雲南永北廳

屬永寧土知府阿啟昌子良輔襲職○賑安

徽宿靈璧泗五河盱眙五州縣被水災民並

緩徵鳳陽懷遠壽鳳臺四州縣村莊新舊額

賦○庚申

上侍

太上皇帝自避暑山莊迴鑾詣

文廟瞻禮

關帝廟

城隍廟拈香○命和珅仍兼理戶部○是日

駐蹕喀喇河屯行宮○辛酉賑山東曹單濟

寧金鄉魚臺五州縣並臨清衛被水災民緩

徵曹單濟寧金鄉魚臺嘉祥六州縣應徵漕

項銀穀並臨清衛本年漕糧額賦及民欠料

種銀穀並毗連災區各州縣成熟地畝額賦

○是日駐蹕常山峪行宮○壬戌諭內閣惠

齡等奏直隸正定鎮總兵明泰前因打仗左

腿受傷至今未愈等語明泰著准其回旗調

理現在隨同惠齡等帶兵副將內穆維觀祥

均屬出力穆維係直隸人未便補放直隸總

兵所有正定鎮總兵員缺著觀祥補授穆維

仍著加恩賞給總兵銜遇缺即補以示鼓勵

○是日駐蹕兩間房行宮○癸亥諭軍機大

臣等據長麟等奏探明薩木薩克確係被納

爾巴圖截回各緣由一摺此事祇係鄂布拉

散藉薩木薩克名目哄誘回衆希圖搶掠以

為報復之計。果不出朕所料。至納爾巴圖。雖情願派兵截擊。亦因長麟等所辦涉於張大。藉此見好。果係真心出力。則納爾巴圖有兵三萬。何難將薩木薩克等即行擊獲。但既懇為天朝出力。自應加獎。已另頒勅諭賞給貝勒銜。並賞寶石頂。三眼花翎。珊瑚朝珠。蟒錦閃緞等件。俾知感激。其出力之布魯特回子等。亦照所請加恩。至喀什噶爾業經寧謐。不特伊犁官兵應停。即葉爾羌烏什之兵。亦何須再留。長麟等惟當安撫回民。及眾布魯特等照常安業。綏靖邊疆。將此諭令知之。○是日。駐蹕要亭行宮。○甲子。遣官祭黑龍潭昭靈沛澤龍王之神。玉泉山惠濟慈佑龍王之神。○遣官祭賢良祠。○是日。駐蹕密雲縣行宮。○乙丑。緩徵江蘇山陽清河桃源安東鄭宿遷六州縣水災新舊額賦。○是日。駐蹕南石槽行宮。○丙寅。緩徵廣西省及各土司被苗滋擾地方本年額賦。○

是日。

上侍

太上皇帝還圓明園。○詣

安佑宮行禮。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十一

[illegible]

嘉慶二年丁巳九月丁卯朔

安佑宮行禮。○戊辰。勒保奏報攻克洞洒當丈。

苗寨生擒首逆王囊仙。韋七絡鬚殺賊千餘。燒斃賊衆萬餘。生擒男婦千六百名口。得旨嘉獎。晉封勒保三等侯爵。并諭軍機大臣等。此時首逆既擒。其附和苗寨。自必望風震懾。官兵乘勝直前。永豐冊亨之圍。自可不攻而解。但王抱羊一犯。與王囊仙俱係起事首逆。必當一併擒獲。勒保應趁此兵威。曉諭降苗。

清實錄
嘉慶二年九月

令其搜捕縛獻以淨根株其餘被脅悔罪苗民妥為駕馭安撫俾安生業將此諭令知之○戶部議覆閩浙總督魁倫奏調劑閩省鹽務一疏。請改奏期以資轉運而免誤課查閩省正課六月奏銷。溢課七月奏銷。閩省收曬全賴夏秋趕辦課項不能兼顧。應請展至十月十二月奏銷以資調劑。一場員請分別裁減以歸覈實。列嶼場大使准其改歸浯州總場於定額外酌加鹽一萬二千擔。蓮河地方准其增設大使一員。分管祥豐所轄西南茂林等處。定為調缺。其祥豐本缺改為簡缺。一商運溢引請展限帶徵。查閩省溢課請停徵三年。至次年分次帶徵。臣等接續算計。竟展至十年之久。懸宕已極。應毋庸議。得旨。閩省商運溢課既據該督奏稱從前場鹽絀產及海潮衝失等事以致誤運積欠。急應量為調劑以紓積困。所奏自係實在情形。著加恩准將該省商運各幫年行溢引自嘉慶三年

起應辦元年溢額停徵二年再展至嘉慶五年起將應徵溢課項下分作三年帶徵共限五年全行完款庶商力益臻充裕此係朕格外施恩該督等務須飭令依限全完不得再有懸宕致干咎戾餘依議○以生擒王囊仙等功已革總兵官永寧以副將用知府慶徠以道員用都司王宏信以遊擊用餘出力員弁下部議敘賞兵丁兩月錢糧○己巳

上御洞明堂勾到秋審官犯服制及新疆情實

罪犯停決官犯五人服制斬犯八十三人絞犯二人新疆絞犯一人餘十四人予勾○遣官祭

歷代帝王廟○諭軍機大臣等秦承恩奏賊匪由竹山竹谿竄至白河一摺現在陝省兵力無多雖有鄉勇一二萬人總須大員帶領昨據宜綿奏惠齡追剿賊匪已近陝境該處帶兵大員有惠齡慶成等多人莫若令恒瑞帶兵馳赴白河秦承恩與恒瑞併力迎擊扼

其北竄漢江之路防護白河洵陽將此諭令知之○旌表守正被戕廣東靈山縣民李萬籍妻黃氏○庚午賑江蘇碭山蕭二縣被水災民並蠲緩地丁漕糧有差免淮安徐州二府屬應徵米豆蘆課○壬申

上御洞明堂勾到雲南貴州廣西情實罪犯七十三人均予勾○遣官祭

都城隍之神○諭內閣向來軍營奏報打仗情形聲敘分路帶兵之員止列職分較大者

數人乃近日軍營奏報之摺有一路帶兵之員多至數十人者甚至將佐雜敘職千把微員概行敘入甚屬不合此等帶兵之員豈皆能奮勇出力不過帶敘其名為將來邀恩地步若果有超衆勇往之員原可覈實保奏但章奏自有體裁軍營統領大臣等惟知臚敘多人以為市恩濫保之地似此私心用事又安能專意辦賊是各處軍營歲事稽延大率實由於此著傳旨通行申飭嗣後不得仍前

濫保以免獎混而飭戎行○諭軍機大臣等宜綿奏攻克方山坪初聞似已得手及聞至首逆俱向通巴一路奔逸仍未就獲所奏多係空言此次打仗陣亡員弁多人兵勇亦有傷亡徒損兵力著傳旨嚴行申飭此時賊首既向通巴一路思與徐添德合影宜綿惟當緊躡賊蹤設法圍擒勿令會合德齡一路雖畧有斬獲而官兵竟有受傷陣亡者看來亦未得手著飭該員等奮力截擊至額勒登保攻破帽子山實不過因賊去後占據空山而首逆在逃賊匪四竄轉須處處派兵堵截又致百姓遭其蹂躪實堪憤懣額勒登保等務當自知愧奮迅將賊首擒獲並將餘匪掃除尚可稍贖前愆著各傳諭知之○以內閣學士薩敏為盛京工部侍郎○命翰林院編修周厚轅在上書房行走○賞攻勦四川方山坪兵丁一月錢糧○癸酉

孝淑皇后殯宮月祭遣官行禮○定婦人因姦

殺子入情實例諭內閣本日閱四川省情實人犯招冊內廖氏與滕義懷通姦因庶長子周應鶴防範嚴密該氏商同姦夫將周應鶴殺斃一起將廖氏依嫡母因姦故殺庶子其夫不致絕嗣擬以絞候永遠監禁又殷氏因與周三耀通姦將伊子勒斃一起將殷氏依親母因姦故殺子女例擬絞因伊夫業經絕嗣入於秋審情實固屬按例辦理但細數前起案情廖氏與滕義懷通姦被周應鶴撞破以顏面攸關遂爾隱忍該氏戀姦情密因伊子防範嚴密不能續舊遂起意商令姦夫滕義懷在牆外撒土該氏詭稱有賊喊令周應鶴往視滕義懷即用刀將周應鶴立時戳斃是其子尚有愛父之心而此婦淫邪乃忘其夫殘忍不仁實出情理之外婦道以節義為重若身犯姦淫罔顧廉恥甚至因伊子礙眼殺以滅口是於夫婦之倫既乖即於母子之恩已絕無論準以母出廟絕之義即不得復

拘泥其夫有無子嗣成例。分別辦理。况嫡母之於其子。本非所生。與親母究覺稍閒。若於此不大為之防。則淫邪之婦。恃有名分。戀姦逞殺。實不足以維風化而飭綱常。嗣後婦人因他故起釁。故殺其子者。自當仍照舊例辦理。外其因姦殺子者。毋論嫡母。親母。繼母。嗣母。俱照例分別斬絞。不論其夫有無子嗣。皆入於秋審情實辦理。其永遠監禁之條。即著刪除此案。廖氏已飭照此旨改擬。以示防維。名節懲創邪淫至意。著為令。○諭軍機大臣等。魁倫奏投首洋盜李發枝。現委員送京。其餘發往不近海洋省分。惟蔡阿四等十名。仍不安分。已飭臬司鎖禁等語。該犯等俱籍隸閩省。今於本省監禁。恐其舊時夥黨。於獄內勾結往來。別滋事端。該督務飭臬司將該犯等嚴行鎖禁。加意防範。以免疏虞。儻該犯等或在囹圄仍不安靜。該督即當據實奏聞。將該犯等改發黑龍江。給索倫達呼爾為奴。如

續有投首盜犯。均著照此留心辦理。至閩省洋面。自李發枝投首後。較前已漸寧戢。著傳諭魁倫。仍督飭在洋巡緝。各鎮將嚴密緝捕。以靖海疆。不可日久生懈。將此諭令知之。○戶部議覆陝西巡撫秦承恩奏請截留難民搭棚棲止。散給口糧。被害良民大口給銀二兩。小口減半。均應如所請。從之。○撫卹浙江臨海寧海黃巖太平定海象山玉環七廳縣被水災民。並緩徵新舊額賦。緩徵歸安德清烏程三縣水災本年額賦。○甲戌。上御勤政殿聽政。○御洞明堂。勾到廣東情實罪犯。停決斬犯一人。餘一百五十七人予勾。○諭軍機大臣等。注新秦施南地方。又有賊匪滋擾。雖經派副將樊繼祖帶兵前往。但兵力無多。額勒登保等於辦竣帽子山竄匪後。自應就近移師往剿。將此諭令知之。○乙亥。免直隸良鄉宛平通寶坻武清霸文安固安八州縣水災本年額

賦十分之一。並緩徵新舊額賦。緩徵涿。香河。薊。三河。東安。永清。保定。清苑。新城。雄。高陽。蠡。安。冀。衡水。武。邑。寧。晉。隆。平。獻。肅。寧。安平。大城。二十二州縣本年額賦。○丙子。

上至靜安莊

孝淑皇后殯宮前奠酒。○還宮。○以勦辦狎苗節次打仗守城功。賞叅將七格。都司馬崇德。守備唐心舜。巴圖魯名號。道員王朝梧。知府翁元圻。叅將孫大猷。遊擊陳耀先。和舜。武都司李耀先。海齡。阿。田。中。桂。守備劉貴林。張維紀。花翎。同知宋鐸等。藍翎。知縣許雲霄等。升賞有差。○丁丑。

上臨故大學士公阿桂第賜奠。○幸圓明園。○諭內閣。御前侍衛公惠倫。前經派往軍營打仗殺賊。頗為奮勇。茲在長坪地方勦捕。因射賊墮馬。正欲趕擒。忽中賊鎗陣亡。惠倫係奎林之子。繼與明瑞為嗣。明瑞從前亦係陣亡。父子效命疆場。實為可憫。著交部從優議卹。

仍由廣儲司賞銀三千兩。給伊家屬辦理喪事。其應襲公爵。即著伊子博啟圖承襲。俟百日服闋後。著在御前侍衛上行走。以示朕軫卹。蓋臣至意。○明亮等奏。勦捕川楚教匪督辦糧餉打仗出力員弁。加侍衛溫春。副都統銜。在領隊大臣上行走。賞侍衛鄂爾綏。遊擊蕭福祿。守備馬應國。巴圖魯名號。協領福奎。佐領德寧。阿。副將劉廷基。遊擊伯明。都司馬良棟。王含。索諾木。文照。花翎。候補同知陳桂生等。藍翎。餘升賞有差。○予故鎮國公永珊祭葬如例。○戊寅。

上問

太上皇帝安。○勒保奏報進攻巴林苗寨擒獲首逆王抱羊。吉慶奏報。勦除賊苗。收復冊亨。均得旨獎賚。賞叅將六十一。花翎。餘出力員弁。下部議敘。○己卯。以頭等侍衛舒亮為鑲藍旗護軍統領。○旌表守正被戕江西金谿縣民女蔡氏。○辛巳。勒保等奏報洞洒當丈。

兩處逆苗。勦除淨盡。賞總兵官書磨副將王格。文光。康世貴。花翎。知縣程卓樑等。藍翎。餘升賞有差。○改貴州永豐州為貞豐州。嘉其前被苗匪攻圍。官民固守功也。○免山西新平口外莊頭地畝租銀及隨徵差銀。○壬午。諭軍機大臣等。現在明亮。德楞泰等。屢殲賊衆。軍威已振。又調往之吉林官兵。俱已到彼。明亮等正可馳驟殺賊。惟是賊匪見官兵聲勢浩大。自必紛竄狂奔。該督等務須探聽賊蹤。設法布置。豫行堵截。使賊匪無從乘閒奔竄。明亮等得以盡力勦殺。再於新到官兵內。派令得力將弁。分帶勁兵。繞出賊前。首尾合擊。自更可事半功倍也。又道員保定。節次堵禦出力。加恩賞戴花翎。再川楚陝西等省。被賊蹂躪地方。屢經降旨。令該督撫加意撫卹。此時賊匪奔竄焚掠。難民必多失業。若不妥為安撫。轉恐去而從賊。並著該督撫等。督飭所屬實力撫卹。毋任流離失所。將此各諭令

知之。○癸未。

上御洞明堂。勾到四川情實罪犯。停決斬犯六人。餘一百二十七人予勾。○命嗣後繙譯鄉會試同考官。該堂官於保送時。將上科甫經點派各員查明扣除。從御史繼善請也。○予湖北查角石陣亡投効縣丞林江。祭葬世職如例。○緩徵安徽合肥。定遠。巢。來安。全椒。壽六州縣旱災新舊額賦。○甲申。命兩江總督蘇凌阿。為大學士。調河東河道總督李奉翰。為兩江總督。兼管南河事。以江蘇巡撫康基田。為河東河道總督。調福建巡撫費淳。為江蘇巡撫。以福建布政使汪志伊。為巡撫。○乙酉。上御洞明堂。勾到福建。奉天。情實罪犯。停決福建斬犯二人。絞犯一人。奉天斬犯二人。絞犯一人。餘七十一人予勾。○諭內閣。向來大逆緣坐人犯。刑部等衙門按律定擬斬決者。俱從寬改為監候。但此等人犯。久禁囹圄。難免

親戚往視別滋事端。所有從前及嗣後大逆緣坐人犯俱著發往黑龍江給索倫達呼爾為奴。既可省監獄防範之煩。而該犯等發往為奴又不致日久復生萌蘖。○以湖北按察使高杞為福建布政使。調山東按察使張長庚為湖北按察使。以山東登萊青道荆道乾為按察使。○緩徵甘肅皋蘭武威永昌鎮番古浪平番寧夏靈八州縣及花馬池州同所屬旱災本年額賦。○加賞廣寧門外普濟堂

賁賑小米三百石。○丁亥

上御洞明堂。勾到陝西浙江情實罪犯停決陝西斬犯三人。絞犯二人。浙江絞犯一人。餘一百三十二人予勾。○調雲貴總督勒保為湖廣總督。以湖廣提督鄂輝為雲貴總督。○戊子。諭軍機大臣等。黔粵狎苗業已全行戡定。其搜捕零星餘匪及安撫各處苗寨易於辦理。狎苗自滋事以來人數之多誅之不可勝誅。其餘附從各苗寨如有反側難信之人亦

應分別發往黑龍江及回疆地方安插。不可留於本處。若實係投誠可信即當加之撫輯。以靖苗疆。將此諭令勒保吉慶知之。○旌表守正捐軀安徽亳州民耿文元妻桑氏。○己丑

上御洞明堂。勾到湖廣江西情實罪犯停決湖廣斬犯五人。餘一百一十一人予勾。○諭軍機大臣等。竄匪屢撲江岸希圖搶渡。經恒瑞截殺向南岸大山竄逸。該處路徑分歧。漢江

南岸渡口甚多。若官兵直前邀截。賊匪或繞至江岸上游。仍可乘閒涉淺偷渡。恒瑞秦承恩等當隨時察探賊蹤。設法勦擊。並嚴飭地方官防堵。又汪新奏奉節賊匪竄至利川利川與巴東接壤。額勒登保追勦林之華等尚不能即時就擒。加以由川竄來萬餘賊匪更恐不足倚恃。樊繼祖朱廷荃皆係營員。彼此不相統屬。且兵力無多。調度乏人。朕深為懸慮。著景安即同愛星阿酌帶直隸山東山西

新到各兵。速赴施南利川。督率樊繼祖等。將此股匪徒迅速殲擒。將此各諭令知之。○庚寅。諭軍機大臣等。宜綿奏請於四川陝甘共添練備戰兵二萬名。湖北河南各添五千名。分營操演。其言似屬近理。然摺內稱一月招募。兩月勤操。又稱一兩月內賊匪全清。此種戰兵。仍可放歸本業。殊屬自相矛盾。試思招募既需一月。訓練又復多時。然後調至軍營。尚有數月之久。宜綿竟坐待新兵。不思進討乎。但四川陝西湖北交界處所。曾經賊匪滋擾。而甘肅地處邊陲。河南與陝楚毗連。防兵較少。自應酌量增添。況現在鄉勇日支口糧。與兵丁相同。而繩以部伍。究非紀律之師。其有畏縮不前。或未便遠治以軍法。轉不若挑充入伍。既於經費不致虛糜。而於軍令亦可整肅。且多一兵丁。便少一鄉勇。即遊手無藉之徒。一經招募入伍。可資約束。如軍務告竣。或挑補營額。或散令歸農。其事尚屬易辦。四

平定人三十一

三十一

平定人三十一

三十一

川著交宜綿。湖北交勒保。汪新。陝西交秦承恩。柯藩。即照所請之數招募。其河南甘肅著景安。英善。體察情形。酌量增添。必須實力訓練。可期實效。儻將來不能得力。則惟該督撫是問。○吏部以大學士蘇凌阿。應定何殿閣請。得旨著為東閣大學士。○調江南提督王柄為湖廣提督。以山東兗州鎮總兵官富成為江南提督。○旌表守正捐軀江西安義縣民羅海文妻陳氏。羅勝章妻林氏。○辛卯。調山東登州鎮總兵官許世臣。為兗州鎮總兵官。以膠州協副將穆維為登州鎮總兵官。署廣東潮州鎮總兵官路超吉。為湖北襄陽鎮總兵官。○緩徵山東城武。鄒。滕。嶧。四縣水災本年漕糧。○壬辰。以故喀爾喀賽因諾顏輔國公達什多爾濟子呢瑪襲爵。○癸巳。孝慈高皇后忌辰。遣官祭福陵。○上還宮。○諭軍機大臣等。姜晟奏續獲芷江縣

案內傳教及緣坐要犯一摺。此案郭貴山等傳習邪教。前經該撫拏獲分別辦理。因傳教之郭學勝。住居湖北來鳳縣地方。復密派幹員拏獲。所辦甚好。至地方遇有邪教。固應留心查辦。淨絕根株。儻胥吏人等借此訛詐。擾及閭閻。甚或地方鄉勇挾仇報復。任意誣扳。轉致激成事端。亦屬不成事體。該撫尤當轉飭所屬嚴禁胥吏鄉勇人等。勿任藉端擾累。以靖地方。而副委任。將此諭令知之。○又諭

實錄卷五十五

主

聞近日賊匪每至一村莊。先將年壯平民逼令入夥。一遇官兵。輒令入夥之人當先抗拒。賊匪隨後接應。若當先者被兵勦敗。賊匪即乘閒先竄。官兵則隨後殺掠報功。節次摺內所稱殺賊無數者。大抵皆係逼脅平民。而真正教匪早已遠颺。所以日久不能成功。而新起入夥之賊。未必不由官兵驅迫所致。於事大有關係。著傳諭帶兵各大員。或於勦賊之前。通行示諭。臨陣時再傳朕旨。諭以爾等被

賊逼脅。本係無罪平民。與其為賊先驅。致遭殲戮。何不拋棄兵械。投順官軍。即得生路。或再能反戈勦賊。並可仰邀恩賞。庶被賊逼脅者。自不肯仍前為賊前驅。臨陣時亦必多有解散。方可痛殲賊衆。仍當嚴束士卒。秋毫無犯。方無忝將帥之任。儻經此次開導後。仍有前項情弊。伊等不但無功。並當重治其罪。凜之慎之。○以故輔國將軍綿齡子奕煌襲奉恩將軍。○撥部庫銀二百萬兩。解往陝西。以

實錄卷五十五

本

備軍需。○

上以孟冬時享

太廟。自是日始。齋戒三日。○甲午。諭內閣。此次川省奉節賊匪。竄入楚北利川境內。經汪新派令副將樊繼祖。統兵堵勦。並令恩施利川二縣。約會川省奉節縣曉諭居民。同心併力。會合奮勦。旋經各該縣尹英圖。陳春波。周景福。會同千總等。共相激勸。督率三縣士民。殺死賊匪一千數百餘名。生擒賊目四十餘名。

又因賊分兩股奔竄。兵勇亦分兩路追剿。復殺賊二千餘名。生擒二百二十餘名。所辦實屬可嘉。除汪新等已另加優賚外。該省錢糧前已有旨普行寬免。此次恩施利川二縣。及川省奉節縣鄉勇士民。均能齊心奮勇。同深敵愾。著加恩將該三縣應徵錢糧。再行蠲免一年。以示獎義推恩至意。○諭軍機大臣等。姚之富。齊王氏。尤為賊首中緊要之犯。明亮。德楞泰。總當確探二首蹤跡。專心設法擒獲。

實錄卷三十三

无

此外四川賊首徐添德。王三槐。羅其清。冉文。儔。責成宜綿。巴東賊首林之華。覃加耀。責成額勒登保等。老木園賊首。責成觀成。劉君輔。安康賊首李全。責成惠齡。恒瑞。慶成。彼此各辦各賊。不拘何路擒獲賊首。即屬該處帶兵大員之功。何路任賊首縱逸。即係該處帶兵大員之罪。將此各諭令知之。○以勦除利川奉節賊匪功。賞知縣尹英圖。周景福。陳春波。知府銜。擢千總劉忠魁為都司。外委劉文玉。

為守備。○緩徵齊齊哈爾。打牲烏拉。旗人應還倉穀。○乙未。

孝敬憲皇后忌辰。遣官祭

泰陵。○諭內閣。畢沅前在湖廣總督任內。辦理苗疆及教匪事務。失察之處甚多。功過尚待定論。竟不必與諡。○緩徵直隸天津。青。靜海。滄。四州縣水災。本年額賦。並旗租倉穀。○命五城於冬春二季設廠煮賑。

實錄卷三十三

无

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十二

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十三

嘉慶二年丁巳冬十月丙申朔享
上親詣行禮○遣官祭
永陵
福陵
昭陵
昭西陵
孝陵
孝東陵
景陵

泰陵

泰東陵○遣官祭

孝賢皇后

孝儀皇后陵寢○遣官祭

孝淑皇后殯宮○遣官祭

端慧皇太子園寢○

上幸圓明園○問

太上皇帝安○頒嘉慶三年時憲書○戊戌

上侍

太上皇帝詣

恩慕寺

恩佑寺行禮○己亥

上以萬壽節侍

太上皇帝御同樂園賜王貝勒貝子公文武大

臣等食至辛丑皆如之○諭內閣李奉翰奏

隨營辦差勤奮出力之員請分別加恩一摺

知府銜同知龔士燦同知徐端著加恩賞戴

花翎通判長生著加恩賞戴藍翎但李奉翰

祇係在沿江北岸一帶督率防堵並未打仗其隨營人員非有出衆勞績因念李奉翰在彼防堵尚為認真是以姑准所請嗣後不得復有干瀆致滋冒濫○明亮等奏追勦敗竄賊匪自楚入陝經過被擾村莊有房屋為賊焚燬者有蓋藏一切為賊搜劫無遺者有男婦人口為賊擄脅前去者情形殊堪矜憫此時已經被擾之處急須安頓撫卹未經被擾之處急須布置堵剿使賊匪無從劫掠查各

州縣在城之民城池足為保障至村莊市鎮本屬散處僅恃一二隘口鄉勇防護或相離較遠猝然遇警不及應援或山路分歧有一二處設堵未遍賊已闖入年餘以來百姓往往一聞賊至倉皇躲避糧食衣物即為賊有其躲避稍後者該匪既劫其物並擄其人甚至備衛之火藥器械反以濟賊而該匪每到一處有房屋以供棲止有衣食以濟飢寒有勾結逼脅之人為之引道路而供負戴以是

屢經勦殺而夥黨不加少為今之計欲籌卹難民而困賊匪莫若飭附近有賊地方州縣於大市鎮處所勸民修築土堡環以深寬濠溝其餘散處村落酌量戶口多寡以一堡集居民三四萬為率因地之宜就民之便或十餘村聯為一堡或數十村聯為一堡更有山村窩遠不能合併作堡者即移入附近堡內所有糧食牛豕什物一併收入被難民人即於其中安置搭蓋草棚賊近則令各戶壯丁

日夜更番守禦賊遠則仍不禁其出入俾得無誤耕作該壯丁各保身家巡防自必奮勇壯丁不足更於難民中擇其驍健者充當鄉勇酌給口糧即以代賑每堡派文武妥員二三紳士耆老七八人為之董率彈壓如此防範未被難之戶得有捍禦已被難之民得謀食息且收養堡內之人戶口有稽不特可免流離抑且賑無冒濫入其中有一二小曾經入教首鼠兩端者亦皆有所拘束不致

附和勾結設賊匪竄至溝壘森嚴難以衝突
 矧各堡以逸待勞併力抵禦賊匪處處受敵
 而人民不為逼擄糧食牲畜不為搶奪火藥
 器械不為掠取該匪將必飢餓窮蹙料難仍
 前四竄加以勁兵雲集併力兜擒定能按股
 殲除似於禦賊安民之道均有裨益奏入諭
 軍機大臣等明亮等奏令川陝楚三省州縣
 相地設堡閱之非不近理但以事勢而論實
 為迂緩難行地方屢被賊匪蹂躪即欲築堡
 保護亦屬無及若賊匪已離之處流散難民
 方且安撫之不暇豈可復興此役致勞民力
 且滋驚擾即如湖北襄鄖等處現據汪新奏
 被難民人紛紛復業搭棚收養給予口糧是
 難民甫免流離正當招徠安集俾得各安生
 業設又令興築土堡團守則民人既被賊擾
 於前又苦官迫於後欲息民而轉以勞民有
 是理乎況此等事宜本係地方官之責或秦
 承恩汪新等尚可籌辦及此明亮德楞泰係

清 實 錄 嘉慶二年十月

統兵大員惟當以殺賊擒渠為事今乃舍其
 急而圖其緩於軍務未免分心明亮等著傳
 旨申飭○以陝西巡撫秦承恩在興安督兵
 堵剿出力加恩賞還翎頂○辛丑

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

顯佑宮

東嶽廟

城隍廟○

上率皇子。貝勒貝子。令文武大臣官員等詣

正大光明殿

太上皇帝前行禮禮成

上御座皇子。貝勒貝子。令文武大臣官員等

行慶賀禮○壬寅

孝淑皇后殯宮月祭遣官行禮○癸卯諭軍機

大臣等據宜綿奏巴州通江被賊蹂躪該州

縣本有應得之罪姑念該二處本無城垣而

該州縣又能督率鄉勇奮勉防守尚無退縮

情事俱著從寬免其治罪暫予留任令其帶

罪立功至王三槐徐添德再文儔羅其清係

宜綿等未能擒獲致令他竄以致四首逆會

合一處宜綿等本有應得之罪但現在失守

之州縣等俱已暫免治罪該督等正當勦捕

喫緊之際功過尚在未定宜綿等惟當倍加

奮勉速將首逆全擒尚可將功抵罪將此諭

令知之○乙巳

上侍

太上皇帝詣

大高殿

壽皇殿行禮○還宮○丙午調兵部侍郎傅森

為戶部侍郎以廣西巡撫成林為兵部侍郎

○緩徵湖北天門松滋公安石首四縣水災

本年漕糧○丁未諭內閣吉慶奏廣州駐防

漢軍孤貧人口請給銀養贍等語從前漢軍

八旗未定養育兵之例原因彼時孤貧無多

每月於官兵月餉內勻攤已數周卹今生齒

日繁若仍於月餉勻扣官兵轉致拮据該督

查有糧道衙門普濟堂經費項下每年盈餘

較多請於此項內每月按名撥給尚係以公

濟公著照所請賞給每月每名銀一兩以資

養贍而示體卹○賑湖北江陵監利荊門當

陽四州縣被旱災民○辛亥以湖南永州鎮

總兵官蘇靈為廣西提督貴州定廣協副將

巴圖什畢為永州鎮總兵官○壬子

上奉

太上皇帝命遣大學士劉墉為正使禮部左侍郎鐵保為副使持節齎冊寶冊封

貴妃鈕祜祿氏為

皇貴妃

勅曰全付有家必資賢於內助聿綏多福宜佐治於中闈矧訓政之方長尤承歡之攸贊爰循茂典式舉彝章爾貴妃鈕祜祿氏華胄鍾祥德門毓粹早依光於桂邸敬慎恒昭嗣領

秩於蘭宮溫恭愈懋問安侍膳時襄溫清之文獻繭稱絲夙樹儉勤之本用載揚夫蕙問鏐蘭升華佇特晉於椒塗祿衣作則茲封爾為皇貴妃錫之冊寶爾其麻承滋至彌隆尊養之誠化裕始基並著諫和之範尚徽柔之允叶體順垂模期蕃祉之備膺含章播譽克衍坤元之慶倍徵泰運之亨欽哉○諭軍機大臣等哈當阿等奏臺灣猝被颶風吹損晚稻民居一摺臺灣瀕臨海洋颶風本所常有

此次風勢猛烈致吹損禾稻刮倒房屋壓斃人口殊堪憫惻哈當阿等務須查明戶口並成災分數應行蠲緩之處據實奏明辦理其坍塌民房照例給與修費總期各使得所不可靳費所有應需賑卹銀兩即於藩庫內動項撥解以資接濟至臺灣地方全藉晚收以資口食今猝被颶風糧價未免增長此或由朕政事有闕失或愚民等平日不能共敦淳厚感召祥和致有此災此時斷不可稍存怨

尤之念惟當省過學淳又臺灣一歲三收今北路嘉義彰化等屬雖晚稻多有損壞而南路臺灣鳳山等縣受風較輕地瓜番薯雜糧等項尚可收當勸諭居民廣為播種亦足以資民食且風災過後勤於耕種來春仍可稔收尤當及時力作不可稍有怠惰再福興漳泉四府夙藉臺米接濟今臺灣既被風災目下僅堪自給明歲春收後或米穀充盈可以運售內地固屬甚善儻無餘米可運魁倫

等惟當於各屬豐收之處豫為籌備並勸令百姓等撙節衣食家有儲蓄不可再將米穀釀酒花費致鮮蓋藏豫為明歲之備即內地四府亦當勸諭上游豐收各屬有無相通隨時販運以期民食有資不致缺乏方為妥善將此傳諭知之○癸丑

上御懋勤殿勾到安徽江蘇河南情實罪犯停決安徽絞犯二人江蘇絞犯一人河南絞犯一人餘一百四十九人予勾○諭內閣宗人

府奏請將尚未服闋之筆帖式靈椿暫行委署主事俟二十七月滿後再咨吏部照例辦理等語所奏非是滿洲丁憂人員雖有百日滿後當差之例但遇有升選缺出向不准其保奏況此等微員闔署人數眾多豈無合例堪保之員何必破例具奏若此例一開則各衙門從而效尤將來紛紛奏請於行政教孝之道殊有闕礙所奏不准著飭行該衙門另揀合例之員帶領引見並通諭各衙門一體

遵照以示整飭敦本至意○予河南陣亡守備楊君翼千總林元居祭葬世職如例○乙卯

上御乾清門聽政○以詹事府少詹事成書為詹事通政使司副使初彭齡為光祿寺卿○轉戶部右侍郎台布為左侍郎以新授之傅森為右侍郎○以調任貴州布政使賀長庚綜理糧餉三年無誤賞花翎○命改貴州安籠鎮為安義鎮以管轄安順南籠二府南籠已改名興義故也○旌表守正捐軀山東金鄉縣民楊開太妻李氏○丙辰

上御懋勤殿勾到山東山西情實罪犯停決山東絞犯二人山西絞犯三人餘一百四十七人予勾○諭軍機大臣等昨明亮等奏黑龍江官兵暫留竹谿之保豐場駐紮固為豫防賊匪折回起見但此項勁旅不以之打仗殺賊轉在後路閒駐究屬非策著烏爾圖納遜等即帶領迅往軍營勦賊至所稱賊匪現竄

路徑皆係崇山小道。騎馬官兵恐易疲乏。一語尤屬非是。黑龍江官兵皆生長山野。能耐勞苦。登陟是其所長。況該處原有之兵與賊匪同係川楚百姓。何以賊能來去自如。而兵丁一遇險阻。遂不能追躡。無此情理。即或帶兵大員。不肯率先試險。豈有兵丁等亦不能奮力先登。明亮德楞泰等先設此語。以為尾追地步。大非屬望之意。務須據發天良。倍加振作。鼓勵官兵。直前奮擊。不可以此藉口。又

復遲延。將此各諭令知之。○予廣東出洋淹斃叅將王國泰。鍾光耀。千總徐泰來。祭葬世職。如傷亡例。○旌表守正被戕四川萬縣民劉添才妻陳氏。○是日。

乾清宮

交泰殿災。○丁巳。

上問

太上皇帝安。○諭內閣。內務府大臣將失火延燒之太監及失於稽察之總管首領太監等。

分別治罪。一摺。宮禁重地。該太監等不能小心看守。以致失火延燒。獲罪甚重。本應照擬嚴辦。朕仰體

上天好生之德。量予從寬。所有原擬絞決之太監郝士通。著改為應絞監候。秋後處決。原擬絞候之首領太監張士太。劉順。王進祿。著免死。發往黑龍江。給索倫達呼爾為奴。原擬發遣之散衆太監二十二名。均著免其發遣。此內李從祥。孫天成。二名。係專管東暖閣之人。

著重責四十板。發往吳甸銅草三年。張寬等二十名。俱重責四十板。交總管分撥當差。効力。至專管之總管太監顧進朝。著革去總管。仍回瀛臺。在太監上當差。並罰錢糧六年。總管太監蕭得祿。張進喜。劉芳。佟安。佟玉。明雖均係總管。究非專司。俱免其革去頂帶。仍各罰錢糧四年。以示薄懲。尋又命軍機大臣傳諭刑部。將太監郝士通。發往黑龍江。給打牲烏拉索倫達呼爾為奴。○諭軍機大臣等。向

來忌辰禮部例應進單明年二月初七日

孝淑皇后忌辰祇須在朕處進單

太上皇帝御前不必進呈又是日各部院大小

官員在衙門辦事者照常穿用素服其在

太上皇帝前隨侍行未及伺候

召見引

見者照常穿天青褂挂用朝珠○戊午

上御懋勤殿勾到直隸情實罪犯停決斬犯一

人絞犯一人餘八十九人予勾○予遇賊捐

軀湖北知縣莊紉蘭祭葬卹廕如知州例○

予河南捕盜被戕外委向得琳祭葬世職如

陣亡例陝西陣亡外委王燦祭葬世職兵丁

盛朝宣等三十名賞卹如例○己未

上御懋勤殿勾到朝審情實罪犯停決官犯一

人絞犯五人餘十六人予勾○惠齡奏報堵

勒漢江一帶賊匪得旨獎賚賞還惠齡雙眼

花翎餘議敘賞賚有差賞兵丁一月錢糧○

予四川陣亡兵丁周順等二百三十五名賞

卹如例○庚申賑安徽合肥定遠二縣被旱

災民並緩徵巢來安全椒壽四州縣衛新舊

額賦○辛酉諭軍機大臣等據宜綿奏現在

勒捕賊匪處處需人調度請另簡大員料理

地方事宜以便專心辦理軍務鄂輝現已抵

黔著勒保交代後即由驛馳赴川省總統軍

務但勒保此時輕騎減從並無隨帶之兵經

由秀山一帶與聞萬等處附近該處現有新

起之賊勒保沿途行走務須倍加慎重不可

大意現在額勒登保等在恩施一帶勒賊即

於途次飛咨額勒登保等儻該處賊匪業經

勒淨即約會一同赴川若尚未藏事該處一

路現有兵八九千名額勒登保等即酌分一

二千名交勒保帶領前赴川省該督馳抵軍

營後惟當督率將領官兵大示懲創俾知儆

懼不可稍存姑息之念如有觀望逗遛情弊

即當據實參奏將此傳諭知之○明亮等奏

報截勒湖北鎮坪賊匪賞佐領扎克丹保巴

圖魯名號協領德楞太佐領穆騰額花翎驍
騎校巴彥保等藍翎○以健銳營翼長七十
五為西安右翼副都統○予貴州從征陣亡
苗兵龍老包等七十九名賞卹如例○癸亥
調鑲白旗滿洲副都統富尼善為密雲副都
統密雲副都統觀音保為鑲黃旗蒙古副都
統○甲子以

園丘大祀致齋前期命

皇次子

實錄卷五十五

十一

孝淑皇后殯宮行冬至祭禮○乙丑

上侍

太上皇帝詣

奉先殿

壽皇殿行禮

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十三

實錄卷五十五

十一

司獄司印信添建松桃廳經歷衙署從巡撫
馮光熊請也○己巳冬至祀

天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢○問

太上皇帝安○停次日朝賀○旌表守正捐軀

浙江青田縣民陳克忠妻周氏○庚午諭軍
機大臣等明亮等於樹河口等處得勝之後
僅分路搜剿敗逃餘匪其賊首姚之富李全
齊王氏究竟是分是合或已竄往何處摺內
均未提及現在勁兵健馬俱在明亮等一路
全望伊二人迅擒賊首若似此漫無主見徒
事追剿餘賊置正賊首於不問惟知隔數日
以一奏搪塞大非朕屬望之意著傳旨嚴行
申飭此時烏爾圖納遜等已由興安前赴紫
陽正可迎擊而惠齡恒瑞慶成亦在石泉漢
中一帶皆當察探賊首所在奮力截擊不拘
何路能將姚之富李全齊王氏拏獲即係何
路帶兵大員之功不可不倍加奮勉也將此
各傳諭知之○壬申

孝淑皇后殯宮月祭遣官行禮○癸酉諭內閣
額勒登保等奏糧道舒明阿辦理糧運未
能源源接濟軍火亦有缺乏請拔去花翎示
儆等語現當勦捕賊匪喫緊之時軍火糧運

關繫緊要。豈容稍有遲緩。舒明阿係派委專管大員。未能催趲供支。致有缺乏。豈僅拔去花翎所足蔽辜。舒明阿著革職拏問。即令汪新派委妥員解京。交軍機大臣會同刑部嚴審定擬。以示懲創。○恒瑞等奏報渡江截剿竄匪。得旨獎賚。賞佐領佛爾慶額雲騎尉。安慶巴圖魯魯名號。土都司韓光澤。花翎千總李興政等藍翎。撒拉爾回兵。一月口糧。○甲戌遣官祭

先醫之神。○增復四川梓潼縣學取進文武生各十名原額。並增廩生增生額五名。仍二年一貢。從前代辦四川總督刑部右侍郎英善請也。○乙亥。諭軍機大臣等。據富俊奏。接奉前降禁止商販越境與外夷交易諭旨。土爾扈特。杜爾伯特。皆情願停止交易等語。前據永琨奏。科布多所屬杜爾伯特等遊牧處貿易商販。難以禁止。朕尚以富俊所辦拘泥降旨申飭。今披閱伊摺。似屬近理。因問及拉

旺多爾濟。據稱土爾扈特。杜爾伯特。均係新近投誠。其情形非喀爾喀蒙古等可比。喀爾喀蒙古遊牧及科布多城內。尚可任商民交易。至邊遠土爾扈特。烏梁海等遊牧。若不禁止交易。久之必於蒙古有損。以此觀之。永琨前奏。祇就喀爾喀情形而言。並未計及新近投誠之蒙古。今土爾扈特。杜爾伯特。扎哈沁。既皆呈具印文。情願禁止商販。若強令交易。此等商販。以重利侵漁蒙古。必至積不能堪。又如苗境互相爭訟矣。朕意以富俊所奏為是。永琨係朕近支。富俊受朕深恩。簡用至叅贊大臣。乃因此事不睦。各自陳奏。徒勞朕心。除將永琨富俊俱著申飭外。此事即照富俊所奏辦理。以期經久無弊。嗣後永琨富俊若因此挾嫌動輒兩議。致公務稍有貽誤。朕必將伊等從重治罪。併將富俊奏摺抄寄永琨閱看。○旌表守正捐軀直隸永年縣民武好新妻李氏。○丙子。諭軍機大臣等。惠齡奏迎

擊竄匪。馳抵西鄉。保護縣城。殺賊一千餘名。所辦甚好。惠齡等因賊供尚有沿江一股。將到西鄉。即在該縣駐守。以防東西兩路竄匪。所見誠是。但川省需兵甚急。恒瑞慶成若留駐漢中。聲勢不能聯絡。自當移兵速由廣元一路赴川。與宜綿併力合擊。惠齡富成現在西鄉。距漢中不遠。即著交惠齡富成在彼督率勦辦。廣元為秦蜀門戶。棧道要隘。仍著宜綿英善察看情形。各賊匪離廣元已遠。可以無虞。自應帶兵援應。宜綿一路。僅恐折回。則英善仍當暫留廣元。以資堵禦。再賊匪有會合逃過漢江。前往河南之供。漢江上游。現在冬令水淺。易渡。秦承恩。柯藩務須實力嚴防。不可稍有疏懈。將此各傳諭知之。○軍機大臣等議覆。伊犁將軍保寧覆奏。查明已故和碩特貝勒騰特克之妻。業經伊妻父貝子恭坦接回。尚有騰特克遺女一人。兄女一人。請將所遺佐領。遵旨均勻分給。俾資養贍。騰特

克父叔均皆乏嗣。其所遺貝勒之缺。可否承襲。並將家譜呈覽。查騰特克之妻。已經母家接去。無庸另議養贍。保寧請將所管六佐領分給扎薩克台吉齊業齊二佐領。烏爾圖納遜一佐領。貝子鄂齊爾二佐領。均應如所請辦理。惟所遺孤女二人。保寧僅請留給一佐領。辦理尚有未周。應除所留一佐領外。將現在分給齊業齊二佐領之賦稅。再行分與二女一半。以為養贍之資。仍著齊業齊代為經管。俟伊等及歲出嫁後。即將此三佐領俱給與齊業齊。至騰特克所襲貝勒原因。因伊父根敦諾爾布。伊叔恭格等投誠賞給。祇應本支承襲。今騰特克既乏子嗣。其餘皆非根敦諾爾布恭格嫡派子孫。其貝勒之爵。應即削除。從前頒給封勅印信。並著保寧送部查銷。從之。○宜綿奏報堵禦黃渡河一帶賊匪。固守儀隴縣城。保護糧臺。得旨獎賚。知州陳嗣虞等下部議敘。○貴州當丈苗寨逆首韋七繼

鬚頭目韋抱堵洞洒苗寨逆首王囊仙頭目
王化明伏誅○丁丑諭軍機大臣等軍機大
臣會同刑部覈議魁倫等奏拏獲夥販鐵鍋
夾帶渡臺之藍三世等依例擬絞已依議行
矣此案藍三世等私販鐵鍋鐵釘雖訊無賣
給洋匪情事但積年拏獲盜船多有鎗礮器
械若非私買別項鐵器改造從何而得著魁
倫等嚴飭各口巡防員弁實力查拏有似此
私販鐵鍋鐵釘為數較多之犯均照此案從
嚴辦理俾姦販有所懲創洋盜無所取資方
為妥善不可始勤終惰將此傳諭魁倫等並
諭海疆各督撫知之○調鑲紅旗蒙古副都
統綿標為正白旗滿洲副都統○緩徵貴州
苗匪滋擾之平遠清鎮安平三州縣本年秋
米正耗及縣屬舊欠額賦○戊寅
聖祖仁皇帝忌辰遣官祭
景陵○
上侍

太上皇帝詰
奉先殿
壽皇殿行禮○庚辰
上御太和殿視朝王以下文武升轉各官謝恩
○諭軍機大臣等據長麟奏那爾巴圖前因
截回薩木薩克蒙賞貝勒銜並頒給勅書寶
石頂三眼花翎但那爾巴圖自稱阿渾按回
子經典即不得承受官職可否無庸發給勅
書翎頂等語前次那爾巴圖派兵截拏薩木
薩克未必出於誠心特以其情詞恭順懇請
為天朝出力是以加之獎賞今長麟等以不
應承受官職已令軍機大臣將勅諭另行改
擬長麟等接奉後即可將朝珠蟒緞等物賞
給俾知欣感但此事據長麟等稱不惟未使
霍罕來使聞知即伊斯堪達爾亦未令知悉
等語所見非是伊斯堪達爾係回子舊僕與
內地臣民無異長麟等與之同事此等事件
理宜會商具奏今乃不令與聞轉似待伊疏

遠殊失朕一視同仁之意。長麟策拔克俱著傳旨嚴行申飭。並著長麟等告知伊斯堪達爾。此次奏摺係屬漢字。是以未與會銜。今特蒙指示。將我等申飭諭令嗣後辦事務須公同商榷。共矢寅恭。諒伊斯堪達爾自必倍加感激。遇事奮勉也。至摺內所稱那爾巴圖鎖禁鄂布拉散並未殺戮之處。原可毋庸究詰。又那爾巴圖稟稱薩木薩克。玉素普現已不在鄂羅退帕居住。或逃往伊妻父所住之西

牙爾薩布斯地方等語。此等言詞原不足深信。薩木薩克既已窮蹙遠竄。諒不敢復行滋事也。將此各傳諭知之。○勅諭霍罕伯克那爾巴圖據喀什噶爾叅贊大臣等奏。爾一聞薩木薩克等有欲來滋擾喀什噶爾之信。即帶兵前往堵擒。又遣爾子邁瑪迪敏往拏薩木薩克之子玉素普等語。從前爾祖額爾德尼比在時。諸事恭順。曾受恩眷。爾承襲後。能繼爾祖恭順之忱。朕深嘉悅。今又能帶兵協

勦薩木薩克。尤為可嘉。朕意欲賞爾職銜。以示鼓勵。但聞爾已為阿渾爾等回教。凡阿渾即不應補放。伯克今特賞爾珊瑚數珠一串。錦二匹。蟒緞一匹。閃緞二匹。爾其祇領更當感戴朕恩。愈加奮勉。嗣後再有出力之處。朕必倍施恩賞。勉之母急。特諭。○辛巳。諭內閣。刑部滿尚書一時乏人。簡放蘇凌阿。本係刑部尚書。雖年老重聽。於刑名事件尚為諳悉。著暫兼理刑部尚書。舒常不必署。○軍機大

臣等會部議覆兩廣總督吉慶等奏廣西西隆州等處善後事宜。一。泗城府屬附府之凌雲縣。改建城門。城樓各一座。西隆州八達地方原舊土城。加築高寬。海墁垜口俱用甃砌。四門建蓋城樓。一。泗城及西隆州原設營官十九員。額兵九百八十七名。地方遼濶。分撥自覺稍單。泗城府凌雲縣各塘汛。遊擊千把等官共七員。兵丁三百五十名。原從右江鎮標右營酌撥。該營尚有餘存守備千把等官

十員兵丁二百二十名應全撥泗城府添駐府城及沿江之長溢平惜各汛隆林營原設官十二員兵六百二十八名守備把總原駐舊州應調駐西隆州城原駐州城之千總外委應移駐舊州並於州城添兵一百十二名北樓上棒等隘添設塘汛各駐兵二十名計兵一百七十二名應於左江鎮標中左右南寧城守四營內共抽撥兵一百名外委二員永寧營抽撥兵七十二名裁汰隆林營馬兵一名添設額外外委一員統計泗城西隆兩處共添官十三員兵三百九十二名均係由各營抽撥裁改毋庸另添廉餉一將小八渡主簿裁汰改設西隆州州判一員專駐舊州地方分防支放兵糧責司緝捕並管理鬪毆賭博等事一令該學教官恭齋聖諭廣訓按季下鄉周巡宣講務使民得遷善風俗還淳一西隆州苗民齊心向善應照湖南苗徭例於州學正額外增設苗學二名以

示鼓勵一粵西藩庫及南寧等府共封貯銀四十五萬兩原備地方緩急之需今已動用無存應從雜項各款內分撥補足原額於藩庫中另設木櫃收貯鎖鑰歸巡撫收掌加封以昭慎重而杜挪用一西隆州村民復業後家產蕩然應無分極貧次貧每瓦屋一間給銀一兩草屋一間給銀五錢草披一間給銀二錢五分俾自行搭蓋棲止並每戶借給籽種穀五斗賞給牛具銀一錢五分以資耕作一再撥餉銀五十萬兩以備賑卹及善後事宜之用均應如所奏辦理從之○予遇賊被戕貴州吏目施錦湖北典史張寧河南驛丞張瑄祭葬世職如例○癸未山西巡撫蔣兆奎以老疾乞休允之以陝西布政使倭什布為山西巡撫陝西按察使陸有仁為布政使河南開歸陳許道馬慧裕為陝西按察使○甲申補行嘉慶元年大計湖南卓異官十員不謹官二員罷軟官一員年老官五員有疾

官一員。浮躁官一員。分別議敘處分如例。○
乙酉。諭內閣。前因恒瑞等參奏侍衛祥金保
哲克遊擊達崇阿因病在途調治。已逾數月。
尚未到營。恐其有藉病遷延情事。是以降旨。
將該員等革職解京治罪。嗣據宜綿奏祥金
保已抵川省軍營。請留効用贖罪。亦經降旨
允准。茲哲克達崇阿解到。經軍機大臣等驗
明該員等受傷患瘡屬實。其在途調養。亦經
各該地方官具稟有案。祇以該員等未經隨
時具報。軍營無從得信。以致被參。是哲克達
崇阿尚無藉病逗遛情弊。業經革職。著從寬
免其治罪。○旌表守正捐軀山東歷城縣民
高普女高氏。○丙戌。軍機大臣會同兵部戶
部議覆。調任雲貴總督勒保等奏。紳苗擾事
地方。先行籌定善後事宜。一。雲貴兩省官兵
缺額。即以隨征鄉勇充補。凡給有頂帶者。按
其品級遞減六品及武舉。以把總拔用。七品
及武生。以外委拔用。其餘打仗著績者。以次

遞補兵額。此外歸入餘丁存記。又銅仁新添
營分應設千把外委。即以該處有頂帶鄉勇
分別拔補新兵。亦以鄉勇補充。一。各路村場
被難商民歸里後。屋廬盡燬。資具全空。除已
遵旨給借籽種外。應查明無力之戶。無論草
瓦房。每間給與修理銀二兩。並酌借牛具。俾
有棲止。而資耕作。其順苗降寨落被焚者。
亦照難民一體撫卹。一。黔省倉儲軍興以來。
碾運殆盡。現在官兵難民接濟口糧。撤兵後
散賑給糧。均須豫為籌備。應於湖南四川雲
南廣西四境穀價較賤。便於碾運處。所照民
價採買歸倉。一。難民田產。亟須清楚界址。除
戶口已絕之產。歸公招種外。其難民已歸者。
聽其將原產領回。或有親伯叔兄弟先歸。飭
令就近管種。俟本戶回里。仍令歸業。至未歸
難民各田土。暫行存公。俟陸續歸來。查明給
與。再苗人私墾未經升科。被漢民盤剝準債
之田產。即係向來紛爭滋事之根。未便歸還

漢民應查明原產主果係逆苗。即照逆產例入官。若係順苗降苗。其田產自應歸還管業。並令照例升科。以上均應如所奏辦理。從之。

○勒保等奏。總兵官施縉等。連日將附近黃草壩之者安亭。納蘭寨等處梗路苗寨。全行勦淨。至搜捕捧鮮。冊亨等處。鄂輝即日親往督率辦理。此時搜捕漸次清楚。自應早計。撤兵。擬先撤雲南土練。及貴州各屬鄉勇。次撤貴州屯軍。次撤雲南兩省由楚南撤回之兵。次撤雲南續調新兵。惟貴州續調新兵。與安順興義得用苗兵。應俟狝苗境內塘汛復設。苗民安處。再行議撤。從之。

○調貴州安義鎮總兵官張玉龍。為雲南臨元鎮總兵官。臨元鎮總兵官施縉。為安義鎮總兵官。貴州古州鎮總兵官袁敏。因病休致。以雲貴督標中軍副將永寧。為古州鎮總兵官。

○免雲南貴州官兵調征楚苗。狝苗兩次借支行裝銀。並給貴州鄉勇安家銀。

○丁亥。諭軍機大臣等文。

圖奏長樂縣地方。又有賊匪焚掠。此股賊匪。是否即係額勒登保追勦竄回餘賊。抑係該處新起匪徒。與覃加耀早有勾結。乘官兵遠出。因而四出響應。汪新係本省巡撫。著即查明覆奏。文圖既經帶兵前往。務當一鼓殲擒。勿使與長陽餘匪合夥。方為妥善。至額勒登保追勦覃加耀。曠日持久。總未能將首逆擒獲。以致長樂地方。復有匪徒乘機響應。皆額勒登保遷延貽誤之咎。若再有遲延。致潛匿匪徒。互相勾結。額勒登保等自思。當得何罪。凍之慎之。將此傳諭知之。

○宜綿奏。報連日截勦分竄渠縣及永興場賊匪。得旨嘉獎。知縣倪鼎銓。叅將尤漢玉等。升擢有差。

○又奏。堵剿白岩山一路賊匪。受傷知府朱爾漢。叅領碩岱等。升擢有差。

○又奏。先期密訪。拏獲萬縣謀逆邪匪。賞知縣劉大經。方積。知府銜。以直隸州同知即用。

○戊子。以伊犁將軍保寧。協辦大學士。

○命國子監祭酒陳崇本。提

督湖北學政○已丑諭內閣塔爾巴哈台叅贊大臣貢楚克扎布奏本年屯田收成十八石以上請將官員各部議敘兵丁各賞一月鹽菜口糧一摺又另片奏察哈爾額魯特田畝豐收牲畜茁壯等語察哈爾田畝豐收情形即可於摺內一併聲敘何必另用夾片致滋煩瀆近來此等習氣不特新疆各大臣為然即內地督撫提鎮藩臬等亦多有專摺具奏一事而另用夾片至三四件者向來無此風氣實為近日之惡習且陳奏事件既以夾片臚敘又安用摺奏為耶揆厥所由非督撫等挾私好奇即係劣幕故創此格以為見長能事起見甚至總兵內亦有效尤者實於體制不合嗣後內地督撫將軍提鎮府尹藩臬及新疆各路將軍大臣等遇有陳奏事件自當統歸一摺或兩摺三摺各陳一事聲敘何不可之有毋得多用夾片以顯能弄巧其有實當緊密事件不得不夾片密陳者仍聽行

將此通諭知之○庚寅

上詣

壽康宮行禮○旌表守正捐軀河南河內縣民王學儒妻成氏○辛卯恒瑞奏隨征員弁奮勇勦賊賞守備馬滿海巴圖魯名號協領德昌遊擊德保都司扎隆額馬鍾靈花翎千總陳明等藍翎侍衛江鼎等升擢有差○旌卹遇賊捐軀湖北遊擊朱承茂孀嫂梁氏妻徐氏妾王氏子婦哈氏僕婦王吳氏等三口如例○壬辰諭內閣吉慶等奏廣西常平倉穀及存貯穀價盤兌覈算均屬無虧一摺所辦瞻顧迴護實屬非是前因吉慶奏粵西碾運軍需米石遲緩不前當以該省係產米之區何至無米碾運自係倉貯多有虧缺特諭令吉慶台布會同查辦自應將倉內米穀如何短缺之處詳悉查明據實叅奏乃吉慶等查奏摺內輒據屬員一面之詞以常平倉穀隨時動用因近年穀價較昂多有未經買補之

處將倉穀短缺。州縣現有穀價銀四十一萬三千餘兩。存貯司庫。即以數目相符。均無虧短。具奏。豈有如此查辦之理。州縣倉儲。原以豫備急需。顆粒不容短缺。若平日並不實貯。在倉需用時。雖有穀價。豈可以銀代穀。況前令吉慶等查辦此案。業已半載。有餘。道府州縣等官。自必聞風。豫為挪借。藉穀價以為目前掩飾之計。該督撫查辦後。各該州縣又何難將穀價挪還。是并此項穀價銀兩。將來亦

將無著。今吉慶等僅以倉穀並不隨時買補。請將歷任督撫。司道府廳州縣等。交部議處。竟係為廣西大小各官開脫地步。吉慶台布均係受恩深重之人。於特交查辦事件。似此含糊徇庇。實屬通融了事。有負委任。俱著交部嚴加議處。仍著將粵西通省州縣。實在虧缺倉穀之處。另行秉公查覈。據實分別叅奏。毋得再有瞻徇。致干重戾。○諭軍機大臣等。吉慶等查奏廣西倉穀短缺一案。含糊瞻徇。

已降旨。將吉慶台布。交部嚴加議處矣。各州縣倉儲穀石。理應照數實貯。不容稍有短缺。豈得以現存穀價。藉口無虧。遂可顛預混過。但朕辦理庶務。不為已甚。今特詳細指示。吉慶等此次查辦總當以各該州縣實貯穀石為憑。如倉穀實有八成以內。其餘未經買補。所有穀價無幾。其咎尚可從寬。祇須交部議處。若倉穀祇有六七成。其餘一半皆係穀價。即當交部嚴加議處。儻顆粒全無。惟以穀價藉詞抵飾。竟應照虧空叅辦治罪。如此分別詳查。庶於覈實嚴辦之中。仍寓格外從寬之意。吉慶等並未如此詳辦。業經徇庇於前。若再不遵照指示。秉公查覈。伊二人恐不能當此重咎也。將此傳諭知之。○旌表守正捐軀奉天錦縣民李添寶妻于氏。○戶部議准。署陝甘總督英善疏報。烏嚕木齊塔西河所蘆草溝。開墾地十九頃二十畝。照例升科。從之。○加給廣西西隆州被水災民一月口糧。

癸巳諭軍機大臣等。觀成劉君輔。圍勦老木園賊匪。為日已久。本日奏到之摺。祇係攻取賊卡二處。所殺賊匪無多。摺內稱老木園陡坎懸崖。賊匪周圍設卡死守。該處賊匪圍攻將及一年。從何得食。且現非耕穫之時。安得積存糧食。該處並無土山。又非可以耕種之地。自因圍守不嚴。或有黨與暗中接濟。或係賊匪四出搶掠。得以苟延。此節著勒保嚴查據實叅奏。此時官兵已逼近賊巢。務須奮勇進攻。速擒賊首陳崇德。不可徒託空言。遲延干咎。將此各傳諭知之。○鑄給湖南新設綏靖鎮總兵官辰州協移駐乾州協副將。洞庭協移駐常德城守協副將。保靖營遊擊。改叅將常德城守營移駐洞庭營。遊擊綏靖鎮中軍遊擊乾州協屬鎮溪營。遊擊烏宿營都司。古丈坪都司。浦市營守備辰州城守營。改設都司等官關防。從署總督姜晟請也。○乙未調工部左侍郎趙佑為吏部侍郎。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十四

大清仁宗受天興運數化綏猷崇文經武孝恭勤儉端敏英哲睿皇帝實錄卷之二十五

監修鴻臚寺卿臣等謹將本年內各官職名開列於左
上諭事臣等謹將本年內各官職名開列於左
二級序常知縣臣等謹將本年內各官職名開列於左
事給發欽奉 上諭事臣等謹將本年內各官職名開列於左
三庫奉宸庫司庫臣等謹將本年內各官職名開列於左
攝官至太僕寺卿臣等謹將本年內各官職名開列於左

嘉慶二年丁巳十二月丙申朔戶部議准雲

南巡撫

江蘭疏報通海魯甸景東三廳縣並

邱北縣丞所屬開墾田六頃九十三畝有奇

照例升科從之○賞八旗兵丁一月錢糧○

丁酉

上御乾清門聽政○以光祿寺卿富崑為大理

寺卿○戊戌諭內閣林雋奏代勘秋審錯擬

情實之案自請交部倍加議處一摺林雋在

川省於籌辦軍需護送糧餉等事俱能認真

妥辦此次秋審案件錯擬情實固有失入之

咎第念其辦理軍需事務較繁於地方刑名案件未能細心研究且或因該犯等傷斃人命情節可惡未免過於從嚴以致引擬失當尚屬公過林雋著免其交部議處○轉吏部右侍郎吳省欽為左侍郎以新授之趙佑為右侍郎○旌表守正捐軀山東樂陵縣民劉文魁妻秦氏○己亥調鑲紅旗滿洲都統慶桂為正藍旗滿洲都統正黃旗漢軍都統淳穎為鑲紅旗滿洲都統以伊犁將軍保寧兼正黃旗漢軍都統○辛丑
孝惠章皇后忌辰遣官祭
孝東陵○以截勦搶渡漢江賊匪功賞還三等侍衛圖桑阿侯爵○壬寅
孝淑皇后殯宮月祭遣官行禮○賜高年頂帶八千四百七十九人 癸卯
上侍
太上皇帝幸瀛臺閱冰技○諭軍機大臣等魁倫等奏審明夥衆行劫客貨及拒捕殺傷弁

兵各犯一摺已批交軍機大臣會同法司覈議速奏矣。漳泉民風刁悍與臺灣無二祇當以事體輕重為權衡不得強分海內海外辦理稍有區別此案王騰等糾眾至三十餘名行劫客貨至數萬兩復拒捕殺傷弁兵實屬目無法紀該督等於審明後即應照臺灣盜案恭請王命將首從各犯分別辦理方足以示懲創乃以決不待時之犯輒復拘泥請旨致免暴之徒得以暫稽顯戮殊非整飭海疆之道魁倫汪志伊除交部議處外仍著傳旨嚴行申飭○雲貴總督鄂輝奏報攻勦棒鮓至黃草壩一路苗匪全行肅清與總兵官施縉等下部議敘有差○甲辰舉行本年軍政京營卓異官二員年老官二員江南卓異官八員罷軟官一員有疾官三員才力不及官三員江南漕營卓異官六員年老官一員有疾官二員才力不及官一員江南河營卓異官三員年老官一員才力不及官一員江西

卓異官四員年老官一員有疾官一員才力不及官一員江西漕營有疾官一員浙江卓異官九員罷軟官一員年老官四員浙江漕營卓異官一員才力不及官一員福建卓異官七員罷軟官五員年老官一員有疾官二員湖北漕營卓異官一員山東年老官一員山東漕營才力不及官一員山西卓異官六員罷軟官二員有疾官一員才力不及官二員分別議敘處分如例○旌表守正捐軀直隸沙河縣民李鳴偵妻李氏○乙巳旌表守正捐軀河南新野縣民孫成勲妻吳氏○丙午予山西故湖南永州府同知張宗文入祀鄉賢祠從巡撫蔣兆奎等請也○丁未軍機大臣會同兵部議奏喀什噶爾叅贊大臣長麟等請撥兵防守事宜得旨依議長麟歷任督撫於新疆事宜本未諳悉本年秋閒偶有薩木薩克糾約鄂布拉散滋事虛信輒復過於張皇經朕節次降旨令其鎮靜彈壓邊境

薩木薩克之子玉素普早已聞風遠竄今又奏請於伊犁官兵抽撥六百名以資防守是長麟等之膽怯過慮已可概見著傳旨申飭試思該處卡倫外地方遼闊如果有需兵之事六百名又焉能敷用但長麟等既有此奏若竟不允所請設有緩急長麟等轉有以藉口此次姑准於伊犁官兵內抽撥添防將來薩木薩克或畏懼遠徙或其老死子弱邊境愈增寧輯此項兵丁仍可酌量情形隨時裁撤總之回疆要地固不可好大喜功亦不可過於畏蒞也○以故三等男吳文燦子慶泰襲爵○旌表守正捐軀河南內黃縣民許明菴妻秦氏○戊申諭軍機大臣等梁肯堂奏保定省城於初九日得雪二寸又據永瓚等奏易州亦於是日得雪二寸有餘看來雪勢自南而北京城迤南一帶多已得雪迤北地方如宣化承德等府曾否得有雪澤著梁肯堂查明具奏再閱該督所奏糧價較上月更

為平減深慰廛懷直省密雲以北種秋麥者較少開春後得有雨雪亦足滋培長養是否如此並著該督一併據實覆奏以慰廛注○調河東河道總督康基田為江南河道總督以山東布政使司馬駒為河東河道總督○予湖北陣亡副將會攀桂守備王吉鼎湖南陣亡總兵官明安圖副將伊薩納守備潘大用季光德朱慶錦千總蔣善治鄭廷松符士奇牛志得把總丁天榮汪宏王宏禮楊昌富王廷玉楊運泰楊開科李廷梅孟國興唐紹華外委劉成業馬仁貴王鳳翔何四海唐宏詔由云富聶紳黃正貴丁起鳳蕭世貴孫登元祁大禮雲南威遠軍營陣亡外委曹廷勝祭葬世職兵丁胡大玉等二十五十九名賞卹如例○己酉諭軍機大臣等據魁倫等奏臺灣民食現在不致缺乏等因臺灣猝被颶風吹損晚稻間被偏災屢經降旨該督撫體察情形量為接濟今該督等專派道員齎帶

藩庫銀二十萬兩前赴該處以備賑卹災民
自必早需實惠又該地方糧價較前尚不致
過昂商販來船仍屬源源內渡漳泉一帶皆
資接濟是現在臺灣民食尚不致於缺乏朕
心稍慰至來春青黃不接之時應否展賑仍
著該督撫等遵照前旨察看情形酌量奏明
辦理至閩省洋盜近雖少息但轉盼即交春
令風轉東南亦難保其不從廣東洋面竄入
閩省魁倫自應在彼督飭水師將弁實力嚴
查堵緝其請將赴浙盤查等事展至來年冬
令自當如此辦理○又諭此次王三槐等分
股滋擾宜綿派令各路官兵截殺賊匪所辦
尚好惟長壽縣治因無城垣可守賊匪猝至
該縣程見龍因在樊家壩查拏逆匪經典史
章潮堵禦寡不敵衆殺賊捐軀自應與在天
華山陣亡之外委吳王羅仕春一併咨部加
等優卹至賊匪擾至長壽距重慶一百餘里
重慶為水陸通衢設為賊匪闖入殊有關繫

勒保抵川後沿途察探消息何處緊要即往
截勦該督自南而北若能將長壽股匪殲擒
淨盡即入川之第一功也將此傳諭知之○
以河南按察使陳文緯為山東布政使調陝
西按察使馬慧裕為河南按察使○庚戌諭
軍機大臣等書麟奏烏魯木齊十月分糧價
單所開各屬糧價俱較上月增貴烏魯木齊
地方向來糧價最為平減即稍貴之時尚比
內地為賤况十月正值收穫之後市糧充裕
何以價值轉致增昂著傳諭書麟即將糧價
因何增貴於民食有無妨礙之處據實覆奏
○以直隸熱河道台斐音為陝西按察使○
辛亥
上御乾清門聽政○以故鎮國公永珊子綿策
襲封輔國公○以故三等男索諾木車領弟
林親贊布一等公阿桂子阿迪斯二等延恩
侯朱貽鳳子朱毓瑞一等子佛住子瑞齡三
等男宗柱克子圖敏一等子色布騰子巴顏

鄂勒哲各襲爵○以故綽羅斯貝子富爾納子賡音蘇襲爵○以光祿寺卿初彭齡為通政使司通政使○壬子以故三等子穆克登額子和順襲爵○舉行本年軍政盛京將軍所屬卓異官二員罷軟官五員年老官五員有疾官一員才力不及官一員吉林將軍所屬卓異官二員有疾官二員才力不及官三員黑龍江將軍所屬有疾官二員弓馬生疏官三員江寧將軍所屬卓異官一員有疾官一員杭州將軍所屬卓異官一員年老官二員有疾官二員才力不及官一員福州將軍所屬卓異官二員年老官一員廣州將軍所屬卓異官一員綏遠城將軍所屬年老官一員有疾官二員寧夏將軍所屬卓異官一員伊犁將軍所屬卓異官一員察哈爾都統所屬卓異官一員年老官一員有疾官三員熱河副都統所屬卓異官一員密雲副都統所屬卓異官一員山海關副都統所屬罷軟官

一員蘭茸官一員乍浦副都統所屬年老官二員有疾官一員才力不及官一員青州副都統所屬年老官一員分別議敘處分如例○癸丑戊午年立春順天府進土牛春山寶座○甲寅調兵部右侍郎成林為工部左侍郎○丙辰
上侍
太上皇帝幸瀛臺閱冰技回部四品伯克瑪穆特等二人五品伯克謨們聶咱爾阿布都里體布等四人朝鮮國正使金文淳副使申耆等三人琉球國正使東邦鼎副使毛廷桂等二人於西苑門外瞻觀○諭軍機大臣等川省竄匪由烏林垓折入南江而沔縣寧羌一帶賊匪先從南鄭奔入南江境內滋擾宜綿處兵力無多尚能派兵堵剿至明亮一路統領勁兵數十又有各項官兵數萬何難將賊匪截住乃復予賊以暇任其竄至通江此次滋擾南江賊匪即係陝境竄往之賊明亮德

楞泰著傳旨嚴行申飭○丁巳諭內閣李奉翰等奏豐縣濠河及護城隄因黃水淤墊殘缺現在勘明請分別挑築等語豐縣濠河護城隄工為城垣保障農田水利攸關因上年黃水漫入隄岸被衝濠河亦多淤墊自應分別挑築該縣本係積歉之區且屢經被水若仍用民力挑築不無拮据所有估需挑濠築隄建橋銀一萬九千六百九十兩著加恩准其動項修辦俾濱河百姓共資保護該督等務須督飭承辦之員實力經理毋任稍有偷減浮冒以副朕軫念歉區奠安黎庶至意○旌表守正捐軀湖南清泉縣民陸紹昆妻劉氏○戊午以雲南迤南道顏檢為江西按察使○旌表守正捐軀安徽壽州民陳開耀妻陳氏○庚申

孝莊文皇后忌辰遣官祭

昭西陵○以裕祭

太廟致齋前期命

皇次子懷慶詣孝淑皇后殯宮行歲暮祭禮○辛酉上以歲暮裕祭太廟自是日始齋戒三日○壬戌以三品卿銜通政使司叅議吳熊光為直隸布政使○癸亥以歲暮裕祭遣官祭太廟中殿後殿○湖廣總督總統勒保奏訪察各路軍情審度賊勢所以不能得手者蓋緣賊匪隨處焚掠即隨處勾脅是以日久愈多而川陝楚三省犬牙相錯綿亘數千里崇山峻嶺處處有險可恃有路可逃及官兵擇隘堵禦賊又向無兵處滋擾以致有賊之地無兵有兵之地無賊並有賊過而兵猶未來有兵到而賊已先去者東勦西竄南擊北馳以言兜勦即數十路難以圍圍以言堵禦雖數十萬兵亦不敷分布再四思維現在陝楚兵多賊少川省則兵少賊多若陝楚各路截勦嚴密使賊

匪不能北竄。歸入川境。誘令散者漸聚。則官兵層層逼勦。轉覺易於為力。通盤籌畫。惟在先從川東進勦。清一路再進一路。以期與各路領兵大員及早會合。一鼓掃蕩。奏入。諭軍機大臣等。勒保所稱勦辦情形。切中向來各路帶兵諸人之弊。勒保既能周知暢論。自當力除積習。大加振作。況總統責成較重。儻帶兵大員。從前實有因循怠玩。此時仍不聽指。示調遣。即當據實嚴叅。不可稍徇情面。庶可迅勉成功。所有明亮處欽差關防。著即迅速送交勒保接收。蓋用以專責成。○甲子。拾祭

實錄卷二五

五

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。○遣官祭

孝賢皇后

孝儀皇后陵寢。○遣官祭

端慧皇太子園寢。○遣官祭

太歲之神。○鄂輝奏報搜勦馬乃屯。鑼鍋背

松林紅巖等處賊匪。並收撫附近之掃帚嶺

實錄卷二五

五

木肋坡舊營等寨。與布政使常明等下部議

敘有差。○乙丑

上侍

太上皇帝御保和殿。賜朝正外藩等宴。○是年

旌表孝子直隸等省邵明哲等九名。孝女江

蘇等省張氏三口。守節合例。宗室兜清阿妻

富察氏等十一口。滿洲德喜妻瓜爾佳氏等

一百五十口。蒙古必里乃妻張佳氏等四十

一口。漢軍陳禮妻盧氏等二十口。內務府德

平妻羅氏等六口。各省駐防杜珣妻朱氏等一百七十口。直隸等省史為藩妻賈氏等五百八十口。夫亡殉節順天等省謝熊占妻魏氏等十七口。未婚守志滿洲舒明聘妻汪佳氏一口。杭州駐防都爾松阿聘妻赫魯特氏一口。直隸等省蕭長庚聘妻邊氏等二十四口。百歲壽民婦直隸等省侯可振等二十名口。五世同堂直隸等省生員李養民等二十八家。各給銀建坊如例。○一產三男直隸等省聶文仁等四家。○會計天下民數穀數直隸各省通共大小男婦二萬七千一百三十三萬三千五百四十四名口。通共存倉米穀三千一百三十三萬五千九百九十九石二斗八升。

實錄卷五十五

五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十五

實錄卷五十五

六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十六

欽定四庫全書

御製

聖訓

諭旨

奏摺

奏摺

奏摺

奏摺

奏摺

奏摺

奏摺

奏摺

奏摺

奏摺

奏摺

奏摺

奏摺

奏摺

嘉慶三年戊午春正月丙寅朔

上侍

太上皇帝詣

奉先殿行禮

上詣

堂子行禮遣官祭

太廟後殿

上奉

太上皇帝御太和殿率王以下文武大臣官員

蒙古王公台吉及外藩使臣行慶賀禮禮成

太上皇帝還宮

上御殿受朝作樂宣表如儀侍

太上皇帝詣

壽皇殿行禮侍

太上皇帝御養心殿賜皇子親藩等宴丁卯

加賑江蘇碭山蕭縣寧豐沛銅山邳七州縣

山東曹單濟寧金鄉魚臺嘉祥城武鄒滕嶧

十州縣臨清濟寧二衛上年被水災民有差

加賑貴州狝苗滋擾之興義貞豐二州縣

並冊亨州同黃草壩州判新城縣丞捧鮓巡

檢所屬難民戊辰賑安徽宿靈璧泗盱眙

五河合肥定遠七州縣上年被水被旱災民

○

上以上辛祈穀於

上帝自是日始齋戒三日庚午

上詣

南郊齋宮齋宿命陝西巡撫秦承恩在任守

制以直隸總督梁肯堂為刑部尚書刑部尚

書胡季堂為直隸總督 辛未祈穀於

上帝

上親詣行禮○侍

太上皇帝幸圓明園○壬申

世祖章皇帝忌辰遣官祭

孝陵○

孝淑皇后殯宮月祭遣官行禮○諭軍機大臣

等川省賊匪在川陝邊界往來其意欲乘閒

北竄今高均德一股由漢中踰淺偷渡擾及

北岸著秦承恩查明此股賊匪於何處偷渡

係何人汛地據實嚴叅至秦承恩聞賊匪折

回之信當與總兵王文雄速赴漢中相機迎

擊勿使擾及秦川商雒為要再營山賊匪祇

在城外焚掠恒瑞等到彼後總兵富爾賽即

帶兵出城內外衝突正當奮力圍擊將賊首

羅其清等速行擒獲乃並未乘勝進剿豈竟

任賊屯聚耶至明亮前奏獲賊供內有乘閒

折回陝省之語曾經陳及設法截剿今高均

德一股竟踰淺渡江皆因明亮等未能兜圍

致令擾及陝境大兵轉在賊後適中賊牽綴

誘兵之計明亮等無可辭罪著傳旨嚴行申

飭將此各傳諭知之○兵部侍郎兼鑾儀衛

鑾儀使阿迪斯以請轎偏側革兵部侍郎職

○癸酉享

太廟遣成親王永理恭代行禮 遣官祭

太歲之神 諭軍機大臣等昨據秦承恩奏

高均德一股折回漢中經官兵在襄城邀擊

餘匪向東北奔竄朕方冀明亮等在川境將

齊王氏姚之富李全等大股賊匪先行殲獲

則高均德一股人數無多無難一鼓掃蕩乃

本日明亮等遽到之摺轉舍大股賊匪輒帶

全隊勁兵追剿高均德僅留烏爾圖納遜帶

兵在寧羌防堵實屬大錯况賊匪詭詐或令

高均德折竄漢中希圖牽掣官兵盡赴東北

而齊王氏等乘閒渡江赴陝滋擾豈不正墮

賊計乎明亮德楞楞泰茫無主見調度失宜本

應革職等問治以貽誤軍機之罪姑念一時帶兵乏人暫留立功贖罪著將花翎拔去以示薄懲儻仍前因循貽誤則罪上加罪看來姚之富齊王氏李全等大股賊匪或已同高均德折竄漢中而明亮等不敢據實具奏若果如此則正應趁此首逆等聚集陝境之時速行圍剿猶可稍贖重愆再高均德北竄過江愛星阿在彼防守不能截住實屬疏玩著革去花翎以觀後效勒保現在墊江大竹一帶勦辦賊匪接奉此旨後著迅赴漢中督辦一切並查明明亮等發摺時如大股賊匪已渡漢江而明亮等畏干重罪不奏則欺罔之罪尤重勒保竟當叅奏至豫省相距較遠景安當鎮靜防範勿涉張皇也（甲戌諭內閣）明亮德楞泰於川省竄匪高均德一股折回漢中即置姚之富等大夥賊匪於不顧輒帶全隊官兵至陝追勦所辦乖謬已極業經降旨拔去花翎所有明亮德楞泰前得世職及

優賞紫綬俱著概行革去祇留本任職銜俾其戴罪圖功以示懲創○諭軍機大臣等昨因明亮等所辦乖謬降旨訓飭今再四思維明亮等即欲留烏爾圖納遜在寧羌防堵伊係帶黑龍江官兵之人亦應將其原帶兵丁酌量派撥庶可收指臂之效乃輒將綠營官兵給伊帶領以致兵將不能相識是令其以素不相識之兵禦大夥猖獗之賊豈非置之死地焉望得力看來明亮德楞泰全不以軍務為重惟知自擁強兵為護衛之計此次勦除教匪以來帶兵大員往往各自為計競擇勇健之兵留為自衛賊退作為勦賊賊竄惟事尾隨虛報斬獲坐糜糧餉以致經年累月迄未成功從前永保等即蹈此弊今伊二人非擁兵自衛而何若以誅心而論即照軍法從事亦所自取姑予曲貸至烏爾圖納遜當明亮德楞泰令帶綠營兵堵勦大夥賊匪之時竟無一言現在能否堵截不令北竄並是

否先與高均德一同偷渡。明亮等前奏有無迴護。著烏爾圖納遜據實速奏。不可代人受過。也將此傳諭知之。丙子。

上侍

太上皇帝御山高水長賜王公大臣蒙古王貝勒貝子公額駙台吉及外藩使臣等食。○己卯。

上侍

太上皇帝御奉三無私殿。賜皇子親藩等宴。○

諭軍機大臣等。前據明亮奏高均德折竄漢中。伊等帶兵追剿。朕即以必係齊王氏等大夥賊匪。北渡漢江。明亮等畏罪不奏。今據景安奏高均德渡江後。又有一股賊匪接踵過江。並有騎馬女賊數百人。此非齊王氏等大夥而何。且賊匪竄至五郎。而明亮甫趕至洋縣。已落一站之後。可見節次所奏俱係飾說。全不足信。此時姚之富齊王氏等自己與高均德合夥。該處雖有山路。亦有坦途。不得復

以險峻藉口。吉林黑龍江官兵弓馬便捷。更可展其長技。明亮德楞泰當趁此速行截剿。拏獲首逆。儻仍前延玩。伊二人俱有身家性命。凜之慎之。至秦承恩前奏賊匪向東北奔竄。伊同王文雄迎頭截擊。今閱景安所奏賊匪在洋縣屯紮。秦承恩在秦嶺相機堵剿。是前此並未迎擊。僅在秦嶺駐守。而明亮德楞泰又落賊後。無怪其均未有續奏也。秦嶺地處扼要。賊匪斷不敢越過。但該署撫與王文

雄僅事駐守。設賊匪東趨。商維轉致無兵攔截。或徑由子午谷窺探省城。則秦承恩腹背受敵。尤屬不成事體。著酌量情形。應留一人在秦嶺駐劄。探賊蹤相機截殺。其子午谷一處酌分一人帶兵駐守。並知會花尚阿陸有仁留心防範。至景安分派兵勇防堵情形。所辦尚是。鄖西一帶係襄陽鎮所屬。路超吉已抵新任。張文奇應速回豫省。幫同堵截。將此各傳諭知之。○庚辰。

上侍

太上皇帝御正大光明殿賜朝正外藩等宴○

侍

太上皇帝御山高水長賜王公大臣蒙古王貝

勒貝子公額駙台吉及外藩使臣等食○辛

巳

上侍

太上皇帝御正大光明殿賜大學士尚書等宴

○諭軍機大臣等愛星阿柯藩均係留防漢

江之人不能堵截賊匪均有應得之咎但伊

二人係分投駐守此次賊匪偷渡處所在長

寨以東係愛星阿汎地其罪較重著將護軍

統領副都統全行革去柯藩著拔去花翎暫

留提督之任伊二人仍著在漢江北岸分防

儻再有疏失即當在軍前正法凜之至騎馬

女賊偷渡漢江又係在何人所管界內著勒

保據實詳查嚴行叅奏○以鑲藍旗滿洲副

都統台費蔭為正紅旗護軍統領調鑲藍旗

漢軍副都統斌寧為鑲藍旗滿洲副都統齊

齊哈爾副都統達明阿為鑲藍旗漢軍副都

統以開原城守尉恒伯為齊齊哈爾副都統

○癸未諭軍機大臣等川省賊首由梁山墊

江渠口四出鴟張而鐵瓦寺白巖山兩股賊

匪又復合併一處以致達州開縣等處道路

梗阻軍火糧餉未能接濟此種情形何以宜

綿穆克登額並未據實具奏就目下情形而

論川境賊匪更關緊要昨勒保奏已由墊江

馳赴梁山正可與宜綿等會合勒保竟不必

再赴漢中責成專辦川匪將此各傳諭知之

○甲申

上侍

太上皇帝御山高水長賜王公大臣蒙古王貝

勒貝子公額駙台吉及外藩使臣等食○諭

內閣川省軍務正當緊要之時不可無總督

大員督率調度勒保現係總統著即調補四

川總督俾呼應較靈得以迅速歲功宜綿本

係陝甘總督且陝西亦有應辦軍務著宜綿酌量情形或回駐西安或赴甘肅以資彈壓其川省糧運事宜亦不可無大員督辦並著專交福寧英善悉心經理儻有遲延貽誤惟伊二人是問○乙酉命副都統陽春保更名陽春以係滿員不應用三漢字為名故也○以吏部左侍郎吳省欽右侍郎成德充經筵講官○調盛京戶部侍郎伯麟為兵部右侍郎盛京兵部侍郎祿康為盛京戶部侍郎以內閣學士書敬為盛京兵部侍郎盛京刑部侍郎德瑛兼管奉天府府尹事○丁亥諭內閣楚北竄匪覃加耀一犯經官兵逼入歸州之終報寨所存賊匪不過百餘人無難立就蕩平乃至今尚未辦竣皆由額勒登保福寧攻圍不力輾轉遲延致賊匪尚得苟延殘喘即將伊二人革職拏問亦屬罪所應得姑念帶兵乏員且予以自新之路額勒登保著降為三等伯爵並降戴單眼花翎福寧著革去

宮銜花翎以示懲儆仍各留本職令其圖功自贖以觀後效○諭軍機大臣等昨據額勒登保奏白巖山一帶防守鄉勇因未得關支鹽菜銀兩相率散去軍營糧餉最關緊要若不按時發給不但鄉勇相率而散即兵丁亦豈能枵腹從事今汪新已就近撥運務須無分畛域妥為籌辦將此傳諭知之○戊子孝聖憲皇后忌辰遣官祭泰東陵○

上侍

太上皇帝詣

恩佑寺

恩慕寺行禮○以科爾沁卓哩克圖親王拉旺為哲哩木正盟長郡王喇什噶勒當為副盟長○命御前侍衛豐紳濟倫往奠故科爾沁親王旺扎勒多爾濟茶酒並賞銀三百兩治喪○己丑諭內閣額勒登保汪新奏擒獲首逆覃加耀埽蕩楚北餘孽一摺楚北賊匪覃

加耀等糾合夥黨在長陽一帶四出竄擾額勒登保福寧帶兵勦辦任其輾轉逃竄已及年餘此次自巴東折竄歸州額勒登保等又未能奮力進擊遷延數月今汪新帶兵到後協力攻圍始將覃加耀等拏獲實屬有過無功前因額勒登保等種種遷延貽誤降旨將額勒登保降為三等伯爵並降戴單眼花翎福寧革去花翎仍各留本職不過僅示薄懲今雖同將首逆拏獲而其經年帶兵不力稽

延玩誤之咎實所難辭額勒登保著革去伯爵並領侍衛內大臣都統賞給副都統職銜令即前赴陝省商確一帶迎勦賊匪立功自贖至福寧之罪更重於額勒登保伊本由湖北巡撫游升湖廣總督湖南苗匪滋事既有應得之咎而湖北教匪勾結竄擾又係伊所轄地方前在鎮草鎮勦辦苗匪一籌莫展已屬無能及至旗鼓寨勦賊又任賊輾轉奔竄毫無振作是福寧之罪實較額勒登保為重

所有四川總督昨已降旨令勒保補授福寧本係總督虛銜今著一併革去亦賞給副都統職銜在川會同英善辦理糧餉各予以自新之路伊二人若不自知愧奮出力自効必當從重治罪至汪新一聞賊匪折竄長陽之信即移營馳赴終報寨協同勦捕此次額勒登保擒獲賊首或係汪新為之商酌布置能合機宜否則即係額勒登保見汪新到後自知愧勵始能擒渠歲事是汪新於勦辦此股

賊匪尚為出力著交部從優議敘以示獎勵其首先擒獲覃加耀之都司張廷楷著賞換花翎把總孟光爵武舉李普光外委王登科俱著賞戴藍翎仍各以應升之缺升用鄉勇頭目高元李陞俱著賞給六品頂帶藍翎以示鼓勵其隨同額勒登保辦理軍營之內閣侍讀學士銜原任郎中胡時顯俟軍務告竣回京補授郎中後遇有內閣侍讀學士缺出再行奏補監生六品職銜黃集祐生員邱裕

霖蔣士魁交姜晟汪新以相當之教職佐雜補用其餘摺內所奏帶兵出力及上次所保武職各員均著交勒保察看該員等如果在川陝始終奮勉著有勞績再行奏請加恩示獎未為遲也 庚寅以內閣學士吳省蘭為工部侍郎○以綏遠城將軍富銳為正黃旗領侍衛內大臣兼鑲藍旗蒙古都統正藍旗護軍統領烏爾圖納遜為綏遠城將軍未到任以前以正藍旗蒙古都統永慶署理以鑲

藍旗滿洲副都統斌寧為正藍旗護軍統領○辛卯諭軍機大臣等秦承恩奏現在賊匪已由沙坪竄至鎮安地方且據獲犯供稱賊匪欲東竄商州直趨豫境秦承恩務當趕赴商州迎堵若稍有遲緩恐賊匪先至闌入豫境大有關繫至賊匪屢欲竄還豫境想該處必有同教邪匪冀圖勾結景安當仍駐豫陝交界留心防範再前據明亮等奏明亮由青草關一路迎擊防賊東遁德楞泰由袁家莊

一路杜賊北竄今賊匪已竄至鎮安地方是明亮等未能截住仍係尾追著傳旨嚴行申飭額勒登保著迅赴陝境與秦承恩等會合夾擊又烏爾圖納遜奏拏獲奸細供稱齊王氏姚之富現在廣元東北一帶其王廷詔李全張漢潮阮學名等不知下落等語廣元為南棧要路此時勒保宜綿惠齡遠在梁山恒瑞慶成又在營山等處勦賊相距皆遠齊王氏姚之富如果尚在廣元則該處並無官兵

堵截豈任聽賊匪往來滋擾耶且齊王氏既在廣元前次景安所奏騎馬女賊又係何人景安係據王文雄札會入告著秦承恩向王文雄詢問覆奏○朝鮮國王李祘遣使表賀

萬萬壽

萬壽冬至元旦四大節及歲貢方物賞賚筵宴如例○琉球國中山王尚溫遣使表貢方物賞賚筵宴如例○賞頭等侍衛承德副都統銜為英吉沙爾領隊大臣○壬辰諭軍機大

臣等勒保甫抵川境初次攻勦即殺賊一千
四五百名生擒賊目三名將新起賊匪全數
洗蕩此入川第一功可嘉之至此時勒保統
領勝兵迅赴開縣一帶進勦乘此威勢將王
三槐等速行擒獲殲盡餘黨廓清全境將此
傳諭知之○明亮奏報吉林黑龍江官兵擊
敗賊匪得旨嘉獎賞副總管富僧額福當阿
佐領明德巴圖魯名號協領齊木巴圖克什
保防禦福珠隆阿倭伸保西靈阿花翎委叅
領伊爾賡阿等藍翎○癸巳

上侍

太上皇帝詣

時應宮

昭顯廟拈香○還宮○

上奉

太上皇帝勅諭琉球國中山王世孫尚溫惟昭
德懷遠盛世之良規修職獻琛藩臣之大節
輸誠匪懈寵賚宜頒爾琉球國中山王世孫

尚溫屬在遐方克抒丹悃遣使齎表納貢忠
藎之忱良可嘉尚是用降勅獎諭並賜文綺
等物再爾世孫以天朝疊慶重釐倍呈方物
固見輸誠效順但國家厚往薄來字小柔遠
自有定制惟念爾國僻處海陬梯航遠至已
飭所司將此次貢物俱行收受格外加賞嗣
後祇須照例呈進一分毋庸增添用示體卹
其祇承休命世勵忠貞以副恩眷欽哉故勅
○諭內閣本年京察屆期吏部開列在京各
部院大臣及外省督撫名單進呈請旨甄別
一本朕詳加酌覈軍機處大學士和珅叅贊
機政兼理部務懋著勤勞尚書福長安沈初
侍郎傅森在軍機行走亦屬勤慎克稱厥職
朱珪以尚書署理巡撫有年且學問尚優尚
書胡季堂雖甫任總督但在刑部年久於刑
名案件辦理諳悉俱著交部議敘總督勒保
吉慶魁倫鄂輝巡撫費淳汪新姜晟或著績
戎行宣勞邊徼或緝捕洋盜勤職封疆俱著

交部議敘餘著照舊供職○甲午

孝儀皇后忌辰遣官祭

陵寢○以三品卿銜詹事府少詹事戴衢亨為
內閣學士兼禮部侍郎銜○是月兩廣總督
吉慶廣東巡撫陳大文奏廣東省局鑄錢向
以粵鹽易換滇銅供鑄嗣經停運奉旨以銅
六鉛四配鑄惟存局滇銅鍊色不過在八成
以上查省城所賣石礫銅產於瓊州黎地黎
人檢挖售作顏料餘剩沙石架爐煎鍊每百
斤可得銅十五六斤不等其色十分純足若
以之鑄錢自必出色當與司道會商試辦委
係堅亮覈計腳費較之滇銅尚有節省於錢
法實有裨益下部知之

平定人志

七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十六

平定人志

七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十七

監修總裁官經旨議起居官太子太傅太兵部大學士文淵閣領事稽察欽奉
上諭事件處管理工部事務翰林院掌院學士張燕

加二級學堂四級。曾任振興總局官大士、文內閣大學士、管理刑部事務五級。戴均元，福建晉江人，光緒九年進士，歷任廣東巡撫、戶部侍郎等職。

後舉閣事稽察欽奉
上諭事件處協辦大學士戶部尚書翰林院掌院學士教習戶部主事管內總府大臣領英旗滿洲都統等官

尸上座客家紀有謝道等處經建一程後於月房檢藥處太監以西江堂書授軍工五等功牌力二枚各帶口一五片全三十一次

經見漢書太子太僕傳新書上卷房行左丘明春秋左傳卷二昭公四年

救世

嘉慶三年戊午二月乙未朔轉工部右侍郎

范建中為左侍郎以新授之吳省蘭為右侍郎○丙申遣官祭

關帝廟○丁酉諭軍機大臣等據觀成等奏祇係將土地埵石卡奪占殲斃賊匪不過數十名無能已極而摺內尚稱賊匪恃險紮卡官兵仰攻不能得力尤屬無恥著傳旨嚴飭再高均德由鎮安竄往洵陽一帶該處距鄖西甚近僅有路超吉一人在彼防守著額勒登保速赴鄖西悉力防堵若能逼令仍向西

銀二百萬兩解往陝西以備軍需○戊戌春
分朝
日於東郊遣肅親王永錫恭代行禮○己亥
上御乾清門聽政○遣官祭昭忠祠○諭軍機
大臣等額勒登保奏帶兵由巴東赴川自尚
未接奉前旨現在鄖西一帶兵單難恃若額
勒登保起身後距楚不遠仍當改道赴彼堵
剿若此旨到時已抵夔州則竟不必轉回惟
當聽候勒保調度幫同剿辦開縣一帶賊匪

至汪新係該省巡撫已東現無應辦要事著
速赴鄖西與文圖路超吉商同防堵將此傳
諭知之○以太常寺卿陳嗣龍為宗人府府
丞通政使司副使唐音布為光祿寺卿○庚
子浙江黃巖鎮總兵官陳上高緣事革職調
定海鎮總兵官岳璽為黃巖鎮總兵官以福
建澎湖協水師副將李長庚為定海鎮總兵
官○辛丑
孝淑皇后初週忌辰命

皇次子

諱

殯宮行禮○以鑲白旗護軍統領崇尚兼鑲黃
旗蒙古副都統內閣學士那彥成兼正黃旗
蒙古副都統兵部侍郎伯麟兼鑲藍旗漢軍
副都統○壬寅

上詣

大高殿行禮

時應宮拈香○諭軍機大臣等賊匪欲自山
內竄往蓬州恒瑞等於要路截殺賊始折回

恒瑞等一路賊多兵少尚能覓路截殺較之
明亮德楞泰擁有強兵遷延時日猶為彼善
於此又柯藩奏訊據獲犯供稱賊匪欲從漢
江上下游偷渡已於淺灘緊要處設卡防堵
惟當加意防範為要至福寧以川省軍糧充
裕帶兵馳赴勒保軍前隨同勦辦勒保一路
帶兵有人無須福寧在彼仍應遵照前旨會
同英善專辦糧餉將此傳諭知之○癸卯諭
內閣前因吉慶等查奏廣西通省倉穀並未

實貯在倉輒以穀價抵數曾經降旨嚴飭茲
據查明分別叅處設法如數買補已交軍機
大臣會同該部議奏矣各省額設倉穀原應
如數貯倉以備緩急之用乃近來州縣因買
穀例價較之市價輕減可有盈餘在任時輒
將倉穀任意糶賣私肥囊橐及交代離任時
僅將例價留抵日積月累輒轉因循以致倉
穀空虛毫無儲備甚至將所留例價亦復侵
用迨清查時豫為挪借以圖掩飾目前事後

仍歸無著至常平及社義兩倉之設古人原所以惠民立法最為良善乃近聞出借時於富戶則抑之使借而於貧民則靳而不予且出借之斗斛任意減少而還倉之穀石勒令加增以致小民不需實惠轉或因之受累是惠民之法適以資貪官而病民此等積弊不獨廣西一省為然各直省皆所不免著通飭各該督撫隨時留心嚴行查覈遇有此等滋弊累民之劣員即據實嚴叅示懲於各州縣倉穀必令如數實貯在倉不許留價作抵於借糶倉穀務令出入斗斛一律均平俾小民得需實惠庶足除積弊而實倉儲便民食而肅吏治○諭軍機大臣等古慶等奏查辦倉穀一案此等弊端各省不免而直隸為尤甚前胡季堂赴任時曾經面諭整頓該督及藩司吳熊先俱係新任自當力加整頓固不可存欲速之見亦不可稍事因循若蒞任之始不能及時清理則各州縣見總督藩司雖經

更換仍復漫無設施更無所做懼著即將現在如何查辦及何時可以辦竣先行據實具奏毋得稍存隱飾○又諭江蘭奏開化僮人滋事辦理完竣一摺州同史紹登守備趙啟周不過隨同出力加恩甄敘已足示獎令該撫遽請賞給升銜頂帶未免過優近來辦理軍務各督撫等往往徇情濫保凡遇勦捕事竣輒行羅列多人濫請施恩此次不過僮人滋事亦必藉端保奏數員以為市恩地步陋習相沿實不可長將此諭令知之○命翰林院修撰石韞玉在上書房行走○以勦平雲南開化滋事僮人功總兵官扎郎阿等下部議敘○甲辰遣官祭先醫之神○諭內閣勒保奏舒亮穆克登阿勦辦白巖山賊匪疏防貽誤請旨革職治罪一摺舒亮穆克登阿帶兵六千餘名既未能將該處賊匪速行勦辦又未能嚴密圍堵致令逸出與他路賊匪合夥其罪實無可逭著

將舒亮穆克登阿所有官職全行黜革作為兵丁留於軍營効力贖罪並將伊二人家產查抄示儆仍著勒保留心察看若伊二人再不知奮勉報効即於軍前正法示衆如此嚴行懲創俾各路帶兵大員咸知儆惕庶足以肅軍紀而飭戎行○乙巳

孝康章皇后忌辰遣官祭

孝陵○

上以祭

社稷壇自是日始齋戒三日○丙午遣官祭

歷代帝王廟○諭軍機大臣等勒保身任總統一切均歸管轄明亮德楞泰惟事尾追是否心存畏葸又此次齊王氏於石泉偷渡在漢中之東自係柯藩分防地方但愛星阿應探聽賊蹤馳赴堵禦豈以偷渡地方非伊所管竟置不問耶至賊匪偷渡烏爾圖納遜何竟安坐寧羌不思帶兵堵截與肇駐劄漢中何以亦不探聽截勒均著勒保查明奏勒

保在川省相距較遠著宜綿秦承恩查明據實先行覆奏勿稍瞻徇○丁未

上詣

文廟行釋奠禮禮成

御彝倫堂更衣

親臨辟雍講學王公衍聖公大學士九卿詹事起居注官入侍至聖後裔五經博士各氏後裔及學官進士舉人廕生貢監生等圍橋肅立

上賜講官坐大學士蘇凌阿劉墉進講大學大學之道在明明德在親民在止於至善講畢上宣御論曰大學一書首言明德新民而必皆止於至善此道統之淵源而內聖外王之綱領也夫大人為學之道在明吾本來之德德賦於天稟於性具於心至精至醇廣蘊圓神方智之體故謂之明德然此德者人人之所同得非一己之所私有故必致力以明之使無或為外物所蔽既明矣則思推而溥之俾

薄海生民皆有以復其本來所同得者咸與臻於大同之治斯明德之效見之於新民矣欲明其德必極於合天之心欲新其民必極於凝天之命然後為能止於至善焉人主照臨天下已德無不明則民德無不新上下皆能止至善彌綸範圍之能事畢矣此修齊治平之全功為學之道孰大於此為君者誠身體力行於以希堯舜於變之風其庶幾乎祭酒法式善胡長齡進講周易君子以教思无窮容保民无疆講畢

上宣御論曰大易著象臨卦之義尤切於人君之道焉蓋人君之道一仁而已矣仁之心教之思也心之本乎仁者肫然不已故思之著乎教者油然而无窮申之以孝弟輔之以德禮振之以政刑欲民為善之心無所不盡與兌澤同其深矣始之於邦畿達之於侯甸極之於要荒欲民從風之化無所不屆與坤德同其廣矣作君即所以作師非異人任也而尤

在養賢以及萬民感化育之恩戴照臨之德斯教思之无窮者達而容保之无疆者遂矣此先聖著象之本意有知臨之責者可不勉諸時王公百官及聽講之進士舉人廕生貢監生等跪聆

聖訓畢王以下各官行三跪九叩禮祭酒司業率學官諸生謝恩禮成恩賚進講大學士祭酒並行聖公聖賢後裔國子監官觀禮進士舉人廕生貢監生等有差廣太學本科鄉試

中額十五名戊申祭

大社

大稷

上親詣行禮幸圓明園○問

太上皇帝安己酉諭軍機大臣等西鄉礮子山賊匪在城固地方竄過漢江賊首李全張添文又分出一股西竄南鄭之南壩等處齊王氏高均德兩股又俱竄至漢陰地方此皆由明亮德楞泰勦捕不力所致然德楞泰打

仗數次尚能向前殺賊。明亮則屢次落後。伊等原摺具在。非朕任意軒輊。至李全一股逼近北棧。及五郎泰承恩當確探何路緊要。即與王文雄趕赴截剿。又額勒登保奏帶兵前抵夔州。即赴大寧籌剿。老木園賊匪可謂不知緩急。若接奉前旨已改赴鄖西。固屬甚善。儻已抵老木園。當上緊擒拏。陳崇德勦淨餘匪。即與觀成劉君輔就近赴陝協剿。將此傳諭知之。○又諭明亮德楞額辦高均德一

股賊匪。未能速竣。致齊王氏等又復渡江竄合。節據明亮等奏前後殺賊已及萬餘。如果屬實。賊勢早就窮蹙。何至以數倍賊匪之精兵。勦窮敗無多之餘匪。總未能擒拏賊首。明亮曾任將軍。屢次出兵。自當倍加勇往。乃曠日持久。惟事尾追疊經嚴飭。總不知愧懼。二人之罪。以明亮為尤重。宜綿此時自應到陝當速赴明亮軍營。將所帶官兵悉行統領。督率德楞額等實力勦辦。並傳旨即將明亮革

職。拏交刑部治罪。○庚戌予陝西陣亡委前鋒叅領常青祭葬。世職如例。○辛亥諭軍機大臣等。前賊首齊王氏等由石泉偷渡。在漢中之東。自係柯藩汎地。今據柯藩奏到情形。並自請從重治罪。果不出朕所料。柯藩著革去頂帶官職。暫留護理提督事務。仍令帶領原兵戴罪自贖。烏爾圖納遜不能截住賊匪。任其竄至漢中。又不趕緊追剿。轉欲前赴四川梁山。竟係心懷畏怯。避難就易。著革職作

為兵丁。交宜綿德楞額泰差遣。○壬子諭軍機大臣等。胡季堂覆奏查辦倉穀一摺。據該督將實係虧缺者勒限買補。分別著追。其因公動用者。於秋成後買補。亦祇可如此辦理。倉儲虧缺。朕不將該管上司及州縣等按例治罪。已屬格外從寬。經此次勒限分查。自可如數補足。不致虛懸。但倉穀原以惠民。若買補稍有弊端。轉於閭閻有累。該督務須嚴查。如有藉端抑勒及短價剋扣情事。即據實嚴叅。

治罪儻此後有辦理不善之處則該督等不

能辭其咎也將此傳諭知之○以吏部左侍

郎吳省欽為都察院左都御史○以翰林院

檢討汪滋琬充日講起居注官右春坊右贊

善李鈞簡署日講起居注官○旌表守正捐

軀山西萬泉縣民楊十娃妻吳氏 癸丑清

明節

上侍

太上皇帝詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○命

皇次子旻寧祭

孝淑皇后殯宮○遣官祭

端慧皇太子園寢○軍機大臣等議覆雲貴

總督鄂輝奏稱興義各路黃草壩冊亨捧鮮

一帶幅員寬廣請於征苗兵內量留五千以

資彈壓又無業降苗六千餘名用以防守卡

隘暫緩裁汰均應如所請從之 甲寅諭軍

機大臣等勒保等奏勦賊情形雖殲斃多賊

究未獲一賊首如首逆未擒隨從匪徒豈能

望風潰散看來川境賊首較多一時未能悉

數殲擒勒保轉不必分心陝境至竄往開縣

十三壩之林亮功一股據稱已派富森布六

十七等堵勦並咨會額勒登保由雲陽開縣

前進等語額勒登保已取道赴陝不能復行

折回開縣賊匪不過敗竄餘生著責成富森

布等勦辦又奏稱新寺場石板垣石路溝節節有賊恒瑞慶成未能繞道直前前股賊匪已竄通江洪口一帶著勒保查明如果伊二人有遷延觀望之處即據實嚴叅又據奏打仗出力人員請加鼓勵此次不過殲賊二千餘名首逆仍未擒獲乃亦臚列多員請恩鼓勵從前帶兵各員並不認真殺賊每遇奏報打仗情形輒將隨營員弁奏請邀恩為見好市恩地步今勒保亦蹈此陋習姑念伊為總

統尚係初次保人不得不予以顏面嗣後必須擒獲首逆方准保奏將此傳諭知之○以四川軍營殺賊功加叅將穆克登布副將銜賞外委徐有山巴圖魯名號總兵官保興叅將王溶遊擊王國棟哈三泰都司常羣花翎守備李連發等藍翎○乙卯諭內閣內閣學士那彥成係翰林出身人尚明白且係原任大學士阿桂之孫著在軍機處學習行走侍郎傅森著仍回戶部辦事又諭李奉翰等

奏曹汎壩工因正月二十七日東南風甚大水勢直注金門二十八日風勢愈狂西壩後段陡壑入水現在趕緊堵築等語曹汎漫工甫於上年臘月合龍今壩身復有墊失雖據稱實因風狂溜激人力難施究係未能先事搶護或年內堵閉不堅所致李奉翰康基田司馬駒伊江阿俱著交部嚴加議處以示懲儆○諭軍機大臣等朕聞軍營積弊官兵閒有擒獲類皆老幼殘弱之人而真賊百不獲

一兵勇陣亡則以多報少殺賊之數則以少報多或賊未來而先放鎗礮以冀其遠遁若賊近則移營退後以避其鋒賊登山越嶺往來便捷而官兵轉畏崎嶇賊探水淺處即呼羣而渡而官兵必待舟梁始過賊日竄百餘里而官兵日行祇四五十里以致首逆遠颺脅從日衆此時宜綿接辦勦賊事宜惟當盡革前非速將首逆擒獲以期陝境肅清若稍踵前弊則明亮等覆轍昭然不能稍為寬假

也將此傳諭知之。緩徵雲南羅平平彝師宗三州縣及五曹州判邱北縣丞所屬額賦並夷田秋糧。丙辰遣官祭黑龍潭。

昭靈沛澤龍王之神玉泉山。

惠濟慈佑龍王之神。調禮部右侍郎劉權之為吏部右侍郎。以內閣學士戴衢亨為禮部右侍郎。命江南蘇松鎮總兵官田永祠候補陸路總兵官以廣東澄海協副將錢夢虎為蘇松鎮總兵官。丁巳諭軍機大臣等。

前令宜綿赴明亮軍營督辦軍務。今思宜綿究屬年老多病。明亮在彼日久。若將伊拏問轉少一人。帶兵著傳旨將明亮作為領隊帶兵聽宜綿調度。此係朕於無可寬貸之中格外施恩。儻仍前因循。則二罪俱發。不能再邀曲貸。又潼關商雒一帶逼近豫境。前倭什布派兵前赴蒲州駐守。著再添調兵丁湊足二千。親自帶赴蒲州防堵。以鑾儀衛鑾儀使布彥達賚為鑾藍旗護軍統領。旌表守正。

捐軀河南項城縣民王應聘妻武氏。戊午旌表守正捐軀河南息縣民蘇明士妹蘇氏。緩徵山東曹單濟寧金鄉魚臺嘉祥城武鄒滕嶧汶上十一州縣並臨清濟寧二衛本年額賦。己未諭內閣據保寧奏稱新定每年派赴喀什噶爾屯戍索倫兵三百名。請於索倫錫伯兩部落內平半揀派發往等語。索倫部落兵丁差役較繁。若每年派三百名。遣赴喀什噶爾額數不敷。且錫伯部落兵丁內亦可得人。著照保寧所請。嗣後即於索倫錫伯兩部落內均勻揀派發往喀什噶爾。每年俱令平半更換。將此並諭長麟等知之。庚申。

孝昭仁皇后忌辰遣官祭景陵。諭軍機大臣等。據秦承恩奏賊匪竄入寶雞岐山界內。此股自即係李全等分夥竄至號川桃川一帶。該處路徑分岐。若由岐山逸出。即係鳳翔大路。可以直達潼關。晉省兵。

恐一時未能調齊倭什布務速行調撥派令將弁帶赴蒲潼以資截剿至縣丞王銑委辦糧臺何以並未多派兵役防護以致被賊戕害此項糧石是否被掠並著查明覆奏○辛酉遣官祭賢良祠○大考翰林院詹事府各官於圓明園正大光明殿○壬戌旌表守正捐軀湖北武昌縣民高啟衛妻邱氏○癸亥上御勤政殿聽政○諭軍機大臣等陸有仁秦賊匪擾及邵縣盤厓地方此股自係李全等分竄之賊現在秦承恩與王文雄已至鄆縣地方距鄆縣已近又興肇柯藩在石板埡剿賊後向東追剿自己趕至鄆縣著秦承恩督同勦辦不可復令東竄與齊王氏高均德等合夥亦不可令其逼近省城向臨潼等處逸出潼關○以詹事府詹事成書為內閣學士兼禮部侍郎銜大理寺少卿童鳳三為光祿寺卿

實錄卷五

五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二十七

實錄卷五

辛

陳琪潘世恩二員二等莫晉汪廷珍曹振鏞
吳廷選英和祝曾文寧劉鏞之李宗瀚陳希
曾李鈞簡李傳熊朱紱陳萬余王綬汪滋蛟
戴聯奎吳烜錢榮錢福祚葉紹桂二十一員
三等周厚轅洪亮吉余集玉麟趙未彤秦維
嶽王坦修繆晉王瑤臺游光繹施杓裴謙何
學林黃因璉周系英張翹李驥元王宗誠張
鳳枝蔣祥墀朱桓石韞玉張運暹龍廷槐魏
元煜溫汝适龐士冠初喬齡翁樹培張綬熊

方受顧德慶辛從益李師舒賈允升谷際岐
恩普亮保何會祥延弼四十員四等慶承達
椿奢音泰薩保和書萬承風六員編修陳琪
修撰潘世恩俱著升授翰林院侍讀編修莫
晉著升授侍講侍講汪廷珍著升授侍講學
士侍讀學士曹振鏞著升授少詹事編修吳
廷選著升授中允侍讀英和著升授侍讀學
士編修祝曾著升授中允侍讀學士文寧著
升授詹事侍講學士劉鏞之著轉補侍讀學

士編修李宗瀚陳希曾俱著升授贊善贊善
李鈞簡著升授右庶子其二等之未經升用
者俱著記名遇有應升缺出題奏其考列三
等之侍讀學士余集張運暹侍講學士王坦
修俱著以侍讀侍講降補侍讀繆晉著以中
允贊善降補中允李驥元張翹贊善龍廷槐
俱著降留編修檢討其考列三等二十名以
後之檢討魏元煜翁樹培熊方受著以部屬
用編修李師舒著以知縣用檢討何會祥著

以內閣中書用其未經降改之朱桓石韞玉
溫汝适龐士冠初喬齡張綬俱著罰俸一年
顧德慶辛從益賈允升谷際岐恩普俱著罰
俸二年庶子亮保侍講延弼本應降補姑念
滿洲進士出身人員較少從寬仍留本任各
著罰俸三年其考列四等之達椿在上書房
行走有年萬承風文理尚屬清順祇係謄寫
題目次序違式俱著從寬降為檢討仍罰俸
四年中允慶承奢音泰贊善薩保和書俱著

以原品休致其繕譯堪列二等者止有納清保一員所有考列三等之庶子富森布洗馬普恭侍講學士哈福侍講鶴林俱著罰俸一年該員等其各讀書立品勉勵學業毋負朕甄別教誨至意○旌表守正捐軀河南舞陽縣民王佃妻師氏雲南彌勒縣民趙章女趙氏○己巳旌表守正捐軀湖北孝感縣民施狗妻鄧氏○庚午引見各衙門保送京察一等人員得旨哈豐阿等一百四十九員俱准其一等加一級○辛未

孝淑皇后殯宮月祭遣官行禮○諭軍機大臣等司馬駒等奏豫東隄工擇要增培一摺治河之法全在因勢利導若下游未能通暢即將上游隄頂加高日增一日而河底淤墊亦復日高一日將何底止至大隄用土鑲厚一節此則可行如果兩岸一律堅厚即遇盛漲足資保護現在將屆桃汛務須迅速竣事並將曹汎壩工何時可以堵合先行覆奏將此

傳諭知之○裁貴州平越府平越縣設興義縣於興義府黃草壩設知縣典史訓導各一員改黃草壩州判為新城縣丞隸普安縣改新城巡檢為募役司巡檢隸永寧州改平越府為平越直隸州割黃平州隸鎮遠府裁平越府經歷教授訓導設平越直隸州吏目學正訓導各一員從雲貴總督鄂輝等請也○壬申

上詣

黑龍潭神祠拈香○癸酉諭軍機大臣等高杞奏川省竄匪由巴東逸入楚境之遠安湖北甫當戡定之後豈可又遭蹂躪汪新接到高杞稟報自己一面分兵留防耶陽一面趕回襄陽但汪新究係書生景安現在盧氏駐劄距楚甚近著即馳驛趕赴襄陽其陝西交界防堵事宜即交張文奇暫行帶兵駐守○以河南巡撫景安為湖廣總督調山西巡撫倭什布為河南巡撫以兵部右侍郎伯麟署

山西巡撫○調雲南貴州兵各五千名赴川
勦賊○乙亥

上侍

太上皇帝詣

黑龍潭神祠拈香○

孝賢皇后忌辰遣官祭

陵寢○丙子諭內閣本年二月以來雖得有雨
澤二次。究欠沾足。現在節交立夏。麥苗正當
長發。大田播種出土之時。尤須膏澤滋培。業

已設壇虔禱甘膏未沛。因思清理庶獄。足以
感召和甘。著刑部查明各省軍流以下各案。
分別減等發落。其因事牽涉拘繫候質者。亦
速行訊明。省釋以逭麻和。而祈渥澤。該部即
遵諭行。○諭軍機大臣等。胡季堂奏永定河
隄工殘缺。應行補築。分別緩急辦理。所奏甚
是。近日河員往往擬將河隄增高。以禦汎漲。
殊不知河底淤墊。不思設法疏濬。徒將隄頂
日益加高。則河底豈不益高於事。仍屬無濟。

著傳諭胡季堂祇須將應修應築事宜分別
酌辦。不可輒事增高。以致徒費無益。○秦承
恩奏報勦散鄂縣賊匪。賞都司吳經國等藍
翎。餘升擢有差。○丁丑諭軍機大臣等。德楞
泰奏殲除首逆齊王氏。姚之富並將此股全
行勦蕩。覽奏欣悅。但兩首逆均係情急投崖
垂斃。雖經嚮割示衆。究未能生擒。解京盡法
處治。不為滿意。計此時陝省竄匪中緊要首
逆。係高均德李全。其次即張添文阮正通。務
須按名設法生擒。不可再令情急自斃。俾逃
顯戮。將此傳諭知之。○以殲斃首逆齊王氏
姚之富功。賞協領明保佐領都爾圖副參領
阿勒唐古爾遊擊蒲尚佐土都司索諾木文
柱守備阿泰巴圖魯名號。總兵官穆騰額佐
領朱善托永阿福珠祿伊成額委參領伊林
保領催達春巴彥保總管都當阿副總管托
倫泰防禦扎沁花翎知州陳祁等藍翎。餘升
擢有差。○旌表守正捐軀湖南清泉縣民陸

紹昆妻劉氏○戊寅予湖北陣亡佐領永怡布領催連陞前鋒委官鳳祿扎拉豐阿領催委官舒德八十七守備蕭永齡千總聶清臣張德飛王凱郝鸞趙瑗把總閻之銅劉佐清崔嚴外委蕭彭齡劉曰瑞傷亡把總婁連登閻永傑外委柴廷荃祭葬世職兵丁張捷魁等一千四百二十二名賞卹如例○己卯旌表守正被戕河南鹿邑縣民王河妾邊氏○庚辰

上詣

黑龍潭神祠拈香○辛巳

上御勤政殿聽政○祭

先蠶之神遣妃恭代行禮○諭軍機大臣等王三槐徐添德冉文儔等合夥屯聚達州渠縣境內經勒保等沿途截剿殺賊二千餘名所辦尚好該匪雖人數較多現在雲貴兵一萬名不日即到兵威極壯且齊姚二首逆業經殲斃賊匪聞信自形震懾勒保務趁此機

會將各首逆速行擒獲不可專待雲貴兵到始行進剿至宜綿奏令明亮帶兵前赴興安一節此時勦捕情形究以高均德一股為要若能將該逆擒獲其阮正通等窮竄之賊勦除自易此旨到時如明亮已拏獲高均德自可馳赴興安若正在喫緊追剿即當與德楞泰奮力進擊將該犯速行拏獲再帶兵分赴宜綿秦承恩兩路勦辦將此傳諭知之○以光祿寺卿童鳳三為太常寺卿○命翰林院

編修溫汝道在上書房行走○免四川被賊滋擾之長壽梁山營山儀隴廣安渠大竹鄰水巴通江南江蒼溪廣元達十四州縣本年額賦緩徵鄰近禦賊之閬中南部昭化劍南充西充蓬岳池巴江北合涪忠鄧都墊江石砬黔江十七廳州縣本年額賦○壬午

上侍

太上皇帝詣

安佑宮行禮○癸未

上詣

黑龍潭神祠拈香○諭軍機大臣等閱德楞
泰奏承恩摺內有節據西鄉等縣稟報川省
賊匪分股入陝等語從前漢江一帶係興肇
柯藩在彼防堵現興肇等即因追賊未能兼
顧尚有署總兵田有成及道員文需等防禦
焉有任賊匪涉渡之理豈自興肇離彼後竟
無一人駐守大小文武置之不顧耶至川北
賊匪竄入陝省川東賊匪又竄入湖北竟欲
以鄰國為壑勒保經朕委任不宜如此居心
著該督即派員速赴漢江南岸堵截並著宜
綿秦承恩王文雄嚴密布置毋得再有疏縱
○調護理河南南陽鎮總兵官柯藩護理甘
肅河州鎮總兵官以候補總兵官田永桐為
南陽鎮總兵官○以殲斃首逆齊王氏姚之
富功賞明亮副都統銜並花翎○甲申

上詣

大高殿行禮

時應宮拈香○還宮○旌表守正捐軀山西
五臺縣民女王氏○乙酉命廣東碣石鎮總
兵官慶溥候補陸路總兵官調江蘇蘇松鎮
總兵官錢夢虎為碣石鎮總兵官以福建臺
灣協副將李鈇為蘇松鎮總兵官○丁亥

上耕耤詣

先農壇行禮更服至耤田所

躬耕三推復加一推

御觀耕臺命肅親王永錫莊親王綿課定親王

綿恩各五推吏部左侍郎玉保戶部左侍郎
蔣賜棨禮部左侍郎周興岱兵部尚書金士
松刑部左侍郎阿精阿工部左侍郎范建中
都察院左副都御史達慶通政使司通政使
舒騰大理寺卿蔣曰綸各九推畢順天府府
尹率農夫終畝賞賚農夫耆老如例○幸圓
明園○問

太上皇帝安○諭軍機大臣等李奉翰等奏曹
汎壩工進鑲穩實月內準可合龍等語現在

已屆桃汛。務於月內如期合龍。不可再緩。但須鑲築堅實。閉氣斷流。不可因為期已迫。稍有草率。至所稱江境黃河暢注無阻一節。恐未必確。如果下游河底通順。何以曹汛壩工堵合後。復有走失。自係下游高仰之故。江境黃河係李奉翰康基田專責。二人為卸過地步。故為此語。總之將來漫口堵閉後。黃水果能順軌。則已。若上游隄工一遇伏秋大汛。或有衝塌之處。是下游河底淤墊。不辨自明。彼

時惟李奉翰康基田是問。將此諭令知之。○戊子。諭軍機大臣等。張漢潮一股賊匪。經宜綿沿途迎擊。殲斃一千二百餘名。賊仍折向通巴屯聚。現宜綿已飭田有成等在峽口屯紮。扼其入陝要路。至阮正通一股。由鎮安折竄兩河關。經叅將李昌迎頭截擊。不令竄入湖北。宜綿慮其渡江回川。飛咨興肇柯藩繞出賊前堵截。所辦尚是。此時該匪既不能與高均德等合夥。賊勢更孤。惟當兩面夾擊。迅

速殄除。又近聞川省領兵之員。惟富成最為奮勇。州縣中則有劉清。每率眾禦敵。賊以伊為廉吏。往往引去。可見文武員弁。本不乏人。此外有似此者。勒保應隨時察看。拔擢數人。其帶兵怯懦及聲名平常者。即叅劾治罪。如此賞罰嚴明。庶人知激勵。於勦撫機宜大有裨益。將此傳諭知之。○己丑。諭內閣。觀成劉君輔。勦辦老木園賊匪。已閱年餘。迄未蕪事。實屬玩誤。遷延觀成。著即革職。劉君輔著革

去。提督銜均仍留該處帶兵贖罪。以觀後效。所有成都將軍員缺。即著富成補授。○旌表守正捐軀河南汝陽縣民龔謬妻鄭氏。○庚寅。湖南巡撫姜晟奏。湖北撫臣汪新奏。截湖南省嘉慶二年漕糧二十萬石。分解武昌荊州。以裕兵精。經臣酌請先解米十萬石。餘俟麥收後酌解。嗣據湖北司道詳稱。該省滿漢兵丁歲需米十三萬四千七百七十二石零。請即解往。當即督飭司道如數運交。現存南

省漕米六萬五千二百二十七石零請撥歸
本省苗疆留防項下動用似此轉移調劑兩
省兵米均數供支而南省市糧民食亦無虞
缺乏下部知之○以翰林院侍講李傳熊充
日講起居注官○以安徽壽春鎮總兵官定
桂為江南提督調江西南贛鎮總兵官王集
為壽春鎮總兵官以候補總兵官慶溥為南
贛鎮總兵官○予四川陣亡協領塔克新佐
領石柱雲騎尉舍稜額防禦常福德陟額勒

實錄卷五十八

五

精布貴隆驍騎校常齡常善巴哈布委前鋒
校法什尚阿齊克星阿湖北陣亡守備利振
紀千總趙益元袁玉祿把總張錫齡安清武
方明董紹昌陳虎外委董興方張文榮任祿
傷亡把總郭俊祭葬世職如例被水衝失三
等侍衛台斐英阿色克通阿把總鄒國泰閻
得賀外委傅言珠祭葬世職如陣亡例兵丁
清升等一千二百七十三名賞卹如例○辛
卯諭軍機大臣等高均德一股賊匪經德楞

泰額勒登保分路兜擊而明亮行至二峪河
探知賊蹤不赴興安即與德楞泰等合剿殺
斃二千餘名又殲其頭目多人現在該逆逃
入秦嶺深林德楞泰等兩路兜剿務期期生
獲解京至劉成棟一股在遠安南漳一帶奔
竄無定景安帶兵無多派撥堵截尚能鎮靜
現文圖由南漳截擊海興阿等自遠安追剿
景安一俟兵齊即當督率兜剿肅清楚境將
此傳諭知之○撥部庫銀四百萬兩解往四

實錄卷五十八

五

川以備軍需○壬辰雲貴總督鄂輝奏興義
等處民苗漸次復業請將留防兵五千名內
酌撤三千名歸伍報聞○予湖北陣亡外委
郭璋祭葬世職兵丁吳忠等三百三十一名
賞卹如例○緩徵直隸文安縣水災本年額
賦

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十八

實錄卷二十八

十七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十九

臣等謹將本年內奉 上諭旨意開列於後

加級處分等因欽此

欽此

欽此

欽此

欽此

嘉慶三年戊午夏四月乙未朔享

太廟遣肅親王永錫恭代行禮○諭軍機大臣

等秦承恩奏李全與阮正通合夥折回鎮安

西竄漢陰石泉若再任折竄五郎乘間北逸

惟宜綿興肇柯藩是問至高均德一股屢經

德楞泰等痛加剿殺何以又任其由渭南華

州分投北竄德楞泰等並不繞赴賊前攔截

復蹈從前尾追積習德楞泰明亮額勒登保

著嚴行申飭其庫峪口剿敗餘匪經臬司台

斐音勒洗淨盡所辦尚好秦承恩現在北路

駐紮並著台斐音幫同防堵再觀成劉君輔前因勦辦老木園賊匪未能辦竣降旨黜革仍留該處帶兵自贖今閱所奏首逆仍未拏獲實屬無能看來竟不足恃昨諭令富成前往督勦該將軍當倍加感奮及早截事將此各傳諭知之○丙申

上還宮○丁酉改湖南辰州協右營辰溪汛守備為辰溪營守備歸提標左營遊擊兼轄撥原設淑浦汛千總山塘船溪二汛把總龍潭

司辰溪縣城外委五員俱歸守備管轄從署總督姜晟請也○貴州黎平府亮寨長官司土官龍世寧休致以其子觀遠襲職○

上以常雩祀

天於

園丘自是日始齋戒三日○己亥

上詣

南郊齋宮齋宿○諭軍機大臣等景安一聞賊匪北竄即與高杞設法布置能以少擊多殲

賊多名深為可嘉現在陝省賊匪勢已窮蹙

該處帶兵大員多人額勒登保興肇俱著速赴荊州一帶幫同景安勦辦再賊匪係由川東竄入楚境前此勒保曾派富森布六十七帶兵勦捕何以至今未見下落或竟在川境逗遛惟知驅賊出境以鄰國為壑則其罪甚重著勒保據實查奏其高均德一股係德楞泰明亮二人專責若再不知奮勉曠日持久必當從重治罪將此各諭知之○命翰林院

檢討趙未彤在上書房行走○湖廣總督景安奏勦殺白雲山賊匪賞候補叅將揆明副將銜同知周李堂守備張霞舉胥泗起花翎守備李永清等藍翎○庚子常雩祀

天於

園丘

上親詣行禮○幸圓明園○問

太上皇帝安○辛丑

孝淑皇后殯宮月祭遣官行禮○諭軍機大臣

等羅其清一股。雖經恒瑞截殺。折回孫家梁。而賊首仍未拏獲。且王三槐、冉文儔等夥。又竄至巴州邊界。欲與羅其清竄合。勒保、恒瑞正可會合夾攻。將首逆一併擒獲。不可再有稽延。慶成打仗受傷。尚屬奮勉。如即能調治全愈。自當仍留該處帶兵。儻一時不能速痊。即令緩程回京。藉資調攝。將此各傳諭知之。○壬寅。加賑江蘇豐沛、銅山、邳、西州縣及徐州衛被水災民。給宿遷縣災民一月口糧。緩徵海、沐陽二州縣新舊額賦。○癸卯。以福建布政使高杞為湖北巡撫。福建按察使李殿圖為布政使。浙江溫處道劉斌為福建按察使。○旌表守正捐軀河南睢州民張大起妻程氏。○甲辰。諭內閣。吉慶等奏參革知縣章佩金在糧臺効力頗知愧悔。自勵懇請免其發遣等語。所奏大屬非是。上年狎苗滋事時。章佩金趨運軍糧。心存推諉。經該督等奏奏當經降旨將該員革職。留於軍營効力。並著

存記。俟軍務完竣。發往伊犁効力贖罪。俾辦理臺站軍需各員共知儆惕。此等革職之員。不過在彼隨同行走。有何格外出力之處。乃該督等既參革於前。茲復以運糧無誤懇請寬宥。意圖見好。前後自相矛盾。竟似恩威皆可由己出。實屬錯謬。況現在粵西軍務雖已完竣。而川、陝、楚、北勦辦賊匪尚未歲功。轉運軍糈甚關緊要。軍法不可不重。似此貽誤之員。得以邀恩免其遠遣。何以懲一儆百。章佩金仍著發往伊犁効力贖罪。近來各路軍營藉催運糧餉及團練鄉勇堵勦賊匪為名。保薦私人者不一而足。既經帶兵大員等列名保奏。亦不得不姑允所請。其中濫竽者甚多。而實在出力者十無一二。至於玩誤劣員。伊等祇知意存徇庇。即偶於百什中參辦一員。又思於事後為之開脫免罪。是辦理軍務有勸無懲。惟聽諸領兵大臣為市恩行私地步。現在各路軍務辦理遲延。皆由乎此。若不加

之儆戒。更不足以肅軍紀而飭官方。吉慶台布。此奏大錯。均著交部嚴加議處。並通諭各路帶兵大員。及該督撫等知之。毋得仍踵故習。干咎。○乙巳。旌表守正捐軀江蘇銅山縣民王洪妻杜氏。河南內黃縣民黃二塔妻耿氏。○丙午。湖北宜昌鎮總兵官張廷彥。以不能約束兵丁。革職逮問。以貴州都勻協副將王凱。為宜昌鎮總兵官。○以故奉恩將軍蘇清阿子達薩穆布。襲職。○除江蘇江寧縣捐施義塚地十畝額賦。○丁未。除江蘇六合縣坍沒民衛田二十四頃額賦。○戊申。以翰林院侍讀陳萬全。充日講起居注官。○旌表守正捐軀河南盧氏縣民段玉兒妻黨氏。○己酉。以浙江杭州協副將英海。為衢州鎮總兵官。○庚戌。上御勤政殿聽政。○以詹事府詹事平恕。為內閣學士兼禮部侍郎銜。○辛亥。孝端文皇后忌辰。遣官祭。

昭陵。○壬子。戶部議准。前署四川總督宜綿疏。報會理州開墾田一頃一十七畝。照例升科。從之。○癸丑。戶部議准。直隸總督梁肯堂疏。報大興。武清。順義。懷安。遵化。豐潤。樂昌。黎。八州縣。並桃林口。開墾地六十八頃八十畝。有奇。照例升科。從之。○乙卯。諭內閣。李奉翰等奏。壩工水深溜激。另籌堵築一摺。內稱。口門現在深至十一二丈。壩頭時見蟄裂。恐徒費工料。擬在二壩迤前一帶。河勢坐灣向東處。所開挑引河頭。另築壩工一道。即以舊西壩留作挑水壩。請俟秋後新料登場。興工等語。此次曹汛漫工。總由該督等築壩進埽。未能堅實。以致上年甫堵旋開。及復經鑲築後。又不能督率在工人員。趕緊施工。曠日持久。水性就下。致口門日刷日深。昨有旨令劉墉。慶桂。前往查勘。即以口門跌成深塘。轉瞬大汛。經臨。辦理費手為慮。今據所奏情形。果不出朕所料。是李奉翰等疏玩遲延之咎。實無可

辭除伊江阿係屬巡撫。有本任應辦事務。非專辦河工之員。姑暫從寬免外。李奉翰康基田原係河東總河司馬。駒係現任總河。厥罪均屬甚重。本應革職治罪。姑念伊等向於河工尚為熟習。姑先革去翎頂。圖功自贖。以示薄懲。仍俟秋後工竣。覈其功過。再降諭旨。至漫口處所。現已深至十丈以外。斷難再為施工。徒費工料。閱該督等所繪圖說。二壩迤前一帶。河勢生灣之處。向東側注。且距新挑引河尚不甚遠。若於此處開挑河頭。導入引河。似尚得力。其所稱另築壩工一道。及留舊西壩為挑水壩之處。亦止可如此辦理。但黃河之性。遷徙靡常。亦未可拘執成見。已於原圖改挑引河頭處所。用硃筆標出。該督等務須察看情形。如此時尚可施工。或酌量所費無多。不妨先行試挖。加放寬深。俾大汛經臨。水勢盛漲時。或向東坐灣之處。漸成吸溜之勢。若汎水直注引河。歸入正河。豈不事半功倍。

河道關繫民生。自昨秋漫溢後。曹單下游一帶。多被淹浸。迄今已逾半載。該督等辦理堵築事宜。為時已久。早應熟籌情形。迅速妥辦。乃該督等既未能實力堵築於前。及復行興工時。又未查勘此等情形。早為籌及。直至此時束手無策。始議另辦。則該督等從前所辦何事。若此時劉墉等審案一經完竣。即仍遵前旨。馳赴工所。詳細履勘。現在該督等所籌辦法。是否形勢實係如此。將來堵築時。是否可期完善竣工。及李奉翰等因何因循於前。並不早為籌辦之處。一併查明據實覆奏。毋得稍有遷就瞻徇。惟是將屆大汛經臨。漫口既須緩至秋汛後方始興工。則下游一帶。多係民田廬舍。必須廣籌去路。俾水有歸壑。方足以保衛民生。摺內所稱微山湖尾間伊家河蘭家山壩等處。凡可以遮達六塘河歸海及分洩入黃之路。務須一律展拓。俾得暢達下注。不致壅遏為患。該督撫等亟宜派委妥

員分投查辦。毋得僅以紙上空談塞責。致干重戾。其附近漫口及下游各屬。如有被災之處。該撫尤應加意撫綏。妥為經理。務俾災黎口食有資。毋令一夫失所。方為妥善。至現在糧艘正當北上之時。漫工既未能依時堵合。運河連成一片。糧船行走。輓運稍艱。該督等亦應照前旨。於河內插立標識。導用緯船。務須慎重辦理。俾糧運得以銜尾前進。如再有途次脫空。致遲逾限期之事。必當一併從重

治罪。斷不能倖邀曲貸也。○諭軍機大臣等。此次德楞泰等分股勦賊。復任高均德與另股賊匪李全、張添倫合夥。折回漢陰一帶。宜綿德楞泰、明亮、額勒登保俱著嚴行申飭。其阮正通一股。由石泉、洋縣、西竄。興肇、柯藩、秦承恩等未將首逆拏獲。亦著嚴行申飭。至景安等在九宮山等處勦殺賊匪。以少勝多。深為可嘉。再據奏賊營裹脅之人。俱將髮辮剪去。絕其歸路。景安等遇此等難民。俱予省釋。

所見甚是。各路帶兵大員。俱當倣照景安辦法。臨陣宣諭。准其投出。亦可解散賊黨。將此各傳諭知之。○以本年鄉試考試應開列試差人員於正大光明殿。○予江蘇、故湖南巡撫陸燿人祀鄉賢祠。從巡撫費淳等請也。○丙辰。旌表守正被戕四川大邑縣民駱文亮妹駱氏。○己未。以翰林院修撰石韞玉充日講起居注官。○除甘肅、寧夏縣河忠堡沙壓地十八頃三十畝有奇額賦。○庚申。

上 詔

黑龍潭神祠拈香。○實授伯麟為山西巡撫。○予陝西陣亡千總戴興朝祭葬。世職如例。○辛酉。建貴州廣順州及洞洒、巴林、石門坎、卡子河、關嶺、九盤、鐵索橋、大水溝、花江渡、馬別橋、壩陽、平虎、江龍、場三岔、河木耳、板蚌等處城堡。並安義鎮。移駐官兵。丁衙署兵房。從總督鄂輝請也。○癸亥。諭軍機大臣等。李全、阮正通二股賊匪。本由川省竄入陝境。今

仍復任其折竄回川。實屬疏縱。秦承恩與肇
王文雄。柯藩俱著嚴行申飭。至高均德一股。
竄入老林藏匿。勢已窮蹙。何以又任其竄入
陝省腹地。再富成現在勦辦。王三槐大夥賊
匪。難以分身。勒保已派德齡馳赴老木園督
勦。該鎮務須親身督率。速將陳崇德擒獲。不
可又如觀成。劉君輔遷延貽誤。又據秦承恩
奏陝省賊匪漸近藍屋一帶。王文雄斷難分
身赴楚。景安務須與興肇額勒登保等鼓勇
進勦。將賊首劉成棟張漢潮等速行擒獲。或
仍竄回川境。額勒登保仍應迅速赴川協勦。
將此各傳諭知之。○以西安右翼副都統七
十五為四川提督。○以山東臨清協副將李
紹祖為巴里坤總兵官。

實錄卷三十九

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二十九

實錄卷三十九

五

民欠米。○丁卯。

地於

漕米四十萬石。分貯山東濟寧等處。接賑曹單。濟寧金鄉魚臺嘉祥鄒滕嶧城武十州縣。並臨清濟寧二衛。上年被水災民。○庚午。孝淑皇后殯。宮月祭。遣官行禮。○諭軍機大臣等。據劉墉等奏。查勘曹汎漫工情形一摺。該處漫口跌成深塘。斷難在此施工。其改挑之引河頭。現據劉墉等查明。開放引河。與堵築口門。相資並濟。若先行挑挖。恐大汎時普漫停淤。請一併緩至七月後興工。與李奉翰等所奏情形相同。惟是漫口既須俟秋汎後堵築。下游河道務須趁此時挑挖寬深。將來合龍後。大溜歸入正河。方能順就下之勢。儻不能暢達下注。仍恐壅遏為患。所關甚鉅。劉墉慶桂現已赴下游履勘。是否一律深通。如從前實有淤墊以致口門合而復開之處。即行據實嚴叅。俾知儆懼。毋得徇隱。至漫水下注。廣籌宣洩去路。該督等務須親赴各處相機開放。俾去路寬廣。大汎時水有所容。毋得空

言塞責。將此傳諭知之。○戶部議准浙江鹽政蘇楞額疏。報仁和石堰等七場開墾蕩灘塗地共三十五頃六十二畝。照例升科。從之。○辛未夏至祭地於方澤。上親詣行禮。○幸圓明園。○問太上皇帝安。○予湖北陣亡兵丁郭喜等七百二十七名賞卹如例。○壬申。以故科爾沁扎薩克達爾漢親王旺扎勒多爾濟子丹曾旺布襲爵。○免甘肅莊浪土司借給土民籽種口糧。○癸酉。戶部議覆雲貴總督鄧輝等查勘苗疆逆產。並酌給苗弁錢糧一摺。據稱有設立苗弁之處。並無逆產。有逆產之處。不必設立苗弁。因地制宜。自不便彼此遷就。而現在添設之土守備土千總等。均應酌給錢糧。應如所請。照湖南苗疆貴州銅仁例。土守備每名每年給銀十六兩。土千總十二兩。土把

總八兩。土外委六兩。先行動項給發。俟各路
逆產招佃收租後。變價撥給。惟查苗疆戡定。
逆產亟應清查。應令該督等速委明幹大員。
逐一丈勘。勿任絲毫隱漏。就近責成各該地
方官招佃收租。即將歲入租息。變價撥兌各
土弁餉銀。以歸節省。仍將丈勘地畝若干及
每年租息銀數。合計興義四鄉貞豐。冊亨。黃
草壩。捧鮮。歸化。朗依。安南。普安。永寧。新城等
處。添設土弁餉銀。每年實需若干之處。造冊

咨送戶兵二部查覈。其苗弁開支餉銀時。令
貴西道會同營員按季監放。以杜侵冒剋扣
之弊。從之。○四川總督勒保奏堵剿賊匪出
力及聲名素好人員。賞知府張至轅花翎。知
縣劉清以同知直隸州升用。并賞花翎。餘升
敘有差。○旌表守正捐軀江蘇桃源縣民王
德仁女王氏。河南魯山縣民王建媳蕭氏。○
甲戌。
上以秋獮木蘭侍

清 實 錄 嘉慶三年五月

太上皇帝自圓明園啟鑾命怡親王永琅儀郡
王永璇大學士蘇凌阿尚書慶桂留京辦事
諭軍機大臣等據劉墉等奏查勘引河情
形該處漫口須至秋汛後堵築而下游河道
必須一律寬深大溜歸入正河方能暢注今
據勘明下游一帶間有淤沙一二尺至六七
尺者可見前此辦理未善現當夏令雨水之
時自難即行施工一俟秋汛後該督等務須
督率所屬實力挑濬於開放引河之前俾下

游一律深通普復原挑二丈之數以期引河
溜勢順下暢注僅再不妥速辦理致下游復
有淤墊之處壅遏為患惟該督等是問將此
諭令知之。是日駐蹕南石槽行宮。○乙亥
諭軍機大臣等宜綿等奏到剿賊情形仍未
擊獲一名首逆雖殲賊二千餘人殊不愜意
高均德等自阮正通折回川境後其勢已孤
宜綿等遷延多日仍任賊匪竄至江口洋縣
一帶實屬無能現在高均德李全等兩股賊

三五

匪其沿途裹脅川陝民人業經紛紛投出是真正匪衆計祇不滿萬人而官兵現有數萬加以吉林黑龍江勁旅數倍於賊豈尚不敷勦辦但賊首雖分而官兵正須併力一處或先將高均德拏獲再行勦辦李全等如官兵追捕所到適值李全等一股即先將李全張添倫拏獲再勦高均德一股以期兵力厚集一處迅速蔽功至秦承恩所勦盤屋山內之賊亦不過敗竄餘匪仍未將首逆高均德等

拏獲殊屬無謂該撫與王文雄務須探明賊蹤即赴漢中一帶併力奮擊勿再遷延干咎將此傳諭知之○又諭伊江阿奏請將金之忠調補登州府以同知陳廷杰升署濟南府知府一摺殊屬非是伊江阿此奏自因金之忠不勝首郡之任又不肯據實効參是以為此調停之舉督撫身任封疆通省屬員皆資表率遇有才具庸劣聲名平常之員即應據實叅奏豈可依違遷就任意姑息況以歷俸

未滿同知驟升首郡知府亦屬過優伊江阿不應出此著傳旨嚴行申飭○實授永慶為綏遠城將軍以涼州副都統富楞泰為寧夏將軍○免陝西藍田南鄭寧羌城固洋縣城沔白河石泉咸寧長安寧陝鄠鵲盤屋寶雞岐山扶風郿武功十九廳州縣被賊村莊上年未完額賦寶雞岐山扶風郿南鄭留壩寧羌城固洋西鄉褒城沔安康漢陰洵陽白河紫陽平利石泉商維南鎮安山陽商南武功二

十五廳州縣本年額賦並緩徵南鄭寧羌城固洋西鄉沔安康漢陰洵陽白河平利石泉商維南鎮安山陽商南藍田臨潼涇陽咸陽三原醴泉鳳翔隴汧陽鳳畧陽大荔華陰韓城澄城蒲城白水邠長武淳化乾永壽咸寧長安寶雞岐山扶風郿武功四十七廳州縣帶徵元年額賦○是日駐蹕密雲縣行宮○丙子遣官祭關帝廟○調廣州副都統和星額為涼州副

都統西安右翼副都統善保為廣州副都統以副都統銜六十七為西安右翼副都統○賞密雲縣接駕兵丁半月錢糧○是日駐蹕要亭行宮○丁丑駐蹕兩間房行宮○戊寅駐蹕常山峪行宮○己卯諭軍機大臣等景安等截勦賊匪不使竄擾荊州所辦甚好現在景安及額勒登保等所帶兵丁祇有五千餘名而賊夥尚有二萬計綸布春所帶馬隊官兵此時自己接續到營賊匪究係烏合之

衆且已逼入山內正可聚而殲洗並當勦撫兼施照從前景安所辦如有自行投出者不追咎其既往概行收卹妥為安頓賊夥自必紛紛解散若能迅將賊首拏獲其餘黨無難悉就殲除勉之將此傳諭知之○旌表守正捐軀安徽霍邱縣民朱寅倉妻傅氏○除河南輝河內修武武陟四縣沙壓地三百六十九頃六十四畝額賦○是日駐蹕喀喇河屯行宮○庚辰

上侍

太上皇帝至熱河詣

文廟瞻禮

關帝廟

城隍廟拈香○詣

永佑寺行禮○是日駐蹕避暑山莊至八月丙辰皆如之○辛巳賞熱河接駕兵丁及看守避暑山莊弁兵一月錢糧看守口內口外行宮弁兵半月錢糧○癸未兵部議准湖南巡

撫姜晟疏稱湖南新添移駐綏靖鎮標各營等處副將叅將遊擊都司各官請照舊在外題補至常德協副將都司洞庭營遊擊守備四缺仍定為部選應如所請從之○以翰林院編修吳烜為廣東鄉試正考官內閣中書趙良霽為副考官兵部員外郎吳樹萱為廣西鄉試正考官翰林院編修朱紱為副考官翰林院侍講莫晉為福建鄉試正考官編修辛從茲為副考官○以故四川馬邊廳阿招

土百戶六固子紫坐襲職。予湖南征苗陣亡同知彭鳳堯通判宋如椿巡檢江瑤丁光國戴文煥學正饒德豐祭葬世職如例並贈隨同殉難彭鳳堯子佩蘇江瑤子朝棟九品

職銜。○旌表守正被戕廣西宣化縣民陳廷甫妻劉氏。○甲申湖南巡撫姜晟奏請於已解荊州漕截米內先撥三萬石就近解川協濟軍米下部知之。○乙酉諭軍機大臣等富綱司馬駒奏南糧趲出東境各摺所辦尚好

已於摺內批示至曹汛漫口工程前據李奉翰等奏請俟七月後堵築已降旨允其所請但向來堵築漫口總須俟伏秋汛過霜降後水落歸槽方可堵合李奉翰等不過恐所請為期太寬似覺多延時日故為此奏殊不思七月後正值秋汛經臨豈可築壩進占況此次漫工屢築屢墊尤宜加倍慎重自應俟七月新料登場後豫為鳩工集料俟霜降後一舉集事李奉翰等屢經疏玩於前今經此次

詳為指示特寬限期尤應感激奮勉屆時及早購料妥為辦理如此番堵閉後再有疏失該督等自思當得何罪耶將此傳諭知之。○丙戌

孝恭仁皇后忌辰遣官祭

景陵。○撥內庫銀二百萬兩解往陝西以備軍需。○旌表守正捐軀直隸開州民梁大德女梁氏守正被戕湖南長沙縣民熊光思妻馬氏。○戊子諭軍機大臣等此次景安等在穀

城章村棚一帶分路截擊前後殲賊五千餘人而首逆仍向西竄未經拏獲雖據稱兵力較單但綸布春所帶馬隊官兵業已趕到自當得力賊匪究係烏合之衆屢經截殺勢已潰敗景安等務須設法截擊將賊首劉成棟張漢潮速行擒獲勒盡餘匪勿令竄入鄖陽一帶又致蔓延其襄陽地方前次招撫投誠之人甚多高杞到襄陽後自應留心防範毋致復有勾結以期賊黨聞風解散方為妥善

將此諭令知之。○以穀城殲賊功。賞三等侍衛。噶拉協領德明。泰驍騎校伯勒亨保。巴圖魯名號。驍騎校吏津保。遊擊王懷。胡定泰。守備楊芳花翎。領催赫林保等。藍翎。○乙丑。以戶部員外郎錢楷為四川鄉試正考官。戶部主事喬遠璣為副考官。翰林院編修錢福。昨為湖南鄉試正考官。刑部員外郎伊秉綬。為副考官。○旌表守正捐軀河南南陽縣民謝國榮妻李氏。○戶部議准。署陝西巡撫秦承

寶案本十

五

恩疏報長安縣開墾灘地一項四十畝。照例升科從之。○庚寅。諭軍機大臣等。陝省賊匪由鳳縣竄至楊家店地方。距兩當甚近。昨據秦承恩奏有副將李文蔚帶兵防堵。今廣厚又飛咨吉蘭泰迎剿。廣厚亦帶兵隨後策應。自可遏其西竄之路。但宜綿等前稱旬日之內。可擒首逆。自當合力兜圍。何以又任蘭入甘境。實屬無能。無恥。宜綿德楞泰承恩。明亮均著傳旨嚴行申飭。現在兩當地方有吉

蘭泰廣厚帶兵堵截。宜綿等尤當奮勇直前。兩面夾擊。將高均德李全等剋期擒獲。以便德楞泰明亮赴川協剿。若再遲延貽誤。復任賊匪蔓延滋擾。必將宜綿等從重治罪。更不能力曲為寬貸也。以正紅旗滿洲護軍統領。額台費蔭為兵部右侍郎。內閣學士那彥成為工部右侍郎。辛卯。諭內閣。觀成劉君輔。此次帶兵追賊首逆。陳崇德被剿緊急。自行截傷斃命。餘匪悉就殲除。所辦尚好。雖伊等攻

寶案本十

五

勦此股賊匪。將閱兩年。此時始行勦竣。不足為功。但伊二人於德齡未到之前。能自知愧勵。將賊巢攻克。尚為奮勉。觀成劉君輔俱著加恩賞給頭等侍衛職銜。以示獎勵。○伊犁將軍保寧奏。請於伊犁庫存綠營歷年積貯。抽分等項銀兩。內動支一萬兩。按月生息。以為綠營餉源。孤獨養贍之資。從之。○壬辰。諭內閣。富綱奏。此次江西漕米截留四十萬石。分貯東省。所有餘米。請令各丁就近糶賣等

輾轉相因官非一任事閱多年不忍概行疏革。所有此案應行降革各員內除霍時茂等七員既據該督等奏稱才具俱屬平常著即照部議降革外其議以降三級調用之知府直隸州涂日煥等十一員議以降三級調用不准抵銷之州縣程如嶽等十二員又議以降調之丁憂留辦軍務知縣史書笏等四員俱著從寬改為革職留任八年無過方准開復議以降二級調用不准抵銷之州縣袁鏞等十二員亦著從寬改為革職留任俟四年無過方准開復議以革職之州縣王千驥等三十一員著從寬免其革任俟十二年無過方准開復此係格外施恩各該員務須倍加感激益知愧勵各該管上司尤當隨時留心查覈遇有劣員即當據實叅辦毋謂恩可屢邀自蹈重咎也○諭軍機大臣等長麟等奏薩木薩克輸誠向化懇請內投一摺覽奏俱悉薩木薩克係回部嫡裔該處布魯特向俱

清 實 錄 嘉慶三年六月

借其名目搖惑衆聽今因遁竄日久窮蹙無依而各布魯特又聞喀什噶爾有調兵之信不敢與之勾結經長麟等曉諭令其內投可期永除餘孽回疆益臻寧謐實屬極好機會現在薩木薩克已令其為首辦事之邁瑪特尼牙斯齋逸表文稟帖並力辯上年並無糾衆滋擾之事自係感畏出於真誠此時自不必深詰但其表文內祇令伊子先行進京瞻覲俟伊子由京回至鄂羅退帕後再帶家口同來雖據邁瑪特尼牙斯稟稱曾與彼抱經起誓未必心存疑畏長麟等嚴加駁斥已令邁瑪特尼牙斯復往飭諭令其攜眷同來薩木薩克如果傾心向化遵照親來長麟等自當派委要員迎出卡倫分起照管將薩木薩克父子俱行送京安插將此傳諭知之○以廣東澄海協副將黃標為左翼鎮總兵官諭軍機大臣等黃標由叅將題補副將為時無幾因該員在粵三十餘年出洋捕盜著有勞

三五七

績是以特加恩擢該鎮到任後務須認真緝捕所獲洋盜較從前更當為數加多俾洋面肅清方為不負獎擢儻始勤終怠此後仍有洋匪滋事之案則惟該總兵是問不可不知感懼也將此傳諭吉慶轉諭該鎮知之○喀什噶爾叅贊大臣長麟等叅奏駐劄烏什辦事大臣雅爾泰私難倉貯麥二千餘石得旨雅爾泰革職拏問交長麟等秉公審辦賞烏爾圖納遜三等侍衛由軍營前往烏什辦事

甲午湖廣道御史汪鏞奏查向例長隨及家奴門子等概不准捐惟長隨一項人尤紛雜每廁優伶其中倚官致富者不無倖進之心改籍換名濫竽冒捐在所不免以僕隸之賤一旦榮膺章服既於體統有礙或竟與服役本官共事一方主僕雜居齊齒更開賣緣徇庇之端且此輩平日惟利是圖於為國為民之道全未諳悉倖登仕版不惟有玷官方且必大為民害不可不杜其漸查向例報捐

者惟憑京官印結及地方官文結原所以杜假冒第恐奉行日久視為具文一遇情託賄囑即不免濫行出結遂致長隨亦得朦混上捐請勅下各部堂官及各省督撫悉心查覈嚴諭出結人員不得冒濫及賄囑勒索等情儻有濫行出結及藉端勒索者一經查出即行叅奏如此庶足杜宵小倖進之心而名器益昭慎重矣得旨該部議奏尋議該御史所奏均屬捐納現行之例將來報捐人員給照

後臣部仍行文原籍地方官逐細查明如有前項違礙假冒等弊地方官徇隱不報即從重叅辦濫行出結之同鄉京官一併嚴加議處辦理益為嚴密從之○乙未予故湖北巡撫汪新祭葬照總督銜賜卹諡勤僊○予湖北陣亡叅將羅廷弼把總任作慧張煜外委胡登祭葬世職如例貴州勦苗陣亡千總戴得新黃國喜祭葬世職如守備例廣東捕盜傷亡把總黃廷育祭葬世職陣亡兵丁劉興

國等五十三名賞卹如例。旌表守正捐軀直隸青縣民孫八妻晉氏。河南安陽縣民何起占女何氏。戶部議准。江西巡撫張誠基疏報南昌分宜永豐崇仁鉛山五縣開墾田十頃六十畝有奇。照例升科從之。己亥孝淑皇后殯宮月祭遣官行禮。辛丑諭軍機大臣等。現在賊匪既由寧羌翻山入川。自應設法統截。屢降諭旨。令德楞泰明亮於陝匪辦竣後即行赴川協剿。伊二人此時竟當帶兵馳赴廣元。繞出賊前迎擊。並著勒保派兵與德楞泰兩面夾擊。此股賊匪本由陝入川。經官兵截回陝省。今又由陝竄入川境。實屬不成事體。德楞泰明亮務將此股賊首一律殲擒。宜綿仍駐劄陝境。嚴行防堵。將此傳諭知之。○又諭秦承恩奏請升補府州各缺一摺。此內榆林府知府係於本年正月內出缺。並未據該撫具奏。直至該員家屬回京。由旗咨報到部。始知該府久經出缺。前已據吏部

叅奏其員缺已經簡放。有人該撫此時始行揀員題補。是明留此缺多延時日。以為保題屬員地步。殊屬非是。秦承恩著傳旨嚴行申飭。○癸卯諭軍機大臣等。廣厚奏陝省賊匪竄近甘境。經副將李文蔚等督兵截回。尚為奮勉。著宜綿查明該副將如果實在出力。咨部議敘。現竄匪離甘省甚遠。且有李文蔚帶兵駐劄。廣厚所帶固原兵五百名。自當速行撤回。以節糜費。廣厚亦回省辦理地方事宜。不必仍留該處。也將此傳諭知之。○勒保奏報。勦平黎兒壩賊匪。大寧縣知縣鍾蓮。以同知直隸州升用。○又叅奏勦辦開州坪賊匪遲延。致傾巢奔竄。革副都統六十七總兵官富森布職。仍留軍營効力贖罪。○甲辰以工部右侍郎吳省蘭為浙江鄉試正考官。翰林院編修蔣祥墀為副考官。太常寺卿童鳳三為江西鄉試正考官。內閣中書徐志晉為副考官。詹事府少詹事曹振鏞為湖北鄉試正

考官內閣中書邵瑛為副考官、以故二等輔國將軍克明子倫中襲職、丁未諭軍機大臣等宜綿奏、陝省後股賊匪勦洗淨盡首逆張添倫業經淹斃、但高均德李全等仍任竄入川省、迄未拏獲、實屬無能、宜綿德楞泰明亮等勦辦高均德等賊匪已逾兩年、強兵勁旅亦皆在此一路、乃惟知跟蹤追擊、任賊匪往來奔竄、似此年復一年、何日始能辦竣、豈竟欲待賊匪自斃耶、現在德楞泰已馳赴

廣元、務須統前兇勦、即將高均德李全拏獲、若賊首已與阮正通冉文儒合夥、明亮尤當速赴川境、同德楞泰奮勇直前、將首逆一併擒獲、即帶勁兵與勒保併力搜勦、各股賊匪毋得仍事尾追、致兵丁疲乏、賊得他竄、自于重慶將此傳諭知之、撥山西河南藩庫銀各三十萬兩、解往甘肅以備軍需、己酉諭內閣、德楞泰前此勦辦賊匪、遷延貽誤、本與明亮同罪、因明亮列名在前、是以未將德楞

泰一體治罪、今伊追勦高均德等一股賊匪未能即行擒獲、又任竄入川境、是其種種遲誤之罪、與明亮相埒、德楞泰亦著將御前侍衛署領侍衛內大臣、都統一併革去、仍留副都統職銜、戴罪圖功、以觀後效、庚戌諭軍機大臣等、據哈當阿等奏、在洋遺失奏摺公文一摺、此項奏摺既經在洋遇盜遺失、魁倫等何以並未具奏該差、李喜跳海、鳧水後曾否遇救得生、如竟無下落、亦應查明照例賞

卹、況金門係屬內洋、今有盜船多隻圍劫、摺差之事可見閩省洋面盜風尚熾、該督等平日所奏實力緝拏之處、俱屬虛詞、魁倫等著傳旨嚴行申飭、所有此項盜船仍著該督等督飭嚴緝、務獲毋任漏網、旌表守正捐軀直隸磁州民李才妻索氏、守正被戕、四川崇慶州民黃俸貴妻黃氏、癸丑諭軍機大臣等、英善等奏、陝省賊匪竄至兩當略陽一帶、所有甘省運川麥石暫行停運、其撥川餉銀

四百萬兩。因棧道賊氛未靖。未經轉運。是棧道尚未疏通。軍需糧餉最關緊要。豈可稍有阻滯。宜綿秦承恩係該省督撫。務須實力搜勦。肅清道路。俾得通行無阻。至糧餉入南棧後。勒保亦應派兵迎護。將此傳諭知之。又諭李奉翰等奏湖河各路宣洩情形一摺。此不過指運河尾閘將來可期暢達而言。至此時曹汛漫工尚未堵築。須至七月秋收後購辦料物。霜降後方可進占堵築。計期已在九

平集本主

月望後中間為期正寬。山東曹單下游一帶淹浸處所已有十餘州縣。疊經加恩蠲緩。總須合龍穩固。居民方可奠安。從前該督等辦理此項漫工。屢築屢蝥。實難辭咎。今經寬予限期。此時正無工可辦。聞山東江南交界地方。清口以上至曹工一帶黃河久經淤墊。往來商旅可以步行。此係漫口下游。必須更加深通。將來開放引河時。始可期其暢注。而於壩工亦不致著重。該督等何不趁此時將江

境舊河下游一帶正河詳晰履勘高仰之處。即行豫為抽挑。俾將來開放引河時得以暢達。下注亦先事綢繆之道。將此傳諭知之。予四川陣亡前鋒叅領七十一副前鋒叅領存住前鋒校巴進。伊郎阿副前鋒校瑞麟維和富通阿。阜慶藍翎長富興。阿音德和愛星。阿卓凌阿。德陞。增福。筆帖式明祿。都司馮元培。雲騎尉李寅。千總黃有學。把總江永輝。外委楊元成。蔡大勇。蔡葬世。職前鋒塔克尚阿。

平集本主

等五十二名。兵丁劉傑等三百十三名。賞卹如例。○復緩徵山東曹單濟寧金鄉魚臺嘉祥城武鄒滕嶧汶上十一州縣並臨清濟寧二衛新舊額賦。○甲寅諭內閣雲貴總督現在出缺。富綱才具雖屬拘謹。但曾久任雲貴總督。於邊疆情形尚為諳悉。所有雲貴總督員缺。即著富綱補授。富綱於何處接奉此旨。即馳驛前赴新任。不必來行在請訓。點省苗疆甫經戡定。而軍需銷算等事尤須實力清

釐富綱到任後。務當倍加勉力。奮發有為。將地方一切事宜。逐加整頓。以副委任。其漕運總督。著梁肯堂補授。並著即日前往。料理回空及明歲新漕等事。以期妥速無誤。其刑部尚書一缺。現當辦理秋審之時。一時未得其人。董誥現在守制。已逾小祥。計明歲春夏間。即屆服闋。著董誥暫行署理。董誥接奉此旨。亦不必前來行在謝恩。惟當在京悉心辦理。秋獻大典及軍營紀畧等事。此係朕不得已

實錄本主

主

用人之苦心。當亦人所共諒也。○予故雲貴總督三等男鄂輝祭葬。入祀賢良祠。謚恪靖。以其子鄂彌善襲爵。○乙卯。遣官祭火神廟。○諭軍機大臣等。勒保奏分路勦賊情形。雖將開州坪賊匪痛加殲戮。而各股著名首逆仍未拏獲一名。不為滿意。現在王三槐等竄至陳家山地方。即係林亮功從前屯聚處。所餘添德一股。亦向開縣奔逃。三股賊首自必逃聚一處。勒保現已帶兵馳赴開縣。

截勦。而德楞泰亦由廣元馳赴南江一帶。會同惠齡。恒瑞等。兜截李全。高均德。阮正通。冉文儔等各股賊匪。明亮自亦趕赴前途。與德楞泰等合力奮擊。正當彼此約會。兜圍截勦。務將各股賊匪。於七月內一併勦辦完竣。將此傳諭知之。○勒保奏報。勦除川匪龔懷仁全夥。加道員李鋹。按察使銜賞署知州常發祥。藍翎生員李輝陽等。升賞有差。○以堵勦荆竹園等處賊匪。殲斃賊首林定。相功。賞候

實錄本主

主

補同知方積花翎。○以圓勦荆竹園賊匪不力。革總兵官艾如文。副將王承勳。遊擊李芝榮。花翎。○丙辰。諭軍機大臣等。魁倫奏。拏獲在洋疊劫盜犯一摺。內稱。拏獲盜船一隻。起出大小礮位八門。此項礮位。豈盜匪倉猝所能鑄造。若非沿海營汛。礮位被盜。搶竊。即係汛兵私自賣給。或在洋遺失。其起出礮位。俱鑄有營分及製造年月號數。無難查辦。何以閩粵等省。總未究辦。及此。著傳諭魁倫等。即

將此案起出破位。係何營分如何被盜搶劫遺失之處。查明辦理。並著粵東督撫。照此一體嚴行查辦。以翰林院編修王宗誠為陝西鄉試正考官。刑部主事王祖武為副考官。內閣學士平恕為江南鄉試正考官。翰林院檢討萬承風為副考官。旌表守正捐軀山東泰安縣民李成女李氏。丁巳諭軍機大臣等。景安等追勦竹溪一股賊匪。已除三分之二。而賊匪仍由竹溪竄入陝省平利縣境。

平利縣志

五

豈非驅入鄰境。所辦何事。景安額勒登保與肇著傳旨嚴行申飭。前據宜綿奏業於洵陽平利一帶派兵堵截。今賊匪竄入平利之鎮坪地方。正可迎頭截擊。何以未據宜綿奏報。而景安摺內亦未提及。現在額勒登保與肇已帶兵三千餘名。由鎮坪入陝追勦。當與宜綿兩面夾攻。若再任蔓延陝境。伊等自思當得何罪。至川匪王三槐等夥黨一股。現已竄入大寧。難保不闖入房縣。歸已一帶。景安已

帶兵馳往攔截。並令文圖等分路嚴防。務須實力堵截。勿再任竄入楚界。慎之至。勒保勦辦川東賊匪。仍任王三槐徐添德等竄合一處。今又任賊匪由大寧一帶分竄。似此往來竄擾。何日始能勦竣。勒保亦著嚴行申飭。現在勒保已赴開縣督兵進勦。並令觀成等於大寧奉節一帶迎截。務須策勵雲貴新兵。鼓勇直前。將各股賊匪一律殲除。毋任復竄。楚陝勒保係總統大員。所有陝楚各股賊匪。皆

平利縣志

五

應通盤籌畫。悉心調度。豈得專管川省一路。而各省竄匪。聽各省自行勦辦。以致彼此各不相顧。東擊西奔。迄無成功。如此又安用總統為耶。今將各路帶兵大員。為之分定責成。陝省令宜綿與額勒登保。與肇為一路。專勦現竄平利之劉成棟等一股。楚省令景安與王凱文圖為一路。專堵現欲竄入楚境之川東賊匪。惠齡德楞楞泰等勦辦。李全高均德阮正通等賊匪。如已與冉文儔羅其清合夥。則

惠齡恒瑞明亮德楞泰作為一路併力兜擊若賊首等尚在分竄則惠齡恒瑞專勦冉文偉等一股明亮德楞泰專勦李全高均德等一股如此則各勦各股庶責有攸歸無可諉卸而勒保勦辦王三槐等一股賊匪仍當察探各路賊情相機布置為之聲援策應不拘何路能將賊首拏獲俱係總統之功若賊匪由何路竄逸不特此一路領兵大員責有攸歸即總統亦無可諉罪而各路領兵大員仍

實錄本主

去

不得推卸總統稍存觀望必須各加策勵合力堵勦賊匪方不致往來奔竄若各股賊匪於何路逸出即惟該路領兵大員是問經此番訓諭之後若仍前觀望不知同心協力奮勉圖功必將伊等從重治罪再不能曲為寬貸也將此各傳諭知之戊午撫卹琉球遭風難夷如例己未賞熟河弁兵一月錢糧

（辛酉諭軍機大臣等前聞各省賊匪竄入川境後川匪以伊等桑梓地方不容他省教

匪前來擾害是以齊王氏姚之富高添德仍由川省折回陝省而劉成棟亦由川東竄回湖北今高均德等在陝被勦情急又復闖入川省若川匪仍前與之為難則該首逆等前有川匪阻擋後有官兵追擊而寧西一帶又有秦承恩王文雄等帶兵防堵無從竄入正是極好機會即此時陝匪已與川匪勾合惠齡等何不設計離間俾其疑忌內潰既可以賊攻賊而官兵搜勦更當事半功倍以視東

實錄本主

去

竄西擊惟事尾追豈不難易懸殊惠齡等於此等機宜豈竟全未想及一籌莫展耶將此傳諭知之○撥部庫銀一百萬兩解往湖北以備軍需○壬戌諭軍機大臣等司馬駒奏搶護睢州高家寨要工平穩一摺現在下游曹汎漫口並未堵合當此漫水下注之時上游有何要工急須搶護不過工員等藉此以為沾潤之計司馬駒初任總河必須嚴加查覈工歸實用不得看情面任其藉詞浮冒更

不得因有此旨即心存懈弛遇實在要工轉有疏防也將此傳諭知之○旌表守正捐軀直隸冀州民蘇元妻韓氏

實錄卷五

天

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十一

清 實 錄 嘉慶三年七月

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十二

嘉慶三年戊午秋七月癸亥朔享太廟遣豫親王裕豐恭代行禮○諭軍機大臣等德楞額奏帶兵七十餘人又與惠齡恒瑞會合一路聲勢極為壯盛豈尚不能速擒賊首今冉文雋與高均德勾合賊情反覆必不免自生罅隙惠齡等務須察探賊情相機用計若能設法離間使賊首各自相圖固屬甚善否則使其黨與懷疑漸形解散我兵乘勢進擊亦可收以賊攻賊之效將此飭催即將如何會合擒拏首逆之處加緊馳奏併傳諭知

實錄卷五

二

嘉慶三年戊午秋七月癸亥朔享

太廟遣豫親王裕豐恭代行禮○諭軍機大臣

等德楞額奏帶兵七十餘人又與惠齡恒瑞會

合一路聲勢極為壯盛豈尚不能速擒賊首

今冉文雋與高均德勾合賊情反覆必不免

自生罅隙惠齡等務須察探賊情相機用計

若能設法離間使賊首各自相圖固屬甚善

否則使其黨與懷疑漸形解散我兵乘勢進

擊亦可收以賊攻賊之效將此飭催即將如

何會合擒拏首逆之處加緊馳奏併傳諭知

三六五

之○丙寅諭內閣御史鄭敏行奏請令署尚書董誥於辦理秋審事竣仍行終制一摺前因刑部尚書出缺正當辦理秋審大典之際一時實無可補授之人因念董誥已逾小祥且在京閒住是以令董誥暫行署理並非實任亦斷不肯令其在禁近行走該御史所奏雖屬有理但於朕用人不得已權宜辦理之心猶未深悉且向來似此者不一而足也原摺著發還○戊辰諭內閣高杞奏拏獲捏造

字樣人等

三

逆詞傾陷良民之棍徒審明正法一摺此案襄陽縣民陳萬村因圖謀良家婦女膽敢捏造逆詞圖害無辜實屬狡險可惡該縣因其形迹可疑即行拏獲該府亦即馳赴樊城會同查辦究出實情辦理尚屬認真知府張瑤知縣陳宋賦俱著交部議敘以示獎勵○諭軍機大臣等楚陝地方現已無賊但該二省與川境在在毗連難保竄入川省賊匪不又思折回陝楚其楚北之房縣歸巴一帶著責

成景安率同王凱防堵陝省之平利西鄉一帶責成宜綿關騰索費英阿柯藩堵截漢中寧河一帶責成秦承恩王文雄防守若川省竄匪由何路竄入陝楚境內則惟此一路督防之員是問將此各傳諭知之○以刑部員外郎朱文翰為河南鄉試正考官戶部主事湯藩為副考官署國子監祭酒胡長齡為山東鄉試正考官內閣中書曹惠華為副考官右春坊右中允祝曾為山西鄉試正考官刑

字樣人等

三

部主事戴敦元為副考官○己巳孝淑皇后殯宮月祭遣官行禮○諭內閣本日召見新授雲南東川府知府李堯棟奏稱伊母年逾七十雲南路遠難以迎養著加恩調補山東泰安府知府俾遂烏私其雲南東川府知府員缺即著鳴鐸調補○庚午諭軍機大臣等秦承恩秦太平地方另有賊股陝省西鄉紫陽與太平甚近秦承恩王文雄柯藩現在該處即責成伊三人防守寧河一路有

吉蘭泰李文蔚分駐務實力防守毋使川匪
闖入將此傳諭知之○以貝勒永鑒為鑲白
旗護軍統領貝子永碩為鑲紅旗護軍統領
○以工部侍郎成林兼鑲黃旗蒙古副都統
貝勒德麟為鑲黃旗漢軍副都統貝勒永臻
為正黃旗滿洲副都統太僕寺卿佛爾卿額
為鑲紅旗蒙古副都統仍兼太僕寺卿○以
鎮國公永孚總管內務府大臣縉布為鑲紅
旗漢軍副都統總管內務府大臣盛住御前
侍衛明安為鑲藍旗漢軍副都統○以正黃
旗滿洲副都統崇尚為廣州將軍正白旗滿
洲副都統德勒格楞貴為寧夏將軍○壬申
孝懿仁皇后忌辰遣官祭
景陵○甲戌予貴州征苗陣亡都司胡慶遠由
占魁守備崔崑周斌張文貴顧世臣千總折
文舉馬有明李廷桂丹占魁把總保元奉尚
永盛鄧欣祖曾玉朱宣揚曾鴻浩高以謙陳
欽彭天亮李春教劉應耕陳宏典詹廷才王

士謨毛貴王志德徐文錦李應隆吳唐雲徐
洪德徐光顯李燦章牛占墀段起文外委徐
欣祖劉尚質王元柏張陞李應祥朱應文張
士溥王見楊元章何君弼畢連陞將運泰傷
亡遊擊常山湖北傷亡都司哈豐阿祭葬加
等世職如例貴州陣亡千總張國偉把總陳
惠程超曾偉陳坤李華純外委周紹全祭葬
世職兵丁趙坦等一千九百八十二名賞卹
如例○丙子諭軍機大臣等伯麟奏查明蘭
第錫原籍財產無幾一摺前因蘭第錫賠項
較多是以查其原籍田產以便酌量加恩茲
據奏查明房閒地畝僅值銀一百四十餘兩
蘭第錫平日居官尚稱清慎今身後遺產僅
值此數亦覺可憫自不忍再令賠繳竟應寬
免以示體卹將此傳諭知之○丁丑中元節
遣官祭
永陵
福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

孝淑皇后殯宮○遣官祭

端慧皇太子園寢○轉兵部右侍郎李潢為左侍郎以內閣學士阮元為右侍郎○旌表守正捐軀安徽靈璧縣民時智與妻張氏○戊寅命道員陳大文改名文以與廣東巡撫陳大文姓名俱同故也○命翰林院侍講學士錢蔭提督雲南學政○己卯調戶部右侍郎韓鐸為兵部右侍郎禮部右侍郎戴衢亨為戶部右侍郎兵部右侍郎阮元為禮部右

侍郎○以江蘇江寧鹽道方昂為貴州按察使○庚辰諭軍機大臣等景安奏鎮草黑苗糾眾數千將三角巖等處營卡攻破苗性本多反覆此次搶割民田不過欲圖掠食現在勦捕教匪喫緊之際不值因此興兵姜晟王栢此時惟當飭令苗弁自行曉諭解散將為首苗匪縛獻其事即可完竣儻怙惡不悛姜晟王栢亦惟當督率官兵於要隘分布懾以軍威不使四出滋擾俟川省勦辦完竣再酌移勝兵搜勦不可輕率舉動又致激成事端將此傳諭知之○鑄給湖南乾州廳鳳凰廳永綏廳同知麻陽縣巖門縣永綏廳鳳凰廳巡檢麻陽縣高村巡檢印從巡撫姜晟請也○予浙江出洋淹斃兵丁李振耀等五十一名賞卹如例○旌表守正捐軀山西汾陽縣民張明正妻張氏○甲申

上奉

太上皇帝勅諭以雨多霜早停止進哨（丙戌）上侍

太上皇帝御卷阿勝境賜扈從王公大臣蒙古王貝勒貝子公額駙台吉等食至庚寅皆如之○諭內閣前因觀成等圍勒老木園一股賊匪辦理遲延降旨將觀成劉君輔革職嗣因勒淨該處賊匪尚為奮勉復令勒保查奏酌量加恩茲據勒保奏觀成劉君輔在夔州一路安設營卡分投堵禦俾賊匪未能闖入

楚境尚屬奮勉出力等語觀成著加恩補授西安副都統劉君輔著加恩補授建昌鎮總兵以示鼓勵○以攻勒老木園賊匪功賞防禦崇喜花翎守備虎正林等藍翎餘升賞有差○命京畿道監察御史宋澍提督陝甘學政○丁亥命工部右侍郎吳省蘭提督浙江學政○戊子諭軍機大臣等德楞泰一路所帶官兵七千餘名何至每月需銀九萬餘兩現已據英善等咨查德楞泰一路如此各路

亦大概可知勒保身為總統並不嚴飭各路加意搏節恐勒保一路亦不免有浮支冒銷之事國家經費有常軍務一日不竣不但需費不貲即轉輸尤多煩擾著將德楞泰軍營如何濫用之處據實速奏○辛卯諭軍機大臣等惠齡奏攻破大神山賊巢所辦較為振作但不足為功惟當趁此賊匪窮竄緊蹙賊蹤或繞前抄截或分路兜擒或間諜計誘肅清此股賊匪即可移師擇要會剿又恒瑞德

楞泰奏黑龍江及西安滿營各缺並未與惠齡聯名同在一路領兵均應一律管轄今升補軍營出力人員祇係恒瑞德楞泰出名顯因黑龍江官兵係德楞泰原帶西安官兵係恒瑞所轄明分畛域可見伊等並不同心協力惟事驅賊遠去以鄰國為壑不顧大局安望一心同力歲事耶著將原摺擲還○以故烏珠穆沁鎮國公喇什丕勒子都噶爾扎布青海扎薩克貝子羅布藏色布騰子旺沁丹

津各襲爵

中興本主

十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十三

嘉慶三年戊午八月壬辰朔遣官祭黑龍潭
昭靈沛澤龍王之神玉泉山
惠濟慈佑龍王之神 諭內閣魁倫等奏龍
溪縣起解地丁銀兩在途被劫該縣私行賠
解匪不通報請旨革審一摺此案解省銀兩
於中途被劫後該縣朱泰會業經緝獲夥盜
陳奇等並不趕緊審辦輒將被劫銀兩私行
賠解冀圖消弭實非尋常規避可比所有龍
溪縣知縣朱泰會著革職拏問該汛署千總
王清海既經疏防於前又不稟報於後明係

終

通同諱匿亦著革職拏問署漳州府知府武爾衮布近在同城於盜劫錢糧重案並不據實詳揭亦屬有心徇隱武爾衮布著解任質訊署城守營都司守備傅廷標亦著一併解任交與該督等嚴審定擬具奏署漳州鎮總兵劉煥護汀漳龍道知府金城有無徇隱匿報之處並著該督等查明一併究處○旌表守正捐軀河南陳留縣民王乾女王氏○戶部議准廣西巡撫台布疏報宣化天保二縣開墾旱田五十一畝有奇水田十七埤有奇照例升科從之○癸巳遣官祭關帝廟○諭內閣宜興等奏南糧全數抵通一摺向來趲運糧艘有較上年早到者皆降旨將督運及辦理河道之大小各員交部議敘此次幫船全數抵通比較上年已遲逾月餘雖因東省曹汎漫工未經堵合運河緯道輓運稍艱尚可寬其議處亦不值更加甄敘嗣後惟當實力督催迅速行走趕符原限毋

得藉口遷延又復因循遲誤致干咎戾○諭軍機大臣等勒保初抵川境尚能振作自專勤王三槐以來迄未擒獲首逆至大神山賊匪雖經惠齡等勒散而首逆高均德又向龍鳳坪大包山奔逸明亮等追剿多日總未成擒尤屬遲玩總之著名賊首若能擒獲二三名則餘夥失所倚恃自必紛紛潰散以次殄平無如伊等並不身先士卒鼓勇直前賊匪藏匿山中則云路徑險仄難以進攻賊匪四出奔逃則云地方散漫不能邀截曲宥之而不知勸切責之而不知懼冥頑不靈形同聾聵勒保惠齡恒瑞明亮德楞泰興肇俱著傳旨嚴行申飭儻不能於八月內一律辦竣軍律綦嚴勿謂可以倖免○貴州巡撫馮光熊奏銅仁松桃新添官兵應需糧餉除照例籌撥外尚不敷五千七百六十餘石現擬照古州等鎮協折給兩月兵米例折給米二千一百六十餘石又該處紳耆呈請將每年額徵

耗銀改納米一千三百三十七石零。又府廳應行變價耗米及小竹山案内逆產田畝租米共得米四千三百餘石。均可就近撥給。其餘不敷。應令該府縣採買支給。下部知之。○甲午。遣官祭昭忠祠。○諭內閣哈當阿奏新授蘇松鎮總兵安平協副將李鈇於匪船停泊中港時。延挨觀望。並不即時圍捕。以致盜匪遠逃。請將李鈇革職等語。所參甚是。李鈇甫由副將擢任總兵。乃於緝捕事宜。心存畏蒧。於盜船停泊時。並不即時擒捕。經哈當阿屢檄飭催。又復藉詞延挨。以致盜首遠颺。實非尋常玩誤可比。僅予革職。不足蔽辜。李鈇著革職拏問。並著派委妥員迅速解京。交軍機大臣會同刑部嚴審定擬具奏。所遺蘇松鎮總兵員缺。著愛新泰補授。○諭軍機大臣等。現在李鈇已解內地。著魁倫等即派員解京。並著哈當阿於同時巡洋弁兵內。揀擇數人。另起解京。隔別管押。毋任中途與李鈇見

面致有通同串供情弊。○又諭魁倫身受重恩。遇有地方事件。理應秉公辦理。乃李鈇係其所保。轉以哈當阿所奏為張皇。心存迴護。大屬非是。著傳旨嚴行申飭。○乙未。

上侍

太上皇帝御卷阿勝境。賜扈從王公大臣蒙古王貝勒貝子公額駙台吉等食。至己亥皆如之。○諭內閣愛星阿近在軍營。尚屬奮勉。著加恩賞給三等侍衛。以觀後效。○諭軍機大

臣等明亮等奏到勦賊情形。所斃詹世爵李槐二犯姓名。從未奏過。僅與前日惠齡等所殲賊目禹斯珍相等。而摺內聲敘情形。轉似大得勝仗。殊屬無謂。張漢潮一股。現在向北奔走。與陝省南鄭等處毗連。若明亮等不能繞出賊前。致任竄入陝境。則罪上加罪。斷不曲宥。將此諭令知之。○戶部議駁黑龍江將軍咨送索倫等所貢貂皮。雖足壯丁之數。不及等第。應毋庸賞。

上以其足數命減半賞之○丁酉祭

先師孔子遣儀郡王永璇行禮○以內閣學

士成書禮部左侍郎周興岱監臨順天鄉試

戶部尚書沈初為正考官吏部左侍郎趙佑

禮部左侍郎鐵保為副考官○復加賑山東

曹單城武濟寧魚臺金鄉嘉祥鄒滕嶧十州

縣臨清濟寧二衛被水災民有差○戊戌祭

大社

大稷遣裕郡王亮煥恭代行禮○

孝淑皇后殯宮月祭遣官行禮○諭內閣據秀

林奏七月間松花江水勢泛漲雖兩岸低窪

田畝被浸並未滋漫現在無庸接濟辦理等

語松花江水勢雖未盛漲低窪田畝究被浸

淹該處旗民生計未免稍有拮据著秀林等

務須留心詳查如有應行接濟之處即行辦

理具奏斷不可隱諱偏災致失旗民生計○

諭軍機大臣等據姜晟奏黑苗解散情形及

令苗備吳隴登擒獻首從各犯緣由與王柄

所奏大畧相同姜晟王柄惟當督飭司道鎮

將等鎮靜妥辦一俟首犯獻出即可完事至

姜晟奏蒲圻教匪滋事一節昨據高杞奏已

攻得賊卡務當速行搜捕勿任稍有蔓延外

省習氣遇有地方搶劫小事往往張大其辭

以為邀功地步及至激成事端則又心存畏

蒞束手無策高杞初任巡撫尤當引以為戒

所有湖南撤回兵一千名姜晟已咨明高杞

豫為檄調如必須此項兵力方可調用儻現

兵足資勦捕即當飭令歸伍將此各傳諭知

之○旌表守正捐軀直隸景州民馬元英妻

朱氏○戶部議准陝甘總督宜綿疏報甘肅

靖遠正寧二縣開墾地八頃九十八畝有奇

照例升科從之○庚子

太宗文皇帝忌辰遣官祭

昭陵○勒保奏報攻克安樂坪賊巢生擒賊首

王三槐得旨嘉獎晉勒保及軍機大臣大學

士伯和坤公爵封戶部尚書福長安侯爵大

學士王杰董誥戶部尚書沈初戶部右侍郎戴衢亨工部右侍郎那彥成均下部優敘。○辛丑諭內閣現在辦理秋審詢據刑部本年情實人犯起數較少上年業將兩次停勾各犯歸併勾到茲勦辦教匪大功屆竣諸事吉祥所有本年情實各起著暫停勾到俟明年再行歸併辦理此內情節尤重者仍著該部照向例查明摘出開單具奏。○又諭從前永保勦辦湖北賊匪時不能設法兜圍任令竄逸獲咎甚重將伊革職交刑部監禁並將其子寧志寧怡革去侍衛發往熱河令伊兄勒保生擒賊首王三槐著有勞績著加恩將永保釋放寧志寧怡亦著加恩釋回在上虞備用處拜唐阿上行走以示權衡功罪推恩曲宥至意。○景安奏湖北被賊滋擾難民例應給賑三月又上年被旱之江陵等四州縣奉旨賞給一月口糧前經撫臣高杞奏上年被旱被擾之區即在本年續經被擾地方應統

歸本年被擾案内查辦以免重複冒濫查楚北被賊各屬有上年被擾本年賊氛未經者亦有本年賊到之處上年未被蹂躪者情形不一勢難歸併且有上年被旱並未被賊而本年雖被蹂躪亦未盡被旱者若止賑本年被難之戶而置上年於不問是一屬之中辦理兩歧應請仍分別給賑以免向隅報聞。○湖北巡撫高杞奏報勦平蒲圻縣洋泉團餘匪擒斬賊首王添萬等得旨獎賚下部優敘賞叅將德祿都司玉書守備宋吉典花翎把總楊光海等藍翎道員保定等升敘有差。○以擒獲賊首王三槐捷報迅速驛站員弁暨兵部捷報處官下部議敘兵丁等獎賞如例。○旌表守正被賊河南內黃縣民劉士達妻王氏。○壬寅太祖高皇帝忌辰遣官祭福陵。○命吏部侍郎趙佑提督順天學政內閣學士平恕提督江蘇學政太常寺卿童鳳三

提督江西學政。太常寺少卿陳霞蔚提督安徽學政。署國子監祭酒胡長齡提督山東學政。通政使司通政使初彭齡提督福建學政。翰林院侍講莫晉提督山西學政。編修王宗誠提督河南學政。侍講學士陳琪提督湖南學政。詹事府少詹事曹振鏞提督廣東學政。右春坊右贊善陳希曾提督四川學政。戶部員外郎錢楷提督廣西學政。刑部郎中彭希濂提督貴州學政。○癸卯。

上侍

十

太上皇帝御卷阿勝境。賜扈從王公大臣蒙古王貝勒貝子公額駙台吉等食。至丙午皆如之。○甲辰。

太上皇帝萬壽聖節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后

孝儀皇后陵寢。○遣官祭

顯佑宮。

東嶽廟。

上侍

士

城隍廟。○

上率扈從皇子及王公大臣官員蒙古王貝勒

貝子公額駙台吉等詣澹泊敬誠殿行慶賀

禮。○鑄給江西德化縣印。增江西二字。浙江

龍泉縣印。增浙江二字。○乙巳。秋分。夕

月於西郊。遣豫親王裕豐行禮。○調江西南昌

鎮總兵官寧泰為江南狼山鎮總兵官。以廣

東南雄協副將劉鑑為南昌鎮總兵官。○已

酉。諭內閣張誠基奏江西寧州陳坊地方有

習教匪徒。在彼糾衆滋事。該撫接據稟報。即督同總兵寧泰帶兵馳往。上緊勦辦。將起事首犯劉聯登槍斃。其餘首夥各犯。全行擒獲正法。地方俱經寧謐。所辦可嘉。張誠基寧泰俱著加恩賞戴花翎。仍著交部從優議敘。其餘在事出力文武各員弁。並著張誠基會同寧泰查明咨部分別議敘。以示獎勵。○諭軍機大臣等。據張誠基奏寧州賊首劉聯登拜從湖北通山縣人。盧及名為師。學習符咒。著

傳諭景安等密飭所屬。速行擒獲。不必稍有株連。現在該處地方無事。正應妥為撫馭。不可因查拏盧及名一犯。又致驚疑。別滋事端。○又諭上年賊衆由楚省竄至陝境後。屢欲偷渡漢江。經官兵連次擊退。遂由紫陽石泉輾轉逃至漢中。北面係惠齡帶兵堵勦。東面係明亮德楞泰統兵迎擊。西南則恒瑞慶成抄出賊前。扼要攔阻。江岸則柯藩駐劄防守。官兵四面合圍。賊衆已如魚游沸釜。彼時帶

兵大員。若稍知愧勵。合力進攻。原不難一鼓殄滅。乃彼此遷延觀望。以致敗殘賊衆。任其衝突奔逃。與各股賊首聯為一氣。今距上年合圍之日。又將一載。迄未歲事。其咎甚重。惠齡恒瑞興肇富成明亮德楞泰著再傳旨嚴行申飭。○又諭前據長麟等奏薩木薩克懇請內投。當即降旨加恩。並令德勒格楞貴前往曉諭。嗣又奏薩木薩克誤聽訛傳。妄生疑慮。復令愛里牙爾等前赴鄂羅退帕察看情

形。照料起身。乃薩木薩克初欲攜眷同來。繼又飾詞雪阻。復又因伊妻兄從中播弄。遂攜眷潛逃。追拏無獲。似此反覆無常。長麟等既為其所愚。辦理又復冒昧。長麟伊斯堪達爾策拔克俱著傳旨嚴行申飭。薩木薩克逃遁多年。蹤跡無定。若派兵追拏。不但勞我兵力。且使彼聞風驚懼。愈竄愈遠。即設法招致。邊外布魯特等又視為奇貨。可居於事無益。此時長麟等既經酌調官兵。惟當於各卡倫分

撥防守僮薩木薩克妄思至卡倫附近滋擾即可擒獲治罪如悔悟來投仍當照前賞給職銜翎頂以示綏懷長麟等可將此意傳播卡倫外俾其知感知畏至呼大牙爾弟兄互相攘奪及那爾巴圖欲帶兵乘機侵占皆係邊外之事祇可置之不問僮伊等稟請內地兵力惟宜臨時嚴詞駁斥將此諭令知之○庚戌諭軍機大臣等費淳奏稱淮徐等屬濱臨河湖地畝多有被淹正在起程赴勘開接

奉諭旨令查江境挑濬各工即就近前往等語撫卹賑緩各事宜關繫民瘼自應先往查看再順道嚴查挑工費淳不可緩其所急轉至因此失彼也將此諭令知之○壬子免貴州狎苗滋擾之興義府普安貞豐二州普安安南二縣並冊亨州同新安縣丞捧鮒巡檢所屬本年額賦緩徵朗岱歸化永寧平遠安平清鎮六廳州縣新舊額賦○癸丑遣官祭賢良祠○補行嘉慶元年大計貴州卓異官

七員不謹官一員罷軟官一員年老官三員有疾官一員才力不及官一員分別議敘處分如例○甲寅世宗憲皇帝忌辰遣官祭泰陵○

上侍

太上皇帝詣

永佑寺行禮○調禮部左侍郎鐵保為吏部右侍郎盛京兵部侍郎書敬為禮部左侍郎以

內閣學士恭泰為盛京兵部侍郎調理藩院右侍郎特克慎為刑部左侍郎以鑲白旗蒙古副都統普福為理藩院右侍郎○以刑部左侍郎特克慎兼正紅旗滿洲副都統禮部左侍郎書敬兼正藍旗滿洲副都統○以理藩院右侍郎普福為庫倫辦事大臣○乙卯諭軍機大臣等陝省邊界前經降旨責成宜綿秦承恩王文雄等嚴密防守今竄匪逃至廣元南江一帶與南鄭寧羌沔縣接壤西南

祇有索費英阿等在彼。兵力較單。著傳諭宜綿泰承恩王文雄。即於寧河南鄭緊要關隘。深溝高壘。嚴密堵禦。設伏邀擊。漢江一帶。亦應列戍嚴防。或設疑兵。使之不能闖入。此為最要。明亮如已將張漢潮擒獲。亦即馳赴西路。協同堵剿。額勒登保前在太平養病。現在自己全愈。著即帶現有之兵。迅赴寧河。南江一帶。酌量情形。幫同堵截。○直隸提督慶成軍營受傷。命解任回旗調理。以三等侍衛愛星阿為直隸提督。調泰寧鎮總兵官特清額為馬蘭鎮總兵官。兼東陵內務府總管。以正藍旗漢軍副都統范建豐為泰寧鎮總兵官。兼西陵內務府總管。○革惠齡德楞額泰花翎。以箕山賊復逼陝境故也。○丙辰。定留養及軍徒脫逃改發例。刑部議留養一項。原係國家矜恤孤獨。特施法外之仁。似應量為推廣。應請將例文內情節較重者。共二十五條。概不准

聲請留養。一強盜窩主。造意不行。又不分贓者。○旗下正身犯積匪者。一拏獲逃人不將實在窩留之人指出。再行妄扳者。一發遣雲貴兩廣烟瘴。偷創人。漢人犯在配脫逃者。一盛京旗下家奴為匪逃走。犯至二次者。一派往各省駐防滿洲兵丁。臨行及中途脫逃者。一用藥迷人。甫經學習。即行敗露者。一用藥迷人。已經得財為從者。一閩省不法棍徒。引誘偷渡之人。包攬過臺中途謀害人未死。為從同謀者。一應發極邊烟瘴罪人。事發在逃。被獲時有拒捕者。一開審誘取婦人子女。勒賣為從者。一旗人犯罪發遣赦回。又生事故者。一永遠枷號人犯。已逾十年。原擬死罪。並應發新疆黑龍江者。一夥梟徒拒捕傷差。案內之壯丁窩家者。一軍營逃兵在軍務未竣以前投首者。一軍營脫逃餘丁被獲者。一用藥迷人被迷之人。當時知覺。未經受累者。一聚眾奪犯殺差。案內隨同拒捕未經毆人

成傷者。一川省匪徒在野擄搶四人至九人未經傷人者。一臺灣無籍游民兇惡不法。犯該徒罪以上情重者。一賊犯犯罪事發抗拒殺差案內為從在場助勢者。一罪囚越獄脫逃三人以上原犯徒罪為從及杖笞為首並一二人原犯軍流為從及徒罪為首者。一洋盜案內被脅服役者。一幕友長隨書役等倚官妄為累及本官罪應流以上與同罪者。一新疆兵丁跟役如有酗酒滋事互相調發者。其搶竊滿貫擬絞緩決減等等項情節較輕者。二十二條准其留養一次。一搶竊滿貫擬絞秋審緩決一次者。一竊盜三犯。賊至五十兩以上擬絞秋審緩決一次者。一內地民人在新疆犯至軍流互相調發者。一引誘包攬偷渡過臺招集男婦至三十人以上者。一調姦未成。和息後因人恥笑。復追悔抱忿自盡致二命者。一行營金刃傷人者。一押解新疆遣犯脫逃限滿無獲為首情重者。一川省匪

重案卷五

五

重案卷五

十九

徒在野擄搶十人以上被脅隨行者。一兇徒因事忿爭執持軍器毆人致篤疾者。一夥眾搶去良人子弟強行難姦之餘犯問擬發遣者。一三次犯竊計贓五十兩以下至三十兩者。一三十兩以下至十兩者。一竊贓數多罪應滿流者。一搶奪金刃傷人及折傷下手為從者。一發掘他人墳塚見棺槨為首及開棺見屍為從一次者。一開棺見屍二次為從者。一竊盜臨時拒捕傷非金刃傷輕平復者。一搶奪傷人傷非金刃傷輕平復者。一積匪猾賊及窩留者。一回民犯竊結夥三人以上及執持繩鞭器械者。一旗人逃走一月內自行投回及擎獲者。一行竊軍犯在配復行竊者。如不知悛改復行犯罪仍不准留養庶於矜憫之中仍寓分別懲創之意。再查由新疆改發內地人犯如竊盜臨時拒捕傷非金刃傷輕平復搶奪傷人傷非金刃傷輕平復回民犯竊結夥三人以上及執持繩鞭器械三項

情罪較重如有脫逃自應照新疆人犯脫逃之例即行正法其餘改遣人犯本罪原止軍流如有脫逃似未便統照外遣人犯一體辦理但究係由外遣改發內地亦未便僅照尋常軍流脫逃例定擬應請各按現犯本罪上加二等調發十條一搶竊滿貫擬絞秋審緩決一次者一竊盜三犯賊至五十兩以上擬絞秋審緩決一次者一三次犯竊計五十兩以下至三十兩者一三十兩以下至十兩者一竊盜賊數多罪應滿流者一搶奪金刃傷人及折傷下手為從者一發掘他人墳塚見棺槨為首及開棺見屍為從一次者一開棺見屍二次為從者一積匪猾賊及窩留者一行竊軍犯在配復行竊者於犯案發配時即面刺改發字樣以示區別從之 戶部議准陝甘總督宜綿疏報甘肅合水靈平羅三州縣並紅水縣丞所屬開墾地一百七十三頃二十四畝有奇照例升科從之 丁巳

上侍

太上皇帝自避暑山莊迴鑾○詣

文廟瞻禮

闕帝廟

城隍廟拈香○諭內閣據保寧奏將偷竊民人馬匹又復拒捕搶奪馬匹之土爾扈特喇嘛楚魯木土爾扈特克噶扣本審明正法等因具奏案內參奏庫爾喀喇烏蘇領隊大臣成德並不遵將犯人土爾扈特等解往該游牧懲辦輒以河水漲發為詞將其台吉及屬下人等傳至庫爾喀喇烏蘇懲辦殊未允協等語土爾扈特等膽敢偷竊民人馬匹復又拒捕搶奪情殊可惡保寧審明即行分別正法甚屬允當至成德係伊犁協領經保寧保舉朕始用為領隊大臣今伊並不遵奉將軍委派藉詞偷安擅自傳集土爾扈特台吉及屬下人等眼同將該犯辦理殊屬非是成德著照保寧所請交部嚴加議處外仍著保寧

將成德自補授領隊大臣以來有無任意自滿以致辦理事務錯謬之處東公詳察如有此等情節即行據實奏奏毋得因係原保之人自存迴護也○景安奏川省通江竄匪擾至陝境之沿江一帶非希圖搶渡北竄即由南岸東奔楚省奏入諭軍機大臣等昨據秦承恩奏張漢潮一股從西鄉堰口奔竄宜綿已趕至石泉並派柯藩慶溥等分布要隘相機堵剿是東面已有官兵遏其去路未必即

實錄卷五十五

三

能竄入楚境景安飛飭各營卡加緊防範亦屬先事豫防之策但張漢潮一股屢經官兵勦殺勢已潰散乃明亮等跟蹤追躡總未成擒茲又任其竄至石泉焚掠伊等帶領如許勁兵若再不能趕上賊匪與宜綿等兩面夾擊竟任東奔闖入楚境必當重治伊等之罪並著宜綿王文雄等遵照昨旨併力堵截勿令賊匪北渡漢江東竄至楚省巴東邊界亦關緊要著高杞速行馳往會同王凱實力嚴

防○華明亮興肇花翎以賊匪竄至石泉故也○雲南提督文圖以疾乞假命解任回旗調理○是日駐蹕喀喇河屯行宮○戊午駐蹕常山峪行宮○己未諭軍機大臣等現在各股賊匪仍折竄郭家溝一帶與羅其清株守之箕山相近而羅其清又分遣夥黨攻撲營山縣城徐添德一股又奔逃舟口可見賊匪來去自如毫無攔阻惠齡等務須親率官兵嚴密攻圍按名擒獲若一時不能將各股

實錄卷五十五

三

賊首全數擒縛與其東西馳擊兵無定向莫若併力攻勦羅其清一股此股賊眾較多各賊藉其聲勢如將羅其清擒獲餘賊自必瓦解至勒保所勒冷添祿林亮功兩股賊匪僅畧需時日該處賊匪無多何不於得力提鎮將領內酌留數人帶兵在彼勦辦勒保當統領勝兵速赴箕山督同惠齡等將大股賊匪勦淨更為得力仍在勒保酌量而行將此傳諭知之○密雲副都統觀音保以疾解任以

頭等侍衛全福為密雲副都統。是日駐蹕兩閒房行宮。庚申山東巡撫伊江阿奏曹單等處前被水災請截留漕糧米豆二十七萬七千餘石以資賑濟從之。是日駐蹕要亭行宮。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十三

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三十四

監明叢書館選漢起居官太史公史記官史周領領事轉參政士衛官侍處官理部事務轉院學士兩署
加版奉常司四版曹校勘館教習士下儀禮閣學士管理刑部事務司五版自寶均七版通日攝典選管官士孫司史官兩館參
閣事務參政奉士兩署外底儒林太學士部內書翰院院學士教習官書總管內務府大臣領事滿洲部學士領官富察氏
戶部一學奉苑苑清湖園奇處瞻望臣御參陽原御樂府太醫院院醫官事務軍器監版隨帶加二版尋常加三版紀錄士下
其如經道講官士下陳禮部南書房史文英版無管理國子監事務如版隨帶加二版紀錄士下通此等奉
敘序

嘉慶三年戊午九月辛酉朔諭軍機大臣等

張漢潮一股賊數無多茲被官兵沿途截殺現存不及三千人况宜綿督率柯藩等在紫陽防守過其東竄秦承恩王文雄於通川分布勦防明亮等正可迎頭截擊何以復由小壩竄回四川南江縣境明亮興肇著再傳旨嚴行申飭至勒保受朕逾格恩施更當豫操勝算近聞川匪有自相攻擊之語若果如此賊黨內離勒保到彼或設法用計赦冉文雋之罪令為官兵前驅進攻羅其清可收以賊

攻賊之益。並著惠齡等一體留心設法為要。
○以鑲藍旗蒙古副都統翁果爾海為英吉
沙爾領隊大臣。○是日駐蹕密雲縣行宮。
壬戌。諭軍機大臣等。哈當阿奏。拏獲洋盜審
明正法。並因盜首蔡牽遠颺未獲。請交部治
罪一摺。此次洋盜在臺灣一帶劫掠。哈當阿
分遣將弁督率官兵前後拏獲盜犯多名。並
前將遇盜畏葸之副將李鈇據實叅奏辦理
尚屬認真。所有該提督自請治罪之處著加
恩寬免。魁倫既不能認真督飭水師將弁上
緊緝盜。而於哈當阿叅奏李鈇又復心存迴
護。前已降旨嚴飭。茲盜首蔡牽等已逃回內
洋。且所餘盜船無多。即責成魁倫緝拏務獲。
若再致盜首遠颺。則二罪並發。恐魁倫不能
當此重咎。將此諭令知之。○是日駐蹕南石
槽行宮。○癸亥。

上侍

太上皇帝還圓明園○詣

安佑宮行禮。都察院左副都御史孟邵以不
能約束其子降級調用。旌表守正捐軀陝
西邵陽縣民苗初妻孫氏。○甲子遣官祭
都城隍之神。○丙寅。諭軍機大臣等。倭什布
奏。睢州工汛因連日疾風猛雨。黃河盛漲。水
勢高於隄頂。平漫過水一百五十六丈大溜
分注漫工者已有八分。入正河者僅止二分。
則下游自必即日斷流。曹汛漫口可以堵築。
而睢州五堡漫水有洪澤湖為之歸宿。較之
曹汛工程轉易辦理。向來北岸漫溢。漫水下
注。勢如建瓴。施工較為費手。南岸地勢較高
且多平行分洩。湖河去路較寬。易於堵築。是
以從前辦理北岸漫工。曾有旨令於南岸或
酌行開放缺口。分洩水勢。此時司馬駒自己
得信。馳抵睢工。即會同倭什布督率工員。先
將漫口趕緊盤頭。勿令塌寬。其睢州一帶及
下游蒙亳等處被水卹莊著倭什布。朱瑋督
飭所屬妥為撫卹。至江境下游現據李奉翰

等奏已分段挑挖仍當實力督辦普律深通以便漫水歸入正河暢行無阻將此各傳諭知之○予湖北河南陣亡守備劉天錫千總擺守德劉國輔把總許國楨李大德外委李芳金廷廉祭葬世職兵丁喀爾瑪喜等五百二十八名貴州征苗陣亡兵丁孫廷桂等二名土目周宗培等二名賞卹如例丁卯孝淑皇后殯宮月祭遣官行禮○予湖北陣亡領催噶爾漢佈等十名賞卹如例予浙江傷亡兵丁劉孔文廣東傷亡兵丁麥奇高等九名賞卹如例旌表守正被戕山西臨汾縣民張根子妻吉氏○己巳遣官祭歷代帝王廟諭軍機大臣等明亮等奏追勦張漢湖賊匪情形皆係空言不過因高均德屯聚廣元與額勒登保分兵追勦敷衍具奏明亮興肇著再傳旨嚴行申飭惠齡等雖將鳳凰寺攻克殲斃賊目而首逆仍未擒獲亦著傳旨嚴行申飭至高均德一股明亮等

奏已竄至廣元而惠齡等又稱接據蒼溪縣稟報竄入該縣地方所奏互異查明惠齡等奏摺在惠齡等發摺之後三日自係高均德由蒼溪復竄廣元現在額勒登保業經帶兵抄赴寧羌一帶迎擊惠齡等自當酌量分兵自南而北兩面夾擊何得專辦徐添德而置高均德於不問伊等三人內即當酌分一人帶領勁兵速赴廣寧截擊方不致顧此失彼陝省寧汧一帶宜綿等務須督率兵勇嚴密堵截勿令賊匪乘間北渡漢江其鄖陽竹山及歸巴一帶現有景安高杞等亦當一體實力堵截將此傳諭知之○緩徵湖北各屬帶徵元年二年及荊門州本年漕糧漕項銀並武昌左黃州德安蘄州襄陽等六衛所京山鍾祥隨三州縣津貼等款仍截留本年應運糧六萬石以裕民食○庚午賞順天鄉試年老諸生于江元等三十二名舉人副榜有差○甲戌諭軍機大臣等司馬駒奏塋工盤頭

業經裹住擬從東西兩壩進占無庸另開引河並於西壩上首築做挑水壩俾進埽時口門不致著重等語自當如此辦理但該處漫工非曹汎可比經費大可減省務當撙節辦理不可稍任工員稽延浮冒至附近睢州一帶被水地方並著倭什布實力撫卹又據李奉翰奏亳州蒙城一帶渦河水勢深通尚未出槽淹及民居等語覽奏稍慰但該處低窪地畝或恐有被淹者不可不留心查勘將此

平糶本志

本

各諭令知之加賑江蘇豐沛銅山邳睢寧宿遷安東桃源海沭陽十州縣本年被水災民並蠲緩額賦有差緩徵上元句容六合上海華亭奉賢丹徒山陽清河阜寧鹽城泰東臺興化寶應十五州縣額賦乙亥諭軍機大臣等據勒保奏將伊弟永保發往軍營効力一節永保前在湖北軍營獲罪甚重拏解來京不即按律治罪僅禁囹圄已屬寬典昨因勒保擒獲王三槐又復推恩釋放勒保係

該處總統軍務之人若將伊弟發往帶兵勒保自必意存偏向無論其在何路盡力與否必為之設法邀恩何以服衆此奏斷不可行將此傳諭知之以擒獲逆首王三槐功賞道員承勲石作瑞按察使銜叅將薛大烈巴圖魯名號同知洪範曹六興應先烈知州許雲霄副將富森叅將阜祿倭星額唐朝臣遊擊花良阿都司陳勝龍盧呈瑞守備馬隆花翎義民首貢生劉星渠五品頂帶花翎以通

平糶本志

七

判用知州趙來震等藍翎餘升賞有差旌卹貴州遇賊捐軀守備江濤妻陳氏子其伯其紹其明其裕其中其文女閨成州同曾艾妾余氏陳氏子江表姪張蓋英並僕段廷富等十一名僕婦潘氏等三口如例旌表守正捐軀廣東新興縣民賴達妻溫氏丁丑諭軍機大臣等本年係停止勾決之年軍機大臣會同刑部將秋審朝審各犯情罪尤重者照前例摘敘案由請旨正法繕摺具奏朕

詳加閱看覈其情節均屬法無可寬朱阿和胡發藏扎克達李山黎士華張希滿熊兆文周氏黃金潤王幗有繆六陳大經實三則楊士魁趙小羣耿俊明俱著照擬即行處斬○貸齊齊哈爾所屬被旱災民穀加賞廣寧門外普濟堂煮賑小米三百石已卯予廣東故明遼東總制袁崇煥入祀鄉賢祠從巡撫陳大文等請也予四川陣亡前鋒叅領噶勒佳耀光巴圖魯德通護軍叅領伊林保護軍校牛得德克登布七克壇布德成額藍翎長巴凌阿祭葬世職護軍特克申等七名湖北陣亡傷亡前鋒明林等九名披甲六十三等五十四名賞卹如例庚辰旌表守正捐軀河南確山縣民劉周妻趙氏○壬午諭內閣據永琨奏烏里雅蘇台調撥軍需銀兩請嗣後俱照解送茶葉等物之例驛遞解運等語軍需銀兩最關緊要自應運解著即照永琨所請嗣後此項銀兩即照茶葉等物一

體由歸化城驛遞解送○命翰林院編修龍廷樞在上書房行走○癸未諭軍機大臣等惠齡等於初九日奏到攻克鳳凰寺賊巢後未據續有奏報方以為伊等或俟首逆就縛一併馳奏及閱本日奏摺祇係覆奏節次飭諭空言搪塞並未設法進攻復稱前調鄉勇因兼旬陰雨尚未到齊實屬藉詞支飾惠齡恒瑞富成德楞額著傳旨嚴行申飭又軍營支用錢糧各有一定分例今德楞額奏稱每月支銀五萬四千餘兩而糧員稟報月需九萬餘兩多寡懸殊著福寧據實查覈毋任藉詞浮冒至宜綿奏籌堵川界竄匪情形張漢潮一股明亮等不能早為殲盡轉任其竄往南江與高均德合夥且旬餘以來亦未見伊等奏報現在高均德等由南江折回廣元額勒登保已從百丈關一路迎勦正可合力夾擊務當趁此機會肅清一路但摺內既稱西鄉潛匿賊匪迨至司渡河經雙德等帶領兵

勇入山藏。戮淨盡。是官兵大得勝仗。賊匪藏盡無遺。則守備雙德等。又為何賊所戕。殊不可解。宜綿等並未親臨。目睹祇據稟報虛詞入告。竟不知其自相矛盾。現在州判李晶。及撤回官兵內有無在該處帶兵目擊情形者。著宜綿等切實詢問。據實登答。毋得稍有含混。（甲申）

上御勤政殿聽政。以詹事府詹事文寧太僕寺卿佛爾爾額為內閣學士兼禮部侍郎銜。

實錄卷五十四

十

詹事府少詹事曹振鏞為詹事。（乙酉）緩徵河南睢寧陵商邱祀太康淮寧六州縣水災。本年漕糧截留祥符等縣漕糧為米豆十二萬七千九十六石備賑。丁亥

孝慈高皇后忌辰遣官祭

福陵。諭軍機大臣等。勒保本日奏到之摺。仍不過派兵攻勦情形。並未擒渠掃穴。所辦何事。勒保一路兵力較多。况冷添祿一股。早經官兵圍逼。困守窮山。何難直前進搗。乃屢

以陰雨為詞。冀掩其遲延之咎。現已將屆冬令。豈有陰雨不止之理。勒保一味支飾。帶兵株守。何時始能移師勦辦。他股賊匪前因伊拏獲王三槐。封以公爵。乃不知感激。奮任意遷延。日久未獲一首。逆竟係器小易盈。心存滿足。豈以朕能封之而不能黜之耶。况有功則賞。有過必罰。軍之常紀。若始勤終惰。自蹈愆尤。即伊祖父傳襲之爵。亦無難褫革。何况朕特恩賞給者。耶至林亮功等一股。又向合州

實錄卷五十四

五

鄰水一帶奔竄。富森布惟事尾追。並不能速行撲滅。亦屬無能。富森布劉君輔均著傳旨嚴行申飭。又據額勒登保所奏。亦祇係帶兵追殺情形。高均德等雖未闖入陝境。但所殺賊匪無多。高均德又與李全等合夥奔竄。閭中仍未就獲。其明亮等所勦張漢潮一股。亦尚在南江逃竄。均未能拏獲。賊首實屬無能。明亮額勒登保興肇俱著再傳旨嚴行申飭。（戊子）

上還宮。○諭軍機大臣等。刑部議駁。河南省審擬盜劫江蘇銅山縣巡檢衙署一案。所駁甚是。已依議行矣。此案巡檢衙署。雖建在鄉村。即或房間狹小。但其規模款制。自與民房不同。且盜犯等。皆係該縣民人生長其間。豈於本地官署。平日全未之知。亦無此理。該撫並未詳細審究。率據該犯一面之詞。遽請監禁待質。殊屬非是。至此案首夥多。犯現在僅獲一名。亦應上緊緝拏。著傳諭倭什布即將此案遵照部駁。另行改擬具題。其未獲各犯。並著李奉翰。翰費。淳飭屬嚴拏務獲。毋任漏網。○以故科爾沁郡王喇什棟羅布子敏珠爾多爾濟烏珠穆沁輔國公瑪哈布爾尼雅子濟克濟特扎布各襲爵。○以孟冬時享太廟。自是日始。齋戒三日。○己丑。孝敬憲皇后忌辰。遣官祭泰陵。○命五城於冬春二季設廠煮賑。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十四

[illegible]

嘉慶三年戊午冬十月辛卯朔日食（一）享

上親詣行禮(一)遣官祭

福陵

昭西陵

孝東陵

景陵

清實錄
嘉慶三年十月

泰東陵遺宮祭

孝儀皇后陵寢○遣官祭

孝淑皇后殯宮○遣官祭

端慧皇太子園寢

上幸圓明園○問

太上皇帝安○頒嘉慶四年時憲書○壬辰以

廣東按察使常齡為布政使督糧道吳俊為

按察使○以三等侍衛雅滿泰為庫爾喀喇

烏蘇領隊大臣○癸巳

太上皇帝詣

恩佑寺

恩慕寺行禮○諭軍機大臣等前因德楞泰奏

伊一路軍營支用銀數清單交軍機大臣查

覈據稱與軍需則例大半不符約計每月濫

支銀四萬餘兩殊出情理之外著交勒保遵

照例案將浮支各款覈明確數著落德楞泰賠補以示懲儆德楞泰一路如此各路大概可知帶兵大員等勒辦賊匪兩載有餘未能將各首逆按名擒獲惟知多請帑銀又復支銷浮濫并藉此為冒餉漁利之計可見伊等每次所請帑項非帶兵大員等例外濫支即係派出糧員通融濫應勒保身為總統受朕重恩若亦相率效尤扶同掩飾則是有心徇隱自貽身家之累凜之慎之至渠縣清溪場靜邊寺等處賊首徐添德等在彼滋擾以致運道梗塞屯聚箕山一帶賊匪又復四出奔竄惠齡等既不能併力進攻又不能設法攔截究竟所辦何事至張漢潮屢被官兵擊敗更易成擒乃弄竄之餘復有匪徒合夥高均德一股亦任其竄近閬中此又明亮額勒登保等之罪惠齡恒瑞富成德楞泰明亮興肇額勒登保均著傳旨嚴行申飭 甲午

上以萬壽節侍

太上皇帝御同樂園賜王貝勒貝子公文武大臣等食翼日如之○賑盛京承德遼陽海城鐵嶺開原廣寧六州縣被水災民○丙申萬壽節遣官祭太廟後殿遣官祭福陵昭陵昭西陵孝陵孝東陵景陵泰陵泰東陵遣官祭孝賢皇后孝儀皇后陵寢遣官祭顯佑宮東嶽廟城隍廟

上詣奉三無私殿

太上皇帝前行禮禮成

御正大光明殿皇子諸王貝勒文武大臣官員等行慶賀禮

御同樂園賜皇子諸王貝勒文武大臣等食

緩徵江蘇青浦婁二縣晚棉歉收地方本年額賦並撥江蘇徐州漕糧四萬七千石備賑

丁酉

上侍

太上皇帝御同樂園賜皇子諸王貝勒文武大

臣等食翼日如之

孝淑皇后殯宮月祭遣官行禮諭軍機大臣

等本日王三槐解到經軍機大臣審訊據供

聞徐添德已被大礮轟斃羅其清冉文儔心

生懊悔因畏懼王法不敢出來若知伊投順

得生必皆投出並稱從前知縣劉清曾經前

往晚諭出降王三槐當即親自投赴宜綿軍

營其時被營內官員擋住不准謁見宜綿以

致徐添德懷疑不肯投出如果所供屬實則

王三槐徐添德早有投順之事彼時宜綿等

何以任聽屬官阻止竟無聞見亦未奏聞以

致辦理需時著勒保查明具奏不得代為迴

護至羅其清冉文儔等果被官兵勦急或探

聽王三槐信息希圖免死竟行投出亦未可

定著勒保惠齡等察看賊情一面仍鼓勵兵

勇上緊進剿總以擒獲首犯為正辦設各首

犯等有真心棄械自縛投誠者亦不妨酌量

寬其一線予以生路亦可藉此解散餘黨稍

省兵力然祇可帶兵大員數人存之於心密

為酌辦不但不可令兵弁等聞知即將領等

亦不可稍有宣露以致心生懈弛此為最要

庚子

上侍

太上皇帝詣

大高殿

壽皇殿行禮還宮以重建

乾清宮

交泰殿成議敕監修大臣縉布盛住及在工監督各員並賞賚工匠內監等緞匹有差賑盛京戶部官莊及開原遼陽牛莊廣寧等五城被水旗民驛丁並蠲緩額賦有差辛丑賑兩淮板浦中正臨興三場水災竈戶並蠲緩新舊額賦有差緩徵富安安豐梁梁東臺河梁丁溪草堰劉莊伍佑新興廟灣十一場竈地額賦壬寅以福建糧儲道李舟為

山西按察使調荊州右翼副都統海興阿

為左翼副都統癸卯調盛京副都統達春

為荊州右翼副都統以開原城守尉額勒亨

額為盛京副都統以翰林院侍讀學士英

和為順天武鄉試正考官劉鏞之為副考官

乙巳

上御太和殿視朝王以下文武升轉各官謝恩

諭軍機大臣等此次惠齡等分兵進剿殺賊多名並將張漢潮之子張正澄等獲所辦

差強人意但既經攻破賊巢不能設法堵截又任首逆竄入大鵬山據險屯聚仍屬無能至剿敗餘匪業經恒瑞帶兵由廣元一路兜捕尤當乘勢奮擊速行剿淨並著宜綿秦承恩等於寧羌一帶實力堵截前後夾擊儘縱一名闖入陝境必加重懲現在額勒登保已與惠齡等會合正當乘賊匪潰敗窮蹙之時迅速殲除儻因得有勝仗即心存懈緩又復因循貽誤則是伊等甘蹈重譴欲再留湔贖

之地不可得矣再閱張正澄供詞年已五十歲則該犯之父張漢潮總在七十以外年已衰老惠齡等若能乘勝進攻業將羅其清張漢潮等獲固屬甚善儻尚未就獲張正澄現經留禁在營張漢潮豈不顧念伊子或即令張正澄誘致伊父出投使此股賊匪先行肅清亦是一法其羅其清再文儒等若能一併招出省我兵力則多得一名賊首大功早一日告成更為事半功倍但軍營帶兵大臣

不可專恃此策稍存懈弛仍當以帶兵進攻擒拏首逆為正辦也將此傳諭知之 丙午月食○諭軍機大臣等前據司馬駒等奏睢汛漫口業於本月初一日興工十一月內可以合龍伊等足資經理無須欽派大員前往督辦節經降旨指示一切惟工地勢較高易於堵合若另派大員前往督辦不但徒煩供煩且恐轉有掣肘之處是以竟不派人前往責成伊等實力堵築但務須依限於十一月

奏奉 上

九

內合龍不可稍有遲緩至合龍後或有草率疏虞之處則惟司馬駒等是問現在興工已半月有餘築壩進占約有幾成計此旨到彼距十一月甚近正當堵合之際但願伊等自定限期毋致遲逾可免咎戾也將此傳諭知之○丁未宗人府進呈新修

玉牒

上詣乾清宮東暖閣行禮恭閱送皇史宬尊藏賜總裁以下等官銀幣有差○貸吉林松花

江被水旗民口糧並免額賦十分之一 己酉

上御乾清門聽政 諭內閣景安奏安襄鄖道胡齊崙在任聲名狼籍辦理軍需事務種種虛捏任意侵欺與候補府經歷朱謨狼狽為奸又候補道員劉錫嘏平日官聲操守亦甚平常等語胡齊崙身任監司現在軍需事務款項繁多豈容狡詐劣員侵欺冒濫胡齊崙朱謨俱著革職鞫交該督秉公徹底查究勿任狡展即行從重定擬具奏劉錫嘏著勒令休致速飭回籍不許在楚逗遛以示懲創○諭軍機大臣等冷添祿一股久經官兵圍困勒保帶領多兵並不能迅搗賊巢輒藉稱山險路滑與賊日久相持以致張漢潮及蘭芽場屯聚餘匪復思勾結擾及後路勒保又移兵江口策應前次令勒保先赴川北督勦則稱將領俱不足恃兵力難分今又將祖師觀賊卡委之將領攻圍伊復移駐江口豈

奏奉 上

七

非進退無據自相矛盾乎似此處處為賊牽掣茫無所措則賊首冷添祿於何日始能掣獲其奏定期豈不竟成虛誑且前據勒保奏稱王三槐為著名首惡冷添祿祇係分股賊目自當易於搜捕今王三槐就獲已閱多時而冷添祿又經層層圍逼勢極窮蹙乃以如許兵力剿此一股困守之賊轉日久未能剿竣可見伊前奏非空言邀功即係自存滿足實屬負恩無能勒保著再傳旨嚴行申飭

至張漢潮一股本係明亮興肇帶兵追擊昨據惠齡等奏已將張漢潮之子張正澄擊獲該犯自必聞風膽落無難一鼓殲擒乃任其輟轉奔逃由太平通江直至開縣一路往來自如明亮等所辦何事而劉君輔富森布所剿之王光祖林亮功等股亦並不趕緊兜剿復任折竄通江及江北一帶均屬無能之至明亮興肇劉君輔等著傳旨嚴行申飭至張漢潮等現在竄近奉節大寧等處附近楚北

邊界景安務須與高杞督率鎮將兵勇分段實力嚴防迎頭堵截勿使一名闖入為要

以詹事府少詹事納清保為詹事調甘肅提督烏大經為雲南提督以四川松潘鎮總兵官達三泰為甘肅提督辛亥諭內閣本日召見新升興義府知府熊勳庸庸碌碌人甚糊塗年復衰邁即以尋常知府而論亦難勝任況興義係屬邊省要缺當甫經戡定犴苗之後一切撫綏整頓正資治理豈容如此衰邁劣員任其貽誤該員係勒保在任時題升該督即欲見好屬員亦應酌量人地豈止圖提拔屬員而不顧地方緊要耶在勒保不應如此著傳旨嚴行申飭熊勳庸原係同知著仍回該省以同知降補其興義府知府員缺緊要著富綱於雲貴兩省知府另行揀員調補以重地方諭軍機大臣等都察院奏山東榮城縣生員王傳具控一摺閱所開各款內如以完作欠加增稅契銀兩及私開

班館勒索鄉保錢文等獎。外省州縣皆不能免。而城工生息銀兩。則惟山東獨有此項。縣令虧挪帶銀於各糧戶攤徵彌補。尤不能保其必無。如果所控屬實。殊干法紀。此時若派大員前往審辦。未免轉滋騷擾。此事未經在伊江阿處具控。無所用其迴護。著傳諭伊江阿。即親提犯證。秉公徹底究辦。一經得實。即應嚴叅示懲。該撫失察於前。若能據實平反。其過尚屬可寬。儻經此次特旨交辦。仍敢存

卷之五十五

五

袒徇屬員之見。致案情稍有屈抑。別經發覺。則是自取重戾。斷不稍為寬貸也。壬子賑陝西西安鳳翔乾三府州。本年被風被雹災民。並蠲緩額賦有差。○癸丑旌表守正捐軀安徽太和縣民李中存妻陳氏。○貸吉林被水打牲人口糧。○甲寅諭內閣戶部議覆宜興等奏運役舊欠銀兩。仍令按數扣繳一摺。固屬照例辦理。第念經紀人等應得腳價。本屬按糧數覈算。其減漕年分所得腳價較少。

若一律扣繳舊欠役力。究不免拮据。所有乾隆五十五年以前積欠銀兩。前經加恩自丙辰年起。至戊午年暫緩扣繳。今計己未庚申兩年。仍係減漕年分。著再加恩一併緩至辛酉年接扣完繳。以示格外體卹。嗣後全漕到通年分。不得援以為例。藉詞展宕。○旌表守正捐軀直隸博野縣民王紹左女王氏。○乙卯諭軍機大臣等。川省賊匪因被勦緊急。分投奔竄。寧羌城一帶俱經宜綿等擊退。未令

卷之五十五

五

竄近漢江所辦尚好。漢江一帶仍應嚴密防堵。勿使乘間闖入。惠齡等既未能將緊要賊首羅其清等速行拏獲。又任各股賊匪四處分竄。所辦何事。明亮等勤辦張漢潮一股。亦未擒獲賊首。惠齡。恒瑞。明亮。興肇等。均著再傳旨嚴行申飭。至明亮等一路所帶兵丁。祇三千餘名。在川祇二十餘日。何至需銀十四萬餘兩。所帶長驛長夫。亦何須用至一二千之多。若非任意多索。即係藉端開銷。但帶兵

大臣俱係欽差違例多索糧員等自不敢不行應付。是濫應固所不免。而濫支之弊為多。著勒保福寧會同據實嚴查。將任意浮支各員即行嚴叅。如係糧員濫應冒銷亦即查明劾奏。毋得稍有瞻徇。○己未

上詣

奉先殿行禮○侍

太上皇帝詣

壽皇殿行禮

實錄卷三十五

十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十六

欽定四庫全書

聖祖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

聖訓

迅速由驛赴閩署理總督事務。富昌人尚明白。惟於地方情形恐未能熟諳。並著汪志伊幫同妥辦。和衷共事。俾資整飭。俟簡放有人再降諭旨。○賑安徽毫蒙城太和懷遠鳳陽五河盱眙七州縣并鳳陽長淮泗州三衛被水災民。緩徵壽宿定遠鳳臺靈璧泗天長七州縣新舊額賦。○丙寅。

孝淑皇后殯宮月祭。遣官行禮。○丁卯。旌表守正捐軀直隸建昌縣民侯大妻曹氏。山東郕城縣民劉靠妻李氏。○戊辰。

上御乾清門聽政。○以園丘大祀致齋。前期命皇次子

孝淑皇后殯宮行冬至祭禮。○諭內閣李奉翰等奏淮徐等屬現有放賑等事。請將丁憂知府李逢春暫留幫辦等語。所奏殊屬非是。江南徐州等處偶因偏災放賑。祇係地方尋常之事。非軍務可比。何得輒將該員奏留致開

在任守制之例。李逢春著即回籍守制。李奉翰費淳著傳旨嚴行申飭。仍交部議處。○以宗人府府丞陳嗣龍為都察院左副都御史。太僕寺少卿特克慎為太僕寺卿。○己巳。旌表守正捐軀直隸雄縣民魏大良妻梁氏。○辛未。

上以冬至祀天於

園丘。自是日始齋戒三日。○壬申。

聖祖仁皇帝忌辰遣官祭景陵。○以故奉恩將軍續恒子色克星額襲職。○癸酉。

上詣南郊齋宮齋宿。○禮部議准廣西巡撫台布疏請增設龍勝廳羅城懷遠三縣苗民學額各二名。從之。○撥部庫銀二百萬兩解往陝西以備軍需。○甲戌。冬至祀天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵寢○遣官祭

端慧皇太子園寢○問

太上皇帝安。停次日朝賀。○戶部議准雲南

巡撫江蘭疏報晉寧州魯甸廳開墾田九十

八畝有奇照例升科從之○乙亥以山西殺

虎協副將官信為山東兗州鎮總兵官甘肅

金塔協副將富成為福建汀州鎮總兵官。

蠲緩盛京舊邊巨流河白旗堡等處災民額

賦有差○丙子命御前侍衛豐紳濟倫往奠

故巴林郡王巴圖茶酒並賞銀五百兩治喪

○戶部議准廣東巡撫陳大文疏報廣州肇

慶雷州三府屬開墾田二十二頃七十二畝

有奇。照例升科從之。○丁丑。

上以庚申秋八月恭屆

太上皇帝九旬萬萬壽率王公内外文武大臣

奏請舉行慶典奉

太上皇帝勅旨允行。○己卯諭軍機大臣等昨

據宜綿等奏派總兵關騰帶兵由石泉繞至

鎮安截賊東竄景安又派總兵王凱赴鄖西

一帶嚴防。是陝楚地方俱有官兵堵截。現據

惠齡等奏令觀祥帶固原兵赴陝會剿富成

帶兵赴大竹一帶勦辦徐添德一股恒瑞富

成務須上緊追勦與陝楚官兵會合夾擊速

擒首逆將此傳諭知之○庚辰以河南按察

使馬慧裕為山西布政使候補四品京堂瑚圖禮為河南按察使○癸未諭內閣戶部議覆慶蘭短少盈餘銀兩請著落管關之員照數賠補一摺固屬照例辦理第念上年教匪滋擾正在開萬雲陽一帶來往商販較稀徵收稅銀短少自係實在情形尚非捏飾所有嘉慶二年分短少盈餘銀六萬八千二百餘兩著加恩寬免一半以示體恤○甲申

上詣

實錄卷五十六

六

壽皇殿行禮○乙酉戶部議准陝甘總督宜綿疏報秦安縣及烏魯木齊開墾地七頃三十四畝有奇照例升科從之○丙戌旌表守正被戕山西永濟縣民呂文威妻姬氏○丁亥以吏部左侍郎成德為都察院左都御史仍兼鑲黃旗蒙古都統鑲紅旗護軍統領永碩為正藍旗蒙古都統正黃旗滿洲副都統永瑋為鑲白旗護軍統領

十二月庚寅朔○辛卯湖廣道御史汪鏞奏

奏山東歷城縣知縣熊官梅出身卑賤官聲狼籍請旨嚴飭查辦得旨這所參長隨出身之署歷城縣知縣熊官梅著革職解京交軍機大臣會同刑部審擬具奏該撫既失察於前此時務須派委妥員小心管押迅速解京沿途如有疏虞惟伊江阿是問○調鑲黃旗蒙古副都統成林為鑲黃旗滿洲副都統正白旗蒙古副都統鐵保為正白旗滿洲副都統○賞八旗兵丁一月錢糧○予湖北陣亡

實錄卷五十六

七

參將張順遊擊馬天奇托克托布守備羅守禮陳德奎千總張潮張正綱朱升鑑把總邢國章胡金柱外委秦天位王進向陞榮黃堂位吳安邦雲南陣亡把總高以貴段洪英祭葬世職兵丁武彥國等二百七十二名賞卹如例○予四川陣亡副都統銜頭等侍衛西津秦陝西陣亡土千總馬木酒他木次力土外委韓七十韓五十四韓三十祭葬世職土兵韓三箇等五十二名賞卹如例○旌表守

正捐軀山西夏縣民崔九長妻張氏○乙未孝惠章皇后忌辰遣官祭

孝東陵○戶部議准浙江巡撫王德疏報定海縣開墾鹽課塗場三十七頃六十畝有奇照例升科從之○又議准陝甘總督宜綿疏報烏魯木齊頭屯所開墾地五頃四十畝照例升科從之○丙申

孝淑皇后殯宮月祭遣官行禮○命太僕寺卿李光雲提督廣東學政○戶部議准陝甘總

督宜綿疏報甘肅奇台縣及烏魯木齊塔西

河所開墾地二頃四十畝照例升科從之○

丁酉予遇賊捐軀湖北典史蕭水清祭葬世職如縣丞例○予雲南陣亡土把總刁文龍周靖四川陣亡屯外委甲洛祭葬世職屯土兵阿南等四百四十六名賞卹如例○戊戌冊封鄭親王烏爾恭阿嫡妻富察氏克勤郡王恒謹嫡妻富察氏為福晉貝勒綿懿繼妻佟佳氏為夫人成親王永理第四女為郡君

果簡郡王永璫第五女為縣君○撥部庫銀八十萬兩解往河南以備軍需○己亥賞江南等省鄉試年老諸生陳榮起等二百八十三名舉人副榜有差○撥部庫銀一百萬兩歸還貴州藩庫辦理苗匪軍需墊款並籌備善後事宜○壬寅諭軍機大臣等司馬駒奏睢工冰凌未解暫緩合龍一摺堵合壩工全仗引河掣溜藉其衝刷復歸故道合龍方可穩固今既為冰凌所阻且曹工一帶河底堅凍恐致冰凌壅擠壩工著重此時自不便遽行開放引河至東省尾段接連江境處所引河積水未經掣盡必係河底尚有高仰之處著傳諭李奉翰等務當趁此睢工未放引河之際將下流一律趕緊疏濬俾將來黃水下注時暢達無阻方為妥善○癸卯以故大學士三等伯伍彌泰子伍彌烏遜一等子吉祥保子慶興各襲爵○甲辰上御乾清門聽政○乙巳諭軍機大臣等惠齡

等奏生擒首逆羅其清等痛殲賊衆覽奏稍慰惠齡等勦辦此股賊匪久稽時日直至此時始將羅其清等擒獲原屬有過無功但念各路帶兵大臣老師糜餉無毫末之功足紀今惠齡等尚能愧奮自勵擒獲賊首較之勒保明亮等差強人意惠齡額勒登保德楞泰俱著賞戴花翎以示鼓勵現在軍聲已振再文傳一股當潰敗之餘聞知羅其清業已生擒自更喪膽無難一鼓成擒惠齡等不可不詎勉成功力圖自贖也至此次生擒羅其清羅其書自必有首先上前之人著查詢明確據實具奏再行加恩羅其清羅其書二犯著派妥員迅速解京不得稍有疏虞至川北賊匪紛紛潰竄逼近陝省宜綿秦承恩等惟當嚴密防堵毋令北竄滋擾為要將此各諭令知之○以故三等子哲臣子福珠隆阿一等子明德子阿裕魯一等男色克精額子卓保各襲爵○丙午諭軍機大臣等步軍統領衙

門奏建昌縣鄉長呈控該縣三任知縣林祥等勒令鄉約向各村斂錢一案事關指差科派滋擾閭閻情節甚重著派胡季堂特克慎馳驛親赴該處秉公確查嚴審定擬具奏胡季堂係該省總督更不可存迴護屬員之見所有三任建昌縣知縣林祥定柱雙福著即行解任質訊又據理藩院奏圖默特旗四等台吉阿薩拉謀死胞伯卓里克圖一案據部員錫拉布等審訊屬實將阿薩拉並同謀動手之莊頭等問擬凌遲者六犯斬決者一犯嗣據阿薩拉之父在理藩院呈控卓里克圖並非伊子等謀死經索諾木班珠爾全保前往會訊卓里克圖實係因病身故並無謀死情節此案關係倫紀重辟罪名出入必須徹底審明方成信讞胡季堂熟諳刑名特克慎現兼署理藩院侍郎於建昌一案審辦完竣即同往該處詳細推鞠務得實情不可稍有偏倚除就近諭知特克慎外胡季堂接奉此

旨即行前往秉公會審。○以故三等公和色布子福陰襲爵。○丁未予江西故副貢生項鳴鳳入祀鄉賢祠。從巡撫張誠基等請也。○予湖南勦苗陣亡遊擊楊潭千總拜登教把總邢彪祭葬加等世職。如例遊擊韓以明王相龍布勒亨王化龍都司崔德寧守備常萬清楊萬年千總陳尚賢周德勝李潤生白天選把總丁爾表白清澄王廷戴福武舉楊崑外委馬望義李政古萬龍祁紹亮鄧宣賈會李登喜劉吉許建英四川陣亡千總楊映揚貴州陣亡外委譚步雲祭葬世職。兵丁高進保等七百六名賞卹如例。○予貴州勦苗病故總兵官王林祭葬卹廕如例。○予陝西四川陣亡三等侍衛阿克達都司馬鍾祺徐得王名望守備馬滿海千總朱成龍把總狄成傑外委馬義王允得曹名玉楊青山祭葬世職。兵丁馬振國等四百四十八名蒙古遣犯羅布桑等十四名賞卹如例。○旌表守正捐

軀直隸大名縣民盧星妻閻氏。○以故郭爾羅斯輔國公恭格喇布坦子緯克溫都爾恩克巴拜科爾沁輔國公色當噶瑪勒子諾爾布各襲爵。○戊申申禁各督撫年節呈進紬緞裁減各鹽政關差所進十分之二。○辛亥諭軍機大臣等羅其清最為著名首惡現已生擒惠齡等自應乘勝速赴通江攻勦冉文傳一股其搜捕餘匪祇須酌留鎮將司道等員在彼辦理乃舍所急而事所緩耽延多日始移師往剿又致與賊以暇殊失機宜惠齡等仍著傳旨申飭。○壬子上御撫辰殿大幄次賜王公大臣蒙古王貝勒公額駙台吉及外藩使臣等宴並賞賚有差。○甲寅孝莊文皇后忌辰遣官祭昭西陵。○以裕祭太廟致齋前期命皇次子聖詣

孝淑皇后殯宮行歲暮祭禮。○乙卯

上以歲暮裕祭

太廟。自是日始齋戒三日。○丙辰諭軍機大臣等據魁倫等奏洋盜畏罪率夥投首一摺。盜首沈振元沈弗桃二犯在洋疊次行劫情罪甚重。今既知畏懼悔過率夥投出並呈繳船隻器械與始終怙惡者稍有可原該督等業經賞給頂帶著照從前張表李發枝等投出之例將沈振元沈弗桃委員押送赴京安插其餘小盜首及夥盜等分別辦理勿令再行滋事至盜首蔡牽一犯潛匿浙洋仍著王德嚴飭各舟師上緊查拏以清洋面。○丁巳以歲暮裕祭遣官祭

太廟中殿

後殿。○戊午裕祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。○遣官祭

孝賢皇后

孝儀皇后陵寢。○遣官祭

端慧皇太子園寢。○遣官祭

太歲之神。○調巴里坤總兵官李紹祖為山

東登州鎮總兵官以四川督標副將德寧為

巴里坤總兵官已革四川提督穆克登阿為

松潘鎮總兵官廣東羅定協副將楊遇春為

甘肅西寧鎮總兵官。○己未

上御保和殿筵宴朝正外藩科爾沁喀喇沁教

漢土默特阿魯科爾沁翁牛特鄂爾多斯克

什克騰巴林喀爾喀蘇尼特阿巴噶扎魯特
土爾扈特伊克明安青海王貝勒貝子公額
駙台吉塔布囊等並朝鮮暹羅各國正副使
隨文武大臣以次就坐諸樂並作

上進酒召左翼科爾沁卓哩克圖親王拉旺科
爾沁扎薩克達爾漢親王丹曾旺布喀喇沁
親王品級郡王滿珠巴咱爾科爾沁郡王喇
什噶勒當土默特扎薩克貝勒理藩院額外
侍郎索諾木巴勒珠爾右翼喀爾喀扎薩克

實錄卷三十七

十七

親王固倫額駙拉旺多爾濟科爾沁扎薩克
郡王和碩額駙索特納木多布齋蘇尼特扎
薩克郡王車凌衮布回部郡王銜貝勒哈迪
爾喀爾喀貝勒衮布多爾濟至

御座前賜酒成禮○是日己未年立春順天府
進土牛春山寶座○是年旌表孝子直隸等
省邢楷等十八名孝婦龐侯氏一口守節合
例宗室準泰妻吳佳氏等十口滿洲四格妾
張氏等一百十七口蒙古六十三妻傅佳氏

等二十六口漢軍郎濂妻于氏等二十口各
省駐防凌鶴妻趙氏等一百四十二口直隸
等省崔焯妻王氏等六百三十三口夫亡殉
節直隸等省張裕慧妻王氏等三十一口未
婚守志滿洲海亮聘妻王佳氏一口吉林駐
防內松額聘妻顏扎氏一口江蘇等省楊鏤
聘妻侯氏等二十五口百歲壽氏婦浙江等
省朱子通等三十六名口五世同堂浙江等
省吳逢炳等五十二家各給銀建坊如例○

實錄卷三十八

十八

一產三男湖北等省吳正彩等三家○會計
天下民數穀數直隸各省通共大小男婦二
萬九千九十八萬二千九百八十名口通共
存倉米穀三千七十五萬七千七百六十二
石五斗五升二合四勺

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十六

實錄卷三十六

十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十七

嘉慶四年己未春正月庚申朔

上詣奉先殿行禮○詣

堂子行禮○遣官祭

太廟後殿○上奉

太上皇帝御乾清宮率王以下文武大臣官員

蒙古王公額駙台吉及外藩使臣行慶賀禮

禮成

上御太和殿受朝作樂宣表如儀○詣

教修

嘉慶四年己未春正月庚申朔

上詣

奉先殿行禮○詣

堂子行禮○遣官祭

太廟後殿○

上奉

太上皇帝御乾清宮率王以下文武大臣官員

蒙古王公額駙台吉及外藩使臣行慶賀禮

禮成

上御太和殿受朝作樂宣表如儀○詣

大高殿

壽皇殿行禮○侍

太上皇帝御乾清宮賜皇子親藩等宴○加賑

江蘇豐沛銅山邳宿遷安東海沐陽八州縣

衛被水災民及兩淮板浦中正臨興三場被

水竈戶○貸安徽毫蒙城太和懷遠鳳陽五

河盱眙七州縣衛被水災民口糧○賑山東

曹單城武濟寧金鄉魚臺嘉祥鄒滕嶧十州

縣及臨清濟寧二衛被水災民並貸口糧有

差○辛酉

太上皇帝聖躬不豫

上侍疾養心殿籲

天虔禱問視彌謹嚮夕大漸○壬戌辰刻

太上皇帝崩

上至

御榻前捧足大慟擗踊呼號仆地良久視小斂

畢先趨乾清宮於西丹墀下跪迎

大行太上皇帝吉輦敬奉乾清宮西次間

上翦髮成服

皇貴妃及妃嬪以下俱翦髮成服申刻

大行太上皇帝大斂

上痛哭失聲擗踊無數既斂奉安

梓宮於乾清宮正中陳奠設幕自親王以下文

武各官公主福晉以下侍衛妻以上及包衣

佐領等男婦俱成服在京之蒙古王公台吉

暨外藩使臣亦俱成服各按位次齊集舉哀

上哀慟深至自旦至晡哭不停聲竟日水漿不

入口王大臣等伏地環跪懇

上節哀

上悲痛不能自己左右皆弗忍仰視○遣官告

祭

奉先殿○

上以上書房為倚廬席地寢苦每日朝夕詣

梓宮前上香二次供膳三次自是夕至啟奠以

前有常禮哭必盡哀○諭內閣予以薄德寅

紹

丕基自丙辰初元

皇父太上皇帝親授大寶夙夜兢兢深以不克

負荷是懼仰賴

天

祖垂佑我

皇父康彊純固

訓政彌勤予日侍

聖顏時聆

恩誨事事得有稟承每歲掖

輦巡方萬衆歡欣同殷瞻就予問

安視

膳之下竊幸

皇父精神矍鑠不減平時愛日寸忱於焉稍慰

昨以庚申年恭值

皇父九旬萬壽予躬率王公大臣等臚誠籲請

舉行慶典欣荷

慈俞率土敷天同伸舞蹈敬念

皇父年躋上壽諸福備膺

五世一堂即日可見來孫之喜凡子臣頌禱無已之詞皆我

皇父德福兼隆之實予祈

天祝嘏來日方長慶幸之餘惟知一則以喜實

不忍言一則以懼也

皇父壽履康寧得

天獨厚自彊不息閱數十年如一日自上年冬

臘偶感風寒調愈後氣體雖遜於前然猶日

親

訓政未嘗稍輟歲前蒙古王公及外國使臣等

瞻覲

聖顏欽承

溫諭無不頂祝期頤正旦

御乾清宮予躬率王公文武大臣等行慶賀禮

方冀入春以後漸可復元詎期我

皇父忽焉奄棄臣民於正月初三日辰時

龍馭上賓搶地呼天椎心泣血

深恩罔極欲報無由敬思

皇父御宇六十年來厚澤深仁淪浹肌髓凡有血氣莫不

尊親自必如喪考妣予受

恩嗣統當茲大故創鉅痛深哀感之外尚復何

言惟念

皇父付畀至重凡所以勉紹

前猷仰承

先志者實藐躬之責繼自今欲再聆

慈訓豈可復得煢煢在疚祇懼日深尚賴內外

文武大小臣工共矢公忠敬襄郅治弼亮予

躬即以上報

皇父恩遇其軍營總統諸將等亦當仰體

皇父簡拔委任之恩

訓誡督責之意振作自新迅掃餘孽上慰

在天之靈尚屬天良不昧勉之至一切喪儀著

派睿親王淳穎成親王永理儀郡王永璇大

學士和珅王杰尚書福長安德明慶桂署尚

書董誥尚書彭元瑞總管內務府大臣縉布

盛住總理其詳稽舊典悉心酌議隨時具奏施行將此通諭中外知之○又諭予受

皇考付託之重夙夜兢兢今猝遭大故

龍馭上賓搶地呼天五中摧裂敬惟

皇考在御六十年來教養萬國臣民旰食宵衣備極勞瘁此予所親知親見者是以薄海內外共享昇平之福貽及子孫追惟

鞠育深恩末由仰報萬一其服制一節欽奉

皇考遺詔持服二十七日而除但予自沖齡以

來荷蒙

皇考教誨生成於諸弟兄中鍾愛期望迥逾常

格自

親授大寶後孜孜

訓政又逾三載

高厚深仁昊天罔極實非自古帝王樞前即位

者可比雖欽奉

皇考遺詔以日易月予心實有所不忍即持服

百日亦屬日月易盡而哀慕無窮自當恪遵

古制敬行三年之喪庶幾稍盡思慕之忱至於

郊

廟祭祀大典自不應因大喪而稍畧其禮其應如何遣官恭代及親詣行禮之處著諸王大學士等查照向例集議以聞所有天下臣民應持服制仍照定例舉行○又諭自古帝王功德顯著必有隆稱懿號昭垂萬世典至鉅也我

皇考大行太上皇帝御極六十年授璽範躬猶復日勤

訓政提命諄殷方冀日侍

慈顏期頤稱慶詎意

聖躬偶有不豫

龍馭升遐予摧裂五中攀號莫逮深懼無以顯揚

皇考崇功駿烈以副天下臣民之望欽惟

皇考撫御萬邦法

天行健德化翔洽六合大同蕩蕩巍巍莫名盛美凡遇

郊

廟大祀必親必敬昭格精誠崇奉

皇祖妣孝聖憲皇后四十二年大孝彌隆尊養備至綜攬萬幾朝乾夕惕愛民勤政愷澤覃敷普免天下錢糧者五漕糧者三積欠者再咨詢陽雨宵旰殷懷偶遇水旱偏災蠲貸兼施以及築塘捍海底績河防從不稍惜經費為保衛生民之計所發帑金不下億萬萬至於獨運乾綱整飭吏治

披覽章奏引對臣工董戒激揚共知廉法禮勳舊而敦宗族廣登進而育人才征討不庭則平定準部回部闢地二萬餘里土爾扈特舉部內附征勦大小金川擒渠獻馘地列職方餘若緬甸安南廓爾喀僻在荒服戈鋌所指獻責投誠其臺灣等處偶作不靖莫不立即殲除此十全紀績

武功之極於無外也而且

聖哲多能

聰明天縱文闡六經之奧旨詩開百代之正宗

鉅製鴻篇以及

幾餘遊覽莫不原本經訓繫念民生

聖製詩文全集之富尤為度越百家又開四庫

以網羅載籍刊石經以嘉惠士林集石鼓之

遺文復辟雍之古制精研六律纂輯羣編此

聖學淵深

文德之昭於千古也凡茲

功德之隆宜備尊親之典夫以我

皇考丕承

祖烈光大

前猷拓土開疆聲教暨訖繼續緒則為守成論

功業則兼開創自宜崇稱

祖號以副

鴻名惟是

聖德謙冲曾同軍機大臣等共承

面諭萬年之後當以稱宗為是予雖欲極意尊

崇不敢上達

道訓惟

至德難名究非臣下所能擬議謹按謚法肇紀

立極曰高我

皇考聖神文武式廓鴻基敬上

廟號曰

高宗為百世不祧之廟其應擬

尊謚徽稱著大學士九卿等敬稽典禮以聞用

副予尊崇

謨烈孺慕顯揚至意○又諭雍正十三年

皇祖考世宗憲皇帝龍馭上賓其時各省督撫

提鎮及藩臬等多有陳請叩謁

梓宮者曾經

皇考降旨停止今遭

大行太上皇帝大事除直隸總督提督鹽政距

京較近自應來京恭謁

梓宮總兵藩臬以下俱不必來京致曠職守其

各省將軍督撫副都統提鎮城守尉並盛京侍郎奉天府尹及西北兩路將軍大臣並鹽政織造關差等均著遵照前例不必來京惟當實心任事仰副

皇考之委任不在儀節虛文也將此通諭知之

○又諭朕受

皇考深恩紹承大統日侍

聖顏敬聆

訓諭綜理庶政洵為曠古罕觀之盛事方冀再

加數年侍奉

聖體得以長聆

訓誨詎意

皇考於本日

龍馭上賓朕五內摧裂哀慟迫深嗣後一切政

務悉應仰體

皇考聖意朕兄弟中惟儀郡王居長著加恩晉

封親王貝勒永璘係

皇考之皇幼子綿億係五皇兄之長子五皇兄

原係親王薨逝後

皇考將綿億遞減二等襲封貝勒茲均著加恩

晉封郡王綿億派往

東陵悉心辦事儀親王長子綿志成親王長子

綿懃定親王綿恩長子奕紹俱係親王長子

著加恩即照考封一等之例均作為未入八

分公綿總綿偲係成親王庶出之子均著照

例封為輔國將軍綿偲著賞戴花翎與奕純

並挑在乾清門行走其餘已授職者各供厥

職奕綸奕紳著陪伴二阿哥在上書房讀書

其餘年幼未授職者均著在邸讀書以示朕

仰體

皇考聖心加恩本支之至意○又諭上書房師

傅除總師傅劉墉照舊行走外其各師傅內

著陳萬全達椿萬承風仍留上書房行走餘

各回本衙門供職○命額駙科爾沁郡王索

特納木多布齋在御前行走○召吏部尚書

署安徽巡撫朱珪來京供職以布政使陳用

數護理巡撫按察使恩明署布政使○癸亥諭內閣據王大臣奏稱三年之喪難以舉行請依舊制以二十七日除服一摺所奏未能深悉予意予受

皇考鞠育深恩昊天罔極忽遭大故泣血痛心雖哀慕終身尚難仰報

慈恩於萬一非以持服三年遂為盡孝也我皇考臨御六十年來勤求治理宵旰焦勞及授璽貌躬猶復孜孜

訓政內外咸霑

德化

謨謀貽及子孫予與天下臣民同深感戴服制

一節臣民等自宜欽遵舊例若予則親承

付託之重渥蒙

顧復之恩以日易月之制實不忍行况三年之喪達乎天子載在禮經輟轉思維終以持服三年為允協至於

郊

廟祀典軍國政務仍可於持服中舉行兩不相妨予意已定諸王大臣等毋得再請其如何舉行三年之喪仍著詳稽典禮確議具奏○又諭朕自沖齡蒙

慶貴妃養母撫育與生母無異理宜特隆典禮加晉崇封茲追封為

慶恭皇貴妃所有應行典禮著該衙門查例具奏○又諭據御前額駙等奏請除服後再回游牧處等語伊等身受

皇考恩眷多年今遭

大故懇請除服後再回游牧處尚屬出於至誠著照所請行但念乾清門行走及閒散蒙古王公台吉內扎薩克較多該處各有應辦事件俟二十七日後即著伊等各回游牧處御前額駙等未回以前均著照例賞給康餼至年班朝覲之蒙古回子呼圖克圖喇嘛等及各國使臣向例俱於紫光閣筵宴一次各有賞賚今雖停止筵宴所有伊等應得賞項仍

行照例賞給以示朕仰體

皇考數施閭澤之至意○又諭從前

皇祖考世宗憲皇帝大事時蒙古王公台吉等

內有未出痘者曾蒙

皇考降旨均未令來京今伊等未經出痘者仍

著不必前來又念現在遊牧之蒙古王公台

吉等一聞

皇考大事自必星速來京叩謁

皇考梓宮若令伊等俱來既無以仰副

皇考惠愛衆蒙古之

聖意且遊牧處亦乏辦事之人除年班已來之

蒙古王公額駙台吉外現在遊牧處所之內

扎薩克喀爾喀青海杜爾伯特烏梁海土爾

扈特和碩特等蒙古王公額駙台吉及回子

伯克等均不必前來著該衙門迅即行文令

其遵照○諭軍機大臣等我

皇考臨御六十年

天威遠震武功十全凡出師征討即荒徼部落

無不立奏蕩平若內地亂民如王倫田五等

偶作不靖不過數月之間即就殄滅從未有

經歷數年之久糜餉至數千萬兩之多而尚

未藏功者總由帶兵大臣及將領等全不以

軍務為事惟思玩兵養寇藉以冒功升賞寡

廉鮮恥營私肥橐即如在京諳達侍衛章京

等遇有軍務無不營求前往其自軍營回京

者即平日窮乏之員家計頓臻饒裕往往託

詞請假並非實有祭祖省墓之事不過以所

蓄之資回籍置產此皆朕所深知可見各路

帶兵大員等有意稽延皆蹈此藉端牟利之

積弊試思肥橐之資皆婪索地方所得而地

方官吏又必取之百姓小民脂膏有幾豈能

供無厭之求此等教匪滋事皆由地方官激

成即屢次奏報所擒戮者皆朕之赤子出於

無奈為賊所脅者若再加之脔削勢必去而

從賊是原有之賊未平轉驅民以益其黨無

怪乎賊匪日多輾轉追捕迄無藏事之期也

自用兵以來

皇考焦勞軍務

寢膳靡寧即大漸之前猶頻問捷報迨至彌留並未別奉

遺訓仰窺

聖意自以國家付託有人他無可諭惟軍務未竣不免深留遺憾朕躬膺

宗社之重若軍務一日不竣朕即一日負不孝之疚內而軍機大臣外而領兵諸臣同為不

忠之輩何以仰對

皇考在天之靈伊等即不顧惜身家寧忍陷朕於不孝自列於不忠耶況國家經費有常豈可任伊等虛糜坐耗日復一日何以為繼又豈有加賦病民之理耶近年

皇考聖壽日高諸事多從寬厚凡軍營奏報小有勝仗即優加

賞賜其或貽誤軍務亦不過革翎申飭一有微勞旋經賞復雖屢次飭催奉有革職治罪

嚴旨亦未懲辦一人即如數年中惟永保曾經交部治罪逾年仍行釋放其實各路縱賊竄逸者何止永保一人亦何止一次乎且伊等每次奏報打仗情形小有斬獲即鋪敘戰功縱有挫衄亦皆粉飾其辭並不據實陳奏伊等之意自以

皇考高年惟將吉祥之語入告但軍務關繫緊要不稍稍有隱飾伊等節次奏報殺賊數千名至數百名不等有何證驗亦不過任意虛捏若稍有失利尤當據實奏明以便指示機宜似此掩敗為勝豈不貽誤重事軍營積弊已非一日朕綜理庶務諸期覈實祇以時和年豐平賊安民為上瑞而於軍旅之事信賞必罰尤不肯稍從假借特此明白宣諭各路帶兵大小各員均當滌慮洗心力圖振奮務於春令一律勦辦完竣綏靖地方若仍蹈欺飾怠玩故轍再逾此次定限惟按軍律從事言出法隨勿謂幼主可欺也○總理喪儀王

大臣奏

大行太上皇帝喪儀儀注未脫孝日期內批本用藍筆各部院奏章俟十五日後再進二十七日內奏疏文移俱用藍印報聞○總管內務府大臣奏恭查會典凡遇

大喪儀

陵寢執事官員太監等停給孝服仍素服不摘

冠纓百日薙頭今

孝淑皇后梓宮暫安

靜安莊所有應行之處請旨遵行得旨靜安莊執事人等俱著穿孝○調西安右翼副都統觀成為左翼副都統以頭等侍衛永鄂為右翼副都統○命綿志綿勲奕紹在散秩大臣上行走○甲子諭內閣昨據王大臣奏三年之喪難以舉行請依舊制以二十七日除服朕因哀慕至情萬不能已業經降旨明白宣諭憶朕仰承

皇考鞠育顧復深恩昊天罔極今忽遭大故

龍馭上賓自念並無纖毫報答惟有持服三年

庶幾稍盡思慕之情於萬一今王大臣等復以大禮服制著有定儀

皇考太上皇帝於

皇祖升遐之日係持服百日請循舊制舉行覽奏嗚咽哀痛倍深但諸臣以

皇考持服日期再三陳懇朕亦何敢以孺慕私忱有踰成典不得已勉從所請縞素百日仍素服二十七箇月稍申哀悃至三年內凡遇

郊

廟大祀百神羣祀及御門聽政一切典禮服色著王大臣查照成例敬謹辦理不必再行瀆奏○又諭朕仰承

皇考付託之重兢兢業業勤求治理惟懼政事或有闕失敬念

皇祖

皇考御極以後俱頒

詔旨求言蓋以九州之大臣民之衆幾務至繁

兼聽則明偏聽則蔽若僅一二人之言即使出於至公亦不能周知天下之務況未必盡公也粵稽二典分設九官十二牧博採疇咨共襄郅治是以聖德如

皇祖

皇考踐阼之初即以求言為急務矧朕德薄何敢不虛懷延訪聽受讜言特此通行曉諭凡九卿科道有奏事之責者於用人行政一切事宜皆得封章密奏俾民隱得以上聞庶事

不致失理諸臣務須宅心虛公將用人行政興利除弊有裨實政者各抒誠悃據實敷陳佐朕不逮用副集思廣益至意○諭軍機大臣等宜綿奏截殺張漢潮一股情形摺內稱我兵若分段防堵則兵力不敷惟於適中扼要之地分駐重兵等語既云兵力不敷何以又有重兵分駐措詞自相矛盾可見伊等捏詞虛報並不親身督辦僅派鎮將等堵剿率照所稟奏報塞責伊等擁兵自衛安心度歲

甚至飲酒宴樂置軍事於不問此等積弊朕所深知豈能終始掩蓋且兵力不敷之故皆由伊等平日漫不經心並未認真查覈以致鎮將等坐冒空糧虛糜廩給即鄉勇亦恐有名無實不過為濫銷軍需地步著傳旨嚴行申飭至南路賊匪李樹樊人傑等各股在太平境內往來焚掠雖經柯藩等截殺尚在紫溪河屯紮逼近陝境西鄉宜綿已咨秦承恩王文雄慶溥等分投防剿恒瑞亦自漢中移師在西南防堵伊等即不能入川剿捕一鼓殲擒務當於交界處所實力堵截勿令一名闖入陝境庶不致蔓延滋擾若稍有疏縱必將伊等從重治罪至張漢潮一股賊衆本屬無多明亮等並不奮力兜剿任聽由川入陝復由陝竄豫幸有倭什布帶兵在彼堵剿截回陝境明亮等惟事往來尾追實屬無能著傳旨嚴行申飭此時若不趁賊匪力分勢感之時上緊夾擊迅縛渠魁昨降諭旨甚明必

按軍法從事。母貽後悔。○命喀爾喀親王齊巴克扎布駐劄庫倫。協同辦事。○命烏魯木齊都統書麟來京。另候簡用。以科布多叅贊大臣富俊為烏魯木齊都統。調喀什噶爾幫辦大臣策拔克為科布多叅贊大臣。賞已革將軍恒秀三等侍衛為喀什噶爾幫辦大臣。

○乙丑諭內閣

皇考龍馭上賓。普天哀痛。所有己未庚申文武鄉會試恩科著停止舉行。○轉吏部右侍郎

鐵保為左侍郎。調兵部右侍郎。台費蔭為吏部右侍郎。轉戶部右侍郎。傅森為左侍郎。調工部右侍郎。那彥成為戶部右侍郎。以鑾儀衛鑾儀使布彥達賚為兵部左侍郎。上駟院卿豐紳濟倫為兵部右侍郎。內務府大臣盛住為工部右侍郎。○實授台布為廣西巡撫。○調正紅旗漢軍都統德明為鑲黃旗漢軍都統。以榮郡王綿億為正紅旗漢軍都統。科布多叅贊大臣策拔克為正黃旗滿洲副都

統。調正黃旗蒙古副都統那彥成為鑲白旗滿洲副都統。以叅領恭阿拉為正黃旗蒙古副都統。頭等侍衛果勒敏色為正白旗蒙古副都統。○丙寅

世祖章皇帝忌辰。遣官祭

孝陵。

孝淑皇后殯宮月祭。遣官行禮。○諭軍機大臣等。張漢潮一股賊匪。經明亮等勦捕多日。何

以又任分股奔竄。迄未能擒獲首逆。似此跟蹤追勦。使賊匪往來自如。何日始能勦盡。明亮等實屬喪盡天良。即恒瑞等摺內所稱。於燭麵內暗攪信石。誘賊掠食毒斃者。能有幾何。亦非正辦。自當設法布置。四面兜截。為一鼓殲擒之計。現在宜綿泰承恩已分派官兵。四路協勦。明亮與肇務須趁賊匪窮竄之時。會同合擊。速擒賊首。至四川太平境內各股賊匪。現在西鄉一帶出沒滋擾。王文雄恒瑞

分別擊勦。宜綿泰承恩亦在彼督率防堵。尤應同心協力。相機迎勦。即不能入川。勦捕務於交界處所。實力堵禦。總之賊匪一日不平。良民一日不安。須奮發忠誠。仰慰在天之靈。其共勉之。將此傳諭知之。○禮部奏向例

詔書頒發朝鮮國

欽派正使副使各一員齋往。若彼國使臣在京。即交使臣齋回。今朝鮮暹羅二國使臣俱在

京。伏思

大行太上皇帝龍馭上賓。普天哀痛。朝鮮國較之諸外藩。歸命最先受

恩尤重。應請遣官頒發。以符體制。至暹羅國。即交彼國使臣齋回。其安南。緬甸等國。應交各省督撫轉發。奏入。以散秩大臣張承勳為頒詔朝鮮國正使。內閣學士恒傑為副使。○軍機大臣等奏請新封郡王永璘封號。得旨著封為惠郡王。○丁卯享

太廟遣莊親王綿課恭代行禮。○遣官祭太廟後殿。○遣官祭

太歲之神。○諭內閣各部院衙門文武大臣及直省督撫藩臬。凡有奏事之責者。及軍營帶兵大臣等。嗣後陳奏事件。俱應直達朕前。俱不許另有副封。關會軍機處各部院文武大臣。亦不得將所奏之事。豫先告知軍機大臣。即如各部院衙門奏章呈遞後。朕可即行召見。面為商酌。各交該衙門辦理。不關軍機大臣指示也。何得豫行宣露。致啟通同扶飾之弊。耶。將此通諭知之。各宜凜遵。○命改惠郡王永璘封號為慶郡王。○革大學士和坤戶部尚書福長安職。下獄治罪。○命成親王永理前任大學士署刑部尚書董誥兵部尚書慶桂在軍機處行走。戶部侍郎那彥成戴衢亨仍留軍機處。戶部尚書沈初年老。無庸在軍機處行走。○命儀親王永璇總理吏部成親王永理總理戶部兼三庫調兵部尚書

慶桂為刑部尚書以工部右侍郎盛住兼署工部尚書睿親王淳穎管理理藩院定親王綿恩管理步軍統領調戶部左侍郎傅森為刑部侍郎以戶部右侍郎那彥成兼翰林院掌院學士兵部左侍郎布彥達賚上駟院卿永來為總管內務府大臣○以刑部尚書慶桂為御前大臣儀親王永璇為鑲黃旗領侍衛內大臣貝勒綿懿為正白旗領侍衛內大臣兼鑲白旗滿洲都統成親王永理為鑲黃旗滿洲都統禮部尚書德明為鑲藍旗滿洲都統定親王綿恩為正白旗滿洲都統武備院卿阿蘭保為正紅旗護軍統領乾清門行走喀喇沁公丹巴多爾濟為鑲紅旗護軍統領兵部左侍郎布彥達賚管理鑾儀衛事○戊辰諭軍機大臣等勒保在川東勦賊多時未能迅速藏事固有應得之咎但伊勦捕犛苗一手妥辦著有勞績入川後又將首逆王三槐擒獲較之各路領兵大員猶為彼善於

此此時若另簡總辦軍務之員一時不得其人勒保著仍授總統之任自惠齡以下皆受其節制庶事權畫一責有攸歸若伊等不能認真勦賊或不聽勒保調遣即當據實嚴叅以違軍制論從前軍營帶兵各大員皆以和坤為可恃祇圖迎合鑽營並不以軍事為重虛報功級坐冒空糧其弊不一而足今和坤業經革職拏交刑部伊等失所依恃向來掩飾虛捏之技已窮惟當以國事為重勉力藏功若再不力加悔改奮發有為督率將領等設法兜截速擒各首逆則軍律具在斷不能為伊等屢次曲貸也至明亮等所勦張漢潮一股至今迄未擒獲聞張漢潮一老病無能之賊逃竄時難去鬚髮用椅擡行其衰憊可知乃明亮等任其往來奔逸日久稽誅實屬無能已極經朕此次飭諭若再不知愧奮設法兜擒必按軍法嚴懲凜之慎之將此傳諭知之○又諭宜綿在興安一帶防堵賊匪伊

係陝甘總督封疆是其專責乃從前賊匪至境任其越界奔竄往來自如不能實力堵截每奏稱漢江水淺竄賊得以偷渡皆係藉詞捏飾以掩其縱賊之咎嗣後著責成宜綿務須於陝省邊境一帶嚴密防堵毋許竄匪一名闖入若能於堵剿時將賊首拏獲固屬甚善即或不能擒拏首逆總當以實力防堵固守邊疆為要將此傳諭知之○又諭秦承恩在漢中一帶邊界堵禦並不能嚴密防範任賊往來奔竄即如張漢潮一股賊匪係由漢中入陝復由陝至豫竟無兵勇阻截該撫有封疆之責咎實難辭著傳諭秦承恩督率兵勇實力防禦當以邊界為重毋任賊匪越境奔竄嗣後儻有賊匪闖入陝境之事惟秦承恩是問○命伊犁將軍協辦大學士保寧為大學士刑部尚書慶桂協辦大學士為國史館總裁官以烏魯木齊都統書麟為吏部尚書駐藏大臣松筠為戶部尚書成親王永理

暫署以鑲藍旗蒙古都統富銳為兵部尚書調兵部侍郎布彥達賚為戶部侍郎刑部侍郎英善為兵部侍郎○命吏部侍郎鐵保教習庶吉士○命睿親王淳穎為御前大臣慶郡王永璘在內廷行走以正藍旗滿洲副都統綿佐為正白旗漢軍都統吏部尚書書麟兼正紅旗漢軍都統鑲紅旗漢軍副都統永玉為正白旗護軍統領○以直隸天津鎮總兵官蘇寧阿為甘肅提督○己巳諭內閣保寧現已補授大學士向來新疆辦事將軍大臣簡任大學士後自應入閣辦事但伊犁將軍任關緊要一時未得其人保寧著暫留伊犁仍當照常實心辦事俟朕簡放有人再降諭旨更換來京○又諭自二月初一日起至朕百日內釋縞素止所有各部院衙門應行引見人員俱著於中正殿夾道門外豫備在西廡內幄次帶領引見○以喀爾喀親王固倫額駙拉旺多爾濟為正白旗領侍衛內大

臣○以安徽布政使陳用敷為巡撫實授恩明為布政使○庚午諭內閣和珅受

大行太上皇考特恩由侍衛海擢至大學士在軍機處行走多年叨沐

殊施在廷諸臣無有其比朕親承

付託之重茲猝遭

皇考大故苦塊之中每思論語所云三年無改之義如我

皇考敬

天法

祖勤政愛民實心實政薄海內外咸所聞知方

將垂示萬年永為

家法何止三年無改至

皇考所簡用之重臣朕斷不肯輕為更易即有獲罪者若稍有可原猶未嘗不思保全此實

朕之本衷自必仰蒙

昭鑒今和珅情罪重大並經科道諸臣列款叅

奏實有難以刻貸者是以朕於恭頌

遺誥日即將和珅革職拏問臚列罪狀特諭衆知之朕於乾隆六十年九月初三日蒙

皇考冊封皇太子尚未宣布

諭旨而和珅於初二日即在朕前先遞如意漏洩機密居然以擁戴為功上年正月

皇考在圓明園召見和珅伊竟騎馬直進左門過正大光明殿至壽山口無父無君莫此為甚又因腿疾乘坐椅轎擡入大內肩輿出入神武門衆目共覩毫無忌憚並將出宮女子

取為次妻罔顧廉恥年來勦辦川楚教匪

皇考盼望軍書刻紫宵旰乃和珅於各路軍營

遞到奏報任意延擱有心欺蔽以致軍務日久未竣前奉

皇考勅旨令伊管理吏部刑部事務嗣因軍需

銷算伊係熟手是以又

諭令兼理戶部題奏事件伊竟將部務一人把

持昨冬

皇考聖躬不豫批摺字畫間有未真之處和珅

膽敢口稱不如撕去。竟另行擬旨。臘月間奎舒奏報循化貴德二廳賊番聚衆千餘。搶奪達賴喇嘛商人牛隻。殺傷二命。在青海肆行搶掠一案。和坤竟將原奏駁回。隱匿不辨。及皇考升遐後。朕諭令蒙古王公未出痘者不必來京。和坤不遵諭旨。令已未出痘者俱不必來京。不顧國家撫綏外藩之意。其居心實不可問。大學士蘇凌阿兩耳重聽。衰憊難堪。因係伊弟和琳姻親。竟欺隱不奏。侍郎吳省蘭

李潢太僕寺卿李光雲皆曾在伊家教讀。並保列卿貳。兼任學政。又軍機處記名人員任意撤去。種種專擅。不可枚舉。昨將和坤家產查抄。所蓋柵木房屋。僭侈踰制。其多寶閣及隔段式樣。皆仿照

寧壽宮制度。其園寓點綴。竟與圓明園蓬島瑤臺無異。不知是何居心。又所藏珠寶內。珍珠手串二百餘串。較之大內多至數倍。並有大珠較御用冠頂尤大。又寶石頂並非伊應戴

之物。伊所藏真寶石頂數十餘箇。而整塊大寶石不計其數。且有內府所無者。至金銀數目尚未抄畢。已有數百餘萬之多。似此貪黷營私。實從來罕見。罕聞。以上各款。皆經王大臣等公同鞫訊。和坤俱供認不諱。和坤如此喪心昧良。目無君上。貽誤軍國重務。弄權舞弊。僭妄不法。而貪婪無厭。蠹國肥家。猶其罪之小者。實屬辜負

皇考厚恩。設數年來。廷臣中有能及早參奏。必

蒙

聖斷立寘重典。而竟無一人奏及者。內外諸臣自以

皇考聖壽日高。不敢煩勞

聖心。實則畏懼和坤。箝口結舌。皆朕所深知。今

和坤罪狀已著。其得罪我

皇考之處。擢髮難數。亦百喙難辭。朕若置之不

辦。何以仰對

在天之靈。此不得已之苦衷。爾封疆大臣等以

為何如。除交在京王公大臣會審定擬外。著通諭各督撫。將指出和珅各款。應如何議罪。並此外有何款蹟。各行據實迅速覆奏。○諭軍機大臣等。上年十二月十七日奎舒所奏。貴德循化衆番羣集搶掠達賴喇嘛商販牛隻等物。和珅率行私駁。今經查出奎舒所見。尚是接奉此旨。即行帶領青海蒙古兵丁曉諭番衆。果能知懼。將為首賊匪及掠去牛隻一併獻出。即將該解送之人。覲面曉諭。為首

者。即行正法。梟首示衆。其餘番衆。仍應妥為撫慰。亦可毋庸徹底根究。儻仍不知懼肆行抗拒。必須調兵勦辦。亦應據實奏明。候朕降旨遵行。將此傳諭知之。○以鑲藍旗滿洲副都統斌寧。為鑲黃旗漢軍都統。調鑲白旗蒙古副都統積拉堪。為鑲藍旗滿洲副都統。以內閣學士文寧兼鑲白旗蒙古副都統。不入八分公綿志。為正白旗蒙古副都統。鑾儀衛鑾儀使阿迪斯兼正白旗漢軍副都統。調鑲

紅旗漢軍副都統縉布。為正藍旗滿洲副都統。起已革副都統扎郎阿。為鑲紅旗漢軍副都統。○以甘肅甘涼道福慶。為安徽按察使。○辛未祭

祈穀壇。遣豫親王裕豐恭代行禮。○諭內閣。吳省欽條奏摺內。請將監禁賊首王三槐。即行正法一條。何待爾言。前此未即辦理之故。欲俟川北首逆羅其清解到。一併交軍機大臣會同刑部審辦。豈有將此等首惡重犯釋放。

令其招降同夥之理。至所稱候補知府李基。曉諳兵法。有手車火雷列卦圖。又舉人王曇。能作氣按掌。辟易多人。請加試看等語。殊屬大謬。前此特頒諭旨。廣開言路。吳省欽為風憲之長。於和珅福長安二人。並無一言舉劾。自係畏其聲勢。及將和珅福長安革職。擎交刑部後。伊尚心存畏怯。緘默不言。茲見各科道等紛紛密封陳奏。伊任總憲。不能不以一奏塞責。而所言竟屬荒謬。試問伊所稱李基

所著手車火雷列卦圖較之本朝訓練之九進連環孰為得用其作氣按掌之語即稗官野史所謂掌心雷者是也係屬邪術現當勦辦教匪之時正當將妖言左道痛絕根株方嚴禁之不暇豈可轉引而試驗吳省欽身為臺長不知政體惑於邪言妄行瀆奏與學習邪教者何異耶吳省欽著交部嚴加議處○諭軍機大臣等有人條奏近來洋盜充斥皆由搶掠商船糧食暗地勾通行戶重價購米得以久留請一律禁止並於海口陸路添設重兵等事此種情節沿海各地方諒所不免但應如何設法辦理朕難以懸斷著傳諭凡有海疆將軍督撫等各就該處地方海口情形悉心確覈務使洋面日漸肅清而於商民仍無妨礙各抒所見據實奏聞候朕指示施行其水師各營作何訓練整頓之處亦著一併詳議具奏○又諭近聞京師步軍統領衙門及巡捕五營所管步甲兵丁在和坤宅內

供廝役者竟有千餘名之多實出情理之外其兩翼步軍協尉及司員筆帖式等官亦有坐甲十數名以致步甲之數日少盜賊肆意夜行殊屬不成事體國家設立兵額原資捕盜緝匪之用豈可任大小營員冒食空糧甚至將歸伍之兵供私宅之役無怪乎兵數日少盜賊肆行也京師輦轂之下耳目甚近營制廢弛尚復如此則此種情弊各直省自所不免著傳諭各該將軍督撫提鎮等即秉公據實查明如有似此情弊各按照原設額數一律補足不准冒食空糧亦不許大小營員私役兵丁以昭覈實而靖地方至養兵原以衛民自應平昔勤加訓練則調遣時庶可得力近聞各省營務如提鎮大員一味養尊處優全不習勞將營務委之將備而將備又復委之千把因循玩愒所謂訓練操防全屬有名無實又安用此兵制為耶茲特明白示諭各該將軍督撫提鎮務須力除前弊嚴飭各

屬一體認真訓練俾生疏惟怯之兵技藝純熟悉成勁旅以備應用儻經此次訓諭之後不知悔改仍蹈故轍則不能逃罪毋謂教之不豫也○又諭張家口稅務監督和精額前經餽送和珅銀兩既經查出著傳諭察哈爾副都統錦良即行派員押解和精額來京候旨○以戶部侍郎戴衢亨署吏部侍郎禮部侍郎周興岱署工部侍郎○命署國子監祭酒錢樾仍在上書房行走○命翰林院檢討

萬承風提督廣東學政○以直隸三屯協副將哈豐阿為天津鎮總兵官○壬申諭內閣本日伊江阿由驛遞到奏摺有寄和珅書信業經聞知

大行太上皇帝龍馭上賓信內惟諄勸和珅節哀辦事等語而於朕遭罹大故並無一字提及即以常情而論寄書唁問自當以慰唁人子為重今伊江阿於和珅則再三勸以節哀而於朕躬僅照常具一請安之摺轉將尋常

地方事件陳奏不知其是何居心昨吳熊光一聞皇考升遐之信即專摺瀝陳哀悃敦勸朕躬情詞真切似此方合君臣之義吳熊光係漢人又祇係布政使尚有良心伊江阿身為滿洲現任巡撫又係大學士永貴之子且曾在軍機處行走非不曉事者可比乃竟如此心存膜視轉於和珅慰問殷勤可見伊江阿平日不知有

皇考今日復不知有朕惟知有和珅一人負恩昧良莫此為甚伊江阿著傳旨嚴行申飭並交部嚴加議處仍著明白回奏○領隊大臣惠齡等以元日攻克麻壩寨生擒逆首冉文儔掃蕩賊巢情形入奏諭軍機大臣等川北賊首冉文儔與羅其清同時起事到處焚掠擾害良民實屬罪大惡極羅其清前已生縛解京此次擒獲冉文儔掃蕩賊巢適當元日仰荷

上天垂眷。

皇考默佑嘉慰之餘。叩感不盡。冉文儔首級著即於該首逆滋擾地方。每處傳示懸掛數日。俾受害良民快心洩憾。而不逞之徒亦共知警惕。冉文儔之子冉添受著即行凌遲梟示。此時兵威已振。事機順利。尤當鼓勇直前。探明何路緊要。即向何路勦辦。以次肅清餘孽。綏靖地方。近來各路領兵大員。皆以專擒首逆為事。竟置餘匪於不問。是以王三槐羅其

清擎獲後。餘黨仍四出焚掠。未見廓清。今首逆冉文儔。又經擒獲。必當將各股竄匪一律勦盡。方為著有成效。又聞各路勦賊名為繞截。其實畏賊遠避。民間有賊至。兵無影。兵來賊沒蹤。可憐兵與賊。何日得相逢之誼。又聞賊來不見官兵面。賊去官兵纔出現。二語此等積弊。已非一日。朕所深知。嗣後各路帶兵大員。務當痛加悔改。實心實力奮勇立功。迅速蒞事。不得仍蹈故轍。致干重譴。著傳諭各

路軍營一體謹遵。○以勦克麻壩寨賊巢擒獲首逆功。賞領隊大臣惠齡。副都統銜德楞泰。頭等輕車都尉世職。副將銜叅將穆克登。布總兵銜叅領希靈阿。巴圖魯名號。叅領塔津保。防禦歡福。穆騰額。花翎領催蘇冲阿等。藍翎餘升賞有差。○癸酉諭內閣。孫士毅之孫孫均。原係漢人入旗。且年尚穉弱。於散秩大臣差務。不能諳悉。著回本旗當閒散差使。不必在散秩大臣上行走。○又諭吏部議處

左都御史吳省欽一摺。昨因吳省欽條奏摺內語多不經。以伊平日學問而論。尚不至如此迂誕。蓋伊自揣係和坤私人。且在學政任內。聲名甚屬平常。恐被人列款彈劾。故爾避重就輕。先為此荒謬之奏。藉得罷官回籍。遂其田園之樂。其居心取巧。大率不出乎此。但此係誅心之論。吳省欽劣蹟既未敗露。朕亦不為已甚。姑免深究。即論其陳奏荒謬。已難勝臺長之任。吳省欽著即照部議革職回籍。

○禮部奏

大行太上皇帝梓宮奉移

觀德殿一月後請

上間一日親詣一次二月後間二日親詣一次

百日後間數日親詣一次得旨百日後間三

日親詣一次○甲戌申禁呈進貢物諭內閣

朕恭閱

皇考硃筆有嚴禁內外大臣呈進貢物

諭旨二道

聖訓煌煌

垂誠至為明切夫貢之為義始於禹貢原指任

土作貢而言並非崇尚珍奇所謂不貴異物

賤用物也我

皇考頒諭飭禁至再至三祇因和坤攬權納賄

凡遇外省督撫等呈進物件准遞與否必須

先向和坤關白伊即擅自准駁明示有權而

督撫等所進貢物在

皇考不過賞收一二件其餘盡入和坤私宅是

以我

皇考雖屢經禁止仍未杜絕試思外省備辦玉

銅甕書畫插屏掛屏等件豈皆出自己資必

下而取之州縣而州縣又必取之百姓稍不

足數敲扑隨之以閭閻有限之脂膏供官吏

無窮之朘削民何以堪況此等古玩飢不可

食寒不可衣真糞土之不若而以奇貨視之

可乎國家百數十年來昇平昌阜財賦豐盈

內府所存陳設物件充牣駢羅現在幾於無

可收貯之處且所貢之物斷不勝於大內所

藏即或較勝朕視之直如糞土也朕之所寶

者惟在時和年豐民物康阜得賢才以分理

庶政方為國家至寶耳至應進土貢原為日

用所必需如吉林黑龍江將軍每年所進貂

皮東珠人參係該處所產之物其他如川廣

之藥材九江之甕器江浙之綢緞及徽墨湖

筆賤紙茶葉瓜果等項原不外任土作貢之

義仍准按例呈進所有如意玉銅甕書畫掛

屏插屏等物嗣後概不許呈進至在京王公大臣每年所得分例尚不能敷當差之用豈有餘資亦不許呈進貢物若內廷翰林所錄御製詩文冊頁及自作書畫等件尚可呈進斷不許增入古玩至各省鹽政織造關差等並無地方理民之責其應交盈餘銀兩現今戶部查明方擬酌減伊等辦公更可裕如應進貢物准其照例呈進再年節王公大臣督撫等所進如意取兆吉祥殊覺無謂諸臣以為如意而朕觀之轉不如意也亦著一併禁止經朕此次嚴諭之後諸臣等有將所禁之物呈進者即以違制論決不稍貸特此明白宣示通諭中外知之○又諭昨經降旨將和坤罪狀宣諭各督撫令其議罪茲據直隸總督胡季堂奏稱和坤喪盡天良非復人類種種悖逆不臣蠹國病民幾同川楚賊匪貪黷放蕩真一無恥小人喪心病狂目無君上請依大逆律凌遲處死並查出和坤薊州墳塋

僭妄違制及附近州縣置有當舖資財現飭查辦各等語又據連日續行抄出和坤金銀等物特再行諭衆知之朕於乾隆六十年九月初三日蒙

皇考冊封皇太子尚未宣布

諭旨而和坤於初二日即在朕前先遞如意漏洩機密居然以擁戴為功其大罪一上年正月

皇考在圓明園召見和坤伊竟騎馬直進左門過正大光明殿至壽山口無父無君莫此為甚其大罪二又因腿疾乘坐椅轎擡入大內肩輿出入神武門衆目共覩毫無忌憚其大罪三並將出宮女子娶為次妻罔顧廉恥其大罪四自勦辦教匪以來

皇考盼望軍書刻縈宵旰乃和坤於各路軍營遞到奏報任意延擱有心欺蔽以致軍務日久未竣其大罪五

皇考聖躬不豫時和坤毫無憂戚每進見後出

向外廷人員敘說談笑如常喪心病狂其大罪六昨冬

皇考力疾披章批諭字畫間有未真之處和坤膽敢口稱不如撕去竟另行擬旨其大罪七前奉

皇考諭旨令伊管理吏部刑部事務嗣因軍需銷算伊係熟手是以又

諭令兼理戶部題奏報銷事件伊竟將戶部事務一人把持變更成例不許部臣參議一字

其大罪八上年十二月內奎舒奏報循化貴德二廳賊番聚衆千餘搶奪達賴喇嘛商人牛隻殺傷二命在青海肆劫一案和坤竟將原奏駁回隱匿不辦全不以邊務為事其大罪九

皇考升遐後朕諭令蒙古王公未出痘者不必來京和坤不遵諭旨令已未出痘者俱不必來京全不顧國家撫綏外藩之意其居心實不可問其大罪十大學士蘇凌阿兩耳重聽

衰邁難堪因係伊弟和琳姻親竟隱匿不奏侍郎吳省蘭李潢太僕寺卿李光雲皆曾在伊家教讀並保列卿階兼任學政其大罪十一軍機處記名人員和坤任意撤去種種專擅不可枚舉其大罪十二昨將和坤家產查抄所蓋柵木房屋僭侈踰制其多寶閣及隔段式樣皆仿照

寧壽宮制度其園寓點綴竟與圓明園蓬島瑤臺無異不知是何肺腸其大罪十三

瑩居然設立享殿開置隧道附近居民有和陵之稱其大罪十四家內所藏珍寶內珍珠手串竟有二百餘串較之大內多至數倍並有大珠較御用冠頂尤大其大罪十五又寶石頂並非伊應戴之物所藏真寶石頂有數十餘箇而整塊大寶石不計其數且有內府所無者其大罪十六家內銀兩及衣服等件數逾千萬其大罪十七且有夾牆藏金二萬六千餘兩私庫藏金六千餘兩地窖內並有

埋藏銀兩百餘萬其大罪十八附近通州薊州地方均有當舖錢店查計資本又不下十餘萬以首輔大臣下與小民爭利其大罪十九伊家人劉全不過下賤家奴而查抄資產竟至二十餘萬並有大珠及珍珠手串若非縱令需索何得如此豐饒其大罪二十其餘貪縱狂妄之處尚難悉數實從來罕見罕聞者著將胡季堂原摺發交在京文武三品以上官員併翰詹科道閱看即著悉心妥議具奏此內如有自抒所見者不妨另摺封陳若意見皆合即連銜具奏至福長安祖父叔姪兄弟世受厚恩尤非他人可比其在軍機處行走與和坤朝夕聚處凡和坤貪黷營私種種不法罪款知之最悉伊受皇考重恩常有獨對之時若果將和坤縱恣藐玩各款據實直陳較之他人舉劾尤為確鑿有據

皇考必早將和坤從重治罪正法如從前辦理訥親之案何嘗稍有寬縱豈尚任其貽誤軍國重務一至於此即謂皇考高年不敢仰煩聖慮亦應在朕前據實直陳乃三年中並未將和坤罪蹟奏及其扶同徇隱情弊顯然如果福長安曾在朕前有一字提及朕斷不肯將伊一併革職拏問現在查抄伊家資物雖不及和坤之金銀珠寶數逾千萬但已非伊家之所應有其實貪黷昧良僅居和坤之次並著一併議罪○又諭本日召見刑部侍郎熊格諭以刑名事務向來刑部引律斷獄於本律之外多有不足蔽辜無以示懲及從重定擬等字樣所辦實未允協罪名大小律有明條自應勘覈案情援引確當務使法足蔽辜不致畸輕畸重方為用法之平今既引本律又稱不足蔽辜從重定擬並有加至數等者是仍不按律辦理又安用律例為耶即案情

內有情節較重者朕自可隨案酌定總之不足蔽辜之語非執法之官所宜出嗣後問刑衙門俱應恪遵憲典專引本律不得於律外又稱不足蔽辜及從重字樣即雖字但字抑揚文法亦不准用上讞後經朕閱看案情或有酌加增減者亦不治以失出失入之咎用副朕矜愼庶獄至意○以鑲白旗滿洲副都統綿標為正藍旗護軍統領叅領那敏泰為正藍旗漢軍副都統

五十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之三十七

大清仁宗受天興運數化綏猷崇文經武孝恭勤儉端敏英哲睿皇帝實錄卷之三十八

[illegible]

教修

嘉慶四年己未正月乙亥諭內閣軍機處為

機密要地向來行走章京未定額數俱由軍機大臣挑補並不帶領引見因思各衙門各旗官員即筆帖式驍騎校護軍校等微員無不由引見補授軍機章京職事較重豈有轉不帶領引見之理嗣後滿漢章京各定為十六缺由內閣六部理藩院堂官於司員中書筆帖式等官內擇其人品端方年力富強字畫端楷者交軍機大臣帶領引見候朕簡用其記名人員遇有缺出按次陸續充補此次

應挑之滿漢章京即照新例辦理○總理喪儀王大臣以

上哀慟沈摯

天顏減瘦奏懇節哀得旨朕受

皇考深恩逾於尋常今猝遭

大事五內摧裂實不能已諸王大臣愛戴之誠

甚屬真摯應節哀之處自當勉強抑制○以

吏部侍郎劉權之為都察院左都御史調禮

部侍郎周興岱為吏部侍郎工部侍郎吳省

蘭為禮部侍郎刑部侍郎張若淳為工部侍

郎仍兼管順天府府尹事以都察院左副都

御史汪承霈為刑部侍郎○以內閣學士曹

城署禮部侍郎○丙子

上詣

几筵前行殷奠禮○丁丑諭內閣大學士九卿

文武大員翰詹科道等定擬和坤福長安罪

名請將和坤照大逆律凌遲處死福長安照

朋黨律擬斬請即行正法等因一摺和坤種

種悖妄專擅罪大惡極於法實無絲毫可貸因思

聖祖仁皇帝之誅鼂拜

世宗憲皇帝之誅年羹堯

皇考之誅訥親此三人分位與和坤相等而和坤之罪尤為過之從前辦理鼂拜年羹堯皆

蒙

恩賜令自盡訥親則因貽誤軍機於軍前正法

今就和坤罪狀而論其壓擱軍報有心欺隱

各路軍營聽其意指虛報首級坐冒軍糧以

致軍務日久未竣貽誤軍國情罪尤為重大

即不照大逆律凌遲亦應照訥親之例立正

典刑此事若於一二年後辦理斷難寬其一

綫惟現當

皇考大事之時即將和坤處決在伊固為情真

罪當而朕心究有所不忍且伊罪雖浮於訥

親究未身在軍營與訥親稍異國家本有議

親議貴之條以和坤之喪心昧良不齒人類

原難援八議量從末減姑念其曾任首輔大臣於萬無可貸之中免其肆市和珅著加恩賜令自盡此朕為國體起見非為和珅也至福長安受

皇考厚恩即居和珅之次且與和珅朝夕聚處於和珅罪狀知之最悉且常有獨對之時如果據實舉劾罪蹟昭著

皇考必將和珅即正刑誅斷不肯偏護和珅轉坐福長安以訐發之罪即謂

皇考春秋已高恐觸

聖怒藉小忠小信為辭不敢舉發自朕立為皇太子及受寶後已及四年此數年中伊常有在朝內直宿不與和珅同直之時何難自請獨對或將和珅罪狀臚列具密摺奏陳如先前曾有片紙隻字則此時朕不但不肯將伊與和珅一同治罪並不肯奪伊官爵乃始終並無一語是其有心扶同徇隱百喙難辭現在查抄伊家內財產已非伊分內之所應有

若非平日肆意貪婪何從得此饒裕即照大學士等所請按例辦理實罪所應得但科道中並未將福長安指款叅劾而所抄資產究不及和珅十分之一二和珅現已從寬賜令自盡福長安亦著從寬改為應斬監候秋後處決並著監提福長安前往和珅監所跪視和珅自盡後再押回本獄監禁至和珅本無功績祇因伊叅奏福康安木植一案得以屢邀擢用此案並非和琳秉公劾叅實係聽受和珅指使為傾陷福康安之計今和珅籍沒家產查出所益楠木房屋僭妄踰制較之福康安託帶木植之咎孰重孰輕且和琳同福康安勦辦湖南苗匪亦因和琳從中掣肘以致福康安及身未能辦竣是和琳於苗匪一案有罪無功所有和琳公爵自應照議革去至配享

太廟尤為非常鉅典和琳何人乃與開國功臣同列著即照議徹出

太廟並將伊家所立專祠一併拆毀。豐紳殷德係固倫額駙，且公主平日最為

皇考所鍾愛，自應仰體

恩慈，曲加體恤。若此時將豐紳殷德職銜斥革，齒於齊民，於體制亦覺未協。和坤公爵係因拏獲王三槐所得，應照議革去。著加恩仍留伊伯爵，即令豐紳殷德承襲。在家閒住，不許出外滋事。豐紳伊綿亦著革去公爵，斥退侍衛，不准在乾清門行走。仍加恩賞給雲騎尉。

在本旗當閒散差使錫麟原係承襲傅靈安雲騎尉世職，福長安獲罪，侯爵自應斥革。與傅靈安無涉，著仍加恩准錫麟承襲雲騎尉。亦斥退侍衛，不准在乾清門行走。回本旗當閒散差使。大學士蘇凌阿年老，龍鍾和坤因係和琳姻親，且利其昏愎充位，藉顯己才。伊年逾八十，跪起維艱，豈能勝綸扉重任。蘇凌阿著即以原品休致。侍郎吳省蘭、李潢、太僕寺卿李光雲皆係和坤引用之人，李光雲現

患疾疾著以原品休致。吳省蘭、李潢雖無人列款叅劾，但未便倖列卿貳，俱著降為編修。吳省蘭著撤回學政，不必在南書房行走。諭軍機大臣等：今日長麟所奏之摺，另行抄錄，摺底寄和坤閱看。固係和坤印文行取，而長麟亦不應如此迎合。今和坤一切濫行之罪已經訊明，令其自盡。軍機大臣另行更換此事，亦不深究矣。著傳諭長麟等嗣後此等流弊永遠嚴禁。至策拔克所寄軍機章京信內探詢同樂園之戲甚屬非是，大內演戲無干伊事。探詢何為亦係探聽內事之惡習，此風斷不可長。策拔克著嚴行申飭。實授曹城為禮部侍郎，以通政使司通政使初彭齡為兵部侍郎。命翰林院侍讀學士劉鏞之提督浙江學政。戊寅諭內閣：昨經降旨將和坤罪狀明白宣示，據大學士九卿等會同定擬具奏，已將和坤賜令自盡矣。和坤任事日久，專擅蒙蔽，以致下情不能上達。若不立

除元惡。無以肅清庶政。整飭官方。今已明正其罪。此案業經辨結。因思和珅所管衙門本多由其保舉升擢者。自必不少。而外省官員奔走和珅門下。逢迎餽賂。皆所不免。若一一根究。連及多人。亦非罰不及衆之義。且近來弊端百出。事難悉數。現在宣示和珅罪狀。其最重各款。俱已曉然。衆著儻臣工。誤會朕意。過事搜求。尚復攻擊陰私。摘發細故。或指一二人一二事以實其言。則舉之不勝其舉。並

恐啟告訐報復之漸。是除一巨蠹。又不免流為黨援。門戶陋習。殊非朕之本意也。朕所以重治和珅之罪者。實為其貽誤軍國重務。而種種貪黷營私。猶其罪之小者。是以立即辦理。刻不容貸。此外初不肯別有株連。惟在儆戒將來。不復追咎既往。凡大小臣工。無庸心存疑懼。況臣工內中材居多。若能遷善改過。皆可為國家出力之人。即有從前熱中躁進。一時失足。但能洗心滌慮。痛改前非。仍可勉

為端士。不至終身誤陷匪人。特此再行明白宣諭。各宜凜遵。砥礪以副朕威。與維新之治。儻經此番訓飭之後。尚不知改悔。勉立修名。則是自甘暴棄。不齒士類。必當嚴加懲治。毋謂教誡之不豫也。將此通諭知之。○諭軍機大臣等。從前和珅意圖專擅。用印文傳知各省。抄送摺藁。因此帶有投遞軍機處另封事件。業經降旨飭禁。並隨摺批諭。今和珅業經伏法。所有隨帶文書。當永遠停止。儻經此番

飭禁之後。尚有仍蹈前轍者。必當重治其罪。決不姑貸。將此各傳諭知之。○又諭。上年十二月間。都爾嘉將由葉爾羌採解大塊玉石。運送艱難之處。寄知和珅。和珅匿不陳奏。現經軍機大臣查出。具奏。葉爾羌離京路途甚遠。運送玉石。倍覺費力。彼時和珅據情陳奏。斷無因此勞役回衆之理。今閱都爾嘉原書。得知回衆勞苦情狀。朕心甚為憐憫。將此速諭所經各城大臣。接奉此旨。所解玉石。行至

何處。即行拋棄。不必前解。惟是由葉爾羌採
取遞送之回子伯克。以及衆回人費力良多。
著寄諭奇豐額並所過各城大臣酌定賞賜。
伯克頭目緞匹衆回人銀兩一面具奏一面
賞給以示朕矜卹回奴之意。○又諭明亮等
勦辦張漢潮總未將賊首擒獲。雖將分夥奔
竄之陳掌櫃一股勦殺數百名。亦恐皆懦弱
良民。未必實係真賊。至張漢潮係老弱無能
之賊。有何難辦。豈有賊能奔竄而我兵獨不
能追勦之理。明亮等所帶官兵皆係滿洲精
銳。乃不能督率奮擊。致我滿洲及東省勁旅
漸成疲乏。看來明亮等竟有意耽延。希圖坐
享供給。節經降旨飭諭。若再不知愧奮。趁賊
匪窮竄之時。直前截擊。剋日擒渠。惟有執法
嚴懲。上報
皇考高厚之恩。下救小民流離之苦。斷不稍從
寬貸。將此傳諭知之。○己卯大學士九卿等
恭擬上

大行太上皇帝
尊謚徽稱曰
法天隆運至誠先覺體元立極敷文奮武孝慈
神聖純皇帝。天下萬世稱曰
高宗純皇帝。奏入
上宣諭曰。前諭大學士九卿等欽遵
皇考遺訓。稱宗敬上
廟號曰
高宗。為百世不祧之廟。茲據諸王大臣等合詞
議上
尊謚曰
純皇帝。於我
皇考聖德神功。實相符合。此乃天下萬世公論。
非朕一人孺慕顯揚之私悃。亦非臣下尊崇
稱頌之私情也。我
皇考至誠無息。久道化成。
健運以法
天體元以育物。巍巍蕩蕩。

至德難名。今據所奏敬擬上。

尊謚徽稱。詳慎公允。足以昭垂萬世。甚愜朕心。

所有應行典禮。該部敬稽成例具奏。○諭內

閣據總理喪儀王大臣等奏本月二十三日

奉移

梓宮。請朕步送至東華門外。即乘轎出神武門

先至觀德殿恭候

梓宮到時。再至景山東門外跪迎等語。在王大

臣等愛君之忱。當出乎此。但朕敬查大禮記

注

聖祖仁皇帝梓宮奉移之日

皇祖即步行送至

壽皇殿。且有

允許管道官兵舉哀之

旨。維時

皇祖春秋已四十五歲矣。今朕年甫四旬。精力

正強。且有御前侍衛扶掖而行。道路亦不為

甚遠。儘可躬自恭送。以求得朕心之安。至於

隨時節哀。朕亦自有為國自重。仰承

付託之道。所有王大臣等籲懇之奏。著不必行。

亦毋得再行瀆陳。○又諭前因伊江阿由驛

遞到奏摺。有寄和珅書信。業經聞知。

大行太上皇帝龍馭上賓。信內惟諄勸和珅節

哀辦事。而於朕遭罹大故。並無一字提及。負

恩昧良。因降旨將伊江阿交部嚴議。並令明

白迴奏。茲據伊江阿覆奏。猶以詔書未到。為

辭。已屬巧辯。並稱望和珅為國家出力。向與

和珅從無交涉等語。尤不成話。現在和珅罪

狀已著。業經伏法。其平日之種種貪黷營私

尚得為國家出力大臣乎。如果伊江阿與和

珅素無交結。則該撫之浮收漕糧。現被人叅

奏。不知又將何用耶。伊江阿既經顛倒錯亂

於前。又復飾辭巧辯。於後實非尋常謬誤可

比。著即照部議革職。來京候旨。所有山東巡

撫員缺。著陳大文調補。速赴新任。陳大文未

到之前。著宜興暫署山東巡撫。其倉場侍郎

事務著傅森署理至廣東本係督撫同城所有巡撫印務即著吉慶兼署俟簡放有人再降諭旨○又諭教匪滋事以來今已三載尚未蕩平揆厥所由總因和珅壓攔軍報諸事擅專於軍務每多掣肘以致各路軍營不敢以實入奏觀望遷延日久不能歲事今和珅業經伏法此後斷無從中牽制之人朕可力保帶兵大臣等自當咸知奮勵勉贖前愆但恐勢不相下無所統屬各懷自私自利之心易啟爭功諉過之弊勒保初到川省時尚能振作近來號令不行惟以專勒冷添祿一股為詞稽延數月迄未擒渠其餘各路軍營更難兼顧此即事權不一之明證今特申明軍紀勒保著授為經畧大臣賜以印信所有各路帶兵大臣及總督宜綿景安巡撫倭什布秦承恩高杞等悉受節制明亮額勒登保素諸軍旅且辦理川楚邪匪以來明亮勒保平孝感賊匪額勒登保擒獲首逆覃加耀均曾著

有勞績俱著實授副都統授為叅贊大臣伊二人應否與勒保同在一路抑或別領一軍分布要路之處著勒保酌量情形辦理其餘將領俱著勒保酌派具奏同知劉清聞其平日官聲尚好著勒保奏明量予升擢以從民望勒保接奉此旨不得以專勒冷添祿藉口應將此股賊匪交提鎮大員督兵勦辦伊即帶領重兵或於川省或於陝省擇扼要適中之地居中調度統攝各路其有不遵軍令者即行指名叅奏若貽誤重大軍情准其一面拏究一面具奏以重事權勒保身當重任尤應倍加感奮迅勉成功若能殲厥渠魁掃除餘孽必當加之懋賞優獎勲勞儻或仍前怠玩則受任專者受罰亦重軍律具在勒保恐不能當此重戾也永保前在軍營獲咎業經釋放著加恩賞給藍翎侍衛齎送經畧印信前往軍營在領隊侍衛上行走至近日臣工等多有條奏軍務者若僅懸揣覈議不過紙

上談兵無裨實用。著將各摺發交勒保閱看。可行則行。可止則止。毋庸一一議奏。又諭。教匪聚眾滋事。皆以官逼民反為詞。昨冬賊首王三槐解到審訊時。供詞內亦有此語。朕聞之殊為惻然。是以暫停正法。我國家百數十年來。厚澤深仁。周洽寰宇。

皇考臨御六十年。無時不厪念民生。痼瘼在抱。普免天下錢糧漕糧。以及蠲緩賑貸。不啻億萬萬。凡所以惠愛閭閻者。至優極渥。朕仰承

付託之重。夙夜兢兢。視民如傷。一夫不獲。宵旰殷懷。豈忍令數省蒼生。罹於鋒鏑哉。百姓幸際昌期。安土樂業。若非迫於萬不得已。焉肯不顧身家。鋌而走險。總緣親民之吏。不能奉宣朝廷德意。多方婪索。竭其脂膏。因而激變。至此然州縣之所以剝削小民者。不盡自肥己橐。大半趨奉上司。而督撫大吏之所以勒索屬員者。不盡安心貪黷。無非交結和坤。是層層剝削。皆為和坤一人而無窮之苦累。則

我百姓當之言。念及此。能不痛心。是以將和坤立正典刑。以申國法。而快人心。現在大懲已去。綱紀肅清。下情無不上達。各省官吏。自當大法小廉。肅除積習。民間無所擾累。亦可各遂其生。且教匪起事之初。醜類原屬無多。到處迫脅良民。供其役使。及賊勢方張之際。突入村莊。任意焚掠。不從則立加殘害。從之則冀緩須臾。愚氓畏死貪生。被其裹掠。此小民不得已之苦情。朕知之詳而聞之熟矣。夫教匪起於楚北。沿及河南。川陝地方。往來奔竄。肆其荼毒。村落為墟。吾民遭其蹂躪者。不知凡幾。而賊匪每遇官兵。又使裹脅之人在前抗拒。經官兵殲戮者。又不知凡幾。或父兄叔姪。被其戕殺。或妻女子女。被其擄掠。苟有。人心。能無切齒。不過畏賊兇焰。莫敢先發。此時軍紀整肅。鼓行而前。著名首惡。即日成擒。所可憫者。脅從之人。皆朕赤子。不忍駢誅耳。從來命將出師。祇有征討不庭。斷無用兵誅

戮良民之理。特此剴切宣諭。各路賊隊中之良民。如有能縛獻賊首。悔罪立功者。不但宥其前罪。尚可如前年湖南投出之苗匪吳隴登等。格外邀恩。否則或潛行散去。或臨陣投降。亦必釋回鄉里。俾安生業。儻執迷不悟。軍行所至。玉石俱焚。悔將何及。著勒保將此旨遍行曉諭。川陝楚豫各地方。咸知朕意。○命吏部尚書朱珪。戶部尚書沈初。禮部尚書德明。兵部尚書金士松。在紫禁城內騎馬。○以刑部尚書慶桂兼署兵部尚書。○庚辰上以奉移。

大行太上皇帝梓宮日期祇告

几筵前行啟奠禮。○諭內閣。朕維崇孝為致治之原。徽稱重易名之典。健順功均。覆載帝后體備尊親。欽惟

孝賢皇后作配

皇考。懋著坤儀。

孝儀皇后誕育朕躬。親承顧復。仁惠久孚於壺。

掖。孝德並洽於宮闈。茲恭上

皇考太上皇帝尊諡。宜並追崇。恭上

尊諡。以展孝思。以昭萬世。該衙門詳查典禮具

奏。○命戶部尚書駐藏大臣松筠來京供職。

以兵部侍郎英善為駐藏大臣。○以戶部左

侍郎那彥成為工部尚書。轉戶部右侍郎布

彥達賚為左侍郎。調兵部左侍郎豐紳濟倫

為戶部右侍郎。轉兵部右侍郎英善為左侍

郎。調禮部右侍郎書敬為兵部右侍郎。以內

閣學士恒傑為禮部右侍郎。○以定親王綿

恩。正藍旗護軍統領永琿。右宗人晉昌烏里

雅蘇。台將軍永琨。禮部尚書德明為內大臣

。○辛巳。諭內閣。八旗都統副都統前鋒統領

護軍統領及管理各營大臣等。俱有跟班之

親隨。原為辦理公務。代該大臣傳事傳話。而

設非同家丁之供應趨使。自應於兵丁內各

選二人跟班。現在皆由驍騎校護軍校內挑

取作為親隨。殊屬不合。伊等職雖微末。俱係

職任之員各有應辦事件。若令舍其公事。跟隨大臣。成何體制。嗣後都統副都統等。著由馬甲內挑取。前鋒統領護軍統領及管理各營大臣。皆由前鋒護軍內挑取。每人只准挑選二名。作為親隨跟班。其挑選驍騎校護軍校之例。永遠禁止。著為令。○諭軍機大臣等。勒保奏。勦賊情形。仍未能夠將冷添祿截住。又任其奔竄梁山忠州交界地方。而王光祖一股匪衆。又與徐添德合夥。其所稱分路殺賊一千五六百名。想仍係被脅難民。必非邪教真賊。但額勒登保星夜兼馳。往來截擊。披閱之下。亦覺可憐。現在勒保知會額勒登保等。由墊江一路兜截。徐添德又令百祥等從忠州一路緊追。冷添祿而勒保由梁山中路進發。分投布置。尚合機宜。當趁此各路大兵會合之時。迅縛渠魁。不得以賊匪逃逸。並無定向為詞。稍有遷延。至稱賊匪卜三聘等尚在奉節巫山一帶遊奕。窺伺夔州郡城。勒保令

觀成帶兵前往堵截一節。所辦亦是。夔州為川楚門戶。自當認真堵禦。勿令賊匪闖入楚境為要。將此傳諭知之。○命嗣後各部院堂官跟班。不准用覺羅筆帖式。○以戶部右侍郎豐紳濟倫署兵部右侍郎。禮部左侍郎阮元署兵部右侍郎。○調正黃旗漢軍副都統恒傑為鑲白旗滿洲副都統。鑲黃旗蒙古副都統富成。為正黃旗漢軍副都統。起已革副都統齊哩克齊為鑲黃旗蒙古副都統。○以庫倫辦事大臣普福年老。命回京。以內閣學士佛爾卿額為庫倫辦事大臣。○壬午。孝聖憲皇后忌辰。遣官祭泰東陵。○恭移大行太上皇帝梓宮。安奉觀德殿上先於几筵前奠酒。慟哭盡哀。屆時靈駕啟行。上前導由景運門出。

梓宮升大昇輦

上西向跪哭奠酒

梓宮出東華門

上步行偏左哭不停聲

梓宮至殯宮大門外降大輦升小輦

上東側跪哭

皇貴妃率妃嬪豫埃於觀德殿後隨安奉

梓宮於觀德殿

上號泣行奠祭禮王以下大臣官員俱舉哀行

禮

上哀號瞻戀不忍暫離王大臣等奏請節哀得

旨朕承

皇考付託之重天下臣民任豈不知節哀愛

身但人子之情實不能已○是日始

一居咸福宮苦次○癸未

上詣觀德殿

几筵前供奠○諭軍機大臣等樊人傑等不過

內地亂民宜綿等督撫提鎮多人不能擒獲

一賊能無羞愧而惠齡又以陝界賊匪已有

宜綿等在彼截勦不復兼顧此等互相推諉

惡習相沿日久竟屬牢不可破今惠齡等因

接勒保札稱川東情形緊要即就近移師梁

山墊江等處勦捕但惠齡既至川東以後若

又不能擒獲徐添德冷添祿等則又將以何

辭塞責耶朕素聞各處情形湖北則教匪多

而脅從少川陝則教匪少而脅從多此等匪

徒誅之不可勝誅除著名各首逆自當悉數

殲擒斷難寬宥外其餘逼迫附和之衆若有

臨陣投降悔罪乞命者不妨勦撫兼施以期

解散賊黨前因惠齡等拏獲賊首羅其清冉

文儒著有微勞疊經加恩豈竟全無良心不

知激發且以各路軍營帶兵打仗而論衆人

已不出力而惠齡在衆人中尤為不出力之

人惟專以擒一賊首希藉邀功即有另股賊

匪經過伊亦置之不顧此等情形朕知之甚

悉今勒保已授為經畧惠齡等俱受其節制

所有冷添祿徐添德王光祖等各股竄匪應如何率領官兵相機截擊皆係惠齡分內之事儻遇有檄調或藉口稽遲或從中掣肘則是有心玩誤必當按律治罪將此傳諭知之○以太常寺卿童鳳三為內閣學士兼禮部侍郎銜○以陝西布政使陸有仁為廣東巡撫調山西布政使馬慧裕為陝西布政使山東布政使陳文緯為山西布政使○以病痊前任江西布政使岳起為山東布政使○是日

上居永思殿苦次○甲申

上詣觀德殿

几筵前行初祭禮○諭內閣達椿前因上書房曠班降調其過尚輕彼時劉墉亦緣此降官今劉墉已為大學士達椿尚未遷擢殊欠平允所有恒傑之內閣學士員缺加恩著達椿補授○以河南睢工合龍賞還河東河道總督司馬駒頂帶并兩江總督李奉翰南河河

道總督康基田翎頂仍均下部議敘○乙酉諭內閣和珅原係正紅旗滿洲人後擡入正黃旗滿洲今伊身既犯重罪將此一支仍改回本旗本佐領○丙戌

上詣觀德殿

几筵前供奠○諭內閣宜綿自帶兵剿賊以來並不能親臨行陣堵剿竄匪且年老多病恐其貽誤軍務宜綿著即解任來京候旨所有陝甘總督印務著恒瑞署理秦承恩聞亦多病精神不能振作想伊才具本短又因伊母故後心緒昏瞶陝西軍務緊要秦承恩不必署理巡撫著即回籍守制永保著賞給頭等侍衛銜署理巡撫事務俟齋經畧印信到川面交勒保後著即馳回陝西接印任事○諭軍機大臣等朕向聞宜綿自帶兵剿賊以來賊至則不敢向前賊去則移營前往因將軍機處抄存伊節次奏摺底詳加覈對皆於無賊處所駐劄畏葸無能巧於退避實與朕所

聞相符即如本日奏到之摺既稱張漢潮竄入五郎境內伊以堵剿平利賊匪不能兼顧為詞其實平利一股賊匪又不見其親往剿辦僅委鎮將等帶兵堵禦俟賊匪竄回川境後宜綿始由紫陽趕赴長嶺此即避賊之明證宜綿著即解任來京所帶將弁兵丁等即交與恒瑞王文雄管領伊二人一係將軍一係提督陝西即其所轄當以堵剿陝境竄匪為專責儻有逸賊奔回川省者自有勒保額勒登保惠齡等在彼殲殺伊二人不必赴川轉使賊匪聞知領兵大員皆在川境又復折回陝境滋擾也若嗣後有川匪闖入陝境往來自如者則惟伊二人是問總之邪匪必不可赦良民必不可誅勦撫兼施方為正辦恒瑞王文雄惟應恪遵指示認真堵剿上報皇考委任之恩下救黎民倒懸之苦此我君臣所當共勉者也將此傳諭知之○是日上居永思殿苦次翼日如之○丁亥

上詣觀德殿

几筵前供奠○諭內閣前因民間錢價日賤飭令京局及外省俱各減卯停鑄嗣後各該省所減之卯多已照舊鼓鑄惟戶工二局尚未復舊現在京城錢價仍不能加增可見調劑錢法不係予減卯與否且恐京局工匠人等曠閒日久生計維艱著戶部將從前停鑄之三十五卯先復十七卯工部停鑄之三十卯先復十五卯俟察看錢價貴賤情形再行酌量辦理○又諭從前已故御史曹錫寶曾經參奏和坤家人劉全倚勢營私家資豐厚一事彼時和坤正當聲勢薰灼之際舉朝並無一人敢於糾劾而曹錫寶獨能抗辭執奏殊為可嘉不愧諍臣之職今和坤治罪後查辦劉全家產竟有二十餘萬之多是曹錫寶前此所劾信屬不虛自宜加之優獎以旌直言曹錫寶著加恩追贈副都御史銜並將伊子照加贈官銜給予廕生該部照例辦理○又

諭朕允王大臣請百日釋服儀親王永璇成親王永瑛慶郡王永璘定親王綿恩額駙拉旺多爾濟睿親王淳穎大學士王杰前任大學士署尚書董誥協辦大學士尚書慶桂尚書德明彭元瑞總管內務府大臣縕布亦著成服百日此外所有王大臣官員於大祭禮畢俱著釋服將孝服焚化再尚書朱珪前在外任正月十七日始得聞信扣至二月十四日滿二十七日後再行釋服○諭軍機大臣

等從前原任內閣學士尹壯圖曾以各直省倉庫多有虧缺藉詞彌補層層剝削以致民生受困之處具摺陳奏其事雖查無實據而所奏實非無因似此敢言之臣亟宜錄用尹壯圖前以禮部主事請假回籍著富綱傳知尹壯圖令其即行來京候旨擢用並著准其馳驛○又諭恒瑞奏承恩奏南北兩路賊匪情形仍屬敷衍空言即所稱王文雄將魯家壩毛垵河賊匪剿殺數十名恒瑞在大巴山

將衝突賊匪殲斃甚多之語亦恐多係被脅難民未必果皆真賊其擒獲之龍曰禮亦僅據伊等指為逆首龍紹周之姪現已正法又何從究其真偽至秦承恩久經患病朕早有所聞今摺內尚稱督率文武員弁防範各卡並稱奮力剿辦不敢稍有稽延試思剿辦教匪以來伊等怠玩稽延已及三年毫無功效居心實不可問尚靦顏為不敢之言將誰欺乎嗣後辦理軍務惟當一洗從前陋習總期

覈實或將某處賊匪剿除或擒獲著名首逆即零星剿殺者亦必果係真賊方准據實奏報否則寧遲數日不得仍前按期發摺虛語搪塞徒勞驛遞也至張漢潮一股現已窮蹙到處掠食經明亮興肇繞出賊前官信邢承誥緊躡賊後而兩當縣邊境駐有官兵並添集鄉勇正可兩面夾擊此實大好機會明亮等務須倍加奮勉生擒張逆不可復令逸去至各股賊匪現在屯集川境明亮等若能迅

將張逆股匪全數殲除。則陝境可就肅清。即可帶領勝兵前赴四川。遵照前旨。或與勒保同在一處。或別領一軍分布要路。與勒保會商辦理。再副都統訥音前經派往軍營帶兵。今各路奏摺。總未見提及。訥音究在何處藏匿。並著勒保查明覆奏。至景安所奏。馳赴鄖西邊界。迎勦張漢潮一股。竄匪亦係空言。張漢潮一股。前經竄入陝境。五郎洋縣一帶。湖北鄖西邊界。最關緊要。乃景安遠駐鄖陽。僅派令總兵王凱駐守鄖西。殊屬畏怯。退避。現在張漢潮已竄留壩一帶。而後股賊匪復由安康折入鎮安。與鄖西境壤緊接。景安摺內。止知關騰帶兵勦捕。又成尾追之勢。殊不思伊從前節次帶兵堵勦。時惟事避賊而行。賊至則移營。他往。賊去始遠躡。賊蹤則併關騰尾追之。不若矣。即如此時。伊果早駐鄖西。賊至正可迎頭截勦。又何待聞信後始行前往乎。況前往與否。尚未可知。著傳旨嚴行申飭。

現在該督業經帶兵到彼。務須督飭鎮將弁兵實力勦捕。毋使真賊一名漏網。以贖前愆。儻仍前觀望遷延。又致賊匪擾及楚境。則軍法具在。斷不寬貸也。將此傳諭知之。○吏部以大學士保寧應定何殿閣請。得旨著為武英殿大學士。○朝鮮國王李祘遣使表進方物。除年貢照例賞收外。其恭進大行太上皇帝萬壽貢一分。並進萬壽冬至元旦貢三分。准其留抵下次正貢。賞賚如例。○暹羅國王鄭華遣使表進方物。賞賚如例。○命吏部尚書朱珪在南書房行走。戶部尚書沈初。兵部尚書金士松。無庸在南書房行走。○調正白旗蒙古副都統綿志為鑲紅旗滿洲副都統。以內閣學士達椿兼正白旗蒙古副都統。○以烏里雅蘇台叅贊大臣臣花尚阿。母老命回京。以正藍旗漢軍副都統那敏泰為烏里雅蘇台叅贊大臣。○戊子。上詣觀德殿。

几筵前行大祭禮○

孝儀皇后忌辰遣官祭

陵寢○旌表守正捐軀江蘇華亭縣民婦袁張

氏○是月江西布政使萬寧奏請節哀得旨

朕自節哀勉副衆望密諭汝知朕聞張誠基

居官聲名平常未審確否汝係滿洲不可迴

護據實密奏不可令一人知之○浙江巡撫

王德奏報甘雨普霑糧價平減得旨此等奏

報不可粉飾朕總要眞知小民疾苦以為教

養汝等大吏敬誌毋忘○又奏閩浙兩省遇

盜合捕不分畛域海口陸路毋庸添設重兵

商船出洋不宜禁止得旨覽奏俱悉在汝等

平素留心訓練整飭營伍以衛生民朕於甲

辰年隨

駕南巡至杭營伍騎射皆所目覩射箭箭虛發

馳馬人墮地當時以為笑談此數年來果能

精練乎至於洋盜尤宜嚴緝總當力禁海口

出洋販船內如米豆鐵器等項洋盜無所接

濟自然渙散矣勉為良臣以副委任○又奏

浙省緝盜章程繕單呈覽○水師三鎮酌定

船隻兵數擇要停泊巡緝○嚴禁米石出洋

○嚴禁奸徒偷漏硝磺火藥出洋濟匪○嚴

禁私販鐵斤鐵器出洋○設立甲長叅長稽

查通盜匪犯私販違禁食物○酌擬兵船乘

便護送商船以免盜劫得旨所辦甚是惟應

實心實力莫作空談○署山東巡撫宜興奏

報接印日期得旨朕聞東省收漕一事頗有

煩言再各府州縣亦有虧缺營伍亦覺廢弛

汝到任後不可存五日京兆之見模稜了事

須次第整理以副委任○河南巡撫倭什布

奏報邊防布置妥協馳赴睢工趨辦合龍得

旨合龍之事雖欲速亦必須結實妥辦不可

將就了事屢次糜費國帑以為開銷地步朝

廷經費有常豈任汝等浪費乎又批總宜以

防為堵嚴密巡邏實心妥辦再和珅已革職

拏問不須畏首畏尾坦然一心對朕辦理公

事一切逢迎惡習皆宜痛改軍機處釘封一
節向無此例以後應行裁革○經畧大臣勒
保奏請節哀得旨

太上皇父武功十全開疆拓土從未似此次用
兵遲延逗遛至三年之久未能成功當

龍馭上賓時執朕之手頻望西南似有

遺憾爾等皆滿洲世家上忘祖父舊勲不思盡

忠報國惟知苟延歲月軍中宴樂總不盡心

朕若不繼成

書

書

先志則大不孝矣使朕有不孝之名汝等能當
罪乎涕泣諭此○四川布政使林僑奏報得
雪民情安貼得旨川省連年兵火民不堪命
哀哉赤子待哺嗷嗷朕所望者惟在汝等此
數字切實奏報耳若仍不以實告惟務粉飾
取悅則閭閻疾苦從何而知嗣後不許說假
話俱以實告慎誌毋忘○雲貴總督富綱奏
報得雨深透得旨萬里之外民情穀價所恃
者惟此片紙奏報耳如再不實皆汝等蒙蔽

之咎也慎之

書

書

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三十八

豈不商民交累。此項淺斤。因係該處土產之

凡筵前行月祭禮○遣官祭

關帝廟。○遣官祭昭忠祠。○諭內閣。自川楚邪教逆匪滋事以來。所過地方。劫掠良民。焚燒村落。迫脅萬狀。輾轉煽惑。良民不得已從賊。日以寢多。奔驅三載。不能自拔者。數逾十萬。室廬焚蕩。田畝拋荒。欲返則無所歸。即歸亦無所食。其勢不得不託賊巢為棲身之所。藉盜糧為餬口之資。此非徒作招撫之空談。所能收解散之實效者也。國家哀憐赤子。累歲流離。數脅從罔治之仁。播咸與維新之治。前經降旨。勦撫兼施。大約謂自古惟聞用兵於敵國。不聞用兵於吾民。自相攻擊。屠戮生靈。朕日夜哀憐。幾至寢食俱廢。百姓極困。思安。久勞思息。諒必一見恩旨。翕然來歸。第思既歸之後。目前則何以食之。將來則何以居之。務使此番安集。即成永遠規模。設非慮及他時。恐倍難於今日。凡從各股賊匪中受撫來歸者。應如何綏輯安插之處。令勒保就近傳喚同知劉清及川省素有清名之州縣。俾

其悉心妥議具奏。劉清既素諧民望。必能深識民情。他鄉流落者。如何資送還農。失所無依者。如何編丁占籍。朕幾餘檢閱明史。成化中項忠原傑先後辦理荆襄流民一案。具有章程。或可採取其法。施之當今。或因事異時移。不宜泥古。可一一詳細奏聞。至陝省撫輯情形。馬慧裕新授藩司。正伊職分中事。亦著詳議具奏。○工部議准。湖南巡撫姜晟。請於永綏廳屬花園地方。建石城一座。應如所請。從之。○以工部尚書那彥成兼鑲白旗漢軍都統。調鑲紅旗滿洲副都統綿志為正黃旗滿洲副都統。正黃旗滿洲副都統傅森為鑲紅旗滿洲副都統。○以直隸大名道王汝璧為山東按察使。○壬辰。諭軍機大臣等。朕憶乾隆四十九年。扈從皇考南巡。於杭州聖因寺行宮。同軍機大臣召見。面奉諭旨。將來億萬年後。浙省臣民等。自必仰遵

聖祖成規。於杭州省城及聖因寺安奉神牌。但止須在殿內東室安設。不得於行宮內別致尊崇。方協永侍。

皇祖之心等因。欽此。仰見

皇考孝思純篤。永切瞻依。並遂該省臣民感戀瞻就悃忱。所奉

諭旨。曾交督撫等密行存記。入於交代。著傳諭

玉德恭查存記

諭旨。謹遵辦理。選擇潔淨地方。恭造

龍牌。並著將何日恭造。何日造竣之處。先行具

奏。屆期發香。代朕虔祀。敬謹安奉。○以光祿

寺卿龔駿文。為宗人府府丞。○癸巳

上詣觀德殿

几筵前供奠。○諭內閣。自古六卿分職。各率其

屬。原未嘗有總理之名。致啟專權之漸。現在

所以令成親王永理。總理戶部者。因川省軍

務。將次告竣。軍需銷算。事務殷繁。自應仍行

綜理。俟軍務奏銷事竣。即不必總理戶部事

務。至儀親王永璇。現係宗人府宗令。領侍衛內大臣。正紅旗滿洲都統。並管理武英殿。御書處樂部。及

雍和宮中正殿各處事務。職任較多。恐難兼顧。著不必總理吏部事務。書麟未到京以前。所有吏部尚書事務。著慶桂暫行兼署。那彥成著兼署兵部尚書。俟富銳病痊任事後。那彥成即不必兼署。至鐵保。昨因吏部司員於該部具奏事件。未經回明。鐵保即將司員面斥。

未免賦性過急。且其事尚無他弊。即具摺叅

奏。亦屬過當。鐵保著降補內閣學士。其原兼

副都統。及原管各該處事務。仍著照舊兼管。

○調工部左侍郎成林。為吏部左侍郎。以內

務府大臣。縉布。為工部左侍郎。○以甘肅鞏

秦階道王錕。為浙江按察使。○甲午。遣官祭

先醫之神。○諭軍機大臣等。教匪不過烏合

之眾。乃自勦辦以來。時日則已閱三年。經費

則數逾七千萬。總緣伊等各路軍營。全不認

真勦辦。惟知苟延歲月。軍中宴樂。即如勒保另摺所奏。軍營大概情形。於兵餉一節。即稱力加撙節。於保奏一節。即稱用人之際。應准隨時錄用。此不過指和坤從前於軍需銷算。刻覈過甚。而於保列人員。又復裁抑過多。是以隱躍其詞。今和坤業經伏法。各路陳奏事件。無不直達朕前。勒保更復何所瞻顧。至國家經費。惟期實用實銷。如果軍營情形。實有難照常例報銷之處。原不惜多費帑金。無如

各路軍營。以正項錢糧供娛樂之費。試令清夜捫心。天良何在。其打仗情形。一摺。鋪敘各路賊匪奔突緣由。亦無頭緒。且所稱賊首。於從前指出姓名之外。又復添出數股。並有已稱殲斃。而復列入者。此時勒保已授為經畧。事權既重。呼應必靈。惟當通盤籌畫。於各股賊匪中。擇其尤要者。先行勦辦。其餘堵剿戰守。全在伊悉心調度。務協機宜。功成必膺懋賞。儻再涉遷延。則軍紀具在。朕必執法從事。

勒保寧不自為身家性命計乎。將此傳諭知之。○刑部奏。請弛私賣玉器例禁。並酌定關東私刨人漫除五十兩以上為首財主。照例科罪外。如係隻身潛往。應以得漫多寡分別杖徒一摺。得旨。葉爾羌和闐等處出產玉石。向聽民間售買。並無例禁明文。因高樸串通商販。採買玉石案內。始行定例。凡私赴新疆偷販玉石。即照竊盜例計贓論罪。原非舊例所有。況仍有偷帶貨賣者。今查前案。因此拖

累多人。朕心殊為不忍。著照刑部議。嗣後販賣新疆玉石。無論已未成器者。概免治罪。其從前辦過販玉案內各犯。准其報部覈釋。至私刨人漫之案。祇係隻身潛往者。向例不論漫數多寡。概擬滿流。未免無所區別。此後即照所擬計贓論罪。以昭平允。○正藍旗蒙古都統永碩奏。各旗驍騎校補放印務章京。後未便仍用原官頂帶。請賞戴五品虛銜。頂仍食原餉。再發往各處人犯減等回旗。後例過

五年始准挑差。此五年間請賞給養贍錢糧得旨。如所請行。○戶部左侍郎蔣賜榮緣事降調。調工部左侍郎范建中。為戶部左侍郎。轉工部右侍郎張若淳。為左侍郎。○以江西學政內閣學士童鳳三。為工部右侍郎。來京供職。命翰林院編修吳烜。提督江西學政。○賞伊犁協領林柱。副都統銜。為伊犁領隊大臣。已革巡撫伊江阿藍翎侍衛。為塔爾巴哈台領隊大臣。○乙未。

上詣觀德殿

几筵前供奠。○

孝淑皇后再週忌辰。命

皇次子溥儀詣

殯宮行禮。○丁酉。

上詣觀德殿

几筵前供奠。○祭

先師孔子。遣大學士劉墉行禮。○諭內閣著奏事官員。傳知各旗各衙門。嗣後遇朕詣

觀德殿祭奠之日。仍照常帶領引見。不必待至次日。○命恭纂

高宗純皇帝實錄。以協辦大學士慶桂為監修總裁官。大學士王杰前任大學士署尚書董誥尚書朱珪。那彥成為總裁官。尚書布彥達賚沈初。德明。紀昀。彭元瑞。侍郎豐紳濟倫。為副總裁官。○以鴻臚寺少卿觀岱。為光祿寺卿。○四川教匪首逆王三槐羅其清羅其書。伏法。○戊戌。祭

大社

大稷。遣鄭親王烏爾恭阿。恭代行禮。○以詹事府少詹事錢樞為詹事。○己亥。

孝康章皇后忌辰。遣官祭

孝陵。○

上詣觀德殿

几筵前供奠。○諭內閣奉移

梓宮。原定於八月二十七日。但朕依戀之忱。有所不忍。著改於九月初二日奉移。○加大學

士保寧前任大學士署尚書董誥協辦大學士尚書慶桂直隸總督胡季堂太子太保大學士劉墉吏部尚書書麟朱珪陝甘總督松筠太子少保○庚子諭內閣給事中廣興奏道府州縣等官管理地方職任綦重捐納人員初登仕版一旦濫膺重寄難免貽誤請將此次由俊秀附生報捐道府知州知縣四項人員俱停其銓選實缺仍准加捐分發掣發各省交與該督撫留心試看如有材堪造就者扣滿三年酌量題補等語係為慎重地方澄清吏治起見其意固屬甚善但此事若於初開捐例之時即行條奏原可採取施行今此四項人員俱早經報捐上兌而該給事中始為此言未免稍遲矣夫納資仕進其中固有可用之材然吏道難而多端原屬出於不得已之舉今已准其援例報捐所捐之項俱已交納而又停其銓選則是示人以不信且停選後復令加捐分發於政體亦殊有關礙

該給事中此奏難以准行至所奏報捐人員由部掣發時請欽派科道數員赴部會同監掣一節於防弊之道自為有益著照所請辦理○諭軍機大臣等前因宜綿秦承恩在陝連年畏葸貽誤俱經降旨解任今恒瑞署理陝甘總督該署督等惟當遵照前旨悉力堵禦勦撫兼施勿注意止擒首逆任餘匪仍復蔓延嗣後如拏得首犯不必解京即於本處極刑梟示可使餘賊皆知所儆又免驛站往返之勞將此諭令知之○辛丑

上詣觀德殿

几筵前供奠○諭內閣三法司衙門具題湖南省杜梅兆偷竊伊母黃氏花錢致母自盡一案依違犯教令例擬以絞候固屬按例辦理今細覈案情杜梅兆素性遊蕩不服其母管教將分得田畝賣盡欠債無償經伊母將贍田轉賣代為還欠杜梅兆復忍於竊取以致伊母抱忿投繯即無觸忤情節亦不得盡於

人類杜梅兆著即行處絞嗣後遇有此等案件法司衙門仍按律定擬具題內閣仍照擬票簽即將此案加具說帖隨本聲明候朕定奪○諭軍機大臣等明亮等所奏打仗情形伊等直前鏖戰奮不顧身殊可嘉尚嗣後總當似此奮勇勦辦至秦承恩勦辦賊匪以來從未身親督率上年賊匪逼近西安時焚掠村莊百姓受害者不下十餘萬秦承恩以防守省會為名並不出城殺賊且平日居官聲

名亦屬平常若僅令回籍守制無以示懲恒瑞署陝甘總督即著恒瑞將秦承恩革職解京交軍機大臣會同刑部審訊○以大理寺卿蔣日綸為都察院左副都御史通政使司副使陳霞蔚為通政使○以江蘇巡撫費淳為兩江總督倉場侍郎署山東巡撫宜興為江蘇巡撫山東布政使岳起署巡撫實授傅森為倉場侍郎以河南按察使瑚圖禮為刑部左侍郎○以山西雁平道張師誠為河南

按察使○以故雲南北勝州土知州高興弟善新興州土州判王雨民子潮各襲職○壬寅

上詣觀德殿

几筵前供奠○諭軍機大臣等此次賊匪擾及甘境經廣厚及吉蘭泰等先後帶兵前往堵勦各處文武亦皆先事豫防賊匪知該處有備仍復折回陝境不致甘省民人又遭劫掠此皆

皇考在天之靈默加佑護覽奏益深敬慰至所奏布置情形亦俱妥協此時賊匪已回竄陝境後路尤關緊要所辦甚是即摺內所奏殺賊僅數十名而陣亡兵勇為數轉多即此可見其開報得實並無諱匿傷亡虛報功級之處如此方合入告之體勝於宜綿多矣其打仗奮勇之都司及武舉等著查明咨部獎敘陣亡兵勇著造冊咨部照例議卹至此股賊匪昨據明亮等奏到已痛加勦殺計日內即

可殲除。廣厚此時總宜與吉蘭泰分擇要隘之處。嚴密防堵。第一以鎮靜為要。慎勿越境邀功。稍涉張皇。致百姓先自驚擾也。將此傳諭知之。○調正黃旗蒙古副都統恭阿拉。為鑲紅旗滿洲副都統。以上駟院卿圖默慎。為正黃旗蒙古副都統。○癸卯春分朝。

日於東郊。遣肅親王永錫行禮。○安徽巡撫陳用敷奏。浙江監生陳卿延。捐納縣丞職銜。曾在前督臣畢沅署幫辦筆墨。存有湖廣總督

空白官封。畢沅病故未經繳銷。遂捏造湖廣總督景安奏請採買軍需米石摺。及知會九江蕪湖潁三關撥動銀兩書。藁假刻委員木戳。先至九江關投書。九江道劉樸因無項可撥。發給回文。該犯復至安撫衙門投書。署巡撫朱珪。以無印文知會。跡涉可疑。咨查楚省。並札飭蕪湖關員查拏。適該犯到關投書。盤獲解省。訊供前情不諱。應照偽造關防印記。盜各衙門文書事干軍機錢糧。絞監候。

律擬絞。請旨即行正法。以昭炯戒。得旨。陳用敷奏審擬私盜印封。撞騙關餉一案。已批交軍機王大臣會同刑部覈擬具奏矣。陳卿延存留空白印封。捏造摺藁。撞騙關課。應照盜各衙門文書事干軍機錢糧律。擬絞監候。今陳用敷奏請即行正法。又係於本律之外加重辦理。前經降旨。內外問刑衙門。祇應按律科斷。不得於律外援引從重之條。即有情節較重者。亦必候朕隨案酌定。今陳用敷辦理此案。尚在未奉前旨之先。是以如此定擬。但所稱以昭炯戒之詞。殊非按律入奏之體。陳卿延一犯。已令覈覆時。仍照本律擬絞監候。以符定律。著趕入本年秋審情實辦理。九江道劉樸。於陳卿延到關撞騙時。既以該犯齎有官封。並無印文。形跡可疑。未經發給銀兩。即當扣留究訊。據實奏聞。否則亦即當稟知巡撫審辦。乃劉樸不加查訊。任其往設。非朱珪留心查出。札飭蕪湖關員拏獲。則要犯

幾於漏網。劉樸實難辭咎。著交部議處。○甲辰。

上詣觀德殿

几筵前供奠。○諭內閣。熱河承德府為每年

太上皇考秋獵駐蹕之地。該處民情素殷。愛戴

朕心深為憐憫。著將承德府及所屬州縣併

經過畿內之宛平順義懷柔密雲昌平等州

縣本年應徵錢糧全行蠲免。至

陵寢一路。將來奉移時。應先期修墊道路。該處

百姓亦宜軫卹。著將大興三河通州薊州遵

化等州縣本年應徵錢糧一併普行蠲免。並

著直隸總督於接奉部文行知後。速即刊刻

謄黃。遍行黏貼曉諭。毋得仍前壓擱。任聽不

肖。官吏私徵弊混。庶恩膏下逮。小民得霑實

惠。該部即遵諭行。○諭軍機大臣等。福寧奏

籌辦糧餉一摺。殊多浮泛之詞。此次辦理軍

務。為期已久。而軍需經費。數逾七千餘萬之

多。尤屬向來罕有。總緣伊等倚恃和坤為之

護庇。遂致恣意妄為。毫無顧忌。帶兵各大員

皆踵福康安和琳習氣。在軍營中酒肉聲歌

相為娛樂。以國家經費之需。供伊等嬉戲之

用。此等積弊。朕聞之熟矣。現在各處奏報。無

不直達朕前。軍機大臣除承旨書諭外。多不

與聞。一切賞罰。皆斷自朕衷。臣工遇有微勞

非軍機大臣所能保奏錄用。儻獲有罪愆。軍

機大臣亦不敢為之挽回匡救。伊等若不痛

改前非。則是自甘重戾矣。至軍營支費。原應

實用實銷。即或例外供支。通融辦理。亦必有

實在情形。可以覆覈。若如現在軍營各路兵

勇。日費雖多。而遲延不發。多令枵腹將事。至

領兵大員。則任意支用。承辦者不敢過問。無

怪其浮濫更甚也。勒保係經畧大臣。綜理儲

備。而福寧係專辦糧餉之人。若再不知撙節

仍前通同欺隱。伊等獨不自為身家慮乎。至

訥音前已有旨飭查。今摺內敘其在開縣駐

守。非逗遛而何。其各處留養傷病滿漢官兵

即應通飭查明。各令歸旗回伍。以示體恤。而節浮費。將此傳諭知之。○大學士王杰等遵旨謹擬恭上

孝賢皇后尊諡曰

孝賢誠正敦穆仁惠輔天昌聖純皇后。恭上

孝儀皇后尊諡曰

孝儀恭順康裕慈仁翼天毓聖純皇后。得旨是依議。○刑部議奏。川楚教匪緣坐犯屬。男年

十六以上者。照例發黑龍江為奴。其婦女及

男年十歲以下者。給有力之滿洲蒙古大臣家為奴。其十一以上十五以下者。仍監禁俟成丁時。發新疆安插。從之。○刑部侍郎汪承霈奏。自川楚用兵以來。非無畏罪投降之人。或兵弁邀功。將束身歸命者。作為拏獲。甚至散歸田畝之人。冒功駢戮。以致被脅者畏死裹足。甘心從賊。又該省支發鹽菜口糧等項。未免過於嚴緊。將帥大員。則仍前多支。而兵丁鄉勇。分內應得之項。有遲至數月未領者。

又各股首逆。雖罪應寸磔。而其人究無足重輕。亦不必拘以生擒。以期剋日竣功等款。得旨。汪承霈條奏。皆切中三年以來軍營之弊。與近日所降諭旨相合。將原摺發交勒保閱看。務須力加整頓。以期及早戡功。○吏部尚書烏魯木齊都統書麟奏。請於庫貯兵丁馬價銀兩內。動用二萬兩交商生息。作為養贍鰥寡孤獨之項。從之。○命安徽學政通政使司通政使陳霞蔚來京供職。翰林院侍讀王

綬提督安徽學政。○乙巳。諭內閣。嘉慶元年

十二月內。先經欽奉

皇考高宗純皇帝勅旨。雍正年間。於養心殿東

佛堂佛龕之右。供奉

聖祖仁皇帝

孝恭仁皇后神位。是以朕遵照成法。亦於右次

添供

皇考世宗憲皇帝

孝聖憲皇后神牌於一龕。萬萬年之後。嗣皇帝

自當照此一例供奉。因思養心殿西佛堂現供之佛。將來朕移居寧壽宮之養性殿時。應移於養性殿之西配殿。現在養心殿之西配殿。照東佛堂一律造龕。將來萬萬年後。中間佛龕之左右。依次安設神牌。俟傳至朕元孫萬年後。再將東佛堂

聖祖牌位移於

壽皇殿等因。欽此。嗣於嘉慶二年十一月初六日。朕又面奉

勅旨。將來萬萬年後。應敬將

聖祖仁皇帝

孝恭仁皇后神牌。移供

壽皇殿。再敬將

世宗憲皇帝

孝聖憲皇后神牌。移供於西龕之東。嗣皇帝敬

奉考妣神牌。供奉於西龕之西。欽此。朕祇聆

面訓。謹誌弗忘。今欽遵嘉慶二年續奉

勅旨。應敬將

聖祖仁皇帝

孝恭仁皇后神牌。移奉於

壽皇殿。

世宗憲皇帝

孝聖憲皇后神牌。移奉於西龕之東。即著祇造

皇考高宗純皇帝

皇妣孝儀純皇后神牌。涓吉供奉於西龕之西。

用昭妥侑。所有一切派員移奉各事宜。著該

衙門敬謹豫備。其圓明園

安佑宮。亦敬謹照此恭移安奉。○定准宗室鄉

會試。例並增各部司員宗室額缺。諭內閣。宗

室向有會試之例。後經停止。敬惟

皇考聖意。原因宗室當嫺習騎射。以存滿洲舊

俗。恐其專攻文藝。沾染漢人習氣。轉致弓馬

生疏。然自停止考試以後。騎射亦未能精熟。

天潢支派繁衍。自當仍准應試。廣其登進之

路。兼可使讀書變化氣質。不致無所執業。別

生事端。且應試之前。例應閱射馬步箭。方准

入場於騎射原不至偏廢舊制宗室俱不由鄉舉徑赴會試未免過優嗣後宗室應考者自辛酉科為始與生監一體鄉試應定中額著禮部覈議奏聞候朕酌定再向來宗室人員止在宗人府供職升轉科道其途亦屬稍隘嗣後各部司員准以宗室補用其如何酌定額缺之處著吏部會同宗人府議奏○諭軍機大臣等奉節一路與楚省接壤高杞現駐歸州已東一帶務以封域為重督率兵勇嚴密堵禦景安向來畏蕙無能惟知在無賊處閒住此時夔州賊匪有東竄之勢景安當擇緊要邊界親身防堵勉贖前愆儻有懈弛惟景安高杞是問再惠齡已知伊母身故之信不必再留軍營著即回京守制此一路官兵即著德楞泰統領並著勒保於將領內酌派一員幫同德楞泰勦辦將此傳諭知之○以擒獲川省首逆羅其清功賞知州崔特峯毛大瀛遊擊喜明張鳳劉惟馨都司三家保

常祿守備馬萬年馬援千總張應貴曾壽花翎守備鄭振貴等藍翎餘升賞有差○丙午上詣觀德殿
几筵前供奠○以前任太僕寺卿閻泰和為太僕寺卿○丁未遣官祭
歷代帝王廟○以吏部尚書朱珪工部尚書那彥成為國史館副總裁官○旌表守正捐軀安徽阜陽縣民李子京女李氏○戊申上詣觀德殿

几筵前供奠○以光祿寺卿賡音布為太常寺卿○漕運總督梁肯堂以年老命來京另候簡用以前任山西巡撫蔣兆奎為漕運總督○庚戌
上詣觀德殿
几筵前供奠○諭內閣刑部查奏在監人犯經朕詳覈案情內總兵黃瑞副將朱士奉遊擊何天標都司福寧阿四名均因未能嚴防卡汛致賊竄逸各有應得之罪但朱士奉身受

鎗石傷數處。何天標亦受鎗矛傷數處。尚係實力禦賊。朱士奉著降一等賞給叅將。何天標降一等賞給都司。如傷未痊愈。即令回籍調養。若已就痊。可即發往四川軍營。自備資斧。交勒保差委。至黃瑞。福寧阿並未受傷。黃瑞著降四等賞給都司。福寧阿既係旗人。著賞給護軍校。亦俱發往四川軍營。自備資斧。交勒保差委。與朱士奉等効力贖罪。至伊轍布之子哈青錢受椿之子錢三幼子。年俱幼穉。毫無知識。且伊轍布錢受椿年長之子。皆已發遣。哈青錢三幼子。均著加恩釋放。各回旗籍。年及歲時。亦免其發遣。○辛亥。諭軍機大臣等。據陝甘學政宋澍條奏軍營事宜。一稱帶兵大員。捨賊不追。先奏勝仗。致賊遠竄。其獎起於粉飾。諱敗為勝。易罰為賞。將備等因而觀望挾制。不能令行禁止。一稱帶兵大員。已離川省。總統耳目有所不及。陝楚督撫礙於情面。一任坐失機宜。並不報明總統。一

稱大兵追賊。州縣豫備糧餉。早則被賊擒掠。遲則尾隨不及。帶兵者以貽誤藉詞需索。地方官畏其叅奏。百計逢迎。一稱賊匪蹂躪之區。多係往來熟徑。南山一帶。豈無險要可扼。而川省官兵日事尾追。奔馳疲乏。陝楚之兵分投堵禦。亦形單弱。以上軍營積弊。自皆係實在情形。著勒保留心整飭。以肅戎行。○緩徵山東曹單城武濟寧金鄉魚臺嘉祥鄒滕嶧十州縣及臨清濟寧一衛水災新舊額賦。

○壬子。

上詣觀德殿

几筵前供奠。○諭內閣。現在會試屆期。士子文藝詩策內。於朕名自應敬避。如遇上一字。著將頁字偏旁。缺寫一撇一點。書作顓字。下一字。將右旁第二火字改寫又字。書作玟字。其單用禹字頁字炎字。俱毋庸缺筆。至乾隆六十年以前所刊書籍。凡遇朕名字樣。不必更改。自嘉慶元年以後所刊書籍。著照此缺筆。

改寫。○又諭向來大逆緣坐人犯。按律辦理。原其以實犯叛逆。自應申明憲典。用示懲創。至比照大逆緣坐人犯。則與實犯者不同。即如從前徐述夔。王錫侯。皆因其著作狂悖。將家屬子孫。遂比照大逆緣坐。定擬殊死。不知文字詩句。原可意為軒輊。況此等人犯。生長本朝。自其祖父高曾。仰沐深仁厚澤。已百數十餘年。豈復繫懷勝國。而挾仇抵隙者。遂不免藉詞挾制。指摘疵瑕。是偶以筆墨之不檢。至

與叛逆同科。既開告訐之端。復失情法之當。著交刑部。除實犯大逆。應行緣坐人犯。毋庸查辦外。凡比照大逆人犯。其家屬子孫。或已經發遣。或尚禁囹圄。即詳晰查明。注寫案由。開單具奏。候朕覈奪降旨。○以詹事府詹事錢樾。為內閣學士。兼禮部侍郎銜。大理寺少卿劉湄。為太常寺卿。○癸丑。諭內閣。據富俊奏。阿勒坦。淖爾。烏梁海。總管車伯克。蒙克濟克。因納官貂前來。各求賞戴花翎。蒙克濟克

年甫十五歲。應請毋庸賞戴。車伯克。應請賞給等語。車伯克。蒙克濟克。俱在卡倫外。阿勒坦。淖爾。烏梁海。地方居住。從前伊祖父。皆曾賞戴花翎。蒙克濟克。雖年未及歲。然亦同在卡倫外居住。車伯克。蒙克濟克。俱著加恩。賞戴花翎。以示恩榮。○諭軍機大臣等。朕聞武昌府同知常丹葵。前歲因奉文查緝劉之協。任意嚇詐村民。連累無辜。至數千人。非刑拷打。極為慘酷。及聶傑人約謀拒捕。常丹葵尚

不知收斂。安慰。以致激成事端。是邪匪所稱。官逼民反。皆由該同知起釁。實為罪首。不可不確切審訊。嚴行懲治。著傳諭景安。即將常丹葵革職。拏問。派委妥員。迅速解京。交刑部嚴審定擬具奏。如所派之員。不妥。致令有畏罪自盡之事。皆景安之咎。○又諭有人奏。湖北學政陳崇本。校士衡文。任情去取。去歲考錄遺才。尤為不公。及肆為豪侈。所帶僕婢。衆多。衙署不容。添蓋廣廈等語。陳崇本。身任

學政理宜秉公考試。方為克稱厥職。如果實有不公之事。必應嚴查究辦。著傳諭祖之望密為查訪。該學政考試時。於某府某縣生童。任情去取。及考錄遺才。如何不公。必須確有其人。確有其事。實在證據。並有無攜帶多人。及衙署添建房屋等事。即作為該司查出。具摺叅奏。毋稍瞻徇。○陝甘總督宜綿奏。請添四川守兵一萬名。陝西甘肅兵一萬名。湖北河南兵各五千名。從之。○以故阿拉善額魯

特扎薩克貝子朋素克孫多爾濟巴勒襲爵。

○予故都察院左都御史舒常祭葬。諡恪僖。

○甲寅

孝昭仁皇后忌辰。遣官祭

景陵。

上詣觀德殿

几筵前供奠。○諭內閣。勒保奏成都副都統一缺。現在軍營出力人員內。俱屬人地未宜。請旨簡放等語。成都副都統著明興補授。明興

前已有旨。令其接辦川省糧餉。務須加意撙節。設法趲運。以期源源接濟。無誤要需。用副委任。又據奏。忠州知州吉興。辦事不能振作。且於民情未洽。請令休致等語。此時忠州堵禦賊匪。及撫綏事宜。均關緊要。必須幹員經理。吉興著即休致。若有別項劣蹟。據實叅奏。以儆官邪。如無亦不必苛求也。同知劉清居官素稱清正。深得民心。所有忠州知州員缺。即著劉清補授。仍賞給知府職銜。以示獎勵。

○又諭。昨有人條奏。貴州學政向來取進童生。例繳紅案銀三兩八兩不等。後則愈加愈多。廩保書役藉端需索。遂至四五十兩等語。因令軍機大臣傳詢。差滿貴州學政談祖綬。據稱各省學政。俱有棚規。一切書役飯食及硃價卷價棚廠等費。皆取給於此。惟貴州並無棚規。向於童生取進後。令出紅案銀兩。每名自一二兩至五六兩。作為出考費用。談祖綬按試各府時。亦相沿辦理。但止令量力繳

進從無多至四五十兩之事。此等棚規紅案銀兩。原係相沿陋規。貴州學政養廉本少。距京較遠。學政挈其家屬。延請幕友。前赴任所。需費自不免稍多。而該省並無棚規。出考一切費用。令新進童生量為致送。其事亦尚在情理之中。即各省學政棚規。亦係陋習。相循貼補考費。非私賣秀才可比。若將棚規紅案銀兩。概行裁革。則學政辦公竭蹶。豈轉令其取錄不公。營私納賄耶。況各省地方官所得各項陋規。不一而足。尚難一一禁止。乃獨於讀書寒畯出身膺衡文之任者。過事搜求。刻覈亦殊屬無謂。惟此項紅案銀兩。祇應令新進童生量力交送。總不得過五六兩之數。其實在無力者。即當量為減免。不得強令交納。在學政既可從容辦公。而新進寒微亦可共邀體恤。儻該學政等於規外復加多索。甚或於校士時有翫法婪贓之事。則必重治其罪。不稍寬貸也。將此通諭知之。○諭軍機大臣

等勒保另摺所稱督率額勒登保等為正路。以七十五等一路及富成一路為偏師。勒保在川省梁山。大竹一帶適中之地。駐劄督辦。布置亦為合宜。看來不似從前之一味粉飾。向來軍營惡習。打仗時派令鄉勇在前。綠營兵丁次之。滿洲吉林索倫兵丁又次之。而賊匪亦推難民抗我。顏行。真正邪匪在後觀望。是日令鄉勇與難民交鋒。無怪有兵賊相逢之諺語也。嗣後總宜以勁旅當先。率領鄉勇隨同奮擊。即偶有挫衄。亦兵家常事。傷亡兵丁不妨據實開報。給予恩卹。勿稍掩飾也。將此諭令知之。○勒保奏報吉林黑龍江官兵征勦川匪出力。佐領富珠祿等升擢有差。○旌表守正捐軀直隸雄縣民劉均妻蕭氏。廣西陽朔縣民李發章女李氏。○乙卯諭內閣。前因和坤悖妄不法。贖貨營私。情罪重大。革職拏問時。即派定親王綿恩等抄沒家產。節據查出正珠手串二百餘掛。其餘珍寶金

玉不可勝計。已屢降諭旨。將和坤種種罪狀。明白宣示。茲又據綿恩等查出正珠朝珠一掛。呈覽。朕視之殊為駭異。正珠朝珠。為乘輿服用珍物。豈臣下所應收藏。若云貢獻所需。則條辦何以皆用香色。其非豫備呈進明甚。因詢據綿恩奏稱。曾訊之和坤家人。供稱和坤日間不敢帶用。往往於燈下無人時。私自懸掛。臨鏡徘徊。對影談笑。其語言聲息甚低。即家人亦不得聞悉。此種情狀。竟有謀為不軌之意。若此事敗露於正月十八日以前。即不照叛逆凌遲處死。亦當予以大辟。今已賜令自盡。倖逃顯戮。姑免磔屍。至伊子豐紳殷德。若知有此物不行舉發。即當照大逆緣坐律辦理。今經綿恩等再四訊究。實不知情。著加恩免其追問。但不應仍叨世襲伯爵。豐紳殷德著革去伯爵。停其世襲。賞給散秩大臣銜。當差行走。綿恩淳穎縕布。佶山。能細心查。出使和坤逆跡不致掩覆。辦理甚為認真。均

著交部議敘。○諭軍機大臣等。明亮等奏追擊張漢潮一股賊匪打仗情形。尚屬認真辦賊。惟摺內有鎮將帶兵防堵。均係有名無實。二語。未能明晰。究係何人在何處防堵不力。著明亮等即查明。指名嚴叅。不可迴護。至教匪俱係內地人民。竟敢聚眾叛逆。陷城戕官。實為罪大惡極。渠魁逆黨。皆當悉數殲擒。以中國憲。前次降旨安撫。係專指迫脅難民而言。至於助逆兇徒。原不在赦宥之例。明亮等督兵勦賊。惟應奮勇進攻。不得徒事招降。致使兇頑漏網。將此諭令知之。○又諭有人條奏軍營安撫事宜。所稱不便者數端。一謂首惡渠魁。必須擒獲。其餘黨逆。抗拒焚燒。若併許投降。與迫脅者同邀寬典。轉致愚頑藐法。桀黠生心。一謂勦辦餘匪。若徒以官招利誘。在賊或疑為兵力不加。在兵且恃為受降省事。況賊不盡降。則兵不能徹。兵若不徹。則賊又生疑。一謂賊徒至少不下數萬。即小半來

歸必須搭蓋寮棚以資棲止發給賑糧以濟口食願歸本地須給盤纏願占流籍須分產業地方既不能猝辦應付必累飢寒又復草竊為奸轉增內賊一謂從賊之人素信邪教雖經安撫易為煽惑官吏稍有侵欺徒眾立能變亂請一面招集一面攻擒使之困極求生真心悔懼然後開示公信予以自新等語以上數條所言實切事理著傳諭勒保留心體察酌量採取○命內閣學士文寧教習庶

吉士○以工部左侍郎緼布為武英殿總裁官○以內閣學士鐵保為盛京兵部侍郎○

丙辰

上詣觀德殿

几筵前供奠○遣官祭黑龍潭

昭靈沛澤龍王之神玉泉山

惠濟慈佑龍王之神○諭軍機大臣等本日張長庚遞到請安摺一件內祇叩慰睿懷四字各省督撫藩臬等聞知

大行太上皇帝升遐多有陳敘哀悃勸慰朕躬者亦有專具請安之摺者今張長庚於請安字樣之下添繕叩慰睿懷四字從未見有此款式況湖北地方不為無事現在川陝竄匪是否相距已遠民情是否一律寧貼自應附便陳奏乃並無一語提及可見地方大吏於民情漠不關心甚屬不合張長庚著飭行仍著據實回奏○調正白旗蒙古副都統達椿為正白旗滿洲副都統○丁巳以清明

觀德殿致祭前期遣官祭

孝淑皇后殯宮○諭內閣據御史沈琨條奏停止會試覆試試卷免填添注塗改字樣一摺已交大學士會同禮部議奏矣因思庶吉士散館翰林大考京官考差各試卷向俱另紙起草近年始有添寫草稿之例夫試卷之有草稿原以覈對筆跡杜代倩改竄之弊若已登仕版之人在內廷考校非鄉會試及小試可比且試卷並不易書即將原卷呈覽草稿

進呈。亦於體制未協。嗣後翰林京官各試卷均毋庸添寫草藁。又鄉會試頭場文字。承題小講限用夫蓋甚矣。及今夫且夫嘗思等字。亦皆起自近年。其實此等虛字。即不限用。亦屬無關獎實。真正關節。原不在此。此例併著停止。○諭軍機大臣等。昨據張長庚遞到奏摺。於請安字樣之下。添繕叩慰睿懷四字。曾經降旨訓飭。本日祖之望遞到請安摺一件。繕寫字樣。亦與張長庚相同。若非同城彼此酌定。安能如此畫一。看來此摺竟係商同繕寫。設遇舉劾所屬官吏。應行密奏之處。亦皆似此通同一氣。其弊將不可勝言。現在臣工陳奏。無非直達。若封疆大員。仍踵扶同陋習。則是雖無壅蔽於朕前。早已徇隱於外省。究何益於政治耶。祖之望著飭行。○又諭原任大學士朱軾。孫嘉淦居官清正。其子孫現無出仕之人。著傳諭伯麟。張誠基查明朱軾孫嘉淦子孫。擇其尚明白者。送部帶領引見。○

以故喀喇沁郡王扎拉豐阿子丹巴多爾濟為鎮國公。○以故巴林郡王巴圖子索特納木多爾濟襲爵。○撥部庫銀二百五十萬兩。解往四川。以備軍需。○戊午。上詣觀德殿。几筵前供奠。○遣官祭賢良祠。○諭內閣。昨經降旨。於部庫內撥銀二百五十萬兩。解川備用矣。節次解赴川陝軍需。朕從前即聞有在途被賊劫掠之事。伊等俱匿不奏聞。即昨日福寧奏籌計糧餉摺內。亦有各驛站間被賊擾。俱令改道安設。雇覓健夫。將緊要文報繞山步送之語。恒瑞奏永保齋送經畧印信。隨路探聽。斟酌行走。至今尚未到勒保軍營。可見川陝邊界一帶。道途不無梗塞。現在餉銀經過。不可不加慎重。給事中廣興著加副都御史銜。於頭起餉銀起程時。即押帶前往。並派巴圖魯副都統綸布春及侍衛等共二十員。分起管解餉銀。前赴川省。並著廣興沿途

察看情形。如有畧需兵力護送之處。即於經過地方酌量調撥弁兵。更替護餉前進。即或途次遇有滋擾賊匪。廣興及巴圖魯侍衛等。惟當以保護餉銀為重。不必意圖見長。捨而勦賊。或至不能兼顧。此為最要。至廣興於頭起餉銀解到達州後。即留於福寧軍營暫駐旬月。觀其作何運撥。作何支放。是否各營大小將弁兵勇一律按例供支。不致有多少偏枯之處。即將該處辦理情形據實由驛具奏。其巴圖魯侍衛等於餉銀陸續解到後。著福寧等酌留三五員。在達州軍需局保護糧餉。其餘俱著馳赴經畧處。交與勒保。即查明從前帶兵侍衛旗員內。或因連歲奔馳。稍形疲乏。或因打仗受傷。留營調養者。或不能出力。怯懦無能者。酌令回京。即將此次到營之巴圖魯侍衛等。令其更換帶兵。既可期於得力。亦所以示體恤。○又諭胡季堂奏查明抄案糧食。請賞借文安大城二縣被水村民一摺。

文安大城二縣。年前被水淹浸。現在低窪處所。積水未消。自應量為接濟。著照所請。將查抄和珅家人呼什圖米麥穀豆雜糧一萬一千六十五石零。以八成撥給文安縣。以二成撥給大城縣。賞給被水村民作為口糧。其已涸之地。無力購種者。即於此內借給籽種。均俟豐收年分。再行免息交倉。俾東作之際。早資耕種。民力得就寬舒。○以故科爾沁公銜鄂勒哲特穆爾額爾克巴拜子鄂勒哲依圖。

為輔國公。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三十九

實錄卷三十九

四十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之四十

秋修

嘉慶四年己未三月己未朔清明節

上詣

壽皇殿行禮○詣觀德殿

几筵前供奠○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○命

皇次子_夏寧祭

孝賢純皇后

孝儀純皇后陵寢○遣官祭

端慧皇太子園寢○諭內閣令派綸布春巴圖魯侍衛等十八人前往川省軍營解運餉銀向來我朝滿洲世僕遇有軍務即籲求前

往其報効國家之心皆出於至誠初無為利之見也乃近年來前赴軍營者惟知按站需索銀兩及抵軍營後又不能實力打仗不過濫竽藏事而於歸途經過地方索取銀兩到家後坐擁厚資故東三省人等凱旋後輒指稱修墓告假大率攜回索取資財置買產業此等陋習朕所深知事屬既往姑不深究綸布春等沿途惟當將解運之餉留心照料謹遵諭旨約束隨帶人等斷不可仍前騷擾勒

索儻不知悛改一經察出必當治以重罪決不寬貸再此次軍營並未奏請添派人員今遣巴圖魯侍衛等前往原為照料解往軍餉川省軍營之事現已辦有頭緒即日可期告竣綸布春等到彼如尚未藏功即留伊等在彼將患病受傷者換回亦無不可但恐無知之徒妄疑添兵互相喧論特一併降旨明白曉諭○命協辦大學士刑部尚書慶桂為大學士○以候補三品京堂孟邵為光祿寺卿

○庚申諭內閣昨已有旨賞給廣興副都御史銜令於頭起餉銀起程時押帶前往川省軍需局其後起餉銀令派出之巴圖魯侍衛等分起管解今朕又思廣興若押帶頭起餉銀則行走在前於後起餉銀過境時有無騷擾驛站勒索使費等弊無從稽察廣興著改派押帶末起餉銀以便經過地方隨時查察如有前項情弊即可據實奏奏其前起餉銀即著派出之巴圖魯綸布春等分起管解○

諭軍機大臣等。勒保勦辦教匪。一載有餘。為期不為不久。前經委以總統。近復授為經畧。責任不為不專。而節次奏報。不過敷衍打仗情形。從未見伊定一謀。畫一策。即偶有籌酌。亦不過就目前賊匪奔竄滋擾蹤跡。為接應追躡之計。所算總在賊後。未嘗制勝機先。現在已屆春深。轉瞬即交夏令。因思前三年賊匪於酷暑炎歊時。曾在深山藏匿。伏而不出。自必有一定巢穴。窩頓妻孥。積屯糧食。領兵大臣未能覺察。或知而不奏。勒保若能趁此春融迅速殲渠。掃清餘孽。實為上策。儻未能一律肅清。亦當察看向來賊匪慣於何處山谷潛藏。或另有豫謀度夏巢穴。即迅派明幹大員。帶弁兵馳往該處。先行占據。並於要隘處所。設卡屯兵。遇有竄回之賊。即可趁勢撲剿。如聚有妻孥糧食。並可搜獲。俾賊退無可歸。野無所掠。則炎風伏雨中。斷不能避。奕屯集。自必紛紛瓦解。不攻自潰。儻賊匪來奪其

巢。而我兵已先據其窟。是返客為主。以逸待勞。亦致人而不致於人之一法也。將此諭令知之。○命大學士慶桂。總理刑部事務。調都察院左都御史成德。為刑部尚書。以倉場侍郎傅森。為左都御史。左副都御史達慶。為倉場侍郎。○命辦理

萬年吉地工程成德。回京供職。明德以奉宸苑卿銜接辦。○以戶部左侍郎范建中。為戶部尚書。調禮部左侍郎阮元。為戶部左侍郎。轉

禮部右侍郎曹城。為左侍郎。以內閣學士羅國俊。為禮部右侍郎。○以乾清門頭等侍衛祥保。為鑲白旗漢軍副都統。○辛酉

上詣觀德殿

几筵前行月祭禮。○諭內閣。朕勤求治理。宵旰兢兢。惟以時和年豐。為上瑞。從不敢鋪陳符應。粉飾太平。蓋以人君侈語嘉祥。易啟滿盈之漸。不諱災異。始知修省之方。古所稱麟鳳來遊。或亦出於附會。未可盡信。而

上蒼垂戒。象緯昭然。實為天人感應之機。不可不時深敬凜。即如去冬十月二十八九日夜間。衆星交流如織。人所共覩。朕非不知。而欽天監並未奏聞。在監臣之意。因

皇考高年。

聖躬不豫。未敢遽行入告。固屬臣下愛敬之心。

然

天象示警。朕躬當修德以弭災眚。豈可隱而不言。向來靈臺占驗。惟事吉祥。如每歲分至占

風。不論。是日風自何方。竟豫擇應候協方者。取為佳兆。相沿已久。固屬可笑。至於此等星象有異。亦復意存諱匿。不以實聞。則司天者寧非棄厥司乎。嗣後欽天監占星觀象。惟當據實直陳。用副朕寅畏。

昊天以實不以文至意。○又諭。本日巡漕給事中劉坤由五百里遞到摺報。朕以為必係緊要事務。及披閱所奏。係旗丁劉長元控告於采芹等勒扣造船幫費衛費等項一案。並據

稱於采芹等業已運糧北上。未便掣回。請俟抵通完糧後。再行提訊。是該給事中明謂此案須至秋閒始能提犯審辦。並非目前急須究訊之事。且劉坤現押尾幫。尚在於采芹之後。何得輒用五百里郵遞。徒勞驛站。兼駭聽聞。劉坤實屬不曉事體。著交部嚴加議處。至此案著交費淳於該幫交糧回空後。提集人證。秉公審擬具奏。劉坤原摺。並著發交費淳閱看。○以刑科給事中副都御史銜廣興為副都御史。○以河南布政使吳璥署河東河道總督。江西按察使顏檢為河南布政使。○命工部尚書那彥成。戶部尚書布彥達。資范建中。戶部侍郎戴衢亨。工部侍郎縕布。在紫禁城內騎馬。○壬戌。諭軍機大臣等。前景安奏到竹谿防堵情形。摺內有自相矛盾之處。曾經降旨飭諭。向來景安畏葸退縮。遠避賊鋒。於帶兵諸臣中為尤甚。而其不能痛改前非。漸染積習。亦為最深。各股教匪。雖在川東

邊界一帶奔竄。其心總窺伺楚境。冀守禦稍疏。仍可遁回湖北。現在歸巴一帶。經高杞設卡嚴防。其各股竄匪。復經總兵德英額馳赴截剿。未經闖入楚境。而此時總兵王凱。又復帶兵策應。聲勢更壯。是巴東一帶。防守較為嚴密。惟此股西竄之賊。究赴何處。儻思與李樹高均德等合夥。則竹谿一帶。尤關緊要。景安惟當先事豫防。倍加奮勉。為截擊之計。毋令闖入楚省西境。總之景安高杞身膺督撫重寄。防邊務須實力。辦事務須實心。各當於本省邊界要隘地方。加意隄防。即可以堵為剿。果能迅速成功。不但可贖前愆。尚當加之懋賞也。將此諭令知之。○以吏部侍郎周興岱充經筵講官。○以湖南岳常澧道邵洪。為江西按察使。○癸亥。諭內閣。前因學政得有棚規紅案銀兩。相沿已久。業經降旨明白曉諭。並令學政等不得於規外多索矣。今又有人條陳。恐有創立新條。致滋科斂一節。既有

此奏。著再通諭各省學政。務須潔清自矢。秉公校閱。不得藉有應得分例。任意加增。儻有賄賣生童。及骫法婪贓之事。必當從重治罪。不稍寬貸也。將此通諭知之。○又諭。原任大學士嵇璜。在上書房行走有年。居官廉正。非他人可比。其歷任所欠官項。不必較其多寡之數酌免。今將伊總河任內未完銀一千二百餘兩。俱著加恩全行寬免。○又諭。據費淳奏。與江西按察使顏檢。兩淮鹽政徵瑞。俱係兒女姻親等語。顏檢業經升補河南布政使。已非費淳所屬。至總督雖有兼察鹽務之責。但費淳居官公正。朕所深信。徵瑞著不必迴避。○諭軍機大臣等。有人奏。布政使鄭源璫。需索屬員多金。方准到任。各員藉書役為之幹辦。遂縱令嚇詐浮收。苦累百姓。所言俱鑿。然有據。鄭源璫官聲平常。朕所素知。今既有人參劾。著即革職。拏問。交與姜晟審訊。其任所資財。即行嚴密查抄。毋任隱匿。姜晟平

日居官。猶能自守。其未經叅劾鄭源。亦以其交結和珅。不敢舉發。尚非與之通同舞弊。是以即交姜晟審辦。該撫務須秉公據實。徹底根究。若稍有迴護。即行提案。並姜晟來京嚴審。無難得實。是姜晟不但不能徇庇鄭源。且自蹈欺飾之罪矣。所有湖南布政使印務。著清安泰署理。候朕簡放。其按察使印務。著姜晟於道員內揀選一員。令其暫署。將此諭令知之。○命吏部尚書麟。協辦大學士。

為閩浙總督。以閩浙總督魁倫署吏部尚書。

○以內閣學士薩彬圖為鑲藍旗蒙古副都統。○以廣西按察使孫玉庭為湖南布政使。

○甲子。

上詣觀德殿。

几筵前供奠。○諭內閣。有人條奏外省積弊四項。一係督撫司道經過所屬州縣隨從動百餘人。公館至五六處。需索規禮。供應以致州縣藉詞。派及閭閻。一係由京出差大員。經過

省分。督撫司道差人迎送。逐日隨行。途中致送筵席。每站勒索分例。此等家人之費。浮於所應之差。一係督撫司道衙門。到任鋪設器用。修理房屋。餵養馬匹。以及涼棚煤炭。皆由首縣承辦。攤派各邑。其各府由首縣承值者。獎亦相等。一係設宴徵歌。廣覓優伶。另集成班。官為養。亦由首縣承值。一宴犒賞。費數百金。陪席屬員。深以為苦。甚或蓄養優童。任情妄費等語。所言皆切中時弊。朕所素知。各

省督撫藩臬道府。俸廉優厚。理應潔己奉公。正色率屬。即遇事公出。自當輕騎減從。過境差員。何必遣人迎送。至衙署鋪設器具。一切用費。尤宜淳樸。自出餘廉。何得令首縣承值。以致攤及通省。若宴會之事。本干功令。乃竟蓄養戲班。開筵聚飲。以屬員之犒賚。肥優伶之橐囊。如王宣望。福崧等事。更屬不成政體。況州縣為牧養百姓之官。上司有稽查倉庫之責。大吏不能體恤屬員。以致虧缺公帑。是

無異自取家資以供浪費也。州縣無以供應大吏。以致剝削民膏。是無異自戕子孫以肥祖父也。試問小民不安室家。屬員致有虧缺。甚或釀出事端。致成大費。地方長吏。獨能逃罪乎。特此明白宣諭。嗣後督撫藩臬道府各員。務當力加整頓。改滌前非。經此次訓誡之後。儻敢視為具文。仍蹈故轍。一經覺察。或被人指叅。必當重治其罪。不稍寬貸。毋謂教之不豫也。將此通諭知之。○以內閣學士達椿

禮部侍郎曹城。知貢舉。吏部尚書朱珪。為會試正考官。都察院左都御史劉權之。戶部侍郎阮元。內閣學士文寧。為副考官。○調江寧將軍慶霖。為福州將軍。福州將軍富昌。為江寧將軍。○以廣西左江道楊長桂。為按察使。

○乙丑。

孝淑皇后殯宮月祭。遣官行禮。○諭內閣魁倫。奏海疆水陸提鎮請徹回本任一摺。漳州濱海重地。必得實授之員。方足以資整飭。而緝

捕洋匪。尤須水師提督大員隨時調度。方收實效。著照所請。顏鳴漢即回漳州總兵本任。哈當阿以水師提督署理臺灣鎮。本屬銜大兼小。且臺灣究止一府之地。有總兵在彼。足資彈壓。哈當阿著回水師提督本任。認真督緝。以專責成。設遇臺灣有應辦事件。亦可就近調度辦理。其臺灣鎮總兵員缺。著愛新泰補授。○又諭據前任閩浙總督魁倫。因在福州將軍任內。應賠短少關稅盈餘銀兩。請將

住屋呈繳入官。餘在應得養廉內。分半坐扣等語。具奏。從來人言多以外任為可羨。得資豐衣足食。以京官為清苦。不免生計艱難。殊不知外任官員。如果潔清自矢。亦豈能積有餘資。而身任京員者。僅營私翫法。任意貪婪。如和珅。福長安。何曾一日外任。而封殖自肥。家資累至數十百萬。勝似外任百倍。可見居官苦樂。不在京外之分。而在貪廉之別也。即以魁倫而論。由福州將軍兼管關務。嗣又擢

用閩浙總督歷年所得廉俸寧不視京職較為豐厚。乃於應賠關稅盈餘竟至無可措繳。自由魁倫平日居官尚能清正。且伊前在將軍任內曾將伍拉納浦霖貪贖各款據實劾辦。彼時被劾多人皆伊讐怨之家。魁倫若非平日尚無劣蹟焉敢輕於舉劾。而實授總督後自知積怨不少更不敢稍有妄為。儻不自知檢束豈能不慮為人舉發。且近日封奏亦並無劾及魁倫者。是其素能自守。家無餘財。自屬實情。又近年以來洋面不靖商賈往往裹足不前。海船到關者較少盈餘短絀亦尚有因。著將應賠銀十八萬六千兩零加恩寬免九萬六千兩零。餘著照所請於應得養廉內分半坐扣。其請將住屋入官祇留小房一所計十二間為侍奉伊母居住之處。其情殊屬可憫。且魁倫現署吏部尚書今使僅住小屋數間於體制亦為未協。著將所呈出房契賞還以示體恤。○又諭據長麟等奏稱伊斯

堪達爾聞

皇考大故甚為哀慟懇請率子玉努斯叩謁梓宮。經長麟等遵奉前降諭旨將伊阻止一摺

正月間猝遭

皇考大故朕所降諭旨乃專指未出痘之蒙古王公等而言並非全行阻止。此實和珅傳旨時任意書寫行文各省今據長麟等奏稱伊斯堪達爾感戴

皇考深恩未遂瞻謁之忱闔家暨諸伯克頭目

小回民俱照內地例編素成服等語具見誠惻朕心深為憫惻將此諭知長麟等即照伊斯堪達爾所請准其率子玉努斯前來恭謁梓宮。但喀什噶爾地方最為緊要長麟伊斯堪達爾俱係彼處辦事之人責任較重若令一同前來將事務交翁果爾海等辦理豈能勝任。長麟俟伊斯堪達爾回後再行來京叩謁。○又諭據恒瑞奏玩懦不職之兗州鎮總兵官信一招官信係帶兵大員追勦賊匪縱

使行走緊急。官兵間有落後。何至僅剩二百餘名。顯有避賊藉口情弊。官信著革職。交護撫馬慧裕將因何致令官兵落後之處。秉公嚴審定擬具奏。又據另片奏。涼州永昌協副將田有成。年老不能帶兵。山東兗州鎮屬守備劉合。因患腿疾。日久未愈。俱請革職等語。田有成現在不能帶兵。是否實係年老。從前會否著有勞績。劉合所患腿疾。是否因患病殘廢。抑係因傷致疾。從前是否著有勞績之處。

摺內未據聲明。仍著恒瑞查明。此二人若有勞績。即著以原品休致回籍。若祇係一老一病。則照所請革職回籍。恒瑞於此等不職之員。即行據實劾。不似宜綿泰承恩之一味姑容。所辦甚是。殊堪嘉尚。○又諭。昨已降旨。將書麟補授閩浙總督。但到任尚需時日。書麟未到任以前。所有閩浙總督印篆。即著汪志伊兼署。富昌不必署理。○以江南督標中軍副將博奇。為山東兗州鎮總兵官。廣東

龍門協副將謝恩。詔為江蘇蘇松鎮總兵官。○丙寅。諭內閣。朕惟率親至祖。聿敦報本之仁。昌後燕天。宜備崇先之禮。仰惟太祖高皇帝尊諡。前已恭加至二十四字。

太宗文皇帝

世祖章皇帝

聖祖仁皇帝尊諡。前已恭加至二十二字。雍正十三年加上

列祖

列宗尊諡時。欽奉

皇考諭旨。後世子孫。不得奉為成式。誠以頌美無窮。而尊崇有制。自宜凜茲

遺訓。恪守舊章。惟敬念

皇祖世宗憲皇帝。飭紀整綱。垂法萬世。仁威並

用。治教咸脩。深思繼緒之隆。益仰

詒謀之遠。茲既恭上

皇考高宗純皇帝尊諡。宜並恭加

鴻號。以展孝思。又敬念

列后徽稱俱恭加至一十六字。惟

孝誠仁皇后

孝昭仁皇后

孝懿仁皇后

孝恭仁皇后隆稱未備。宜更追崇。

孝敬憲皇后作配。

皇祖徽音適著。

孝聖憲皇后誕育。

皇考淑德尤彰。允宜益致顯揚。用垂久遠。其詳

稽典禮敬擬奏聞。尋大學士等議奏。

世宗憲皇帝尊諡。謹擬信毅字下恭加睿聖二

字。白。

世宗敬天昌運建中表正文武英明寬仁信毅

睿聖大孝至誠憲皇帝。

孝誠仁皇后尊諡。謹擬淑懿字下恭加恪敏二

字。白。

孝誠恭肅正惠安和淑懿恪敏儷天襄聖仁皇

后。

孝昭仁皇后尊諡。謹擬安裕字下恭加端穆二

字。白。

孝昭靜淑明惠正和安裕端穆欽天順聖仁皇

后。

孝懿仁皇后尊諡。謹擬和恪字下恭加慈惠二

字。白。

孝懿溫誠端仁憲穆和恪慈惠奉天佐聖仁皇

后。

孝恭仁皇后尊諡。謹擬慈純字下恭加欽穆二

字。白。

孝恭宣惠溫肅定裕慈純欽穆贊天承聖仁皇

后。

孝敬憲皇后尊諡。謹擬昭惠字下恭加莊肅二

字。白。

孝敬恭和懿順昭惠莊肅佐天翊聖憲皇后。

孝聖憲皇后尊諡。謹擬敦和字下恭加誠徽二

字。白。

孝聖慈宣康惠敦和誠徽敬天光聖憲皇后。得

旨是依議○又諭朕諒陰持服二十七月內遇

郊

廟大祀典禮應用服色前經指示酌定至百日大祭之辰親詣行禮後仍服編素還宮在宮內易用青長袍褂御雨纓冠遇親詣

几筵日期仍用編素還宮再易青長袍褂御雨纓冠辦事引見○又諭向來內廷阿哥等俱戴紅絨結頂帽其戴雨纓帽時若無頂帶竟

與平人無別今思內廷阿哥等所戴朝帽既係安寶石頂嗣後二阿哥儀親王永璘成親王永理慶郡王永璘戴雨纓帽時即著安寶石頂若戴緯帽時仍著照舊戴紅絨結頂○定

高宗純皇帝

山陵名曰

裕陵○吏部以大學士慶桂應定何殿閣請得旨著為文淵閣大學士○以鑲黃旗漢軍都

統斌寧為寧夏將軍調鑲黃旗蒙古都統成德為鑲黃旗漢軍都統以寧夏將軍德勒格楞貴為鑲黃旗蒙古都統○丁卯

上詣觀德殿

几筵前供奠○諭軍機大臣等有人條奏民間供輸漕糧之弊向來漕糧按畝徵收功令本有踢斛淋尖之禁而州縣因以為利多有每石加至數斗及倍收者所收未至三分之一本色已足則變而收折色小民不肯遽交折

色則稽留以花消其食用呈驗以狼籍其顆粒使之不得不委曲聽從慮上司之叅劾也則饋送之又慮地方訟棍之控告也則分飽之又承辦採買之弊上司發價既剋減於前納倉又浮收於後美其名為出陳易新覈其實則倍出倍入而上司知其然也領價則多方扣之吏胥利其然也交價又從中侵之等語此等積弊實所不免著傳諭有漕各督撫務須督飭所屬留心查察毋使州縣藉端勒

措。腹削累民。儻有前項情弊。即行據實嚴叅辦理。○轉宗人府右宗人晉昌為左宗人。以輔國公景燭為右宗人。○戊辰。定道員密摺封奏例。諭內閣本年

皇考大事。外省督撫藩臬。聞信後各具奏摺。有具素摺陳叙哀悃。勸慰朕躬者。有專遞請安之素摺者。亦有於請安摺內添寫叩慰睿懷字樣者。雖款式有得體失體之不同。然皆不過以安慰為詞。而於吏治官方民生休戚總

未見伊等奏及督撫身任封疆重寄。藩臬有奏事之責。於吏治民瘼。均當留心查察。隨時據實入告。豈容視同膜外。匿不上聞。從前雍正年間。道府同知等員。俱准封章奏事。因思各省道員。職司巡察。即與在京科道有言責者相等。況科道之條陳糾劾。尚多得自風聞。何如監司大員。身任地方。目擊本省政務民情者。較為真知灼見耶。嗣後除知府以下等官。仍不准奏事外。其各省道員。均著照藩臬

兩司之例。准其密摺封奏。以副兼聽並觀集思廣益至意。○諭軍機大臣等。費淳奏素未諳習河務。懇請免其兼管一摺。所奏尚係實情。兩江總督統轄三省事務殷繁。若復兼河務。遇三汎時。必須在工防守。則於巡查水陸營伍。辦理刑名案牘。以及漕鹽諸務。勢必難以兼顧。多致廢弛。況大吏往來頻數。不無供應煩擾之弊。而督臣與河臣同在一處。往往意見齟齬。轉多掣肘。總河係河務專員。一切隄防蓄洩事宜。自應責成康基田一手經理。但遇有應辦工程。鳩夫集料。籌款撥項等事。必須費淳董率辦理。方期呼應較靈。若因督臣不兼河務。遂致一切夫料不能應手齊備。則督臣不得辭推諉之咎。著傳諭費淳康基田。即將河務工程。應行分辦事宜。何項應歸總河管理。何項應由總督會同查辦。可以永遠奉行之處。詳悉妥議。開單具奏。再降諭旨。○又諭據拉旺多爾濟等。將台吉阿咱拉。戕

害伊伯卓哩克圖一案復行審明具奏一摺
從前主事西拉布於關繫七命之案並未悉心研究濫行定罪著即革職拏問西拉布或有心屈抑或庸懦草率務須嚴加審訊至朋素克琳沁於此案曾否聽信讒言均未可定亦應解任質訊特克慎乃特派之員於此等要案固執已見辦理錯謬而阿咱拉所畫供招係蒙古語冤枉字樣特克慎在理藩院行走多年蒙古冤枉之語豈竟不曉耶至前摺奏稱五十九納沁俱已脫逃亦甚草率特克慎著一併解任交拉旺多爾濟等以備訊問將此諭令知之○以平反阿咱拉一案賞賚固倫額駙拉旺多爾濟理藩院額外侍郎索諾木巴勒珠爾直隸按察使全保等有差○賞值宿
觀德殿章京侍衛兵丁等銀幣有差○已已
孝賢純皇后忌辰遣官祭
陵寢○轉刑部右侍郎瑚圖禮為左侍郎調盛

清 實 錄 嘉慶四年三月上

京戶部侍郎祿康為刑部右侍郎以都察院左副都御史瑚圖靈阿為盛京戶部侍郎戶部右侍郎台費蔭署理藩院左侍郎○以翰林院侍讀學士錢榮為內閣學士兼禮部侍郎銜○庚午
上詣觀德殿
几筵前供奠○諭內閣景安前在河南巡撫任內駐劄南陽一帶堵禦湖北教匪毫無布置一任闖入豫境又不敢迎頭截剿惟知遠避賊鋒尾隨探信粉飾奏報以圖塞責縱令賊匪由南陽一帶直出武關竄赴陝境其畏葸退縮於帶兵諸臣中為尤甚以致有迎送之號朕所深知近聞其辦理撫卹一事將從前歸併之案復分次辦理而又不查明戶口按名散給每縣止發銀一千餘兩但儘此數不准多開所辦尤為乖謬地方大吏安集招徠自應查明各處戶口實數分別辦理若一概定以成數則流離較多之處必至口食無資

四八一

而未被賊擾之區。亦得濫支官項。毋怪乎小民失所。官吏冒銷也。景安係和珅族孫。平日趨奉阿附。每於奏報之便。附寄信件。稟承指使。以為有所倚恃。既不能實力辦賊。又不能加意撫民。此時湖北地方。甚關緊要。未便再任貽誤。景安著來京候旨。湖廣總督員缺。著倭什布補授。其河南巡撫員缺。著吳熊光補授。前因安撫難民。解散賊黨一事。曾經降旨。令經畧勒保悉心妥議。茲據奏到籌辦情形。

立法頗為詳盡。並據摺內聲明。通行湖北陝西河南等省。一體遵辦。陝甘總督松筠到任後。當能認真。復有藩司馬慧裕幫同辦理。自臻妥善。至湖北歸州巴東鄖陽一帶。係屢被賊擾之區。現復嚴防。川省各股賊匪。河南一省。雖經寧謐。而在陝奔竄之賊。時有窺伺豫境之意。倭什布吳熊光。俱著速赴新任。查照勒保此次所定章程。督率屬員。實心經理。安集難民。妥商良法。以副委任。所有直隸布政

使員缺。著顏檢調補。恩明著調補河南布政使。孫玉庭著調補安徽布政使。其湖南布政使員缺。著通恩補授。○又諭訥音現任副都統。兼乾清門行走。於帶兵打仗事宜。尚屬諳練。自當竭力報効。如果年力衰憊。不能身親行陣。亦早宜呈報。總統大臣據實奏聞。何以久駐開縣。徒糜軍餉。實屬錯謬。訥音著革去副都統。加恩賞給頭等侍衛。前往喀喇沙爾辦事。其所帶兵丁。亦日久疲憊。即著六十七

帶領回京。○諭軍機大臣等。川省賊匪徐添德。冷添祿等。分股奔竄。而徐添德一股。因屢經勦敗。派令賊目於各處埋伏。以圖牽綴官兵。殊為可惡。德楞泰在觀音堂地方。將溝內衝出賊匪。迎頭截殺。並密派兵勇。由小路繞出賊前。相機攔截。所辦甚好。至冷添祿一股。經額勒登保帶兵追殺。復由岳池南充一帶奔竄。而包正洪一股。又復竄往何處。究係何人帶兵追勦。現在徐添德冷添祿兩股賊匪。

忽分忽合。勒保駐劄達州。務須悉心調度。將二逆逼歸一處。以期聚而殲旃。其張映祥一股。由廣元竄至寧羌。阻塞棧道。該處係文報往來之地。尤當及早疏通。肅清驛路。此時賊匪已竄近文縣。務須奮力堵剿。毋任蔓延。甘境其夔州一路分竄之賊。勒保派令七十五等繞前截剿。未經闖入楚境。而各股賊匪。仍未能歸併一處。勒保尤當通盤籌畫。不可顧此失彼。為要。又據奏安撫難民一摺。所辦俱

中書奏

奉

為周到各路軍營藉端花費。浮支濫用。自應嚴行飭禁。至此等撫卹難民。給資安插。使民生既獲安全。賊黨又可解散。為一勞永逸之計。是用所當用。朕原不靳此費。此時撫綏安集。最為緊要。勒保慎勿視為具文。徒形章奏也。至川楚陝各省流寓之民甚多。占籍已久。各有產業。自應就近安插。不必勒令回籍。轉滋紛擾。朕以此事委汝。必不遙制。總之邪匪不可不誅。良民不可不撫。而受撫者必使之

畏威懷德。出於至誠。方為盡善。將此諭令知之。○以散秩大臣弘裕。瑞為鑲白旗蒙古副都統。散秩大臣弘豐為正紅旗蒙古副都統。調正紅旗蒙古副都統阿蘭保為正紅旗滿洲副都統。○辛未諭內閣。昨已降旨。令景安來京候旨。景安在督撫任內。畏葸無能。本應治罪。但念伊平日操守尚屬謹飭。現在川省軍需轉輸事宜。甚關緊要。著景安於倭什布到楚接印後。以伯爵前赴川省。更換明興接辦。

中書奏

奉

軍需事務。此係朕格外施恩。予以自新之路。景安務須倍加感奮。會同福寧。認真妥協。經理。以期源源接濟。毋誤要需。痛改積習。明興著即回赴軍營。聽候經畧。勒保派令帶兵打仗。○又諭景安等奏。漢陽江岸停泊船隻失火。延燒一摺。此內有德安所減歇漕船五隻。漢陽營戰船二隻。俱被焚燬。而各船商民水手船戶人等。聞有被燒落水身死者。殊為可憫。著該督等查明照例撫卹。至被燬漕船戰

船該督等議令分別賠造。因屬照例辦理。但究因該處鹽船失火延燒。並非因本船起火。所有此項船隻俱著加恩動用官項補造。免其分賠。其鹽船失火之熊成玉。如已查明下落。即著照例辦理。○又諭川省勦捕教匪。從前有在軍營病故之總兵德光。富爾賽。穆維三。員雖非打仗陣亡。但帶兵日久。因積勞病故。亦屬可憫。著交部照例給予卹典。○以山東登萊青道述德為江蘇按察使。○旌表守正捐軀安徽鳳陽縣民王三鳳妻計氏。○壬申。

上詣觀德殿

几筵前供奠。○諭內閣現在恭纂

高宗純皇帝實錄。宜擇潔淨處所。敬謹纂辦。且有事承辦大小各員。人數衆多。更須地方寬敞。因思清字經館。朕在藩邸時曾至其地。頗為整齊靜肅。所有繕譯經典。現已竣事。著將該處作為

實錄館。並將清字經館後屋四十餘間。一併歸入。俾纂辦之地。益得寬展。其原存經板。令該管官酌量移貯。至將來朕出入西華門時。在館總裁各官。毋庸照清字經館之例排班站立。○又諭朕思滿洲舊規。凡挑選差使。及酌定兵丁應升次序。俱揀選素有勞績。及年久技優者。咨送。乃近年來。竟不論其次序品級。甚或徇情面。行賄賂者。皆有之。朕臨御以前。即有在朕前懇求者。朕惟擲其名帖置之不問。此朕素所深知。殊堪痛恨。著將此通諭八旗都統。前鋒統領。護軍統領。健銳營內外火器營總管。內務府大臣。包衣護軍統領等。嗣後凡挑選差使。及酌定應升次序。務須各遵舊規。秉公辦理。倘有投遞名帖。求情挑取者。該管大臣等。即指名叅奏。若不知悛改。仍有徇情納賄挑取者。一經查出。必一併從重治罪。決不寬貸。○命福建學政初彭齡來京供職。翰林院編修錢福胙提督福建學政。○補

行嘉慶二年軍政。廣東卓異官十三員。罷軟官三員。有疾官一員。才力不及官三員。分別議敘處分如例。○癸酉。諭軍機大臣等。此次軍需經費。數逾七千餘萬。皆由各路領兵大員任意濫用所致。朕聞之至熟。今福寧摺內稱宜綿總統軍務時。因追剿竄匪。逐日移營。一時權宜。覈發所費不資。即此二語。已包括無數浮支濫用矣。至所稱各路運道。時通時塞。軍火糧餉等項。間有被阻被搶之事。尚屬實情。嗣後總宜似此據實具奏。不可稍有粉飾。又據奏徐添德一股。現由太平折竄開縣雲陽地方。經德楞泰帶兵追剿等語。前據勒保奏。訥音係派在開縣帶兵防堵。但從未聞伊打仗殺賊。此次徐添德折竄該處滋擾時。訥音曾否實力堵剿。與賊打仗。抑仍前退縮並未出力。或又避往別處。著勒保查明據實具奏。將此傳諭知之。○以太常寺卿劉湄為大理寺卿。○命協辦大學士閻浙總督書麟

在紫禁城內騎馬。

實錄卷四十

三十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十一

監修總纂官禮部尚書趙鳳昌太子太傅武英殿大學士淵閣領閣事稽察欽奉 上諭事件處管理工部事務翰林院掌院學士張蔭桓

加三級尋常加四級。曾振鐸總教官。李太傅。李蘭。大學士。管理刑部事務。加五級。戴均元。經筵日講。起居注官。太子少保。內大臣。滿洲。

提舉閩事指察飲奉
上諭事件處協辦大學士
都尚書翰林院掌院學士
教習廣惠士總管內務府
大臣廣黃旗滿洲都統步
軍統領

管理處主席兼東北清洲等處總理工程處御茶膳房御藥考太醫院西洋堂事務功勞一級隨帶加一級尋常加十三級紀錄二十一

臣洪和經筵講官太子太保禮部尚書上書房行走武英殿煙熾管理園子監事務加六級隨帶加二級紀錄四次臣汪廷珍等奏

教修

嘉慶四年己未三月甲戌諭內閣向來宗室

王公及一品文武大臣所用太監並未定有額數以致投充私宅太監人數過多宮內服役者轉不敷應用不得不向各王公大臣家取進而各王公家中有太監少者現用重價尋覓者亦有皆朕所深知自應分別定以成數用符體制嗣後親王准用七品首領一名太監四十名郡王准用八品首領一名太監三十名貝勒准用太監二十名貝子准用太監十名入八分公准用太監八名一品以上

文武大臣准用太監四名。公主額駙准用太監十名。民公准用太監六名。其不入八分公及二品以下民爵侯以下俱不准私用太監。經此次定額之後。如有不顧多役太監者。聽其自便。亦不必拘於成額。儻有仍前任意濫用致踰定額者。即以違制論。總之外宅各處太監之數。寧絀無贏。而宮內所需太監。此後亦不復再向外宅挑取。將此通行傳知一體遵照。並著現在王公大臣宅內太監名數有

浮於新定之額者。即交到內務府衙門。送進宮內當差。嗣後宗室王公等名下太監。著年終報明。宗人府查覈。一品文武大臣等名下太監。著年終報明。都察院查覈。俱各彙奏一次。著為例。○諭軍機大臣等。吉慶奏前年黔省苗匪滋事。蔓延粵西。於協勦藏事後。業將一切陋規革除。請令黔省查照章程辦理等語。前此黔粵地方官。任聽胥役頭人等掇累。以致激成事端。所有相沿陋規。自應一律革

除著傳諭吉慶。一面將前此所定章程詳悉具奏。一面移咨黔撫馮光熊。即查照革除陋規原定各事宜。一體實力妥辦。俾苗疆悉臻寧謐。○又諭。此時勦賊喫緊。兩廣距川較遠。軍機大臣請於四川雲貴等省就近酌調。以符更換之數。所議甚是。惟朕聞向來綠營兵丁有滇黔勁旅之語。而黔兵尤為趨健。况勒保前在貴州勦辦紳苗。於該處將弁較為熟悉。更可期於應手。而道途又復捷近。此次更

調之兵。莫若先儘貴州。就近調派。如尚有不敷。再於雲南兵丁內酌量派調。但仍按兩廣兵丁額缺之數。亦不得任意多調也。將此諭令知之。○命領侍衛內大臣蘇凌阿。尚書德福。梁肯堂。都統觀音保。隆興。散秩大臣鄂勒畢圖德生。侍郎鄂岳。韓鐸。副都統隆安。周緝武。守護裕陵。○戶部奏請新放塔爾巴哈台領隊大臣伊江阿。應否食俸得旨。嗣後派往新疆辦事

之侍衛等官。有棄瑕錄用。自備資斧。世職仍留本身者。俱准支食所留世職半俸。伊江阿即照新例行。○補行嘉慶元年大計。河南卓異官十二員。不謹官一員。罷軟官二員。年老官九員。有疾官一員。才力不及官二員。浮躁官一員。甘肅卓異官八員。不謹官一員。罷軟官一員。年老官三員。有疾官二員。才力不及官一員。分別議敘處分如例。○乙亥。

上詣觀德殿

几筵前供奠。○祭

先農之神。遣豫親王裕豐行禮。○諭內閣。永琨年老有腿疾。烏里雅蘇台地寒。所帶官兵打圍等事。想必不能妥辦。永琨著來京專理都統事務。其烏里雅蘇台員缺。著綿佐補授。○又諭。前任提督任承恩。係任舉之子。伊兄任承緒從前曾因救火被燒。而任承恩實係功臣之後。且又老年喪子。得病身故。殊為可憫。所有伊前在福建提督任內自行認罰未

完銀一千一百六十一兩八錢零著加恩照
嵇璜之例全行寬免。○又諭據阿爾塔什第
奏稱土爾扈特汗霍紹齊之祖母哈屯聞
大行太上皇帝大故帶同霍紹齊前來懇將霍
紹齊俸銀二千五百兩送京交喇嘛等念經
等語此事斷不可行。阿爾塔什第彼時並不
阻止且又具摺奏請糊塗太不曉事除申飭
外霍紹齊並伊祖母誠悃實不可泯著交阿
爾塔什第曉諭霍紹齊並伊祖母哈屯已將
爾等誠意奏聞大皇帝奉旨從前爾等仰蒙
太上皇帝恩施備至今若准爾所請遠道運送
銀兩念經轉恐不能仰體

太上皇帝愛育爾等至意此事斷不可行朕見
爾等誠悃可嘉深為惻然想

太上皇帝在天之靈亦必垂鑒也。○諭軍機大
臣等此次明亮察探賊情知張逆欲走豫省
即繞出賊前追殺四十餘里將該匪截回此
係明亮等之功至陳三掌櫃一股據稱曾於

正月間勦散原止二三百人今經兩月又有
千餘人此皆該處地方官不肯認真出力致
任賊匪往來奔竄裹脅日多明亮等應查明
嚴叅誅一儆百則前堵後勦庶可剋日成功
將此諭令知之。○轉禮部右侍郎羅國俊為
左侍郎兵部右侍郎初彭齡為左侍郎調禮
部左侍郎曹城為兵部右侍郎以內閣學士
錢樾為禮部右侍郎。○以戶部尚書布彥達
兼鑲紅旗漢軍都統刑部左侍郎瑚圖禮
兼鑲白旗蒙古副都統刑部右侍郎祿康兼
正紅旗漢軍副都統調鑲白旗蒙古副都統
文寧為鑲黃旗漢軍副都統正紅旗漢軍副
都統張漢傑為正白旗漢軍副都統兼鑾儀
衛鑾儀使。○丙子

上詣

壽皇殿行禮。○定戶關工關盈餘額數諭內閣
向來各關徵稅於正額之外將盈餘一項比
較上三屆徵收最多年分如有不敷即著經

徵之員賠補以致司權各員藉端苛斂而賠繳之項仍未能如數完交徒屬有名無實因思各關情形不同所有盈餘數目自應酌中定制以歸覈實而示體恤已於戶部所奏各關盈餘銀數清單內經朕查照往年加多之數分別覈減自此次定額之後僅各關每年盈餘於新定之數再有短少即行著落賠補如於定數或有多餘亦即儘收儘解其三年比較之例著永行停止至工部船料竹木等稅除渝關盈餘向無定額及由開等關並無盈餘外其餘亦經分別減定嗣後即一律辦理毋庸再行比較○又諭據勒保奏官兵勦捕蕭占國張長更兩股賊衆全數殲獲淨盡一摺此皆仰賴

上蒼默佑

皇考威靈覽奏曷勝欽慰此二股賊匪從前在白巖山與林亮功合夥林亮功鎗斃後即各自為首到處焚掠滋擾此次該逆匪等由閩

中折回經額勒登保率領將弁兵丁連次截勦將賊衆逼上譚家山額勒登保等復督率弁兵乘夜搶上山梁痛加勦戮賊匪斬獲殆盡賊首蕭占國張長更均經殲斃此次打仗得勝情形實為認真勦辦即如所奏殺賊實有六千餘名並聲明臨陣投首訊明釋放外其被脅之人因其從逆抗拒臨時無從分別並非濫及無辜可見所奏實非從前之虛報首功粉飾具奏者可比額勒登保病勢初愈即奮勇帶兵轉戰直前實屬可嘉之至前次惠齡德楞泰止擒獲冉文傳一犯而川北地方尚有竄出餘孽未能勦淨曾經加恩賞給頭等輕車都尉世職今額勒登保勦除兩股賊匪殲盡無遺厥功尤偉額勒登保著加恩賞給二等男爵世職至勒保係經畧大臣此次勦賊著效雖未親在行間亦由其調度得宜而於投出被脅良民酌給銀米遞籍安插所辦尤為妥協著加恩賞其打仗受傷之總

兵衛穆克登布著交部從優議敘。隨同帶兵出力之總兵朱射斗、楊遇春、叅將劉瑞、遊擊喜明、防禦全保、前鋒安楚、拉蓋翎領催彥丕勒、委官訥音登額、倭楞泰俱著交部議敘。陣亡之副將孫大猷、守備陳凡、丁洪俱著交部議卹。此時各路領兵大小諸臣經力加整頓之後，看來皆有起色。勒保身膺軍務重任，惟當倍加感奮。即如伊弟永保從前在鍾祥縱賊，罪無可辭，經朕破格錄用，復令署理陝西巡撫。所以施恩於伊兄弟者，原不過為國家公事。勒保等若能迅勉成功，則軍營從前諸獎不但一概從寬，仍可加之懋賞。儻伊等無福承受，則國憲具在，致朕不得不為已甚。亦由伊等自取。朕亦無所容心於其間也。○諭軍機大臣等：福昌汪志伊、叅奏負欠官項，違限不還之縣令，分別革職查辦。一摺：所辦殊屬過當。此案浦城縣知縣孫學曾及已故知縣王致禮，因賒欠皮張立票載明，不誤庫項。

今逾限不清，自應按例辦理。勒限令其完繳。即如現在京中有戶部員外郎庫蒙額，亦係拖欠皮張官項，遲逾不交。不過革職監追。今該督撫等輒委員分赴孫學曾、王致禮任所抄估變抵，並各原籍查變完繳。如此張皇紛擾，設該員等虧缺倉庫，又當作何治罪？前因內外問刑衙門於定擬案件，習用雖但字樣，曾經降旨飭禁。該督等早應接奉，乃此次仍沿故習，尤屬深刻無謂。況此後發交變價官物，勢必各懷觀望，不敢認買矣。福昌汪志伊俱著傳旨申飭。所有浦城縣知縣孫學曾著革職，與已故知縣王致禮之孫王元濤一併監追。如限內完清，仍應按例辦理。其查出各員財產，即著照數給還。亦毋庸咨查各該原籍。○又諭：近因俄囉斯邊界之人聞大行太上皇帝大故，前來請示。曾降旨命佛爾卿額即明白告知。今思本朝與俄囉斯通好百有餘年，且前此俄囉斯哈屯汗身故，新汗

坐牀時。曾經咨明庫倫辦事大臣。今

大行太上皇帝大故。亦應行文諭知。今代蘊端

多爾濟。佛爾卿額。作就咨藁寄去。佛爾卿額

接奉時。用蒙古文繕妥。照例鈐蓋紅印。行知

固畢爾納。托爾可也。將此諭令知之。○丁丑

諭內閣。本日因領侍衛內大臣等將派守

裕陵人員。帶領引見。內有頭等侍衛富敏泰。前

曾出兵。並見其頭面。顯有傷痕數處。朕心惻

然。當令軍機大臣等。將其履歷繕寫進呈。見

其奮勉出力之處較多。况乾隆六十年。經該

旗帶領引見。我

皇考曾交軍機處記名。遇有近省總兵缺出。即

時題奏。乃和坤竟自隱匿。今若仍遵前

旨。將富敏泰以總兵用。伊亦年老。轉恐不服外

省水土。著加恩先賞給副都統職銜。仍交軍

機大臣等。遇有副都統缺出。即時題奏。候朕

酌量補放。以示獎卹。勞臣之至意。○又諭昨

據奇豐額。將從前在葉爾羌採取不堪用之

大玉二塊。補送情節。咨報軍機處。此項玉料

初採得時。因瑕裂處頗多。奇豐額始另行尋

採。將此二塊酌量琢開。再為運送等情。請示

和坤。乃和坤竟未請旨。私札奇豐額。令其補

送。顯係和坤有豫存肥己之見。昨已降旨。將

從前運送之大玉二塊。停止運送。並賞賚出

力回衆矣。著速行諭令。駐劄各回城大臣等。

此二塊玉料。運至何處。即行擲放該處。所有

經過地方。運送之伯克回衆等。仍照前賞賚。

○又諭董椿奏。蘆東商人江公源等呈稱。目

下川楚教匪。指日可除。惟安撫善後事宜。尚

需繁費。長蘆商人情願捐銀六十六萬兩。山

東商人情願捐銀三十四萬兩。共捐銀一百

萬兩。稍抒忱悃等語。蘆東鹺務疊經豁免。賞

借調劑多方。今該商衆等因受恩深重。報効

情殷。長蘆山東兩處。請共捐銀一百萬兩。固

屬踴躍急公。若卻而弗受。無以申其忱悃。但

現在川楚教匪。即日辦竣。其善後等事。需費

無多。且蘆東商力素稱拮据。所請捐銀一百萬兩。著各交十分之六。長蘆准其捐銀三十萬六千兩。山東准其捐銀二十萬四千兩。解交部庫。仍著交部照例分別給予議敘。以示優獎。其董椿所奏蘆東商人前領兩淮協濟無利運本一百萬兩。請於癸亥年四月起。仍按十限解交內務府充公之處。亦著照所請行。尋據長蘆鹽政董椿以該商等籲求全數賞收為請。得旨。不許濫請。朕言不再藏富。

於商國本有託。毋得再奏。○諭軍機大臣等。張映祥一股。因被官兵連次勦殺。分投奔竄。廣厚以階州山徑分歧。現與吉蘭泰由黑崖山小路截擊。以期與富成兩面夾攻。所辦俱是。但究因兵力不多。是以未能痛加勦殺。此時明亮等截勦張漢潮一股。正在跟蹤緊躡。務須加倍努力。迅速肅清。一俟此股竄匪勦除。明亮不必即赴川省。應與恒瑞等將陝境各股竄匪。先行勦淨。再帶勝兵前赴甘省秦

階一帶。幫同吉蘭泰富成等併力擊勦。總須陝甘兩省全境廓清。再赴勒保軍營。勦辦川省各股賊匪。明亮恒瑞興肇能將陝甘境內之賊全數掃除。即屬伊三人之功。儻仍令蔓延。則責有攸歸。亦惟伊三人是問。將此諭令知之。○調鑲藍旗漢軍副都統明安為正白旗滿洲副都統。以正藍旗護軍統領永來為鑲藍旗漢軍副都統。鑲紅旗漢軍副都統扎郎阿為正藍旗護軍統領。○戊寅。

上詣觀德殿

几筵前供奠。○諭內閣。尚例內外文職官員。三年一次京察。武職官員。五年一次軍政。惟大門侍衛等。並無軍政之例。此內豈無年老技藝平常之員。所有大門侍衛等。亦著入於軍政之例。列於本旗武職官員之前考試。其侍衛人員內。儻有差使懶惰。不守本分者。該管大臣等。可隨時查出。酌量叅奏。從前應行軍政人員。俱按左右兩翼。分為二處閱看。未免

耽延時日。嗣後左右兩翼應行軍政人員。分作四處閱看。著為例。○添設貴州松桃直隸廳學。移駐銅仁府學訓導一員。增文武學額各四名。廩生增生各二名。從巡撫馮光熊請也。○己卯諭內閣。朕之所以辦理和坤者。原為其大奸大惡。罪狀昭著。不可不立正刑誅。籍沒資產。以昭炯戒。至其營私散法。所積贓銀。為數多寡。原所不計。然既經查辦。自應盡數起出。豈得任其藏掩。致有不實不盡。但近

聞步軍統領衙門查審此案。該番役等多有向南城外鋪家輾轉追求。藉端訛詐。其實仍未查出隱寄一案。輦轂之下。商民輻湊。若因此致有牽連擾累。殊非政體。且於朕近日減免關稅盈餘。及寬免代賠銀兩之意。既屬相背。而於辦理和坤本意。亦失之甚遠。此案非步軍統領衙門及慎刑司所能辦結。著將案內人犯。俱即送交刑部切實究訊。不可拖延牽累。○又諭前因巡視南漕給事中劉坤將

無關緊要之案。輒用五百里馳奏。殊駭聽聞。是以交部嚴議。經吏部議以降一級調用。朕以該給事中若一經降調。恐此後不曉事體之員。遇有要務。轉或拘泥。不敢由驛馳遞。是以將劉坤施恩改為降二級留任。而其時劉坤又遞到五百里奏摺。亦止係尋常事件。因甫經議處。不復再加飭諭。乃劉坤本日又有由五百里馳遞之摺。所奏仍係照例辦理漕運情形。且據兼署兵部尚書軍機大臣那彥

成奏稱。昨日該給事中因前次驛遞奏摺未經接到。輒用六百里文書向兵部查訊。正擬會同本部具摺參奏等語。似此徒勞驛站。至再至三。是劉坤全不曉事。而且喜於多事。豈可尚留巡漕之任。劉坤著仍照吏部前議降一級調用。不准抵銷。即行撤回。其巡視南漕事務。候朕另行簡員前往。○諭軍機大臣等。前因勦捕教匪。全在勦撫並用。疊經降旨訓示。令勒保悉心籌辦。今已閱多日。雖節次打

仗亦間有臨陣投出者。究未聞風踴躍爭先。來歸賊中。黨與未全解散。自由勒保辦理此事。不過騰黃張挂。出示招徠。附近地方百姓。雖已聞知。而被賊裹脅良民。仍隨賊匪驅使。退避則懼為賊戕。投出又慮干法網。是以徘徊觀望。仍前結聚。雖有招撫之空談。總未能收解散之實效。其應作何廣為宣諭。使賊中難民咸各聞知之處。勒保務須設法籌辦。開示公信。俾其翕然樂從。不可以出示具文了事。儻有被脅民人。果能自相糾結。暗約多人。將賊首如冷添祿。徐添德。李全高。均德張映祥。張漢潮等。縛獻軍門者。勒保即當優加獎。勵指名具奏。不但免其從賊之罪。並當酌賞七八品頂帶。以示鼓勵。而勸來者。切不可據為己功。亦不可迴護前過。致阻其去逆歸順之意。再此次教匪起事。始於達州。朕聞彼時有知州戴如煌。居官貪劣。以致激成事端。但戴如煌是否因老病無能。任聽官親幕友長

隨等從中擾害。抑係伊任意貪婪。自有實在劣蹟。曾聞戴如煌與川東道李憲宜係屬鄉親。為之詳請告病。嗣經皇考察見規避情由。未曾允准。將戴如煌革職。仍留軍營効力。此時戴如煌自必尚在川省。著勒保即將指出情節。向其切實訊問。此係前任英善宜綿任內之事。可無庸稍存袒護。又朕聞達州尚有吏目一員。尤為貪婪不職。但未記憶姓名。亦著勒保將該吏目係屬何人。有何劣蹟。是否仍在該處。有無被賊戕害之處。一併嚴查審辦。再知縣中趙華方積三員。素稱能得民心。趙華前已據勒保奏明。仍留新寧署理縣篆。方積升授酉陽州知州。該二員如果始終奮勉。實心任事。仍當據實保奏。量加鼓勵。再前此惠齡擒獲冉文儔。羅其清。此次勒保擒獲蕭占國。張長更。詳聞摺內帶兵出力之人。多係營員。而由京派出之健銳火器營官員兵丁。以打仗出力。列名保奏。

者寥寥無幾。宜勒保等以伊等由京派往之人。設遇傷亡。必須指名具奏。非如營員鄉勇之止須咨部辦理者可比。竟不令其身臨前敵。若果存此見。何以勵將士而肅戎行。但又不可因有此旨。即將伊等無論出力與否。竟成輪班保奏。以致冒濫功績。儻伊等疲玩不前。亦不應姑容閒住也。將此諭令知之。○又諭奎舒奏去歲搶劫達賴喇嘛商人牛隻傷人之為首賊番那木喀。經該部落獻出。審明

即行正法。並將拏獲搶劫蒙古五次之賊番堪布沙木。一併正法。一摺。生番等膽敢各處搶劫。殊屬目無法紀。奎舒審明正法示衆。所辦甚是。塔斯迪葉部落之衆番。一見所遣番子喇嘛及熟番等執持諭帖。即知畏懼。將賊首那木喀及所擄牛三百餘隻。先行獻出。並應將其餘牛隻陸續交出。尚屬恭順。俟將牛隻全行獻出時。亦可不必深究。以完此案。惟奎舒等所遣番子喇嘛。係屬何名。熟番共有

幾人。並未聲敘。著查明量加賞賜。以示鼓勵。又另摺奏稱。將審明引路偷竊青海喇嘛沙喇布吹木丕勒羊隻之蒙古賊人班第丹。或依律擬絞。或擬斬決。請旨辦理。殊屬錯謬。班第丹。怎聽從綽霍爾班第之言。引路偷竊羊隻。與造意行竊者大相懸殊。即依律載偷竊馬匹至十匹以上之例擬絞。入於秋審情實已足蔽辜。而奎舒奏稱。或擬斬決。請旨即行正法。則將來賊首綽霍爾班第擒獲時。奎

舒又如何定擬。奎舒乃特派辦理該處事務之人。每事自應秉公斷擬。如有不周之處。朕自降旨指示。似此易辦之事。漫無定見。憚於費心。則各省所派大員。所為何事耶。奎舒著傳旨申飭。○庚辰諭內閣。據拉旺多爾濟等奏稱。土默特貝子朋素克琳沁侍郎持克慎所辦戕害喇嘛卓哩克圖身死一案。俱屬錯謬。復經審明。分別定擬。具奏等語。除將原摺交軍機大臣會同刑部。理藩院議奏外。貝子

朋素克琳沁係該旗扎薩克。凡事自應悉心秉公經理。乃於此等關繫七命之案。辦理糊塗草率。殊屬非是。本應照拉旺多爾濟等所奏。即行革職。但念朋素克琳沁係屬蒙古。於此案內尚無貪婪情弊。朋素克琳沁著格外加恩。賞給四等台吉。令在該旗効力當差。特克慎係欽差辦理要案大員。乃隨同稅員西拉布。原審情節拘泥猶豫。以致辦理錯謬。殊屬無用。特克慎即著革職。但念伊在理藩院

行走多年。於蒙古事務尚屬諳悉。特克慎著加恩。賞給七品筆帖式。即由彼處自備資斧。前赴烏里雅蘇台。跟隨將軍綿佐當差。効力贖罪。不准由京城經過。稅員西拉布著即革職。交該部照例定擬。朋素克琳沁所遺土默特旗扎薩克印務。著協理台吉貢格寧布暫行署理。其員子員缺。著該院揀選應襲人員。帶領引見。俟承襲後。再令辦理扎薩克事務。○又諭刑部員外郎賡音陳預理藩院員外

郎和琿額。隨同侍郎特克慎。前赴三座塔審擬土默特旗台吉阿咱拉謀殺胞伯卓哩克圖身死一案。於特克慎固執已見之處。並不依違迎合。俾重案得以平反。俱著交部議敘。以本衙門應升之缺。先行補用。於到京時。仍著帶領引見。○諭軍機大臣等。恒瑞覆奏。查明紫陽安康邊界一帶。中間相去七八百里。無兵駐守一節。用兵之道。全在聲勢連絡。庶首尾相應。今乃千里無兵。任賊遊奕。皆由宜綿秦承恩在任時。一味畏葸。退縮毫無布置。以致將士無所遵循。賊匪日益縱肆。除總兵官信已據叅革外。遊擊邢承誥守備尚其倫。即著恒瑞確切查明。據實嚴叅。示儆。再前因官兵在唐藏地方。勦賊遊擊蘇維龍失利。不知下落。曾降旨飭查。昨據陸有仁面奏。蘇維龍從前在該處駐守。年餘擊勦賊匪。屢有斬獲。保障村堡。民賴安全。遂為賊匪所忿恨。此次在彼堵勦。實因兵勇數少。同時潰散。該遊

擊猶復步行殺賊。迨力屈被傷。痛罵賊匪。致被截舌分尸。罹禍甚慘。經該處居民尋其骸。分盛埋掩。如果情形屬實。則此等出力之員。自應優加旌獎。以慰忠魂。而鼓士氣。著恒瑞即行詳悉查明覆奏。候朕施恩。○又諭昨據原任江南提督陳大用呈請叩謁。

梓宮。朕因思在藩邸時。曾聞陳大用盤獲洋盜一案。彼時蘇凌阿署兩江總督。以誣良為盜。定擬。遂置楊天相於重辟。而和珅與蘇凌阿

因係姻親。為之護庇。致成冤獄。因命軍機王大臣詢問陳大用。據稱從前巡獲閩船張茅等十二人。查有令字旗。竹盛鐵礮。火藥鉛子等件。俱係違禁之物。又與浙省吉慶來咨所獲洋盜相符。是以交地方官審辦。伊等如何定擬。亦不敢過問等語。所言似屬有因。但究係一面之詞。現在同案內之把總林朝相。外委沈春發。俱在蘇州監禁。無難查訊得實。況從前蘇凌阿審辦此案時。費淳尚在雲南。與

伊毫無干涉。而此時和珅業經伏法。蘇凌阿亦已休致。即承審之員。亦不過迎合上司意旨。附會成獄。將來亦祇須予以應得處分。費淳俱無所用。其迴護至陳大用。此次進京。專為叩謁。

梓宮。並非欲陳訴冤抑。現在既經詢出此案情節。自當徹底查究。著傳諭費淳即檢查原案。秉公研訊。據實具奏。後即將林朝相。沈春發二人一併送京備問。○旌表守正捐軀山西

太平縣民王三兒妻董氏。守正被戕。四川眉州民婦段氏。○辛巳。

上詣觀德殿

几筵前供奠。○祭

先蠶之神。遣王福晉行禮。○壬午。諭內閣。四阿哥履端郡王永城。向在上書房。友于肫篤。且學問才藝俱優。設非夭逝。

皇考早已加封親王矣。茲著追贈親王。七阿哥悼敏皇子永琮。係

孝賢純皇后所生著追贈哲親王十二阿哥永璿著追贈貝勒一切應行典禮交該部查例具奏○禮部以會試中額請得旨滿洲取中六名蒙古取中二名漢軍取中三名直隸取中二十二名奉天取中一名山東取中十五名山西取中十一名河南取中十一名陝甘取中九名江蘇取中十八名安徽取中十三名浙江取中二十二名江西取中十八名湖北取中九名湖南取中七名福建取中十一名廣東取中十名廣西取中三名四川取中六名貴州取中五名雲南取中七名○癸未諭內閣據勒保奏官兵勦捕冷添祿一股賊匪首夥全行掃蕩一摺仰賴

上蒼默佑

皇考威靈將此股賊匪首夥全行掃蕩覽奏曷勝欽感冷添祿一股賊匪上年自祖師觀竄出後又復到處奔匿日久稽誅今勒保因額勒登保勦滅蕭占國等股賊匪完竣後即知

會額勒登保帶領勝兵乘勢勦捕得以迅就蕩平勒保調度得宜能得人心以致將弁等皆知感恩報効實不負經畧大臣之任深堪嘉獎至額勒登保前於病勢初愈後即將蕭占國張長更兩股賊匪全行辦竣茲於途次一聞冷添祿在岳池地方遊奕之信即由間道督兵連日冒雨遄行趕抵賊勦出其不意痛加勦殺冷添祿中箭身斃額勒登保又復乘勝將餘匪撲滅淨盡旬日之內殲除三股賊匪實為奮勇可嘉不愧認真出力之大將前已加恩賞給二等男爵世職著再晉加一等男爵其從前恩賞銀一萬兩未經完繳者免其著追其隨額勒登保打仗之吉林索倫滿洲綠營兵丁著勒保查明普賞一月錢糧以示鼓勵勒保另摺所保之軍營出力各員內如護軍叅領格布舍係薩克丹布之子烏鎗最為精熟朕所深知今經勒保於單內首先列入足見其所保公當已另降諭旨俱照

所請加恩矣。從前各路帶兵大員。祇圖擒拏首逆。仍任餘匪竄逸。以致一股甫平。復起另股。迄無竣事之期。今於旬日之內。連辦三股。賊匪不留餘孽。從此勦淨一股。即肅清一處。可望成功。朕佇盼捷音。踵至也。○諭軍機大臣等。此次教匪蔓延日久。裹脅日多。不得不議勦撫兼施之法。但必將首惡逆黨。痛加殲戮。使之知所震懾。方足堅其畏罪遷善之心。今勒保奏稱。祇應撫其脅從。其意以勦辦為

重。所見甚是。其所需更換山東兵丁。降旨令岳起照數挑派。迅赴軍營。惟在勒保察度情形。隨時酌辦。朕亦不懸揣遙制也。又據稱打仗情形。將賊衆全數逼至河沿。痛加殲戮。及撲河淹斃者。不計其數。在將士等奮勇爭先。自不得不乘勝痛勦。但邪匪逼脅良民。人數衆多。以致臨陣被殲。玉石俱焚。難分順逆。閱之彌覺惻然。勒保身膺重任。惟當仰體朕心。視國事如家事。昨復降旨。將永保長子英志。

賞給藍翎侍衛。次子英華。賞給親軍校。係朕格外施恩。勒保永保兄弟二人。應如何良心發現。迅勉成功也。將此諭令知之。○以掃蕩賊匪。冷添祿功。賞護軍叅領格布舍。副都統銜。佐領德林保。驍騎校綽布通阿。前鋒全保。領催哲勒格。訥依。彥丕勒。叅將穆克登布。遊擊喜明。把總梁揚光。巴圖魯名號。佐領阿郎。阿。驍騎校烏圖依。遊擊張明德。都司王兆夢。守備劉健。標周官。鄭振。貴花。翎領催伊勒彰。

阿等。藍翎。○旌表守正被戕湖南醴陵縣民劉祖貴。聘媳張氏。○免河南被賊滋擾之鄧唐新野桐柏淅川內鄉泌陽裕葉南召舞陽西平遂平確山信陽羅山光山魯山嵩廬氏二十州縣新舊額賦。○甲申。

上詣觀德殿

几筵前供奠。○乙酉。諭內閣。

淑嘉皇貴妃一族著擡入正黃旗滿洲旗分。慶恭皇貴妃之姪陸松齡著賞給騎都尉。○

又諭御史王慶奏請將盛京各部司員等一體賞給雙俸等語所奏殊屬非是。國家設官分職皆有常制。遇有行慶施惠之事皆應恩出自上。豈臣下所容瀆奏。乃前日龔驂文既有宗學總管副管等官於常例外加倍給俸之請。而該御史今復有此奏。寧不思詔制祿之典皆係通計歲入定賦及百官大小職分酌中立制。其多寡厚薄俱有一定等差。且行之已百餘年。內中應食單俸官員並非自

今伊始。即近因

陵寢各員俸入不敷。給予雙俸亦係以銀庫司員所得養廉過優。勻出增給。乃朕曲加體恤。特旨施恩。原不得援以為例。若俱似此紛紛陳懇。市惠沽名。輕議變更成法。成何政體。龔驂文。王慶俱著傳旨申飭。○諭軍機大臣等。廣厚奏痛勦賊匪分路追勦情形。所辦甚好。近日川省蕭占國冷添祿等股竄匪業經先後勦淨。朕所慮者正在甘省。今據廣厚奏賊

匪張映祥等或分或合。經官兵追勦。殲賊一千餘人。生擒一百八十六人。並將賊目張世龍擊斃。勦散賊匪。由山後奔竄。覽奏深為欣慰。此皆係廣厚吉蘭泰二人之功。廣厚著加恩賞戴花翎。吉蘭泰著加恩賞給伊青阿巴圖魯名號。並賞戴花翎。以示嘉獎。此股賊匪勢已窮蹙。廣厚吉蘭泰當乘勝進擊。速行勦淨。後即前赴富成一路夾擊。一經勦竣。甘境即可肅清。至賊匪現在奔竄地方。係在鞏昌

一帶。相距陝境不遠。並著恒瑞察看情形。派撥弁兵。豫行堵截。毋任甘省竄匪乘間闖入。陝境為要。將此諭令知之。○丙戌。諭內閣。原任兵部尚書劉綏。前在直隸總督任內。有認罰養廉銀兩。究與地方關繫倉庫款項不同。所有未完銀一萬二千兩。著加恩全行寬免。○諭軍機大臣等。松筠因勦洗賊匪。陳其所見。具奏前來。松筠所見甚是。與朕前降諭旨。脗合。朕甚嘉焉。計此時松筠自己由藏起程。

令即直赴陝西恒瑞一路先行接印暫且不
必赴甘松筠到時張漢潮張映祥二股賊匪
儻尚未勦淨即同明亮恒瑞商同迎擊若已
勦淨所有安民善後事宜必須留心妥辦現
今松筠尚未接奉朕前所降諭旨即能如此
熟計具奏可見並非迎合伊到陝省得見前
旨必更暢愜也再摺內又稱請比照甘省回
案將此次教匪勦淨後其餘黨類遍行曉諭
寬免其罪以安百姓之心一節所見亦屬甚
善將來便中寄諭勒保知之○予故戶部尚
書沈初祭葬諡文恪○丁亥

上詣觀德殿

几筵前供奠○諭內閣刑部將比照大逆緣坐
之發遣軍流人犯查明事由分別開單進呈
朕詳加披閱內書詞狂悖案內比照大逆緣
坐之陳長受陳長幅二犯係逆犯陳道鈴之
姪露斯一犯係逆犯僧明學之徒沈大縉一
犯係逆犯沈大綬之弟沈榮昇沈榮箕沈榮

旃沈榮同四犯係逆犯沈大綬之姪郭玉揚
郭玉開郭玉彩三犯係逆犯郭大至之弟劉
元幅一犯係逆犯劉文德之伯丁士賢丁士
麟二犯係逆犯丁文彬之姪劉馬一犯係逆
犯劉德照之姪劉德明一犯係逆犯劉德照
之弟魏慶一犯係逆犯魏塾之弟趙瑄一犯
係逆犯趙九如之兄趙元娃一犯係逆犯趙
九如之姪李科秀李甲秀李登秀三犯係逆
犯李連秀之弟兄俱非若正犯子孫例應緣

坐者可比著同查出大逆案內干連人犯崔
敬之等及誣告叛逆案內緣坐人犯項大保
等一體加恩釋回以示法外施仁至意其各
單內所開婦女各名口業經發給功臣之家
為奴若即令概行放出轉恐無所依倚著交
刑部存記俟釋回各犯或有情願領回者報
明辦理聽從其便至另片內所奏進遞逆呈
案內金從善之子姪編造偽稿案內劉時達
之孫著書毀謗案內呂留良之緣坐犯屬及

在配所生子孫。並干連族戶。情罪俱為重大。部議不准寬免。所奏是著照議辦理。○以通政使司副使阿隆阿為光祿寺卿。○以工部侍郎童鳳三為

實錄館副總裁官。○戊子旌表守正捐軀山東蒲臺縣民楊文貴妻趙氏。○是月直隸總督胡季堂覆奏田麥情形。得旨民為邦本。我君臣孜孜宵旰。全為斯民。稍不敬謹。可乎。願汝時存此志。勉之。○新授湖廣總督倭什布具

摺謝恩。並報起程赴楚。得旨汝之聲名頗優。景安畏蒞。無能而伊之操守尚可。蒞任後當力加振作。以堵為勦。察訪貪官污吏。如胡齊崙常丹葵等。嚴叅重處。幾人。則小民怨氣自紓。地方必能平靜。而自川省回楚遺民。當辨明良莠。細心妥辦。受降如受敵。慎密為之。○署閩浙總督富昌覆奏革任知府金城平日居官尚好。得旨信人最難。知人尤難。總宜秉公虛心。勤訪時詢。而又處以無我。思過半矣。

汝等大吏宜勉之。○署山東巡撫岳起奏。前年曹汛大工。例價不敷之項。攤扣東省各官養廉。請按年坐扣十分之三。仍令領回十分之七。得旨自應如此辦理。若令通省枵腹從事。則小民之騷擾勒索。不可問矣。朕所以不即察辦倉庫者。正為此耳。財散民聚。洵不易之理。○又片奏密查東省各州縣官虧約有七十餘萬。其中情節微有不同。或衝途差務供應浩繁。或驛站口分。例價不敷。或前官已故。交代難清。或窮苦小缺。疲於捐墊。者有之。或狃於積習。應酬餽送。私囊無措。因而挪用者。亦有之。至若人多心計。缺本素豐。雖一體逢迎。而倉庫齊全者。亦復不乏。故有虧空者不盡劣員。無虧空者亦不盡能吏。總之大吏不能潔己率屬。費用奢靡。取給無度。上司既有欲不剛。屬員遂有恃無恐。種種弊端。皆由於此。今惟有按限勒令完交。而吏治官方亦力加整肅。以冀起色。得旨徐徐辦理。自有成

效百姓足君孰與不足。培養元氣勝於倉庫實貯。奚啻萬倍。至於大吏潔己率屬。各員裁革陋規。皆為善政。以此彌補足矣。捐廉罰銀等事。朕必不為。朕非晏坐深宮不知菽麥之主。汝其勉慎為之。○兩廣總督吉慶奏廣東採挖黎地石礫銅斤。試辦一年。額已短缺。且該處濱臨洋海。多人煎採。恐致滋生事端。似應亟行停止。其省局鼓鑄。仍請運用滇銅。得旨。所辦甚妥。所見極是。仍用滇銅。不必開採。

實錄卷之十一

十六

○貴州巡撫馮光熊奏。川省軍營調補缺額。戰兵已分別派撥馳赴。得旨。兵既出境。須防苗民滋擾。總宜鎮靜彈壓。若有科斂苗民之州縣。苦累苗民之胥役。必嚴叅示儆。自消苗患。斷不可姑息了事。慎勉為之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十一

實錄卷之十一

十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十二

監修總纂官經筵日講起居注官太子太傅武英殿大學士又湖廣總督楊嗣和奉 上諭軍機處管理工部事務翰林院掌院學士隨
帶加二級尋加四級奉 上諭軍機處管理工部事務翰林院掌院學士隨
湖廣總督楊嗣和奉 上諭軍機處管理工部事務翰林院掌院學士隨
領管理工部事務兼管清湖等處總督楊嗣和奉 上諭軍機處管理工部事務翰林院掌院學士隨
監修官太子太傅禮部尚書一書房侍讀武英殿總纂官國子監書務六處總管加二級紀錄官次等
教修

嘉慶四年己未夏四月己丑朔享

太廟遣鄭親王烏爾恭阿恭代行禮○飭臣工勿陳符瑞諭內閣欽天監奏四月初一日日月合璧五星聯珠一摺前因上年十月二十八九夜間衆星交流如織實為天象示警欽天監並未奏聞曾降旨飭諭嗣後占星觀象遇有災異不可諱言偶見嘉祥毋庸粉飾惟當據實直陳原以上蒼垂象無非警惕朕躬可以隨時修省也昨欽天監於初聞雷時循例具奏今復以合璧

聯珠侈陳祥洽則未免誤會前旨轉啟盈滿驕肆之心大失寅畏欽崇之意夫日月合璧五星聯珠皆為前代史冊所載朕亦粗知算法其躔度運行無難推算而得非若景星卿雲麟鳳來遊之可以虛詞附會也然亦會逢其適曾何瑞之足言況現在川陝一帶教匪未盡殄平逾越三年蔓延數省凡我赤子遭荼毒流離者至今未登衽席朕方憫惻戒慎之不遑尚敢侈言符應乎如能逆匪即日蕩平黎民復業吏治肅而政通年穀成而時若其為休應孰過於斯若此等鋪陳侈言祥瑞近於驕泰實為朕所不取其不必宣付史館用昭以實不以文之意○又諭前因原任內閣學士尹壯圖曾奏各直省倉庫多有虧缺經派令慶成帶同尹壯圖前赴近省盤查彼時各該督撫等冀圖朦蔽多係設法挪移彌縫掩飾遂致尹壯圖以陳奏不實降調回籍此皆朕所深知是以降旨令其馳驛來京另

候擢用。今尹壯圖於本日到京。具呈謝恩。據軍機王大臣面奏。尹壯圖現有老母。年逾八十等語。尹壯圖籍隸雲南。距京較遠。既難迎養。若留京供職。則伊母子萬里睽違。朕心實有所不忍。尹壯圖從前尚屬敢言。著加恩賞給給事中銜。仍令馳驛回籍侍母。他年再候旨來京供職。○庚寅諭。內閣向來京城九門以內。從無開設戲園之事。嗣因查禁不力。黃綠開設。以致城內戲館日漸增多。八旗子弟

徵逐歌場。消耗囊橐。習俗日流於浮蕩。生計日見其拮据。自正月初間。大臣科道官員等陳遞封章。及召對面奏者。多有以城內禁止開設戲園為請。朕因兩次面詢步軍統領定親王綿恩。惟稱係粉飾太平之事。不宜禁止。夫太平景象。豈在區區歌舞為之粉飾。況城內一經開設戲園。則各地段該管員役即可藉端訛索。為舞奩肥囊之計。朕亦有所聞。知在步軍統領衙門司員。或有利於其間。自不

願將此事禁止。而綿恩亦以不宜禁止為詞。其意殊不可解。其故亦不必究。存於朕心。再觀後效。現當遏密之時。除城外戲園將來仍准照舊開設外。其城內戲園。著一概永遠禁止。不准復行開設。並令步軍統領先行示諭。俾原開館人等。趁時各營生業。聽其自便。亦不必官為抑勒。自禁止之後。並著步軍統領。八旗滿洲都統。一體查察。如該旗地段有違禁開設。經該都統查奏。即免置議。儻匿不奏。

聞別經發覺者。除將步軍統領及司員等嚴加議罪外。並將該旗都統一併嚴加議處。○軍機大臣等遵旨議奏。馬慧裕條奏軍營安撫事宜。今酌擬照辦者二。一。難民回籍。就人數多寡分起。勻配開日行走。每起不得過三十人。一。嚴禁挾仇許告。如有指首曾經從賊者。以告赦前事。論事不可行者二。一。請將投首之人交出兵器。每起祇准五十人赴營。酌賞盤費。儻羣執器械來者。即用鎗礮轟擊。查

難民乘間來歸。豈能齊以五十人之數。若鎗礮轟擊。尤屬益浪。至酌賞盤費。則前經勒保奏定。每日給糧五合。銀三錢。給路票作為執照。每戶給搭蓋草棚銀五錢。應令照辦。請將回籍之人。令沿途鄉保照料。查鄉保逐段照料。礮難辦理。且恐勒派生事。應歸地方官查察。原議未妥者四。一。難民每日給與廟宇住宿。次日催促起程。其無業者。派充衙門夫役。或與軍流人犯一體支給口糧。或分給入官逆產。或酌分現任官員及在籍紳士之家服役等語。查沿途居住。豈能皆有廟宇。督催起程。勢同驅逐。應飭地方官酌量空閒處所。分指住宿。每日口糧。止作一次領。自不待催促而行。至回籍後。豈能常給官糧。即逆產亦難遍給。若充役恐多誤事。給與官紳服役。又與罪人為奴無異。惟到籍者。原業被人搶占。許稟官追給。事尚可行。一。難民中有無家可歸。無人可倚者。請將年老殘疾之人。分撥附

近州縣支給口糧。應准。至婦女幼孩。勸令仕宦之家。殷實之戶。養育。不定主僕名分。恐紳戶等未盡樂從。況無名分。更難管束。一。由賊營逃出者。兵役人等不得阻滯。應准。至朔望日查點。事涉煩擾。無庸議。一。教匪投誠。予以寬宥。應准。至厚加犒賞。令其寄信邀約。回巢遍傳。非事體所宜。無庸議。擬交經畧勒保另行籌議者三。一。投出之人。分別人數。賞給銀錢頂帶。一。眷口資財。通傳放行。應如何官為辦給。憑據。并酌予口糧盤費。一。年少單身。無家可歸。自不必強令回籍。但口糧可暫不可久。稽察宜分不宜聚。應如何分別安插。暫資盤費。均應妥議。再該護撫稱陝西防守一事。自寧羌至平利。與川省交界。綿亘二千里。兵止六百餘名。將官止有都守三員。勢不能不資鄉勇協助。昨已奉旨添派山東兵一千餘名。應令永保到任後。於各標營內抽調應用。外再嚴飭地方官實力團練。違者查叅得旨。

所議公正簡明。准駁合理。遇報便發。交勒保。並令永保馬慧裕知之。○命荊州副都統達春。更名達冲阿。○以詹事府少詹事陳萬全為詹事。○辛卯。

上詣觀德殿

几筵前行月祭禮。○壬辰。諭內閣。刑部覈議河南省郝和尚。毆傷伊總麻服叔郝太花身死一案。因該犯情切救母。並非無故逞兇干犯。於本內聲明請旨。內閣亦即票擬雙簽。並夾片聲敘。此案郝和尚因伊母郝徐氏與郝太花爭鬻起釁。郝徐氏被郝太花推跌。並用木橛向毆。郝和尚自應上前救護。但郝太花所持木橛。業被郝和尚奪回。則郝太花已係徒手。並非事在危急。郝和尚乃用木橛回毆。以致傷重殞命。自應照律定擬。又何得以救母情切。即照該撫原擬聲請減等。轉失平允。郝和尚著按例應斬監候。秋後處決。屆時入於緩決。嗣後遇有似此案情。皆應照例定擬。無

庸於本內聲明。內閣亦無庸再用夾片。○癸巳。諭內閣。據恒瑞馬慧裕奏。現辦軍需地方。經理需人。與他省情形不同。請將升調委署事宜。俟軍務告竣後。再遵新例辦理等語。前據御史李蘧條奏。省會首邑及府州縣丞倅等官。題調出缺。不准將不合例人員奏請升調。其未經卓異保薦之佐雜。不准委署州縣。業經吏部議准通行。固不得輕議更張。但現辦軍需地方。正在用人之際。自與他省情形不同。亦不得不量為變通。免致貽誤。且佐貳中承辦軍需出力者。自復不少。亦當予以鼓勵。以堅其急公向上之心。所有四川陝甘湖北省分。嗣後遇有丞倅州縣缺出。准其於本班及佐貳中。擇其才堪勝任。及承辦軍需出力之員。酌量升補。其緊要州縣缺出。如本班乏人。亦准於佐貳中出色之員。酌量委署。一俟軍務告竣。即仍照新例辦理。他省不得援以為例。各該督撫等務須秉公無私。慎選良

吏以期經理得人。如有始勤終怠之員。亦當隨時更正。毋得徇偏私。致有貽誤。○又諭據達慶等奏。巡漕御史德舒翁阿。因回空鎮江幫船。攜帶白鉛。輒令押回通州。不容隨幫南下。並將旗丁發交通州拘禁。誠恐回空遲誤。請將該御史交部議處等語。向例漕船原准攜帶土宜。今鎮江幫船所帶白鉛。即係倭鉛。並非違例之物。且數未及一百二十六石之額。該御史即押令北上。不容隨幫南下。又不即時訊明發放。輒因私事往燕郊駐宿。豈不有誤。回空達慶等於接到稟報後。即馳回通州查詢。並飭將所押船隻放行。尚知以公事為重。至該御史德舒翁阿辦理此事。殊屬不曉事體。著交部議處。並即行撤回。所有巡視通州漕務。著該衙門照例帶領引見。另候簡放。○又諭興奎奏。審擬回民丁成傑殺死馬忠德一案。依謀殺律問擬斬候。摺內聲明新疆向來辦理謀故重案。審明後。俱恭

請王命。即行正法。因現奉諭旨。問刑衙門俱應專引本律辦理。是以遵照擬斬候等語。此案丁成傑因懷恨馬忠德。逞忿殺斃。係屬尋常命案。自應照例定擬。原不必即請王命正法。丁成傑著依議。應斬監候。秋後處決。此案興奎等所辦。尚是。至新疆與內地不同。如遇殺一家二命三命。及謀故重案。審明後。仍應按照向例。請王命。即行正法。若因有專引本律諭旨。過於拘泥。驟行問擬斬候。則又何用頒發王命旗牌為耶。○甲午。常雩。祀天於圜丘。遣怡親王永琅恭代行禮。○賞會試年老舉人周大器等。司業檢討學正。職銜有差。現任教諭張玉柱。劉瑛。訓導馬徽典。俱以加銜留任。○乙未。上素服。詣太和門。恭閱大行太上皇帝尊謚。

冊寶行禮畢回宮更縞素詣

觀德殿恭候

冊寶至

上詣

大行太上皇帝梓宮几筵前恭獻

冊寶

冊文曰

功巍文煥百王集美善之成

德盛化神萬世崇顯融之號

御寓久而彌孚淪浹入人深而益切慕思寶啟

藏函牒尊彝典欽惟

皇考大行太上皇帝道參幃載治協登咸悠遠

本乎至誠胥億兆之心皆共見會歸建於

皇極寧言動之紀所能賅敬舉大端式彰

至德恪

精禋而歲展法

寶錄以晨瞻議禮制度以立之規模載道因文

而垂為作述觀民設教斗車運虞帝之巡者

武定功桐鼓叶軒皇之曲子惠民隱計周於

飢食寒衣整飭官常情篤於父生師教翕河

恬海告績底於平成蠲漕免鑿廣惠施於億

秭輕重常矜於庶慎經營不役於子來由一

二日之萬幾不忘兢業故六十年如一息坐

致平康

言必稱

天

念惟省歲備五福以為敷錫躋

九旬而未倦勤溯始建於一元最為長久獲

親承夫七世下逮曾元昉興極日出入之區琛

賁輯歲朝貢之國民生而少而壯而老長嬉

遊調幕之中

乾象為天為父為君咸實涕遺弓之日莫名駿

烈思薦鴻稱集黎赤以僉謀酌古今之通義

詩歌融朗易著粹精

天之高也無窮

德之純亦不已冀克紀懿鑠彰明之實庶以抒

親賢樂利之忱謹奉

冊寶恭上

尊諡曰

法天隆運至誠先覺體元立極敷文奮武孝慈神聖純皇帝

廟號曰

高宗流徽有赫揚烈無疆伏冀

照臨永綏禔福謹言○

孝淑皇后殯宮月祭遣官行禮○諭內閣尹壯

圖奏清查各省陋規一摺據稱各省陋規請
慎選廉潔重臣飭往各省眼同督撫逐一清
查乾隆三十年舊有者若干以後續加者若
若干聽各屬紳士父老一一證明悉照三十年
所有陋規勒為成式其續增科派悉行裁革
等語陋規一項原不應公然以此名目達於
朕前但州縣於經徵地丁正項以火耗為詞
畧加平餘或市集稅課於正額交官之外別
有存剩又或鹽當富商借地方官勢出示彈

壓年節致送規禮其通都大邑差務較繁舟
車夫馬頗資民力皆係積習相沿由來已久
祇可將來次第整頓不能概行革除今若遽
行明示科條則地方州縣或因辦公竭蹶設
法病民滋事巧取其弊轉較向來陋規為甚
至於分別二十兩以下者毋庸覈辦二十兩
以上至數萬者留半辦公其餘分幫衝途苦
缺定為成式是明導以取財之方未受其益
先受其害流弊有不可勝言者且所謂廉潔
重臣一時既難其選儻所任非人權勢過盛
尤屬非宜況令周歷各省傳集紳士父老詢
問年規數目俾之逐一證明尤覺煩擾紛歧
未協政體尹壯圖所奏實不可行前已有旨
令尹壯圖回籍侍養著即於百日大祭行禮
後起程並加恩賞給伊母大緞二匹交尹壯
圖帶回以示恩眷至尹壯圖現係給事中職
銜准其在籍奏事所有呈遞奏摺即交雲南
巡撫轉遞但須擇緊要事務據實入告不得

因有奏事之責。遂爾挾制地方。想尹壯圖亦不肯出此也。○又諭本日召見朱珪。詢問蔡新之子曾否在京會試。據奏蔡新有子蔡本俊。係內閣中書。現在入場未經中式等語。蔡新在上書房行走有年。老成謹慎。以大學士予告在籍。年已九十有三。伊子蔡本俊著加恩一體殿試。○又諭宜綿自辦理川省軍務以來。並不親率將弁。認真勦賊。惟事畏縮退。致誤軍機重務。是以降旨令其解任來京。昨到京時。伊並未專摺請罪。及召見面詢軍營情形。止稱兵少賊多。於勦撫機宜地名遠近。概不能詳悉陳奏。因詢以在大成寨蓋屋居住之事。伊居然直認不辭。毫無知罪畏懼之意。隨令軍機大臣將朕所批伊摺給予閱看。乃多方辯飾。惟以慚愧為辭。僅請將太子太保銜革去。仍不自伏愆尤。實屬全無天良。出於情理之外。宜綿身任陝甘總督。貽誤軍務。其罪與秦承恩相埒。且係滿洲大臣。帶兵

打仗。是其專責。更非秦承恩書生可比。姑念賊匪竄入陝省時。宜綿尚在川境。與秦承恩之專在陝省防堵者不同。且秦承恩閉城自衛。忍令被難民人大遭荼毒。而宜綿尚無此等情罪。是以未將伊革職。拏問查抄。至伊雖曾經具奏老病情形。亦不過虛詞搪塞。自為委卸地步。試問伊屢次奏報打仗殺賊。為虛為實耶。其昧良負恩。實難辭咎。究念伊老病。免其治罪。宜綿曾任烏魯木齊都統。於新疆情形尚為熟悉。著加恩賞給三等侍衛銜。棄瑕錄用。自備資斧。前往烏里雅蘇台幫同綿佐辦事。不必謝恩。請訓即行起程。伊子瑚圖靈阿亦著即赴新任。不許在京逗遛。其烏里雅蘇台叅贊大臣那敏泰著來京供職。○丙申。以恭上

高宗純皇帝尊謚禮成。詔示天下。詔曰。自古帝王陶鈞萬彙。統輯羣元。駿德懋乎昌圖。鴻猷昭乎顯祚。莫不冊稱建謚。稽典崇徽。所以臚

輿恂之欽崇。迪前光而敷賁也。欽惟我

皇考大行太上皇帝聰明天亶。

莊敬日強。裕至誠不息之原。恢悠久無疆之量。

顧謚嚴於明旦。健法

乾符。對越肅於

郊。

壇。靈甄

昊貺。莅耕藉畝。接盛而

太室升馨。展謁

珠邱。肅駕而神區薦祐。述卧碑則恪循

祖制。誦

實錄。則疊奉

宸謨。紹封追復。夫星潢加秩。延光於玉牒。禮崇

勲舊。表正官常。萬幾洞燭。以批章。百職偕升

而對陞。八成經治。利契周知。六計旌廉。勸懲

交屬。讀召誥而旨通無逸。屏揭

天題。繹皋謨而業勛維勤。經詮

御論。肝宵屢注。驛賧遙軫。夫禾疇。暘雨馳諏。農

部詳稽其穀數。畝糧五道。漕糈三蠲。再弛積

欠。以加恩。屢眷偏災。而給復。春臺布愷。展賑

新韶。輦路流膏。原逋近邑。導奔湍於鯁壑。水

匯清黃。捍歸汐於鱗塘。瀾消龕赭。勤恤民隱。

諏咨徧逮。疆臣荒度土功。修建頻頒。國帑酌

刑章。而定讞。罪疑惟輕。蒐軍實以治兵。師出

以律。體國經野。創制顯庸。憲章奉乎

五朝。法度軼乎三代。表元功而薦玉。

社稷。虔禮秩祀典之升香。銅籙定制。珍瓊納賁。

鐫冊寶則景煥

前光。禮器編圖。酌古今以宣昭。茂桀罇鐘特磬。

律叶中和。玉路金根。儀陳鹵簿。纂三通而作

則。不愆不忘。邁六典以成書。之綱之紀。司天

揆度。撫辰稽儀象之占。拓畝增編。隸宇廣方

輿之記。至於

觀文成化。載道敷言。文富三編。詩盈五萬。纂修

圖籍。嘉惠儒林。訓士以雅正。清真貯書於淵

源。津朔四詩定譜。叶風雅。頌於樂章。三史糾

訛譯遼金元之國語。武英校刻聚珍彌廣。夫
開雕天祿收儲。搗藻特遴其精善。石經正誤。

迴軼開成。獵碣排章。重摹史籀。

親臨闕里。創建辟雍。京闈定額於興桓。庠校增
員於鎮迪。詞科再舉。明經尤特獎耆儒。恩榜

七開。召試復頻。彞髦士。

英謨耆定。

毅烈布昭。軍政總於中樞。戎功習乎大閱。疊十
九矢而命中。

聖武維揚。逾三萬里以恢疆。

天威有赫。冉駹益地。兩金川咸籍輿圖。回準犁

庭。四衛拉借。承帶礪掃。海氛於赤嶽。逆翦臺

員。貢驃樂於朱波。誠攄緬甸。敷高不戰。南交

稽首以朝正。續邁無前。廓喀齋心而班表。若

土爾扈特之歸順。暨痕都斯坦之輸琛。安集

延書奉右旋。哈薩克馬來西極。仰霆威而震

疊。七德昭銘。廣風化於昇平。十功贏績。惟迪

知

上帝命能保惠于庶民。用敷遺後人。麻俾緝熙
于純嘏。天不已純亦不已。允慶登咸。大可為
化不可為。莫名巍蕩。溯自

膺圖升炷。初基中繩。

祖之誠。洎夫昇噩。傳心周甲。愜告

天之志。元辰禪授。越三載而

訓政彌勤。壽寓康寧。躋

九旬而勅幾罔倦。朕沐

恩埏埴。秉

誨宮廷。深欣侍養之方長。遽悼

升遐而何怙。終天銜恤。哀慕滋深。率土臚誠。

徽稱聿聞。謹命諸王貝勒大臣文武羣臣。敬考

彝章。恭薦

謚號。百辟卿士。僉言允符。肇舉上儀。恪遵曩制。

祇告

天

地

宗廟

社稷於嘉慶四年四月初七日奉

冊寶恭上

皇考大行太上皇帝尊謚曰

法天隆運至誠先覺體元立極敷文奮武孝慈

神聖純皇帝

廟號曰

高宗既象功而昭德宜錫類以推恩所有事宜

開列於後。一嶽鎮海瀆廟宇傾圮者該地方

官奏明修葺以致誠敬。一內外大小各官除

各以現在品級已得封贈外著照新銜封贈

一在京滿漢文武大小官員俱各加一級。一

在京王公文武官員任內有革職留任及降

級罰俸者咸予開復。又在京官員現在議降

議罰者悉行豁免。一外藩蒙古王公以下台

吉以上有罰俸住俸者咸予開復其現在議

罰者悉行豁免。一會試文武舉人已經中式

者除過犯黜革外其有殿試謄寫錯誤不合

體式者禮兵二部察明覈實准其再行殿試

一鄉試已經中式文武舉人除過犯黜革外

其有磨勘原卷字句錯誤以致停科者俱著

寬免准其會試。一滿漢孝子順孫義夫節婦

該管官細加諮訪確具事實奏聞禮部覈定

以憑旌表。一各省道路橋梁間有損壞者著

地方官查明修理以利行旅。一各處養濟院

所有鰥寡孤獨殘疾無告之人有司留心以

時養贍勿致失所。一現在內外監候質審及

干連人等俱著准其保釋。一軍流人犯有本

人身故其妻子情願回籍者該管官報明該

部准令各回原籍於戲。一顯王承俾四方從

欲以治是彝是訓實萬世無疆之庥用慰羣

情宣昭盛典布告天下咸使聞知。○丁酉

上詣觀德殿

几筵前行百日大祭禮禮成釋縞素。○免陝西

被賊滋擾之孝義五郎咸寧長安藍田渭南

鄠盤屋寶雞岐山扶風郿留壩寧羌南鄭城

固洋西鄉畧陽沔褒城鳳華漢陰安康平利

紫陽洵陽石泉白河商南鎮安山陽雒南
三十五廳州縣新舊額賦並鄰近賊氛之咸
陽興平臨潼高陵涇陽三原富平醴泉隴鳳
翔汧陽潼關大荔華陰韓城蒲城白水澄城
郃長武淳化乾武功永壽二十四廳州縣新
舊額賦十分之三○戊戌諭內閣本年正月
內遣禮部右侍郎恒傑副都統張承勳前赴
朝鮮恭頒

大行太上皇帝遺詔該二員陛辭時朕曾面諭

以伊二人此次奉使朝鮮係因齋頒

遺詔非如常時之勅封國王及世子可比如該
國王有餽送使臣禮儀伊等不得收受原係
朕體恤藩封之意乃昨據恒傑等回京復命
奏稱該國王接奉

遺詔極為恭謹並曾備送禮物伊二人堅卻不
受該國王復再三懇收並將原奉

高宗純皇帝准收正禮諭旨呈出閱看伊等仍
不收受轉令差人將禮物齋隨渡鴨綠江而

於行抵江岸時囑令原使帶回等語所辦殊
屬拘泥不曉事體伊等充使時朕未知

高宗純皇帝曾經降有諭旨是以令其勿受禮
物今既據該國王再四懇陳則伊二人自可
酌量收受以申其恭順之意於到京後據實
陳明方為合理否則一面收受一面將原奉
高宗純皇帝諭旨恭錄齋呈朕覽亦未為不可
抑或竟不收受亦尚屬正辦豈有徒令彼國
差人齋隨到江復又卻回轉致彼國遠道攜
隨煩勞該國驛站種種錯誤現已令軍機王
大臣傳到恒傑張承勳面同該國差來正副
使臣將伊二人傳旨申飭並著將恒傑張承
勳交部議處其拘泥錯誤緣由諭知該國王
所有該國齋隨禮物之人與伊並無不合該
國王毋庸加之責罰嗣後該國遇有喜慶事
件遣使到彼該國王仍可遵照

高宗純皇帝諭旨辦理以示懷柔而申忱悃○
己亥

上詣

大高殿行禮○諭內閣內閣侍讀學士趙秉冲在懋勤殿行走有年學問尚優人亦謹慎著加恩照陳孝泳之例同南書房翰林一體行走○免四川被賊滋擾之奉節大寧巫山雲陽萬開達東鄉太平新寧忠梁山墊江酆都江北涪合長壽定遠閬中蒼溪南部廣元昭化巴通江南江南充儀隴蓬廣安營山渠大竹鄰水岳池三十六廳州縣鄰近賊氛之石砬巴壁山劍西充五廳州縣本年額賦及未完二年三年額賦十分之三并緩徵鹽茶稅課○庚子諭內閣昨據魁倫等叅奏吏部郎中和德一案交成親王永理等審問訊出和德次子福舒三歲時議定原任刑部郎中達冲阿之女為妻彼時達冲阿之女尚未選過秀女等語八旗及內務府三旗女子例應選看一次未經留牌者方准許字於人其未及歲未經選看者如即私許字人不但有違定

例儻經選看留下名牌殊不成事即如朕現在二十七箇月素服內仍於八月間選看內務府三旗女子明年二月選看八旗秀女原恐未選女子婚配失時俟選看後再行字人亦不為遲著通行曉諭八旗及內務府三旗嗣後未經選過秀女私行字人者著永行禁止○追封

孝儀純皇后曾祖父原任護軍校嗣興祖父原任總管內務府大臣武士宜為三等公曾祖

母陳氏祖母年氏晁氏為公妻一品夫人祭一次建碑修墳如例晉封

孝儀純皇后姪孫一等侯花沙布為三等公世襲罔替○以詹事府詹事陳萬全順天府府

尹莫瞻萊為內閣學士兼禮部侍郎銜○辛丑

上詣觀德殿

几筵前供奠○諭內閣上年籲請恭辦

皇考九旬慶典欽奉

勅旨特開鄉會恩科本年正月內猝遭

皇考大事朕當哀痛迫切之時曾降旨因慶典既不能舉行并將恩科停止茲過百日後復恩開科一事乃

皇考嘉惠士林至意今朕不獲祝嘏承歡以天下養愜率土臣民之願而惟此作人盛典為皇考已沛之恩自應仰體

聖慈無庸停止俾天下士子仍得普霑

遺澤倍深感慕所有恩科文武鄉試著於庚申

年舉行其文武會試著於辛酉年舉行○晉

封

孝淑皇后兄一等侯盛住三等公○以故奉恩

將軍英齡子福向阿襲職○以內閣學士莫

瞻萊兼管順天府府尹事○予湖北陝西陣

亡叅將保衡千總謝鳳詔理問李炯從九品

張瑛協領川德佐領富蘇防禦五十名驍騎

校額勒金護軍校舒靈尼瑪那藍翎長雙靈

保花沙布祭葬世職浙江出洋捕盜傷亡叅

將陳國棟把總邵大貴祭葬卹廕兵丁陳東

海等三百四十三名賞卹如例○壬寅以通

政使司通政使舒聘為都察院左副都御史

○命喀喇沁鎮國公丹巴多爾濟科爾沁輔

國公鄂勒哲依圖在紫禁城內騎馬○旌表

守正捐軀河南上蔡縣民余振海媳陳氏○

癸卯

上詣觀德殿

几筵前供奠○以故喀爾喀土謝圖汗扎薩克

貝子遜都布多爾濟子凝保多爾濟襲爵○

以詹事府詹事納清保為內閣學士兼禮部

侍郎銜○旌表守正捐軀四川蒲江縣民羅

經文女長姐

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十二

實錄卷四十二

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十三

監修總纂官臣等謹將仁宗受天興運敷化綏猷崇文經武孝恭勤儉端敏英哲睿皇帝實錄卷之四十三

奉 聖 訓 臣 等 謹 將 仁 宗 受 天 興 運 敷 化 綏 猷 崇 文 經 武 孝 恭 勤 儉 端 敏 英 哲 睿 帝 皇 帝 實 錄 卷 之 四 十 三

奉 聖 訓 臣 等 謹 將 仁 宗 受 天 興 運 敷 化 綏 猷 崇 文 經 武 孝 恭 勤 儉 端 敏 英 哲 睿 帝 皇 帝 實 錄 卷 之 四 十 三

奉 聖 訓 臣 等 謹 將 仁 宗 受 天 興 運 敷 化 綏 猷 崇 文 經 武 孝 恭 勤 儉 端 敏 英 哲 睿 帝 皇 帝 實 錄 卷 之 四 十 三

奉 聖 訓 臣 等 謹 將 仁 宗 受 天 興 運 敷 化 綏 猷 崇 文 經 武 孝 恭 勤 儉 端 敏 英 哲 睿 帝 皇 帝 實 錄 卷 之 四 十 三

欽

嘉慶四年己未四月甲辰

上詣觀德殿

几筵前供奠○命喀爾喀四等台吉賽尚阿在

乾清門行走○乙巳

孝端文皇后忌辰遣官祭

昭陵○丙午諭內閣前曾奉

皇考勅旨

孝淑皇后二十七月後

命立皇貴妃為皇后今已屆期應欽遵

勅旨正位中宮皇后之父恭阿拉著照例封為

一等侯。所有應行冊后典禮。俱俟嘉慶六年
二十七月釋服後。著各該衙門詳查定例。奏
明擇吉舉行。○旌表守正捐軀河南陝州民
張隨成妻孫氏。○丁未諭內閣。本日據宗人
府查奏國初宗室內革去黃帶子孫緣事情
節。開單進呈。朕詳加閱看。禮烈親王代善之
子碩託。曾勸睿親王即位。又穎毅親王薩哈
璘之子阿達禮。亦欲推戴睿親王。此二人悖
妄不臣。顯與國家為難。彼時睿親王具以告
衆。審明處死。在睿親王忠悃可嘉。而伊二人
之罪實難逭。前蒙

皇考高宗純皇帝賜還睿親王等封爵時。而於
碩託阿達禮子孫未經加恩。實係此故。朕恭
閱

實錄。亦熟悉此事。茲二族自應不准復還黃帶。
又貝勒巴雅喇第四子輩阿代。第五子錫翰。
雖無勸進睿親王之意。皆因背國阿附。按律
處死。其子孫亦俱不宜邀准復之恩。至巴雅

喇第二子拜音圖。雖亦在阿附之列。但未經
處死。其罪自屬有間。第六子濟瑪祐第八子
德瑪護。係因伊諸兄獲罪。牽連黜革。所有拜
音圖裔孫閒散海福等七人。濟瑪祐裔孫雲
騎尉萬寧等二十餘人。俱著加恩賞還黃帶。
德瑪護現已無嗣。應毋庸議。○又諭朕恭閱
世宗憲皇帝硃批諭旨。於開礦一事。深以言利
擾民為戒。

聖訓煌煌。可為萬世法守。朕每繹思莊誦誌之
於心。因無人以此陳請。未經明諭。今有宛平
民潘世恩。汲縣民蘇廷祿。呈請在直隸邢臺
等縣境內開採銀礦。給事中明繩。輒據以入
告。故特降旨宣示。使知朕意。夫礦藏於山。非
數人所能採取。亦非數月所能畢事。必且千
百為羣。經年累月。設立棚廠。鑿砂煎鍊。以謀
利之事。聚游手之民。生釁滋事。勢所必然。縱
使官為經理。尚難約束多人。若聽一二商民
集衆自行開採。其弊將無所不至。此在邊省

猶不可行。而況近依畿輔。他府猶不可行。而況地近大名。各該處向有私習邪教之人。此時方禁約之不暇。顧可聽其糾聚耶。且國家經費。自有正供常賦。川陝餘匪。指日即可殄平。國用本無虞不足。安可窮搜山澤。計及錙銖。潘世恩蘇廷祿。自因現在開捐。揣摩迎合。覬覦礦苗。思擅其利。乃敢藉納課為詞。以小民而議及帑項。實屬不安本分。俱著押遞本籍。交地方官嚴行管束。毋許出境滋事。至給事中明繩。若係巡城。祇當聽斷詞訟。遇有此等呈詞。亦應飭駁。況伊並非巡城。且係宗室。今以開礦事冒昧轉奏。明係商人囑託。冀幸事成分肥而已。殊屬卑鄙。朕廣開言路。非開言利之路也。聚斂之臣。朕斷不用。明繩摺著擲還。並著交部議處。○又諭。據長麟等奏。請將伯德爾格回民。每年增納金兩錢文。及葡萄折價等項。概行禁革等語。朕體恤回民。前此葉爾羌採運大玉。尚降旨停止。今伯德爾

格所交金兩錢文。本係例外加增。於國家無補毫末。而在回民等。急公輸納。生計不無拮据。長麟等據實奏請革除。所見甚是。嗣後伯德爾格回民。著仍照初定章程。每年祇准貢金十兩。金絲緞二匹。又應進葡萄。亦祇准進二百斤。其每年所增金兩。普爾錢文。及葡萄折價。俱著加恩寬免。以示體恤。○湖廣總督倭什布奏報。勦辦賊首張添倫李傑子等。弁保護竹谿縣城情形。得旨嘉獎。賞叅將董寧川。花翎都司孫應奉等。卅部議敘。○以光祿寺卿孟邵。為太常寺卿。○戊申。上詣觀德殿。几筵前供奠。○以大學士王杰。慶桂。禮部尚書紀昀。右侍郎錢樾。工部右侍郎童鳳三。內閣學士達椿。成書。都察院左副都御史陳嗣龍。為殿試讀卷官。○己酉。策試天下貢士。史致儼等二百九人。於保和殿。制曰。朕誕膺洪祚。統馭廣輪。荷

穹昊之佑申。緬

祖

考之彛訓。兢兢業業。日昃不遑。恒思求帝王之法要。推修齊以致治。平挈刑賞之綱維。釐守令而寧黎庶。當生聚熙攘之後。慮糧莠之潛生。豐亨豫大之餘。懼紛華之相耀。蓋典學所以啟化源。察吏所以培邦本。而豫防姦匪。禁止奢靡。尤所以保泰而持盈。均不可不亟講也。顧明作在乎朕躬。而得失則聽諸輿頌。多

士講習有素。當深知學問經濟之源流。又來自田間。見聞最切。其各抒所見。毋泛毋隱。毋摭拾陳言。虛陳無用之論。朕將親覽焉。溯聖學之源者。必推精一危微十六言。然允執厥中。實為治世之樞要。古帝王不空言心也。易為盡性至命之書。四聖人之微旨存焉。而六十四卦之大象中。如云君子以以者用也。非皆切人事言乎。而好語精微者。顧皆引之於心。然歟否歟。孔門一貫之傳。曾子得之。大學

一篇帝王之全體大用也。條目中節節各有其功力。而真德秀作大學衍義。乃畧治平而不言。果操於一家之內。而國自治而天下自平歟。所謂帝王之學。異乎儒生者。果安在也。閭閻之休戚。恒視守令之賢否。顧守令之中。為民計者十不二三。為己計者十恒七八。其有情迫勢逼。激而上陳者。或曰恐啟刁風。雖知其有據。亦不可不薄懲。或曰恐激衆怒。雖不盡得實。亦不深究。各執成見。牢不可破。其

何術使兩得其平乎。悃悃無華之吏。誠不病民。然緩急或不足恃。強健有為之吏。誠足集事。然得志又或恣睢而橫行。其何以各得其用乎。舉劾不操之上官。非惟不持其柄。不足以驅策羣力。且君門萬里。其長短何由上達。全委之於上官。其覆轍又一一可數也。其何以覈其真乎。天地之大。梟鸞並育。雖三代不能無奸民。奸民惑衆。治之於已成。不如治之於未起。是誠然矣。然守土之吏。或輕忽視之。

以為無害。或懼于譴咎。匿而苟安。不能豫杜其萌也。惟是平時察之不嚴。則不免養奸貽患。察之太嚴。則胥役借此以擾民。或反激而生變。何術而使不枉不濫也。密相勾結。伏莽伺隙者。當必有信使之往來。其何以偵伺之。歟。非道非僧。非寺非觀。無故聚集多人。必露形迹。其何以稽察之。歟。兵役難保。不通賊賊。難保不詭充兵役。又何以辨別之。歟。此當今之切務。有所聞見。其具陳之。風會所趨。人情爭向。太平日久。踵事增華。則奢麗生焉。此雖物力豐盈。故能相誇耀。然積而不返。亦非撙節養富之道也。惟是車裘服飾之細。實不能物物而稽。亦不能人人而察。必一一為之禁止。瑣屑煩擾。恐不可行。其何以酌其中。歟。冠婚喪祭。原有定制。然詩禮之族。或不盡循。里巷小民。尤不能盡齊。論者謂禁止靡麗。當自辨別等威始。辨別等威。當自士大夫始。是或一道歟。抑別有勸諭之術歟。以上四條。或理

關學術之精微。或事切民生之利病。或為人心世道之防。或為利用厚生之本。多士通經致用。今當先資拜獻之始。佇望謠言。冀資啟沃。其成體朕意。各抒嘉謨焉。○旌卹遇賊捐軀湖北隨州貢生李煥。生員徐鳳翽。周宗濂。民人徐道同等二十名。○孝感縣婦女劉侯氏等五十二口。如例。○庚戌。

上詣

宣仁廟

凝和廟拈香。○辛亥。

上詣觀德殿

几筵前供奠。○撥部庫銀一百五十萬兩。解往陝西。以備軍需。○壬子。

上御乾清宮。召讀卷官入。親閱定進呈十卷甲第。○以太僕寺卿閻泰和為順天府府尹。○癸丑。賜一甲姚文田。蘇兆登。王引之。三人進士及第。二甲程國仁等七十四人。進士出身。三甲趙敬襄等一百四十三人。同進士出身。

○諭內閣。前據薩彬圖奏。和坤財產甚多。斷不止查出之數。必有埋藏寄頓。侵蝕挪移等項情弊。刑部查審時。司員等意存含混。應請密派大臣研訊。追究等語。朕以其言不足取。當即詳加開導。不可苛求。昨又據薩彬圖具奏。向伊親戚問出。和坤家掌管金銀內帳。使女四名。請交伊一人至慎。刑司提訊。所言更屬乖謬。薩彬圖係副都統。並非原派籍沒和坤之員。乃忽思越俎。欲以一人獨訊數女子。且開列使女之名。形之奏牘。達於朕前。實為從來未有之事。朕若即加駁飭。轉恐不足以服其心。是以特派怡親王永琅。尚書布彥達。賚同薩彬圖提集使女等。再三究訊。仍無指實。果不出朕之所料。永琅布彥達素稱公正。和平。薩彬圖亦會同研鞫。更有何人為之徇隱。豈伊尚不憑信。必請朕廷訊使女乎。是薩彬圖無知妄瀆之罪。百喙難辭矣。朕所以辦理和坤者。原因其蠹國病民。專擅狂悖。和

坤一日不除。則綱紀一日不肅。是以即於正月初八日。將和坤革職。拏問。宣示罪狀。用申國憲。猶念其在

皇考前扶掖奔走微勞。不忍肆諸市朝。節降諭旨。甚明。天下臣民。自必咸知朕意。自辦理此案後。軍機王大臣。及大臣中。如朱珪等。從未於朕前奏及和坤財產隱寄。乃薩彬圖屢以為言。竟似利其私蓄者然。豈薩彬圖視朕為好貨之主。敢以此嘗試乎。或伊必欲陷朕等

於唐之德宗。伊亦未必有此伎倆也。向來治罪之員。多有應行查抄者。況和坤獲罪重大。焉有不行抄籍之理。自古有籍沒之例。所以懲戒貪黷。初不計多寡。而事株連。即和坤家僕劉全。呼什圖等。亦因平日倚恃和坤聲勢。橫肆不法。招搖受賄。不可不一併查抄治罪。在朕方以辦理此案為日已久。已覺過當。是以諭令速結。不為已甚。而無識之徒。總總計較和坤財產。不惟不知政體。實太不知仰體

朕之本意矣。朕在藩邸時。則一切財用。猶有人己之別。今以天下為家。豈僅以藏諸府庫者視為己有。此項查抄資物。縱有隱寄。自朕觀之。亦不過在天之下地之上耳。何必輾轉根求。近於搜括。間架陌錢等事耶。薩彬圖又以内務府步軍統領官員。均意存袒護。並疑及刑部亦不肯認真究問。則承審各衙門舉不足信乎。又薩彬圖摺內。有和坤窖埋金銀。大概不離住宅之語。和坤之宅。已賞給慶郡王永璘居住。和坤之園。已賞給成親王永理居住。若將所指管帳使女嚴切刑求。必致畏刑。妄供某物埋藏某處。以慶郡王府第。成親王寓園。令番役多人。遍行掘視。斷無此事。豈有令成親王慶郡王自行刨挖之理。現在朕賜公主物件甚多。累日攜運不盡。焉肯轉向公主額駙追問寄頓。況連日閱查抄物件。即隨時頒賜者。亦復不少耶。薩彬圖原以閣學兼副都統。因其未嫻清語。恐以讀本錯誤。獲

咎。故開閣學之缺。令其專管旗務。得資廉俸。養贍。前盛京兵部侍郎出缺時。朕本欲將薩彬圖補授。復念其家計艱難。恐與伊父達椿分居兩地。日用或致不給。故令鐵保前往。又達椿於本年超升閣學。並授蒙古副都統。旋調滿洲旗分。且將伊緣事監禁之女烏蘇氏釋放。是朕之體恤薩彬圖父子。加恩不啻再三。薩彬圖不知感戴。輒以此等謬妄之言。瀆聽。竟似欲藉追究和坤財產為圖報之地。實為卑鄙不堪。聚斂之臣。朕斷不用。前嚴飭給事中明繩開礦一事。旨內詳言及此。薩彬圖寧不知之耶。又薩彬圖曾奏請派京兵五千名。交伊一人帶往剿賊。今又奏請獨審此事。薩彬圖才具平庸。有何閱歷。而於出師讞獄之事。自任不疑。若此其謬妄冒瀆之咎。實難寬貸。薩彬圖著交部嚴加議處。先將副都統開缺另簡。至所奏伊戚告知管帳使女之語。乃刑部員外郎哈豐阿所言。哈豐阿係刑部

司員既有所聞何不稟知堂官乃私向親戚
議論實屬意存取巧哈豐阿亦著交部嚴加
議處即行開缺嗣後大小臣工不得再以和
珅資產妄行瀆奏將此通諭知之○以署鑲
黃旗滿洲副都統富敏泰為鑲藍旗蒙古副
都統○甲寅諭內閣刑部審訊和珅家奴劉
全太監呼什圖等分別定擬一摺劉全呼什
圖等以下賤家奴太監倚藉和珅聲勢招搖
受賄婪索多贓恣肆妄行目無法紀今刑部
將該二犯俱按律問絞監候所議雖是但朕
辦理此案以和珅之蠹國病民專擅狂悖尚
且法外施恩賜令自盡況其家奴太監祇係
狐假虎威倚勢營私情同為從自應稍從末
減且即照刑部所擬辦理將來秋審時亦不
予勾而該二犯仍令監禁轉得安坐囹圄支
食囚糧本案雖已辦結而留犯在監猶恐無
識之徒從中搜剔又復妄疑留查寄頓別生
枝節劉全呼什圖俱著從寬發往黑龍江給

索倫達呼爾為奴遇赦不赦其擬發駐防為
奴之劉印劉陔王平方二張五方大胡六方
四周七等犯俱著依擬分發廣東福建省分
給駐防兵丁為奴不許發往近畿腹地此數
人如有脫逃頂替等項情弊一經發覺即行
正法自此定案之後斷不許撫拾浮言復事
吹求必欲陷朕等於貪利之主是欲為和珅
報復矣諒諸臣亦不忍為也○予四川陣亡
副將王桂祭葬加等世職如例候補守備楊
廷璧千總趙復興把總馬勁姜熊外委柯南
杞王者仲謝復榮王正林楊興蘭和白英屯
外委巴克唐阿喇木喀爾濟祭葬世職武生
許照滋兵丁宋明義等三百六十三名賞卹
如例○乙卯
上詣觀德殿
几筵前供奠○丙辰諭內閣戶部議覆吉林將
軍秀林等請減放漫票一事酌令吉林減票
五十張伯都訥減票二張阿勒楚喀減票二

張三姓減票三張等語。吉林等處承辦淺票。原因係該處土產。照例採挖呈進。朕從不以此為重。近年以來。該處出淺較少。自應諒為調劑。以示體恤。因念現在在京臣工等。咸知謹飭守法。自皆謝絕苞苴。專藉所入俸廉。未免稍形支絀。是以本年特將內庫餘淺。賞給王公大臣。減價分買。俾其得霑餘潤。將來淺票既減。交淺較少。則王公大臣領買之數。亦不能不稍減於今。但此事甫經行之一年。多

寡數。目本無定額。今因淺斤減。票少。交將來賞買時。即為數較減。在臣工等必無怨心。而商民得受其益。自應如所議辦理。將此通諭知之。○引見丙辰科散館人員。得旨。此次翰林散館之修撰趙文楷。編修汪守和。帥承瀛。業經授職。其清書二甲之庶吉士吳邦慶。漢書二甲之庶吉士陸以莊。張錦枝。陳蘭疇。黃焜望。沈學厚。李錫恭。蔡之定。陸泌。趙慎畛。靳文銳。狄夢松。蔡維鈺。邱勳。戴殿泗。俱著授為

編修。清書三甲之庶吉士韓克均。漢書三甲之庶吉士李可端。俱著授為檢討。秦淵。邱立和。那爾豐。阿。劉澤。吳。貽詠。汪德鉞。李華。慶。俱著以部屬用。○革成都將軍富成職。交刑部審訊。以貽誤軍務故也。○以署正黃旗漢軍都統慶成。為成都將軍。鑲白旗漢軍副都統范建中。署正黃旗漢軍都統。○以直隸督標中軍副將凝德。為巴里坤總兵官。○丁巳。上至靜安莊。

孝淑皇后殯宮前奠酒。命

皇次子（闕）行釋服禮。○詣

雍和宮行禮。

火神廟拈香。○諭內閣。刑部具題議覆陝西

省民人曹得華等謀殺陳東海一家三命。將

曹得華定擬凌遲處死一案。詳覈案情。曹得

華因伊父曹金陵。係被陳東海關毆殺死。陳

東海擬抵減等。遇赦釋回。曹得華蓄意報讐。

商同蘇良隴等。將陳東海連毆斃命。陳東海

之母吳氏。攜孫陳黑子探聽下落。從曹得華門首經過。曹得華瞥見。慮其查出報官。復商同蘇良隴。將陳吳氏陳黑子砍毆滾溝。同時殞命。此案曹得華為父報讐。若僅將陳東海殺害而止。則照例定擬。尚可入於緩決。永遠監禁。今因殺死讐人之母子。總計一家三命。問擬凌遲。原屬按律辦理。惟是曹得華究有為父報讐情節。且殺斃陳東海後。若因忿逞兇。復找尋至陳東海家內。將伊母子一同殺

律例

上

害。自應依殺一家非死罪三人律定擬。今因陳吳氏陳黑子在伊門首經過。致被瞥見。恐查詢報官。遂行殺害。則與臨時逞忿連殺數命者。究屬有間。以為父報讐之犯。殺斃三命。固未便稍為寬縱。但有此情節。殺非同時。遂致處以極刑。亦覺過重。曹得華著從寬改依斬立決例。即行處斬。其家屬並免發遣。蘇良隴業經病故。外曹子金依擬應絞。著監候秋後處決。又據刑部題覆。山東省趙興文行竊

圖脫。拒傷事主。於絞罪上量減一等。問擬杖流一案。此案趙興文聽從商密行竊。崔玉占家商密攜賊逃跑。趙興文被崔玉占追趕。抱住情急。圖脫。遂拔佩刀將崔玉占連扎脫身逃走。因崔玉占之父崔治。上前幫捕。又復刀扎崔治倒地。雖傷俱平復。然以竊賊臨時拒捕。刃傷事主父子二人。情節已屬兇橫。與尋常為從者不同。商密一犯在逃未獲。則趙興文所供為首起意。及令商密將原贓送至事

律例

上

主家隔牆捺還之語。亦無證據。恐係避重卸罪。且趙興文又無自首情事。屢經犯竊。今遽以一面之詞。量減定擬。未為平允。趙興文著改為應絞監候。入於緩決。並著刑部將此二條纂入例內。嗣後內外問刑衙門。遇有似此案件。即遵新例辦理。○旌表守正捐軀河南唐縣民王拔思妻馬氏。○是月。署河東河道總督吳璥。議奏豫東兩岸隄工丈尺。較前加增。而淤墊如故。其病在豐。曹。睢。疊。經

漫溢雖合龍後循軌安瀾然抽挑引渠不能如舊河寬暢且徐城河窄旁洩過多遂成中梗此壅積之所以為患也去淤之法惟在東水攻沙以水攻沙則必以隄束水近聞河臣康基田培築隄工極為認真應請勅令酌看隄埽情形如果可以敵水各閘壩守得一尺即有一尺之益宣洩有度自可日見深通得旨所議甚屬通暢有須調劑之處汝同康基田札商妥協辦理可也伏讀

實錄卷四十四

十一

皇考聖製文河工關繫民命未深知而謬定之庸碌者惟遵旨而謬行之其害可勝言哉此誠千古不易之論我君臣宜敬守之○和闐辦事大臣徐績幫辦大臣恩長奏和闐向來玉禁褻嚴回民等日用一切什物俱赴葉爾羌採買今既弛禁應將各卡官兵撤回歸伍免致藉端擾累更請每年於官玉採竣後准商民請票出境互相售買玉石得旨所辦甚是總宜恩養回民疆宇寧靜是朕之至願玉

之多少有無何足重輕耶

實錄卷四十四

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十三

大清仁宗受天興運數化綏猷崇文經武孝恭勤儉端敏英哲睿皇帝實錄卷之四十四

嘉慶四年五月戊午朔諭軍機大臣等永保甫經到陝所帶兵丁堪以打仗者僅有千名一遇賊匪能就現有兵力將賊擊退未令竄過華陽不致完善地方又被滋擾此即永保之功但兵力究未免稍單儻急欲見功輕率直前不能將賊匪痛加剿殺轉不足振作士氣永保於督率策勵之中仍宜稍存持重總宜蓄養兵力見可而進將此諭令知之○以四川華陽縣剿賊出力賞協領西林布巴圖魯名號遊擊哈三泰副將銜副將馬兆

敕修

嘉慶四年己未五月戊午朔諭軍機大臣等

瑞泰將富靈保花翎千總姜興清等藍翎○己未

上詣觀德殿

几筵前供奠○諭內閣前曾推

皇考嘉惠士林至意仍舉行鄉會恩科今思祥刑之典為

皇考九旬萬壽應沛殊恩朕雖不獲申祝嘏悃忱仍當仰體

皇考法外之仁停辦秋歡俾得普霑遺澤况雍

正元年乾隆元年暨朕即位初元俱經停勾所有本年情實各犯著推恩停止勾決○又

諭向來宗人府京察一等人員從未簡放外任本年降旨令宗室等一體選用六部並經

吏部議奏宗室保列京察一等應否外用候朕欽定朕思宗室人員向不簡授外任之故

蓋以身為宗室未便復行參謁跪拜之禮用存體制又恐其自恃天潢一派蔑視上司設

有不知檢束營私獲罪轉多礙難辦理之處

嗣後宗室人員自應仍照向例毋庸補放外任。此次保送道府宗人府不必保送。○又諭河工省分各設廳汛員弁專管修防其地方守令無兼河之責者原不應派令辦理河務乃聞近來遇有堵築挑濬大工多藉幫辦為名調派州縣令其貼解銀兩並將上司應賠工程亦令州縣代賠以致派累百姓挪移倉庫本任地方職守且多曠廢著直隸江南山東河南各督撫及河道總督等通行禁止嗣後辦理河工祇准調派丞倅雜職等官不得再派州縣致滋弊竇。○又諭從前額設養廉原為大小官員辦公日用之資乃外省遇有一切差使及無著款項往往議將通省官員養廉攤扣以致用度未能寬裕上司藉此勒派屬員而州縣遂爾需索百姓此弊朕所深知自當概行嚴禁以清吏治而肅官方前日松筠奏請停止攤扣廓爾喀軍需已將朕意諭知勒保松筠著通諭各該督撫凡遇該省

應辦公務原有耗羨備公銀兩可動不得仍前攤扣各官養廉至州縣教職佐雜及吏役等工食亦著仍照舊例即於各州縣徵收耗羨內坐支用歸簡使其餘仍隨正項錢糧儘數解司以杜挪移之弊。○又諭各省兵丁月餉原藉以養贍家口不得絲毫攤扣乃聞各營於差使盤費俱扣通營兵餉即同文員扣養廉相似文員之養廉豐厚尚不可扣況衆兵月餉幾何忍心扣取以致伊父母妻子啼飢號寒而欲使之盡力操練豈可得乎。又提鎮等查閱營伍時亦於餉內攤扣費用兵丁等養贍無資或在外兼習手藝訓練生疏營伍廢弛所關非細著各督撫提鎮嗣後兵丁差使盤費俱當於各營留存公項內籌撥不得攤扣月餉並嚴禁一切酬應私費儻敢陽奉陰違一經發覺必當從重懲治再各營占役兵丁之弊前因步軍統領衙門各員私用步甲曾降旨令各省通行飭禁再在京都統

等衙門跟班馬甲。亦曾諭令不得過二人。今外省提鎮以下。將在伍之兵任意役使。甚至以工匠人等亦令食糧。以致操防反屬虛名。而兵丁竟成虛設。並著各督撫提鎮查明嚴禁。以肅營制。而昭覈實。實力奉行。○廓爾喀額爾德尼王喇特納巴都爾。請以其子吉爾巴納租塔畢噶爾瑪薩野襲爵。從之。○庚申孝誠仁皇后忌辰。遣官祭景陵。○

上詣觀德殿

几筵前行月祭禮。○諭內閣。本年各宗室等准用部署司員。遇考試年分一體考試。監禁者俱令釋放。凡此恩眷稠疊。實為篤愛宗室之意。各宗室等自當顧惜顏面。諸凡謹慎。近見宗室內竟有任意逃走者。朕心甚為不悅。所有逃走之閒散宗室文光著咨行各處嚴行緝獲。照例辦理。總族長及族長等著交部察議。嗣後宗室王公等務各加意約束。近支宗

室各全顏面。以副朕疊需恩施之意。○又諭嗣後宗室內有逃走者。派司員赴伊家詢問。不必將該逃人之妻傳至宗人府。○又諭據侍郎恒傑奏稱。昨在靜安莊祭奠。誤穿藍袍。自請交部議處。並稱應行恭奉祭文之紀昀。有閱卷差使。而該司員伊勒圖並未豫行致信。伊臨時方知。即代紀昀恭奉祭文。請將該司員伊勒圖交部嚴加議處等語。所奏殊屬過當。祭奠雖應穿青長袍。然各處傳行不

一。昨祭奠處所穿藍袍者不少。非止恒傑一人。朕於此等疏忽細故。從不深究。所有恒傑誤穿藍袍。毋庸交部議處。至司員各有承辦本部公事。其未能致信及未往齊集。亦屬常事。尚非大過。恒傑係禮部侍郎。本部尚書有別項差使。自應知悉。尚須司員致信耶。恒傑殊屬糊塗。不曉事體。該司員伊勒圖著從寬免其交部嚴加議處。恒傑著交部議處。○諭軍機大臣等。吳熊光奏飛咨恒瑞承保並劄

知台斐音酌量情形。如可將山東官兵截赴明亮軍營。鄆清江北賊匪。再移赴南岸勦辦。等語。殊屬越分陳奏。已降旨嚴行申飭。軍旅重務。移步換形。全在隨時酌量機宜。決策制勝。豈有懸揣遙度之理。軍營辦理軍務。自應遵奉諭旨指示。次則聽經略調度。如所降之旨。各該大臣於接奉後。或賊情復有變更。尚不可拘泥遵旨。何況鄰省一巡撫之知會書札。欲令人一一遵照乎。恒瑞永保惟在斟酌事機。妥協經理。所有接到吳熊光一切咨會。不合機宜。竟置之不理。可也將此傳諭知之。○授一甲一名進士姚文田。為翰林院修撰。二名進士蘇兆登。三名進士王引之。為翰林院編修。○辛酉。諭內閣。據吉慶奏粵東西北兩江春漲。並發護田圍基。聞被水衝。查勘趕修一摺。南海等七縣圍基。係屬保護田廬。關係緊要。既經被水衝損。自應趕緊修葺。現在該督已將藩庫存貯項內。先行動撥應用。此

項銀兩。若仍令歸還。民力不免拮据。著即加恩賞給。免其完繳。至此被水地方。雖屬一隅偏災。但該處圍基內民田廬舍。猝遭淹浸。恐小民生計維艱。並著吉慶等查明被水地方。本年春徵。或有應需蠲緩之處。即行據實奏明。再降恩旨。○引見新科進士。得旨。一甲三名。姚文田。蘇兆登。王引之。業經授職外。程國仁。湯金釗。吳賡枚。汪桂。汪如淵。梁運昌。白鎔。李翊。鮑桂。星。宋湘。史致儼。張惠言。李端。丁履泰。徐名紱。蔣雲官。吳榮光。戴聰。李本楡。李象鵠。陳超。曾吳。鼎。趙在田。花杰。黃鳴傑。毛謨。張師泌。彭蘊輝。俞恒潤。朱淶。楊世英。許鎰。張述燕。胡大成。曹汝淵。任伯寅。周開謨。吳其彥。孔昭銘。陸言。錢昌齡。何南鈺。陳壽祺。趙玉。彭良裔。象曾。趙敬襄。李光晉。張傳霖。董大醇。周錫章。王廷紹。莫與儔。淡士。濤。廉能。張鱗。毛式。邨。賴。勳。許亨超。黃郁。章。楊汝達。覺。羅。桂芳。姚廷訓。張澍。貴。慶。陳鍾麟。林天培。賞。錯。祝。孝。憑。

盧坤著改為翰林院庶吉士。程同文。盧浙。蘇琳。涂以翰。趙學轍。方應綸。汪恩。莫南。米陳謨。牛坤。何朝彥。黃思宸。張錦珩。韋運標。余需元。賈履中。余本敦。孟晟。朱學邃。胡秉虔。馮大中。劉尹衡。俞恒澤。劉陶。程祖洛。張紹學。黃維烈。蔡本俊。何蘭馥。許宗彥。楊騰達。張業南。張運煦。林東垣。馬丕基。萬雲錢。枚。朱桂楨。柏齡阿。齊正訓。彭鳳儀。王庭華。康紹鏞。蔡鑾揚。李煩。將翎。徐寅亮。楊本昌。王檢。張之屏。珠爾杭阿。

孫喬齡。崔永福。宋其沅。廉善。楊樹基。徐文驤。黃燮。吳鼎臣。李向榮。蕭應午。楊名昇。唐儼。歐陽厚均。王維鈺。林鍾岱。溫際清。賈聲槐。劉台斗。朱嗣韓。馬德表。吳準。郝懿行。羅宸。周維翰。應軒。李遠烈。徐旭。曾佛保。張聖愉。著分部學習。陳汝梅。周悌。邵自錦。汪桂林。椿齡。王家景。蕭鴻圖。王東林。高世書。石鼎葉馥。王顯文。張兆安。孫猷。崔象山。著以知縣即用。餘著歸班銓選。○諭軍機大臣等。廓爾喀額爾德尼王。

喇特納巴都爾請將伊王爵與伊子吉爾巴納租塔畢噶爾瑪薩野承襲已照所請行矣。但喇特納巴都爾之子年甫二歲即與英善等文移交涉。辦理事務於理未協。嗣後向該處頒給勅諭以及行文俱著仍將伊父之名并其子一體列入。將此傳諭英善等知之。○又諭張漢潮被各處官兵追逼欲與張映祥合夥若二逆歸併一處不致分我兵力此實極好機會務須彼此熟籌設法圍擊昨曾降

旨令恒瑞酌量於寧夏駐防滿兵及阿拉善兵內或調一千名或五百名以資協剿。今明亮恒瑞承保已可相晤即著會同商酌如無須添兵則已否則仍遵前旨即行調派。此時緊要機宜不可使張漢潮張映祥兩股合而復分又致兵分見單受其牽制也將此各諭知之。○又諭據貢楚克扎布奏土爾扈特親王車璘烏巴什等一聞

太上皇帝大事即傳集遊牧處喇嘛等念經四

十九日等語。其恭順誠悃甚為可嘉。若准其將銀二千七百兩送京交旃檀寺念經。致其勞費。轉非仰體。

太上皇帝在天之靈。再塔爾巴哈台附近地方。正當出痘。尤不應令其前來。即將其所進銀兩馬匹鞍轡等項。分給該遊牧念經喇嘛等。亦無不可。再車璘烏巴什欲於巡幸木蘭時。不論班次。前來瞻覲。若允其所請。將來各部落均各呈請。又如何分別准駁。貢楚克扎布即用善言曉諭阻止。再車璘烏巴什欲於伊子內派一人作為班第。此係蒙古習俗。聽其自便。僕因

太上皇帝大事告請。則即當以理飭駁。又另片奏稱交易馬匹牲畜前來之哈薩克亦一併曉諭一節。甚是。哈薩克歸服多年。

太上皇帝大事。所有各屬國均已行知。其哈薩克等自應一體曉諭。將此諭令知之。○壬戌諭內閣。昨因恒傑叅奏禮部司員伊勒圖一

事。已降旨將恒傑交部議處矣。恒傑在靜安莊執事。因穿服色錯誤。不自引咎。轉以司員未經面回。輒行奏請嚴議。性情實屬乖謬。膽大放恣。況身為堂官。以私見小節。嚴叅司員。此風亦不可長。前因禮部侍郎缺出。一時乏人。是以將恒傑擢補。今乃如此舉動躁妄。若仍留侍郎本任。並恐於同堂部臣。必不能和衷共事。伊雖係贊禮郎出身。平日於一切典禮。襄事亦甚粗率。不及德明等遠甚。姑念恒傑任內閣學士時。讀本尚為熟習。著加恩即降補內閣學士。仍兼鑲白旗滿洲副都統。其太常寺事務。亦著不必兼管。所有禮部右侍郎員缺。著達椿補授。其鳴贊唱樂等事。著德明多永武。另行揀員奏請充當。○又諭倭什布奏漢陽府知府明保與伊兒女姻親。應請迴避一摺。明保係和坤母族姻戚。平日倚恃和坤勢。在任聲名甚屬平常。從前引見知府時。即蒙

皇考鑒其人甚庸陋。查伊出身履歷。經和坤。滕混具奏。亦未令伊遞摺請訓。徑赴知府之任。皆朕之所深知。本年曾有人密摺將明保奏。未列實蹟。朕因不為已甚。且彼時大員中。如景安。秦承恩等。尚皆未經查辦。何暇責及明保。今既與倭什布係屬姻親。明保才具本不勝外任。著即來京。以部員照例對品補用。○又諭近因勦辦邪教。拉旺多爾濟與衆蒙古王等。合詞奏請同心協力。派兵各用本盟馬匹。豫往歸化城。鄂爾多斯等處會齊。於十月間起程進兵等語。覽奏甚為欣慰。當年本朝開創時。凡畧地攻城。率皆滿洲蒙古同心宣力。克奏厥功。今諸王等願出兵力。協勦賊匪。以期迅速歲事。誠為不忘舊制。出於至誠實堪嘉獎。惟是拉旺多爾濟諸王等。未悉現在軍務情形。此時衆賊目業經陸續殲擒。惟餘陝省張漢潮。年力衰穢。以現在兵力。秋間足可勦捕淨盡。伊等不耐溽暑。今若允其所

請。添派蒙古兵丁。豫往歸化城等處會齊。俟十月間起程進兵。彼時如已竣功。豈不徒勞兵力。況現在闌入甘省。祇有張漢潮餘孽。儻該處兵力稍有不足。不過就近調取阿拉善兵數百名。以備甘省防堵。斷不令遠至川境。若無所用。即無庸調取。已諭知將軍恒瑞。按察使廣厚矣。今賊匪業經膽落。將次告巖。拉旺多爾濟諸王所請。俱不准行。並著理藩院將伊等誠心協助兵力。暨朕心深為嘉納等情。行知諸王。停其豫備。○諭軍機大臣等。張添倫高均德等股賊匪。在楚陝邊界出沒。其意總欲折回楚北。經官兵堵截。退回平利一帶屯聚。自因陝省東南係伊等後路。官兵守備空虛。得以安然在彼退聚。歇力而陝省東南無備之故。皆由明亮恒瑞俱經帶兵前赴陝甘交界。追勦張漢潮張映祥等股賊匪。永保又向棧內還截。不能兼顧東南。而倭什布又專在本境防堵。是以張添倫高均德等仍

得在平利一帶遊奕。現在張漢潮張映祥二股已有明亮恒瑞與廣厚吉蘭泰前後截擊。足資逼勦。永保可毋須再於陝境西北堵禦。且伊駐劄之處在終南左近。距平利不遠。若永保即將原兵仍行帶回。如覺兵力稍單。酌量添募鄉勇。或調取直隸兵四百名。在陝省東南邊界與倭什布兩面夾擊。自為得力。將此諭令知之。○伊犂將軍保寧奏稱發遣伊犁人犯節經減等。及年滿回籍者甚多。現在

不敷分充各營役使。請將從前改定發遣十二項人犯仍行發往。得旨該部議奏。尋議上將改發內地十二條內酌其輕重分半改定。並請嗣後發遣新疆人犯脫逃其由輕加重者照黑龍江等處例枷責免其正法報聞。○癸亥諭內閣大學士會同兵部議駁王爾烈條奏武闡各款已依議行矣。朕在藩邸時屢次閱視武闡一切章程利弊素所深悉。王爾烈奏上時朕即以為事屬難行。今大學士與

兵部逐款指駁所議甚為允當。朕之所以廣開言路者。原因國事至重必須兼聽並觀。凡在臣工自當於國計民生直言無隱。乃王爾烈以斷不可行之事擅議更張。職非臺諫事。非官守。真所謂無知妄瀆矣。朕自親政以來。軍機王大臣並無單銜陳奏之摺。大臣中如朱珪者於內外諸務豈不深知。亦未嘗專摺奏事。蓋緣國家大政皆已次第舉行。不欲以尋常事務瑣屑瀆陳耳。朕近閱臣工條奏累牘連篇。率多摭拾浮詞。毛舉細故。其中荒唐可笑。留中不肯宣示者尚不知凡幾。若諸臣無所建白。不必有意搜求希圖塞責。朕於未經條奏之科道又何嘗加之責備耶。嗣後有官守者各言官守。有言責者各盡言責。即風聞陳奏不應以漫無憑據者肆意指摘。開報復之漸。如內外大臣中有應舉應劾之人必須列具實蹟秉公入告。何得以瑣事空言逞臆瀆聽乎。朕宣諭及此。並非因封事紛陳厭

於聽納所望者。直言正論。有裨國是。諸臣亦不得因有此旨。誤會朕意也。王爾烈於科場年分違例條奏。本有應得處分。姑念降旨求言之時。免其議處。原摺著擲還。○吏部疏請補授中允。得旨。吏部具題補授中允一本。將應升人員。開列請簡。因思吳省蘭於查辦和珅一案時。經科道等以吳省蘭係和珅師傅。一併糾叅。並經部議革職。特從寬將伊降補編修。用示薄懲。在彼時不得不如此辦理。嗣

命玉德密查。據奏吳省蘭在浙江學政任內。聲名尚好。並無別項劣蹟等語。吳省蘭曾充咸安宮教習。和珅時係官學生。非在家延請教讀者可比。又經朕詢訪。吳省蘭平日尚知謹飭自愛。與伊兄吳省欽。甘為和珅私人。凡遇考試。聲名狼籍。為輿論所不齒者。迥不相似。所有左春坊左中允員缺。著繆晉轉補。其右中允員缺。即加恩著吳省蘭補授。○命工部尚書那彥成。吏部尚書朱珪。教習庶吉士。

○旌表守正捐軀山東聊城縣民王代公母季氏。冠縣民李進孝女李氏。○甲子。上詣觀德殿。

几筵前供奠。○諭內閣。兵部會吏部議。將薩彬圖革職。哈豐阿降調一摺。此事薩彬圖從前面奏時。朕以其言不足取。即經詳晰開諭。薩彬圖如果稍知政體。畧能領悟。不敢復有瀆陳。朕亦不加之責備。乃伊固執己見。必欲實其所言。又具摺奏請獨訊此案。並將使女之名開列進呈。殊失大員入告之體。及審無實據。彼更何辭置辯。是其意在言利。卑鄙謬妄。即照部議。革職實屬咎所應得。姑念其究係言事。若竟予罷斥。則此後人懷顧忌。遇有應奏之事。又將緘默不言矣。薩彬圖著加恩賞給七品筆帖式銜。前往萬年吉地工程處。自備資斧。隨同盛佳。明德。効力行走。餘依議。○又諭伊桑阿。奏等獲在逃年久兇犯。審明請旨即行正法一摺。向來新疆辦理案件。如係

尋常關國命案。自應按律定擬。請旨遵行。若審有謀故重情。則有恭請王命之例。在此案阿布都爾滿係謀財害命之犯。伊桑阿審訊明確。祇專引本律請旨。該犯係在新疆犯事。若不按新疆事例辦理。又安用王命旗牌為耶。嗣後新疆各處審議謀故重案。仍照舊例恭請王命辦理。此案阿布都爾滿著即處斬。○又諭。前因鐵保恒傑奏司員並非為貽誤公務。祇以私忿小節。輒行奏請嚴議。殊屬粗率任性。是以交部議處。亦僅將伊二人由侍郎降補內閣學士。以示薄懲。但各部院尚書侍郎於所屬司員。原有堂司之別。儻因有前旨。而司員中或有少年高興者。即從中把持。甚或挾私告訐。其風亦不可長。且各部院堂官常經召對。其人皆朕所深知。而司員則在部院中辦事。無從知其才具優劣。豈能一一加之察覈。朕豈有不信任大臣轉信司員之理。嗣後各部院大臣於所屬司員固不得

因小有疏節。率行逞私劾奏。如有實係因公應行叅處者。仍當秉公據實舉劾。不可意存拘泥。致啟閭閻廢弛之漸。○免湖北被賊滋擾之孝感。鍾祥。京山。安陸。應城。隨應。山。江陵。枝江。宜都。襄陽。東陽。宜城。南漳。均。光化。穀城。鄖。鄖。西。房。保。康。竹。山。竹。谿。東。湖。歸。興。山。長。陽。巴。東。鶴。峯。長。樂。應。施。宣。恩。來。鳳。咸。豐。利。川。建始。荊。門。當。陽。遠。安。三。十。九。州。縣。武。昌。武。左。黃。州。德。安。荊。州。荊。左。荊。右。襄。陽。八。衛。所。新。舊。額。賦。並。緩。徵。蒲。圻。崇。陽。黃。陂。黃。安。咸。寧。通。城。江夏。嘉。魚。漢。川。沔。陽。潛。江。天。門。公。安。石。首。監。利。松。滋。十。六。州。縣。新。舊。額。賦。○乙丑。諭。內。閣。工。部。奏。四。川。夔。州。府。渝。關。短。少。木。稅。銀。三。千。三百餘兩。請著落前任知府張至幹家屬名下照數賠繳。固屬照例辦理。但夔州府所屬地方。前因賊匪滋擾。商民等未免聞風不前。關稅短缺。尚屬有因。若令賠交一半。於家屬名下追繳。不過一千餘兩。為數雖屬無多。惟念

張至軫在軍營積勞身故情殊可憫所有張至軫短缺渝關稅銀三千三百餘兩著加恩全行寬免○以翰林院侍講學士陳琪為詹事府詹事○以故鎮國將軍永璥子綿命降等襲封○旌表守正被戕山東掖縣民趙步青女趙氏○

上以加上

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后

孝聖憲皇后尊諡致祭

太廟自是日始齋戒三日○丙寅諭內閣徵瑞

奏兩淮商衆懇請將前次未經賞收銀一百

萬兩仍准捐輸一摺在該商衆等因兩淮鹽

務疊荷恩施復行呈懇固屬出於感激悃忱

但前此請輸銀兩業經酌量賞收徵瑞自應

遵照曉諭商衆又何必復行瀆請借商力以

自為見好地步況現在川陝賊匪以次殄平

大功不日可竣即暫開籌備川楚善後事例

現已停止更何須重煩商力耶所有此項減

免銀一百萬兩著仍遵前旨毋庸交納○旌

表守正被戕山西神池縣民吳茂祥妻楊氏

○丁卯諭內閣工部尚書那彥成之母那拉

氏乃原任筆帖式阿思達之妻阿思達故時

那彥成年甫三歲撫孤守志三十餘載貞節

可嘉因係大學士阿桂子媳舉家受恩深重

不敢援例請旌但世閥中有此貞媛自應綽

楔旌閭以彰節操那彥成之母那拉氏著加

恩旌表該部察例具奏○兵部奏嗣後承襲

恩騎尉請令督撫驗看具題不必送部俟五

年期滿再行送部引見以示體恤從之○以

翰林院侍講學士亮保侍講王坦修張運選

右春坊右中允吳省蘭充日講起居注官檢

討張綬趙未彤署日講起居注官○戊辰
上以加上

尊諡前期遣官告祭

天

地

太廟後殿

社稷

高宗純皇帝几筵至日親詣

太廟致祭行加上

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后

孝聖憲皇后尊諡禮禮成詣

奉先殿行禮○諭軍機大臣等長麟奏薩木薩

克逃赴布噶爾地方並繪圖貼說進呈殊屬

多事無謂已詳悉批飭矣薩木薩克久在邊
外逃竄之犯本可置之不問乃長麟到喀什
噶爾後意圖見好邀功遣人招致謂薩木薩
克情願內投及至該犯遠颺長麟意不自安
遂思迴護前非屢以薩木薩克竄匿情形奏
報為掩飾匡救之計此時薩木薩克既經遠
匿在天朝體制當置之不管況邊疆重務該
處大臣惟應持以鎮靜豈可輕舉妄動自生
事端長麟此時惟在嚴守卡倫儻該犯有犯
邊情事即緝拏懲治方為正辦若仍不知自
悔希圖見長或致妄挑邊釁長麟自問能當
此重罪乎將此諭令知之○己巳

上詣觀德殿

几筵前供奠○諭內閣勒保奏查軍營病廢人
員請令回籍一摺興漢鎮總兵父如文因打
仗受傷已成廢疾著加恩賞還花翎以原品
休致回籍在家食俸建昌鎮總兵劉君輔定
邊協副將白守忠現俱衰病亦均著原品休

致即令回籍。○諭軍機大臣等昨據湖北委員將胡齊嵩朱謨解到。當令軍機大臣會同刑部嚴訊供詞。閃爍不肯吐露實情。此案胡齊嵩擅殺難民。侵欺公款。二事最關緊要。胡齊嵩經手荆襄安鄖四府軍需銀四百一十九萬餘兩。為數甚多。一人在私衙獨辦。豈無染指之處。乃景安祖之望查辦胡齊嵩經手未完各件。並未將支發底帳豫行封提。轉籍行查。領項各員為名。耽延數月。且令胡齊嵩自行覈對卷宗。為彌縫抽改地步。是景安祖之望有心徇隱。並未徹底查究。必有同胡齊嵩通同取巧之處。顯而易見。此時送到各冊。自己無瑕可摘。必須在楚嚴密清查。始能得有根據。倭什布甫由豫撫特恩升授湖廣總督。從前胡齊嵩經手軍需。並非伊任內之事。無所庸其迴護。著傳諭倭什布。即將胡齊嵩侵貪捏報之處逐一查出實據。毋任絲毫掩飾。惟楚省官員久已串通一氣。若委員查覈

仍恐扶同左袒。不能得其弊竇。該督應另派自豫帶來親信佐雜。或幕友家人密行體訪。庶不至為屬員欺蔽。一得實情。即行據實密奏。若查出景安祖之望實有聽情賄囑。同侵帑項。及恐帶累多員。化大為小。諸情弊亦即一並劾參。再胡齊嵩在夾河洲擅殺降民一節。是否實係餘匪潛謀勾結。抑係就撫難民致被妄殺。此時汪新馬瑞雖已身故。尚有候補知縣蕭應登守備衛武舉王德洋等現在湖北。著倭什布將蕭應登等密傳至軍營面訊。據實奏聞。以上各情節。係密交倭什布專辦。務當嚴切根查。以期水落石出。毋得稍有徇庇。儻此次仍復顛預了事。別經發覺。惟倭什布是問。該督不值代人受過也。○又諭前次勒保奏川省各股賊匪俱已驅歸一處。在開縣東鄉邊境。機會甚好。正可聚而殲旃。乃本日奏到徐添德龔建樊人傑包正洪張子聰等股。又經官兵勦散。紛紛四竄。額勒登保

德楞泰等復分投追剿兵力見單勒保不趁賊匪聚集之時為一鼓殲擒之計又致稽延月日咎實難辭著傳旨申飭廣西兵丁已據勒保奏明留交楚省防堵其抽換之貴州兵丁計近日已可到川若尚不敷分派自當酌量情形再行添調又據奏現在新餉將到請於餉銀二百五十萬兩撥出五十萬兩為賑濟之用川東川北難民甚多自應隨時撫卹將此諭令知之○庚午

實錄卷四十四

十一

上命

皇次子^{吳寧}祭

關帝廟○以兵部左侍郎初彭齡為雲南巡撫轉兵部右侍郎曹城為左侍郎以雲南巡撫江蘭為兵部右侍郎○以候補內閣學士鄒炳泰署內閣學士○旌表守正被戕四川納谿縣民段友祿妻蒲氏○辛未

上詣觀德殿

几筵前供奠○諭內閣秦承恩自教匪滋事以

來漫無調度玩誤機宜以致陝匪日久未能撲滅業經革職拏問解交刑部審訊今已訊明並據恒瑞轉據台斐音查詢覆奏雖無關閉城門安坐衙署致難民觸城投河之事但秦承恩身為巡撫不能盡心辦賊玩誤稽延實有應得之罪著軍機會同刑部即行按律定擬具奏○又諭成德年逾七旬著加恩在紫禁城內騎馬因思成德精力漸衰現辦萬年吉地工程往來照料究多未便且伊係刑部尚書現在正屆辦理秋審事件亦難兼顧江蘭年力尚壯且曾經辦過工程事務所有萬年吉地工程著江蘭接辦成德不必管理○又諭蔣兆奎奏江西袁州幫旗丁易梁李鄧賓和潘王二漕船三隻行至黃河中溜遭風沈溺漂失米三千三百十二石淹斃水手三名等語易梁李等漕船渡黃猝遇風暴人力難施並非搶救不力所有漂失米石著加恩全行豁免其淹斃水手等並著照例卹賞

實錄卷四十四

十一

因思重運漕船北上。雖應迅速趨行。然催趨過急。即遇風狂浪急之時。亦皆冒險開行。殊非慎重之道。本年江南幫船到通。屢據戶部奏報。較上年早到四十日至三十日不等。可見重運船隻。趨行俱未免過速。似此每年因有比較。總早數十日。則將何所底止。且旗丁等各有例帶貨物沿途原准售賣。若晝夜趨行。竟無銷貨之暇。於旗丁生計亦有關礙。嗣後各幫漕船。固不可任其脫幫停泊。而遇有

實錄卷四十四

三十九

險要河道。務須察看風色行走。與其因欲速致有漂失之患。何如畧為停待。以昭慎重。所有渡黃及到通日期。祇須較例限早數日交糧回次。已無誤冬兌冬開之限。不必過為催趨也。○又諭據孫曰秉奏。河道工程。請專派河員辦理。一摺。河工省分。各設廳汛員弁。專管修防。若派州縣代辦。不但本任地方公事曠廢。兼至賠累難堪。前經降旨通行飭禁。今孫曰秉條奏。所見尚是。著再通諭直隸。江南

山東。河南各督撫。及河道總督。嗣後遇有挑築工程。購料雇夫等事。附近沿途地方。亦祇准派委丞倅佐雜幫辦。不得調用州縣。至距河千餘里及數百里之處。即地方丞倅佐雜亦不准其派往。再該藩司所請。每年歲修各工。於工竣之後。知會各該府州縣會同勘驗一節。亦為慎重工程起見。即著照所奏辦理。○諭軍機大臣等。白號賊匪。由譚家河竄出。白馬關。恒瑞先派觀祥趕赴畧陽一帶截擊。

實錄卷四十四

三十九

即親帶官兵。由白馬關追剿。兩面邀遮。逼回川北。所見甚是。賊匪向在川北川東往來焚掠。惟川西地方。賊蹤未到。白馬關為陝甘四川三省交界之地。若賊匪出關後。向西南奔竄。即可直趨白水壩一路。恒瑞當緊躡賊蹤。將賊逼回川北。以便與川兵夾擊。斷不可使完善地方。又被賊匪蹂躪也。將此諭令知之。○以太常寺卿詹音布為通政使司通政使。詹事府少詹事英和為詹事。○旌表逼嫁捐

軀湖北天門縣民鄒鳴妻王氏○戶部議准陝甘總督宜綿疏報伏羌縣開墾地二頃八十畝照例升科從之○壬申諭內閣原任大學士公阿桂前在新疆著有勞績曾賞給騎都尉世職嗣因征勦緬甸獲罪革職遂將世職註銷茲據該旗查明具奏加恩將此世職著阿桂之三房孫那彥寶承襲以示朕優眷勲舊子孫之至意○以降調戶部左侍郎蔣賜榮為光祿寺卿

具奏○

上以夏至祭

地於

方澤自是日始齋戒三日○甲戌軍機王大臣

議覆奇豐額等奏辦理葉爾羌和闐販賣玉

石請照舊例一摺查葉爾羌和闐等處出產

玉石向聽民間自行售賣並無例禁後經高

樸奏請開年一次官為開採名為嚴禁偷漏

實陰便其營私肥橐之心應如該大臣所奏

嗣後回子得有玉石准其自行賣與民人無

庸官為經手致滋紛擾惟民人起票進關時

仍應照向例於票內注明造冊移付嘉峪關

以憑查覈再乾隆四十三年禁止私玉之後

於密爾岱巴爾楚克地方各添設卡倫一處

原以防私採及夾帶之事今業奉

恩旨新疆玉石無論已未成器者概免治罪是

民間玉料既准流通該處卡倫即成虛設亦

應如所請一併裁汰報可○以前任江南蘇

松鎮總兵官馬玉魁為廣東右翼鎮總兵官

○旌表守正捐軀江蘇震澤縣民朱士方妻

張氏河南正陽縣民黃自紹女黃氏○乙亥

頒發太學

闕里文廟及各直省府州縣學宮

御書扁額曰聖集大成○以副都統銜富明阿

為喀什噶爾幫辦大臣調和闐辦事大臣徐

績為烏什辦事大臣和闐幫辦大臣恩長為

和闐辦事大臣以副都統銜額勒金布為幫

辦大臣○命頭等侍衛一等海澄公黃嘉謨

在散秩大臣上行走○丙子夏至祭

地於

方澤

上親詣行禮○詣

雍和宮行禮○諭內閣據恒瑞奏勦賊情形一

摺此次恒瑞馳抵白馬關勦辦南竄賊匪分

派將弁義首繞道前進復自行帶兵翻山繞

出賊前殺斃賊匪四百餘名擒獲四十餘名

並將被裹難民給資回籍。妥為安撫。恒瑞於交卸督篆後。即日踰探賊蹤。值炎蒸之際。間道進行。冒雨截擊賊匪。擒斬多名。保障川西。不致被賊蹂躪。實屬出力。可嘉。恒瑞著交部議敘。其在事奮勇出力之將領員弁。並著恒瑞查明一併咨部甄敘。以示獎勵。○丁丑。上詣觀德殿。

几筵前供奠。○諭內閣。秦承恩身任陝西巡撫。於賊匪往來興漢商州地方。不能認真堵禦。撫卹難民。以致賊匪日久未能撲滅。經軍機大臣會同刑部。將秦承恩照玩誤軍機律。定擬斬監候。固屬按律辦理。但念秦承恩本係書生。未嫻軍旅。若以未能堵剿竄匪。定擬重辟。則滿洲大臣中。若惠齡。景安。宜綿。又當如何。且陝西之賊。皆從川楚竄往。並非起自陝境。秦承恩之不善防堵。較之惠齡任湖北巡撫時。聶傑人即在本境起事者。尤屬有間。今惠齡尚未加以嚴懲。仍准在家守制。若獨將

秦承恩治罪。轉似朕寬待滿洲而苛責漢人。同罪異罰。非所以示平允。前此降旨將秦承恩革職。拏問查抄家產者。因有人叅秦承恩關閉城門。安坐衙署。不納難民。以致數萬百姓觸城投河而死。若果屬實。則秦承恩以封疆大吏。縱賊殃民。罔卹人命。審明後。即當立置重典。監候尚不足蔽辜。嗣陸有仁到京。曾面加詢問。據稱實無其事。並以秦承恩久任陝西。於防堵賊匪路徑。尚為熟悉。彼時朕方以陸有仁一人之言。未可為據。及秦承恩解到後。經軍機大臣會同刑部審訊。秦承恩所供。節次勦賊。及三月初一日進城安撫難民。初二日出城趕赴軍營。並無關閉城門致難民觸城投河之事。歷歷可證。但係秦承恩一面之詞。亦未可信。因降旨詢問恒瑞。永保。王文雄。柯藩台。斐音。今據伊等先後奏到。衆口一詞。與秦承恩所供月日俱屬符合。是前此叅奏秦承恩者所言不實。未免過當矣。而秦

承恩之咎止於不能辦賊三年以來非獨伊一人為然尚可量從末減泰承恩業經革職著加恩釋放令其回籍守制閉門思過俟服闋後由本籍督臣咨送吏部帶領引見候朕另行簡用所有查抄泰承恩房產田地另有旨諭費淳即行賞還○又諭昨據姜晟奏審擬鄭源璫加扣平餘定擬斬監候一案已交軍機大臣會同該部覈議具奏矣朕聞鄭源璫供詞內稱署中有能唱戲之人喜慶燕客

與外間戲班一同演唱等語民間扮演戲劇原以藉謀生計地方官偶過年節雇覓外間戲班演唱原所不禁若署內自養戲班則習俗攸關奢靡妄費並恐啟曠廢公事之漸況朕聞近年各省督撫兩司署內教演優人及宴會酒食之費並不自出己資多係首縣承辦首縣復斂之於各州縣率皆朘小民之脂膏供大吏之娛樂輟轉苛派受害仍在吾民湖南地方雖尚未激變而川楚教匪藉詞滋

事未必不由於此現當過密之時天下停止宴會即二十七月後京城內開設戲館亦令永遠禁止嗣後各省督撫司道署內俱不許自養戲班以肅官箴而維風化再鄭源璫供內有眷屬人口幾及三百人之語伊係一藩司而署內食指如此其衆用度浩繁其侵貪數逾八萬兩亦勢所必至督撫中如書麟朱珪操守廉潔署內不過數十人所得廉俸未嘗不數日用此朕所素知者地方大吏惟當

儉以養廉不可從事奢華以致簞簋不飭也至藩司於收發庫項加增平餘任意剋扣恐不獨鄭源璫一人為然州縣等因藩司扣平過多徵收錢糧時亦必多取於民間閭深受其累所關甚重並著通諭各直省藩司務當洗心滌慮悛改積習勉為廉吏毋負朕諄諄訓誨至意○戊寅諭內閣據德勒克扎布奏本年既不巡幸熱河請將未放給該處行宮等處當差官兵銀二千餘兩賞給操演兵等

以為飯食銀兩等語。此項孳生銀兩原係
皇考每歲巡幸熱河。因彼處官兵差務較繁。加
恩賞賚。本年朕不巡幸熱河。若將此項銀兩賞
給操演兵丁。嗣後朕巡幸熱河時。又如何賞
給兵丁操演。係其分內之事。今若賞給熱河
操演兵丁飯食銀兩。京城及各處操演兵丁
豈能全行加給。况賞賜兵丁。自應出自朕恩。
大員中往往任意代為屬員。格外祈恩。實為
惡習。是惟知沽名釣譽。獨不思恩威大權。不
可下移耶。德勒克扎布著嚴行申飭。外其摺
著毋庸議。○轉禮部右侍郎錢樾為左侍郎。
以署內閣學士鄒炳泰為禮部右侍郎。○以
奉宸苑卿明德為

西陵總管內務府大臣。范建豐專管泰寧鎮總
兵官事。○命右春坊右中允吳省蘭提督湖
南學政。○乙卯。以刑部左侍郎瑚圖禮為盛
京兵部侍郎。轉刑部右侍郎。祿康為左侍郎。
調盛京刑部侍郎德璘為刑部右侍郎。盛京

兵部侍郎鐵保為盛京刑部侍郎。兼管奉天
府府尹事。○庚辰

孝恭仁皇后忌辰。遣官祭

景陵。○

上詣觀德殿

几筵前供奠。○諭內閣。據琳寧奏盛京夏圓行
宮現已剝舊。請捐廉修理等語。夏圓地方向
來並無行宮。乾隆四十七年

皇考詣盛京謁

陵。彼時侍郎德福始於該處添建行宮一所。

皇考賞銀一千兩。以為修建之費。仰窺

聖意。即以該侍郎添建為非。特因成事不說耳。

蓋滿洲舊俗。遇巡幸行圍駐蹕之處。向俱攜
帶穗廬帳房。隨處支立行營。從無建蓋行宮
之事。所以習勞動而崇淳樸也。况盛京為根
本之地。原因恭謁

陵寢。用展思慕。非臨幸江浙等省可比。尤應式
遵前典。永守

家風今夏園一處添建行宮復因年久加之修葺則將來踵事增華凡蹕路經臨之處勢必概增行殿開奢靡之漸忘勤儉之遺勞民傷財於風俗殊有關繫朕甚不取所有夏園行宮既經剏舊者即徹卸其木料甃瓦等項即留為盛京宮殿修理工程之用朕將來詣盛京謁

陵時該處宮殿亦祇須畧為整理毋得彩飾見新致增華費並不許呈進貢件該將軍等當

共體朕意○又諭原任兵部侍郎奉寬為朕啟蒙師傅前奉

皇考勅旨特追贈太師並加禮部尚書銜其時未經議及易名之典奉寬著加恩追謚以獎舊學至原任左都御史觀保禮部尚書德保俱在上書房行走有年學問優長亦著一體加恩追謚所有應得謚法著該衙門察例具奏尋議上賜奉寬謚文勤觀保謚文恭德保謚文莊○追封

孝淑皇后曾祖父原任員外郎愛星阿祖父拜唐阿常安三等公曾祖母王佳氏祖母李佳氏為公妻一品夫人祭一次建碑修墳如例○兵部尚書富銳以病乞休允之賞內大臣銜○轉都察院左都御史傅森為兵部尚書以兵部右侍郎阿迪斯為左都御史內閣學士文寧為兵部右侍郎詹事府詹事英和為內閣學士兼禮部侍郎銜○以戶部尚書布彥達兼正黃旗領侍衛內大臣兵部尚書

傅森兼鑲藍旗蒙古都統叅領定柱為正白旗漢軍副都統署鑲黃旗滿洲副都統長齡為鑲白旗蒙古副都統貝勒德麟為鑾儀衛鑾儀使○辛巳諭內閣戶部會同八旗內務府議駁緡布條奏添設養育兵先動正項給餉再於直隸旗租內歸款一摺所駁甚是已依議行矣國家定立八旗內務府兵制經費有常原不得意為增益前經緡布條奏朕即以為事屬難行是以飭交叢議今據奏駁各

條如直隸旗租每年解不足數正項墊支無可歸款又馬甲缺出先儘此項幼弱者挑補則成丁者豈不轉致壅滯又各旗額兵年終普賞行之有年今祇以餘剩銀兩勻給較向例減去大半窮兵無以卒歲種種窒礙已屬難行而緡布所請增添兵數一節滿洲蒙古漢軍共二十四旗共添兵八千名每旗祇三百餘名內務府三旗轉請添兵三千名較外旗多至倍蓰尤為錯謬緡布本係內務府人伊具摺時尚未出旗顯係意存徇私市惠且緡布於具奏後並不靜候覈議輒於他事召對時兩次奏稱部臣等欲行議駁懇請降旨特准以伊奏陳之事私探部議敢於朕前瀆奏必欲即行其言緡布視朕為何如主而敢以此等伎倆於朕前嘗試乎若所言果當朕於披覽時即可允准何必交議縱使交議後部臣議駁朕亦可特俞所請在部臣等原不得操准駁之權又豈有伊面懇之理乎

緡布見朕自親政以來如酌減稅額寬免代賠等事恩施屢沛而於臣工條奏即有未協無不曲示優容伊遂將例外乞恩事件妄行瀆奏以國家經費之需為一己沽名之地此風斷不可長緡布著交部議處○又諭據和碩儀親王永璇等奏昨日

皇后出神武門克勤郡王恒謹並不迴避竟自迎面前行請將恒謹革去王爵等語凡遇主位出入臣下例應迴避恒謹身為郡王乃遇

皇后出宮太監等攔阻置若罔聞並不迴避竟自乘輜衛突殊屬不曉體制大失人臣之道恒謹著即照王大臣等所奏革去王爵降為閒散宗室不准戴宗室頂帶著即自備資斧前往

西陵交弘蟲差遣効力贖罪以示懲儆其所遣王爵著交宗人府照例帶領引見承襲至昨日跟隨恒謹之包衣官員護衛等並未勸阻

亦屬非是並著交宗人府查明咨部俱著革職該護軍營步軍營章京官員等並不管阻任聽恒謹前行咎亦難辭並著交綿恩晉昌查明咨部斥革所有護軍步甲等俱著責革綿恩晉昌俱有管轄之責亦屬疏忽綿恩晉昌著交部嚴加議處○命停止和闐產玉之哈拉哈什桑谷樹雅哈琅圭塔克四處開採○以通政使司副使戴璐為太僕寺卿○壬午諭內閣據那奇奏於嫩江撈獲用斧砍斃家主脫逃之為奴人犯張妙福屍身當已磔戮等語原摺已批准行矣似此減等發遣為奴人犯理宜嚴加約束役使此內如有不服管束者與其令伊家主折磨役使激成事端則不如稟明該將軍大臣等辦理為當著交那奇泰等曉諭該管官員嗣後務將為奴人犯俱各嚴加約束儻不服管教即稟明將軍大臣等從重辦理毋致激成事端○調鑲白旗蒙古副都統長齡為鑲白旗漢軍副都

統鑲白旗漢軍副都統花尚阿為鑲白旗蒙古副都統○癸未諭軍機大臣等聞川西南地方有嘉陵白水二江賊匪往來奔竄總在二江之東北一帶未能越過曾經屢次搶渡皆被鄉勇截回是此二江實為緊要渡口昨恒瑞奏到兜截逸出白馬關賊匪不令闌入川西亦在此路扼其南竄是以降旨將恒瑞議敘看來賊匪在川東川北滋擾日久無可擄掠因龍安潼川等處俱係殷富之區意欲渡江窺伺該處僅有鄉勇并無官兵守備未免空虛著勒保於調到黔粵等兵後酌量派撥令妥員帶往嘉陵白水二江緊要渡口嚴密防堵斷不可令完善之地又被蹂躪也○戶部議准直隸總督胡季堂疏報三河武清香河宛平盧龍遷安天津靜海灤平九縣開墾地八十一頃九十二畝照例升科從之○甲申

上詣觀德殿

几筵前供奠○命服闋大學士董誥為大學士仍兼署刑部尚書○以散秩大臣都爾哈為鑲黃旗漢軍副都統○調鑲白旗滿洲副都統恒傑為正藍旗滿洲副都統正藍旗滿洲副都統書敬為鑲白旗滿洲副都統○賞喀什噶爾幫辦大臣富明阿和蘭幫辦大臣額勒金布花翎命嗣後西北兩路換班大臣俱照此例○乙酉諭內閣湖北布政使祖之望審辦胡齊崙一案遲延多日意存掩飾非尋常怠玩可比祖之望著解任來京候旨○諭軍機大臣等倭什布奏安設楚省各邊界卡座操練兵勇所辦俱好惟所稱由川陝兩省受撫來歸年力精壯者撥令工作或分撥各站充當站夫雖為分散難民起見但令在工所力役則可而置之各站則不可此等從賊營投出之人終不可信儻故智復萌與賊黨暗相勾結或將糧運文報阻滯稍有不虞所關非細此事斷不可行著倭什布另籌妥插

○調安徽布政使孫玉庭為湖北布政使以雲南按察使孫藩為安徽布政使陝西督糧道張瑞城為雲南按察使○旌卹遇賊捐軀湖北保康縣典史蕭水清妻林氏子其馨其芳媳韓氏姪祚超妻弟林良鳳如例○丙戌諭軍機大臣等台布奏代進安南國王阮光纘請進例貢表文一摺夾片內稱該國王於三月二十八日奉到太上皇帝遺詔現在繕撰表文恭遣親臣赴京進香等語安南國王阮光纘自襲爵後疊荷恩施今因接奉遺詔欲遣使臣赴京進香自屬出於感激惓忱但思高宗純皇帝梓宮於九月內奉移山陵若該國王遣使進香計其到京時已在永遠奉安之後徒勞遠涉著台布行文該國王令其不必遣使赴京進香至此次豫進庚申年例貢若令該國使臣即行齎送到京現係

二十七月之內不受朝賀並停止宴賚自未便令其來京所有此次豫進庚申年例貢著同上次應行併進例貢俱於壬戌年應進例貢時一併呈進以示體卹遠藩至意○以禁城曠班革內閣學士副都統恒傑職○調鑲藍旗漢軍副都統盛佳為正藍旗滿洲副都統以署鑲黃旗滿洲副都統扎拉芬為鑲藍旗漢軍副都統○丁亥

上詣觀德殿

几筵前供奠○諭內閣據蘊端多爾濟等奏俄囉斯邊界卡倫請旨派員不時巡邏等語俄囉斯前在恰克圖地方交易通好已久非額魯特哈薩克等可比安設卡倫時並未特派侍衛巡查殊有深意況從前拉旺多爾濟等以豫備庫倫要差奏派台吉額璘沁喇布坦等四員陸續出缺亦未補派今值太上皇帝大事朕躬親政乃於俄囉斯卡倫派委多員紛紛巡查不特滋其疑懼甚至疑朕

於該地方或有所利更屬不成事體蘊端多爾濟等豈未見及此耶著於所擬八員內遴派體面曉事者四員以備差委倘所派之員滋生事端惟蘊端多爾濟等是問又據奏駐卡扎薩克台吉等請賞花翎以示獎勵一節亦不可行從前蒙古所得花翎黃馬褂皆以

扈從

皇考進哨射獵奮勉始蒙恩賚若以巡卡等差請賞花翎則凡駐劄大臣概得以操練官兵加賞乎且行賞加恩應出自上豈有該管大臣任意市恩代為籲懇之理如該駐卡台吉等果皆勤奮蘊端多爾濟等可令其隨同喀爾喀等一體輪班進哨候朕校閱加恩其市恩陋習務須力改將此通諭知之○又諭永琨在將軍任內聲名平常朕在藩邸時素所深知故將永琨補授都統令其回京原以永琨身係近支宗室烏里雅蘇台將軍職任緊要永琨在彼儻有劣蹟礙難辦理是以曲加

保全也。前據永琨等所奏偷竊馬匹駝隻二
摺當經一面批交部議一面即行發回永琨
並不計及此事該部議覆與否率用日行八
百里咨文馳遞理藩院徒勞驛站據理藩院
將永琨薩木丕勒多爾濟那敏泰奏現已
交部議處永琨糊塗不曉事體若仍留都統
之任恐將來又獲罪戾轉非朕保全之意永
琨即著革去都統賞給奉恩將軍前往

東陵當差那敏泰亦著革去副都統賞給驍騎

吏部奏

十一

校薩木丕勒多爾濟著交理藩院照例議處
○調工部右侍郎盛住為戶部右侍郎以奉
宸苑卿明安為工部右侍郎○以都察院左
都御史阿迪斯兼正紅旗蒙古都統○以正
白旗蒙古副都統果勒敏色為鑲藍旗護軍
統領伊犂領隊大臣春寧為正紅旗護軍統
領正藍旗護軍統領扎郎阿為鑲藍旗滿洲
副都統散秩大臣恒寧為正藍旗護軍統領
內閣學士成書兼正藍旗漢軍副都統○是

月密諭費淳知朕思安民首在任賢移獎必
先去貪汝之操守雖優察吏之才過寬若以
此為積陰功則大謬矣去一貪吏萬姓蒙福
進一賢臣一方受惠所積陰功孰大於是汝
其照朕所列賢否各員留心徐訪據實陸續
奏聞慎勿迎合朕意顛倒是非密之蔣兆奎
認真辦事不收餽送確否康基田操守尚好
性情微覺剛愎自用開通微山湖閘一事頗
覺不安述德辦事糊塗婪賊舞弊南河漫工
用至三百餘萬伊係專管之員難保無侵蝕
浮冒王秉韜老成歷練有守有為方昂任江
寧時甚得民心許兆椿潔己奉公嚴明聽訟
譚大經廉潔愛民聲望素著張永浙一切貪
婪驕侈狂縱此皆得自風聞汝應細心訪問
優者即保劣者即叅特諭尋覆奏舉直錯枉
察吏安民乃督撫之先務若姑容貪吏冀積
陰功則一家哭何如一路哭其為獲咎更重
得旨能知此何患事不辦從來寬猛相濟不

可有偏水弱民狎所損更甚矣又奏蔣兆奎等各員賢否批覽奏俱悉總宜虛公延訪切勿過寬亦不可過嚴但執中無我事必有成勉之○安徽巡撫陳用敷奏考閱行伍情形得旨江南行伍技藝不及川黔遠甚應勤加訓練俾成勁旅兵可百年不用不可一日無備莫謂老生常談實經邦之要政○山東布政使岳起奏報接任日期得旨以實辦理而莫過急大凡彌補之事緩則民安急則民病損上益下在民即同在官益上損下悖入終須悖出此乃一定不易之理須看得透

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十六

監修總裁官經略提督李士德參政學士謝開闢事稽察欽奉
上諭事件處管理工部事務翰林院掌書李鴻賢
全殿存身知級員曹本福總管李太係訓導學士管理刑部事務欽奉
欽均充京道攝理度支部李士德爲會同閣閣辦事
稽察欽奉
上諭事件處滿洲學士部尚書翰林院掌院學士秋習慶豐總管內務府直隸安徽滿洲都統軍機處領事管理工部三
庫奉天府清湖圖等處總理糧食倉膳房郎舉秀參議院西洋堂事務功加二級頂帶加級尋常公工親紀欽奉主日英和煙
臣謹將李士德理部尚書書序爲武成侯總核管理國子監事務加級通帶加二級欽紀四次日汪廷珍奏奉

嘉慶四年己未六月戊子朔諭內閣本日步

軍統領衙門奏籍隸湖南之從九品譚學庠有條奏事宜一摺並將原摺進呈。隨令軍機大臣將原摺封套是否黏口之處面向綿恩及遞摺之譚學庠詢問俱稱本未黏口並經查看原摺封套相符。夫封章言事原以兼聽並觀理宜直達朕前用資採納。如前此戶部衙門有人在大堂供奉齋戒牌案上度置包封事件該部堂官即將原封進呈如此方是。若先經拆閱安知封內非有關繫要事或即

告訐本人亦未可定。如係本人被訐即可私行壓擱。不為呈遞。或係告訐督撫而遇有素相交好者。亦可代為隱匿。似此扶同蒙蔽。豈不又為和坤之續乎。著傳諭各部院衙門。嗣後遇有呈控事件。如係本人喊累及露章投遞者。自不妨先行閱看。儻係本人自行緘封。即應將原封呈覽。不許私自拆閱。即所遞封章內或有違悖詞語。亦與轉奏之人無涉。以杜壅蔽而昭慎密。○以故琉球國王尚穆孫溫襲爵命翰林院修撰趙文楷為正使。內閣中書李鼎元為副使。往封。○己丑增設京營總兵。諭內閣兵部議處步軍統領定親王綿恩護軍統領公晉昌不能實力稽察該營員等嚴加管束。以致恒謹於

皇后出神武門時。並不敬謹迴避。衝突直行。請將綿恩晉昌降三級調用。毋庸查抵一摺。因思步軍統領。從前原係二品。嗣因職任較重。於一品大員中。派令管理。亦未有親王兼

攝此職者。況步軍統領有夜間巡查堆撥之事。於親王體統實非所宜。綿恩著不必兼管其步軍統領事務。著布彥達賚管理。凡遇巡幸。毋庸伊扈蹕隨往。以專職守。至朕出入禁城。前鋒統領例應在門前帶刀侍立。綿恩係屬親王。亦於體制未協。所有伊前鋒統領員缺。著貝勒綿懿補授。正白旗領侍衛內大臣員缺。著成親王永理補授。布彥達賚所管事務較多。其正黃旗領侍衛內大臣員缺。著丹巴多爾濟補授。丹巴多爾濟不必兼管護軍統領。其缺俟朕另行簡放。至步軍統領為九門總鑰。統轄京營。總司緝捕。一人獨理。不特事權過重。兼恐稽察難周。自應另設佐理之員。以資分任。即如八旗設立都統。駐防設立將軍。俱有副都統。綠營設立提督。即有總兵。今步軍統領衙門。亦當照此。設左右翼總兵各一員。候朕於八旗副都統內揀員充補。不必再兼副都統本任。遇有一切公務。步軍統

領與總兵同堂坐辦。既可杜一人專擅之漸。而於巡察諸事。亦更為周密。嗣後本衙門官員引見。即令步軍統領與總兵同帶。無須步軍翼尉帶領。著兵部載入條例。永遠遵行。晉昌疏於管轄。實屬咎所應得。現在恒謹已革去王爵。晉昌所管鑲黃旗護軍統領。亦著開缺。另簡。兵部摺內請將綿恩晉昌職任降調之處。俱毋庸議。○又諭。台費蔭於錦州莊頭許五德將官地送給和坤一事。聽情迎合。朦混咨部。前令明白回奏。未據奏出實情。復於召見時面加開導。乃伊堅不承認。且自稱伊係阿桂保舉。並非和坤所汲引。冀掩其阿附之迹。其實台費蔭素藉和坤奧援。倖登卿貳。朕所深知。和坤曾於朕前奏明。台費蔭係其保薦。並譽伊為有用之才。若謂非和坤私人。其誰信之。朕方以辦理和坤一案。不欲株連。凡有附勢之人。悉予以自新之路。台費蔭若早將此事原委陳明。祇不過交吏部嚴議。予

以革職而止。詎有心捏飾。不吐實情。昨日傳旨質訊時。猶復始終抵賴。是伊平日趨奉權要。遇事逢迎。及見勢敗伏辜。轉欲貌為正人。希圖避罪。其居心巧詐卑鄙。實不可問。因將台費蔭拏交刑部嚴審。今軍機大臣會同刑部審明。將人證卷宗四面質對。始據將前後情節。親筆供認不諱。台費蔭昨已革職。著加恩寬免治罪。令其自備資斧。前往伊犁効力贖罪。台費蔭稍有才具。著保寧留心察看。儻再高興多事。即行據實嚴叅。若果自知改悔。安靜効力。於一二年後奏聞。候朕再降諭旨。○又諭。戶部奏湖廣四川二省原任各員子孫代賠未完銀兩一摺。畢沅前在湖廣總督任內。聲名本屬平常。聶傑人等。即係於彼時起事。楚省各股教匪滋擾。亦多由畢沅釀成。不將伊家產查抄。已屬格外施恩。不為已甚。今此項應賠銀兩。即係失察邪教之款。豈能再邀恩免。所有畢沅名下未完銀二萬兩。仍

著落伊家屬如數賠交。至原任四川夔州府知府張至軫。前在軍營積勞病故。業經加恩賞給道銜。並將渝關賠項寬免。此項罰賠夔關缺額稅銀三萬四千一百餘兩。事同一例。著再加恩全行豁免。○諭軍機大臣等。吉慶奏稱米艇艙面寬大。可放大礮。粵省追捕盜匪。護送鹽船。皆用此項船隻。而運鹽各商。亦以米艇出運。賊匪貪圖米艇便捷。運鹽者間被搶奪。查有麻辣船隻。船身較小。不能安放礮位。匪徒無所貪圖。已借項將運鹽米艇。改造麻辣船一百隻等語。所奏非是。米艇較他船寬闊。有大礮可以禦賊。尚不能禁賊匪之搶奪。今改造麻辣小船。既無防禦火器。設遇洋盜。豈不更易劫掠。且吉慶之意。以小船不安礮位。使匪徒無可貪圖。殊不知賊匪遇船即劫。有何揀擇。若如該督所議。未能清盜劫之源。先自失禦盜之具。著傳諭吉慶。所有此項麻辣船隻。除業經借項改造者。准其攬用。

外其餘均停止打造。仍舊用米艇運鹽。以昭慎重。○以正紅旗蒙古副都統弘豐為鑲黃旗護軍統領。正黃旗滿洲副都統綿志為鑲紅旗護軍統領。鑲紅旗滿洲副都統恭阿拉為京營左翼總兵。鑲白旗漢軍副都統長齡為右翼總兵。○甘肅按察使廣厚奏報追剿賊匪。賞都司陳五輯。花翎。州判縱司燭藍翎。並升敘有差。○旌表守正捐軀河南輝縣民田景全妻賀氏。雲南會澤縣民譚智。崔女譚氏。○庚寅。

上詣觀德殿

几筵前行月祭禮。○諭內閣。昨已降旨將步軍統領衙門添設左右翼總兵二員。並簡員補授矣。今思該衙門既經添設大員。有正副之分。其品級官階及應得養廉。並管轄營制。升轉開列。均應定立章程。以示區別。而專職守。向來步軍統領係正二品。今照各省提督之例。改為從一品。其左右二翼總兵。俱定為正

二品。每年各給該總兵養廉銀八百兩。以資辦公。至八旗步軍。向係提督專管。今著兩翼總兵一同管理。其巡捕五營事務。著將中營作為提標。副將作為提督中軍。仍令管理圓明園一帶五汛。其餘叅將四員。分管之南北左右四營。共十八汛。南左二營叅將等官。並所轄之十汛。歸左翼總兵管。北右二營叅將等官。並所轄之八汛。歸右翼總兵管。再嗣後八旗都統及各省提督缺出。俱准將兩翼總兵開列。如兩翼總兵缺出。即將八旗副都統及京營副將開列。候朕簡用。著即將此旨載入兵部則例。○諭軍機大臣等。朕聞從前湖北教匪竄赴孝感時。經過各處。多被焚掠。獨隨州一處未被賊擾。因該處民人於賊匪未來之先。豫掘深溝。堆疊土山。賊既不能踰越。溝濠擾害村莊。而該民人據占土山。足資捍衛。是村莊守禦既嚴。賊匪亦無由肆掠。復有官兵追躡其後。未有不窮蹙潰敗者。此亦保

護地方之良策。行之已有成效。若川陝河南等省各處村堡。俱能照此豫為防範。何至任賊恣意蹂躪乎。著勒保、松筠、吳熊光等飭令所屬地方。曉諭居民。相度地形。或可倣照辦理。令鄉勇人等加意防護。堅壁清野。以期賊蹤斂戢。不敢肆行侵擾。於堵剿機宜。自為有益。○調正藍旗蒙古副都統春寧為鑲紅旗滿洲副都統。以署鑲黃旗蒙古副都統監察御史托津為正藍旗蒙古副都統。調正黃旗滿洲副都統衆神保為鑲白旗漢軍副都統。○辛卯。諭內閣。戶部議駁吳璥等奏請攤徵河工稽料運費銀兩一摺。部駁甚是。著依議行。河工需用物料價值。例有正項開銷。豈容輕議加增。況自昨汛大工合龍穩固後。並無搶險之事。不過歲修常辦工程。乃該督等率以籌備幫價為詞。於地糧內按年攤徵銀十四五萬兩。使豫省羣黎均受其累。為民上者豈忍出此。雖所稱酌添運費。每稽一斤祇係

五毫。而一經州縣吏胥之手。則層層加派。所徵必不止於此數。且議加之後。不能復減。非暫時借資民力。竟永遠累及閭閻矣。在吳璥等之意。為病官起見。而不知病民實甚。乾隆五十七年。穆和蘭曾為此奏。彼時欽奉皇考諭旨。以每年常辦之工。率議增添。年復一年。伊於何底。朕小民之脂膏。為不肖官吏影射侵漁地步。特將穆和蘭及前任初議踵行各巡撫。一併嚴加議處。

聖諭煌煌。至為明切。豫省豈無檔案可稽。而竟敢踵為此奏乎。朕向聞河工積弊。有濫用不能開銷之款。往往借他項彌縫。該督之奏請加增運費。大約不出乎此。倭什布係首倡此議。吳璥前在藩司任內。曾經會議會詳。吳熊光甫經抵任。不加詳察。與吳璥聯銜具奏。均有應得之咎。著交部嚴加議處。○諭軍機大臣等。松筠奏設法勦堵情形。所辦俱合機宜。各路賊匪。本無長技。不過恃行走趨捷。到處

狂奔。其各股賊首亦無一定名目。不過指稱一人為首。虛張聲勢。現在白號一股。經恒瑞擊敗後。奔竄西河禮縣一帶。已有廣厚吉蘭泰等帶兵堵剿。藍號一股。由米倉山南竄。未致闖入川西。賊勢已就窮蹙。惟在帶兵各員相機辦理。堵剿並用。斷不可徒事尾追。疲勞兵力。至富成怯懦無能。實有應得之咎。但各路勦賊。皆蹈尾追之弊。縱使富成能抄出賊前。而賊匪一遇官兵。折回旁竄。又成尾追之勢。不得以此獨罪富成一人。其不能約束兵勇一節。據伊供明。因鄉勇搶奪強買。節次正法三人。割耳插箭。網打者尤多。尚非富成全不管束。惟伊帶領一路官兵勦賊。僅以具報經畧為詞。數月之中。全不自行陳奏。實屬糊塗已極。經畧與帶兵大員。均在一路。或同在一營。自應歸經畧一人奏事。今富成與勒保不但各為一路。且在隔省地方。若將軍情報知經畧轉奏。豈不更為迂遠。伊係將軍大員。

竟不仰體朕盼捷殷懷。實不可解。伊在甘省勦賊。或不知四川軍營隨時奏事。而恒瑞明亮廣厚等各路具摺。伊豈毫無聞見。富成似此昏憤。斷難勝大員之任。伊之獲咎。即在乎此。現在松筠已將富成解交刑部治罪。想伊到京。所供亦不過如是。富成年力就衰。且曾經受傷。近日尚能勸勵兵丁在蔣家山打仗。截回藍號賊匪。不使竄入川西。即此一端。尚可加之寬貸。況伊帶兵日久。究係軍營熟手。富成著免其治罪。作為披甲。留營帶兵。將此傳諭知之。○叅贊大臣明亮等奏報官弁追勦賊匪張漢潮功。賞協領秦巴圖。遊擊應元寬。色圖魯名號。叅將楊奎猷。遊擊張元麒。游棟雲。守備陳應彪。花翎驍騎校杜博爾等。藍翎。○予陝西甘肅軍營陣亡兵丁索明才等八十五名。四川傷亡兵丁王之泌等二千一百六十八名。賞卹如例。○壬辰諭軍機大臣等。軍機大臣會同刑部審明莊頭許五德。因

控告同主家人霍三德。託王府護衛恒德轉求和坤照應。送給地畝銀兩一案。分別定議一摺。此案莊頭許五德。因呈控同主家人。輒囑恒德轉託和坤照應。許送地畝銀兩。係乾隆五十八年之事。彼時和坤已以伯爵官大學士。身列崇班。乃竟貪得謝儀。聽受囑託。實屬卑鄙不堪。輒將家奴呈控之案。高下其手。任意武斷。將許五德一戶。徑行從貝子永澤名下徹出。令恒德向其索謝。不要地畝。指索銀一萬兩。經許五德先後送給銀六千兩。下短銀四千兩。和坤復時向催討。並令恒德差家人前往索取。因許五德措銀不出。送繳地畝。又復逼立紅契。令伊姪出名管業。巧為掩飾。而台費蔭亦遂承其意指。為之主張營辦。此等因事索財。在地方未吏稍知自愛者。猶不為。而和坤身居顯秩。既已貪賄聽情。又復疊索尾欠。是其貪鄙無恥。藐玩自專。即此已可概見。此項入官地畝。從前實屬枉斷。且啟

家奴訐告之風。著仍賞還貝子永澤。聽其另揀莊頭承種當差。其案內人犯。除台費蔭業。經降旨發往伊犁効力贖罪。餘即照所擬完結。○癸巳。

上詣

大高殿行禮。

時應宮拈香。○予湖北陣亡叅將劉景齡。把總蔡國棟。傷亡叅將傅成明。祭葬加等。世職如例。○甲午。

上詣觀德殿

几筵前供奠。○

孝淑皇后殯宮月祭。遣官行禮。○諭軍機大臣等。據玉德奏。杭城行宮及聖因寺兩處。所供高宗純皇帝龍牌。於六月十五六日。可以恭造完竣。請勅下欽天監。敬選供奉吉期等語。茲據欽天監選擇七月初八日甲子。係屬吉日。宜用卯時供奉。

龍牌。著傳諭玉德敬謹遵照。並發藏香十炷。交

該撫率同該省文武紳士等虔誠供奉以慰
闔省臣民愛戴之忱永承

福祐○吏部以大學士董誥應定何殿閣請得
旨著為文華殿大學士○予廣西陣亡士兵
徭勇黃昌等三十九名賞卹如例○乙未諭
內閣前因那敏泰與永琨行理藩院咨文限
日行八百里徒勞驛站已將那敏泰革去副
都統賞給驍騎校今念那敏泰年老並未歷
任外省其咨部文書例應如何限定里數自

奏奉未由

十五

不諸悉况伊係副都統凡事俱隨同永琨不
能自立主見又係初到烏里雅蘇台地方在
任未久著加恩將那敏泰世管佐領仍令承
襲其所襲一等輕車都尉著交該旗查明那
敏泰如有子嗣即將那敏泰之子擬正帶領
引見若無子嗣即於其弟兄諸姪內揀選帶
領引見承襲○旌表守正捐軀湖南嘉禾縣
民郭孔詳妻周氏○丙申諭內閣據愛星阿
奏現在患病艱於乘騎步履懇請開缺回京

調攝等語愛星阿平日辦事謹慎行走有年
今積勞成疾不忍遽令開缺且一時不得其
人愛星阿著加恩准其解任來京安心調養
俟痊愈後仍可回任敬襄

山陵護送事宜所有直隸提督印務著阿迪斯
即往暫署其正紅旗蒙古都統著怡親王永
琅暫行兼署達椿著以侍郎暫署都察院左
都御史並佩帶印鑰○諭軍機大臣等福寧
等奏籌運糧餉情形額勒登保一路軍營祇
解過銀二萬兩伊所帶兵數不減於德楞泰
且亦有吉林黑龍江官兵在內而供支銀數
如是之少則德楞泰之浮冒更無從置辯矣
至所稱藩司林偁用印票在省城各鋪戶借
湊銀六萬兩解送達州一節此係權時濟用
則可究非良法昨據永保奏餉銀已全數入
川計此時可陸續前抵達州所有前借鋪商
之項即應還給仍須派令妥員按各鋪戶照
數清償毋任經手吏胥從中舞弊至各處賊

匪蹤跡靡常。今野無可掠。更欲窺伺官項。冀圖劫奪。不可不倍加慎重。福寧等務須嚴飭各該運員。小心護解。勿稍疏虞。此時各路軍營。雖不敢如從前之任意濫用。但一切支發。總宜覈實撙節。將此諭令知之。○又諭此時甘境已無賊匪。但賊蹤往來無定。而蘭州省城。現有楊揆。蔡廷衡在彼。足資彈壓。廣厚。吉蘭泰。仍當在甘省邊界一帶。駐劄防堵。設有敗竄賊匪。仍行折回。廣厚等即可迎頭截擊。但亦不必越境追剿。惟當嚴防本境。不使賊匪復行闖入。以期綏靖地方。至撒拉爾回兵。此次摺內未將伊等是否出力之處提及。該回兵等從前告請來營。原資勦捕之用。今甘境已就肅清。自不必令伊等一同在彼閒住。但既已遠來。如有出力者。亦應量加獎賞。著廣厚查明此項兵內。若有實在奮勇出力之人。即行奏明。賞給頂帶。以示鼓勵。並著廣厚察看情形。如該回兵已無需用之處。即厚加

賞賚。遣歸本處。儻藍白二號賊匪。尚有窺伺甘境折回之意。勢須多兵勦捕。即將該回兵等仍暫留營應用。亦無不可。將此傳諭知之。○廣厚奏。官兵逼剿白號賊匪。已出甘境。得旨嘉獎。廣厚。吉蘭泰。卞部議敘。○以福建漳州鎮總兵官顏鳴漢。為陸路提督。督標中軍副將胡天格。為漳州鎮總兵官。○丁酉。

上詣觀德殿

几筵前供奠。○諭內閣。本日據陳大文奏。伊江阿前在山東巡撫任內。定擬免死發遣之強盜王二一案。復加審明。實係王二起意行竊。臨時威嚇事主。後至茌平縣被獲。伊江阿有意援引投首之例。定擬等語。伊江阿前在巡撫任內。接見屬員。嘗身坐蒲團。手打問訊。彼此談論。朕所深知。第念尚無廢弛公務。即持齋拜佛。亦無關緊要。是以未經明降諭旨。今強盜王二。窺見伊江阿好行善事。捏供自行投首。伊江阿竟墮其術中。冀積陰德。將應新

重犯。膽敢枉法輕縱。此乃婦人之仁。實屬有玷巡撫之任。儻人人俱如伊江阿。竟可令僧人為官耶。若使罪人倖逃法網。其被害者又復何辜。此非作福實為作孽。伊江阿著革去藍翎侍衛。並所襲輕車都尉。發往伊犁効力贖罪。除將輕車都尉世職。交該旗照例揀選人員承襲外。所有塔爾巴哈台領隊大臣員缺。著賞給台費蔭藍翎侍衛職銜。自備資斧前往。○戊戌諭內閣。前日朕召見富森布。看其人甚平庸。即欲令其回本營當差。但念永琅保舉。姑令其暫署副都統事務。今日閱看富森布條奏各款。甚屬悖謬。即如伊摺內所稱。外省地方官員。酷虐閭閻。勒索錢財。以致小民被迫而滋事。請將河州甘肅臺灣湖南湖北等處貽誤各員。無論大小。全行抄沒等語。是誠何言。地方官如果騷擾閭閻。釀成事端。自必有人叅劾。按法辦理。今富森布並不能指出某省某官實據。輒為此捕風捉影之

言。殊屬非是。且事屬已往。豈有日後追論。概行查抄之理。又奏請嗣後各省地方官。遇有應審案件。於外省駐防滿洲人員內揀派幹員。在旁監視。此事斷不可行。於吏治甚屬不合。現在京城副都統內。尚有似伊糊塗無知之員。況外省駐防滿洲官員。其能通曉吏治者。尤屬無多。又稱京城官員兵丁生計拮据。日形窮苦。非惟不能學習技藝。並日用之物亦無力置買。以致貿易小民。餬口無資。恐起盜劫之端。於事實屬有礙。所奏尤屬荒誕謬妄。京師為首善之地。商民輻湊。今富森布乃捏造惑人之言。冒瀆陳奏。實屬肆口妄談。富森布係由健銳營前鋒叅領保舉副都統。自必不曉旗務。稍有錯謬。尚屬可原。乃無故任意編造妄言。瀆奏殊屬不堪。實出情理之外。富森布著解任。交軍機大臣等訊伊如此條奏。究係何意。嚴審定擬具奏。永琅並非管理健銳營事務之員。因和珅每年隨往避暑山

莊其健銳營事務。令伊暫行署理。伊係留京辦事。又兼管內務府大臣事務。亦無暇前往健銳營。不過富森布進城回事時。隨加稱許。將其保舉。其實何嘗深知。富森布果堪保舉。則管理健銳營之拉旺多爾濟。豈有轉不保舉之理。永琅並未詳細查看。輒將富森布率行保舉。殊屬非是。永琅著交部議處。○又諭。頃因副都統銜富森布。以京師各官兵頗形拮据。致廢操演技藝。應請施恩鼓勵。撫拾感

人之言。妄行瀆懇。是以令軍機大臣等審擬具奏。今軍機大臣等奏請將富森布革職。以為妄行條奏者戒。富森布本應即行革職。但念其前曾出師西路金川等處。打仗百有餘次。殺賊十四名。尚屬奮勉。即如今春以來。大臣中並無勞績。而較伊稍有知識。沽名取巧條奏者。尚復不少。因其究有奏事之責。故曲加恩貸。革職留任。富森布究係行伍出身。糊塗不曉事體。即沽名見長之見。亦非其意想

所及。今念其從前尚有微勞。著加恩賞給健銳營前鋒校。交該管大臣等嚴加約束。遇應升之處。不必列名。俟多過數年。如果安靜當差。已改好事性情。朕降旨詢問時。再行奏聞。惟念滿洲官兵。皆係定鼎時從龍世僕。朕豈不垂念。試思官員按季有俸銀俸米。兵丁每月有月餉米石。是數當差居家之用。且遇出行。即有路費。年底又有各項賞賚。所以撫卹官兵者。不為不周矣。夫國家經費有常。而賞

不可濫施。豈有無故屢賞兵丁之理。況加恩賞賚。恩出自朕。臣下原不應沽名市惠。富森布如此妄行瀆奏。致使旗人妄生希冀恩賚之心。於風俗人心。大有關繫。此風斷不可長。八旗王大臣等嗣後似此難行之事。斷不可入奏。將此通諭知之。毋謂教之不豫也。○予故河東河道總督司馬駒祭如例。○旌表守正捐軀四川富順縣民晏時春妻黃氏。○戶部議准署江西巡撫布政使萬寧疏報豐城。

上高。新昌建昌四縣開墾山地三十四畝有奇。照例升科。從之。○己亥。諭內閣。朕惟治天下之道。莫要於去壅蔽。自古帝王達聰明目。兼聽並觀。是以庶績咸熙。下情無不上達。朕自親政以來。首下求言之詔。虛己諮詢。冀裨國是。其時和坤福長安首被參劾。朕即執法懲辦。其後復有參奏外吏如鄭源璫胡齊嵩常丹葵者。亦皆嚴拏究訊。設非諸臣應詔直陳。則貪劣之員。豈能即時敗露。數月以來。凡諸臣之敷陳得當。皆已見諸施行。而其間妄抒臆見。荒唐可笑者。若律以妄言之條。原難曲貸。但朕既令人盡言。又復以言罪人。豈非誘之言而陷之罪乎。是以留中未經宣示之摺。雖軍機大臣亦不使與聞者甚多。惟薩彬圖以副都統而干與查抄和坤之事。並欲審訊使女。尋掘金銀。恒傑因誤穿服色。妄參司員。富森布以京師商賈不行。請普賞八旗以資市易貨物。此三人無知瀆奏。尤出情理之

外。不得已予以罷斥。儻無識之徒。謂伊等因言獲罪。而不諒朕之苦衷。則失之遠矣。又富森布昨奏摺內。伊曾經出師福建甘肅等省。見地方官率皆貪酷。俱應查抄家產。所言尤為乖謬。富森布之意。因和坤福長安現被查抄。故爾心存迎合。殊不知和坤獲罪甚大。例應籍沒。並非利其貲財。若有所利。何以不用薩彬圖之言。反加之罪乎。此外如惠齡宣綿景安。貽誤軍務。查抄亦所應得。朕尚格外從寬。即秦承恩拏問時。雖曾抄伊家產。旋因訊明實情。仍復賞還。豈有將無劣款可指之各州縣。概予籍沒之理。設果以貲財為重。則惠齡之家產。雖不及和坤福長安。豈並鄭源璫之不若哉。此尤事之顯而易見者也。近來言事諸臣。往往不為國計民生起見。揆厥本衷。大約不出乎名利之兩途。其沽名者。如議添八旗內務府甲缺。加增廉俸。賞賚兵弁等事。其意以為若蒙允准。則可以市惠於人。不准

則又以歸怨於上。似此居心。其巧詐尚可問乎。其牟利者。如永來之請於圓明園。明善掌開濬河道。縕布等之請修南苑寺廟。皆係不急之務。現在工程如恭修

太廟及

昭陵石碑樓。

裕陵地宮。並萬年吉地。俱係事關大典。不容或已。自當敬謹營繕。至圓明園。現未臨幸。南苑大閱。須俟二十七月後始擇吉舉行。在彼駐蹕。不過數日。此時為期尚遠。何必與要工同時並舉。伊等此奏。特為官役人等圖沾餘潤耳。至若請將局錢易銀之事。所言尤不足道。以朝廷與小民競利。更復成何政體耶。況在官言官。各有職守。邇日並有現任封疆大臣。將他省之事越俎陳奏。或干與京師政務。是欲自見其長。而忘其為出位之思矣。夫以總督統轄兩三省。幅員廣濶。其任內應行整理及興利除弊之事。不知凡幾。即殫精竭慮。尚

恐未能周到。何暇舍己田而芸人之田乎。朕非以諸臣陳奏過繁。倦於披覽。特以人臣事君之義。全在滌除私念。方可冀其進獻嘉謨。若先有沽名牟利之見存於中。是舉念即已涉私。尚安望其忠言入告耶。嗣後王公及內外大小臣工等。當善體朕意。於關繫政治。糾劾貪污要務。原當隨時具奏。若懷挾私見。不出為名為利二者。斷難逃朕洞鑒。不得不治以妄言之罪。今朕特降此旨。杜莠言。正所以來讜論。並非欲諸臣安於緘默。切勿錯會朕求正言之意也。將此通諭知之。○諭軍機大臣等。明亮係素諳軍旅之人。從前隨同阿桂屢次出兵。且曾獨當一面。今勦辦張漢潮一股賊匪。並非大敵。日久總未成擒。本日所奏打仗情形。仍係敷衍塞責。其籌畫分布要路各事宜。於南路北路西路。及東北各緊要處所。四面堵截。明亮與慶成。再各領官兵。分兩路從中夾擊。布置尚為妥協。若將來賊匪於

何路逸出。即惟該處領兵大員是問。其官兵防堵之地。必須擇人烟稠密處所屯紮。俾賊匪所過。不過窮山僻壤。無可掠食。自必日久疲敝。即欲向村鎮搶掠。官兵以逸待勞。賊來即擊。更可事半功倍。至所稱調派張文奇。由永桐至商州分駐一節。斷不可行。朕節次降旨。諭令各省督撫。俱於本省邊界防堵。不得越境勦賊。且明亮摺內。亦稱張漢潮欲誘官兵入山。乘間由豫省衝過。逃回湖北。今乃欲將豫兵移駐陝境。豈不慮賊匪偵知豫省邊備空虛。又復乘間東竄。吳熊光現無兵力。何以禦賊。即使明亮與張文奇。由永桐跟蹤追躡。已在賊匪之後。豈非驅賊入豫。令其回襄陽本籍耶。且張添倫高均德。尚在陝楚邊境遊奕。此二賊之意。亦刻思由豫逃回楚境。設聞知豫省無備。向彼竄逸。更將何以禦之。况豫省本境。即有土賊潛匿。今見防兵遠出。乘間竊發。尤屬可慮。明亮之意。祇欲以多兵勦

辦張漢潮一股。全不為豫省計。殊不知陝豫均關緊要。不可顧此遺彼。明亮久歷戎行。何憤憤若此。至所稱山東新兵不如陳兵之語。尤屬非是。明亮等所帶陳兵。往來勦賊。不無疲乏。豈有生力新兵。轉致不如疲乏陳兵之理。前此明亮往往以兵力單薄藉口。及至添調多兵。又以不能得力為詞。設或因山東兵力可以勦賊得勝。明亮恐其分功。故為此語。則居心尤為鄙陋。本朝開國之初。不過以一旅之師。入關定鼎。康熙年間。吳逆等搆亂。阻兵七省。為之震動。其時國家財力。豈能如今日之充裕。惟賴我滿洲勁旅。以寡敵衆。次第削平。今勦捕教匪已逾三載。調集數省官兵。糜帑至數十萬兩。尚未悉行撲滅。至張漢潮已老病無能。乘坐竹兜。窮蹙奔逃。且據明亮所奏。賊衆祇有二千餘名。明亮各路分布官兵。有一萬三千之多。即此內有疲乏者。計其得力之兵。不下萬餘。較之賊衆。已及五倍。若

各兵齊集後。再不能一鼓殲擒。則明亮何顏復行奏報。著傳旨嚴行申飭。伊接奉此旨。當倍加愧勵。務將張逆一股。於兩月內迅速殲擒。肅清陝境。不得再有稽延干咎。○以直隸馬蘭鎮總兵官特清額為提督。吏部左侍郎成林為馬蘭鎮總兵官。轉吏部右侍郎英善為左侍郎。調禮部右侍郎達椿為吏部右侍郎。兵部右侍郎文寧為禮部右侍郎。降理藩院尚書惠齡為兵部右侍郎。以歸化城將軍烏爾圖納遜為理藩院尚書。兼鑲白旗蒙古都統。調正紅旗漢軍副都統祿康為鑲黃旗滿洲副都統。以刑部右侍郎德璘兼正紅旗漢軍副都統。○辛丑。

上詣觀德殿

几筵前供奠。○土默特貝子朋素克琳沁緣事革退。以其子瑪呢巴達剌襲爵。○予湖北陣亡巡檢金廷勲祭葬世職如例。○壬寅。諭軍機大臣等。白號賊匪由徽縣一帶直奔陝省。

逼近棧道。經松筠、永保在褒城畧陽分路堵截。賊匪即向東南奔竄。直趨川省。南江現在永保所帶兵丁祇有一千名。而松筠亦僅有一千六百名。其富成原帶鄉勇又多疲乏。不諳紀律。看來伊二人兵力實單。現已降旨令勒保作速酌派官兵堵禦要隘。此時富成原帶之兵自己陸續到齊。而松筠又將何家巖派撥之四川兵委員帶領追躡。惟當相機截擊。使賊不致深入南江。仍逼回陝省。方為妥協。至所奏廣厚、吉蘭泰並未跟蹤前來。此事廣厚、吉蘭泰二人並無不是。白號賊匪闖入甘境。廣厚等督兵截剿。已將賊匪驅逐入陝。自應陝省官兵悉力奮擊。廣厚等係守土之臣。本宜以各守本境為重。非若松筠之身任陝甘總督。必須兼顧兩省者可比。前因明亮奏調豫省帶兵之張文奇、田永桐等移駐商州。祇知顧陝而不知顧豫。曾即傳旨申飭。今松筠等以廣厚、吉蘭泰未曾跟蹤追躡。為非。

豈不又如明亮之欲調豫兵駐陝耶。松筠等惟當就現在陝省之兵丁。先行設法勦辦。不得檄令廣厚。吉蘭泰出甘入陝。以致顧此失彼。若陝省兵力實單。即行奏聞候旨。再慶成前經勒保札令帶兵前赴明亮一路。協勦張漢潮。又據明亮奏於石泉鎮安商維等處。四面派兵堵截。而明亮則與慶成帶兵從中分擊。今松筠等又欲令慶成在棧道東西勦賊。慶成以一人而數處咨調。又將何所適從。朕

平定回疆方略卷一百一十五

十一

意此時張漢潮一股最為緊要。自應令慶成竟赴明亮一路。協同擊勦。速將張漢潮撲滅。再行察看別股賊情。擇要會勦。較為得力。將此諭令知之。○又諭。現在川省張子聰龍紹周等七股賊匪。俱經勒保酌派各將領帶兵專躡。此時南江一路。急須撥兵堵截。著勒保於雲南廣東新到兵丁內。酌量抽撥。速派勇幹將弁帶領。即日前赴南江。使白號賊匪不敢乘虛滋擾。勒保身為經畧。於川陝等處一

切勦辦事宜。皆應通盤籌畫調度。不得稍分畛域。意存歧視。况棧道疏通。於川省軍營一應來往文移。亦大有裨益也。○以光祿寺卿阿隆阿為太常寺卿。○以大學士董誥為國史館總裁官。

平定回疆方略卷一百一十五

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十七

陸修曉職官歷爲講起居汪官太子太傅武英殿大學士文淵閣領閣事諸祭欽奉 上諭事件處管理工部事務翰林院掌院學士陽

唐加奴尋常四級^臣曹振鏞教習太子太孫文淵閣大學士管理刑部事務加奴^臣戴均元^臣經筵日講起居注官太子少保內大臣文淵閣提舉閣事

稽察欽奉 上諭事侍處候辦大興寺 郎中書翰林院掌院學士教習席吉士總管內務府大臣鑲黃旗滿洲都統步軍統領管理戶部三

康奉宸院清漪園等處總理工程處御茶膳房御藥房太監院西洋堂事務軍功加三級頂帶加三級尋常加十三級紀錄五次

經筵講官太子太保禮部尚書上書房行走武英殿總教管理園子監事務六部隨帶加級紀錄四次

敕修

嘉慶四年己未六月癸卯諭內閣宜興等奏

審擬吳縣劣生馬照等因該縣生員吳三新
負欠徽州民人楊敦厚錢債未還該縣甄輔
廷即將吳三新擅責二十板衆心不服糾衆
喧鬧現已審明分別辦理請將甄輔廷交部
議處等語生員吳三新負欠楊敦厚錢債未
還被控係屬尋常事件該縣訊明欠債屬實
祇須勒限追還何至輒行責打即使生員中
有恃符抗糧及把持地方等事必應嚴懲者
亦應詳明斥革後再行辦理其有未經詳革

而擅責者應將地方官交部議處今因負欠細故未褫先責設遇拖欠官項又將如何重辦乎是馬照等之心懷不甘率衆喧闐皆由該縣處置乖謬所致且楊敦厚係徽州富商在蘇放債恐該縣竟有受賄偏聽情弊不可不嚴行究訊該撫僅請將該縣交部議處完結殊屬寬縱甄輔廷著革職交費淳提集犯證詳悉研鞫如果有受賄情事即定擬治罪奏聞○諭軍機大臣等胡季堂奏直省懸欠各項請酌賞限期分別歸補其現任直隸各員應提集省城按限追繳至升遷外省並已回旗籍者應行文各原籍及該管現任督撫將欠項各員提至省城管押等語胡季堂此奏祇為追繳庫項懸款起見而不顧事理之難行且於各省吏治均有關繫斷不可行直隸各州縣皆有地方之責若因立限追完欠項俱提至保定省城則本衙門應辦刑名錢穀詞訟諸事勢必交佐貳及委員經理不特

曠廢職守。兼恐百弊叢生。至回籍各員。亦令本省督撫提集省城管押。則各員在會垣株守。更無從設法措交。官項仍致日久懸宕。於事何益。若升遷外省之員。或有才具明幹。身任繁劇。為上司所用。或有經手緊要事件。該督撫焉肯調駐省城。置之空閒。為他省代追官項之理。必致紛紛奏請。仍回本任。其事亦屬難行。况胡季堂既欲將升遷外省虧短直隸公項之員。提至各省城拘管勒追。其有虧短他省公項。升遷直隸之員。則各督撫亦必思倣照此奏。行文胡季堂。將各該員拘集省城。是虧欠本省及他省官項各員。皆須提集保定。則直隸地方官之在本邑者。寥寥矣。若各省皆從而效尤。則天下凡有應繳虧項各州縣。必致一舉而空之。試問國家曾有此政體乎。即據單內所開。不特州縣如巡撫馮光熊。亦有攤賠之款。豈欲將伊調至雲南省城。令富綱追繳耶。封疆大吏。當以吏治民生

為重。而財賦次之。胡季堂何不知大體。若此直隸未完各款。已懸宕三十餘載。既須次第清釐。何必亟亟。現在各省懸項。分別子孫代賠。及前任現任三款。已交戶部陸續查辦。此單亦著戶部覈明具奏。候朕降旨定奪。至此時已提至保定各員。仍著回任辦事。將此諭令知之。○又諭達慶等奏各省漕糧率多攙雜。潮嫩請勅下有漕省分認真監兌。並令押運等官勤加風瞭等語。徵收漕糧例須乾圓潔淨。方可久貯。前經蔣兆奎奏漕米微變。茲又據達慶劉秉恬奏米麥各色未能一律純潔。可見有漕省分。只知加派漕規。全不以漕務為重。任意糅混。於倉儲大有關繫。漕米攙雜。皆由於經徵監兌各員。通同營私牟利。並不查驗米色。率行兌收。而巡撫糧道等官。坐享漕規。置漕弊於不問。積習相因。已非一日。朕聞有漕各州縣。無不浮收。而江浙地方為尤。甚有每石加至七八斗者。有私行折收錢

文者培克小民無所不至朕素知此弊必當執法嚴懲特此時尚未辨及耳著傳諭各該撫通飭經徵監兌各員力除積弊認真辨漕如敢仍前浮收轉致正供米色攙雜者惟各該撫及糧道是問至於漕米潮潤發變固屬押運官弁不知慎重亦由沿途催趲過急無暇開艖風暘多加氣筒所致即如本年漕船據戶部奏報較上年早到四十餘日行走實屬太速嗣後催漕官員務須酌量緩急期於不誤回空兌漕而止不必過事催迫俾得於途中從容行走隨時風暘若再有潮潤微變之處即將押運官弁嚴叅究辦將此傳諭有漕各省巡撫並諭蔣兆奎知之○又諭額勒登保隨時察看賊勢到處攔剿使冉添元等歸併一處實為出力可嘉德楞泰亦差強人意朱射斗勦辦包正洪一股亦有斬獲勒保飭令該鎮盡力窮追所辦甚是惟兵丁李廷剛能將包正德立砍下馬並將賊目汪正拔

一併殺死此等奮勇出力兵丁勒保身為經畧自應一面賞給把總外委頂帶一面奏聞何以摺內並未奏請獎賞著即具奏候朕加恩卜三聘經七十五堵勦不使闖入楚境所辦亦好至齊王氏久經殲戮何以尚有齊家營之稱可見從前辦理未絕根株又冉添元係冉文雋之姪上年惠齡勦辦時祇知拏獲首逆邀功實置餘賊於不問以致冉添元得以從容前往西鄉別有勾結勒保與各路帶兵大員斷不可復染積習再勒保奏目下賊勢漸窮毋庸再請添兵且具陳選將籌餉及各省營伍情形所見已有把握若能於三兩月內兵不增而功速歲以仰慰皇考在天之靈紓朕宵旰焦勞之意此誠日夜所盼望者勒保係經畧大臣各路軍營皆所統轄務於七八月間將川省各股賊首全行擒獲其餘竄逸匪衆仍應予數月期限逐一搜捕無遺方可謂之告厥成功又據密陳明

亮辦賊鬆懈等情所言自係公論前因明亮
勦辦張漢潮一股日久任其往來奔竄並未
即行擒獲已降旨嚴飭此奏適與朕意相合
至所請訓練健銳火器兩營兵丁一節朕自
當飭令管理之員實力整頓也將此傳諭知
之○又諭此次用兵以來各路領兵大臣惟
額勒登保每遇打仗必奮勇爭先督兵冒險
進擊故所向克捷朕心實深欣慰但伊前任
領隊侍衛時先登陷陣奮不顧身固所當然
今職司叅贊乃國家倚重之大臣所關緊要
嗣後凡遇擊賊宜加慎重愛身惟當相機指
示不可仍前爭先冒險此為至要將此傳諭
知之○甲辰

上詣觀德殿

几筵前供奠○諭內閣今日朕詣

觀德殿回至北上門面詢御前侍衛兼奏事處
行走之扎克塔爾以各衙門有無引見官員
據奏有宗人府引見官八員其時管理宗人

府之睿親王淳穎隨侍轎旁朕意欲詢彼係
何項人員而未經降旨淳穎亦無一言及至
回宮問之奏事太監則稱今日並無引見因
令軍機大臣查詢旋經軍機大臣遵旨查奏
面詢扎克塔爾據稱本日宗人府遞有引見
官八員奏摺係伊親自接收後來如何撤去
扎克塔爾並不知道復詢問管理宗人府王
等據淳穎稱本日宗人府本遞有引見官八
員係淳穎撤去詢問其故則稱因別處並無
引見是以將奏摺撤出又詢問奏事太監據
稱此項引見奏摺係奏事處行走之員外郎
景文徹去各等語此事殊有關繫前此朕特
經降旨各衙門引見人員如遇朕詣

觀德殿日期應照常帶領不得因此延擱其平
時引見人員無論數員至數十百員總應隨
時帶領淳穎豈不知之從前和坤攬權專政
將各省奏報及在京各衙門奏摺任意壓擱
最為伊罪之大者蓋由和坤以軍機大臣兼

御前大臣事權過重內外官員畏其聲勢不敢違拗是以朕親政以來軍機大臣及御前大臣彼此不令相兼所以杜專擅而防壅蔽今淳穎輒將已遞之摺復行徹去是竟欲首先嘗試復和珅之故智矣况宗人府衙門並非淳穎一人居首辦事何得專擅徹出如外省州縣衙門遇有官行文書一經投入即成案據尚不能輕易徹回何况朝廷之乾清門章疏既經呈遞豈有公然擅徹出入自由之理若似此陋習相仍設遇有封口奏章或叅劾大臣章疏亦可任其徇私託人代為徹下相為壅蔽使下情不得上達乎即淳穎之意以朕自

觀德殿回宮正值天氣暑熱為朕節勞起見殊不知朕日理萬幾年甫四旬從不以此為勞而八員之引見本亦不足為勞况伊即因別處並無引見人員不欲以該衙門八員特行帶領又何妨豫行商定另日帶領何得將已

遞之摺徑行徹回殊屬膽大此事扎克塔爾於朕詢問時因宗人府奏摺係伊接遞即據實回奏所奏人數亦無錯誤與伊並無不合非因伊係番人故寬其罰而已遞復徹實係淳穎一人之咎淳穎著交宗人府嚴加議處其奏事員外郎景文因淳穎令徹即將奏摺徹出尚係沿從前畏懼和珅之積習卑鄙無恥之風竟未悛改可恨之至朕必力加整頓斷不姑容著交內務府議處至奏事太監等平日管束甚嚴伊等因淳穎欲徹奏摺不敢從中阻止尚屬可原應免置議但此事因係初犯是以從寬辦理嗣後內外衙門凡有陳奏事件一經接受皆應直達朕前聽朕批示毋得捺摺擅徹儻有仍蹈前轍者一經察出必當從重治罪決不寬貸也○又諭江蘇監生周夬具摺言事臚列數十款朕詳加披閱所言大抵難行其稍有可採者皆業經施行之事復命軍機大臣等悉心覈議茲據按款

議駁具奏。周劭以諸生而妄言國政。指陳利弊。多係空談。甚且欲變亂舊章。以峻法繩人。以操切為政。本當治以應得之罪。特因廣開言路之時。不欲以言語罪人。若加之罪。是自蔽耳目。杜言路。小民之疾苦。何由得知。臣工之賢愚。從何考察。但周劭身居卑賤。逞臆瀆陳。而又不切時要。著即將該監生送至費淳處。交地方官約束。毋許出外滋事。沿途送往時著從寬。不必照遞籍之例押解。○又諭據

勒保奏稱。派往軍營之健銳營火器營兵丁。俱技藝平常。不耐勞苦。惟額勒登保所帶之兵。甚為精壯。得力。即有疲乏者。一入其營。皆互相鼓勵。奮勉打仗。等語。可見無不可用之兵。祇在平素操演。何如耳。我朝國初。用兵視如手足。是以所向無前。剋期奏功。其精銳驍勇。迥超前古。是時惟知各懷誠盡。奮勇爭先。初未設有健銳等營也。今滿洲兵丁。不但遠遜當年。且不及綠營。以致人皆不願帶領。至

健銳火器營兵。素稱勇健。尚且如是。何況護軍前鋒營乎。此輩是否自知愧赧。朕言及此。實為愧之。富森布頃有代兵請賞之奏。尤屬恣意妄陳。國家卹賞兵丁。不可勝數。即如每月錢糧。需銀三十二萬餘兩。歲暮復賞皮衣地租等銀。紅白事件。又給恩賞銀兩。此皆格外賞賜。則愛養兵丁之恩。不為不至矣。豈有無故屢行加賞之理。再朕聞此次健銳火器二營。派往兵丁二千名。並非選其漢仗技藝

惟以名帖求該管大臣章京等出派。尤堪詫異。滿洲臣僕情願出師。原為報効國家。今念不及此。惟知往返途中。向驛站並地方官索取錢文。及抵軍營。又惟坐食軍餉。是未起程以前。即居心卑鄙。臨陣尚可望其實力。用命乎。著交該管大臣等。限二三年內。各將該管兵丁。實心實力。不時操練。務使弓馬技藝。俱臻精熟。以復滿洲舊習。朕過二十七月後。無論何時何處。偶傳一營一處兵丁。閱試。若仍

似此軟弱無用。各項技藝生疏。必將該管大臣等從重治罪。決不寬貸。勉之。○旌表守正捐軀江南銅山縣民馮得妻曹氏。○乙巳。戶部議准。安徽巡撫陳用敷疏。報南陵縣開墾灘地三十九畝。有奇。照例升科。從之。○丙午。諭內閣。祖之望奏。漢水上游陡漲。荆門潛江等處民隄間有漫淹等語。楚省邪氛甫斂。民困稍甦。今又因漢江上游水勢漲發。荆門潛江等處間被衝淹。深為可憫。著該撫等督飭所屬。速行查明。被淹戶口。實力撫卹。並將各隄缺口。上緊搶築。積水設法疏通。俾得補種。以期有秋。勿使一夫失所。○丁未。

上詣觀德殿

几筵前供奠。○以故克勤郡王雅郎阿孫四品宗室尚格襲爵。○以翰林院侍讀學士德文詹事府少詹事潘世恩為詹事府詹事。○旌表守正捐軀山西太谷縣民楊秀普妻馮氏。湖南臨武縣民曹道廊妾王氏。○戊申。署陝

甘總督恒瑞奏。報截勦甘省藍號賊匪。得旨嘉獎。賞花翎。賞佐領圖敏。遊擊李天林。巴圖魯名號。協領額爾起。副將德忠。花翎。驍騎校德楞額等。藍翎。湖北義民首貢生易萬里。五品頂帶。以通判選用。餘升賞有差。○己酉。諭內閣。朕前聞江蘇有匿名首告胡觀瀾一事。諭令費淳查奏。茲據查明。江陰縣有廣福寺。年久傾圯。縣民高柏林。係鹽政徵瑞長隨。稟知徵瑞。捐銀五千兩。交知府胡觀瀾興修。胡觀瀾因公費不敷。復令該縣楊世綬在城鄉勸募。出差催繳。民怨沸騰。因令該員等先後告病解任。今請將胡觀瀾。楊世綬革職。永不敘用。等語。胡觀瀾係知府大員。不知體恤。民情。勒派出資修寺。擾累閭閻。且迎合鹽政長隨。為之派捐催繳。尤為卑鄙無恥。胡觀瀾即著照該督所奏。與楊世綬一併革職。永不敘用。現據該督查明。胡觀瀾平日於所屬倉庫尚知留心。自無侵虧情弊。前此告病時。應已

交代清楚就此一事而論革職已足蔽辜毋庸再行治罪。徵瑞係屬鹽政自行捐資修理寺宇尚屬情理所有惟高柏林係下賤長隨倡議修寺以致派累士民實非安分之徒雖查無與胡觀瀾交通情弊亦當交伊原籍地方官嚴加管束毋許出外滋事至費淳前任蘇州巡撫距江陰甚近於胡觀瀾派累之事豈無聞見况知有匿名碑記並拆出假名稟帖怨讟繁興即應嚴查究辦雖律載匿名告

言人罪者不坐

然既訪有確據亦當據實奏聞乃費淳直待朕指出情節詢問始行補奏本有應得之咎姑悉其平日操守廉潔聲名尚好此事一經傳詢即行徹底查明參奏並不徇隱尚屬可寬若因此加之嚴譴轉恐外省督撫於本屬之事迴護不舉於吏治均有關係費淳著免其交部議處該督惟當倍加感愧整飭官方以副朕誠諭矜全至意○又諭前於乾隆二十二年

高宗純皇帝曾經降旨通飭各直省駐防將軍副都統及提鎮各員以武職大員理應訓練兵丁勤習操演如有自耽安逸輒行乘轎者必嚴加懲治

聖諭至為明切乃近年以來日漸廢弛朕聞各省不但將軍提鎮等公然坐轎即副參以下多有乘轎出入者現據阿迪斯奏直隸提督衙門兵馬檔冊內開有轎夫十八名俱係戰兵充役而涼州副都統和星額亦以該處城守尉烏靈阿擅行坐轎參奏可見外省大小武職相習偷安違例乘轎竟同一轍朕自莅政以來屢次訓飭八旗官兵務須嫻習騎射熟練技勇而於各省陳奏營伍情形批荅時總以實心操練為勗今閱阿迪斯和星額所奏是身任武職者竟惟知自圖安逸又安望其為各營表率况武職官員即自行雇夫抬轎已屬違例乃竟以戰兵充役此風尤不可長著再行通諭各直省駐防將軍副都統及

提鎮各員嗣後如再有違例乘轎者或經奏或經訪聞必治以應得之罪如駐防城守尉以下綠營副叅以下有犯尤當從重治罪決不姑貸○庚戌

上詣觀德殿

几筵前供奠○遣官祭

火神廟○予陝西湖廣河南雲南貴州陣亡總兵官保興把總康世俊祭葬加等世職如例把總張爾重楊烈外委李登雲梁國章候補千總武舉李公肅祭葬世職福建浙江出洋捕盜淹斃副將莊錫舍外委會國寶王天泰祭葬卹廕如例○辛亥諭內閣戶部奏鄭親王烏爾恭阿等代扣伊祖父未完議罰王公俸銀與本身議罰應行開復者不同奏明請旨定奪並開列罰俸案由進呈朕思前降恩詔開復王公處分係指現在襲爵者而言其代扣祖父罰俸銀兩原不在此例今朕格外施恩一體准其減免因將單內案由詳加

披閱分別重輕所有果郡王永璫未完銀三萬四百七十餘兩著加恩全行寬免簡親王豐訥亨未完銀六萬三千六百一十餘兩誠郡王弘暢未完銀一萬五千兩恒郡王永皓未完銀六千二百五十兩輔國公嵩椿未完銀八千八百八十餘兩俱著加恩寬免一半其餘銀兩均於伊等子孫俸銀內坐扣其所以分別減免之故茲特詳悉宣諭豐訥亨各案內有辱罵喀喇沁王喇特納錫第一案宗室諸王侍人接物倍宜謙謹在朝之大臣官員侍衛尚不應辱罵况喇特納錫第亦係王爵豈可肆行無禮且朝廷撫御蒙古外藩至為優厚豐訥亨輒敢任性辱詈大非我國家懷柔藩部之意弘暢管理旗務聲名甚屬平常朕在藩邸素所深知永皓令吏部筆帖式褚維成告退充當王府庫下褚維成祇係永皓屬下並非王府包衣可比入仕後復令告退改充王府差使是王府與朝廷爭用人之

柄實屬膽大放恣嵩椿身為將軍因護送家
口令官兵攢湊幫銀亦屬有玷宗室顏面以
上四人案情較重是以僅免一半不如此無
以示儆嗣後王公務行諫約恭謹若管理事
務力崇廉潔以此四人為戒至若永璫罰俸
各案祇站班先散陪祀先回及私遊昆明湖
等事不過少年好遊偷安習氣非干犯法紀
者比其過尚輕是以全數寬免此朕酌覈各
案務協其平雖多至三萬餘兩概予豁免少
至數千兩亦未便悉行免扣原情度理初不
從銀數多寡起見諸王公等其母舅朕篤念
天潢隨時教誡至意○諭軍機大臣等恒瑞
等奏現在藍白二號賊匪俱已先後竄出甘
境恒瑞擬由褒城前往會同明亮勦辦張漢
潮一股廣厚吉蘭泰俱應在本境防堵此時
截勦藍白二號係慶成松筠永保三人之責
若令賊匪南竄川省或從西北折回甘省則
咎將誰諉慶成帶領直隸兵一千六百名而

富成原帶之兵現歸松筠統領兵力不為不
厚永保處雖覺兵單茲已與慶成同在一處
况藍白二號賊數無多更易設法截擊至慶
成初接明亮知會本擬與明亮居中追擊嗣
得松筠永保之信又帶兵馳往漢中是慶成
既不願與明亮勦辦張漢潮一股而與永保
會合後又不思將藍白二號之賊認真勦辦
究以何股賊匪為慶成專責且慶成係成都
將軍非松筠永保之身任陝甘督撫可比儻
令藍白二號賊匪俱由畧陽南入蜀境滋擾
川北地方慶成更不能辭咎矣至永保回至
鳳縣實難不過料理運餉之事今餉鞘早出
陝境近日亦未見勦辦何股賊匪得一勝仗
前此白號之賊過略陽時永保尚可藉辭未
到今藍號之賊又由略陽奔竄正值永保帶
兵在彼豈可又任其南竄與白號接踵合夥
乎永保當趁勢殲擒不得以驅出陝甘境地
即為了事將此各諭知之○以迎勦藍號賊

匪出力賞守備李殿魁等藍翎撒拉爾回兵總約韓四箇等守備千總銜○戶部議准貴州巡撫馮光熊疏報黃平湄潭二州縣開墾地十四畝有奇照例升科從之○壬子諭內閣據宗人府奏稱恒敬郡王永皓之福晉孀居家中現有太監七名可否准其留用等語前因王貝勒等使用太監過多故降旨定以額數並未議及薨逝王貝勒等之孀居福晉所使太監額數第念福晉等平日使慣太監今若因該王貝勒等薨逝將太監遽行徹出止准使用包衣家奴朕心有所不忍且於體制未協嗣後如王貝勒等薨逝並無子嗣將別房子孫過繼為嗣承襲王貝勒之爵者即按所襲之爵遵照前此所定太監額數使用儻有絕嗣過繼之人無爵例不應使用太監者其孀居福晉即著照薨逝王貝勒之原爵准其減一等使用以示體卹宗室之意即如永皓今若尚在以伊郡王分例應有太監三

十名其孀居福晉應即准其使用太監二十名○諭軍機大臣等台布覆奏廣西土司典出地畝未便即令備價回贖請開設官當以濟土司緩急並土境客民另編客籍一摺所奏殊屬非是前因成林條奏開墾廣西空閒地畝招徠客民耕種一事將原摺發交台布閱看即以客民占據土境相沿已久多有窒礙難行台布接奉諭旨後自應察看該處情形果事在難辦原不妨據實覆奏今既查明漢民占種土司田畝為日已久如概令備價回贖則土司疲憊無力若欲分別查辦悉數追還則漢民資本全虧必致失所是成林所奏斷不可行朕前交台布查勘之意本以成林既有此奏自不得置之不議並恐台布意存拘泥特將種種未便之處詳悉諭示俾其得有主見乃台布既明知此事難辦又恐全行議駁近於畏事復支吾其辭為開設官典編造客籍之奏試思客民占種土司地畝重

利準折尚干禁例今乃欲官為開設典當豈非朝廷欲貪土司之利而為此盤剝之事乎况據稱數年後得有息銀足數典本即將本銀撤回歸款再有餘息解司報撥充公等語試思所開典當如取息甚輕數年後焉有盈餘足數典本儻倍息取償則內地民人尚不准其重利放債又豈得以地方官吏為此市井牟利之舉重困土司且漢土相安已久即土司疲乏無力亦祇可聽其自為生計又何必官為過問乎各省陋習於地方典當往往勒索當規今台布欲於土境開典自係地方官欲藉此需索典規因以為利而台布為其所愚輕於聽信儻日朘月削致滋事端究所由來竟由於官設典當釀成其事更復成何政體耶至編造客籍一事內地編查保甲非不立法周詳而地方官日久懈弛尚且有名無實視為具文何況行之土境覺察難周更不過徒為吏胥需索之地有何裨益前此成

林所奏已屬無謂然猶祇欲招徠客民開墾荒地今台布乃欲於土境創設從來未有之官當種種擾累土民較之成林所見尤為紕繆著傳諭嚴行申飭○癸丑

上詣觀德殿

几筵前供奠○諭軍機大臣等福寧秦川省賊勢除舊有賊目徐添德等外復新添譙城等十名其黃號藍號白號黑號零星股匪尚多較之上年實屬有增無減朕前屢經降旨諭

令勒保察看情形將應否添兵之處據實具奏據勒保奏稱賊勢漸窮儘此兵力勦賊毋須再請添兵朕方以勒保已有把握故為此言今福寧所奏匪徒愈勦愈熾賊眾兵單與勒保前摺大相逕庭摺內羅列賊目俱係確指姓名斷無憑空捏造之理勒保與福寧俱駐達州若賊股日漸增多福寧知之而勒保毫無聞見則是昏憤糊塗大負委任况兵添而賊可速平飲至郊勞皆勒保身受榮寵何

以祇圖目前粉飾以功易罪耶朕授勒保為經略原賴其調度運籌不責以衝鋒打仗之事今勒保駐劄達州以來未見其相機布置決一勝策每閱旬日不過將各路軍情奏報一次藉以塞責想其意不欲賊匪即平事權可以久擅殊不知量能授官外省總督如不稱職即應更易而况經略重任轉可稍事姑容致誤軍務耶朕遇事總期覈實從不取吉祥虛語勒保於行軍大事竟爾粉飾入告是誠何心著傳旨申飭此時黃號藍號白號黑號及各股賊匪約計究有若干勒保曾派何人勦辦何時可以剋期完竣又前摺何以並未將此增添賊股奏明有何把握輒稱賊勢漸窮無須添兵著勒保逐一據實明白覆奏○甲寅諭內閣御史德新奏請酌增山海關稅口盈餘一摺據稱山海關新奉減定盈餘四萬九千四百餘兩較歷年所解短至二萬五千餘兩恐盈餘既有定制未必儘收儘解

徒損國帑而肥吏胥請將山海關盈餘再增二萬其餘各處倣此酌增餘者儘收儘解等語所奏殊屬非是朕於本年降旨將各處關稅盈餘量為酌減原以加惠商民俾資寬裕並非使收稅官吏藉為沾潤侵蝕地步况山海關稅務每年全視海船所到多寡為徵收贏縮若遇海船少到年分即不能多有盈餘此等情形朕在藩邸時即知之甚悉該御史前任山海關監督時徵解盈餘七萬五千八百餘兩亦係適值收稅豐旺年分豈得援為常例如司權務者果有不肖劣員因盈餘減有定額任意多徵少報藉肥私橐者科道得有風聞原可指名劾叅而朕一經察出必將此等貪黷之人按入已多少之例治罪然亦不肯因一人一處有此弊端即將各處盈餘仍行概增數目且朝廷政令所出原示人以公信今盈餘既已減定通行豈有行之未久輒因該御史一言又復紛更之理德新所奏

近於言利殊非朕體恤商民之意著將原摺擲還但該御史既有此奏恐該省關稅因更制較寬不行儘數報解者亦所不免著通諭各省管理關務各員自盈餘減定不行比較之後固不得稍事苛收儘遇徵收豐旺之時當覈實辦理儘收儘解亦不得以盈餘業經減額將多收稅銀隱匿不報徒飽官吏私囊有損國帑儻有前項情弊一經科道劾叅及朕有所訪聞必當從重治罪決不輕恕○予廣西陣亡兵勇張得亮等一百六十六名傷亡兵勇羅大福等九十七名賞卹如例○

上以孟秋時享

太廟自是日始齋戒三日○乙卯旌表守正捐軀安徽宿州民曹得重女曹氏○丙辰諭內閣據陳大文奏荷澤縣知縣程良傳因經徵錢糧未完九分以上例干叅革經該縣士民環籲再三懇將該令留任並同城文武各員共言該令素得民心因查明該縣錢糧實止

未完銀三百餘兩緣採買河工稽料撥運賑穀腳價未經報銷不能赴藩庫領回以致未完九分以上等語州縣經徵錢糧例有未完處分今知縣程良傳在任差徭並無擾累聽斷不稍稽留該處文武士民衆口一辭洵稱良吏且未完經徵之項亦係因公墊用將來由藩司覈明後仍可領回歸款並未私挪虧短其實欠在民之三百餘兩因零星小戶未肯出差致有尾欠尤見其體卹民隱此等循吏素無能名若工於逢迎上司巧取殃民之員安能有此程良傳著加恩准其仍留荷澤縣本任此係朕特獎安分循吏且事屬因公於錢糧實未短缺是以於例外施恩各省督撫不得援以為例致開濫黜百姓愛戴情節破例保留之漸○又諭八旗兵丁平日更番差操練習弓馬專藉所得錢糧用資養贍戶口日增不免生計維艱從前朕侍奉皇考高宗純皇帝時每以此上縈

聖廕時深軫念朕親承

慈訓敬誌弗忘原擬明歲恭遇

皇考九旬萬萬壽舉行慶典自必錫惠旗營普

加恩賚今朕不獲祝嘏承歡以申孝養而

皇考體恤八旗兵丁之意仍應推廣

深仁俾得共霑

遺澤恭查雍正元年乾隆元年

恩詔八旗兵丁曾賞一月錢糧朕於嘉慶元年

登極亦照前例舉行所有八旗滿洲蒙古漢

軍各兵丁等今著再行加恩賞給一月錢糧

八旗兵丁朕屢經降旨飭令勤加訓練熟習

技勇近聞該兵丁等因日用拮据甚至弓箭

不能整齊今得此賞項俾資需潤並可為補

製弓箭之用現在錢價較貴若賞給銀兩易

錢未免虧折而戶部局錢尚屬充裕著按照

官例每銀一兩折給制錢一千文較之市價

該兵丁等更可得錢文於生計更為有益

而銀價亦可平減至戶部局員發放官錢或

從中折扣錢數不能足陌此等弊端恐所不免著責成管理錢法堂之王大臣嚴行督率實力稽查務須照數實給不許短少剋扣僅有前項情弊經朕察出或被糾叅惟該管錢法堂之王大臣是問至戶部放錢已嚴禁短缺但各該旗員赴局關支有需運腳恐承領之員又復以運費藉辭從中剋扣則該兵丁等仍不能普霑實惠著各旗准其動用房租各營則動用公費作為運腳並著該管都統副都統及前鋒統領護軍統領等實心稽察嚴行管束務令將所領恩賞錢文足數散給各兵僅既有動支腳費而承領旗員尚有私行短扣者即據實嚴叅懲辦若該管大員不行查出別經發覺必當重治其罪仍著步軍統領衙門將此旨刊刻謄黃張掛通衢並分行刷給各旗分及健銳火器等營一律實貼宣示俾得家喻戶曉以副朕繼志推恩加惠旗營至意○諭軍機大臣等陝境奔竄賊匪

惟張漢潮一股最為狡譎可惡現在明亮慶成兩路新添兵力合之原有之兵為數已及萬餘惟當乘賊勢窮蹙之時相機夾擊務擒張逆以洩衆憤至所稱富成原帶四川鄉勇一千五百名河南鄉勇五百名現將老病者汰去一節此等汰去之鄉勇作何歸結若聽其自便恐去而從賊或為賊所戕害松筠亦當留心令有著落方妥至精壯鄉勇一千八百名交王文雄帶領在西鄉堵禦此時王文雄一路兵力較單而此項鄉勇又未便遽行議撤自不得不如此辦理但鄉勇一項如在本省地方保其家口田廬自為戰守可期得加若隔省隨征究非入伍食糧者比未免各懷故土前此富成帶領時不能管束致有滋擾今川豫之人在陝堵剿賊匪究竟能否出加松筠仍當留心查察至被賊衝散之義勇張奎徐名揚吳大章三名如查明現尚存活即酌加獎賞若被賊戕害皆咨部賜卹儻實

無下落亦應撫其家屬俾急公之民知所勸勵此時漢中陝省各路源源接濟俾明亮無匱乏之患並應加意覈實以重軍儲將此傳諭知之○以太常寺卿阿隆阿為內閣學士兼禮部侍郎銜○旌表守正捐軀廣東番禺縣民馮祖發妻史氏○給福建同安縣被水淹斃人口埋葬銀並房屋修費○是月直隸總督胡季堂奏請聖躬順時頤養少節勞思得旨覽奏具見誠悃近日京中又得甘雨頗解炎蒸此皆皇考垂恩曷勝感泣宮中守制臣子中心所安若避暑園居不惟不敢而且不忍諒卿能悉朕意也○又奏臣因直隸未完各款懸宕三十餘年奏請賞限追繳仰蒙訓示惶悚尤深得旨倉庫必須彌補然須行之以漸為大吏者正己率屬大法小廉徐徐化導革除陋規自必漸次清釐若勒限催迫施之於一二貪吏尚可通省如此是令加派小

民徒飽私橐耳。再者激成別事。所費益大矣。緩急輕重。可不詳思乎。○協辦大學士閩浙總督書麟奏謝胞姪素納蒙恩發往陝西以道員補用得旨卿之一家兄弟子姪皆屬可用之才。若言天良本性為國忘家不及卿遠甚。卿當隨事化導能使漸摩盡歸於正勿染俗習。上可報。

皇考教養之恩。下可為諸臣之表率。佐朕致治。不亦美與勉之。○廣東巡撫陸有仁奏粵東係濱海要區。倉儲倍闕。緊要臣俟司道覈覆到日。即親赴抽盤數處。如果與結報相符。再行依限覈題。用昭覈實。得旨粵東俗尚奢華。物力涌貴。賴近年督撫得人。移風易俗。漸臻淳樸。汝初到任。當躬行節儉。廉以御下。不可踵事增華。作威作福。雖七千里之外。朕觀之如目前也。一切慎勉。為之母忽。○貴州巡撫馮光熊奏查明司庫耗羨銀兩均屬實貯在庫。並無挪移虧短情弊。得旨黔省苗民甫定。

宜嚴禁土司橫徵科斂。并漢民重利盤剝等事。若土司不知體恤窮苗。誅求無已。奸民加利放債。算及錙銖。是上困於本官。下困於漢奸。進退維谷。有不激而生變者乎。此皆朕所深知。汝應留意焉。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十八

監修總纂官 禮部尚書 臣 王 等 奉 上 諭 著 將 實 錄 卷 之 四 十 八 內 所 載 各 事 均 著 照 舊 行 事 其 有 應 行 修 補 之 處 著 禮 部 會 同 內 務 府 查 明 具 奏 欽 此

監修副纂官 禮部尚書 臣 王 等 奉 上 諭 著 將 實 錄 卷 之 四 十 八 內 所 載 各 事 均 著 照 舊 行 事 其 有 應 行 修 補 之 處 著 禮 部 會 同 內 務 府 查 明 具 奏 欽 此

監修纂修官 禮部尚書 臣 王 等 奉 上 諭 著 將 實 錄 卷 之 四 十 八 內 所 載 各 事 均 著 照 舊 行 事 其 有 應 行 修 補 之 處 著 禮 部 會 同 內 務 府 查 明 具 奏 欽 此

監修纂修官 禮部尚書 臣 王 等 奉 上 諭 著 將 實 錄 卷 之 四 十 八 內 所 載 各 事 均 著 照 舊 行 事 其 有 應 行 修 補 之 處 著 禮 部 會 同 內 務 府 查 明 具 奏 欽 此

監修纂修官 禮部尚書 臣 王 等 奉 上 諭 著 將 實 錄 卷 之 四 十 八 內 所 載 各 事 均 著 照 舊 行 事 其 有 應 行 修 補 之 處 著 禮 部 會 同 內 務 府 查 明 具 奏 欽 此

校修

嘉慶四年己未秋七月丁巳朔享

太廟

上親詣行禮。○諭內閣。國家設兵衛民。各按地方形勢。以定額數多寡。備操防巡緝之用。不可稍有短缺。自勦辦教匪以來。各省多有徵調。其在軍營打仗出力兵丁。拔擢弁員者甚多。將來凱旋歸伍時。自不敷原設兵額。前已諭令各省督撫提鎮。召募新兵。除河南陝西四川雲南募兵較多。所缺無幾。毋庸議外。其餘各省。著再照派出征兵現缺之數。酌量召募。直隸山東應先補十分之五。山西甘肅廣東應先補十分之四。江西廣西應先補十分之三。貴州應先補十分之七。務須挑選健壯實力訓練。庶兵額不致久懸。地方亦藉資彈壓。○戊午。

上詣觀德殿

几筵前供奠。○諭內閣。福建布政使李殿圖條奏病農樊端一摺。據稱驛馬為農家要具。乾隆三十年以前。農家必畜驛馬三四頭。以供耕種。遇有差務。亦可藉得官價。嗣後地方官不察民情。漸多滋擾。或有差而得錢。賣放。或無差而假名需索。甚至此站打過下站。此邑協濟他邑。以致倒斃過多。於是賣驛馬而畜牛驢者。十之八九。地方官遇有差使。又於各里派養驛馬。以備調用。甚或設立差局。昂價受雇。仍向民間浮攤。應請查明革除。俾民間爭畜驛馬。於農田官差。兩有裨益。又稱地方獄訟。必須有司敏速審結。開釋無辜。小民始

得安業。然良吏絕少。往往債主長隨把持。左右本官孤立。無助任聽。謀差買票。以兩造之肥瘠為票價之厚薄。種種株連擾累。小民廢時失業。最為積弊。又稱各省常平倉積久弊生。即無須接濟之年。亦以出陳易新藉詞支放。染指分肥。出倉既已短發。還倉又復浮收。良民未受其益。官倉已被其虧。嗣後無災年分。應請不准出借。以除民累。又稱書辦衙役本有額設。近則人思寄跡公門。以免徭役。一邑之中。盈千累百。數倍從前。關津稅口衙門長隨等。亦呼朋引類。所在皆然。應嚴行禁止。等語。所奏皆切中時弊。著通諭直省督撫一體留心查察。徐加化導。以期崇儉去奢。俾小民務本力農。衣食之源益臻充裕。○己未上詣觀德殿

几筵前行月祭禮。○諭內閣。河南山東山西江西。四省巡撫例兼提督銜。現在山東巡撫陳大文。江西巡撫張誠基。業經得有花翎。吳熊

光伯麟亦著加恩賞戴花翎。以肅觀瞻。○又諭據前鋒統領護軍統領等奏。現將紫禁城內外門堆撥房所設器械損壞者。開單呈覽。請交武備院修理等語。紫禁城內外堆撥房所設弓箭長槍撒袋等項器械。自應修理堅整。銛利以壯觀瞻。現雖五年一修。恐亦祇係草率塞責。今既據前鋒統領護軍統領等將應修應補器械數目開單奏請修理。著交武備院查明現缺者照數酌補。可修者見新修理。實已損壞者即修造發給。此次製造務期堅固銛利。斷不可仍前視為具文。漫不經心。該前鋒統領護軍統領等亦當留心查察。勿任所屬人等率意棄置。致易損壞。○諭軍機大臣等。張漢潮一股經明亮跟蹤追躡。現向棧道武關馬道一帶奔逸。永保因張映祥竄至徽縣。兩當勢欲奔趨鳳縣。即帶兵轉往攔截。並未赴明亮一路而慶成前奏亦馳往漢中與永保會合。是慶成永保之意俱不願與

明亮勦辦張漢潮一股祇以堵禦張映祥為辭竟置張漢潮於不問張映祥雖有折回鳳縣之勢但甘境現有廣厚吉蘭泰在邊界防堵而恒瑞亦可就近截擊又益以慶成永保則共有四五人至張漢潮一股祇有明亮一人追躡試問軍營勦賊機宜有如此多寡不均者乎即使防守棧道事關緊要慶成永保二人亦當分一人赴明亮軍營幫辦斷無二人俱赴徽縣兩當一帶之理慶成永保受

皇考多年養重恩寧不勉思報効現在距奉山陵之日不遠伊等若能激發天良認真勦辦

將張漢潮等股匪殲獲無遺於未奉移以前即奏捷音庶可仰慰

皇考在天之靈成朕之孝贖汝之罪朕必加之懋賞若再心存畛域不知公忠體國植黨忌功以致賊匪不能速滅伊等自思從前尚有和珅為之庇護任其玩誤遷延幸逃重罪此

時尚有何人敢為之緩頰耶儻經此次訓諭之後尚不知痛加悛改以軍務為重將來執法以繩斷不能曲加寬宥也將此傳諭知之○庚申以故喀爾喀土謝圖汗扎薩克輔國公齊巴克扎布子散都布多爾濟襲爵○辛酉諭軍機大臣等倭什布奏各股賊匪共有萬餘人分路撲卡經各員弁奮勇迎勦自遊擊以至把總陣亡者共有七員兵丁傷亡者亦多可見堵禦不為不力總緣楚省邊界兵單寡不敵眾而川省官兵不能緊躡追勦予賊以暇以致匪眾闖入非倭什布之過實勒保之咎也勒保身為經畧川楚陝豫軍務皆應通盤籌畫今賊匪竄出川省而勒保即置之不顧如此漫無調度尚得謂之經畧耶勒保著傳旨嚴行申飭並著查明奔竄楚省之李樹徐添德張起貴宋慶子四股現在究係何人追勦即令各帶原有之兵速赴竹山竹谿幫同倭什布奮力截擊若能殲盡此四股

賊匪則該員等縱令川匪入楚之罪尚可自贖儻再觀望怠玩必按軍律治罪再前據松筠等奏官兵勦賊為時已久衣敝履穿并有用牛皮裹足者朕閱之深為憐憫軍需動支款項有一定則例原不許額外濫用但亦不可因例難開銷過事苛刻今從征者前有鋒鏑之危後有飢寒之困何以使之効命疆場克敵致果耶軍營一切賞需自應畧為寬裕加之體恤使士馬飽騰人思敵愾而發揚蹈厲之氣更可壯軍容而寒賊膽果大功速竣即有例外動用之項朕自當酌覈情節特加恩准將此傳諭知之○調山西兵三千名赴湖北勦賊○壬戌

上詣觀德殿

几筵前供奠○諭內閣總理喪儀王大臣會同禮部奏稱奉移

高宗純皇帝梓宮請遵

世宗憲皇帝舊制步送至景山東門等語此固

出於臣下惓忱但朕受

高宗純皇帝深恩實從來所未有將來奉移梓宮瞻依

靈馭追慕無窮若遵照舊制步送至景山東門不足以展朕攀戀哀情於心實有所不忍況從前

聖祖仁皇帝梓宮奉移時

世宗憲皇帝聖壽四十五歲今朕甫及四旬雖積衰之餘自揣精神步履足可支持且奉移之期係在九月非夏令可比今王大臣等以步送至景山東門為請著不准行朕必當躬親步送至朝陽門藉以稍申哀慕○諭軍機大臣等九月內恭送

皇考梓宮奉移

裕陵後於永遠安奉之前若每日由隆福寺行宮前往致奠道途較遠不足以伸依慕恭查從前

世宗憲皇帝恭送

孝恭仁皇后安奉

景陵時曾於馬蘭峪城東設立御營駐蹕今宜仿照辦理著傳諭綿課等於

景陵之西

裕陵之東相度地勢情形不礙樹木處所即行繪圖進呈以備將來安設御營即可不必在隆福寺行宮駐蹕庶稍展瞻依追慕之忱○禮部奏請

高宗純皇帝大事二十七月內停止

萬壽聖節元旦長至今節慶賀表文從之○調甘肅河州鎮總兵官柯藩為陝西興漢鎮總兵官以四川維州協副將扎勒杭阿為河州鎮總兵官廣東三江協副將許文謨為四川建昌鎮總兵官○命副都統額勒亨額率盛京兵二千名赴四川剿賊○旌表守正捐軀山西永濟縣民張正興妻蕭氏○癸亥孝淑皇后殯宮月祭遣官行禮○勒保奏報總兵官朱射斗殲斃賊首包正洪得旨嘉獎賞

清 實 錄 嘉慶四年七月上

朱射斗騎都尉世職兵丁一月錢糧○以副都統銜多善為葉爾羌幫辦大臣○甲子諭內閣哈當阿等奏戍兵不服審斷糾夥持械傷斃民命一摺此案戍兵王良盛因搥倒民人糖水擔損破磁碗等物經該管把總李長寧斷令賠償本為平允乃兵丁廖林輒以該把總不加庇護鎖辱兵丁不服審斷即糾同戍兵藍飛雄等執持軍器逞威尋釁並施放烏鎗傷及本管把總及過路民人實屬不法已極似此兇悍兵丁自應於審明後一面具奏一面恭請王命立正典刑俾營伍知所炯戒乃哈當阿等祇分別定擬斬決絞候奏請勅部議覆是竟拘泥前此奉有各按本律治罪不准用雖但抑揚字面之諭旨即不問案情輕重一律請旨遵行殊為失當試思臺灣遠隔重洋風信靡常奏摺往還遲速難定僅因風阻滯不能如期奉到批迴部覆致兇犯久稽顯戮且該處戍兵似此驕悍或見首從

各犯日久羈禁囹圄。甚至心生叵測。糾夥劫獄。更復成何事體。如此等重案。尚不恭請王命。又安用王命為耶。此案原擬斬決之廖林。陳洪亮。俱著即行處斬。梟示。其為從之王良。盛。藍。飛。雄。膽。敢。刀。砍。傷。人。實。為。同。惡。相。濟。僅擬絞候。亦為輕縱。俱著即行絞決。餘著照所議辦理。○乙丑諭內閣。三法司衙門具題。浙江省民人汪應鳳毆傷胞兄汪應隴身死。並聲明救母情切一案。經內閣票擬斬決及斬候。雙簽請旨。固皆係按例辦理。今朕詳閱案情。汪應隴因伊母袒護幼子。將應出養贍食穀。不給其母。並出言頂撞。經朱氏囑罵。扭結汪應隴。輒敢將其母推跌壓住。用手揪按胸衣。經汪應鳳往拉。仍不放手。汪應鳳見其母面脹氣塞。喊不出聲。情急用拳向毆。汪應隴移時殞命。是汪應隴之蔑倫肆逆。殊為兇橫。可惡。汪應鳳往拉不放。見其母面脹氣塞。事在危急。用拳向毆。實屬出於迫切。以情急救。

母之人。斃忤逆不孝之犯。固不得以尋常毆死胞兄論。即改擬斬候。亦尚覺情節可憫。汪應鳳著免死。改為滿流。定地發配。且聞案內伊母朱氏尚有二子。亦不致侍養乏人。如此準情酌辦。庶足以昭平允。而示矜恤。○改山東曹單同知為曹河同知。專管曹汛隄工。曹州府管糧通判為糧河通判。管轄曹下汛及單汛隄工。裁河南修武縣丞。設山東曹單管河縣丞。其原管小丹河工段。歸併河內縣丞管理。裁河南考城汛千總。設曹單協辦守備。其原管舊隄。歸於考城主簿。並添設之分防外委。管理增設額外外委一員。從署河東河道總督吳璥等請也。○以故喀喇沁輔國公溫都爾瑚子吹扎布朗新襲爵。○丙寅孝懿仁皇后忌辰。遣官祭景陵。○上詣觀德殿。凡筵前供奠。○以通政使司副使穆克登額為

光祿寺卿○丁卯諭軍機大臣等張漢潮一股入山東竄明亮抄道馳往商州截擊昨有旨諭令慶成永保與明亮併力合剿本日據恒瑞奏已由城固洋縣山內趕赴明亮軍營是張漢潮一股前此明亮尚可藉口一人獨辦今恒瑞慶成永保三人幫伊勦辦聲威壯盛明亮等若能趁此機會將張漢潮擒獲朕必加之懋賞伊等斷不可心存畛域互相猜忌致干疏縱之咎將此傳諭知之○又諭宜興前放巡撫時並非有人保薦因一時乏人特加簡用今有人叅奏該撫各款實屬辜負朕恩已降旨將宜興解任質審矣宜興陛辭時經朕面諭以伊係宗室待人接物尤當謹慎謙和屬員進見須恪遵會典儀注不可稍涉傲慢又於伊奏事之便諄諄以此誠諭今宜興自以宗室體尊南面正坐道府皆令侍立並令各屬稱之為爺如此任性驕矜實屬故違朕訓又宜興荒湛於酒任聽家人等需

索門包使費每一州縣計銀三四百兩若該撫有通同染指情弊必應按法嚴懲即使審明祇係家人索詐宜興並不知情然以封疆大吏日在醉鄉不能約束奴隸任其勒索屬員亦有應得之罪又宜興論及蘇州街道窄狹乘轎難行地方官遂欲令鋪戶拆毀門面不從者予以枷責怨讟繁興是該撫之逞意妄為屬員之迎合意指即此可見至革今甄輔廷擅責生員致諸生喧鬧一案前據宜興奏到時朕即以該員必有受賄偏聽情弊該撫僅請議處辦理未免寬縱因將甄輔廷革職今閱劾奏宜興摺內此案經宜興委同知李焜拏究李焜濫拏諸生一百數十名另製小號刑具酷刑拷掠諸生等於治賊而學政平恕未敢一言禁止惟問受刑生員按名斥革交地方官收禁此等情節宜興前摺隱匿不敘顯係有心回護除甄輔廷業經革職外總捕同知李焜即著革職平恕有玷職任亦

即解任歸案審辦以上各款即著王德會同
新任巡撫岳起秉公查審此外宜興有何劣
蹟並著據實奏奏如案內生員有屈抑者即
先行開復衣頂以昭公允至胡觀瀾交接鹽
政長隨高柏林修寺派累一案並著王德查
訊平日有無賁緣舞弊情節一併據實具奏
所有甄輔廷一案毋庸費浮審辦將此各傳
諭知之○以山東布政使岳起為江蘇巡撫
直隸按察使全保為山東布政使河南督糧
道完顏岱為直隸按察使○命禮部左侍郎
錢樾提督江蘇學政左春坊左贊善溫汝适
在上書房行走○奉天府府尹西成以年老
留京候補三品京堂以安徽廬鳳道王秉韜
為奉天府府尹○撥安徽江西藩庫銀各五
十萬兩解往湖北以備軍需○戊辰諭內閣
據保寧奏土爾扈特家奴三濟強姦伊家主
之妻孀婦伯克木庫不從三濟即將伯克木
庫頸骨擰折以致斃命當將三濟按律即行

凌遲處死等語土爾扈特家奴三濟欲行強
姦伊家主之妻孀婦伯克木庫因其不從膽
敢起意將頸骨擰折斃命燒房逃走實屬目
無法紀淫兇已極保寧審明後即將三濟凌
遲處死所辦甚是內地旗民人等遇有拒姦
盡節捐軀者例應奏明旌表伯克木庫係索
倫婦人乃知義舍死拒姦甚屬可嘉自應
旌表從前新疆各部落遇有此等事件有無
旌表保寧並未聲敘若向有此例何以遺漏
未據附奏如無此例亦應照內地一律酌定
旌表以敦風化而慰貞魂伯克木庫著即照
例旌表○諭軍機大臣等保寧在伊犁將軍
任內多年朕甚廕念自簡任大學士以來即
欲令其回京因一時不得其人故未換回昨
據奏稱蒙恩用至大學士願在伊犁多駐數
年勉力辦事等語具見誠蓋體國甚屬可嘉
著密諭保寧於新疆各城辦事叅贊領隊大
臣內詳加斟酌可勝伊犁將軍之任者出具

切實考語密行保奏不可商之於人朕亦留心物色也○以戶部左侍郎阮元署禮部左侍郎○己巳

上詣觀德殿

几筵前供奠○以中元

觀德殿致祭前期命

皇次于
祭

孝淑皇后殯宮○以候補三品京堂西成為太

常寺卿○庚午諭內閣恭阿拉著仍支侯爵

俸祿長齡著照滿洲副都統之例支給俸祿

該員等既經各給養廉所有隨甲分例毋庸

給與著為令○吏部議准倉場侍郎達慶等

奏查倉科道與該倉監督同旗同省者毋庸

迴避從之○辛未中元節

上詣

奉先殿

壽皇殿行禮詣觀德殿

几筵前行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢純皇后

孝儀純皇后陵寢○遣官祭

端慧皇太子園寢○諭內閣宜興具奏學政

幕友摺內稱平恕嚴肅關防拔取公允等語

所言顯有與平恕比周見好之意平恕於同

知李焜濫竽生員酷刑拷掠一事未敢一言

禁止惟問受刑諸生按名斥革交地方官收

禁以致士論沸騰被人叅劾似此軟懦無能

有玷職守之學政而宜興猶復謂之公允乎

即此可見此等循例具奏學政聲名及延請幕友之摺多有不實即年終具奏司道考語各督撫亦不過視為具文並不逐加詳覈不知司道之賢否朕何能一一悉其底衷多有憑督撫所出考語留中披覽以備隨時考驗若稍不確實則人品混淆舉錯安能盡當著通諭各督撫嗣後密陳司道等考語及學政聲名務當詳覈政績秉公據實開單具奏毋得復蹈故習以循例一奏了事○又諭吉慶

實錄卷四十八

十九

陸有仁叅奏審理案件濫行羈押致斃多命之英德縣知縣陳寅一摺陳寅於審辦案件並不隨時完結以致數年之內在押病斃人犯共有數十餘名怠玩已極陳寅即著革職交該督撫提同案內犯證嚴審按律定擬具奏外省州縣遇有自理詞訟案件有意遲延上司不加查察任其懸宕吏治廢弛已非一日此不獨廣東一省為然推其遲延之故皆由地方官欲藉案件索贖多方搜剔或以一

實錄卷四十八

二十

人而牽連眾人或以一案而旁及他案輾轉株求公差四出而胥役等每至一村索詐使費有錢則正犯縱令他逸無錢則旁人亦被牽連買票僉差拘提兩造得至州縣公堂已非易易而州縣又將聽審日期時時更改以待說合過手之人必至賄賂已通慾壑已滿始肯審結一案兩由縣詳府由府詳司詳院各衙門書役又思從中染指駁詰稽延不過一杖責可完之案而百姓之身家已破甚至久禁囹圄長途解送因此拖斃人命如粵省所叅之案諒復不少從前臺灣賊首林爽文去年四川賊首王三槐曾經州縣查拏監禁百端需索釀成事端是州縣積壓審案於地方大有關繫且有託詞人證未齊正犯不到終任未及審訊移交後任而後任又復出票拘人竟有遲至十數年未經辦結者殊不知人證未齊正犯未到原有就現在人犯先行結案之例該管上司當隨時飭催何得任其

藉口延挨致啟上下通同一氣之弊此等惡習朕所素知今因粵東一案明白宣示嗣後封疆大吏先正己心顧惜廉恥仍當嚴加約束凡遇各州縣審案飭令按限完結如有遲延立即叅奏儻意存徇庇經他人糾劾必將該督撫一併嚴處決不稍貸至此案陳寅在任玩誤已有四年陸有仁甫經到任即能查出據實會叅尚屬留心公事而吉慶久任兩廣何以並未叅奏且不自請處分殊屬不合

實錄卷四十八

三十一

前此吉慶於不干己分之事屢次越俎代謀朕即慮其不能專心職守已降旨訓飭今觀此案益信吉慶之舍其田而芸人之田矣吉慶著傳旨申飭同歷任各上司一併交部議處將此通諭知之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之四十八

實錄卷四十八

五

大清仁宗受天興運數化綏猷崇文經武孝恭勤儉端敏英哲睿皇帝實錄卷之四十九

藍蔭槐職官經歷日講起居注官太子太傅成英殿大學士文淵閣閣學司書察院奉
上諭事件處管理工部事務翰林院掌院學士隨帶

聖武皇帝御製
曹振鏞跪奏
為太子太保文淵閣大學士管理刑部事務臣等
戴均元經筵日講起居注官李之孫內大臣文淵閣
學士

楊榮欽奉
上諭事件處編辦大學士戶部尚書翰林院掌院學士教習庚吉士總管內務府大臣鑲黃旗滿洲都統步軍統領管理戶部三

庫奉宸苑清漪園等處總理工程處御茶膳房御藥房太醫院西洋堂事務軍功三級通帶加二級尋常加十三級紀錄二次

茲據管天字太保權部函書上書房行武英殿總執管理關子監事務加二級隨帶加二級紀錄四次臣汪廷珍等奉

救濟

嘉慶四年己未七月壬申諭內閣據王大臣

等合詞奏稱奉移

高宗純皇帝梓宮時請朕勉循舊制仍步送至

景山東門一摺固屬臣下恟忱但朕受

皇考教育之恩至為深重將來奉移

梓宮時惟有躬親步送庶幾稍申哀慕之誠且
自念精力方強不但步送至朝陽門即於途
間

梓宮每次換班時朕下馬跪候亦力所能任今
王大臣等請朕祇送至景山東門而止於心

實有所不忍惟念從前

世宗憲皇帝

高宗純皇帝兩次恭送

梓宮俱有舊制朕亦不敢過禮而僅送至景山

東門實不足以展朕哀情此次奉移

皇考梓宮朕當步行出皇城至東安門外階下

跪送以盡追慕無窮之意王大臣等不得再

行瀆請如必欲懇朕祇送至景山東門則是

王大臣等不能曲體朕心仍當堅執初志步

貴家書十九

主

送至朝陽門也○諭軍機大臣等勒保自任

經畧以來已及半載於勦辦賊匪機宜總未

通盤籌畫惟知安坐達州毫無調度僅將各

路軍營所報情形數衍入奏前據倭什布奏

川省賊匪闖入楚省邊界係前月二十四日

拜發至今已二十餘日並未據勒保奏及此

事茲又據倭什布奏李淑等股賊匪屯聚竹

山竹谿房縣交界處所倭什布督率將弁悉

力堵禦賊匪直撲副將孫清元營盤意欲北

趨襄陽一帶經倭什布派兵堵截賊匪又復折回乘夜圍撲倭什布營盤被官兵擊退始向西南奔竄而李淑後股賊匪尚屯泉河一帶又有羅半年一股亦接踵入楚為數不下二萬現經倭什布飛咨勒保速派官兵赴楚協剿可見楚省並無川省派往之兵勒保於事先既未能豫為防範縱令羣賊擾及楚境迨賊已入楚又不星速派兵前往會擊並未將如何籌辦派何人前往會剿之處先行馳

奏稿卷之七

五

奏竟置楚省之賊於不問又安用此經畧為耶且現在藍號白號賊匪俱已竄入川北地界亦未聞勒保派兵堵截是勒保竟係擇一無賊處所紮營株守直與木偶無異不料勒保辜負委任一至於此前因官軍剿捕日久恐致疲乏節經詢問勒保應否添調官兵勒保以無庸添兵覆奏復經降旨詳悉開導諭以不可迴護前奏致誤事機勒保仍堅執前說不必添兵朕早料其不足倚仗已豫調山

西兵三千盛京兵二千前往接濟今楚省之賊多至二萬而倭什布一路官兵不過三千有餘則勒保節次所奏不必添兵之說是誠何心種種玩誤上負

皇考及朕簡用之恩此而不加懲治軍紀安在勒保著革職拏問所有經畧事務著明亮接辦並授為正紅旗漢軍都統其四川總督員缺著魁倫署理並派乾清門侍衛春寧安福色玉慎傳陞一同馳驛前赴明亮軍營著魁

奏稿卷之七

五

倫親齎此旨前往宣讀明亮接奉此旨將勒辦張漢潮事務交付慶成永保即同魁倫前赴達州軍營傳旨將勒保革職拏問即將以上指出各情節嚴訊勒保定擬具奏並查明由大寧關入楚境之賊本係何人追剿何以並不上緊趕截縱令入楚一經查實即將此路帶兵之員革職拏問不可稍有瞻徇將此各諭知之 癸酉諭軍機大臣等台布奏安南國王遣使具表進香遵旨即令貢使齎回

儀物將表文二封進呈所辦是朕披閱該國王表文情詞哀切具見惻怛茲發去安南國王勅諭一道著該撫派員齎至鎮南關交鎮目轉遞該國王祇領將此諭令知之○命大學士慶桂署吏部尚書無庸總理刑部○以禮部右侍郎文寧兼鑲黃旗蒙古副都統○撫卹湖南永順府被水災民並賞因公淹斃知縣劉毓瓊同知銜照例議卹 甲戌

上詣

大高殿行禮

時應宮拈香、諭內閣據費淳奏審擬已革知縣甄輔廷擅責生員吳三新一摺前因此案奏到時朕以該縣因錢債細事擅責生員其中顯有別故是以降旨將甄輔廷革職專交費淳審辦嗣經有人叅奏此案皆係同知李焜濫挈生員酷刑拷訊以致士論不服物議沸騰費淳身任總督近在江寧豈有不知之理既奉旨審辦自應將案內緊要情節及

審辦不妥釀成事端之劣員一併查明據實叅奏方足以肅吏治而儆官邪今乃就案敷衍祇請將吳三新及已革生員朱光勳等二十一名開復衣頂希圖將就了事而於該同知李焜肆意濫刑及宜興平恕種種辦理失當之處並無一字提及實屬瞻徇含混深蹈外省惡習費淳著交部議處○又諭策拔克奏遞送公事之蒙古兵丁衮布墜河淹斃其家屬請賞給一九牲畜以資養贍等語所辦尚是即著在彼處存公罰交牲畜項內動撥一九賞給衮布妻子以為養贍並著為令嗣後儻有似此因公身斃者即照此賞給以示朕體卹蒙古之至意 乙亥

上詣觀德殿

几筵前供奠 諭內閣勒保查奏景安叅奏廣福一案景安因廣福直言稟阻即行詈罵已失待屬員之體又復叅奏枷號併請事竣充發實屬任性妄為然此猶過之小者景安之

大罪在前任河南巡撫時於賊匪由鍾祥竄至豫省縱令逃逸以致永保亦因此獲譴蔓延數省至今未能殄滅是其惟怯畏賊捏報邀功種種玩誤之處為罪甚重景安著革去伯爵發往伊犁自備資斧交保寧差遣効力贖罪廣福因糧臺鄉勇營中夜驚施放鎗礮並無鎗子飛及景安營中之事景安亦已供明但在景安前咆哮頂撞究屬不合廣福著降授遊擊職銜前赴明亮軍營効用又據另

片奏烏爾呼納

七

向在軍營本不出力嗣因病留養興安後逗遛一年之久並不到營現在傳到詢問見其面無病容情殊可惡勒保僅請將該員革去頭等侍衛作為披甲留營効力未免輕縱烏爾呼納亦著革職發往伊犁自備資斧効力贖罪○諭軍機大臣等前此入楚各股賊匪不知是川省何兵追躡曾經降旨詢問今閱勒保摺始有七十五德英額呂朝龍三人并派廣東兵九百名在交界堵

截之語此節最關緊要若係勒保派往時即諭令及境而止不必入楚則是勒保惟知有川不知有楚經畧之謂何若七十五等三人畏賊退怯竟以翻入老林誑報經畧則伊三人之罪更不可逭勒保曾否諭令三人入楚協勦亦須明白訊問具奏其另摺覆奏賊匪各色稱號賊黨忽分忽合各立號記而何賊與何股合夥現竄何地勒保未能深知所查多未確實在勒保之意總欲迴護從前不肯

添兵之奏故以賊匪股數無多藉詞支飾此

猶係勒保捏奏小節至賊匪有減無增一語實屬有心欺罔試思各股賊匪蔓延數省陝省之平利楚省之竹山竹谿房縣到處被賊蹂躪裹脅日多據倭什布奏入楚之賊已二萬人勒保身為經畧各路皆係管轄豈得以川匪竄入楚陝即謂有減無增耶勒保以此狡詞迴護實屬喪心病狂最重之罪實在於此明亮應將此一節會同魁倫向勒保嚴切

詢問迅速奏聞又據勒保奏請撥餉銀五百萬兩尤屬荒唐前發去餉銀二百五十萬兩甫經到彼豈一時已全數用去又復請餉五百萬兩全不籌及國計祇圖請發多金以為虛糜侵冒地步勒保亦自知所請過多故另立賑濟難民名色巧為朦混蓋軍需支用有一定則例部中可以按例議駁即尋常賑濟尚有豫報戶口冊籍可據若投出難民之數任開數萬數十萬名無從覈其多寡是勒保竟欲藉賑濟名色為將來冒銷之計更屬有心取巧朕素不靳惜帑項曾經降旨以軍營支發兵丁款項總當畧為寬裕儻成功迅速朕必有例外准銷恩旨即投出難民亦須優加撫卹務使按名俱有歸著母令一夫失所原為體卹兵民起見豈可令帶兵之員各肥囊橐乎並著明亮魁倫一體據實嚴查具奏（賞隨同廣厚勦賊勇往之州同縱司燭知州項帶並花翎免甘肅被賊滋擾之隴西

寧遠伏羌通渭岷西和漳秦秦安徽兩當禮階成十四州縣及西固三岔二州同所屬新舊額賦民欠籽種口糧鄰近賊氛之畢蘭金狄道渭源循化河靖遠洮安定會寧鹽茶平涼固原靜寧華亭隆德莊浪撫彝張掖山丹東樂武威永昌鎮番古浪平番寧夏寧朔靈中衛平羅清水文涇靈臺崇信肅高臺安西玉門四十廳州縣及沙泥州判紅水縣丞所屬新舊額賦民欠籽種口糧十分之三丙子諭內閣宜興奏革除漕弊一摺據稱向來民戶完糧原不免有升合之浮以備折耗後則日漸加增竟有每石加至七八斗者民戶因浮加日甚米色即不肯挑選純潔又恐官吏挑駁開徵之初躲避不納一俟兌運在邇則蜂擁交倉且有刁生劣監廣為包攬官吏因有浮收被其挾制不能不道融收納迨覈計所收之米已數兌運即以虧滿為詞藉收折色分肥入己而幫弁旗丁因見米色不純

遂爾藉端需索從前每船一隻不過幫貼一二十兩後則加至一百數十兩及二百餘兩稍不滿欲即百計刁難不肯開兌及幫費既足聞有醜雜之米亦一概斛收請嗣後盡革有漕州縣浮收之積弊裁除漕員弁丁需索之陋規通飭民戶一律揀選好米上倉俾包戶無從挾制等語此等積弊朕聞之已久實為漕務之害但所指情弊尚不止於此者如所奏州縣收糧一數兌運即以廩滿為詞

書卷九

上

一節有漕州縣惟利改收折色藉以分肥往往於開徵時先將低潮米石搬貯倉廩名為鋪倉以便藉詞廩滿新收錢文何待收糧數運後始行折色其糧米之不能一律純潔亦由於此豈得盡誣之民戶耶又據奏開徵之初民戶因恐挑駁躲避不納一節亦非實情民戶完糧惟望早為收納從無躲避不前之事皆由官吏多方勒指有意刁難以致民戶守候需時不得不聽從出費此與地方詞訟

赴訴到官不肯速為審理拖延時日以為吏胥說合需索地步者情事相同總由地方官得受漕規以為賄賂權要逢迎上司之用甚至幕友長隨藉此肥橐而運弁以挑剔米色為詞刁難勒指及催漕運弁沿途俱有需索而抵通後倉場衙門又向弁丁等勒取使費層層剝削錙銖皆取於民最為漕務之害不可不嚴行查禁著通諭有漕各督撫嚴飭經徵監兌各員務須將以上積弊實力革除安

書卷九

上

為經理況此後有何多費如敢仍前浮折得受漕規致正供米色攪雜不純惟該督撫等是問必當重治其罪其漕運總督及倉場衙門亦須一體嚴行禁止儻此次通諭之後仍敢復蹈前轍一經發覺朕惟有執法從事決不姑貸又諭上年江西寧州辦理邪匪一案朕即開署南昌府知府蔡齊明最為出力昨蔡齊明因俸滿來京引見請訓時經朕詢問辦理此案原委並面詢該員因何未經巡

撫保奏據稱事竣後巡撫原欲保舉該員以地方官不能防範於先致邪匪滋事實不敢藉此邀功向巡撫稟阻嗣經奉旨甄敘在事出力人員該員已列起等咨部議敘等語地方匪徒滋事該管官員不能先事豫防本有失察之咎但能辦理妥協迅速完竣而復不留遺孽即屬伊等之功寧州一案固由張誠基經理得宜迅就撲滅但蔡齊明一經得信即馳赴該處帶領鄉勇殲戮匪徒臨事既妥為布置事後復加意搜查實為奮勉出力且蔡齊明究係署任知府所屬寧州距者較遠而該員以未能覺察於前深自引咎不敢邀功歸美巡撫尤得退讓之風彼躁進冒功者豈不聞而滋愧即此一節更屬可嘉蔡齊明除業經予敘外著加恩賞給道員職銜用示獎勵○諭軍機大臣等宜興奏革除漕弊一摺已明降諭旨通飭有漕各督撫一體實力查辦矣至宜興所奏州縣既革浮收弁丁自

無從再有幫費現在移會漕臣將沿途無名雜費裁革及嚴禁水手勒加身價各節並著傳諭岳起剋道乾查明所奏情節會同漕臣實力查辦妥為經理俾相沿陋習以次清楚丁力既得寬舒兌運不致有誤而收漕積弊亦一律肅清有守有為斯可謂不負委任宜興摺並著鈔寄閱看○丁丑諭內閣成親王永理面奏懇辭管理戶部併三庫事務據稱自幼在上書房讀書未曾閱歷度支出納款項繁多恐難兼顧陳請解退部務庶於軍機處承旨書諭諸務得以專心辦理且各部俱無總理之人戶部事亦無庸另設總理等語成親王永理自總理戶部以來敬事奉公盡心綜覈即應得捐項飯銀亦不行支領所管三庫均能稽察弊端茲因兼攝職任較繁懇辭再四具見謙抑之懷著俯允所請永理不必總理戶部其戶部三庫事務著另派那彥成管理所有永理定立章程至為詳妥仍著

戶部堂官及那彥成等遵循辦理 以故廣
西金茗土知州許承祐子祖繼襲職 撫卹
江蘇蕭陽山銅山崇明四縣被水災民 戊
寅

上詣觀德殿

几筵前供奠 諭軍機大臣等綿課等奏
裕陵隧道築打灰土窒礙難行敬擬改用軌砌
一摺覽奏俱悉

隧道地基上一段在

寶城以外下一段在

寶城以內綿課等以城外者尚可施工城內者
相去

寶牀甚近聲勢震響於心不安請按照須用灰
土之厚薄改用軌砌質地堅厚更為得力等
語所慮亦是即著照所奏敬謹辦理現距奉
安之期為時不遠並當上緊施工講求盡善
不可屢次更張總期萬全而昭慎重將此諭
令知之 撫卹直隸涿定興安肅清苑滿城

定新樂正定阜平雄安新城高陽蠡博野祁
安平寧晉隆平十九州縣被水災民 己卯
諭內閣前因民間錢價日賤飭令京外各局
減卯停鑄本年春閒因京城錢價較昂曾降
旨諭令戶工二部將所停之卯量為增復自
增卯以後錢價仍未甚平所有戶工二局俱
著全復舊卯鼓鑄 又諭阿迪斯奏額馬虧
缺三百匹請將前署中軍叅將遊擊倭克錦
署遊擊趙興前革職交刑部嚴審等語所奏
可嘉之至阿迪斯自署理提督以來能以公
事為重不存五日京兆之見到任後即查出
提督署內兵丁充當轎夫奏請禁革茲復將
馬匹虧短情弊據實奏足見實心任事阿
迪斯著交部議敘倭克錦趙興前均著革職
解交刑部審究並派乾清門侍衛副都統常
麟內閣學士阿隆阿馳驛前往古北口清查
馬廠馬匹務得確數據實奏聞如有虧缺即
行歸案辦理此等短少馬匹侵蝕馬乾之弊

諒不獨直隸為然阿迪斯係署任之員明知
秋冬閒即可交卸回京尚能如此認真稽察
而外省實缺提鎮等類皆通同容隱幾與地
方州縣接收虧空扶同出結無異綠營積習
相沿實屬可惡嗣後提鎮大員務須力除弊
竇以肅戎行而覈軍實儻敢仍前因循欺飾
一經發覺必當執法從事決不姑貸將此通
諭知之又諭吏部議處兩江總督費淳照
瞻徇情面例降二級調用不准抵銷應行革

實錄卷四十九

十一

任一摺費淳前於朕密交事件並不實心查
辦希圖將就了事今審訊革令甄輔廷擅責
生員一案又不將案內緊要情節及該同知
李焜肆意濫刑宜興平恕辦理失當之處據
實叅奏僅就案數行完結非瞻徇同官情面
而何且費淳既以吳三新及已革生員朱光
勳等並無不是奏請開復衣頂則前此冒昧
斥革伊誰之咎何以無一言提及可見費淳
祇知取和見好全不以公事為重封疆大吏

當如此存心乎即照部議革任實所應得惟
念兩江總督員缺緊要一時簡放乏人費淳
著從寬改為降三級留任仍註冊以觀後效
該督經朕此次格外寬宥之後務須痛改前
非秉公持正於察吏安民諸事力加振作庶
不負朕宥過施恩至意儻仍蹈積習遇事模
稜必當加倍治罪不能再為曲貸也軍機
大臣等議覆湖南布政使通恩條奏駐防事
宜。駐防驍騎校防禦佐領協領等官內出

實錄卷四十九

十一

色人員令該將軍副都統城守尉等秉公保
舉並將該員平日弓馬差操及曾否出兵之
處出具切實考語咨送兵部考驗帶領引見
奉旨記名人員仍回原處遇有綠營應用缺
出與在京八旗人員一體升用一駐防省分
查照人數多寡酌定學額凡遇歲科兩試旗
人情願赴考者准其就近考試俟取進後再
聽其赴京鄉試從之庚辰諭內閣費淳叅
奏新任江寧鹽巡道彭翼蒙攜眷赴任家口

僕從甚多道署房舍幾不能容用度亦頗繁費並聞其前在河南歸德府任內常與屬員宴會聚賭蕩檢踰閑請將彭翼蒙革職等語彭翼蒙升任道員其赴任時似此人口衆多奢侈糜費且前在歸德府任內有蕩檢踰閑之事豈能廉潔自矢勝表率分巡之任費淳奏請革職所參甚是惟念彭翼蒙於本年春閒俸滿推升來京引見朕於召對時見其人尚可費用費淳所參究與貪劣實蹟有閒彭翼

書奏各片

七

蒙著革職仍送部引見候朕再降諭旨至費淳另片奏稱江寧府知府許兆椿居官潔已愛民曾委護道篆於鹽務船工頗為熟練請即以許兆椿補授江寧鹽巡道等語許兆椿平日居官朕亦所稔知但江寧鹽巡道係屬部選之缺若因該督保舉即將外省知府升補於部中成例既屬不合且督撫等奏劾一員復保薦一員若即照所請擢用不免啓倖進之門即所保尚公其風亦不可長所有江

寧鹽巡道仍著歸部照例銓選 辛巳

上詣觀德殿

几筵前供奠 停止中秋節貢諭內閣各省呈進方物原以備賞賚之需現在二十七月之內萬壽慶節並不舉行筵宴無須頒賞所有各督撫及鹽政關差織造應進方物概行停止呈進若中秋節令外閒不過以瓜餅食物酬酢往來內廷並無宴賚之例尤非萬壽及端陽歲除可比嗣後中秋節貢著永遠停止

書奏各片

七

又諭本日內務府大臣呈遞清字摺片內於恭書

孝聖憲皇后尊號繕寫錯誤其咎甚大非尋常訛錯可比因命軍機大臣傳旨嚴詢除怡親王永琅現在患病永來係在圓明園所遞之摺未經閱看外布彥達賚縵布阿明阿三人自認錯誤均請革職交刑部治罪實屬罪所應得惟念布彥達賚管項繁多一時未能兼顧阿明阿初管事務向來不識清文朕所素

知二人情有可原著革去總管內務府大臣
仍交軍機大臣議處具奏至縉布久管內務
府竟係福薄災生有心試朕留心事務否著
革去總管內務府大臣并工部侍郎正藍旗
滿洲副都統賞給四品頂帶拔去花翎仍交
軍機大臣嚴加議處具奏一任縉布市恩邀
譽朕亦不懼姑念伊於造辦處事務尚為熟
悉著加恩留其佐領在造辦處司員上行走
以觀後效其管理造辦處俟朕另行簡用縉
布不得以曾任大員自居亦不得心存推諉
遇事知而不言致干重戾所有承辦奏摺之
主事德寧繕寫之筆帖式興保俱著交刑部
治罪又諭阿明阿因內務府奏摺錯誤已
降旨革去內務府大臣但念伊向來不識清
文管理內務府未久諸事本未諳練著加恩
賞給頭等待衛仍戴花翎隨同永來學習管
理圓明園事務朕非因阿明阿係藩邸隨侍
之人同罪異罰也 又諭自教匪滋事以來

三載有餘輾轉奔逃沿及川陝楚豫等省迄
今尚未嚴事或因官兵祇知勦捕未曾出示
招撫賊匪等自知罪大不敢解散投誠又以
各處村莊散漫不能堅守賊匪遂得肆其擄
掠而帶兵各員向無經畧為之統轄彼此遷
延事權不能畫一賊匪日久未平未必不由
於此朕於正月親政之後即下詔明白宣示
宥其脅從並為賊中投出者謀及身家之計
是勦撫兼施之策已行又令川陝楚豫各督
撫諭令各村民守堡結寨創挖溝濠悉力保
護是堅壁清野之策已行特授勒保為經畧
大臣居中調度節制各路以重事權與前此
之漫無統率者迥不相同乃數月於茲投出
之人甚覺寥寥而各路帶兵大員亦皆惟事
尾追未曾殲淨一股賊匪實不可解難民等
畏賊一時先暴冀免須臾之死不得已受其
束縛豈肯甘心從賊始終不渝即此日賊匪
黨與亦無非從前被誘村民天良具在日觀

朝廷寬大之詔自必亟思改悔脫身賊中何以經此番騰黃宣示之後賊黨仍固結如前朕宵旰焦思反復推求其故必因連年地方官朘削脂膏激成事變小民等困於誅求遂為賊所誘脅今見貪墨之員尚未盡黜恐投歸後仍遭侵虐不能各遂其生且當室廬焚燬蕩析離居之時無良吏為之撫綏仍難安業是以觀望逡巡未敢即行投出著松筠魁倫倭什布吳熊光高杞永保即行查明所屬

州縣有如戴如煌之貪縱虐民者不妨嚴叅數人以洩公憤如一時乏員補用即由京揀選發往其素得民心之員如劉清諸以謙方積林嵐等即行奏請升擢用示風勵庶被脅之人聞知貪墨屏退吏盡循良自必幡然來歸紛紛就撫如有自賊中投出者不但脅從罔治即為首者亦當施浩蕩之恩概予赦宥即如從前湖南苗匪吳隴登原與石三保吳半生等一同滋事投誠後免其一死仍賞給

五品頂帶約束苗民數年來甚屬安靜今教匪之罪與苗匪相等但能及早歸誠吳隴登前事具在朕必特加寬宥如此剴切曉諭俾賊匪知叛則必誅降則必赦予以自新之路釋其死守之心未必解散賊黨之一法將此由五百里分寄陝甘四川楚豫各督撫等並通行曉諭知之以兵部尚書傅森工部尚書那彥成戶部左侍郎豐紳濟倫兼總管內務府大臣吏部右侍郎達椿兼翰林院掌

院學士轉工部右侍郎明安為左侍郎以太常寺卿西成為工部右侍郎壬午諭內閣據陳嗣龍奏州縣積弊一摺外省州縣於審辦案件延擱不訊藉端需索又復袒役病民株連搜剔種種情弊朕所深知前已明降諭旨嚴行飭禁以肅吏治而儆官邪至私設班房及自新所名目濫拘濫押之事本干例禁從前久經申明入於彙奏近年改為彙咨或地方官日久玩生視為具文又復萌其故

智拖累無辜不可不嚴行查察著通諭各督撫飭屬一體查禁如有陽奉陰違私行設立者即當嚴叅究辦若大吏袒庇屬員有心徇隱一經察出必當一併治罪不稍寬貸諭軍機大臣等前因已革知縣甄輔廷擅責生員一案該省督撫辦理失實降旨將岳起補授江蘇巡撫令會同王德審辦此案嗣據岳起奏報起程昨據王德奏溫台洋面有夷匪竄入之事已馳往該處查辦恐未能即刻分身著岳起差人赴浙探聽信息如溫台事竣王德一二日即可到蘇自應等候會審儻尚須時日則案關緊要未便久待岳起即可先行宣旨將宜興平恕解任李焜革職拏問率同藩司荆道乾嚴切訊究將大概情形先行馳奏又諭藍號賊匪前經恒瑞逼至川北後恒瑞即回漢中會勦張漢潮一股祇因勒保調度無方並未先行派兵截擊以致賊匪得暇由廣元折回陝界恒瑞恐該匪等渡過

漢江北岸與張漢潮合夥即帶兵就近追勦所辦甚是現在賊匪已逃入東南大山老林奔竄正可乘其窮竄奮力追擊現在張漢潮一股有明亮慶成永保三人分投布置足資勦辦恒瑞此時且不必馳回漢江北岸竟當將藍號賊匪掃蕩再移兵前赴明亮等一路會合夾擊更可得力將此諭令知之○癸未諭內閣向來扈從官員兵丁分領馬匹及馱載官物駝隻回京後竟有不交馬駝以錢文銀兩折交者派出之王大臣亦視為泛常准其折交積弊相沿朕所素悉茲據繼善條奏折交馬駝之弊請加飭禁其言甚是與朕所聞無異各牧場官馬官駝均有定額若每次扈從回京輒行折價交納則官馬官駝日漸減耗民間駝馬日漸增多於事殊有關繫且恐馬販等串通領馬之人私行售賣轉販他省現在教匪滋事多有馬匹乘騎推原其故未必不由於此嗣後監視收馬王大臣自當

特加遴派認真稽察並著兵部嚴行查禁如有攜錢折交者即行嚴拏指名奏聞懲究其收馬之胥役等亦不得因禁止折收有意留難別滋弊竇至繼善因節次條奏事件俱切時弊是以加恩擢用京堂召見時曾諭以現雖已離言職但遇有應言之事仍當據實陳奏今所奏折交馬駝一事尤能指實弊端甚屬可嘉繼善著交部議敘凡有言責者於國家政務利弊務須屏除私意剴切直言若能

似繼善之數陳得當朕亦必加之恩獎也將此通諭知之○諭軍機大臣等此次張漢潮竄至竹林關與豫楚兩省交界相隔均二百餘里明亮等既在陝楚三省交界屯紮賊匪若竄至鄖陽一帶即可迎頭截殺如直趨商維一帶逼近豫省尤當繞前奮擊僅賊匪仍折向南山等處則有慶成永保自西而東正可趁勢迎剿其時此股賊匪可專交伊二人勦辦明亮與興肇即帶兵就近取道鄖西速

赴竹山竹谿幫同倭什布速勦李淑徐添德等股倭什布處賊衆兵單待援甚急前添調山西官兵諒可陸續趕到明亮即可全行帶領赴楚將此傳諭知之○又諭明亮等奏張漢潮一股竄至竹林關明亮等馳赴白浪地方迎截而摺內稱慶成永保等統領大兵相繼而至並未提及現在何處可見慶成永保在後跟追離賊較遠是以明亮等未得伊二人夾擊之力慶成永保總未能趕上賊匪仍

蹈從前因循怠玩惡習著傳旨申飭現已降旨令明亮與肇帶兵赴楚幫同倭什布勦辦李淑等股至張漢潮一股著專交慶成永保辦理務當趁賊匪折回窮蹙之時併力殲擒不得又以翻山竄入老林為詞任其滋蔓尤不可令賊匪闖入楚豫邊界○又諭明亮駐兵處所距鄖西止一百八十里赴竹山竹谿甚近未便又令繞赴達州轉致紆遠已降旨令明亮即由彼赴竹山竹谿勦賊著魁倫探

聽如明亮追勦張漢潮或又至山陽商州一帶魁倫自當親齎前諭就近面交明亮開讀明亮當遵續降諭旨帶兵赴楚魁倫即馳赴達州審辦勒保並接辦川省勦賊事宜如探得明亮仍在郾西一帶魁倫即不必赴明亮軍營著將前奉諭旨及此旨一併鈔寄明亮閱看即取道徑赴達州傳旨拏問勒保接受督篆將勒保嚴行審訊定擬具奏不必會同明亮審辦一面將經畧印信派妥幹大員齎送明亮軍營朕思額勒登保現在勦辦王登廷等股賊匪計日當可竣事應酌帶兵勇赴楚協勦莫若將經畧印信即交額勒登保齎送所帶之兵足資防護更為妥協本日又據倭什布奏兜截賊匪立解房縣城圍等語倭什布一路自七月初四日遞到奏報距今二十餘日已將堵勦情形奏過四次而勒保至今並無一字奏及現據倭什布奏到之摺並未見川省有兵策應是勒保止知有川不知

有楚倭什布摺內所稱不敢坐候川兵致誤機宜亦深怪勒保坐視不救特未顯然劾奏耳勒保種種玩誤魁倫到彼即將以上情節及前次諭旨內指出各條向其嚴加訊問至七十五德英額呂朝龍在大定一帶防堵賊匪即不能將徐添德攔截何以賊匪由彼處擾及楚境亦未帶兵追勦看來竟係伊三人朦混勒保並不將賊情稟報或轉捏稱賊匪藏匿老林等語而勒保輕信其言直同聾瞶此三人尤屬可惡並著魁倫嚴查密訪如得有伊等縱賊確情即將七十五等一併嚴叅治罪將此傳諭魁倫知之 以緣事褫革一等子隆德孫殷德布降襲二等子爵 緩徵湖北潛江京山荊門天門沔陽漢川江陵監利八州縣水災本年額賦 甲申 上詣觀德殿 几筵前供奠 諭內閣本年正月 太上皇帝龍馭上賓薄海內外無不同深哀愴

凡在外藩遠服如朝鮮國王李祘接奉

遺誥即專遣使臣馳赴闕廷進香致祭舉哀盡

禮安南國王阮光纘遣使敬關虔修箋表陳

述悃忱繕備儀物懇求瞻謁

梓宮敬伸奠獻又土爾扈特親王車璘烏巴什

等一聞

太上皇帝升遐之信即傳齊喇嘛念經併欲公

同捐銀遣使送京於梅檀寺誦經典車璘

烏巴什又請令伊子二人出家為喇嘛用伸

報答又哈薩克王杭和卓等懇請照依駐劄

大臣儀注持服穿孝不敢雜髮又霍罕伯克

納爾巴圖亦專人進表懇求叩謁

几筵又廓爾喀王喇特納巴都爾亦具表呈進

土物懇請穿孝虔修佛事此外臚章哀籲者

尚不一而足抒誠追慕悉皆出自本心而四

十九旗蒙古喀爾喀皆親至京城哀號瞻戀

盡哀盡禮更不待言此固由

太上皇帝涵濡怙冒懷德畏威是以奔赴哀號

爭先恐後但外藩等平時每過年節來京瞻

覲例止筵宴賞賚用示綏懷實非如內地百

姓累世久承

恩厚者比而該國王伯克等尚能萬里銜哀肅

將誠慕然則為百姓者更當何如感戀予我

朝自開國以來

列祖

列宗厚澤深仁惠鮮懷保凡茲黎庶自其祖父

食毛踐土百有餘年罔不共仰

生成安居樂業迨我

皇考御宇勤求政治仁育羣生六十餘年有如

一日而惠愛黎元恩施稠渥非惟曠古未有

洵為超越從前普免地丁錢糧者五次普免

漕糧者三次偶遇水旱偏災發帑賑卹隨時

蠲緩者更以億萬計迨

春秋日高勤政愛民猶日孜孜不稍暇逸即閒

有一二貪黷之員封疆大吏因

聖壽彌高不敢煩勞陳瀆雖亦在所不免然自

朕親政以來力加整飭除隨案懲辦外其虐民尤甚者如常丹葵胡齊嵩等一經訪聞糾劾立即革職抄拏近又諭令各督撫整飭吏治激濁揚清保薦循良叅辦貪酷有何民瘼不能上聞而必欲相率為亂乎即或因不肖官吏腹削難堪亦何難赴訴有司聽候審理安知冤抑終不得伸覆盆不復見日耶乃陝楚四川等省邪教匪黨嘯聚山林劫掠焚燒事經數載朕猶念其激變有因凡此盜兵之徒皆吾赤子節次頒發諭旨勸示招徠不但被賊裹脅之人有能自行投出者即飭地方官妥為收卹俾各安生即賊首賊目如有歸命投誠者亦當施浩蕩之恩開自新之路該匪等具有人心豈竟毫無感動甚至聞知太上皇帝奄棄臣民亦全無哀痛尚此阻兵構亂頑梗難馴豈我皇考六十年來愛養中夏黎元之意耶特此再行剴切宣諭並著豫楚川陝各督撫將此旨

刊刻謄黃通行曉示該匪等務須激發天良幡然改悔及早解散勉為良民僕經此番勸諭之後尚敢恃衆負隅嘯羣傲擾則是始終怙惡自外生成朕何難廣集天下兵力滅此小醜彼時即欲自行投出斷難曲貸當無分玉石悉予駢誅事到臨期噬臍何及將此通諭知之 又諭三法司奏將內務府呈遞奏摺書寫錯誤之主事德寧筆帖式積善興保按律分別定擬一摺此次內務府奏摺恭書孝聖憲皇后尊號繕寫錯誤其罪甚大該承辦之主事筆帖式等官律以大不敬之條實屬罪無可寬自應依律辦理惟是朕在藩邸時向知內務府掌儀司承辦祭告典禮於列后尊號中惟孝賢純皇后尊號常時敬謹繕寫此次竟係順筆致誤且內務府人員於清文本不熟習至如繕寫清文則多有依樣描畫不但不解文義且並不識字面者有之即漢人中亦有能

寫不能識者況此案總管內務府大臣等已
皆分別從輕示懲未加深究則此等微員於
萬無可宥之中亦不得不求其一線生路量
從末減所有承辦之主事德寧寫底之筆帖
式積善均著加恩免死各枷號一個月滿日
鞭責八十發落筆帖式興保年僅十七係照
本膳繕或竟不識清字業經革職著從寬鞭
責五十即行發落撥山西藩庫銀四十萬
兩解往四川以備軍需○乙酉諭內閣松筠

奏平利義首張奎等殺賊情形一摺覽奏深
為憐憫六月內鄉勇在高河梁禦賊義首張
奎杜正貴首先衝入賊隊奮勇力戰其死甚
烈徐名揚劉俊揚董興為賊裏去罵不絕口
或被挾頸斫足或被縛投火中至死不屈此
五人深明大義尤非尋常遇賊陣亡者可比
均即以把總例議卹又在金家山陣亡義首
樊雄秀李興懷黃九公彭雲祥四名均以外
委例議卹被擒脫回之吳大章亦著從優獎

賞以示鼓勵其同時在高河梁陣亡被害鄉
勇三百餘名受傷五十餘名及金家山陣亡
鄉勇吳能仁等一百餘名受傷三十餘名松
筠請一併造冊咨部所奏甚是均著加恩照
例分別卹賞因思教匪滋事以來各省義勇
鄉民率皆團練堵剿保護地方其不顧軀命
力犯兇鋒者諒亦不少而帶兵大員奏報義
勇陣亡寥寥無幾推原其故總由地方官藉
鄉勇之力以禦賊戰勝則冒為己功甚至幕

友親丁皆得濫膺保薦鄉勇轉不得與即有
陣亡被害者以其非在伍之兵匿不呈報無
由上聞是鄉勇人等殺賊既不能敘功徒死
亦毫無贈卹何以慰忠魂而勵士氣豈不思
鄉勇皆朕之赤子為國出力力戰被戕焉有
父視子亡不加憐憫乎今徐名揚等陷賊後
激於義憤甘以身殉死事之烈實堪憫惻可
見我國家深仁厚澤惠養黎元小民具有天
良皆知敵愾同仇之義故能捐軀報國視死

如歸由是推之即賊中脅從之人亦朕赤子未必盡陷溺本心甘附逆黨也嗣後各路鄉勇僕有打仗陣亡俱著照松筠所奏一體議卹以副朕嘉獎義士激勵民風愛民如子至意再松筠另摺奏典史解犯被害犯人投回一摺咸寧縣典史梁崇押解要犯蔣文方赴審猝遇賊匪梁崇持刀抵禦力竭被戕身受多傷即與陣亡無異著照陣亡例議卹至蔣文方係王文化連殺七命案內要犯被賊裏

去乘間逃回投首尚屬畏法蔣文方著免死減等發落至留壩廳安插軍犯李聚華虞維新於賊匪滋擾留壩時奮力格鬪殺死賊匪赴府城投首金建廷馬三王志冲亦陸續投回俱著寬免軍罪釋放回籍○諭軍機大臣等松筠奏辦理糧餉事宜清查舊款另立新規所辦甚是向來軍營冒銷積習總在款項混淆拖延時日並有此款例難開銷將別款通融牽扯以致輾轉不清易於滋弊今松筠

令各路糧員等按旬開摺彙呈每月奏報一次不特案牘易清即訪查亦無難得實其侵蝕蒙混之弊可以永除皆緣松筠平日廉潔自持故能正己率屬總理糧運必可勝任遠出福寧之上矣將此傳諭知之○以詹事府少詹事富森布翰林院侍講張綬檢討趙未形充日講起居注官翰林院侍讀學士劉鳳誥左春坊左贊善溫汝造署日講起居注官

上以祭

社稷壇自是日始齋戒三日○丙戌諭軍機大臣等前據福寧奏川省竄匪有增無減而勒保則稱有減無增彼此不符今福寧又稱細查各匪非由甘省闖入亦非由川省新起然則何謂有增是與從前原奏又自相矛盾矣其意止為浮冒開銷地步已屬顯然且摺內又稱邇來官兵所到軍糧俱極充裕何以日前福寧又與勒保會銜奏請撥餉五百萬兩

福寧既與勒保奏請則此次摺內何以並未提及若謂此項餉銀到後方能充足則摺內又稱邇來軍需充裕是日前已毫無缺乏前此又何必奏請撥餉乎種種前後互異或勒保前奏之摺竟係一人主見因恐干駁詰即將福寧之名一併列入並未與之關會而福寧竟未之知亦未可定福寧自辦理糧餉以來種種經理不善又復支吾捏飾弊實不一而足不可不實為清釐以期覈實著魁倫前

書卷七

七

抵達州時即備將福寧節年經手軍需款項逐一清查如有侵冒浮開餽送權貴取巧肥家等弊即行據實嚴參魁倫即可經手辦理松筠昨日奏到辦理章程甚為得當著將松筠原摺鈔寄魁倫閱看即可仿照辦理也○江蘇按察使述德以年老降補內務府司員調河南按察使張師誠為江蘇按察使直隸按察使完顏岱為河南按察使以長蘆鹽運使同興為直隸按察使○以故貴州鎮遠府

屬五品土官何道綱姪玉貴襲職○是月協辦大學士閩浙總督書麟奏夷匪在洋伺劫親往海口督率截拏得旨親往督辦足見急公然洋盜不能在海面掠食必須內地接濟若於各海口實力巡防總不容一人上岸銷贓又加以嚴禁出洋客船攜帶犯禁等物將見洋匪漸清海波寧靖矣偶見及此特諭卿知○廣東巡撫陸有仁奏報雨水糧價得旨覽奏稍慰凡為督撫大員為一省表率萬民

書卷七

四

瞻企須躬行節儉正己飭下粵東素尚奢華人耽聲色故有少不入廣之謗汝承受朕恩自陝省戎馬之郊升用汝於太平繁庶之郡若不知報恩倡為熱鬧糜費勞民傷財朕一有所聞嚴譴立降因宜興之事恐汝亦蹈此弊特加恩諭汝知汝其思省毋忽○貴州巡撫馮光熊奏禁革苗疆陋弊永遠實力奉行得旨果能嚴禁漢人盤剝胥役擾害苗民必永遠相安斷無蠢動全在汝等大吏謹身節

用法小廉一切陋規嚴行禁革即可期黔
省永久蒙福矣思之勉之○又奏循例查明
學政幕友及歲試開考情形得旨從來查人
之道先須屏絕私腸不可虛應故事大吏於
此等處不可忽畧知人安民為政之要無欺
無隱為臣之要我君臣應共勉之

實錄卷四十九

四十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之四十九

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十

監修禮部尚書臣等謹將嘉慶四年己未八月丁亥朔祭先師孔子遣大學士慶桂行禮戊子祭大社大稷上親詣行禮諭內閣昨有湖南廣西候補吏目二人徑至乾清門呈遞奏摺經奏事處官員駁斥未接仍行據實具奏自以不接為是此時當廣開言路明目達聰原俾下情無不上達但朝廷設官分職有一定階級等差應否自遞奏章皆係體制所關不容淆混是以

嘉慶四年己未八月丁亥朔祭

實錄卷五十

先師孔子遣大學士慶桂行禮戊子祭

大社

大稷

上親詣行禮諭內閣昨有湖南廣西候補吏

目二人徑至乾清門呈遞奏摺經奏事處官

員駁斥未接仍行據實具奏自以不接為是

此時當廣開言路明目達聰原俾下情無不

上達但朝廷設官分職有一定階級等差應

否自遞奏章皆係體制所關不容淆混是以

降旨封奏者外省自道員以上。豈可越分至不應至之地。濫行呈奏之理耶。況此等人員。如果於內外利弊。確有所見。或別含冤抑。急欲訴呈。原准其在各衙門封遞。直達朕前。並不至於壅蔽。若不論何項人員。皆紛紛赴宮門遞摺。尚復成何政體。此皆由門禁不嚴。該管大小官員。因循怠玩。不能留意稽查。以致外省候補微員。徑赴宮門。謁呈遞嗣。後禁城內各門出入人員。著前鋒統領護軍統領。各率所屬之章京等認真稽查。按照舊例行走。如再有似此越分遞摺之事。必將該管大小官員治罪。○予江蘇故刑部尚書秦蕙田入祀鄉賢祠。從巡撫宜興等請也。○己丑

上詣觀德殿

几筵前行月祭禮。○諭內閣。據佛志奏請賞戴花翎。昨因新疆大臣身任防邊。管兵之責。理應加以威儀。是以派往人員。皆賞花翎。並查出富俊靈泰佛志奇臣等四人。俱未賞給當

實錄卷五十一

二

一體施恩。賞戴朕已早思及此。何待該員等自行奏請。夫恩出自上。該大臣等代人奏請。尚且不可。況自行瀆奏耶。若謂該管員弁均有花翎。非此不足以示觀瞻。則富俊係烏魯木齊都統。官職較佛志為大。且所轄戴翎協領等官甚多。富俊尚未自行奏請。佛志竟敢如此瀆奏。殊屬謬妄。除將佛志申飭外。計前所降賞翎諭旨。此時已到。佛志獲邀寵榮數日。其志已足。著摘去花翎。觀其尚能管轄人員否也。○又諭恩長奏和闐回民莫羅愛底勒。強姦十歲回女。色克兒已成。請將莫羅愛底勒。即行正法。等語。強姦本律罪應擬斬。監候。今恩長所奏。莫羅愛底勒。兇淫已極。新疆又非內地。可比。請將該犯即行正法。以懲淫風。所辦尚無錯誤。莫羅愛底勒著依擬應斬監候。即行正法。以昭炯戒。○以烏魯木齊都統富俊為喀什噶爾叅贊大臣。烏魯木齊提督興奎為烏魯木齊都統。三等侍衛圖桑阿

實錄卷五十一

上

為烏魯木齊提督○庚寅諭內閣據吉慶台布奏藩司聞嘉言在省經理軍需勤慎出力前臬司孫玉庭隨營辦事時曾蒙賞戴花翎今聞嘉言可否量予鼓勵等語藩司為錢糧總匯遇有應辦軍需本屬分內之事並非格外宣勞況廣西省經手報銷各款不過二百餘萬為數尤屬無多今吉慶等輒以該藩司勤慎為言與孫玉庭相提並論意在代為陳懇賞給花翎現在川楚陝甘各省皆有承辦軍需若此例一開則各督撫皆紛紛代兩司陳請不勝其賞殊非政體吉慶等所奏不准行○旌表守正被戕山東長山縣民孟八妻沈氏○辛卯遣官祭關帝廟○遣官祭賢良祠 壬辰上詣觀德殿几筵前供奠○遣官祭昭忠祠○調盛京兵二千名吉林黑龍江兵各一千名赴湖北勦賊○癸巳

孝淑皇后殯宮月祭遣官行禮○以喀什噶爾叅贊大臣長麟為雲貴總督○甲午上詣大高殿行禮○免調派盛京吉林黑龍江兵丁經過沿途州縣本年額賦直隸自山海關至磁州十分之三河南至湖北十分之五○乙未太宗文皇帝忌辰遣官祭昭陵○上詣觀德殿几筵前供奠○勒保奏報德楞楞泰生擒首逆龔文玉賞德楞泰騎都尉世職兵丁一月錢糧又查明鎗斃首逆包正洪將弁賞副將王清弼巴圖魯名號遊擊羅定國李光晟鄭啟貴守備李錦麟薛陞桂涵花翎都司王榮等藍翎○旌表守正捐軀江蘇銅山縣民曹秉亮女曹氏○丙申申嚴呈進貢物之禁諭內閣兵部議處違例呈進土貢之福州將軍慶霖請照違制例革職一摺各省呈進貢物節經

降旨嚴行飭禁現屆八月十三日為

皇考萬萬壽誕辰朕既不能奉觴稱慶而明歲九旬萬萬壽又不獲躬率天下臣民祝

嘏臚歡用申孝養每瞻

靈几哀慕方深今慶霖乃循照年例呈進土貢

益令朕觸緒增悲殊屬冒昧即照部議以違

制例革職實為罪所應得姑念慶霖由侍衛

出身擢任將軍心地糊塗於體制不能諳悉

且因兼管閩海關務所進祇係土物又屬初

實錄卷五十

六

次著從寬改為革職留任惟是此次慶霖得

邀寬宥或外間無識之人妄意前此飭禁雖

奉有明諭而違例呈進其革職處分仍可邀

恩留任又視為具文遂思僥倖嘗試冀開進

奉之門此則有意測探大非朕此次施恩之

意矣從前進貢一事

皇考亦屢經頒諭嚴禁而督撫等仍間有備物

呈遞者

皇考因其既經備進或賞收一二件藉聯上下

之情然亦甚以為可厭今朕志先定斷不容

臣工等有陽奉陰違之事朕在藩邸時一切

服御起居概從簡樸而親政後尤以崇儉黜

華冀厚民生而敦澆俗現在宮禁之中所貯

珍寶玩品極為充物飢不可食寒不可衣可

見此等珍奇祇屬無用之物況外省備進貢

物名為奉上其實藉以營私每次未收之件

既可分饋權要又可歸入私囊而屬員等競

事逢迎輒以幫貢為詞藉端派累層層巧取

實錄卷五十

七

以致小民朕削難堪大抵進奉一節最為吏

治之害此朕所深悉弊端而必加嚴禁者也

此次朕之所以寬恕慶霖者實因伊係武職

糊塗所進祇係方物其咎不過冒昧尚非欲

倡為此舉首先嘗試是以姑免革職僕臣工

等誤會朕意欲藉此營私見好仍冀得免嚴

議則是有意效尤不但照違制例革職必當

重治其罪決不姑寬朕如此披誠訓諭而內

外臣不多有不能深信朕者必欲陷朕好貨

之名快其私憤便其私圖雖係以小人之腹度君子之心不足與較然朕之苦衷亦不可不宣示也至慶桂在京供職相距伊弟任所較遠慶霖呈進不合之處未經阻止其咎尚輕著照部議查級准抵免其降調將此通諭知之○免貴州興義府屬苗匪滋擾地方本年糧米○丁酉

太祖高皇帝忌辰遣官祭

福陵○撥內庫銀四十萬兩交河南藩庫存貯

實錄卷五十一

丁酉

以備軍需○戊戌倭什布奏報勦捕湖北歇馬河竄匪并招撫投出難民七百餘人賞倭什布雲騎尉世職副將孫清元總兵銜千總黃富國守備銜兵丁一月錢糧○己亥

上以

高宗純皇帝誕辰詣

觀德殿率王公大臣等行三跪九叩禮復詣

几筵前供奠○庚子諭內閣從前

世宗憲皇帝

孝聖憲皇后大事時所有御前乾清門行走之蒙古王公等均曾停其年班來京此次二十七月之內著仍照舊例行○辛丑諭內閣據慶霖奏請將福州將軍署內原留備差綠營把總四員兵二十名仍撥歸該督撫營汛等語從前因各省將軍大臣等率將兵丁留署差用最為惡習節經降旨申飭今慶霖到任未久即請將將軍署內應差綠營官兵撥回本營所奏甚為可嘉即照所請行福州將軍署內應差綠營官兵係乾隆三十三年奏留歷任將軍等並未奏請撥回本營是該將軍大臣等使用綠營官兵竟成習氣想各省皆然亦未可定著交各將軍大臣等查明如非本標之人俱令撥回本營當差毋得任意私留衙署差用將此通諭一體遵行○諭軍機大臣等吉慶奏藝民方維富帶同盜夥梁文科等十八名投首並據供明盜首陳添保現在安南亦欲乘隙率眾來歸等語梁文科等

悔罪投首自應加之獎賞著即照該督所請
賞給外委頂帶其周亞二等十七名及蟄戶
方維富仍當分別安插不可仍令聚集一處
又致滋事至安南盜首聞知投首者得邀頂
帶之榮心生羨慕或有來粵投首之人不可
一體收留恐該國以天朝納其逋逃或向邊
吏詢問轉非體制也將此諭令知之○安徽
巡撫陳用敷以疾乞休允之以江蘇布政使
荆道乾為安徽巡撫貴州按察使方昂為江
蘇布政使湖南辰沅永靖道成寧為貴州按
察使○壬寅
上詣觀德殿
凡筵前供奠諭內閣光祿寺少卿戴均元條
奏各省倉儲乘時買補以歸實貯一摺內稱
外省州縣設立常平倉穀原恐民間偶有荒
歉為賑卹平糶之用近年以來多有缺額或
因公動用尚未買補或有司虧缺未經交代
多半按照部價將銀兩存貯庫內輾轉流抵

以圖省便其照額實貯在倉者十無二三每
遇秋收上司聞亦催令領價買補而各州縣
多以糧石短少恐妨民食為詞實則因領價
之時上司衙門書吏人等剋扣使費必致穀
價不敷是以視買補為畏途等語所奏深中
時弊國家設立常平倉穀原備民間緩急之
需若不照額存貯僅將穀價貯庫猝遇需米
之時豈銀兩所能濟用日久挪移並有穀價
亦屬懸宕者有名無實均屬不成事體且當
軍務轉輸鄰省均須協撥米石每遇奉文碾
運往往周章失措所關尤為緊要著通諭直
省各督撫通行所屬一體稽查據實具報如
有缺額及存貯穀價之處以本年秋收為期
除被災州縣酌量情形另行勒限買補外其
餘各州縣務令及此豐收買補實貯不得仍
前僅存穀價或恐市價增昂惟當臨時調劑
不得藉詞搪塞並嚴禁各衙門書吏剋扣抑
勒諸弊儻敢虛應故事並不實力整飭一經

發覺必將各督撫及原虧各員分別治罪勿謂誥誡之不豫也將此通諭知之○癸卯密諭四川總督魁倫知悉川省之賊起於達州而王三槐徐添德早經知州戴如煌緝獲婪索無厭始行激變宜綿英善復因循貽誤勒保始尚有為今又萎靡不振川省東北困於兵疲於賊西南又苦派累轉輸若本年之內不能全平再拖延至明年則四川一省不可問矣自卿起程後朕日夜焦思訪得川省清

實錄卷五十

上

官貪官數名今特列名於後卿應留心訪求實蹟清官即行越格保薦貪官立予降革若得貪婪實蹟奏請拏問破其積奸伸民之怨大功可計日而定卿其勉諸好官劉清王贊武嚴士鎡沈念茲方積趙華劣員戴如煌姚令儀石作瑞黃鏡吉興俞廷舉再諭卿知朕思治賊之道先示之以威後撫之以德雖不可姑息亦不可酷暴害民之官必宜去愛民之官必宜用卿之操守有何可說但性氣過

於直爽恐流為粗暴切須自省勉立勲猷若能化此性氣之偏常存寬則得衆有容德乃大二語於心朕保卿為當代名臣名昭奕世朕之訓言能遵與否任卿自問於衷勉之戒之○諭軍機大臣等昨據廣興奏聞明亮曾說從前在金川時伊與溫福一同帶兵今受伊子勒保節制心實不願若即將張漢潮一股剿盡必須前往四川聽候勒保調度莫若留張漢潮在陝任其往來奔竄藉追勦為名

實錄卷五十

上

免致赴川且得專摺奏事又聞永保在留壩華林山地方遇見賊匪永保所帶之兵雖有二千皆係疲乏有將官穆克登布再三阻止不可與賊打仗永保說受主恩深厚既遇賊匪豈有不竭力截殺之理彼時賊匪見官兵在半山駐劄即在山下向上攻撲又另分一股從間道上山下壓以致官兵被賊匪上下夾攻勢甚危急幸有馬兆瑞帶兵五百名前來衝擊賊匪見有接應始行散去嗣明亮前

來會晤。永保責備明亮以華林山打仗時。明亮在廢邱關駐劄相隔止七十里。何以不帶兵前來救援。明亮又責備永保冒昧打仗。損折兵將。與伊無涉。永保要參明亮頓兵不救。明亮要參永保敗衄失事。彼此大加爭鬧。又明亮至鳳縣時。賊匪向北奔竄。明亮轉帶兵向南行走。聲言繞道迎截。其時慶成到彼。與永保合兵。未赴明亮一路等語。朕又聞從前張漢潮曾遇乏食。向村莊內搜尋。並無可掠。

實錄卷五十

五

祇覓得桐油。即與賊匪分食充飢。遂即嘔吐困頓。經兵勇探知。報明帶兵大員。而明亮興肇並不往捕。又張漢潮曾與賊匪在村莊酣飲卧地。經兵勇報知。領兵大員。亦不迅往擒拏。旋被逃脫。以上各情節。如果屬實。則明亮慶成永保。竟係挾私縱賊。有心玩寇。無怪乎意見之不和也。著魁倫秉公確查。據實具奏。不可稍有徇隱。又本日祖之望到京。據稱湖北辦理軍需。查出胡齊嵩經手帳簿。多係開

清 實 錄 嘉慶四年八月

載領兵大臣犒賞。提用及督撫與該道餽送領兵官員款項。如明亮慶成永保恒瑞德楞泰舒亮等。皆曾得過惟額勒登保一人。未經得受。是軍興以來。所發餉銀七千餘萬。竟為伊等餽送。侵肥花消之用。湖北一省。經手軍需。為數尚少。已有如此弊端。何況四川支發軍餉。不啻數倍於楚。且胡齊嵩僅係道員。輒以公帑作為餽送見情。何況福寧職分較大。總辦糧務。如勒保明亮及在營帶兵官員。豈

實錄卷五十

十五

有不任意提用。作為餽送藉資結納之理。即如福寧從前。曾經致送和坤銀兩。朕所深知。此時朝中。雖無權要有須餽賂之人。而督撫等。或藉犒賞為名。私行提用。自肥己橐。皆所不免。試思國家經費。有常。今以七千餘萬之帑。一任伊等揮霍。全不以軍務為重。則賊匪何由得平。伊等之意。總不過欲藉辦理軍務。屢請多發餉銀。可以浮冒開銷。為補從前虧缺地步。是以有意遷延。總不欲勤辦完竣。誠

六二七

恐軍營藏事。則平時虧空。悉行破露。無可彌縫。此實外省積弊。最為可恨。今特交魁倫將福寧經手軍需。嚴行查覈。其平日如何侵用餉銀。致送何人。並各路帶兵大員。如何藉詞犒賞。提用若干之處。一一詳細查究。若得實據。即行鎖拏。速即具奏。即如明亮勦辦賊匪。為日已久。乃挾私養寇。惟事尾追。甚至賊匪經過營前。必可就擒。而縱令逸去。殊出情理之外。且領兵諸大員。雖承受朕恩日淺。而仰

實錄卷五十

十七

蒙

皇考厚恩。至為優渥。縱欲養寇自便。獨不思遠藏軍務。得以及早來京叩謁。山陵乎。如明亮實有提用餉銀。及得受福寧餽送情事。魁倫必當據實舉劾。不可以此事一經實奏。恐形迹之閒。似欲排擠明亮圖為經畧。因而有所瞻顧。不實不盡。今特明諭魁倫。即使明亮被叅後。朕亦斷不將魁倫授為經畧。魁倫現署四川總督。儻兼任經畧。勢必紮

營駐兵。不能遠涉。則與勒保何異。若帶兵四出。越境勦賊。則川省地方應辦之事。及本境賊匪。又安能兼顧乎。現在各路帶兵大員。惟額勒登保最為出力。即以胡齊崙餽送而論。亦惟額勒登保獨無沾染。不特軍營人員。眾口稱贊。即在京滿漢各員。亦無不重其為人。可見額勒登保忠勇清公。實為難得經畧之任。舍伊誰屬。即額勒登保不識漢字。亦何難以清字繕奏。朕亦降清字諭旨。指示耶魁倫。竟不必存避嫌之見。為明亮等容隱。惟當據實詳查。若得有受賄確據。賊數逾貫。罪應至死者。即應一面嚴叅。一面傳旨拏問。又據吳熊光奏。豫省挑補兵丁。不但鄉勇等不願入伍。即兵丁子弟。遇其父兄缺出。亦不肯即行充補。前令各省招募兵丁。原以鄉勇民人。既得口糧養贍。又上進有階。自必踴躍從事。今乃視為畏途。退避不前。此皆由帶兵官員。不知體卹。任其襁褓凍餓。甚至以牛皮裹足。亦

實錄卷五十

十七

全不為意。其有赴義捐軀者。無論兵丁鄉勇。俱不肯按名咨卹。何怪乎鄉勇之不願入伍。食糧兵丁子弟亦不願報充營缺耶。要之國帑運至軍營。總不肯公平散給。諸將意中。本無平賊之心。惟知罔利營私。故於兵丁等全不加之軫恤。安能得其心。而用其力。魁倫不可不痛懲積習。大加振作。以期迅奏膚功。仰慰

皇考在天之靈。母負朕諄切誥誡至意。將此傳

實錄卷五十一

十一

諭魁倫知之。又諭頃降旨後。朕復思從前令魁倫赴川。先至達州。傳旨將勒保革職。等問。即將所齎諭旨一道。並經畧印信。俱交額勒登保帶領兵丁齎赴湖北。明亮軍營。今廣興來京覆命。奏及明亮不甘為勒保之下。有心玩誤實屬可恨。豈可復膺經畧重任。即使拏獲張漢潮。亦難自贖。現已降旨授額勒登保為經畧。魁倫前抵達州。傳旨革職勒保後。即以經畧印信。交額勒登保祇領帶去之。荷

清 實 錄 嘉慶四年八月

包亦即賞給額勒登保以示獎勵。所有帶給明亮諭旨一併付給閱看。至川省軍營人員。營私牟利。交結應酬。上下一氣。交通舞弊。而兵丁糧餉。轉不能即時給發。魁倫所奏種種弊竇。與朕所聞相同。著魁倫即向勒保嚴切訊問。務得實情。福寧係總辦糧務大員。經手軍需。其通同侵蝕。必有甚於胡齊崙者。並著魁倫調齊底帳。將收支細數悉心查覈。若得侵用帑項。餽送入己。實據即傳旨將福寧一

實錄卷五十一

十一

面革職鎖拏。一面奏聞。候朕嚴訊。魁倫到川後。第一緊要之事。係審訊勒保。其次即嚴查福寧經手餉銀。此二事特交魁倫專辦。○賞叅贊大臣額勒登保都統銜。為經畧大臣。○撥內庫銀二百萬兩。命副都御史廣興副都統托津押送四川達州。以備軍需。○甲辰。遣官祭黑龍潭。昭靈沛澤龍王之神。玉泉山惠濟慈佑龍王之神。○諭內閣副都御史廣

六二九

興督同侍衛官員等護餉赴川著即留於達州總辦糧務並令知州劉清隨同辦理總以現在解往之餉銀二百萬兩為始另立章程截清年月與福寧交代時務將福寧經手各項逐一查明和盤托出不可稍有隱飾牽混以裕軍儲而昭覈實○乙巳

上詣觀德殿

几筵前供奠○諭內閣今年正月初八日朕所以將和坤福長安拏問治罪者因伊二人同

受

皇考厚恩多年不思感激報効朋比為奸獲罪甚重不得不治以國法非朕初親政務即將皇考左右常侍之大臣遽加罪譴也但伊二人中和和坤種種不法已極又經科道劾叅情節重大斷無一線生路是以於十八日即賜令自盡而福長安雖未經人指款叅奏然與和坤同為軍機大臣勢位相等而甘心阿附不自樹立且自嘉慶元年以來朕時時命伊召

實錄卷五十一

主

見且朕恭謁

泰陵伊獨隨行於沿途行宮每日召見數次並微示以意冀其將和坤平日所為直陳無隱而福長安始終諱飾無一語道及和坤者是其昧心喪良自甘比黨甚為可恨故特命拏究乃出自朕意非由他人舉發也大學士九卿等議以斬缺後又從寬改為監候即使福長安捫心自問尚得謂非情真罪當乎若定擬以後有續將伊別項劣蹟指効者自仍按罪究辦亦無偏縱之理今自監禁以來已逾半載以伊擬斬之人誰復畏其勢蹇而竟別無論及之者是福長安居官行事雖非無可指摘然與和坤之罪狀多端為舉朝痛恨者則有閒矣目今朝審已過獻典具成因念福長安蒙

實錄卷五十一

主

皇考養養二十餘年即使伊冥頑不靈不念恩遇而朕方當觸目成哀之時即當年御用器物犬馬猶不忍棄置況如福長安之稍

有趣走微勞譬如小犬之曾蒙馴飼禁中者乎。今屆奉移

山陵之期。福長安稍有入心。自必以身獲重罪。不能叩送。

梓宮痛心涕泣。深自愧悔。縱伊無此心。而朕心究竟有所不忍。福長安著加恩釋放。伊平日在

皇考前常有捧茶之職事。今著前往裕陵。永遠充供茶拜唐阿。俾其敬依

陵寢感念

青囊本十

十一

皇考深恩。時加內省。且伊父傅恒墳塋亦在附近地方。福長安並可追思伊父。從前克承

眷注。永保令名。將必撫衷自問。於為臣為子之道。今竟何如耶。伊子雲騎尉錫麟亦著隨往。交與綿億等派給差使。福長安著於釋放後給假十日。以便接收賞還查抄物件。向來臣工有以貪墨獲罪者。例將家產籍沒入官。總視其獲罪之重輕。而不計其資財之豐。盡即

如贓私狼籍。家產優厚。從未有如和珅者。然春間查抄之後。除違制之物。如正珠朝珠圭式案之類。原不可以頒賜臣工。其餘若章服什物。俱各視王公文武大臣。以及御前乾清門侍衛等品級職分應用者。悉行分賜。下至宮中內監。亦無不徧邀賞賚。而留賜和孝公主者。更不可勝計。惟零星破舊物件。始交崇文門變價。所值無幾。此人所共知也。至福長安抄入物件內。有伊備辦

青囊本十

十一

皇考九旬萬萬壽及朕四旬萬壽呈進者。自不必復行賞還。今將餘物概行分日賞給。朕於福長安罪名已定時。即將今日所賞之物。令總管太監等另為存記。則朕於

皇考時服侍舊人。苟可矜全。必無置之重典。與夫事遵國法。初不計較財貨之意。可眾著於中外大小臣工矣。所有辦理此事始末。特行通諭中外知之。○調鑲紅旗滿洲都統淳穎。為正黃旗滿洲都統。鑲紅旗漢軍都統布彥

達賚為鑲紅旗滿洲都統。鑲藍旗蒙古都統。傅春為鑲紅旗漢軍都統。以正黃旗領侍衛內大臣丹巴多爾濟為鑲藍旗蒙古都統。○勒保奏報生擒首逆卜三聘並各逆家屬。擢副總管富登阿為總管。騎都尉塔什拉為三等侍衛。賞佐領巴圖防禦達椿。歡福。都司唐玉龍。李東山。巴圖魯名號。署叅領福祿紳。哈新察。佐領阿納庫。訥爾吉。都司沈洪。守備張世雄。吳廷剛。土舍索諾木。文魁。屯都司谷入阿郎。屯守備撒怕。前鋒委官舒爾哈善。花翎前鋒藍翎長圖。敏泰等。藍翎前鋒花連布等。升擢有差。○丙午諭內閣。據劉權之奏。買補倉穀。宜赴鄰邑採辦。以免派累一摺。所奏自屬可行。採買倉穀。向來原有定例。今據劉權之奏。地方官奉行不實。往往藉端肥橐。輒在本地派買。不論市價貴賤。祇發銀四五錢不等。並勒令出具照時價領票。兼之差役需索使費。以致領票花戶。皆不願上納穀石。惟求

繳還原封銀兩。另外加倍繳價。較交穀猶為省事。甚至有力富戶。賄囑書吏。將本名下之穀。飛灑零星有田之戶。富戶轉得少領。竟至完善良民。衣食難周。深受採買之累。地方官祇圖折價入己。遇當平糶之年。仍無存貯之米。一旦協濟鄰省。則著米鋪倉卒購辦。照時價尤有剋扣。及起運收米。押運之家人胥役。又向鋪戶百端勒措等語。種種弊端。實所不免。特此通諭各督撫。嗣後遇應行買補倉穀年分。務須飭令所屬在豐稔鄰縣。按照時價公平採辦。不許向本地派買。並將向來吏胥等串通舞弊積習。嚴行查禁。隨案重懲。以期倉穀皆歸實貯。小民不致擾累。至社倉原係本地殷實之戶。好義捐輸。以備借給貧民之用。近來官為經理。大半藉端挪移。日久並不歸款。設有存餘。管理之首士與胥吏。亦得從中盜賣。儻遇儉歲。顆粒全無。以致殷實之戶。不樂捐輸。老成之首士。不願承辦。是向來良

法徒為官吏侵肥亦應一律查禁並著各督撫等將各省社倉仍聽本地殷實富戶擇其謹厚者自行辦理不必官吏經手以杜獎實而裕民食各督撫務須董飭所屬實力奉行如有前項弊端即行據實奏奏儻仍視為具文復蹈前轍一經訪聞或被科道奏奏必將該督撫重治其罪將此通諭知之○又諭據都察院奏湖北安陸縣生員沈從隆控告知府盛德昌挾嫌鎖押伊子沈逢巽一案已降旨交姜晟前往審辦矣朕閱原呈內有將伊子押入內監用數十餘斤大鎖腳鐐手肘之語前因外省地方官私設班館及自新所曾降嚴旨飭禁至刑具等項皆係按刑部制度官為印烙頒發有一定尺寸式樣若私創刑具任用非法例干嚴禁蘇州有新造小夾棍等名目湖北又有數十餘斤之大鎖非私造而何況官設刑具原視犯者情罪之輕重分別責罰即施之邪教亦應概用官刑何況審

辦尋常案件自設非刑任情妄逞借嚴峻之法濟貪酷之私此而不嚴行查禁何以肅吏治而服民心著通諭各督撫嚴飭所屬嗣後一切刑具皆用官定尺寸頒發印烙如有私自創設刑具非法濫用者即行嚴叅治罪決不寬貸○丁未諭內閣江蘭奏護送官兵前往直隸拱極良鄉地方該營塘撥並無弁兵在汛而文武員弁亦無一員在彼護送等語各省設立塘汛額設弁兵原為稽查奸匪緝拏盜賊護送差使理應一律整齊以壯觀瞻而嚴稽察今拱極良鄉二營近在輦轂之下尚且如此廢弛其餘各直省不問可知胡季堂即日來京除俟伊到時將江蘭原摺交伊閱看令其據實查辦外並著通諭各省督撫提鎮等實力整飭稽查塘汛弁兵毋得仍前怠玩致干咎戾○戊申以江西布政使萬寧為太常寺卿甘肅按察使廣厚為江西布政使甘肅鹽法道姜開陽為按察使○己酉

世宗憲皇帝忌辰遣官祭

泰陵○

上詣

奉先殿

壽皇殿行禮詣觀德殿

几筵前供奠諭內閣慶成永保與明亮同在陝省勦辦張漢潮一股賊匪理宜同心協力以國事為重上緊殺賊俾陝境早就肅清方為不負任使乃半載有餘尚未蕝事節據奏

報勦賊情形總未見伊三人會同夾擊明亮之摺則稱現在直前追勦若遇慶成永保帶兵前來即可合圍奮擊而慶成永保之摺又稱想明亮追躡前來即可併力合勦彼此各用揣摩之詞互相推諉每隔旬餘即如此奏報一次塞責近日甚至彼此不通信息伊等意見不和忌功樹黨朕早經洞鑒節次降旨嚴飭並令松筠密行查奏昨據松筠奏賊匪於八月初一日竄至商州楊家斜地方明亮

於是日追抵商州慶成永保即折回西北抄擊及明亮追賊至藍田慶成永保又趕往北面等語伊二人已明知明亮趕至商州正應會商合勦乃轉行折回是直欲避明亮不與相見張逆得延殘喘皆由二人不迎頭攔截之故松筠摺內稱慶成永保於十六日至鎮安之舊縣關紮營直至二十二日始至該縣東五里之舊司駐劄此數日內慶成永保究竟日行幾里其罪已無可辭本日已時先據慶成永保奏抄截張漢潮趕至五郎邊界一摺內稱賊匪有分出落後一股恐其乘隙北竄永保即於大山岔一帶要路地方暫停等語此仍不過託詞躲避明亮豫為諉卸地步而慶成由鎮安五郎抄向西北又稱山險不能繞出賊前令綸布春等帶領馬隊前行慶成惟在後督催並稱連日陰雨山水陡漲趕至洵陽壩地方僅斃賊數十名而夥匪又折向東南鎮安復因兵丁衣履泥溼在彼收拾

是慶成亦惟託故遷延。並不跟蹤追剿。而伊二人摺內竟未提及明亮一字。尤出情理之外。午時旋據明亮奏到。痛剿張漢潮賊衆。逼向西南逃竄。一摺。訊據獲賊供稱。有兩日行三百餘里。並無官兵追趕之語。摺內又稱。自鄖陽鄖西緊躡賊蹤。趕向商州。今又追至鎮安境內。慶成永保等帶兵六千餘名。總未見面。是慶成永保本日奏到之摺。竟係畏懼明亮叅劾。有心捏飾。似此懷挾私見。坐誤事機。

全不顧剿賊重務。慶成永保可謂喪盡天良。若不嚴行懲治。何以肅軍紀而勵戎行。且張漢潮以一老病無能之賊。又身受鎗傷。陝省現在並無他股賊匪。若不趁此時廓清陝境。一任伊等耽延貽誤。何時方能勦淨。茲特命工部尚書那彥成。以欽差大臣前往督同明亮。勦辦張漢潮一股賊匪。以期迅速集事。即著那彥成齎朕諭旨。先於慶成永保軍營。將伊二人傳旨革職拏問。一面向慶成永保嚴

訶。將伊二人玩誤實情。先行具奏。再交與松筠定擬具奏。那彥成即帶領慶成永保原帶之兵。與明亮會商勦辦。務將張漢潮一股首夥悉數殲除。不留餘孽。所有陝西巡撫員缺。著馬慧裕暫行護理。其成都將軍員缺。候朕另行簡放。○命工部尚書那彥成。為欽差大臣。馳赴陝西。督辦軍務。○以戶部右侍郎盛住。署工部尚書兼總管內務府大臣。○命禮部右侍郎文寧。教習庶吉士。○賑雲南石屏。

建水。二州縣地震災民。○庚戌秋分。夕月於西郊。遣豫親王裕豐恭代行禮。○諭內閣。陳大文奏。東省漕糧。仍照向例春兌春開。一摺。向來東省漕糧。原於十月運赴水次。至次年二月。交兌開行。並無貽誤。嗣經改為冬兌冬開。雖為期較早。但兌運未免緊迫。米色即不能一律純淨。而收漕州縣。受兌旗丁。每因急促從事。藉端滋弊。且兌運雖在十月以內。趕出關外。仍須在途守凍。至次年二月冰泮。

方能前進以重載停泊水次至三月之久米豆等項既不免為水氣潮蒸又數十萬漕糧排列河干火燭亦為可慮而所在復需兵役巡邏旗丁雇寬舵水人等閒養在幫更不免徒增費用而於冬兌冬開仍屬有名無實嗣後東省漕糧著仍照舊例起徵運赴水次立春以後受兌完竣開幫挨次北上抵通於利運恤丁兩有裨益○命詹事府詹事潘世恩提督雲南學政○雲南按察使張端城以母

老乞改京職允之以直隸天津道公義為雲南按察使○緩徵山東濟寧魚臺金鄉單嘉祥嶧滕城武長清東阿平陰利津蒲臺汶上陽穀鉅野范鄆城朝城博平茌平清平莘恩聊城博興高苑樂安壽光臨清夏津武城三十二州縣及各場地並臨清濟寧德州三衛水災新舊漕糧額賦曹鄒三縣歷年舊欠額賦○辛亥

上詣觀德殿

几筵前供奠○諭內閣倭什布奏調赴湖北軍營之山西兵丁挾嫌逞兇傷斃領兵參將一摺實為從來未有之事閱之殊堪駭異各直省軍紀廢弛將不習兵兵不尊將已非一日即如本年夏間山東兵丁至寶雞縣馬號將騾夫等砍傷而帶兵之署副將四達色縱容不問今又有山西兵丁劉廷懷挾管束微嫌膽敢將本管參將王棟砍傷致斃是四達色待之過寬兵丁即妄砍平民肆行無忌王棟

馭之以嚴兵丁即挾嫌逞忿謀殺長官寬嚴皆足以召釁所謂指臂之使腹心之寄者安在軍律至此蕩然無餘矣皆由從前督撫提鎮視訓練為具文任聽兵丁等遊蕩自如甚至令其在署充當廝役工匠坐食虛糧積玩成廢不知紀律為何事一旦調遣從征加之約束非畏慈怯懦即桀驁不馴若不亟為整頓何以肅軍紀而勵戎行著通諭直省督撫提鎮務當屏除積弊實力操防示以有勇知

方庶幾緩急足恃。母得仍前懈玩。致干咎戾。至王棟被劉廷懷砍倒。後王棟丁役熊玉等持鎗趨護。將劉廷懷截傷身死。守備馬光祖捏稱王棟帶領官兵到襄。赴河下照料渡江。不意行至街心。突被教匪將王棟扎傷。並將馬兵劉廷懷殺死。經倭什布查出實情。將劉廷懷戮屍。臬示所辦。尚是守備馬光祖僅請革職。仍令暫行管帶兵丁。殊屬失之輕縱。襄陽地方早已肅清。焉有教匪伏匿。突出戕官。

馬光祖不過因征兵傷斃將領。慮干議處。竟誑稱教匪殺傷。希圖掩飾。非尋常捏報可比。此等備弁。尚安望其帶兵出力乎。現當軍行之際。不可不嚴加懲治。以儆其餘。馬光祖著革職。即於倭什布軍營枷號三箇月。示衆滿日。發遣伊犁。劉廷柱係兇犯劉廷懷之弟。亦未便輕縱。並著發遣伊犁。至馬光祖於此等有闕軍法重事。尚敢肆意妄捏。若仍令帶兵。必致別有貽誤。倭什布僅請革職。仍令帶兵。

何不知事體輕重。若此。著傳旨嚴行申飭。餘著照所奏完結。○添派總管內務府大臣景燾。總理喪儀。○革翰林院編修洪亮吉。職命軍機大臣。會同刑部審訊。○壬子。諭內閣。據朱珪。劉權之奏。伊等未將洪亮吉投遞原書。並詩句進呈。自請交部嚴加議處。各摺。洪亮吉書詞荒誕。朱珪。劉權之既經拆閱。自應即時呈進。乃經奉旨查詢。始行交出。此等書詞。若係滿洲人員投遞。伊等未必不即時呈出。

可見朱珪。劉權之。均不免因自由翰林出身。意存回護。惟念朱珪平日人品端正。劉權之節次陳奏之事。尚能切實敷陳。伊等所請嚴加議處之處。著加恩改為交都察院吏部議處。尋議降三級調用。得旨改為降三級留任。○又諭三法司具題四川省秋審情有可矜人犯一本。經朕詳覈案情。各犯內雷三貴。唐泰。唐通。謨。依議免死減等發落。周萬成。楊作元。毆死伊妻。固因其詈罵翁姑。但俱係故殺。

著免死減等發落。毋庸再減一等。至黃奇一犯。因王文魁。王文堂偷竊伊家豬隻。黃奇邀同鄰人袁公禮葉大成追尋。見王文魁等牽豬在前行走。黃奇喊拏。王文魁拔取身帶尖刀。黃奇恐其轉身拒捕。即拾石將王文魁毆傷。彼時王文堂轉身救護。亦經黃奇用石毆傷。同袁公禮等將王文魁王文堂拏獲捆縛。用樹條毆打。因王文魁益肆叫罵連毆致斃。王文堂傷經平復。該督將黃奇擬以可矜。三法司亦以罪人拔刀拒捕有據。照擬覈覆。此案黃奇被竊找尋。見賊賊俱在。當喊拏追趕時。如果王文魁拔取佩刀。轉身向戮有傷。則實有拒捕情事。自應入於可矜。免死發落。今閱其情節。黃奇因王文魁拔取身帶尖刀。恐其轉身格拒。即拾石毆傷。是王文魁並未轉身。無護賊抵拒情事。不得謂之拒捕。且賊犯既經就獲。並不送官究治。輒因私忿。兇毆致斃。正合罪人已就拘執而擅殺之例。即不擬

以絞抵。亦未便遽入可矜。黃奇著改入緩決。○又諭據策拔克奏稱偷竊馬匹為從。入於秋審情實。人犯推伯斯實係孤子。懇請留養伊母等語。蒙古律內雖無留養之條。今策拔克奏請照律將推伯斯留養伊母。即著照所請。將推伯斯絞罪寬免。照例准其留養。以示朕無分中外一體施恩之至意。○諭軍機大臣等。朕恭閱

世祖章皇帝實錄內載戶部侍郎林起龍條奏軍營綠旗兵制。據稱有制之師。兵雖少。一以當十。餉愈省。兵愈強。而國富。無制之師。兵雖多。萬不敵千。餉愈費。兵愈弱。而國貧。今天下綠旗營兵幾六十萬。而地方有事。即請滿洲大兵。是六十萬之多。仍不足當數萬之用。推原其故。總緣將官赴任。召募家丁。隨營開糧。軍牢伴當吹手。轎夫。皆充兵數。甚有地方鋪戶。命子姪充兵。以免差徭。其月餉則歸之本管。又馬兵關支草料多有剋扣短少。至驛遞

缺馬亦借營兵應付。是以馬皆骨立。鞭策不前。又器械如弓箭力槍盛甲火器等項俱鈍。敝朽壞。至於帳房窩鋪雨衣弓箭罩。從未見備。又春秋兩操之法。竟不舉行。將不知分合奇正之勢。兵不知坐作進退之法。徒空國帑而竭民膏。雖有百萬之衆。亦屬何益。然其大病有二。一則營兵原以戡亂。今乃責之捕盜。一則出餉養兵。原以備戰守之用。今則加以剋扣。兵丁所得僅能存活。又不按月支發。貧乏之兵。何以自支。今總計天下綠旗兵共五十萬。誠抽得二十萬精兵。養以四十萬兵餉。餉厚兵精。地方有警。戰守有人。不過十年。可使庫藏充溢等語。我

世祖章皇帝。即以所奏深切時弊。飭下所司詳議。朕親政以來。因各省營務廢弛。節經降旨。令各督撫等力加整飭。乃前據阿迪斯查奏。歷任古北口提督。竟有令兵丁充當轎夫。支食虛糧。又據倭什布奏。調赴湖北之山西兵

丁。因將領以兵丁服役。管束過嚴。致有懷恨。砍傷本管參將王棟之事。此皆由督撫提鎮等平日視訓練為具文。任聽兵丁等遊蕩自如。又今在署充當廝役工匠。併無暇入伍操練。遂爾積玩成疲。以致兵丁等不知紀律。為何事。與從前林起龍所奏各弊端。前後如出一轍。再著通諭各督撫等。務須將該管營伍。實心整頓。勤加操練。器械馬匹。隨時點查。皆令整齊足用。並嚴禁影占充役。及剋扣兵糧。

支放遲延等事。如有前項情弊。即行嚴參。辦理以期有勇知方。軍政嚴肅。儻仍不實力奉行。復蹈前轍。一經察出。必將該督撫等重治其罪。決不姑貸。至林起龍條奏內所言抽練精兵一節。是否可以仿照酌辦。並著各該督撫等。併妥議具奏。將此各諭令知之。○調廣西巡撫台布為陝西巡撫。以浙江布政使謝啟昆為廣西巡撫。福建按察使劉斌為浙江布政使。直隸清河道瞻柱為福建按察使。

○旌表守正被戕四川崇慶州民楊學妻徐氏○癸丑以

高宗純皇帝梓宮奉移

山陵前期三日遣官告祭

天

地

太廟

社稷○諭內閣本年正月朕親政之初即特頒諭旨廣開言路原欲內外臣工各抒所見指

章集本十一

中

陳利弊以收兼聽並觀之效不特事關國計民生彈劾官吏俱當直言無隱即朕用人行政有能規諫者如果數陳得當朕必虛心採納特加獎擢以風勵有位而半載有餘條陳政務摺奏尚不乏人從未有匡及朕躬者朕方時深虔惕不敢稍存滿假之念昨軍機大臣等將洪亮吉呈遞成親王書札進覽語涉不經全無倫次洪亮吉身係編修且曾在上書房行走若有條奏事件原可自具封章直

達朕前或交掌院及伊素識之大臣代奏亦無不可乃洪亮吉輒作私書呈遞成親王處並稱有分致朱珪劉權之二書因命一併呈閱書內所稱如先法

憲皇帝之嚴明後法

仁皇帝之寬仁等語洪亮吉以小臣妄測

高深意存軒輊狂謬已極又稱三四月以來視朝稍晏恐有俳優近習熒惑聖聽等語朕孜孜圖治每日召見臣工披閱章奏視朝時刻

章集本十一

中

之常規及官府整肅之實事在廷諸臣皆所共知不值因洪亮吉之語細為剖白若洪亮吉以此等語言手疏陳奏即荒誕有甚於此者朕必不加之罪責更當加以自省引為良規今以無稽之言向各處投札是誠何心設成親王等不將各札進呈轉似實有其事代為隱諱矣且俳優近習究係何人必有所指先命軍機大臣向伊訊問則毫無指據此外所供各款亦多出自臆度爰允軍機大臣等

所請將洪亮吉革職。交軍機大臣會同刑部審訊。而洪亮吉惟自認一時糊塗。信筆混寫。是何言耶。又書內所稱。詔事和坤諸人。如孫士毅。寶光。龔李綬等。早經物故。吳省欽。則業經罷斥。蔣賜。蔡韓鐸。雖尚列朝籍。已不復嚮用。此外若吳省。蘭胡長齡。汪滋。琬等。與和坤交涉之處。皆朕所素知。春閒將和坤定讞時。已明降諭旨。凡依附和坤者。概不必株連。豈有因洪亮吉一言。復行追究之理。又如楊天相一案。朕早有所聞。特交費淳等確查。並無冤枉的據。若果有屈抑。則案內參革治罪之陳大用。及現在監禁之林朝相。沈春發等。豈無一言申訴。何待洪亮吉為之嘵嘵不平乎。又如秦承恩。關閑城門。不納難民等事。屢經審訊。並詢之陝省文武諸臣。實無其事。是以加恩釋放。給還抄產。惠齡則因其曾經屢獲逆首。降補侍郎。皆有明旨宣示。此等貽誤地方之員。亦必罪至於死。方可加之重典。即如

重刊

重刊

顯肆謗訕之洪亮吉。尚不肯遽抵於法。况封疆大臣。焉有罪狀未明。輒寘之重辟乎。此外羅列貪黷諸人。及向軍機章京。章煦。求認師生等事。據供皆得自傳聞。漫無確據。更無庸一一根究矣。至洪亮吉肆意妄言。有心誹謗。經軍機大臣會同刑部。照大不敬律擬以斬決。實屬罪由自取。但朕方冀聞讜論。豈轉以言語罪人。亦斷不肯為誅戮言臣。自蔽耳目之庸主。今因伊言。惟自省於心。有則改之。無則加勉而已。洪亮吉平日耽酒狂縱。放蕩禮法之外。儒風士品。埽地無餘。其訕上無禮。雖非諫諍之臣可比。亦豈肯科以死罪。俾伊竊取直名。致無識者流。妄謂朕誅戮言事之人乎。惟近日風氣。往往好為議論。造作無根之談。或見諸詩文。自負通品。此則人心士習所關。不可不示以懲戒。豈可以本朝極盛之時。而輒蹈明末聲氣陋習哉。洪亮吉著從寬免死。發往伊犁。交與將軍保寧嚴行管束。至原

重刊

重刊

書三件。除成親王呈進者。留以備覽。雖所陳係毫無影響之事。朕必不因此含怒。以干太和之氣。而阻敢言之風。且可隨時披閱。藉以為始勤終怠之儆。其呈遞朱珪劉權之二書。仍著發還。聽其或留或燬可也。所有辦理此案始末。特行通諭中外臣工知之。○緩徵河南睢州水災新舊漕糧額賦。○甲寅。

上詣太和門恭閱

孝賢純皇后

實錄卷五十一

甲寅

孝儀純皇后冊寶。行禮畢。遣官恭送

陵寢。○以

高宗純皇帝梓宮九月初二日發引。先期詣觀

德殿

几筵前行月祭禮。○諭內閣。大學士會同戶部議覆蔣兆奎奏請於州縣浮收漕米內。劃出一斗津貼旗丁一摺。州縣徵收漕米。不許顆粒加增。例禁甚明。近因各省多有浮加之弊。節經降旨嚴查整飭。猶恐地方官陽奉陰違。

今蔣兆奎以旗丁用度不資。輒請明立章程。每石加增一斗。以資津貼。是使不肖官吏。益得有所藉口。且名為加收一斗。其所徵必不止於此數。恐浮收積弊。仍不能除。而此新增一斗之糧。著為定額。與加賦何異。其事斷不可行。惟邇年旗丁疲乏。該漕督所奏。亦係實在情形。其各幫一切費用。應支口糧。幫貼銀米。或有不敷。亦當設法調劑。量為津貼。著有漕各督撫。確查妥議。各將如何酌辦情形。據實具奏。務令丁力不致拮据。而正供不致加增。方為妥善。○又諭。向來各省民人。赴都察院。步軍統領衙門。呈控案件。該衙門有具摺奏聞者。有咨回各該省督撫審辦者。亦有徑行駁斥者。辦理之法有三。似此則伊等准駁。竟可意為高下。現當廣開言路。明目達聰。原俾下情無不上達。若將具控之案。擅自駁斥。設遇有控告。該省督撫貪黷不職。及關涉權要等事。或瞻顧情面。壓擱不辦。恐啟賄囑消

弭之漸所關非小嗣後都察院步軍統領衙門遇有各省呈控之案俱不准駁斥其案情較重者自應即行具奏即有應咨回本省審辦之案亦應於一月或兩月視控案之多寡彙奏一次並將各案情節於摺內分晰註明候朕披閱儻有案情較重不即具奏僅咨回本省辦理者經朕看出必將各堂官交部嚴加議處著為令○是月直隸總督胡季堂奏報薊州一路蝻孽復生並不傷稼委員沈錦往遵化州屬南營村收捕有民婦張章氏跪地聲稱蟲不食禾是以中止詢問屬實得旨民婦不令撲捕者恐胥役滋事甚於蝗蝻蝗蝻僅食禾稼胥役累及身家矣總宜查明撫卹為正辦

大清仁宗受天興運敷化綏猷崇文經武孝恭勤儉端敏英哲睿皇帝實錄卷之五十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之五十一

聖祖皇帝遺訓：凡有子孫，務要勤儉，不可奢侈。又曰：凡有子孫，務要孝順，不可不敬。又曰：凡有子孫，務要忠誠，不可不盡。又曰：凡有子孫，務要勇敢，不可不戰。又曰：凡有子孫，務要謙虛，不可不遜。又曰：凡有子孫，務要寬厚，不可不仁。又曰：凡有子孫，務要剛毅，不可不強。又曰：凡有子孫，務要溫和，不可不柔。又曰：凡有子孫，務要莊重，不可不嚴。又曰：凡有子孫，務要端方，不可不正。又曰：凡有子孫，務要誠實，不可不實。又曰：凡有子孫，務要勇敢，不可不戰。又曰：凡有子孫，務要謙虛，不可不遜。又曰：凡有子孫，務要寬厚，不可不仁。又曰：凡有子孫，務要剛毅，不可不強。又曰：凡有子孫，務要溫和，不可不柔。又曰：凡有子孫，務要莊重，不可不嚴。又曰：凡有子孫，務要端方，不可不正。又曰：凡有子孫，務要誠實，不可不實。

秋

嘉慶四年己未九月丙辰朔

上以翼日

高宗純皇帝梓宮發引先期詣

觀德殿行祖奠禮攀戀哀號嚮夕再詣

几筵前奠獻備極哀慟祭畢居永思殿倚廬○

予湖北陣亡遊擊閃煜龍朱承茂祭葬加等

世職如例貴州陣亡副將孫大猷佐領鳳德

守備陳凡丁洪防禦長祥保遜扎齊觀興保

驍騎校長柱珠爾杭阿倭興額祭葬世職前

鋒愛隆阿等二十七名賞卹如例○補予貴

州湖南勒苗陣亡守備官啟文王太和千總劉永清把總康恒彰祭葬加二等遊擊六達色都司程文韜葉攀鳳守備祁麟馬匡周鼎世榮千總馬有功王隆羅士榮王治把總杜宗雄嚴有勝張友信武舉鄧元輔樊啟闡外委王元高萬欽黃正泰申屯千總生根屯外委斯達爾結郎木爾結江木參祭葬加等馬兵祁浩等六名祭葬如外委例兵丁李再春等一百十八名加倍賞卹○旌表守正被戕

山東費縣民王朱泥妻張氏○丁巳

高宗純皇帝梓宮發引

上詣

几筵前奠獻卯刻奉移

梓宮出觀德殿至景山東門外升大昇輦啟行

上步從哭不停聲至東安門外跪送後豫詣

蘆殿敬視陳設祇候

梓宮至哭泣跪迎於黃布城北門外奉安訖行

夕奠禮自是每日黎明

上詣

蘆殿行朝奠禮跪送

梓宮啟行出黃布城南門

上步從一里有餘始由閒道至前途

蘆殿跪迎

梓宮奉安訖行夕奠禮如前儀○是日駐蹕八

里橋御營○戊午諭軍機大臣等費淳奏洪

澤湖陡起風暴掣坍工段三百五十四丈現

已趕緊搶護自應如此辦理該督等須加意

慎重毋得草率惟所稱湖水來源未截必須

廣籌分洩從前曾將桃源縣境高家灣迤下

之吳城地方洪湖與黃河一隄相隔處所開

通宣洩入黃此次倣照辦理固為分洩水勢

起見但上游多籌洩水之區下游即多被淹

之處一夫失所皆朕之過此時水勢漸消如

可毋庸開通固屬甚善儻必資分洩該督等

須將下游各處一律熟籌經理妥協將此諭

令知之○革性耽安逸用度奢侈之江南狼

山鎮總兵官寧泰職調江西南昌鎮總兵官

劉鑑為狼山鎮總兵官以廣東廣州協副將

劉榮慶為南昌鎮總兵官○緩徵江蘇蕭陽

山阜寧銅山邳豐沛睢寧宿遷海沭陽桃源

山陽清河鹽城安東海門通東臺興化二十

州縣淮安大河徐州三衛水災新舊額賦及

蠲賑有差並截留徐州府屬蕭陽山等七州

縣本年漕糧備賑○是日駐蹕王新莊御營

○己未以恭懸

裕陵明樓

隆恩殿

隆恩門

御書扁額先期遣官告祭

高宗純皇帝几筵○遣官祭

都城隍之神○諭內閣據保寧奏稱伊犁駐

防滿洲錫伯綠營兵丁孀婦內守節已屆年

限者請照內地一體旌表等語所奏甚是中

外之人皆朕世僕理宜一體加恩著即照所

請行。但伊犂駐防之索倫察哈爾額魯特回子部落人等俱係游牧度日。其孀婦守節年限恐難稽查。著仍從其舊。此內果有守節不渝如索倫孀婦伯克木庫者。亦應旌表。以示朕加恩外藩一視同仁至意。○是日駐蹕白澗行宮。○庚申以恭上

孝賢純皇后

孝儀純皇后尊謚先期遣官告祭

天

地

太廟

社稷

高宗純皇帝几筵。○諭內閣本年春閒因奉移梓宮時經過地方均應先期修墊道路業經降旨將大興通州三河薊州遵化五州縣本年應徵錢糧普行蠲免嗣又因直隸省自山海關至磁州有辦理過兵事務復降旨加恩蠲免錢糧十分之三內大興通州等五州縣即

係官兵經過之處亦已疊沾恩澤今朕恭送梓宮奉詣

山陵沿途地方親見黃童白叟跪列道旁瞻望靈輿同深哀慕仰見

皇考六十餘年厚澤深仁淪肌浹髓凡有血氣莫不尊親且

大輦經過處所橋梁道路及朕經行御路均能修墊一律堅固平整民情亦極安靜又各該州縣本年曾有飛蝗前詢據胡季堂奏稱蝗

蟲黃色者則能害稼黑色者並不為害此次朕特令扈從侍衛等向道旁拾取親加觀看雖黑色者較多而黃色者甚少但既有飛蝗莊稼豈能全無傷損恐胡季堂所奏究係地方官粉飾之言未可憑信除被蝗地方受傷輕重情形俟該督查明具奏候朕另行加恩外其大興通州三河薊州遵化五州縣著加恩再蠲免來年應徵錢糧十分之三以示錫惠推恩旁敷闡澤至意。○賞恭請

大舉民夫銀○是日駐蹕呂家莊御營○辛酉	命成親王永理恭代行朝奠禮	上御素服冠綴纓緯先詣	東陵恭謁	昭西陵	孝陵	孝東陵	景陵行禮畢至	裕陵更衣幄次御禮服詣	隆恩殿	孝賢純皇后	孝儀純皇后神位前行禮恭奉	冊寶上	孝賢純皇后尊謚冊文曰	德協坤儀仰	慈型之配極化均曦曜追	粹範之齊	宸正位以統六宮聿宣內教垂庥而傳萬嗣載
--------------------	--------------	------------	------	-----	----	-----	--------	------------	-----	-------	--------------	-----	------------	-------	------------	------	--------------------

清 實 錄 嘉慶四年九月上

緬	前徽爰紀彝章用崇顯號欽惟	皇妣孝賢皇后	厚應含章	慶符履福嗣音奉	聖襄孝養於	宮庭佐治承	天贊勤勞於	宵旰持躬篤摯秉性端莊式彰敦厚之風用播	穆宣之政推	恩輯睦仁聲悉播於椒塗逮下慈和	惠澤周敷於蘭掖溯年丁未重華慶儷	日之祥越歲戊辰德水愴春風之變稱賢憶孝	大名實本於	輓章幻喜成悲篤念久彰於	詞句	母儀共仰未伸逮事之忱	天則同符宜上追尊之典第祿方鍾於未父尊
---	--------------	--------	------	---------	-------	-------	-------	--------------------	-------	----------------	-----------------	--------------------	-------	-------------	----	------------	--------------------

六四七

親並戴於無疆鐫華玉以揚芬鏤赤文而煥彩謹奉冊寶恭上尊謚曰

孝賢誠正敦穆仁惠輔天昌聖純皇后於戲昭

垂

默鑒蕃釐之佑啟方長懋著

崇稱懿德之留貽宛在愧顯揚之莫報祈

靈爽之來歆謹言又恭奉

冊寶上

孝儀純皇后尊謚冊文曰

光昭玉策抒積慕以臚誠瞻仰瓊霄緬

深慈而渙號溯

崇徽於椒殿莫罄名言垂

懿則於琅函倍嚴對越欽惟

皇妣孝儀皇后

型齊滿汭

聖儼慶都佐

上理於內宮布中和為陰教慶鍾

大德福逮藐躬極顧復之

深思劬勞莫報備尊崇於

厚載攀懿美從廿五年追憶

春暉夙夜恒垂涕淚億萬世常承

坤吉子孫永戴徽音曩以位正前星禮成元日

推純禧於在

母隆施祉於自

天已奉

鴻稱今稽

祔典欲稍申夫孺慕惟更益夫

大名念溫清之莫修心傷曲禮擬形容而鮮當

謚考周書紀衆善而靡窮詢羣言而僉協謹

奉冊寶恭上尊謚曰

孝儀恭順康裕慈仁翼天毓聖純皇后於戲肇

電樞星渚之符孝養之深衷莫及昭刻玉鏤

金之盛閭崇之寶典恒垂茲尊禮重於因山

加嫩情深於陟屺敢祈

昭格用俶繁昌謹言禮成

上還詣

蘆殿跪迎

梓宮奉安訖行夕奠禮○命儀親王永璇克勤

郡王尚格質郡王綿慶貝勒綿律貝子永澤

公崇吉輔國將軍綿總載錫領侍衛內大臣

公阿克棟阿大學士王杰尚書德明彭元瑞

署尚書盛住左都御史劉權之侍郎多永武

散秩大臣綿勲奕紹張承勲豐紳殷德黃嘉

謨乾清門行走輔國將軍綿德乾清門侍衛

景星護軍統領綿志扎郎阿於奉安禮成後

恭奉

高宗純皇帝神牌黃輿回京○是日駐蹕岳各

莊御營○壬戌

上詣

蘆殿行朝奠禮跪送

梓宮啟行步從里餘由閒道先至

裕陵前跪迎

梓宮號慟失聲恭奉

梓宮至大紅門代行謁

昭西陵

孝陵

孝東陵

景陵禮步隨至

隆恩門外

梓宮自大昇輦升小輦

上跪候換舁奉安

梓宮於

享殿奠酒行禮號慟不止羣臣叩請節哀至於

再四

上乃盡哀而退○以

高宗純皇帝梓宮至陵遣官告祭

昭西陵

孝陵

孝東陵

景陵

孝賢純皇后

孝儀純皇后陵寢並

裕陵

后去

昌瑞山之神○

孝淑皇后殯宮月祭遣官行禮○晉太子少保

工部尚書彭元瑞太子太保加禮部尚書德

明太子少保○以都察院左都御史阿迪斯

為成都將軍吏部右侍郎達椿為左都御史

調盛京刑部侍郎鐵保為吏部右侍郎盛京

兵部侍郎瑚圖禮為盛京刑部侍郎兼管奉

天府府尹事以內閣學士成書為盛京兵部

侍郎○以莊親王綿謀為正紅旗蒙古都統

調正紅旗漢軍副都統德瑛為正白旗滿洲

副都統墨爾根副都統富色鏗額為正藍旗

漢軍副都統以察哈爾總管額勒琿為墨爾

根副都統○賞加總理喪儀王大臣承辦

裕陵欽工暨管理

裕陵王大臣官員禮部工部內務府堂司各官

二級恭送

梓宮暨隨扈之王大臣官員蒙古王公額駙台

吉直隸辦差大小員弁一級並賞沿途辦差

兵丁一月錢糧○是日駐蹕栗子樹御營至

己巳皆如之○癸亥

上詣

裕陵未至碑亭即降輿慟哭步至

隆恩殿

梓宮前行饗奠禮哀慟深切至燎所奠酒○以

吏部右侍郎鐵保兼正紅旗漢軍副都統○

甲子

上詣

裕陵

隆恩殿

梓宮前行朝奠禮未至碑亭即降輿舉哀至戊

辰皆如之○諭軍機大臣等張漢潮大股賊

匪經明亮等分路逼勦即折向茅坪一帶逃

竄是賊勢已蹙明亮趕抵江河而張漢潮已

由焦溪河西竄若永保慶成能在彼堵住自

可就獲。乃總未夾擊一次。現據明亮奏稱永保慶成駐紮地方未得扼要。言外之意。自以伊二人竟在無賊處所躲避。且稱慶成已至四畝地。追勦永保於八月駐紮大山岔。至今未動。豈非有心貽誤。故縱張逆。昨據松筠查奏。永保七月間移營。每日不過二三十里不等。已屬玩誤。而自駐紮大山岔後。又株守二十餘日。實出情理之外。著交那彥成會同松筠確查嚴訊。即按軍律定擬。慶成坐失機宜。罪無可逭。惟從前勦賊曾受重傷。亦著那彥成松筠切實嚴訊。並查四畝地追賊之事。是否確實。一併具奏。至明亮奏稱居心行事。以阿桂為則。試問明亮若能效阿桂之清。何至到處勒索。若能效阿桂之勇。何至乘輜避賊。此等詭辯。何所用之。今那彥成係阿桂之孫。明亮若心存輕視。則非和衷共事之道。但又不可將軍情重務。諉之那彥成一人。自圖卸責。須幫同勦辦。速將張漢潮拏獲。若再不知

奮勉。則永保即前車之鑒也。將此傳諭知之。○丙寅。諭內閣。禮部奏。朝鮮國王李祘因恭上。高宗純皇帝尊諡。遣使呈進表文。方物。具見該國王恭順惓忱。所進方物。停其收受。著存留。准作年貢。以示體恤。○諭軍機大臣等。松筠奏。明亮素稱知兵。此次勦辦張逆。所言似合機宜。其實固有成效。恒瑞前在湖北。頗知奮勉。又將藍白二號賊匪。兜勦肅清。甘境近日稍不如前。因年力漸衰之故。所奏俱是。至其稱額勒登保勇而且廉。德楞泰打仗奮勇。評論得當。不虛延訪。惟所奏尚書那彥成來陝督辦。已經札商酌定。適中之地。駐劄。並令各路彙報軍情一節。非朕本意。朕所以特派那彥成前往者。原令督同明亮勦辦張漢潮一股賊匪。那彥成到彼。應相機辦理。若張漢潮果竄入棧道。並當與明亮入川追勦。受額勒登保節制。是那彥成當以勦賊為重。安有在

適中地方駐劄彙報各路情形之理又據奏軍營借支一項由於畢沅不為經遠之計務從豐厚習久成式所奏自屬實情其畢沅從前浮濫之處將來自另行覈辦也將此傳諭知之○怡親王永琅薨遣貝子奕純回京帶領侍衛十員奠茶酒○丁卯以大葬

裕陵前期遣官告祭

天

地

太廟

社稷○戊辰諭內閣從前和坤攬權朦蔽散法營私種種蠹國病民貽誤軍務之罪不可枚舉而尤貪婪黷貨惟賄是求凡任鹽政關差織造者無不逢迎意旨餽賂公行就中兩淮為尤甚而兩淮各任鹽政中又惟徵瑞為尤甚春間查辦和坤一案曾經綿恩查奏徵瑞有餽送和坤銀二十萬兩未經收受之事徵瑞瑞應交官項甚多乃日久延宕有意拖欠轉

將銀二十萬兩致送和坤及和坤未收又不將此銀繳還官項乃為伊子捐納官職開設鋪面是其視應完之公帑若在可緩而惟以納賄權門為急務現在徵瑞前來行在經朕面詢據稱此項銀二十萬兩因為和坤妻故致送彼時和坤意存見少欲令伊增至四十萬是以未收而從前實曾送過和坤銀二十萬當經收受此外和坤交辦緞匹物件等項並奇巧之物不可勝計等語此事並非向伊

完詰伊即自行奏出試問天下為屬員者餽送上司有銀兩至數十萬者乎其意不過欲以此結交取悅冀圖和坤常為庇護可久留兩淮鹽政之任不復更換藉以便其私圖自肥囊橐若律以與受同科早應查抄正法且徵瑞在鹽政任內有令伊家人高柏林修葺廟宇之事現據玉德等查奏徵瑞自捐銀五千兩倡修又面託知府胡觀瀾代為照料興修而胡觀瀾以工程浩大飭令該縣飭發印

簿派捐鄉鎮等事。徵瑞身任鹽政，乃聽伊家人慫恿，自捐銀兩，倡修寺廟。即因養廉豐厚，積有贏餘，亦應先繳官項，何乃為此求福無益之事？並又向胡觀瀾囑託代辦，以致府縣藉端勸募，不但累及殷實鋪戶，並至編戶小民，其力不能捐輸者，亦抑令出錢施助。多方擾累，怨讟繁興。是又徵瑞之罪，無可解免者。特因和坤一案，早經辨結，概免株連。伊修廟一事，亦訊無染指分肥情事，姑免深究。但徵

書奏本主

主

瑞現在前來陛見，若竟仍叨恩遇，不加譴責，則無識之人，妄疑徵瑞別有進奉消弭之事，得邀寬宥。現當整飭綱紀之時，豈得置之不議？俾此等卑污下賤之人，仍忝列卿班耶？徵瑞著革職，交署總管內務府大臣盛倌，即日派員押赴萬年吉地欽工，令其自念所得罪譴，應如何出資自贖之處，自行陳明。即著盛倌、范建豐、明德、據實具奏。其應交銀兩，並著盛倌等三人於交到時，隨時登記冊檔。於工

清 實 錄 嘉慶四年九月上

程內支用，報部覈銷。俾承辦工程各員，不致因徵瑞現有交項，從中訛索。但徵瑞亦不得因此為名，又私自遣人前赴揚州，向商眾懇其幫助。儻徵瑞竟敢藉端累及商人，朕必無不知之理。一經發覺，必將徵瑞正法，決不姑寬。所有兩淮鹽政著書魯去，其上駟院卿員缺，蘇楞額現已更換來京，即著蘇楞額補授。○諭軍機大臣等，據理藩院奏青海扎薩克親王納罕達爾濟等呈稱該處番子肆意搶

書奏本主

主

掠，將蒙古所立廟宇盡行折毀，並掠去恩賞什物，殺傷二千餘人。從前番賊滋事，奎舒遞到之摺，曾經和坤壓擱，擅將原摺發回。今則並無壓報之事，奎舒於此等案件，自應據實具奏，乃竟匿不上聞，以致番賊日強。蒙古日弱，似此關冗無能，豈勝辦事大臣之任？現已令台費蔭前往更換矣。但台費蔭到彼尚需時日，著傳諭松筠轉飭廣厚酌帶甘省兵丁馳赴西寧，先行傳旨，將奎舒革職，拏問交松

六五三

筠嚴訊定擬具奏。廣厚即暫署西寧辦事大臣。印務至扎薩克納罕達爾濟等所呈番賊搶掠等事。雖虛實未定。近據蔡廷衡奏青海賊番於七月中搶去蒙古牲畜等物。並鎗斃章京巴特瑪五人。帶傷九人。又貝勒濟克默特伊什。途遇番賊。將伊牲畜搶去二案。則確切有據。不可不嚴行懲辦。廣厚帶兵到彼。後須嚴切曉諭。如該番等心知畏懼。將兇犯及馬匹什物遵諭獻出。審明後。即於彼處正法。集示尚可。就案完結。儻抗不遵。依則此等頑梗番人。豈可再事姑容。長其驕志。勢不能不畧示兵威。使知震懾。廣厚應據實速奏。候旨定奪。將此諭令知之。○轉理藩院右侍郎普福。為左侍郎。以塔爾巴哈台叅贊大臣貢楚克扎布。為右侍郎。○調鑲紅旗蒙古副都統普福。為鑲黃旗滿洲副都統。以內閣學士阿隆阿。兼鑲紅旗蒙古副都統。○賞塔爾巴哈台領隊大臣台費蔭三等侍衛。為西寧辦事

大臣。已革刑部侍郎特克慎。藍翎侍衛。為塔爾巴哈台領隊大臣。○己巳。上詣裕陵。未至碑亭。即降輿。慟哭。步至隆恩殿。梓宮前行。還奠禮畢。至燎所奠酒。御更衣。幄次候。梓宮升小輦。上奠酒三爵。恭奉梓宮至寶城前。蘆殿升龍輜車。奠酒行禮。○諭內閣。昨據玉德岳起奏。會審宜興甄輔廷等分別治罪一摺。交軍機大臣會同。行在刑部。覈議具奏。茲據軍機大臣等。照玉德等所擬。將宜興問擬杖徒。交宗人府。照例辦理。已革知縣甄輔廷。同知李焜。發軍臺効力贖罪。學政平恕。及隨同李焜審

案之知縣舒懷梁蘭生俱交部嚴加議處。此案該撫等原擬及軍機大臣等會同覈議之處。固俱屬照例辦理。但朕詳閱案情。宜興身任巡撫。不能約束家人私受門包。固有應得之咎。但此等陋規相沿已久。亦不獨江蘇一省為然。宜興因見伊管門家人常兒衣帽新鮮。究出私受門包實情。即將常兒責處。並將經手之號房徐亮宗等交中軍懲責。即將門包一項通飭禁革。是宜興雖失察於前。尚能

自行查辦。若以此科宜興之罪。則他人之不能覺察。及知而不辦。甚或通同染指者。又將如何辦理。至前此原奏宜興妄自尊大。南面稱爺。及沈湎於酒。各款。現據王德等審無其事。其辦理諸生喧鬧一案。宜興於甄輔廷並未詳革。擅責生員之事。業據奏馬照等在馬頭喧鬧。並將手本亂擲。以身列膠庠之人。似此糾約。損幫藐視官長。宜興身任巡撫。目擊該生等喧嚷無禮情形。若不加以致治。易

長特符滋事之風。何以整飭士習。宜興因蘇州府任兆炯先經公出。即將此案委令李焜審辦。亦無不合。從前原奏以李焜向宜興稟稱。臬司係屬新任。自請交伊審辦之語。未免張大其詞。其因街道狹窄。乘轎難行。令商民等拆收欄櫃一節。祇係不諳事體。咎有應得。覈其情節。尚非不可寬恕之罪。宜興著免其杖徒。賞給二等侍衛。前往巴里坤作為領隊大臣。此係朕準情定讞。並非因宜興身係宗

室。援議親之典。曲為寬貸。特以宜興罪止於此。即準以常人。亦無可加。自不能因宜興係屬宗室。而於例外加重。若宜興所犯情節果重。朕亦豈肯因伊係宗室而稍從寬恕乎。平恕於甄輔廷。擅責生員之時。本在外郡考試。及馬照等在馬頭喧鬧。經巡撫委員查辦。詳請斥革生員。若不照詳批革。則是平恕庇護劣生。心存偏袒矣。是其過止於平日不能教導。而於詳革時人數較多。未經查察。以致傳

提訊問波及無辜然地方官具詳請革生員
設使學政駁斥不准則地方遇有與學政交
涉事件必致有袒護劣生掣肘地方之事且
此等革生如審係無干原可予以開復是平
恕之罪亦不至於罷斥平恕著來京以翰林
院讀講學士降補已革同知李焜審辦此案
現據王德等查明該撫因蘇州府任兆炯先
已公出是以委令李焜審訊並非李焜自行
請辦其擣耳跪鍊係訊問鬥並非向生員
加刑其所掌責之生員係在已經詳革之後
非若甄輔廷之未革先責即擣耳跪鍊亦不
得謂之非刑且此案為首之人究係李焜究
出尚為能事惟任性妄擊多人看管馬房無
辜諸生俱被拖累以致眾怨沸騰其粗暴孟
浪實難辭咎李焜著免其發往軍臺交該督
費淳以該省知縣降補已革知縣甄輔廷以
錢債細故違例擅責生員吳三新如果得受
楊敦厚賄賂自應按律科罪今訊無受賄情

事其擅責未革生員一節業經革職已足蔽
辜所有原擬發往軍臺之處亦著寬免其知
縣舒懷梁蘭生祇係隨同李焜審辦李焜係
屬同知且伊係遵奉巡撫指示專審此案亦
豈知縣所能阻止俱著免其議處餘俱著照
議完結並將朕詳覈此案情罪輕重分別辦
理緣由通諭中外知悉至門包一項例有嚴
禁今江蘇省仍相沿收受雖據奏稱官非一
任事歷多年不能究其起於何時但此等陋
規最為結交夤緣之漸若不嚴行禁革何以
整飭官方江蘇一省如此恐各省亦大概皆
然並著再通諭各督撫嗣後此項門包務須
實心查察一律革除儻有陽奉陰違仍蹈前
轍者一經訪聞或被科道叅奏必將該督撫
等重治其罪將此一併通諭知之○調巴里
坤領隊大臣奇臣為庫車辦事大臣○庚午
上詣
裕陵未至碑亭即降輿舉哀步至

蘆殿跪拊

梓宮呼號哀泣辰刻恭奉

龍輜車引紼入

寶城永遠奉安於

寶牀

上慟哭攀戀叩額躄踊逾時始出復於

地宮外奠酒行禮瞻依痛切退至幄次涕泣不

已禮臣奏題

主屆時

實錄卷五十一

十一

上更衣服詣

隆恩殿向上立大學士慶桂董誥恭題

神主奉安

寶座

上就位行虞祭禮鑒儀衛官設

黃輿於丹陛

上詣

寶座前行禮恭捧

神牌奉安

黃輿內步隨至碑亭南跪送

黃輿啟行

上瞻戀

裕陵不忍遽離王大臣環跪固請

上始乘輿由閒道至桃花寺詣宿次

黃幄恭候

神牌黃輿至奉安行禮自是每日黎明

上詣

黃幄行禮跪送

實錄卷五十一

十一

黃輿啟行由閒道至宿次復詣

黃幄行禮至還宮皆如之○以大葬禮成遣官

告祭

昭西陵

孝陵

孝東陵

景陵并

裕陵

后土

昌瑞山之神○諭內閣本日永遠

奉安大禮告成自本月初二日恭送

皇考梓宮奉移

裕陵至今為期半月連值風日清明氣候暄霽

仰見我

皇考在天靈佑丕應昭著今敬舉

大典隆儀在事諸臣効職皆能妥慎周詳朕於

哀痛迫切之餘更深感慰所有本日敬謹襄

事之王公大臣官員自應推廣

聖慈一體施恩

用光鉅典

儀親王永璣成親王

永璉俱著於邸第額官外各加頭等護衛二

員二等三等護衛各二員慶郡王永璘亦著

於邸第額官外加二等三等護衛各二員俱

准使用終其身俟迴鑾後帶領引見蘭拔睿

親王淳穎公景燾尚書德明署尚書公盛任

侍郎公豐紳濟倫明安均各再加一級工部

郎中吉綸員承寧工部員外郎福興徵保永

祚榮德遇有應升缺出先行升補大學士慶

桂董誥敬舉恭點

神主禮謹肅潔淨俱著晉太子太傅銜以昭錫

類推恩至意○命回部郡王哈迪爾仍在御

前行走睿親王淳穎子寶恩喀爾喀親王拉

旺多爾濟姪達什丕勒喀喇沁公丹巴多爾

濟子勒福在乾清門行走○命五城於冬春

二季設廠煮賑○是日駐蹕桃花寺行宮

大清仁宗受天興運敷化綏猷崇文經武孝恭

勤儉端敏英哲睿皇帝實錄卷之五十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十二

聖訓 嘉慶四年九月辛未 嘉慶四年九月辛未 嘉慶四年九月辛未

嘉慶四年九月辛未 嘉慶四年九月辛未 嘉慶四年九月辛未

嘉慶四年九月辛未 嘉慶四年九月辛未 嘉慶四年九月辛未

嘉慶四年九月辛未 嘉慶四年九月辛未 嘉慶四年九月辛未

嘉慶四年九月辛未 嘉慶四年九月辛未 嘉慶四年九月辛未

嘉慶四年九月辛未 嘉慶四年九月辛未 嘉慶四年九月辛未

嘉慶四年己未九月辛未

上以

高宗純皇帝

孝賢純皇后

孝儀純皇后神主升祔

太廟先期遣官告祭

天

地

太廟

社稷○加賞兼管太常寺事護軍統領扎郎阿

少卿明志滿漢司員各一級以前此施恩未
及太常寺也○以

高宗純皇帝

孝賢純皇后

孝儀純皇后升祔

太廟自是日始齋戒三日○迴鑾駐蹕白澗行

宮○壬申遣官祭

歷代帝王廟○諭內閣本月十九日恭奉

高宗純皇帝升祔

奉先殿前殿禮成後著儀親王永璣恭請

高宗純皇帝神牌成親王永璣恭請

孝賢純皇后神牌慶郡王永璣恭請

孝儀純皇后神牌奉安

奉先殿後殿東室○又諭向來朕出入西華門

時隨從之御前大臣御前額駙應在紫禁城

內騎馬者皆於西牌樓門階下上馬下馬若

出入東華門則上馬下馬俱在門外體制未

為畫一嗣後朕出入東華門應騎馬隨侍者

若經由文華門前則著在東牌樓門階下上馬下馬若經由三座門夾道行走俱著在夾道門外井邊上馬下馬○諭軍機大臣等前因李淑等股竄入二竹急需勦辦諭令額勒登保赴湖北會同倭什布協勦今李淑徐添德竄回川境而王登廷與鮮大川苟文明再添元合夥肆擾又有張世隴阮正澄二股竄至廣元以現在而論川省尤重今額勒登保酌量緩急即在川省督兵攔截深合機宜現已授額勒登保為經畧各路皆其統領惟伊於漢文不甚諳曉此後當將伊一路勦賊情形隨時速奏其餘各路可無需代為奏報當以勒保為鑒不可如彼之安坐軍營惟知彙報塞責也將此傳諭知之○是日駐蹕烟郊行宮○癸酉

上詣

黃幄行禮恭送

黃輿啟行後由閒道回京命儀親王永璇恭代

行夕奠禮○諭內閣慶溥溫承惠自春夏以來在平利一帶節次堵禦賊匪俱屬出力茲據松筠奏由湖北竹山竄至平利之熊姓一股賊匪復經慶溥溫承惠督率兵勇殲斃賊匪六百餘名所辦殊為奮勉可嘉慶溥著加恩賞還花翎並交部議敘溫承惠著交部議敘伊現經服闋即著以按察使銜補授陝西延榆綏道○諭軍機大臣等那彥成奏稱如有失誤軍機情真罪當者大員嚴叅治罪將弁以下一面奏聞一面以軍法從事等語軍營疲玩積習自當力為整頓以期壁壘一新若兵丁等有干紀律原應即時懲辦至將弁以下必當按罪詳覈方可置之重典即如永保延玩避賊已屬確鑿何難即辦而朕猶必交那彥成等審擬又如已革將軍富成遊擊尤漢手俱因勦賊不力拏問審明後因有一線可原未予重辟此朕於整飭軍紀之中仍寓明慎欽恤之意那彥成當仰體朕懷慎重

辦理且本朝經畧大臣亦從無先斬後奏之事况欽差乎蓋人命至重萬一罪狀未確所關匪細此正朕愛惜那彥成處那彥成當倍加詳慎如查有實係失誤軍機者即微末員弁俱按律定擬候旨遵行豈得自行專擅耶將此傳諭知之○甲戌儀親王永璚詣

黃幄恭代行朝奠禮卯刻

上御朝服詣端門外恭俟

神牌黃輿至

上跪迎至甕城門外

上詣

黃輿前行禮親捧

神牌入

太廟代行謁

列祖

列后禮過恭捧

高宗純皇帝神牌奉安

聖祖仁皇帝之次

孝賢純皇后神牌

孝儀純皇后神牌以次奉安行升祔禮如時享

儀禮畢

上更禮服詣

奉先殿奉安

高宗純皇帝

孝賢純皇后

孝儀純皇后神牌於

前殿行禮如朔望大祭儀○以

裕陵

享殿奉安

神牌遣崇郡王綿億恭代行禮○以升祔

太廟禮成頒詔天下詔曰朕惟詩頌思成受命

篤溥將之慶易稱殷薦繫艾稽萃渙之占世

德作求虔奉上儀而登祔思皇多祐允敷大

澤以頒綸載考徽章丕昭懿業欽惟

皇考高宗純皇帝

乾符廣運

鼎祚熾昌乎

帝載以欽崇篤

皇穹之眷佑繼述炳馨香之治敷賁訐謨經綸

兼創守之勲宣昭茂緒日孜月屹繹政典以

求寧堂徽廉纖勛官常而贊治議道自己庶

績其凝用中於民彝倫攸敘

思周禹服農題遞進於楓墀屏揭幽圖時紀遙

諳於節屋惠心勿問其益元方簡孚有稽維

良折獄撫辰觀化絢景慶於天文迪道敷言

闡典謨於

聖謨鴻成耆定逾三萬以開疆駿烈布昭藏十

全而贏績道洽政治允升於大猷綱舉目張

以庥於前政惇大成裕

至誠徵行健之原悠久無疆釀化際純熙之會

綏萬邦而怙冒莫不尊親崇

九廟之烝嘗是用孝享

皇妣孝賢純皇后

儀天立極

炳月垂光穆雍章彤史之型宮廷佐

養祇敬翊

丹宸之治壘板宣慈

皇妣孝儀純皇后

厚載同符

思齊儷德揚庥內政殫誠敬以承襲

毓慶中闡篤恩勤於顧復本仁祖義肇裡允叶

夫同尊假廟饗親舉典聿隆夫合祔謹率諸

王貝勒文武羣臣於嘉慶四年九月十九日

恭奉

高宗法天隆運至誠先覺體元立極敷文奮武

孝慈神聖純皇帝神位

孝賢誠正敦穆仁惠輔天昌聖純皇后神位

孝儀恭順康裕慈仁翼天毓聖純皇后神位合

祔於

太廟延禧姫錄卅年世而彌增景範堯門升几

筵而有恪既襄盛典宜沛鴻施所有事宜開

列於後一內外大小各官於從前恩詔後升

職加銜補官者悉照現在職銜給與封典。一試職各官俱准實授。一貢生監生仍派大臣官員考定職銜照舊例送吏部註冊。一各省儒學以正貢作恩貢。次貢作歲貢。一貢生監生在監肄業者免坐監一月。一軍民年七十以上者許一丁侍養免其雜派差使。一窮民無力營葬並無親族收瘞者該地方官擇隙地多設義冢隨時掩埋無使拋露於戲。續昌圖而右序燕及

皇天躋

太室以升香昭茲來許追養繼孝敬維

光訓以欽承錫類推恩仰溯馨聞而普被布告天下咸使聞知。○賑安徽宿靈璧泗鳳陽懷遠盱眙五河七州縣被水災民並緩徵定遠壽鳳臺三州縣本年額賦。○乙亥諭軍機大臣等倭什布係守土之臣固以楚省肅清為肅清倭什布係守土之臣固以楚省肅清為幸而自朕視之陝楚何分畛域三年以來各

省皆自顧疆域以逐出為邀功從不肯實力痛勦前此倭什布具奏安設楚省各邊界卡座繪圖進呈當諭令盡心防禦乃未及月餘而李淑辛聰等先後闖入豈非有名無實此次將賊匪驅入陝境尚不足抵疏防之咎若再任辛聰等復行折回必當併前罪治之又李淑已被鎗傷身死倭什布因無據未敢遽信所奏尚是李淑係大股首逆著細查覆奏將此諭令知之。○倭什布奏報截勦歇馬河

賊匪賞守備吳純俊王占鰲守備銜千總黃富國花翎遊擊曹星等升擢有差。○丙子奉安

高宗純皇帝

孝賢純皇后

孝儀純皇后

神御於

壽皇殿

上親詣行禮命

皇次子慶親王永璵。成親王永璉。慶郡王永璘。定親王綿恩。質郡王綿慶。貝勒綿懿。隨行禮。○諭軍機大臣等。本日永保報到情節。無非推諉卸罪。而所稱接到明亮來札。以伊所帶兵單。不必入山追剿。屬其赴大山岔督兵一節。尤堪駭異。本月初九日。明亮奏永保駐紮大山岔。至今未動。自以頓兵株守為永保之罪。及永保移赴斜峪關。何以明亮又札令仍回大山岔駐紮。殊出情理之外。明亮此札。若在參奏以前。則係有心傾陷。若在參奏以後。則係因那彥成將到。恐查出前奏不確。故札令回駐原處。以實其言。此札如果屬實。明亮罪難輕恕。竟當革職拏問。但伊二人嫌怨已深。或永保捏造此札。亦未可定。則永保尤罪不容誅。著將原摺發交那彥成松筠。詳閱密訪。追出原札。查對月日。係何人書寫。必須伊二人當面供認明白。方可定罪。至另摺稱疊奉諭旨。與明亮不和。自問並無其事。

或聖諭籠統告誡。更不成話。朕於軍營奏到。無不詳示。今既降特旨。指名訓示。永保執敢以籠統二字狡辯。殊為膽大。並當嚴行詰訊。將此諭令知之。○福州將軍慶霖奏。副都統色克圖。因傷已成廢疾。懇請解任。允之。並給全俸。○命翰林院編修戴殿泗。在上書房行走。○調鑲藍旗漢軍副都統扎拉芬。為福州副都統。以尚茶正那彥寶。為鑲藍旗漢軍副都統。○緩徵江蘇崇明寶應二縣水災新舊額賦。並蠲賑有差。○丁丑諭內閣。倭什布奏請將湖北省嘉慶元年四年兩次應行計典。遞行展限一摺。倭什布抵任後。即有督兵防堵各事宜。無暇辦理計典。而藩司孫玉庭甫經到楚。於屬員賢否。亦未能諳悉。且通省各員。多有守禦本境。並委辦軍需諸事。未便遽行調驗。應如該督等所請。所有湖北嘉慶元年及四年兩次計典。著遞展至嘉慶五年六年。以次舉行。○諭軍機大臣等。那彥成到陝。

後如張逆已淨。當會同松筠審案。計辦竣時。盛京吉林官兵。亦可到齊。即當帶生力新兵。赴陝省東南。將辛聰張添倫高家營各股匪。同德楞泰併力合擊。以期廓清陝楚邊境。將此傳諭知之。○又諭現在賊匪竄入川陝楚省。不過防堵事宜。何必復留晉兵守卡。倭什布接奉此旨。即將晉兵二千。令其全數速赴德楞泰軍營。將此傳諭知之。○除湖北江夏縣新築月堤壓坍田一十五頃八畝額賦。○

戊寅。諭內閣。據軍機王大臣呈。進河南偃師縣民人楊道純所遞策表。朕詳加披閱。內稱內惡已誅。外弊當除。蘇民困以固國本。民心安而賊可滅。安民先除積弊。倉庫漕糧實國之本。而弊之大者。懇請降旨嚴行飭禁。務遵定例。切實妥辦等語。楊道純以民人而條陳事件。不特並無違礙。所言皆係地方應辦之事。且於摺奏體制亦俱符合。所陳各項。今次第舉行。如果內外臣工所言皆能切當。豈不

甚善。楊道純深有合於庶人傳語之義。著加恩。以從九品未入流。交與直隸總督胡季堂。差遣委用。遇有缺出。再行咨補。○諭軍機大臣等。此次七十五截勒竄匪。訊據獲犯李士貴供稱。李淑在龍船壩地方身死。屍已焚燬。昨經倭什布奏知情節相同。自非虛妄。李淑本係大頭目。前此曾有李全。後無下落。或李淑即係李全。亦未可定。再李士貴供係徐添德之徒。情願招令出投。如果能招致匪黨。令

其自散。亦勦撫策施之一法。將此傳諭魁倫知之。○轉兵部右侍郎江蘭為左侍郎。調倉場侍郎劉秉恬為兵部右侍郎。禮部右侍郎鄒炳泰為倉場侍郎。兵部左侍郎曹斌為禮部右侍郎。○除江蘇丹徒縣被水坍沒田二頃八十五畝額賦。○己卯。諭內閣。朕閱安徽省情實人犯招冊。陳用敷具題緩決。經刑部改入情實者。共有九案。覈其情節。該犯等或因金刃傷多斃命。或強奪良家妻女。姦占為

妻或活埋堂弟以及毆斃老人幼孩等事俱係逞忿淫兇例應情實予勾之犯乃陳用敷皆擬為緩決辦理實屬錯誤推陳用敷之意因伊春閒審擬陳卿延撞騙關餉一案請旨即行正法經朕降旨飭諭併令該撫覆覈時將該犯仍照本律擬絞監候又因本年有人條奏請免失出處分經部議准陳用敷遂爾心存揣度謂朕意在從寬輒將秋審應行情實之犯不問情節輕重概擬緩決以致刑部駁改九案之多殊不知陳卿延一案本律只應絞候陳用敷於律外加重是以降旨改正此案入於情實將來自應予勾仍係按律辦理並非有意從寬也朕自親政以來節次飭諭問刑衙門不得擅用雖但字樣及例外援引從重之條蓋以原情定律務協情法之平豈可稍存軒輊若因有前旨而督撫等辦理刑名偏於寬厚豈非誤會朕意乎大清律例皆我

祖宗執中定憲法守所昭朕惟有謹率舊章不敢稍參己意督撫等何得以窺測之私於律外有所增減夫世俗以有意從寬故出人死罪為好善陰功者皆鄙陋不通之見斷不可以例爰書若將本應抵償之犯概從寬縱則死者寧不含冤於地下耶所謂生人而當謂之仁殺人而當亦謂之仁也嗣後各督撫等問擬罪名總當按律定讞不得豫存從寬從重之見用昭平允陳用敷及臬司福慶辦理秋審失出多至九案仍著交部議處陳用敷現已告病回籍俟病痊補官日再行降旨將此通諭各督撫知之○以安徽安慶協副將孫清元為湖北襄陽鎮總兵官○庚辰諭軍機大臣等昨據蘇寧阿奏阿郎杆賊番出搶奪生馬匹四疋已降旨令台布馳赴西寧相機妥辦今據奏該番賊等因兵丁追趕將搶去馬匹全行放回是賊性尚知畏懼但恐素習

詭詐難保其去而不來。且雖將官馬放還。而槍馬正犯。必須拏獲正法。方足示懲。現在蘇寧阿已赴該處派兵緝捕。如番賊等尚敢抗違。台布當仍遵前旨。酌派甘涼官兵親往督辦。以助軍威。其外委劉全印。以六十名兵深入番地。全獲馬匹。殊為奮勉。著遇缺拔補。將此各諭令知之。○又諭昨據倭什布奏。胡齊崙動用軍需案內。將底帳進呈。此內各路軍營。任意提用。及督撫支取餽送者。款項纍纍。

實堪駭異。夫軍需之設。為養兵以平賊。平賊以安民。今自勦辦賊匪以來。部發帑銀多至七千餘萬。而各省協濟銀兩。尚不在此數。如果實用實銷。則兵精餉足。士氣奮揚。早應撲滅賊匪。何至兵丁衣服藍縷。幾同乞丐。經年累月。迄未成功。是節年所發帑金。竟徒為伊等散法營私之用。而於兵丁全不體恤。又何怪師老兵疲。士不用命。耶。現於底帳中查出永保提用尤多。慶成數亦不少。現已將永保

慶成家產查抄。著將清單發交那彥成松筠按款嚴訊。計贓定罪。毋得稍有不完不盡。○又諭湖北支用軍需。為數尚少。已有如此弊端。何況川省軍需。不啻數倍。且胡齊崙只係道員。又況川省辦理軍需之宜。綿英善福寧等經手日久。豈有不濫行提用餽送結納之理。不可不切實嚴究。計此時廣興已到。彼著傳諭魁倫。即將福寧解任質審。其糧餉事務。交廣興接辦。福寧如能自行供明。呈出底

帳。並將宜綿英善從前在任時底帳和盤托出。罪尚可寬。儻飾詞含混。一經察出。伊能當此重罪乎。○經畧大臣額勒登保奏報。殲斃賊首阮正澄。得旨獎賚。授額勒登保正白旗漢軍都統。出力員弁。升賞有差。○陝甘總督松筠奏報。訪獲賊目劉學貴。陝西知縣錢廷琛。以同知升用。○賞候補內閣侍讀學士胡時顯三品職銜。以隨同額勒登保軍營辦理文案無誤故也。○撥部庫銀一百萬兩。解往

陝西以備軍需○辛巳

上詣

太廟東轅門外綵幄恭閱

高宗純皇帝

孝賢純皇后

孝儀純皇后

玉冊

玉寶八

太廟前殿行禮

親奉藏於

後殿○諭內閣工部查奏原任各員賠項開單呈覽單內巡撫李因培鄭大進布政使李承勳王顯緒道員善泰龔士模楊禮行知府吳文彬莊鈞等員名下賠項及道員蔣果分攤蘭第錫未完漫工一款本係分賠代賠銀兩該員等業已身故復令其子孫完繳是為代賠中代賠之項均著加恩全行豁免其餘單開各員及蔣果本名下應賠漫工一款均照

現定章程一千兩以下者全數寬免一千兩以上二千兩以下者著免十分之五二千兩以上者免十分之三至尚書公哈達哈尚書海寧侍郎三和德爾敏郎中永和員外郎玉神保等六員賠修

裕陵殿內漆飾銀兩一案銀數各止二百兩雖在應行全免之例但

陵寢要工不能敬謹辦理非尋常疏忽可比所有此項銀兩仍著於家屬名下追繳○又諭

從前畢沅身任湖廣總督不能實力整頓貽誤地方以致教匪潛謀勾結乘閒滋事畢沅又不能督飭所屬迅速剿除迄今匪徒蔓延川陝等省日久尚未撲滅皆由畢沅於教匪起事之初辦理不善其罪甚重昨又據倭什布查奏胡齊崙經手動用軍需底帳畢沅提用銀兩及餽送領兵各大員銀數過多即如永保解交刑部後畢沅寄送銀兩又復幫助恒秀贖罪等事是畢沅既經貽誤地方復將

軍需帑項任意濫支。結交餽送。散法營私。莫此為甚。若畢沅尚在。必當重治其罪。今雖已身故。豈可復令其子孫仍任官職。所有承襲畢沅輕車都尉世職之長孫畢蘭慶及承廕襲○旌表守正捐軀廣東順德縣民張端顯妻羅氏○壬午。

孝慈高皇后忌辰遣官祭

福陵○定

祈穀禮。用立春後辛日。諭內閣。向來每歲舉行

祈穀典禮。俱由禮部等衙門隔年豫行奏聞。明

歲庚申正月初八日上辛。應行

祈穀大祀。係在立春之前。所有致祭日期。業於

昨歲奏明

高宗純皇帝。自當屆期舉行。不敢改議。惟朕思

禮經所載。孟春祈穀。原為本年歲事。豫兆農

祥。若在立春以前舉行。於乘陽之義。未為精

當。因檢查大清會典文獻通考書內。載康熙

五十四年欽奉

諭旨。以次年正月初十日。雖係上辛。尚未立春。

從前亦有於次辛下辛致祭之時。交大學士

會同太常寺議奏。旋經議准。於下辛行禮。又

雍正十二年。亦以次年正月十二日立春。初

十日。應行恭祀

祈穀壇。欽奉

諭旨。以祈穀乃新春典禮。似不應在立春以前。

交該部會同定議。亦改期次辛。並請嗣後每

年

祈穀。均在立春後上辛日舉行。又乾隆十五年。

二十九年。俱因次年上辛在立春以前。改用

次辛。又四十六年。禮部具題。次年

祈穀日期。改用次辛。欽奉

諭旨。朕御極以來。遇正月初三日以前上辛。因

必須隔年齋戒。是以改用次辛。其有初四日

上辛。亦改用次辛者。則因

聖母皇太后祝釐初祉儀。不容缺。至明歲正月

初四上辛並非向年可比况冬至

南郊禮成有於次日受賀者所有明歲

祈穀仍用上辛並著為令可見

祈穀典禮我

聖祖

世宗

高宗俱以應在立春以後得辛舉行為是理應

敬謹遵行嗣後每年

祈穀總以立春為度如立春在本年臘月而上

辛亦在年內未便隔年舉行祭辛之禮自應

改用次辛又立春係在年內而得辛如在元

旦及初二初三則歲除之日既未便於城外

宿

壇即得辛在正月初二三等日而除夕亦係齋

戒之期朕應住宿齋宮於元旦應祭

堂子

奉先殿

壽皇殿及宮中拜

神之處亦未便分詣行禮俱應改用次辛總之

每年立春後得辛如在正月初四日以後則

當用上辛在初四日以前則當改用次辛設

得辛日期適遇正月初七日

世祖章皇帝忌辰則祇承之義統於一尊不必

因此而展

祈穀之期仍當於是日恭行致祭

壇上亦仍照儀注作樂惟禮成回宮鹵簿大樂

則設而不作至元旦朝賀原屬臣下敬上儀

文因值齋戒期內停止受賀以昭朕凝承

裡祀之義於禮原屬無缺况

南郊禮成向有次日受賀之例此後凡遇元旦

齋戒其朝正典禮應於

祈穀次日補行著為令○諭軍機大臣等明亮

奏張漢潮又從深林中前竄著那彥成松筠

查係由明亮恒瑞興肇三人內何人堵剿之

一路突圍而出即將此路縱賊之人及帶兵

將弁一面奏聞一面革職拏問所有張逆一

股著那彥成台布會同追勦朕此次查辦明亮等三人之罪並非有意將從前帶兵大員盡行更換特因伊等負恩遷延歲月不得不加以懲辦而那彥成松筠台布皆為

皇考擢用之軍機大臣亦並非朕藩邸故交驟加簡任以新開舊也○革疏縱首逆張漢潮之叅贊大臣都統明亮職賞副都統銜勦賊○以戶部右侍郎盛保兼正紅旗漢軍都統○以刑部左侍郎祿康兼署工部右侍郎○

嘉慶四年九月下

嘉慶四年九月下

癸未諭內閣吏部議請將祖之望照例例降三級調用一摺實屬咎所應得胡齊嵩一案本係特交祖之望審辦祖之望既經查出底帳有餽送軍營各員情事若於彼時即據實具奏方為不負委任乃並不早行陳奏經倭什布再三開導始行交出祖之望雖因人數眾多案關重大其心究不免迴護本應照部議降調惟念祖之望在湖北藩司任內於軍需總局支發各項尚無染指情弊此項底

帳旋即送交倭什布處並未焚燬伊於到京日即行陳明非始終欺隱者可比且聞其平日居官聲名尚好祖之望係刑部司員出身刑名素所諳習著加恩以按察使降補○又諭岳起奏清查漕務積弊一摺所指浮收折價及旗丁挾制需索各事實為切當其另單所開幫船費用出運陋規並南帳北帳名目足見實心查覈將歷來積弊和盤托出從此按款清釐逐條嚴禁可期漕務肅清惟所陳諸弊內尚有一二未盡者如每年開倉之先即有本地紳衿包攬同姓花戶附入己產上倉交納圖占便宜或有以曾任職官品級等次分別坐得漕規即舉監生員之刁劣者亦於中取利州縣等懼其挾制不得不從而於良善小民則肆意浮收無所顧忌此當嚴行飭禁者又摺內稱糧戶以潮雜下米搪塞掣交一節未必確實小民終年力作幸值有收豈有不揀擇好米上倉交納以期速完官事

嘉慶四年九月下

嘉慶四年九月下

即實係乾圓潔淨者。州縣吏胥仍不免勒捐刁難。令其守候多時。以為折價地步。而謂百姓尚敢以湖糴下米。極交乎此。必無之事。岳起係旗人。外任未久。不能諳曉此種情形。未免為州縣等所愚耳。其餘羅列各條。皆係確有所據。有漕督撫俱當一律查辦。但各省浮收之弊。雖同。而費用之條不一。俱應照岳起所奏徹底清查。將各幫應領應用及沿途抵通經費陋規。各行開列清單具奏。不得稍有朦混遺漏。蔣兆奎居官素尚廉潔。今朕委以總漕重任。自當實力整頓。糧艘過淮籤盤途次派員催趲。從前皆有使費。該督務須明查暗訪。永絕弊端。至倉場侍郎達慶。鄒炳泰。向曾共事。自能和衷妥辦。鄒炳泰又曾在通州教讀於倉場諸弊。亦素有所聞。其應行嚴查禁止者。俱當悉心察覈。毋任書吏經紀等仍前滋弊。然不可操之過急。有意苛求。若於事有難行者。而必勉強於一時。其法亦不能經

久。將來又成具文耳。總之州縣既向百姓浮收旗丁自必向州縣加增兌費。總漕巡漕倉場各衙門。又向旗丁層層索費。而其實無窮之苦累。則我百姓當之。今將諸費禁絕。則旗丁用度不至竭蹶。何得復向州縣需索。而州縣既省兌費。又何得仍向百姓浮收。至有以收漕為彌補虧空者。亦不過州縣借此藉口。恐亦有名無實也。現當整飭漕務之時。必須清其源。以絕其流。使閭閻實受其惠。而於旗丁運費。仍當籌畫周詳。不使稍形拮据。前據戶部議覆。蔣兆奎奏設法津貼旗丁一事。已交有漕各督撫確查妥議。俟議到時。再降諭旨。將此先行通諭。有漕各督撫及總漕巡漕倉場各衙門知之。○又諭。昨據倭什布奏到。胡齊嵩動用軍需底帳。慶成水保俱經得受。餽送銀兩。因降旨。將伊等家產查抄。今據布彥達賚盛住等。將抄出慶成水保家產開單呈覽。本應照例入官。但念慶成之曾祖孫思

克曾於國初著有勛績為本朝出力之臣。又有公主下嫁伊家而慶成之祖五福亦曾任御前侍衛始終勤慎。今慶成雖因帶兵不力得受餽送獲罪。但念伊前此打仗曾經得傷。此次未經上緊殺賊較之永保之有心逗遛安坐貽誤者有間。所有慶成祖遺住房一所及公主陪嫁坐落薊州等處地三十一頃六十畝五分四釐金冊一分俱著加恩賞還。至慶成之父惟精並未獲咎其屋內什物亦著全行給還。其餘抄出房地金銀錢文衣物等項皆係軍需項下餽遺所得俱著交內務府等衙門照例辦理。男婦人口發交該旗查辦。所有大隆號毯鋪李文林借過銀一萬兩九江管關道阿林保借過銀四千兩及張星彩借過銀四百兩並著勒限嚴追。至永保得受銀兩前據胡齊崙狡供畢沅送銀二千兩其餘六千兩係屬馬價。今訊據永保家人伊昌阿等供稱永保在刑部監禁後有沈姓送

到銀八千兩。此內有畢沅幫銀二千兩。胡齊崙送銀六千兩。永保即令伊姪出名將銀三千兩買得住房一所。其餘五千兩陸續用去等語。是此項房屋係永保將收受餽送銀兩所賈自應入官。至永保家人除借用者無庸入官外。其新典之九兒張氏二名著交該旗照例官賣。其餘查出祠堂祭田及伊子英智英華衣服什物俱著賞還。○調鑲藍旗漢軍副都統永來為正藍旗滿洲副都統。以內閣學士英和兼鑲藍旗漢軍副都統。兵部右侍郎惠齡兼鑲藍旗蒙古副都統。前鋒侍衛文弼為鑲白旗漢軍副都統。○以鑲白旗漢軍副都統衆神保為英吉沙爾領隊大臣。○以候補總兵官梁秉脊為福建南澳鎮總兵官。○賞賢良後裔原任大學士朱軾曾孫生員晉麟知縣振聲。景華舉人。○加賞廣寧門外普濟堂煮賑小米三百石。○賑兩淮丁溪草堰劉莊伍佑新興廟灣中正板浦臨興九場

被水竈戶有差並緩徵并茶角斜豐利掘港
金沙呂四餘東餘西石港富安豐東臺梁
埭何埭十四場新舊額賦貸富安安豐東臺
梁埭何埭五場草本○

上以孟冬時享

太廟自是日始齋戒三日○甲申

孝敬憲皇后忌辰遣官祭

泰陵○諭軍機大臣等吉慶等奏農耐夷人阮
進定等與安南交兵因遭風漂入粵洋懇請

實錄卷五十二

十一

賞給食米放回本國自應畧為撫卹但阮光
纘現奉正朔此等與彼為敵之夷人若加以
重待儻阮光纘遣人來問汝等何辭以對況
朕當親政之初該夷人等未必不妄生希冀
欲圖翻業黎阮曲直此時本無庸置議且阮
氏畏服天朝已有年所而農耐地方聞洋面
盜匪多於彼處銷賊亦非善類汝等若不嚴
飭回洋則農耐請助之人即至轉生枝節然
亦不可將阮進定等縛送安南惟當畧為賞

卹任其歸去乃吉慶等欲令附搭商船設被
安南偵知轉似助彼仇敵豈撫馭遠藩之道
吉慶陸有仁俱著申飭該督等當遵旨妥辦
切勿輕開邊釁慎之將此諭令知之○禮部
疏稱旌表婦女向例每人給予一坊今殉難
人數衆多請令各州縣每處總建一坊將婦
女姓名鐫刻其上再陣亡官員全家隨任被
害亦當旌表應行令原籍建坊入祠嗣後均
照此辦理從之○乙酉諭內閣前據倭什布

實錄卷五十二

十一

奏到胡齊嵩動用軍需底帳鄂輝得受餽送
銀兩因降旨將伊家產查抄今據傅森恭阿
拉等將抄出鄂輝家產開單呈覽本應照例
全數入官並查革世職惟念鄂輝所得世襲
男爵係在湖南軍營擒獲首逆加恩賞給其
所受餽送銀兩係在湖北之事所有前賞鄂
輝男爵仍加恩著伊長子鄂彌善照舊承襲
其次子少子所捐官職亦不必斥革鄂輝從
前得受此項銀兩明知出自軍需因有人餽

送伴為不知竟收受至四千餘兩之多如郭輝尚在必當計贓治罪今已身故免其深究所有單內開載住房一所取租房三百餘間地十頃餘畝及家人男婦十六名口俱著加恩賞還伊子郭彌善等其銀錢朝珠玉器衣服等項自應入官著交該衙門照例辦理至伊子郭彌善等衣服物件著傳森等分晰查明賞還○諭軍機大臣等昨據青海親王索諾木多爾濟等以近年生番屢搶游牧伊等

實錄卷五十一

十一

逃避奎舒置之不問等情申報理藩院轉奏已將奎舒革職交松筠審訊矣茲閱奎舒所奏生番情形一摺奎舒恒怯無能僅遣熟番千戶等往拏首犯追索牲畜不思生番向無頭目地屬曠野何從追緝朕意於生番內設一頭目賞給六七品頂帶俾資彈壓嗣後再有搶掠之事庶易辦理松筠駐藏多年諳悉外番性情著即籌度辦理如另有所見不妨據實陳奏總期邊陲無事為要又據奏照依

索諾木多爾濟等所呈將托遜諾爾等處所設防範郭羅克卡倫移於蒙古游牧附近一節殊屬錯謬郭羅克近年以卡倫嚴密之故未曾搶掠今將卡倫撤回僅郭羅克乘間搶掠何以禦之著傳諭松筠迅即仍前設卡所有奎舒恒怯情節一併訊明具奏○以詹事府詹事潘世恩少詹事李鈞簡為內閣學士兼禮部侍郎銜○是月四川布政使林鶴春川省本年豐收不特川西川南安居樂業即

實錄卷五十一

十一

川東川北被賊地方亦因年穀順成民情歡豫得肯能自省否抵川省被賊蹂躪三年朕方自省憂憤寢食不安汝等本地大吏尚作此等誇詡諛詞宜乎

上天未能赦罪也又抵加派紛紛尚歡豫乎○新授廣西巡撫謝啟昆奏謝得旨勉為好官以副委任廣西地接外夷民搖雜處頗不易治持以鎮靜加以撫綏無事必應德化有事必使畏威切勿姑息養奸亦勿輕挑邊釁總

秦陵

秦東陵

裕陵○遣官祭

孝淑皇后殯宮○遣官祭

端慧皇太子園寢○頒嘉慶五年時憲書○

封貝子奕純子載錫為三等鎮國將軍賞頭

品頂帶並花翎○丁亥以直隸長新店地方

舖戶被劫革總督胡季堂太子太保並花翎

○戊子諭內閣三法司具題直隸省秋審情

實人犯

上

實人犯招冊內該省原定緩決經刑部改擬
情實者共有十起朕初閱時尚以胡季堂久
任刑名於律例案情自所熟習或刑部改擬
各起未必推求悉當及詳覈各案情節內如
吳起善毆死于添錫一起于添錫因酒醉在
吳起善門首向吳起善之子吳成索茶吳成
未允彼此爭扭吳起善喝斥于添錫即將吳
起善揪住吳成遂扳倒于添錫吳起善順用
斧背毆其右肱肋骨折其次子吳通亦幫同

揪按該犯復連毆于添錫左肱肋骨折吳成

亦用石毆其顙門越十六日殞命父子三人

同時逞兇傷至骨折斃命何得謂死者醉鬧

傷係他物入於緩決又如李三毆死高扣兒

一起李三之女李氏許與高扣兒童養為妻

李氏歸寧未回高扣兒往接以霸留在家之

言向李三觸犯李三喝斥因高扣兒詈罵遂

取鎌刀向砍致傷高扣兒鼻準高扣兒混罵

該犯復用刀連砍傷其領額上下唇吻並砍

落牙齒情節已屬兇橫甚至頓起殺機狠砍

下

高扣兒右太陽用力拔刀致鎌刀斷入骨內
立時殞命死者即屬總麻卑幼不以凡論但
秋審原情定獄此案逞忿故殺刀斷骨內實
屬兇殘該督既稱殺出有心何以捨故殺專
條遽入緩決他如倚眾攢毆及窩匪拒捕致
傷事主成廢並強爭祖妻養老田畝刀斃其
命等案皆係恃強逞兇窩盜藐法應入情實
之犯原題概擬入緩殊失情法之平秋審大

典惟當覈案揆情固不得有意從嚴過為刻覈然心存寬縱故出人死罪以為好善陰功及涉於窺測揣度之私者皆令死者含冤於地下則所謂明允者謂何豈不於止辟之義大相刺謬耶在他人猶可諉之不諳律例胡季堂素習刑名乃於秋審案件並不覈實持平妄意揣測豫存成見竟染外省習氣殊屬非是所有原題之總督胡季堂及升任臬司全保俱著交部分別議處○調閩浙總督書

麟為雲貴總督雲貴總督長麟為閩浙總督長麟未到任前命浙江巡撫王德署理以戶部左侍郎阮元署浙江巡撫工部侍郎童鳳三兼署戶部左侍郎○以散秩大臣海澄公黃嘉謨為浙江温州鎮總兵官○己丑

上詣

大高殿行禮

時應宮

昭顯廟拈香○諭內閣明亮勦辦張漢潮一

股賊匪經年迄無成功業經降旨革去叅贊大臣都統仍賞副都統銜予以自効並命那彥成松筠確查明亮如有縱賊實據即行嚴叅治罪本日那彥成台布奏到審訊永保供詞據稱數月以來總未見明亮截住賊頭緊追賊尾無從與之夾擊且明亮咨送摺藁所奏打仗殺賊投出民人係交隨營知府趙洵審訊未見錄供稟報永保因令知府朱勳札詢據趙洵覆稱明亮因賊匪遁走日久不能

不一奏塞責任情鋪敘所稱龍駒寨藥莊救護關三次打仗殺賊俱屬烏有救出被掠百姓亦屬子虛並據差往軍營探信之外委張起鳳稟稱自五月至八月止明亮一路軍營惟前隊鄉勇等兩次曾殺賊二十餘名官兵並未打仗一次等語閱之殊堪駭異明亮與永保素有嫌隙前因明亮叅奏永保久駐大山岔一月有餘遷延觀望先經降旨將永保革職鞫問旋據永保奏稱係明亮札令永保

在彼駐劄。現據永保呈出明亮來札。雖尚須查究。未可遽以此卸永保逗遛之罪。但所稱明亮數月並未與賊接仗。及謊報軍情各情節。係得之知府趙洵。及外委張起鳳稟報之語。鑿鑿有據。是明亮欺罔罪狀。較之縱賊為尤重。朕辦理軍務。宵旰勤勞。於軍營奏摺。批示不移晷刻。若似明亮滿紙鋪敘。全係虛詞。天良業已喪盡。尚安望其實心辦賊。此而不嚴行懲治。何以整飭戎行。朕又將何以用人。

手。至興肇每次與明亮聯銜具摺。乃於明亮種種欺飾之處。扶同入奏。罪亦難逭。明亮興肇。俱著革職。摺問。交與松筠嚴審定擬具奏。○以鑲黃旗護軍統領弘豐為荊州將軍。鑲藍旗滿洲副都統積拉堪為鑲黃旗護軍統領。前任副都統繆布為正紅旗蒙古副都統。○庚寅諭內閣。前因長新店有盜匪肆劫一案。胡季堂路過該處。接據稟報。並不即時具奏。已降旨將該督宮銜革退。并拔去花翎。以

示薄懲。仍傳旨嚴行申飭。胡季堂身任總督。平日於地方營伍不能整飭。一任廢弛。致附近京畿盜匪逞兇肆劫。咎實難辭。早應自請嚴議。迨接奉飭諭。尤應慚悚請議。乃昨日奏到之摺。止係聲敘該處被劫情形。及叅列疏防文武員弁。並無認罪之語。今日覆奏申飭之摺。僅以虛詞敷衍搪塞。仍不自請交議。豈該督竟視此案盜匪為尋常事件耶。現經江蘭長齡查明長新店汛兵五名。是夜在汛者止有三名。而西路捕盜兵丁四名。是夜全未。在被巡緝。長新店係附京要地。人烟稠密。為商旅往來輻湊之區。該汛兵丁既少。胡季堂早應籌議添設。乃官兵止此數名。尚有全不到汛者。有到止過半者。營伍廢弛。莫此為甚。拱極營遊擊范建舉。近在該處。於被劫之次日。並未即時查辦。並有離長新店三十餘里之麥石口把總。馳往面告被劫之事。范建舉仍置若罔聞。轉以護送吉林兵丁為詞。前往

良鄉一帶。彼時吉林兵丁尚未到境。該遊擊先期前往。冀圖卸責。亦由胡季堂平日遇事因循。遂至營員毫無顧忌。西路同知孟生草久已患病。經朕早有聞知。面詢胡季堂。尚奏其並無病症。今則卧牀不起。較前尤甚。以近京緊要之區。留此久病委頓之員。總棧貽誤。皆胡季堂迴護瞻徇所致。除將遊擊范建舉同知孟生草革職解京。交軍機大臣會同刑部審訊外。胡季堂著交部嚴加議處。尋議照溺職例革職。得旨。著革去頂帶。仍帶革職留任處分。○以貴州清江協副將穆克登布為山西太原鎮總兵官。○辛卯。

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

顯佑宮

東嶽廟

城隍廟○

上詣

壽皇殿行禮還宮。不御殿受賀。王以下文武大臣官員。於乾清門外行禮。○以兵部右侍郎

劉秉恬。知武舉。禮部尚書紀昀。為武會試正考官。都察院左副都御史陳嗣龍。為副考官。

○壬辰。

孝淑皇后殯宮月祭。遣官行禮。○調吏部尚書

朱珪。為戶部尚書。都察院左都御史劉權之。

為吏部尚書。戶部尚書范建中。為左都御史。○癸巳。諭內閣。本年正月內。遣副都統張承

勲為正使禮部右侍郎恒傑為副使恭頌
高宗純皇帝遺詔於朝鮮時朕曾面諭張承勲
等以此次奉使朝鮮非如常時之勅封國王
及世子可比如該國王有餽送使臣禮儀不
得收受是以張承勲等將國王餽送禮物卻
而不受復經該國王將原奉

高宗純皇帝准收正禮

諭旨呈出閱看伊等仍不敢收受然不應令差
人將禮物齎至鴨綠江濱囑令原使帶回以
致該國齎送禮物人員遠道攜隨徒勞驛站
辦理殊屬錯誤因將張承勲恒傑交部議處
並將拘泥錯誤緣由降旨諭知該國王又令
軍機大臣當面傳諭該國使臣知悉該國王
自應欽遵朕旨將禮物收回乃事隔數月該
國備譯官李邦華攜帶私書令齎咨官李光
稷向副都統張承勲宅內投遞經張承勲將
李邦華原書進呈朕閱書內所敘情形其前
此齎送土儀物件似尚在江邊守候殊屬非

是李邦華此信或係未經呈明該國王竟自
攜帶來京而天朝法令森嚴人臣從無外交
之事斷不敢將屬國陪臣書信匿不奏聞亦
無將已卻之土儀又復私相授受之理該國
王應將李邦華李光稷各加嚴飭並約束陪
臣嗣後不得帶呈私書至所留土物即遵前
諭收回不必再瀆俟該國遇有喜慶事件遣
使到彼該國王仍可敬遵

高宗純皇帝諭旨辦理以盡事大之禮也○又

諭據軍機大臣等將安徽貴池縣民人方士
傑呈遞封奏進呈閱其文理清通所奏事件
尚屬可行已留中備覽方士傑著賞授入學
生員准其鄉試○以故科爾沁貝勒古穆扎
布子三音濟雅圖襲爵○甲午

上諭

雍和宮行禮

大神廟拈香○諭內閣本日軍機大臣接據
候選從九品雒昂呈遞封事一件內所陳勦

撫事宜各條其言尚屬可採亦多近日已見施行之事是其人尚有出息著自備資斧前往陝西交與松筠差委如果奮勉出力即照原銜補用○諭軍機大臣等本日雖昂呈遞封奏內稱鼓勵鄉勇以助軍威原赦引降以分賊勢其言多有可採軍營堵剿賊匪原藉鄉勇以助官兵帶兵大員亦多量為獎拔但止係虛給頂帶殊未足收其實效嗣後各路將領於鄉勇團頭分外出力殺賊者即議請

授職予以實在頂帶義勇知有破格之榮自然效命爭先於協剿更為得力又良民被賊圍裹割辦為記面刺白蓮教字樣逼勒入夥其有悔罪出降者官兵若因其顯有教匪標識悉予駢誅則畏死附賊者益多嗣後帶兵大員務須查訊明確如實係被脅良民毋論短辦刺面俱准歸降給照復業使陷入賊中者聞風投首亦解散賊黨之一法此二事著額勒登保妥協酌辦○兵部以武會試中額

請得旨漢軍取中四名奉天取中二名直隸取中九名陝甘取中五名廣東取中七名河南取中三名山東取中五名江蘇取中二名安徽取中二名山西取中三名湖北取中二名湖南取中一名四川取中二名廣西取中一名福建取中一名浙江取中三名江西取中二名雲南取中二名貴州取中一名○以都察院左副都御史廣興為內閣學士兼禮部侍郎銜○以奏報軍需不實革福寧副都

統職銜○丙申

上詣

宣仁廟

凝和廟拈香○命二十七月內停止閱看冰技○丁酉諭內閣胡齊崙身為道員經手湖北襄陽局軍需四百一十九萬餘兩並不按例支發於奉文扣平之外復又私扣銀至二萬九千餘兩任情餽送其罪甚重因將胡齊崙革職拏解來京交軍機大臣會同刑部嚴

行審訊。並傳集人證質對。今據審明屬實。照侵盜錢糧入己數在一千兩以上例。問擬斬監候。洵屬法無可貸。自勦辦教匪以來。迄今四載。所費帑項多至七千餘萬。賊匪滋擾。始自湖北。而軍營餽送之風。亦始自湖北。畢沅身為總督。公然提用軍需正項。信任胡齊崙。一人經理。恣意侵扣。實為首先作俑。如畢沅尚在。朕必立賞重典也。軍營帶兵大員。如明亮、永保等。藉勦賊為名。稽延時日。不顧蔽事。

實錄卷一百一十五

嘉慶四年十月

其意以功成受賞。即加五等之封。詔釋自有定額。不如常在軍營。厚享餽賂。一領兵過往閒。而所得動至盈千累萬。以養寇為肥身之計。以糜帑為飽橐之資。縱賊蔓延日久。未減皆由於此。即如畢沅餽送永保銀二千兩。胡齊崙餽送永保銀六千兩。一節。伊等即因永保在京監禁。欲行攸助。亦當各出己資。何得用國帑為朋情耶。試思此項銀兩。皆兵丁等衣糧廨屨之資。今忽短餉八千。則從征之士

因茲而罹凍餒之患者。不知其幾千人矣。而欲令其踴躍戎行。克敵致果。其可得乎。從征之士。不能飽煖。焉能破賊。以致賊害良民。不可屈指。其罪皆由於此等劣員所積也。朕親政以來。將軍營積弊。屢次嚴飭禁止。而伊等習為故事。仍恐相率效尤。不得不再為明白曉諭。俾知儆懼。現在四川軍餉。已徹底查辦。務使領兵各員。無利可圖。方能專心勦賊。以冀速藏大功。至胡齊崙為此案罪魁。今問擬

實錄卷一百一十五

嘉慶四年十月

斬監候。覈其情罪。明年秋審時。必當予勾。且業已動刑。監禁一年之久。或致病斃。轉得倖逃。顯戮然予以斬決。在胡齊崙雖不足惜。而於本律究有所加。朕詳慎庶獄。俱係按律辦理。從不肯有意從嚴。胡齊崙著即處絞。餘依議。將此通諭中外。並領兵大員及現辦軍需者知之。○明亮奏報殲斃張漢潮賊匪出力員弁議敘有差。賞兵丁一月錢糧。○以戶部右侍郎盛佳為總管內務府大臣。○戊戌諭

軍機大臣等前此陝省賊匪。一被官兵逼剿。即向老林翻山逃匿。看來老林大山。實為藏奸之藪。此時賊氛已淨。此等處所。必當酌加清理。適本日召見彭元瑞。奏及陝省終南山綿亘八百餘里。山內地界。皆係岐山。鳳翔武功。藍田。郿。咸寧。長安。藍田等九縣分段管理。而山內地地方遼闊。居民稀少。又于午谷一道。向來本禁止行旅往來。後畢沅因遞送金川文報。改由午谷行走。取道便捷。較之舊時驛路。可近七八日之程。關成通衢。以致賊蹤得由此奔竄。其山脊已間有民人耕種。此等地方。既係山徑僻雜。又延袤廣遠。與其置之空閒。徒為盜藪。何若酌為疆理。安置編氓。且現在難民就撫之後。無家可歸。無地可種。即官給銀兩。藉資口食。祇能贍給一時。亦豈能久安生計。若資糧用盡。無以自存。勢必故智復萌。仍為草竊之事。朕意南山內既有可耕之地。莫若將山內老林量加砍伐。其地畝

既可撥給流民自行墾種。而所伐材木。即可作為建蓋廬舍之用。並察看山內地方形勢廣狹。或分建縣治。或設立廳署。並安設營汛。移駐弁兵。以資管束彈壓。其官廨所需木植。取給老林。亦屬甚便。且就撫之民。又可傭工覓食。亦以工代賑之一法。從此作為土著。各安本業。既有恒產。必有恒心。於招徠安撫。及因地制宜之道。豈不兩有裨益。此即倣明代原傑經理鄖陽。綏輯流民之遺意。而小用之。實善後所急宜籌及者。松筠台布務須實心經理。妥協籌辦。況陝省前有撥發餉銀一百萬兩。正可作為一切善後事宜之用。從前平定新疆。拓地二萬餘里。我

皇考於一切善後事宜。區畫盡美。盡善。是以數十年來。相安無事。松筠台布。皆係素能體國愛民者。於此事亦當籌畫萬全。為久安長治之計。或伊二人酌量一人。親往查勘明白。會同商辦。更可得有把握。斷不可祇圖目前急

於完事。仍致有名無實也。將此傳諭知之。○
貸齊齊哈爾被旱八旗驛站屯丁口糧。並免
應交穀石。○己亥。諭內閣。本年值武會試之
期。向例於殿試後。除挑用侍衛外。其餘俱分
別營衛守備選用。但念今年武會試業經加
恩廣額。中數稍多。其衛用守備及各營守備
員缺。需次自不乏人。又有捐班輪次間用者。
是此項分別營衛選用守備。計其得缺。須在
十餘年或數十年之外。未免守候年久。著再
加恩。將此次殿試武進士。除挑用侍衛外。其
餘俱分發川陝楚豫及曾經調兵各省。以營
守備試用。俾得及時自効。並著兵部查明檔
案。所有現在用兵及調兵各省。按照調兵多
寡。擬定應發若干員數目。開單進呈。候朕簡
發。○庚子。

上自咸福宮移居養心殿。○諭內閣。本日給事
中甘立猷。御史葉紹樞。馬履泰。俱以編查戶
口申嚴保甲條奏。夫保甲一法。原係比閭族

黨之遺制。稽查奸宄。肅清盜源。實為整頓地
方良法。久經定有章程。祇緣地方有司。因循
日久。視為具文。甚或辦理不善。徒滋擾累。以
致所管地方。盜匪潛蹤。無從覺察。而其奉行
不力之弊。如該給事中等所奏。州縣地方遼
闊。戶口畸零。雖有親身編查之文。仍未能徧
歷鄉村。細詢名字。祇憑書吏鄉約。朦朧開造。
並因冊籍繁多。需費不少。胥吏既難賠墊。官
亦徒有捐名。仍不過官責胥吏。吏通鄉保轉

以點充鄉約。為利津。取具保結。為奇貨。而鄉
保既無專責。誰肯以不干己之事。赴訴於不
理事之官。十家門牌之法。並不清查。奸盜藏
匿之區。無從舉發。他如捕役坐食。養賊分贓。
地方官亦不復查察。種種弊端。實同一轍。是
非滯除積習。實意講求。何以遏奸萌而安良
善。特此通諭各督撫。務須督飭所屬。查照舊
定章程。實心勸導。選充公正里長。編立戶口
門牌。務使一州一縣之中。人丁戶業。按冊可

稽奸匪無所容身。游民胥歸約束。仍隨時巡
歷抽查。不使吏胥等藉端滋擾。儻有仍前廢
弛。或日久生懈。有名無實。惟各該督撫是問。
將此通諭知之。○辛丑。截留湖北漕米六萬
石。以備軍糈。○以故奉恩將軍肅興子秀良
阿襲職。○壬寅。

上幸慶郡王永璘第。○德楞泰奏報剿除高家
營賊匪。生擒首逆高均德高二等。得旨獎賚。
封德楞泰二等男。授叅贊大臣。副都統銜溫

春等議敘。賞賚有差。賞兵丁一月錢糧。○杭
州將軍成德。以年老休致。以都察院左都御
史范建中。為杭州將軍。以吏部左侍郎順天
學政趙佑。為都察院左都御史。轉吏部右侍
郎周興岱。為左侍郎。調工部右侍郎童鳳三。
為吏部右侍郎。刑部右侍郎汪永需。為工部
右侍郎。以候補按察使祖之望。為刑部右侍
郎。○命吏部右侍郎童鳳三。提督順天學政。
○癸卯。

上御紫光閣。閱中式武舉馬步射。○諭內閣。朕
莅紫光閣。閱武進士騎射。路過

實錄館。因念在館人員。值此天氣漸寒。朝夕纂
辦。著加恩於例支柴炭外。所有冬臘正三月。
每月賞銀五十兩。以為燈火薪水之資。在廣
儲司庫內支領。並著為例。○甲辰。

上御紫光閣。閱中式武舉技勇。○御乾清宮。引
見中式武舉。親定甲乙。○乙巳。

上御乾清宮。賜殿試武舉一甲李雲龍曾大觀。

張萬清三人武進士及第二甲白鳳山等六
人。武進士出身。三甲劉雲彪等五十五人。同
武進士出身。○諭內閣。刑部等衙門奏。世襲
男爵雲騎尉兼三等侍衛慶麟。派送
梓宮。在路因病逃走。照從車駕行而逃者職官
擬絞監候之例。將慶麟擬絞監候一摺。固屬
照例辦理。但念慶麟究因帶病前往。曾經兩
次向該章京處告假未允。病迷失路。仍行自
回通州。若照部議。則有心逃走者。又當何如。

慶麟著革去世襲男爵並雲騎尉及三等侍衛從寬發往伊犁交與保寧嚴行管束○翰林院侍讀學士劉鐸之為詹事府詹事○旌表守正捐軀直隸東明縣民何玉道妻王氏河南杞縣民鄧甫妻劉氏○加賑江蘇崇明縣風潮災民○丁未諭內閣本朝自設立軍機處以來向無諸王在軍機處行走正月初間因軍機處事務較繁是以暫令成親王永理入直辦事但究與國家定制未符成親王永理著不必在軍機處行走現在軍機處大臣人少傅森著仍在軍機處行走○以生擒首逆高均德并節次打仗出力賞總管遜多保佐領哈勒章扣驍騎校扎呼岱巴圖魯名號都司王玉龍守備汪澤防禦達明阿雲騎尉塔木哈圖驍騎校隆太布勒特花翎領催倭赫等藍翎餘升擢有差○戊申理藩院奏郭爾羅斯公貢格喇布坦之子公綽克溫都爾恩克巴拜不遵部飭將私行開墾地畝

之民人驅逐反增募多人請就近交吉林將軍及該盟長等查辦得旨如所奏行○己酉命吏部尚書劉權之兵部尚書傅森署工部尚書盛佳在紫禁城內騎馬○予湖北陣亡協領果勒明阿富清祭葬世職如例佐領阿爾薩蘭福祿達齊納防禦薩哈布四德滿棟阿驍騎校哲庫阿勒濟善靈海祭葬加等世職如例前鋒愛星阿等二名領催官祿保等二十八名披甲尚那布等四百十一名賞卹如例四川陣亡遊擊德寧都司安如岫守備王大勇張維紀樊模參領阿勒精阿護軍校澄照藍翎長寶柱和布昇額祭葬世職額外藍翎長德壽前鋒伊清阿等賞卹如例○庚戌

上詣 慈寧宮 壽康宮行禮○諭內閣戶部議駁兩江總督費淳奏上下江津貼銀米互相倣照辦理一摺

所駁甚是。前據蔣兆奎奏請於州縣浮收漕米內劃出一斗津貼旗丁。經大學士會同該部議以所奏斷不可行。今費淳所奏與蔣兆奎前奏名雖異而實則同。若如所請是所云不准浮收者仍屬有名無實。據摺內稱下江酌裁漕費而加徵米十五萬石。上江耗米照舊徵收而加徵贈銀二萬六千餘兩。是非加賦而何。且錢糧為巡撫專管。該督何以並不會同上下江巡撫公同酌議。僅用單銜具奏。

殊屬非是。況本日復據岳起奏到籌議旗丁津貼一摺。摺尾聲明係與該督合詞具奏。而所議與費淳前奏互異。是該督並未與巡撫會商。先後兩歧其說。可見外省督撫會銜具奏之事皆屬具文。何嘗志同道合。以公事為重。此等陋習不除。難臻治理。除將岳起之摺交部覈議外。現在正屆開徵之期。該督撫等當督飭地方官仍遵舊定章程。一面開兌。儻有不肖州縣藉端浮收。即當嚴叅究辦。至津

貼旗丁之款應如何籌議之處。統俟荆道乾奏到後。一併交部詳議。再降諭旨。○辛亥諭內閣。朕恭閱

皇考御極初年

諭旨。曾令在京大臣密保才守出眾之員。以備擢用。於延訪人材之中。收兼聽並觀之效。朕躬攬庶政。首重得人。自當率循舊章。舉行用資。簡任著滿漢大學士六部尚書侍郎及三品以上之都察院通政司大理寺堂官。於京

外各員內有操守端潔才猷幹濟及平日居官事蹟可據者。各舉所知密行保奏。不必急遽塞責。不得稍有徇私濫舉充數。以副朕廣諮博採至意。○以通政使司通政使賡音布為都察院左副都御史。○壬子諭內閣。京城前三門外居民稠密。商賈輻湊。宵小最易藏奸。近因查辦長新店被劫一案。究出盜匪多有在城外各處潛蹤。及茶坊酒肆會聚者。京師重地。豈容宵小藏匿。貽累地方。因思提督

例係駐劄城內城門上鑰以後外城巡捕員役或未能實力巡防不可無大員彈壓稽查以專責成現在京營添設總兵二員提督布彥達賚係御前大臣管理事務較繁必應居住城內難以兼顧城外著派左右兩翼總兵官二人每月輪出一人在南城外駐劄半月督率所屬晝夜認真巡緝並賞給鄭源璫入官房屋一處為該總兵住宿辦公之所該總兵等務須實力稽查督緝俾盜匪斂跡居民安堵以副委任○又諭前因勒保自簡任經畧以來安坐達州從未親自督兵惟將各路軍營情形每隔旬餘彙報塞責遲延日久辦理毫無把握以致賊匪東奔西竄官兵往來追剿迄無成功種種玩誤其罪甚重是以特令魁倫馳往川省署理總督傳旨將勒保革職鞫問另授額勒登保為經畧大臣彼時並未將勒保家產查抄者祇因勒保尚無別項贓款嗣經湖北查出軍需底帳如明亮永保

慶成郭輝等俱經得受餽送提用餉銀先後降旨查抄而勒保在川於軍需項下查無侵用入己實據是以至今總未籍其家產蓋查抄之事原所以儆貪墨若身任大員贓私累自當將其資產入官以抵貪婪之罪如並無犯贓事蹟即另有別項罪名亦止按例科其應得之罪不將家產查抄此辦理之權衡非偏徇勒保也本日據魁倫審訊勒保供情定擬一摺朕詳加披閱如勒保並不留心體

恤兵丁於喧鬧生事之滿兵不即查明嚴辦又不將領隊之訥音劾參總兵德齡被賊戕害時不即派兵將前往接濟明亮恒瑞不聽調度亦未據實參劾而於接到倭什布咨會

決實屬罪所應得。惟勒保自春間委任經畧時。朕曾有令其居中調度之旨。彼時原以經畧大臣。惟在決幾制勝。不責以衝鋒陷陣之事。初非令其安坐軍營。不一親臨行陣也。乃勒保昏憤糊塗。錯會朕旨。半載以來。惟在遼州附近地方。劄營株守。竟成一橐駝軍情之員。任間寄者。豈宜若此。究念其係誤會前旨。拘泥糊塗。尚可稍從末減。且勒保總統軍務以來。所有首逆王三槐。冷添祿。冉文儒。包正。洪龔文玉等犯。皆以次就獲。雖非勒保親往督拏。然究係伊所派調。與有微功。又前次勒辦貴州狝苗。則係勒保之功。一手辦竣。曾蒙皇考加恩。錫以封爵。自平定後。至今狝苗安靜無事。其功亦尚足錄。斷不可泯。勒保著從寬改為應斬監候。著魁倫接奉此旨。將朕格外施恩之處。向勒保宣諭。即派委委員。將勒保解交刑部監禁。並將辦理緣由通諭知之。○又諭禮部。奏原任雲貴總督鄂輝未便仍令

入賢良祠一摺。所議甚是。鄂輝前此辦理苗疆軍務。尚為奮勉。伊身故後。曾蒙

皇考加恩。入祀賢良祠。今查出湖北動用軍需底帳內。鄂輝得受餽送銀兩。竟至四千餘兩之多。是以降旨。將鄂輝家產查抄。如鄂輝尚在。必當計贓治罪。今因身故。免其深究。並將伊房產分別變抵賞還。伊子所襲世職。亦不追奪。已屬朕格外施恩。豈可復令其濫膺祀典。鄂輝著照部議。不准入祀賢良祠。○旌表守正捐軀四川捷為縣民黃士進妻卞氏。○癸丑予山西故河道總督蘭第錫。入祀鄉賢祠。從巡撫伯麟等請也。○旌表守正被戕直隸交河縣民趙希曾女趙氏。○甲寅。

上詣

奉先殿

壽皇殿行禮。○諭內閣。本日有鑲黃旗滿洲文舉人嵩齡。遞奏請用玉幣一摺。內稱以白玉製為圓璧。名為上品。其直百金。稍次者為中

品其直五十金。又次者為下品其直十金。所奏謬妄斷不可行。嵩齡詢係少詹事富森布之子。因思富森布於本年春間曾有陳請裁去州縣養廉。仍令浮收火耗。及京官添給養廉之奏。乖謬已極。彼時因甫經降旨廣開言路。若遽責以妄言。轉恐言事者心懷觀望。是以將所奏留中未發。今伊子嵩齡復請用玉幣。或係富森布之意。令其條奏。隨命軍機大臣。將富森布嵩齡傳到詢問。所有條奏玉幣一事。嵩齡並未告知伊父。富森布實未知悉。而富森布春間所奏各款。詢之該員。據稱因州縣養廉不敷。自不得不藉端浮收。不如裁去養廉。徵收火耗。京官所得俸祿無多。即請以所裁外任養廉添給京官。自認識見糊塗。經軍機大臣奏請。將富森布交部嚴議。嵩齡罰停會試三科等語。富森布既稱外官養廉不敷。何以復請裁去。國家額設養廉。原以資辦公之用。州縣等既有廉俸。猶託詞辦公竭

奏集卷五

十一

屢於徵收時不免例外浮收。若將養廉裁去。則更得有所藉口。且浮收火耗。例禁綦嚴。不肖地方官尚有此項積弊。儻許其多收火耗。則竟係奉有明文。任意科斂。更復何所底止乎。所奏尤為舛謬。富森布服官有年。竟敢逞其臆見。變更成例。非尋常條陳失當者可比。且又不能管教伊子。致嵩齡亦有妄行陳請之事。富森布著照軍機大臣所奏交部嚴加議處。至嵩齡身係舉人。輒以無稽之談形諸奏牘。且春間曾經降旨。將新疆私玉寬其例禁。而嵩齡轉請嚴行申禁。事涉言利。尤當攢斥。本應照議。罰停會試三科。姑念其年幼無知。著從寬祇罰停會試一科。用示懲儆。勒登保奏軍營出力人員。賞二等侍衛噶塔爾。協尉達斯呼勒岱。巴圖魯名號。驍騎校伊爾庚阿。索多爾。凱花翎。驍騎校富勒登等。藍翎。餘升擢有差。

奏集卷五

十一

不管可見督撫等平日因循疲玩。凡遇鄰省交錯之處。彼此卸責。竟置地方於不管。故爾有此俗名。他省類此者。想亦不少。此案未經發覺之先。朕屢次密諭胡季堂。以內黃地方有巨盜張標。在彼藏匿十有餘年。犯案多次。令該督設法查拏。及途次召見時。又節節面諭。該督總以緩辦為詞。遲延至今。釀成巨案。若能早遵朕旨。出其不意。迅速掩捕。張標當已久經就獲。何至有長新店被劫之事。今張標雖經拏獲。傷斃戮屍梟示。若因正犯已除。復又疏懈。則盜匪等漸無顧忌。安知日久不又有張標其人。恣意劫掠乎。總之緝匪為安民之本。州縣之實力奉行。全在督撫之隨時督飭。斷不可存小不忍姑息之見。此疆彼界之心。致宵小從而潛匿。所有張標窩盜處所。究在何省地界。著直隸山東河南各督撫。彼此會議。酌派員弁兵役。常川駐劄該處。稽查彈壓。以專責成。又本日胡季堂摺內稱。在河

南內黃地方盜犯家內。起出烏鎗一節。烏鎗係軍營利器。久有例禁。不許民間私自藏用。年終該督撫將收繳烏鎗數目咨報查覈。而各督撫均以民間並無烏鎗一咨塞責。其實並未實力搜查。以致盜犯竟敢私藏攜帶。尤不可不重申例禁。嗣後各督撫務當嚴飭州縣認真禁止。不得視為具文。如民間再有私藏烏鎗。一經發覺。惟該督撫及地方官是問。至江蘭摺內所稱。遇有呈報盜案。州縣即親往踏看。飛咨鄰省嚴拏。又設立卡堡。鄰汛會哨嚴查。保甲挑選民壯。各條皆係舊行事例。並著各督撫酌量辦理。以期地方得臻寧謐。將此通諭知之。○戊午。諭內閣。近聞河南布政使恩明。辦理地方事務。精神不能振作。藩司大員。有綜覈錢糧。整飭吏治之責。恩明恐不能照料周到。致有貽誤。王秉韜著補授河南布政使。其奉天府府尹事務較簡。即著恩明補授。王秉韜著馳驛來京。陛見。速赴新任。

恩明俟王秉韜接印後。來京陛見。再赴奉天。新任伊未到任以前。所有奉天府府尹事務。著瑚圖禮暫行兼署。○己未。諭內閣。本年朕親政之始。即下詔求言。博採周諮。俾下情無不上達。內而大學士九卿。以及科道等。本應封章入告。而外省奏事者。向例至兩司而止。朕復降旨。令各省道員。亦得具摺奏事。廣諮詢之路。原以除壅蔽之端。自降旨以來。內外臣工。條陳時事者甚多。其言若有可採。當即

見之施行。或交部臣議奏。即言之未當。而所論尚無大謬者。亦從不加罪。然在京之各部郎中以下。及外省知府以下。從未有封奏之事。伊等俱係現任官員。深知國家體制。不敢越職言事。實屬分所宜然。而數月以來。候補捐納微員。以及平民。俱有自具封章。於軍機處及部院大臣前投遞者。在大臣等因廣開言路之時。不敢壅於上聞。朕閱其所言。稍有足錄。間有恩獎。而望恩倖澤者。遂視此為干

進之階。紛紛具摺呈遞。累牘連篇。不過首列頌揚虛語。後述干乞私情。於公事毫無裨益。且此等干乞之事。不獨大臣等不敢於朕前率行陳請。即各部院司員等。亦不當於堂官前徑情直達。而微員百姓。豈轉得於朕前瀆請乎。夫國家求言之意。原冀諸臣各抒謫論。上弼朕躬。下通民隱。以成郅治。然必定以官階予以限制。有言責者而不言。謂之曠職。無言責者而妄言。即屬越分。豈可令微賤之人

以自私自便之事。冒昧陳奏耶。且伊等果有冤抑之案。急於陳訴。原可向該管衙門具呈審理。該衙門斷不敢壅遏不奏。何必伊等違例自行具摺。況三年以來。軍務紛繁。教匪肆擾。從未有。一人情願投營効力。此時軍務就緒。大功指日可成。遂紛紛乞請投營。止為一身便宜。不顧國家體制。焉有如許間缺。以應如許無厭之求耶。嗣後不應奏事之人。不得妄行封奏。違者按例治罪。其應行奏事臣工。

如有實裨國政深中利弊者仍當直陳無隱以收兼聽並觀之效即日披萬言亦所深願諸臣不可誤會朕旨相率緘默用副朕諄切求言至意○烏魯木齊都統興奎奏請酌撤烏魯木齊三營庫爾喀喇烏蘇晶河兩營種地兵丁輪演技藝從之○以故扎魯特鎮國公塔爾清子達爾瑪已拉襲爵○庚申恭建高宗純皇帝聖德神功碑諭內閣欽惟皇考高宗純皇帝臨御區寓久道化成勤政愛民敷求郅治如

天之澤溥樂利於羣生維

德之純秉精誠於宥密

聖神文武巍蕩難名今

裕陵大禮告成應恭建

聖德神功碑昭示永久朕親承

彝訓敬念

鴻謨謹於齋居之次灑淚濡毫撰述碑文闡揚

駿烈雖

日月之光莫能描繪萬一而事皆實蹟言本至情足以輝映貞珉信乎億禩碑文曰洪惟我皇考高宗純皇帝體乾知臨巍煥鑠人耳目深仁醴澤浹民心於億萬年予小子曷敢規天極摹皦輪然而親炙

提命哀慕罔極有切於臣民所見聞者不辭掛漏敬用闡宥密揭綱條以昭信於奕禩敘曰高宗法天隆運至誠先覺體元立極敷文奮武孝慈神聖純皇帝

世宗敬天昌運建中表正文武英明寬仁信毅睿聖大孝至誠憲皇帝之四子也

母孝聖慈宣康惠敦和誠徽敬天光聖憲皇后

於康熙辛卯八月十三日子刻誕育

聖躬生而神靈年十二隨

世宗初侍

聖祖宴於牡丹臺一見異之曰是福過於予厥

秋扈

駕避暑山莊暨木蘭行圍

躬承

恩眷詳見

聖製紀

恩堂記於是灼然有太王貽孫之鑒而燕翼之志益定年二十有五繼嗣大寶初政日新天下咸誦堯舜復出善繼善述一念敬勤亘六十年不息倍乾體

天合一

郊

廟必親庶徵克念曰雨曰暘惟動丕應乾隆二

十三年夏旱

為文以雩曰嗚乎其惠雨乎步至

壇所讀祝未竟晨霞矗霄霖雨立沛自是有願

必孚故自號曰信

天主人惟

祖

考啟佑陟降在庭每晨恭讀

五朝實錄追遠篤親親揚先烈四詣盛京歲時

上

諸陵發聲必哀蓋終身孺慕孝乎惟孝也事孝聖憲皇后四十二年晨昏問侍扶掖安輦極尊養之隆祝釐讓善至於終身以古稀天子致戚盡禮有加於儒行純乎純孝也推仁錫類莫先親親則有念功繼絕紹開國睿親王豫親王之封普錫宗室四品頂帶尊賢重道則有懷舊三先生之詠

乾綱獨握刑賞予奪信若四時迅若雷霆平若

衡斗去己甚而不為己甚

躬勤萬幾批荅章奏不爽晷刻萬里之外若鏡照而的貫

六巡江浙捷石塘以捍海濬陶莊以奠河五詣闕里以及岱嵩五臺省方觀民行慶施惠所至咸悅歲乙丑庚寅丁酉庚戌乙卯五蠲天下正供丙戌己亥普免漕糧又全豁積逋者一水旱偏裒朝報夕發賑濟復緩之

詔歲不絕書賜帑金不啻鉅億億萬不以逆億

而稍屯其膏。所以重民。天固邦本。活貧憐之。黎庶如沙如塵。不可紀數。此則至仁善政。天信民順。培元氣於無垠。萬世子孫。所當法守者也。

天縱多能。執經心。闡史要。石鼓石經之碣。四庫七閣之弄。

御製詩五集。文三集之外。又成餘集。乾苞坤負。日光海湧。浩浩乎其無盡藏也。建辟雍。宴千叟。舉鴻博。經學之儒。開鄉會。文武恩科者十

四。存閔位以公大統。謚忠義而別貳臣。蓋敷文教者。裨矣。

天錫勇智。嘗

親御弧矢。二十發而十九中。歲猶木蘭。服不殫。猛。蒙古四十九藩。拱觀而震懼。再犂伊犁。名王扈馬。收回部。闢地二萬里。黃河之源。葱嶺于闐之山。皆列疆內。兩平金川。靖臺灣。歸緬甸。朝安南。降廓爾喀。

武功十全。而齊倫甘回。楚苗潢池。荏苒之俘。誠

不與焉。西洋航海諸國。卻奇琛而不寶。所以

昭德威於無外也。五福備臻。

親見五代九疇攸敘。壽開九如集。

列祖創守之大成。兼堯舜禹湯文武孔子之勲。

德。帝王以來。未有若斯之盛者也。臨御初元。

默禱於

天曰

仁皇帝享國六十一年。予不敢羸。

天克如所願。必傳位於子。勿違初志。乾隆六十

年乙卯秋九月三日。乃宣立儲。

詔明年丙辰正月朔旦。遂

授璽於藐躬。辭不獲允。

訓政三年。耳提手攜。辟咎加膝之恩。無以喻也。

子臣日侍

慈顏。每以敬

天。法

祖。勤政愛民。四大端為

誨。而以為人君止於仁二語。時存於心。行之必

本於誠此三年中常承之

訓子臣服膺勿敢失並告之子孫以為

心傳

家法也凡遇朝會燕饗子臣侍坐恭陪親愉

色笑上

壽捧觴

手賜有饌藹然

父子家人之樂侍從諸臣及外藩陪隸咸目覩

傳為

天家盛事子臣方期我

皇父壽邁期頤來雲繞

膝合天下萬國歡心永祝無疆之慶而

聖體康強神明彌健乃自去冬至日後偶染微

寒猶孜孜宵旰

訓政如常今己未正月三日疾大漸猶

手握子臣手勤拳眷愛至辰刻竟脫屣

升遐嗚乎痛哉攀髯號弓天裂地震蓋

聖壽八十有九從此予小子何所仰怙哉伊古

世及傳子之帝有如我

皇父之慈者乎繼統受命之君有如予小子受

恩之重者乎予小子其何以報

昊天之德繼統亦不已之志以仰慰

在天之靈於萬一也嗚乎痛哉敬卜於是秋九

月庚午塋葬

裕陵以

孝賢誠正敦穆仁惠輔天昌聖純皇后

孝儀恭順康裕慈仁翼天毓聖純皇后暨諸母

天篤

聖萬古一人惟

聖合

天萬善一身於穆

皇考得

天之純嘏乎

高哉曷克擬倫生而神哲少長岐嶷

聖祖灼知孫有聖德曰福予盈惟是貽翼

世宗繼志題名殿極嗣

聖握符飛龍在天初政濯濯久道乾乾日新又新八十九年始終一貫智周聖全

四郊六宗至誠禮格雨暘肅乂欽呼

天尺信

天天順如攜如獲四得無違十全有奭

文謨

武烈丕顯丕承念茲在茲繼繼繩繩長白鴨綠

東

西山陵四孟大裕儉愷式憑孝於

慈寧扶掖安膳松鶴怡愉袞龍舞抃頤養豫遊

孝思齋奠

古稀孺慕推仁錫羨民惟邦本圖易思艱底績

河海鞠謀痼瘵

大賚鉅億散金邱山保我赤子甦枯飮孱時巡

歲省達聰明目懲貪察廉六馭在握惟日孜

孜以永天祿執兩用中權衡圭粟

文思天亶萬卷緯經淵源津溯甲乙丙丁五三

御集金石碣銘八音從風北極拱星

大武維揚張我九伐北盪天山西厭月崑

廟謨神斷審幾在括金川紅毛至於拔達八徵

九敘既壽且康初服禱

穹繩武不遑

天如從願周甲寨蒙簡畀忝德敢不敬慶倦勤

彌勤

授政訓政嗟予小子神視氣聽乘雲帝鄉攀號

無榮

羹牆如在曷溫曷清

聖德蕩蕩

神功巍巍於昭在上嗚乎瞻依聖水淙壑靈山

翠微億年安宅肇我不基○戶部奏籌備各

省封貯請於報捐監生普收折色徑赴藩庫

交納從之○免雲南石屏州地震災民本年

額賦○辛酉

孝淑皇后殯宮月祭遣官行禮○旌表守正被

戕河南祥符縣民申貴妻王氏○壬戌正藍

旗滿洲副都統永來緣事降調調正紅旗漢軍副都統鐵保為正藍旗滿洲副都統以內閣學士廣興兼正紅旗漢軍副都統○實授吳璥為河東河道總督○旌表守正捐軀湖南長沙縣民王宗宜妻彭氏守正被戕直隸成安縣民秦廷選妻朱氏陝西大荔縣民張代宗妻朱氏○癸亥旌卹遇賊捐軀湖北巡檢夏永謙妻邱氏子存寬子婦程氏子妾陸氏孫清澄孫女三姐及乳母婢女等十名口

如例○甲子遣官祭

先醫之神○諭內閣額勒登保奏稱乾清門侍衛公安祿在王家山地方追賊於樹林內突遇賊出槍刺安祿落馬陣亡等語安祿係海蘭察之子海蘭察前在

皇考時屢經宣力功績懋著今安祿甫至軍營即能奮不顧身追賊陣亡海蘭察於九泉下亦當自喜有子然朕心深為憫惻安祿所襲伊父海蘭察公爵著交該旗不必俟年終即

著承襲應得卹典該部查例具奏尋遣乾清門侍衛富翰及其弟安成往迎靈柩散秩大臣侍衛等往奠茶酒並賞銀一千兩治喪入祀昭忠祠嗣該旗奏安祿新生一子賜名恩特赫默扎拉芬命襲公爵弟安成襲騎都尉世職○諭軍機大臣等廣厚奏籌辦番案情形一摺該省貴循兩廳所屬番民因與黃河南之蒙古納漢達爾濟等五旗遊牧毗連該王公扎薩克等屬下不肖之徒勾引賊番搶

劫其河北之索諾木多爾濟等二十五旗以河南五旗為屏蔽嗣因青海辦事大臣策拔克奏令五旗移住尚那克空出遊牧地方野番得以占據又察罕諾們汗一旗不願搬往尚那克經蒙古三都布等勾結河北空地居住因不善管束仍任屬下逃往河南與野番勾結搶竊是河北二十五旗蒙古被搶先因納漢達爾濟等移徙徹其藩籬後因勾結察罕諾們汗空地開門揖盜廣厚務將為首各

犯查獲懲治並將該處應如何定立界址復設卡倫並體卹屬下不致逃散之處悉心籌議以期清盜源而安邊界將此諭令知之○又諭本年朕親政之始聞松筠為人尚能持正即擢用陝甘總督晉加宮銜乃伊數月以來辦理殊多錯謬即如慶成係革職拏問尚未定罪之人輒令帶領撒拉爾回兵前赴西鄉既已檄調一經奉到諭旨旋即撤回回兵素性驕悍儻因此心生疑畏別滋釁端更復成何事體又如恒瑞本在甘境專辦蓋號賊松筠令其回陝致蓋號賊乘間他竄至今貽害本日據額勒登保奏遊擊阿克東阿原在甘省追勦楊開甲等股賊匪經松筠飭回西鄉行抵界牌遇賊陣亡是阿克東阿之死及楊開甲等之遺孽未盡實皆松筠之咎其種種調度失宜殊負委任著先將太子少保及御前侍衛革退拔去花翎用示薄懲仍留頂帶以觀後效並傳旨嚴行申飭至那彥成係特

派督兵勦賊之員前赴五郎一帶已覺稍遲於軍務籌辦情形又未及早馳奏轉將終南山嶺谿澗敷衍聲敘尤不免存畏難之見現調盛京吉林兵陸續到陝正當乘其新到銳氣用以勦賊乃以盛京兵一千撥給柯藩是新到勁兵復以分而見單則追勦賊匪又將以兵少為辭豈不蹈從前帶兵大員陋習耶那彥成著傳旨申飭○以正紅旗蒙古副都統縉布為總管內務府大臣○命都察院左

副都御史蔣曰綸提督山東學政○旌表守正捐軀廣西陸川縣民李時銘妻陳氏○命調雲南貴州馬各五百匹解往四川軍營○乙丑河東河道總督吳璥乞假養親允之以山東布政使全保護理河東河道總督○丙寅諭內閣向年恭遇聖祖仁皇帝忌辰誕辰皇考俱親詣奉先殿

壽皇殿行禮而於

世祖章皇帝忌辰誕辰則遣諸王輪流恭代蓋
祀事常儀應有限制是以恭遇忌辰誕辰親
詣行禮之處近逮

祖

考而

曾祖以上則遣諸王恭代具有等差本月十三
日恭值

聖祖仁皇帝忌辰朕若親詣

奉先殿行禮則視

皇考恭遇

世祖章皇帝忌辰誕辰遣代之禮為有過之朕
不敢也至

壽皇殿則供奉

神御始自

聖祖與圓明園之

安佑宮相等密通宮庭較之

奉先殿之崇祀

列聖者又有不同每遇忌辰誕辰例皆陳設供

品本月十三日

聖祖忌辰朕自應親詣

壽皇殿行禮我世世子孫皆當永遠遵照遇

祖

考忌辰誕辰必親詣

奉先殿行禮至

曾祖以上則於

奉先殿應遣恭代其

壽皇殿及圓明園之

安佑宮自

聖祖仁皇帝以後萬世供奉每遇忌辰誕辰皆
應躬親展敬所謂禮緣義起者此也著將此
旨傳諭近支諸王並交內務府大臣敬謹存
記○又諭前經降旨今在京大臣等於京外
各員就其平日所知者各行密保以備擢用
而至今未見有保奏者在該大臣等於慎選
人才之事自不可急遽塞責然或慮及所保

之人有初終易轍恐登薦剋干係處分以此心存觀望此則可不必溯查乾隆初年各大臣等保列人員為數甚衆後來服官莅事不負任使者固不乏人而才具不逮所保者亦往往而有蓋人材難得保其既往不能保其將來且居官任事自始至終豈能盡無一眚若皆歸咎原舉之人孰肯輕為推轂乎茲特再行申諭各該大臣等惟當擇其才守優長堪資簡擢者各舉所知入告以收得人之效

若將來簡用後有大奸大惡及貪贓枉法者自難辭濫保之愆若不過因事獲咎即至於降黜者亦斷不求全責備罪及舉主該大臣等務須仰體朕意秉公保奏以副延訪殷懷毋庸多所顧慮以致長才淹滯也○又諭朕恭閱

皇考高宗純皇帝實錄內載李禧條奏在京漢軍兵丁請借四箇月錢糧並懇格外施恩賞給資生銀兩一事其時王大臣等以李禧諸

事敗露且將密奏之件宣揚示恩所奏且不必施行欽奉

諭旨李禧劣蹟雖已敗露其人甚屬可惡而其言未必一無可採此魯論所謂不以人廢言也至於以市恩歸咎臣下朕不為也何則條陳在臣下而允行則出朕旨臣下之承流宣化即朕之恩施臣民也若臣下恐居市恩之名而將應行之事格而不行以致膏澤不能下逮朕實不忍其賞給漢軍兵丁生息一事

豈可因李禧陳奏而中止著交該部定議恭

繹

訓言仰見

聖謨廣遠勤民求治之道實為包舉靡遺夫人臣事君惟在秉公持正任事實心於旗民利病據實上陳固不當懷市恩邀譽之念但諸臣等若豫存此見將一切應行陳請加恩事件匿不以聞則下情何由上達且臣下心跡之公私惟繫乎其人在深知獻納之義者嘉

謀嘉猷入告我后而順之於外曰惟我后之德此歸美於上誼所當然若挾私干譽者即實係恩出上意之事方將擢為己功揚言於衆尚安冀其有公忠體國之心乎是市恩與否惟在諸臣問心自省朕斷不以此逆億况各省雨暘豐歉及小民疾苦豈朕所能周悉若內外諸臣相率緘默何以抒下情而宣上德耶茲仰誦

遺謨特為剴切申諭凡諸臣有應行奏請加恩

事奉本朝

三

事宜務當臚實入告切不可以跡涉沽譽恐因此獲譴引嫌不奏則甚非朕殷殷圖治諮詢民瘼之意矣至於封章入奏理宜慎密所謂君不密則失臣臣不密則失身內外諸臣果實心為國於裨益政治民生之事封達朕前即至親密友亦不可稍有洩露是又在諸臣屏去私衷各抒讜論朕實有厚望焉○命科道官引見接連告假三次者照規避例題叅○旌表守正被戕湖北黃安縣民彭五七

母葉氏○蠲緩湖北被賊滋擾之竹谿竹山房保康南漳東湖興山歸巴東九州縣及鄰近賊氛之鄖西鄖均光化穀城棗陽襄陽宜城遠安當陽長陽鶴峰長樂十三州縣本年夏秋冬三季起存驛站並各衛屯餉額賦有差○丁卯

聖祖仁皇帝忌辰遣官祭

景陵○

上詣

事奉本朝

三

壽皇殿行禮○予故兵部尚書公富銳祭葬如例諡恭恪○戊辰以正白旗蒙古副都統常林為河南河北鎮總兵官鑾儀衛冠軍使國霖為正白旗蒙古副都統賞伊犁協領瑚圖凌阿副都統銜為領隊大臣○旌表守正捐軀山西歸化城民郝茂英妻鄧氏

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十四

實錄卷之五十四

三十七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十五

敘修

嘉慶四年己未十一月庚午定護任處分從

實錄卷之五十五

二

寬例諭內閣兵部議處護太原鎮印務參將
富德降一級調用一本固屬按例辦理但此
案若係本任總兵徇庇屬員自應按例降調
富德究係參將暫護總兵未必不以官職與
恩特赫默相等是以不行揭報若竟予降調
與本任總兵無所區別富德著改為降二級
從寬留任嗣後遇有似此案件皆當分別本
任護任照此辦理併著該部纂入例冊○添
設步軍統領衙門郎中一員從步軍統領布

彥達賚等請也。以己革一等男慶麟兄慶長故二等男白明子崇貴各襲爵。○賞桃挖河道葉爾羌五品伯克額則斯花翎六品伯克和琳霍卓斯第克藍翎免挖河回民七百名次年額徵普爾錢一半。○卒未諭內閣朕恭閱

高宗純皇帝實錄內載署江蘇巡撫顧琮奏酌平鹽價一事

聖意以巡鹽諸臣奉行不善特奉

諭旨朕原謂肩挑背負之窮民不禁耳豈謂私梟而亦不禁乎若此則狼莠不除而嘉禾敗矣夫目前奏摺諸臣一則曰請寬某件云云再則曰請寬某件云云不知今日之請寬者即向日之一則曰請嚴某件云云再則曰請嚴某件云云者也不論與吏治民生有益與否而但覘上之意以為奏摺辦事之張本是豈公爾忘私古大臣之謂乎恭繹

訓言仁育義正實為萬世不易之法敬惟我

高宗純皇帝乘乾御宇上繼

世宗憲皇帝十三年勵精圖治整飭肅清之後彼時諸臣或私心窺測諸事皆請從寬故

特降諭旨示臣工以寬嚴得中之準六十年來權衡庶政覆載無私用成郅隆之化朕繼承

鴻緒勉紹

前謨惟期不偏不倚一秉公正實未嘗豫存從

嚴從寬成見本年正月親政之始於初八日

將大學士和珅革職拏問十八日賜令自盡

實有不得不辦之苦衷節降諭旨甚明為天下臣民所共諒然朕之衷懷實非得已頗覺

已甚而進言諸臣多有以近來政務近寬規朕以宜加嚴厲者試思庶事雖紛其理總析

衷一是宜寬而寬宜嚴而嚴原視事理以為斷若有意從寬從嚴則此心即已涉私非大

公至正之謂也夫風雨露雷無非至教若終日震霆交作而無藹霽尚復成何景象如惟

有長育而無嚴肅又何以成時序乎是天道

之運行即政令之法效朕惟有體

天出治刑賞溫肅一切不參以己見務在持平
即如長新店盜案未經發覺之先朕早密諭
胡季堂等留心訪拏張標以除積年巨盜無
如該督等因循不辦以致有長新店搶劫之
事及一經破案即嚴飭上緊緝拏現已陸續
獲到多名正法梟示亦何嘗稍有姑息乎至
於軍營帶兵大員其功罪尤應詳覈如勒保
明亮永保慶成等皆因其辦理延玩先後拏

問然亦必詳細鞠訊務俾情真罪當方可定
讞寧有因整飭軍紀將罪狀未明之大臣遽
加之重典乎總之政治得中則恩威賞罰自
無畸重畸輕之弊諸臣等不可心存揣測以
朕一事寬辦即相率而務從寬一事嚴辦復
相率而務從嚴其各屏除私臆咸矢公忠以
佐朕執中之治將此通諭中外知之又諭
御史彭希洛奏請禁外省官員勒令告病並
嚴禁州縣浮收條銀文武員弁諱盜一摺所

奏俱切時弊據稱外省道府州縣等官有庸
劣不稱職者該上司或因保舉在先規避處
分或故示寬厚稍存容隱並不隨時據實劾
奏祇令告病此等人員病痊仍可起復補官
不足以昭炯戒再徵收錢糧各省州縣多有
浮收之弊如江蘇有徵收條銀官設銀店每
一兩浮收銀三四錢不等其將錢折交者每
一兩收大錢一千四百文不等州縣既已
浮收胥吏又從而侵蝕現經嚴除漕弊恐不

肖官吏因出息較少於徵收錢糧時又致逐
漸加增至各省地方有被盜案件文武員弁
每因規避處分捏報竊案且有賄囑事主隱
忍者以致盜匪無所顧忌乘間搶劫各等語
該御史所奏俱屬應辦之事各督撫嗣後於
所屬道府州縣等員遇有劣跡應行參奏者
務須秉公嚴劾勿稍徇隱僅有仍前勒令告
病而任內劣跡別經發覺者將各上司嚴議
錢糧一項例應民間自封投墮久經嚴禁私

設官店以杜浮收其鄉民內向有折交錢文者若竟行禁止恐小民不諳銀色反受胥吏愚弄各督撫務於開徵之先按照時價覈定換銀上庫之數每兩徵收大錢若干文出示曉諭聽民自便毋許絲毫浮收至文武員弁諱盜本干嚴議各督撫務須嚴密訪查通行曉諭如有諱盜情弊許事主赴各上司衙門呈控即據實叅辦若該上司扶同徇隱別經發覺將該管上司一併嚴議決不寬貸將此

六

通諭知之旌表守正捐軀浙江奉化縣民鄔得之妻陳氏戶部議准前署雲南巡撫富綱疏報陸涼河西定遠姚師宗鎮沅恩樂七州縣開墾田二頃六十六畝有奇照例升科從之壬申諭軍機大臣等滿洲及東三省官兵素性趨健勇於赴敵而統兵大臣調度不善往往零用派撥攪入綠營隊中以致力分見單轉有輕身陷陣之事實為三年來軍營通病著額勒登保及各路帶兵大臣嗣

後派兵勦賊總將滿洲東三省官兵自為一隊使我精兵蓄養銳氣於應行奮擊時令其併力直前以勦烏合亂民自必所向披靡免黑龍江種地兵丁本年未完糧○癸酉普免積年民欠諭內閣現屆長至

圓丘大祀

高宗純皇帝升配禮成後自應仰推

皇考恩慈用敷惠閭因思乾隆六十年以前各省積欠緩徵地丁耗羨及民欠籽種口糧漕

七

糧銀兩並積欠緩徵民借米穀草束等項現在應徵者尚復不少著該部通行各省詳悉查明將以上各款自乾隆六十年以前普行豁免俾寰宇羣黎同沾

遺澤於乾隆年間逋欠銀米等項永免追呼用仰副

皇考六十年來予惠元元至意即將此二條入於

升配恩詔款內又諭各省旗丁押運赴通沿

途用度甚多。糧道又將旗丁應領各項不行如數發給。以致旗丁向州縣加增幫費。而州縣遂得任意浮收。積弊已非一日。前經降旨清釐漕弊。並令各督撫將一切陋規開單進呈。又酌增旗丁貼費。據各督撫將運丁津貼籌款增添。節次交部議行。並據岳起、荆道乾先後奏到。應禁陋規。自當概行裁革。現在幫船沿途濫費。既已刪除。而旗丁又得增添津貼。用度寬餘。自不致仍前支絀。不能復向州縣索費。而州縣更不能藉口浮收。從此漕務肅清。諸弊可期盡絕。著將岳起、荆道乾兩次奏到清單。交該部通行有漕省分督撫。及總漕巡漕倉場衙門。將一應陋規永遠禁革。自此次飭諭之後。儻有陽奉陰違。仍前滋弊者。一經查出。必當從重治罪。決不寬貸。○又諭戶部覈議直隸通省虧欠攤賠各款。分限完交一摺。倉庫錢糧均關國帑。豈容任意懸欠。今直隸一省自乾隆三十二年以後未清銀

款至一百四十四萬餘兩。歷任各官至一百三十九員之多。此等虧欠帑項之員。本應按照定例分別治罪。豈追惟念歷時已久。人數過多。是以前次胡季堂奏請將各員提集省城追繳。當經降旨以各省官員衆多。俱行提集省會。殊非政體。因將胡季堂奏到原單交部查辦。茲據查明分別開單呈覽。除不知存歿各員查明另辦外。所有現在虧欠各員其銀數在一千兩以下者限半年追完。一千兩以上至五千兩者限一年追完。一萬兩者限二年追完。二萬兩者限三年追完。三萬兩者限四年追完。三萬兩以上者限五年追完。此內虧欠不及一萬兩之員著革職從寬留任。已回旗籍者革職暫留頂帶若限內全完准其開復。其數逾一萬兩之員革職即令離任。已回旗籍者亦著革職按限著追。如限內全完奏明請旨。此係朕格外施恩。將應行治罪各員於無可寬貸之中免其治罪。該員具有

天良自應將虧欠銀兩依限措交若再逾限不完斷難曲宥必當照新例將各該員監禁嚴追矣至攤賠各員與本身虧欠者尚屬有間除現存之員照戶部定例按限追交外已故人員著照前此恩旨一千兩以下者全行寬免一千兩以上者免十分之五二千兩以上者免十分之三此皆因直隸一省差務繁多數倍他省地方官平日經理不善或有借墊等項不能及時歸款以致日久拖延人數過多故加恩特從寬典若他省別無差務可以藉口倉儲庫項皆當覈實清釐豈容稍有虧欠如有查出虧短帑項人員必當按例嚴懲不得援照直隸之例妄希寬辦也餘著照所議行又諭御史周枋請嚴禁交代私立議單並嚴定咨追章程一摺據稱地方官前後交代於限內未能清楚則以限期已屆權為出結而當同監交之員私立議單以俟徐為補償遂致升遷事故各員已經到任與已

回旗籍者多有申請咨追甚至動用公項不能彌補竟至含混其中飛灑隱射及咨追各處或完未及半又以無力完繳詳請豁免冀為開銷地步等語此實外省通弊錢糧交代有無虧短均於限內結報定例綦嚴若聽其私立議單設法通融將前任虧短之銀又復帶至新任措銀賠補是舊任之虧欠甫完而新任之虧欠又增成何事體嗣後各省督撫於所屬地方官交代一節如於限內未能交清應令接任官逐款查明揭報上司將該員截留在省務須交代清楚方准赴任回籍不得通同寫立議單希於限外通融彌補致干例禁儻仍前積弊一經發覺除監交出結之員著落賠補外並一體治罪仍將各該上司分別嚴議將此通諭知之○諭軍機大臣等目下賊蹤所聚大率在陝之南川之北該處路徑叢雜若止於境內追擊則賊匪路路可通難以攔截額勒登保那彥成二人雖分兩

地實則同辦一事惟當無分畛域將各股賊匪併力兜截一處協力奮勦至各處民人團集保聚最為善策當飭令地方官曉諭居民互相捍禦俾賊匪無從搶掠其有與賊通信及為之接濟者查拏治罪如此衆志成城可期事半功倍將此傳諭知之○又諭那彥成等自前月至本月初間連日遇賊即擊不予以暇於大建溝板房子等處督率兵勇跟蹤追截俱有新獲而綸布春職戮較多鄉勇楊太和殺賊奮勉所奏自係實在情形不似從前軍營虛報惡習據稱殺賊地方皆係老林為官兵從未到過之地可見從前帶兵大員等奏報不實至現在張漢潮餘匪又有冉學勝高遇春等為首以老林為窟宅自因張漢潮職斃後勢窮力蹙是以糾夥竄入為困獸猶鬪之計那彥成現飭將領步行追勦並親入老林督率進擊據陳一切情形有憤不欲生之語實為過當現在竄匪不過張漢潮餘

黨固不值與之親身決戰即係著名首逆亦不值為此語那彥成係軍機大臣經朕派往督師豈僅責以衝鋒陷陣之事賊匪既竄入老林即當設法鼓勵兵勇或選派能事將弁入山將賊匪轟出或放火焚燒俾賊不能逃匿那彥成督率精銳官兵俟賊匪出林或用鎗礮或用弓箭痛加勦殺方為正辦不獨那彥成不應冒險深入即領兵大員如綸布春等亦不應令其輕涉險地今那彥成既親入老林則台布同係帶兵之人勢難落後自必同時深入試思伊二人俱冒險輕進設有疏虞於大局關繫甚重即如木蘭行圍逐虎亦必須設法將虎引出密林方可槍斃斷無徒步入林與虎爭角之理且老林內路徑險窄即一二巴圖魯親自搏戰亦不能得力何況那彥成台布均係文員即涉險深入有何益乎那彥成此奏誠匹夫之勇太不知輕重矣且據稱嚴飭將領俱舍騎步行分投入林盛

京吉林勁旅馬上馳騁。是其所長。若不令乘馬。焉能得力。閱之甚不放心。並據稱於深林密箐中。直趨秦嶺。即糧運不繼。均可尋覓包穀。通融接濟。似此情形。竟不忍看矣。那彥成固當奮勇勦賊。然亦當萬分斟酌。切不可過於憤激。轉致胸無把握。至請借支尚書都統廉俸五年。共四千八百兩。那彥成現在督兵勦賊。自不無需費之處。所有應得尚書都統廉俸。伊家中寡母妻子。資以養贍。竟毋庸借支。著加恩另行賞給。那彥成銀六千兩。為賞兵等項之用。於陝西藩庫照數支領。不必入軍需項下開銷。至台布所請豫支養廉二年之處。著照所請行。又據奏。富成原帶兵一千一百餘名。皆被禍。無禪閱之不忍注目。那彥成現已親加撫慰。賞賚。自應如此辦理。官兵等均係為國敵愾之人。何可令其衣被藍縷。一至於此。那彥成既目擊富成官兵如此情形。將來伊所帶之兵。自必隨時體卹。勿令困

乏。現在所賞那彥成銀六千兩。並台布准支二年養廉。正為此等賞需之用。現屆嚴冬。著賞那彥成貂皮馬褂一件。台布綸布春烏雲豹馬褂各一件。以示挾纘推恩之意。將此傳諭知之。○以殲獲賊首張漢潮。李潮功。賞侍衛桑吉。斯塔爾。副都統銜叅將傅雲。遊擊羅全亮。守備王成傑。花翎千總李國杰等。藍翎餘升。擢有差。○廣東高州鎮總兵官穆騰額。以年老休致。○甲戌定題。本漏印處。分例諭內閣。哈當阿具題。交卸鎮印。愛新泰具題。到任日期。二本俱遺漏。用印經內閣票擬飭行。向來內閣於各省本章。遇有字畫錯誤及違式者。均票擬飭行。今此二本俱遺漏。用印非尋常錯誤。違式可比。哈當阿。愛新泰。俱著交部。照例議處。嗣後有似此遺漏。用印者。俱著照此辦理。○以光祿寺卿穆克登額為通政使司通政使。○乙亥。以

圖丘大祀致齋前期命

皇太子 諱

孝淑皇后殯宮行冬至祭禮。命禮部右侍郎文寧在上書房行走。丙子命文職三品以下京堂官照圓明園例輪班奏事。福建水師提督哈當阿因病解任以金門鎮總兵官李南馨為水師提督。臺灣協水師副將馮建功為金門鎮總兵官。以故土爾扈特濟爾噶朗貝勒默們圖子額爾德尼襲爵。賞烏什阿奇木伯克等裁撤屯兵所遺油麻地畝。從辦事大臣徐績請也。○丁丑額勒登保奏報圍剿徐添德等股賊匪擒賊目賈正舉等得旨嘉獎擢乾清門侍衛春寧為御前侍衛副都統阿哈保等下部議敘餘升賞有差。○撥部庫銀五十萬兩解往河南以備軍需。○以故哈薩克王杭和卓子江和卓襲爵。○旌表守正捐軀浙江諸暨縣民盧高炳妻章氏。○

上以冬至祀

天於

園丘自是日始齋戒三日。戊寅以恭奉

高宗純皇帝配

天先期遣官告祭

天

地

太廟

社稷。○諭內閣各省官員計典則有卓異俸滿

則有保舉其有賢能出眾者例准專摺保題

各督撫等若能於平日留心體察遇有保薦

擇其有實政在民者登諸薦牘則各州縣等

咸知感奮勉奏循良無如各督撫平日於屬

員中應對稍覺明白差委尚能勤奮者輒視

為能吏遇保薦時即將伊等列入此等人員

未必真有賢聲惠績而其人遽邀升擢甚有

上司以為能員而小民以為虐吏者殊非澄

敘官方之道總以巧言便給為能員以剛毅

木訥為不曉事實為近年惡習州縣為親民

之官總以能知百姓疾苦培養元氣方為稱職嗣後各省督撫凡遇屬員卓異保舉及專摺奏請升任各員務須慎重遴選察其心術訪諸輿論以操守端潔盡心撫字者為上不得概以言貌取人則轉移風氣吏治淳而民自受其福矣將此通諭知之○又諭內外衙門書吏積慣舞弊最為惡習外省各官遇有題升調補議敘議處報銷各項並刑名案件每向部中書吏賄囑書吏乘機舞弊設法撞騙是其常技至運京餉銅顏料各項解員尤受其累自投文以至批迴稍不滿欲多方勒索任意需索動至累百盈千名曰部費公然斂派即督撫亦往往明知故縱至外省督撫藩臬以及州縣各衙門凡應辦事件亦不能不經書吏之手藉端滋弊甚至上下勾通均所不免現當吏治肅清之時豈容猾吏蠹書從中播弄嗣後各省官員務須正己率屬廉潔自持嚴明馭吏汰除冗散懲創奸胥以杜

外省書吏之弊在京各部院堂官惟當督飭司員等每事躬親熟觀例案實心勤職儻有積猾吏胥密訪得實即行嚴辦以杜在京書吏之弊儻經此次訓諭之後內外各衙門仍視為具文尚有前項情弊別經發覺或被科道糾參必將該管各官分別議處勿謂誥誡之不豫也將此通諭知之○又諭明亮永保等帶兵剿賊種種遲延玩誤捏飾誑報及得受餽送各情節節松筠所擬俱屬按律辦理除明亮永保俟解京後另降諭旨外興肇本係糊塗無能其在軍營帶兵惟知隨同明亮支吾朦混節次明亮所發奏摺或竟未與興肇閱看即打仗處所亦未必親到祇係隨同列銜其罪較輕非因伊係宗室即從未減興肇著改發烏魯木齊効力贖罪交與興奎嚴加管束慶成從前帶兵曾經受傷此次係自行屢請前往軍營且擊勦張漢潮時亦尚能跟蹤追躡伊以受傷之人尚思出力情殊可憫

而其從前在湖北軍營勦辦賊匪。彼時係永保總統。景安在豫防守。慶成祇係帶兵協同勦賊之人。賊匪闖入豫境。竄往陝西。亦非其貽誤。慶成著改發伊犁効力贖罪。交與保寧嚴加管束。命睿親王淳穎定親王綿恩在御前行走。廓爾喀額爾德尼王喇特納巴都爾吉爾巴納租塔畢噶爾瑪薩野表進年貢。賜勅獎養如例。賞額勒登保四川藩庫銀一萬兩。德楞泰五千兩。以充軍賞。旌表

十一

十一

守正捐軀直隸無極縣民劉澤東妻魏氏。浙江龍游縣民許文盛妻俞氏。戶部議准廣東巡撫陸有仁疏報恩平西寧二縣開墾水田五十二畝有奇。照例升科。從之。己卯。

上詣

南郊齋宮齋宿。諭內閣前據費淳奏富綱在總漕任內有得受衛弁銀兩之事。曾經降旨令書麟詳悉查訊。茲據書麟覆奏富綱在任時有已故守備支秀發向衆告知在濟寧謁

見富綱時。面言及賠項甚多。用度不敷。似有欲令幫助之意。囑令各備弁量力餽送。各備弁於稟見時。富綱亦曾露用度不敷之語。是以各措銀一二百兩至三百餘兩不等。俱交支秀發轉交富綱管門家人劉姓接收等語。富綱係漕運總督大員。不知潔己奉公。乃向所屬備弁需索幫費。約計書麟查奏清單。富綱於江浙兩省備弁內所得餽送已不下萬兩。而江西湖廣豫東等省。備弁有無餽送。現尚未經查出。是富綱任意貪婪。實為卑鄙無恥。富綱著革職拏問。交書麟嚴審定擬具奏。并著查抄家產。以為大員貪黷者戒。庚辰冬至祀

天於

園丘。

上親詣行禮。恭奉

高宗純皇帝配享如儀。遣官祭

永陵。

福陵	昭陵	昭西陵	孝陵	孝東陵	景陵	泰陵	泰東陵	裕陵	遣官祭	端慧皇太子園寢	停次日朝賀	以恭奉	高宗純皇帝配	天禮成頌詔天下詔曰朕惟明天察地仰洪造	以升裡假廟饗親崇上儀而陟配明堂宗祀	伊嘏頌於我將時夏陳常率育歌夫帝命粢	稽殷薦懋著隆規我國家久道化成大猷光	被	吳慈篤眷	世德重熙
----	----	-----	----	-----	----	----	-----	----	-----	---------	-------	-----	--------	--------------------	-------------------	-------------------	-------------------	---	------	------

太祖高皇帝	太宗文皇帝	世祖章皇帝	聖祖仁皇帝	世宗憲皇帝俱已配享	蒼穹垂光億祚欽惟	皇考高宗純皇帝	德孚位育	撰合清寧	審視聽於民情	順行生於物化	緝熙夙夜裕康強純固之神保定升恆恢溥博	高明之量肅精裡而昭事誠格	居歆彰顯道以敷施德崇孚佑	恩膏布渥雨露涵濡	文治光昭星雲紉縵	神功丕運倅怙冒以無私	清問常周儼鑒觀之有赫體元建制齊七政於
-------	-------	-------	-------	-----------	----------	---------	------	------	--------	--------	--------------------	--------------	--------------	----------	----------	------------	--------------------

乾儀省歲安氓協五辰於時紀平成底績巍
蕩難名。演義畫而萬國咸寧。繹箕疇而庶徵
來備。建百世不祧之

廟率

祖攸行。慰八紘懷

德之心配

天其澤。允宜陟

泰壇而右享。繼

列聖以時歆。是用博考前章。奉遵上典。敬昭告

天

地

宗廟

社稷率諸王貝勒文武羣臣。於嘉慶四年十一

月二十六日冬至恭祀

上帝於園丘奉

高宗純皇帝配享。嘉慶五年正月十八日次辛。

祈穀於

上帝。五月初一日夏至恭祀

皇地祇於方澤並奉

高宗純皇帝配享。薦敬薦時福嘏偕申於妥侑
事

天事

地。孝熙并洽於尊親。既懋崇徽。爰宣浩澤。所有
事宜。開列於後。一各省乾隆六十年以前積
欠緩徵地丁耗羨及民欠籽種。口糧漕糧銀
兩。俱著豁免。一各省乾隆六十年以前積欠
緩徵並民借米穀草束。俱著豁免。一

歷代帝王陵寢。

先師闕里。應遣官致祭。著察例舉行。一五嶽
四瀆等祀。應遣官致祭。著察例舉行。一直隸
各省童生入學額數。大學著增七名。中學增
五名。小學增三名。詔到舉行。一次不著為例。
一地方有才品優長。山林隱逸之士。著該督
撫覈實具奏。酌予錄用。一各省民人孤貧殘
疾。無人養贍者。地方官加意撫卹。一各省要
路橋梁及過渡船隻。間有損壞妨礙行旅者。

地方官查明隨時修理。直省軍流以下人犯分別減等發落。傷病留營兵丁不能充伍者該管將弁查明本家如有子弟至戚可以教練差操即令頂食名糧免致失所。於戲詔謀垂佑啟之仁敷聞在下觀德協穆清之化峻極於

天。綏我思成。浹神人而播愷錫茲祉福。胥宇宙以覃庥。布告天下咸使聞知。論內閣前以祈穀乃新春典禮自應在立春以後得辛舉行

奉聖主

主

明歲庚申正月初八日上辛應行

祈穀大祀係在立春以前因致祭日期業於昨歲奏明

高宗純皇帝不敢改議是以降旨仍照禮部等

衙門原題日期行禮嗣後

祈穀大祀總以春後得辛為度本月二十六日

南郊大祀恭奉

皇考升配先期詣

壇齋宿齋宮內向俱懸掛

皇考御製詩章扁額並陳設

御筆詩冊朕自受璽後即敬念

皇考精誠對越舉凡治法心法俱見之於

御製詩中朕每遇宿

壇必將

詩扁詩冊恭誦一周以昭虔恪此次敬閱至乾

隆己酉年

祈穀禮成述事詩內有今年九日立新春

祈穀虔應值次辛之句因恭查詩註內載今歲

奉聖主

主

正月初九日立春若用初四日上辛

祈穀則尚在臘月內是以用十四日次辛仰見

皇考聖意亦以

祈穀典禮應在立春以後得辛舉行為是明歲

庚申

祈穀日期上年雖經禮部等衙門循例具題惟

敬憶

皇考嘗舉論語祭如在祭神如神在及吾不與

祭如不祭之言以

示訓。自嘉慶元年以來。

皇考傳位後。凡遇

郊

壇大祀。俱係朕恭詣行禮。是以每次具題致祀

日期本章。俱令送朕閱看。明歲庚申上辛。係

在春前。該衙門具題。原係錯誤。而朕因是時

適值

皇考聖躬不豫。心緒焦切。未經看出實朕之過。

惟念事屬既往。所有禮部太常寺。及欽天監

實錄卷五十五

主

等衙門。應得處分。俱著寬免。其明歲庚申

祈穀典禮。仍改用正月十八日次辛舉行。○以

南郊大祀恭奉

高宗純皇帝升配禮成。予執事陪祀之王公大

臣官員等。加級紀錄有差。賞樂舞生校尉拜

唐阿。護軍步甲等。一月錢糧。○撥部庫銀一

百五十萬兩。解往四川。陝西。以備軍需。○調

正白旗漢軍副都統定柱。為成都副都統。成

都副都統明興。為正白旗漢軍副都統。以喀

喇沙爾辦事大臣阿爾塔錫第。為鑲紅旗蒙

古副都統。戶部郎中額勒布。為鑲藍旗漢軍

副都統。○辛巳諭內閣。禮部查奏嘉慶元年

以後。換鑄印信時。將湖南永綏廳。及直隸永

年等縣。已於清字篆文永字闕點。惟各省舊

印。尚未查改。實為疏忽。請交部察議等語。各

省文武衙門印信。應隨時蓋用其清篆有與

朕名上一字同音者。自當一體闕筆。著照所

請。通行各省。均照四川永寧道印信之例。辦

實錄卷五十五

主

理。至另片所稱。殿名門名。清字未經闕點者。

請一體改正。又嘉慶元年以前。王公等冊誥

未經闕點者。應令宗人府查明。繳回修改等

語。殿名門名。由來已久。未便另易。至王公等

冊誥。係

皇考頒發。且祇係敬謹供奉。非印信常用者可

比。俱無庸一體修改。至詩韻內上聲第二十

八部。已改儉字。為部首。業於春閒。經武英殿

奏明。刊刻通行矣。餘著照議行。○壬午。四川

布政使林僞因病解任調甘肅布政使楊揆為四川布政使江西布政使廣厚為甘肅布政使以江西按察使邵洪為布政使廣饒九南道阿林保為按察使○癸未命散秩大臣田國榮為正使內閣學士英和為副使往朝鮮國頒

高宗純皇帝配享

郊壇詔書○以故廣西慶遠府屬忻城土知縣

莫若恭姪世禧襲職○是月兩廣總督吉慶

實錄卷五十五

五

等遵旨覆奏西洋夷商來粵貿易向係以貨易貨或有不敷價值亦係互用番銀尚無攜帶紋銀出洋之事惟販來鐘表玻璃等物以無用易有用未免稍損元氣若內地不以此等為要物夷商自無從巧取得旨朕從來不貴珍奇不愛玩好乃天性所稟非矯情虛飾粟米布帛乃天地養人之物家所必需至於鐘表不過為考察時辰之用小民無此物者甚多又何曾廢其曉起晚息之恒業乎尚有

自鳴鳥等物更如糞土矣當知此意勿令外夷巧取漸希淳樸之俗汝等大吏共相勸勉佐成朕治○大學士伊犁將軍保寧等奏軍機大臣議准各省保舉駐防旗員遇有綠營缺出與在京八旗一體輪缺升用又駐防中有情願赴考者准其就近考試查新疆駐防人員於內地情形不能熟習且自驍騎校至佐領遞有應升之缺並無壅滯所有保舉升用綠營之處似無庸議至新疆係用武之地習武為先亦無庸令其考試得旨所見甚是依議

實錄卷五十五

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十五

實錄卷五十五

三十五

清 實 錄 嘉慶四年十二月

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十六

教修

嘉慶四年己未十二月甲申朔

實錄卷五十六

十六

上詣

大高殿行禮○諭內閣本年春閒國子監祭酒
法式善條奏事件摺首即有親政維新之語

試思朕以

皇考之心為心以

皇考之政為政率循舊章恒恐不及有何維新
之處至摺內稱勦辦教匪請飭遣親王重臣
威望素著者一員授為大將軍節制諸軍等
語其意不過見朕親政之初暫用儀親王永

七二一

璣成親王永理管理部務而成親王永理又在軍機處行走即謂親王可用此非趨向風氣乎國初可使王公領兵太平之時自不宜用若親王統兵有功無以復加有罪將何以處議法傷天潢一脈之深恩議親廢朝廷之法所奏已屬揣摩迎合全不顧國家政體又據稱口外西北一帶地廣田肥八旗閒散戶丁情願耕種者許報官自往耕種等語若如所奏豈非令京城一空尤為荒謬之極至請

實錄卷五六

六

申明定限舉行廕生孝廉方正博學鴻詞各條其事俱近沽名惟停止督撫罰交養廉其說近是早經有旨通諭其所稱尹壯圖業經召用鄭澍亦令吏部調取引見朕原不以人廢言也至從前法式善在祭酒任內聲名狼籍其最著者開館取供事一事贓私累累此發此旨恐人誤會不敢陳言原欲留伊俟京察時再行宣露罷斥近令諸臣密保深知之

人於十一月十八日豐紳濟倫密保法式善謂人明白結實辦事妥協實屬孟浪可笑豐紳濟倫與法式善並非同衙門辦事之人如何得知其妥協必係法式善見朕用豐紳濟倫管理之處頗多妄生別念仍如鑽營和珅福長安故智夤緣干求彼時即欲將豐紳濟倫法式善交軍機大臣共問其故又慮無人復敢保薦權將法式善之名一併寫出姑試廷臣有人論奏否今已等待一旬有餘無人

實錄卷五六

七

論伊劣蹟在法式善之悖謬條奏諸臣容或不知其國子監之聲名諸臣不知其誰欺乎君臣之義雖分隔堂廉但辦理國家事務於用人行政是非得失自應同心協力共襄治理方合元首股肱之道即朕特經簡用之人如有不孚衆望者諸臣尚應據實執奏何況法式善祇係廷臣保奏之人既有劣蹟豈得緘默不語若知而不言又豈純臣之居心乎今法式善之名次已應召見若再不宣露恐

諸臣視朕為無知識之庸主。任人簸弄矣。法式善著即解任。派大學士、軍機大臣會同訊問。並將豐紳濟倫何以率行保舉之處一併詢問明白。分別定擬具奏。此旨著發交儀親王永璇成親王永理滿漢六部堂官閱看。仍令覆奏。其法式善有無劣蹟。並著國子監堂官明白迴奏。將此通諭知之。○賞八旗兵丁一月錢糧。○乙酉諭內閣。前此降旨。令在京大臣等於京外人員。就其平日所知者。各行密保。原欲大臣等擇其才守優長。並有實蹟可據。堪資簡擢者。舉以入告。用收得人之效。乃豐紳濟倫並未深知法式善平日聲名才具。徑以在伊家教讀。從未向伊借貸一節。即以其為人體面。遽登薦牘。實屬孟浪。本應交部嚴議。姑念其甫經辦理部務。年輕未曾歷練。且詢明尚無請託私弊。豐紳濟倫著從寬交部議處。○又諭法式善所論旗人出外屯田一節。是其大咎。至於命親王領兵一節。不

過迎合揣度。而國子監一事。已屬既往。姑不深究。若照議革職。轉恐沮言路。殊有關繫。加恩賞給編修在。

實錄館効力行。走○命烏什辦事大臣徐績回京。賞己革西寧辦事大臣奎舒藍翎侍衛。為烏什辦事大臣。○免甘肅循化廳撒拉爾番回未完賞借折色口糧銀。○丙戌諭內閣。賡音布奏。各部院衙門向來保送御史。多以年力就衰。才具平庸之員錄送。於稽察差使等事。難以勝任。請嗣後務令各部院衙門。於司員內擇其年富差勤者保送。其六十以上。及辦事平常者。均不准保等語。所奏尚是從前和珅諸事專擅。慮人指摘。往往令各部將年老平庸之司員保送御史。俾其緘默不言。免於糾劾。節次各衙門保送御史。引見時朕即覺所保人員多有年已就衰者。是賡音布所奏不為無見。部院事務繁多。其實能辦事司員自必留在本衙門。不肯輕易保送。但都察

院雖視部院較為閒曹。且現在廣開言路。人皆得以盡言。原不專藉科道陳奏。而御史究有糾劾條奏之責。並巡城巡漕等差。皆需簡用。若年力已就衰。精神遲鈍。豈能勝任。今賡音布請令將六十以上司員。均不准保。未免稍苛。嗣後各衙門保送御史。其年齒過輕者。固不便率行保列。如年逾耆艾。各員精力尚強者。仍准保送。以六十五歲為率。過此者不准保送。若部院司員。中年至六十五歲以上。果能精神強健。仍可留於本衙門辦事。如實在衰庸。不能勝任。即當於京察時照例休致。以重職守。丁亥。諭內閣戶部議。駁蔣兆奎請給各省幫船銀兩。分年扣還等因。一摺。業已依議行矣。現在漕務節經降旨。令有漕各督撫將旗丁疲乏情形。確查妥議。量加津貼。並將一切陋規盡行革除。自可無虞匱乏。乃蔣兆奎執拗成性。總以運費不敷為詞。又請將漕項銀兩借給各丁。每船自五十兩至

一百兩不等。試思此項借給銀兩。自不得不分年扣還。但該旗丁等在初借之時。自屬寬裕。至次年即須將所領行月等項坐扣。已不免拮据。至逐年坐扣。勢必更形竭蹶。不能如數歸款。竟與各省積欠錢糧無異。是公項既致無著。而於運丁仍無裨益。殊非切實調劑之道。因思向來漕船准帶土宜一百二十六石。例不報稅。原為卹丁起見。今著再加恩。准其多帶土宜二十四石。共足一百五十石之數。俾旗丁等沿途更資沾潤。從此運丁一切陋規。既經裁革。應得之項。自可如數給發。又經部議酌加津貼米石。今復准其加帶土宜。一切倍加寬裕。自不得再有所藉口。儻嗣後總漕倉場等衙門。及衛弁等。或仍有需索旗丁情事。准其據實首告。必當嚴辦示懲。將此通諭知之。○又諭胡季堂等奏張猛等在濟爾哈朗圖行宮內偷竊簾刷挖單等物。請照盜內府財物乘輿服御物者不分首從俱擬

斬決之例。將張猛宋永德俱應斬立決等語。殊屬過當。若如大內及圓明園避暑山莊靜寄山莊清漪園靜明園靜宜園西苑南苑等處。自當按此律辦理。至濟爾哈朗園行宮距京甚遠。不但非大內可比。且較之歲時臨幸之園亭等處。亦有不同。況所竊簾刷等物。亦非乘輿服御之件。若概問以斬決。假如偷竊大內等處物件者。其罪又何以加。且各省行宮甚多。又豈得盡照大內之例辦理乎。嗣後遇有此等偷竊各省行宮之犯。較偷竊衙署者。固應加等問擬。但竟援照盜內府財物之律。不分首從。定以斬決。未免無所區別。所有張猛宋永德二犯。應行改擬罪名。及此後遇有此等偷竊行宮案犯。應如何定擬之處。俱著刑部詳悉妥議具奏。○廣西太平府屬羅陽土知縣黃煥琮緣事革退。以其子雲漢襲職。○賜故琉球國中山王尚穆祭一次。絹五十匹。○予貴州廣西陣亡州同趙繼曾巡檢

夏永謙遊擊特通額把總鄧金保張蘇成史敦義周之鍾外委金興信韋雄武雷得煊徐明彭振龍湖北陣亡守備朱映棠千總李榮光把總蒙彪外委邢光周全四川陣亡副將丁有成遊擊富珠隆阿岳寧阿守備馬成龍劉揮千總劉泰程定遠徐忠把總吳宗明馬廷宣武文王張奇楊華朱廷貴外委溫振賢黃益慶陝西陣亡把總保德等祭葬世職如例。○予廣東出洋淹斃外委傅君彰兵丁吳建鵬等三十一名賞卹如例。○戊子江南河道總督康基田奏報碭汛邵家壩漫口合龍頒發御書河神廟扁額曰翁河昭佑免康基田及工員疏防處分。○命西陵効力之已革克勤郡王恆謹回京在散秩大臣上行走。○以烏什辦事大臣奎舒為伊犁領隊大臣調哈密幫辦大臣都爾嘉為烏什辦事大臣以乾清門頭等侍衛隆福為哈

密幫辦大臣○己丑

孝惠章皇后忌辰遣官祭

孝東陵○諭內閣據綿恩奏欽天監博士何隆武違例陳奏請交部按例治罪等語前經降旨不應奏事之人不得妄行瀆奏今何隆武以博士微員並無言責輒持封口奏摺兩次乞綿恩轉奏殊屬違例且摺內所稱自督撫以至州縣不必別項劣蹟凡有苟圖安逸者即當革職治罪設有贓私入己審明後不問多少即置重辟等語所言荒謬外省各員勤惰自有考覈必須實有劣蹟方可按律治罪設有贓私入己者亦當計贓定罪豈有不問贓私多寡概置重辟之理又安用律例為耶至所請令天下士子皆讀清書一節清文義蘊甚深即旗人尚不能盡皆通曉若令天下士子俱行學習未免強以所難而於本習經書轉致荒廢斷不能行再酒館一項京城內外以及直省開設者甚多豈能概行查禁况

小民藉此為業瞻養所資若一旦禁止於生計亦多未便且恐啟胥役等詭詐之漸無益有損所言亦不可行况旗人生計艱辛豈獨在此一節何隆武越職陳奏本應治以應得之罪姑念其尚無妄誕字句究係進言著交部照例議處又諭向來普濟堂例有經費每屆初冬加賞米石煮粥以資貧民口食近聞承辦之員經理不善輒將麤米抵換官米以致粥不可食孤貧不能均霑實惠是徒有普濟之名而無其實殊非加惠貧民之意嗣後普濟堂著照五城飯廠之例屆期奏派滿漢御史二員監放稽查以昭慎重再西山煤窯最易藏奸聞該處竟有匪徒名為水工頭者往往哄誘良人入窯驅使慘惡致斃殊有關繫著順天府會同步軍統領衙門派委妥員密為查訪如有此等棍徒即行查拏具奏按律治罪○又諭荆道乾奏請將各旗丁每年應得租籽刊刻木榜曉諭其應領款項亦

刊刻由單發給運丁及照造老冊一分發交各衛查驗其原冊改歸糧道收管等款係為杜弊起見著照所請行並著有漕督撫一體遵辦○命吏部右侍郎鐵保馳往淮安會同兩江總督費淳查辦事件以刑部左侍郎祿康兼署吏部右侍郎○戶部議准浙江巡撫王德疏報建德縣開墾地七十畝有奇照例升科從之○庚寅

孝淑皇后殯宮月祭遣官行禮○諭內閣朕於

明正開印後御門聽政尚在二十七月之內所有執事之大臣官員如是日逢五逢十俱著穿補服掛朝珠如係尋常日期俱著穿石青褂掛朝珠御門禮畢仍著照常穿青褂○戶部議准兩廣總督吉慶疏報廣東茂名縣博茂場曬丁墾築生鹽池塌六十六口照例徵課從之○辛卯

上詣

時應宮拈香○命儀親王永璇成親王永理

在內廷行走○壬辰諭內閣向來有漕省分徵收漕糧州縣以濟運為名多方浮收最為民困是以降旨清釐漕政別除積弊仍慮運丁兌費不敷令有漕省分各督撫確查妥議酌給津貼並降恩旨令旗丁多帶土宜二十四石免其上稅原期地方漕務兩有裨益乃蔣兆奎前有每石增收一斗作為運費之奏事屬加賦斷不可行蔣兆奎以所奏未允並不將運費實在不敷之處悉心籌議詳晰具

奏輒愈激求去效明季掛冠之狀經降旨飭諭蔣兆奎又議借項幫給運丁並以物價昂貴今非昔比為言試思借項一事不過暫濟目前而遞年坐扣於丁力豈不更形竭蹶若謂時值物價較昂則又不獨旗丁為然如各官俸廉兵丁糧餉概因物貴議加有是理乎而蔣兆奎總以運費不敷為詞頻頻瀆奏又不妥籌辦法受衛員愚弄其意總在加賦借帑始終堅持已見執拗不回本日覆奏之摺

竟稱旗丁經費應得之項。妄不敷用。並以岳起所議各船領運銀四百五十餘兩。亦祇係就蘇州太倉等衛約計。其餘若揚徐二衛所屬各幫領銀在百兩以內者。經費不敷更多。並非受衛員愚弄。且稱閩浙督臣書麟議奏津貼旗丁。每船八十餘兩。猶有不敷。造船之費。仍需另籌。伊未必受衛員愚弄等語。若如所奏。是清理漕務之事。竟不可行。況津貼免費。原視道路遠近酌定多寡。其路近省分。領

費銀自少。

市

今蔣兆奎竟不分別各省遠近。概行牽混入奏。而又將造船之費一併列入。且即以書麟所奏津貼而論。亦不至如蔣兆奎之多。乃蔣兆奎藉以唐突。其執謬之見。尤甚於前。看來蔣兆奎竟難勝漕督之任。所有漕運總督員缺。即著鐵保補授。蔣兆奎仍暫留該處。俟費淳鐵保查辦完竣。後再降諭旨。戶部議准廣東巡撫陸有仁疏報新會恩平二縣開墾地十一頃十畝。有奇。照例升科。從之。

予陝西陣亡副將德亮。參將李昌。遊擊葉炳銓。守備孔琪。把總顏希章。王瑞。圖。馮得。顧林。外委金海。宋福。張希英。湖止陣亡。遊擊邱作訓。守備陳世文。張鼎千。總宋萬春。宋吉如。把總周言斌。劉榮。外委趙朝珍。四川陣亡。護軍叅領岱德。防禦薩炳阿等。祭葬。世職。如例。癸巳。調刑部左侍郎祿康為吏部右侍郎。轉刑部右侍郎。德璘為左侍郎。以古城領隊大臣琅玕為刑部右侍郎。調塔爾巴哈台

黃旗蒙古副都統圖默慎為正藍旗滿洲副都統。以散秩大臣慶傑為正黃旗蒙古副都統。命總管內務府大臣縉布仍在紫禁城內騎馬。甲午。諭內閣。前因福寧在旗鼓寨勦賊時。曾殺降人三千。謬報平賊一股。因降旨令該督等據實查奏。茲據魁倫奏。前此福寧辦理此案。係副將呂朝龍經手。當即調到面加詢問。據稱嘉慶元年七月間。官兵攻破

旗鼓寨餘匪竄至謝家營無路奔逃俱跪地乞降。福寧允准該匪等即行投出男婦老幼約有三千餘人一併帶至龍山縣城外分紮。福寧以該犯等係臨陣窮蹙始降非豫先投出者可比因將女犯及老幼釋放外假意受降將其餘男犯誘以帶同打仗進城給與號褂口糧於夜間陸續殺死約計共有二千餘人等語。是福寧前此勦辦旗鼓寨竟係殺戮降人至二千餘名之多殘忍已極各路軍營

書奏

未

勦辦教匪其中被賊逼脅良民甚多本年節經降旨令領兵大員勦撫兼施如有臨陣投出者即當分別省釋妥為安撫剴切諄諭不啻至再至三而宣諭以後投出者人數寥寥自因招撫之法未得其道今福寧於旗鼓寨攻破後其附從夥黨既經跪地乞降男婦相率投出自應分別收卹以示招徠乃轉誘令入城使之駢首就戮且誅及二千餘名似此既降復殺賊匪紛紛傳播則被賊裹脅之人

自知投出仍不免於一死又焉敢束身歸命是驅之從賊無怪乎安心不降賊匪亦人何殘忍若斯之甚。秦白起坑降猶因敵國今則四海一家自相殘賊若此朕心實有不忍現在訊據擊獲之賊首高均德亦供稱賊匪夥黨總懼投降後仍遭誅戮是以觀望不前可見福寧前此所辦錯謬已極適以堅賊黨從逆之心。試思賊匪抗拒官兵其臨陣殲戮者原難細為區別設投誠後果有心懷反側復

書奏

未

思蠢動之徒亦應嚴辦示懲若已畏罪乞命允彼投降無論本係被脅良人情原可憫即實係邪教而能棄械投出亦當貸其一死量為安插即閩粵等省海洋巨盜有能改悔投首如從前之張彪李發枝等一經該督撫等據情陳奏

高宗純皇帝俱宥其既往予以自新賞給頂帶並令送京分發香山一體當差而近日投出之洋匪黃文海亦經朕加恩賞給外委頂帶

發往陝省軍營隨同官兵打仗自効此等多係內地民人在洋疊劫之犯尚且念其能知改悔加之恩宥至於學習邪教雖有干明禁然苟不至勾結作亂亦何嘗即予嚴辦况臨陣投出之人既知去逆效順即與平民無異豈有無分玉石概予駢誅並用言哄誘入城濫戕生命既示人以不信復阻其來歸是賊匪至今投出者少皆由福寧辦理此事失人心而傷天理所致其罪甚重福寧業經革職

奏奉

奉

著魁倫即將伊拏問令與呂朝龍質證明確按殺降律定擬具奏並著通諭各路領兵大臣嗣後勦辦賊匪如有臨陣乞降及從賊營自行投出者即屬畏法之人總不必究其既往之罪皆當准其自新交地方官妥為安頓俾脅從附和之徒皆知得有生路相率歸誠於勦撫大局庶有裨益至呂朝龍係福寧使令殺降非伊之罪於質訊明確後即令速回本營効用再本日召見惠齡據奏從前教匪

奏奉

奉

在荆襄滋事屢經官兵勦辦僅餘三千餘人彼時景安任河南巡撫在南陽一帶駐守不肯實力防範協同勦捕致賊匪闖入豫境到處焚掠景安相距數十里並不發一兵應援以致賊匪直從武關奔竄陝省人數又復衆多鷓鴣張日甚景安惟於無賊處躲避及賊去已遠始行尾隨遙送合省官民無不恨其縱賊且笑其怯懦若使景安早能實力防堵協同領兵大員會合夾擊保障全豫早可勦辦淨盡何至延及此時尚未竣事是數年來賊匪蔓延數省糜費國帑八千餘萬焚燬民田廬舍不知凡幾赤子之橫遭鋒鏑者又不知凡幾實皆景安之畏怯無能養癰貽患所致即辦理浙川一案亦係完顏岱等早經辦妥景安攘為己功據以入奏得邀伯爵之封是景安既惟怯縱寇又復飾奏冒功其罪實無可貸若僅予革職發往伊犁轉得令其在彼安坐置身事外何足以為封疆大臣縱賊殃

民者戒著傳諭保寧即將景安鎖繫派委妥幹員弁迅即押解來京交刑部另行審擬具奏總之各路軍營擊勦賊匪與扼要防堵同為一事其勦賊之人固應直前奮擊然必前路堵禦嚴密使賊匪無從奔竄方可併力要擊制其死命而前有堵禦亦必有追兵緊躡其後方成合勦之勢若有勦而無堵則東奔西逐徒致疲乏兵丁豈能得力儻防禦雖嚴而追勦官兵總落賊後如近日楚省邊界雖經倭什布分段嚴防而提督七十五在途逗遛復致賊匪乘間折竄又安望其一鼓撲滅已降諭旨令經畧額勒登保查明奏奏此乃數年以來軍營通病額勒登保及各路統兵大臣並在本境防堵之各督撫等務須同心協力大加振作以期剋日蕩事將此通諭知之○諭軍機大臣等朕聞陝省地方屢被賊匪往來滋事漢中興安一帶赤地千里人戶蕭條流移轉徙情形不堪入目豈可不速為

綏輯使難民各歸本業及時耕種以期漸復舊觀松筠台布係該省督撫輯事宜是其專責現經降旨詢問該督等務須將該處實在情形詳悉奏聞轉不必有所避飾或慮及費用不支稍涉含混償松筠台布此時不行查辦以致所管地方日久殘燬民人流困則玩視民瘼廢弛地方之責惟該督撫等是問將此諭令知之○革儀親王永璣鑲黃旗領侍衛內大臣調正白旗領侍衛內大臣成親王永璣為鑲黃旗領侍衛內大臣以正白旗漢軍都統額勒登保為正白旗領侍衛內大臣○命前任雲南騰越鎮總兵官劉之仁赴四川候補○乙未諭軍機大臣等額勒登保奏此次在毛耳亞青子亞地方打仗傷損得力官兵自揣無能請另簡有福大臣以充經畧等語額勒登保數年來宣力戎行勦猷懋著故特加恩授為經畧大臣俾其盡心勦辦克奏膚功至疆場勝負乃事之常從前軍營

遇有折挫往往匿不以聞。今額勒登保據實入告。朕方軫念不暇。豈肯加以斥責。東三省之人勇者固多。然忠勇端潔實心體國。似額勒登保者頗少。額勒登保即係朕之福將。其所請另派大臣殊屬非是。前調黑龍江兵一千名。嗣因額勒登保等奏賊勢窮蹙。始行停止。今賊衆仍復抵死抗拒。額勒登保可即熟籌現在情形。如需加添兵力。不妨即行調取。毋以糜費為慮。額勒登保務須仰感。

皇考及朕簡昇之恩。整飭戎行。相機進剿。亦不可不顧國家大體。輕身涉險。將此密諭知之。○以詹事府詹事德忒為內閣學士。兼禮部侍郎銜。○予陝西甘肅陣亡額外外委于化林等一百三十二名。馬兵楊萬九等五百六十七名。鄉勇熊魁等二名。賞卹如例。○丙申諭內閣。禮部奏稽查京城內外官管廟宇。並無私行租賃一摺。朕從前在藩邸時。蒙皇考派令祈雨。及於各廟拈香。每見有外來官

員在廟作寓。可見該部所奏祇屬具文。嗣後京城內外官管廟宇。如外省赴京引見官員及候補候選人員等原可任其租住。不必官為禁止。俾僧道等亦得香火之資。惟外來遊方僧道及面生可疑。來歷不明之人。必當實力稽查。斷不准容留。致令潛匿。仍於年終彙奏一次。不可虛應故事。有名無實。著為令。○又諭前據岳起。荆道乾先後奏到清查漕務積弊各摺。已明降諭旨。通行飭禁矣。茲據陳大文奏查明山東省漕幫旗丁經費陋規。開列清單進呈。朕逐加披閱。內開該幫漕船三十九隻。得過各州縣幫貼陋規銀五千餘兩。而用項內如通州坐糧廳驗米費銀四百兩。倉場衙門科房漕房等費自八十兩至二十餘兩不等。又本幫領運千總使費銀七百兩。及本衛守備年規四百十二兩。生節規十六兩。其總漕巡漕及糧道各衙門皆有陋規。下至班頭軍宇轎馬。自數兩至數十兩者不一。

而足。實為漕務蠹弊。漕船領運米石。內如雇覓頭舵水手。及沿途提溜過關起剝等事。皆係應用正項。自不可省。但以旗丁分例應領之款。覈計逐次應需之費。本足敷用。近復酌議增添津貼米石。加帶貨物。免其納稅。丁力自更寬舒。如謂革去浮費。免運尚有不便。其誰信之。若如單內所開各種浮費。不行禁革。即再增津貼。亦復何益。且漕員取之州縣。州縣取之小民。層層侵蝕。浮收之弊。伊於何底。

蔣兆奎在任。並不詳晰查明。惟以免費不敷為詞。曉曉置辯。其為受衛員慫恿。愚弄尤屬顯然。況此等陋規。例于嚴禁。如稍知自愛者。原可自矢潔清。即如從前額勒布楊志信。在坐糧廳任內。不肯得受陋規。並不稍形貧乏。總緣歷任總漕倉場侍郎及坐糧廳。並各省糧道運弁等。陋例相沿。任情收取。以致積弊因民。本應查明嚴行治罪。姑念人數過多。事屬已往。免其深究。自此次清釐之後。凡有漕

省分督撫及漕運總督倉場侍郎等。務當實力稽查。督率辦理。如敢仍蹈前轍。准該旗丁據實控告。必當按律計贓論罪。決不寬貸。將此再行通諭知之。○額勒登保奏。報生擒首逆王登廷。得旨獎賚。州判喬維新。以知州用。賞知州。常發祥。花翎。把總。田嘉興等。藍翎。餘升補有差。○予沿途驛站員弁。及接報處章京等。議敘。並賞馬夫等銀。以馳送軍報。無誤也。○丁酉。

上詣

大高殿行禮

時應宮拈香。○賞還原任湖廣總督畢沅抄產內墳塋山田祠堂家廟。並附近墳塋餘地。及祭田三分之一。○戊戌。諭內閣。昨候補知府那英。押解教匪首逆高均德。及高成傑。到京。據稱高均德在途。心懷畏懼。不肯飲食。經伊等用言哄誘。告以到京。必可邀恩釋放。仍令回至川陝。隨同官兵打仗。高均德聞而欣

喜並於沿途驛站索銀積至五百餘兩零星給與擡夫並稱存積銀兩擬於釋回赴軍營時作為犒需等語高均德身犯大逆重罪一聞解官哄誘之言即深信不疑冥頑已極在地方官慮其不食餓斃千條處分給與銀兩尚無不合但高均德竟不知所犯係必死之罪亦可謂下愚不移矣因思愚賤之民敢於聚眾謀逆罪由自取而揆其罔知法度之由則係地方官平日不能化導所致各省地方

有司每逢朔望有傳集民人宣講

聖諭廣訓之事如果膺民牧者能教以大義於國家設立科條摘其大端剴切宣示俾圍聽之民知所領悟則不但循謹善良聞而忻慕即桀驁不馴之徒亦當知所斂戢今高均德係倡亂首逆屢抗官兵伊即毫無知識豈於謀反叛逆萬無可赦之條亦竟不知乃於拏解在途竟作倖生之想在此等悖亂之徒同於禽獸原無足惜而覈此情節其愚鈍無知

轉覺可憫政治以教化為先如論語所云道德齊禮有恥且格固難驟期其效但地方大小官員有教育斯民之責豈可視為迂闊置之不講嗣後不但朔望宣讀

聖諭廣訓當明切講諭即公堂聽獄赴鄉勸農時皆可隨時誨導啟發顛蒙庶幾潛消可漸收易俗移風之效毋得視為具文虛應故事特此通諭各督撫督率所屬實意奉行於化民成俗之道朕實有厚望焉○又諭胡季堂奏審擬行劫長新店鋪戶之盜犯翟禿子即翟成子等於審明後恭請王命即行正法一摺翟禿子係張標窩內匪黨結夥行劫自屬法所難宥但該犯於張標等行劫時係在村外看守馬驢所劫贓物各犯分開攜帶後翟禿子回至內黃因張標先已潛逃未經俵分數其情節較之首犯有間本應歸入情有可原分別辦理胡季堂將該犯即行斬梟所辦已覺稍重但翟禿子究係在長新店畿輔

近地人煙稠密之區。連劫鋪戶。今已將該犯正法。尚係為附京重地起見。至該督所奏直省現獲續獲之犯。一經訊明。如係張標夥黨。但經行強劫奪。無論曾否入室搜賊。概擬斬決。即行劫一次在外。把風接賊者。俱不准以情有可原聲請等語。殊屬非是。向來辦理盜案。例分法所難宥。情有可原。察覈定擬。原於懲創之中。仍寓矜卹之意。豈有並不覈其所犯情罪。無分首從。一律置之重典。若如該督

所奏。無論曾否入室搜賊。及在外把風接賊者。俱不准以情有可原聲請。則是罪有重輕。法無區別。若尋常偷竊小賊。更非劫盜可比。乃因其曾在張標窩內居住。亦不分首從。照積匪猾賊辦理。豈得為情法之平乎。胡季堂久任刑名。素諳律例。於劫盜重案。自應執法覈辦。以期無枉無縱。乃該督於應拏巨盜。始而疲玩不前。以致釀成重案。及經朕節次嚴飭。於獲犯後。又意存迎合。輒以嚴刑峻法思

掩其平日廢弛之咎。六臣實心任事者。不應如此。所有張標夥內續獲各犯。於解到審明後。俱著胡季堂準酌情罪。按照律例。分別定擬。不得有意加重。以刻為能。○己亥諭內閣。吳省蘭奏考試寶慶府時。接蘇州府總捕同知李焜稟帖一封。內有夾單。開列伊胞姪生員李馥元童生李德元李體元之名。託其教誨等語。學政考試時。例應關防。以杜囑託夤緣之事。李焜身係職官。罔知例禁。竟敢將伊

姪李馥元等之名。具稟學政。託其訓教。顯有請囑情弊。不可不嚴行懲辦。且李焜前在蘇州總捕同知任內。審理生員馬照等案。任性妄拏多人。看管馬房。無辜諸生。俱被拖累。以致眾怨沸騰。經玉德等審明。將李焜擬發軍臺効力贖罪。彼時因其掌責生員。係在已經詳革之後。且訊無受賄情事。其咎止於龐暴孟浪。故加恩免其發往軍臺。降補知縣。是李焜本以凌辱斯文獲咎。而今又欲使子姪濫

廁士林以致敗露可見

天理昭彰絲毫不爽不知懼者非人類矣此事若李焜用賄向學政營求必當嚴審定罪今雖係空言請託亦難輕貸著岳起傳旨將李焜革職解京照前案原擬罪名發往軍臺効力贖罪用昭炯戒至伊姪生員李馥元童生李德元李體元遠在原籍均不知情著免其斥革扣考吳省蘭於按試醴陵時仍當憑文去取不必稍存成見吳省蘭接到李焜稟函即行據實具奏甚屬至公著交部議敘○以故承恩公傅玉子明俊襲爵○旌表守正捐軀直隸薊州民趙傑妻崔氏○戶部議准陝甘總督松筠疏報烏魯木齊頭屯所蘆草溝墾種地一頃八十畝照例升科從之○庚子以故怡親王永琅孫奕勳襲爵○以故一等子鄂福子富爾松阿二等子班塔哈子哈當阿三等男永太子春年各襲爵○免河南儀封睢二廂州漕薊常平義社等倉被水漂失

微爛穀石○辛丑諭內閣向來各直省督撫藩臬大員遇有升調各事不論甫經請訓與否輒行照例具摺奏請陞見殊屬非是內外官員各有職守外省大吏不能時常進京亦猶在京官員不能常奉差外出况督撫藩臬政務繁多當以地方為重若僕僕道途必致苦累地方供給於公事又致曠廢如果盡心供職又豈必以瞻覲抒誠徒事紛紛瀆請耶嗣後督撫提鎮藩臬除奉特旨諭令來京外其曾經見朕者總俟三年後再行奏請入覲即有升調亦不必陳請陞見各省將軍副都統除年例輪班來京外其有升調他省者均一體遵行○命怡親王奕勳在上書房讀書○姜晟奏報擒斬苗匪首惡吳陳受餘苗安靜回寨得旨嘉獎加姜晟太子少保仍下部議敘同知傅鼐以知府升用賞花翎餘升敘有差○封故豫親王修齡子裕全睿親王淳穎子寶恩肅親王永錫子敬敘俱為不入八

分輔國公。故貝子弘閔子永羣為二等輔國將軍。永揆為二等奉國將軍。貝子永碩子綿繼為二等輔國將軍。綿榜為三等輔國將軍。貝子永澤子綿疆為三等鎮國將軍。綿崧為一等輔國將軍。裕郡王亮煥子恒僚為一等輔國將軍。故順承郡王恒昌子倫正為二等奉國將軍。輔國將軍奉恩輔國公弘鼎子永芑為一等奉國將軍。輔國將軍亮源子恒貴奉國將軍興瑞子成謙成章俱為奉恩將軍。以通政

使司副使繼善為光祿寺卿。奉恩輔國公興肇緣事革職。以其子成寬襲爵。鑄給福建延平府城守中軍都司關防。從總督書麟請也。○戶部議准陝甘總督松筠疏報烏魯木齊塔西河所開墾地三百三十畝。照例升科。從之。○壬寅諭軍機大臣等。近因那彥成搜捕竄匪。帶兵深入老林。而兵力為地險所限。技無所施。正在降旨諭示。適據那彥成等奏到各路勦賊情形。據稱賊蹤奔竄不出老

林。密樹遮蔽十丈以外。即不能見。又天氣苦寒。積雪數尺。勢不能放火燒焚。將賊轟出。那彥成等實為辛苦萬狀。不忍披覽。該處老林據稱南北百餘里。至二百里不等。但究與何省及何府州縣毗連。路徑從何出入。仍未詳悉奏明。如果深林密箐綿延不斷。則那彥成帶兵深入之後。糧運如何接濟。且人皆步行。又如何安設營盤。若官兵皆係露處。亦從無此行軍之法。那彥成自當察看地勢。多方籌

畫。用間誘之使出。以便乘機邀擊。或於要隘處所嚴行堵截。諒此深山老林。未必有地可種。賊匪在內。無從得食。自必窮而思出。官兵以逸待勞。方可制其死命。且那彥成現在兵力。不為不厚。馬有萬餘。生力精兵。合之鄉勇數萬。僅在老林追逐。曠日持久。辦此一二千殘敗賊匪之理。那彥成必當亟思改圖。上緊相機勦辦。務於明年二三月內奏績。歲功斷不可惟事跟追。致稽時日。將此傳諭知之。○

命輔國公裕全敬敘在散秩大臣上行走○

甲辰

上詣

雍和宮行禮

火神廟拈香○諭內閣前據初彭齡奏江

蘭前在雲南巡撫任內於抱母恩耕等井被水衝淹有諱災不辦之事當令軍機大臣詢問江蘭據稱恩耕井被水衝塌曾經委員勘估興修其抱母井沿河民房間有坍塌人口

亦未損傷並未被有重災曾令鹽道顏檢發銀三千兩江蘭督同道府等勘明撫卹實用銀一千餘兩因此項銀兩向係鹽道及該管同知等捐辦並不動支帑項是以不准開銷等語隨經降旨令顏檢將辦理情形據實覆奏茲據奏稱嘉慶元年六月內雨水稍多山水驟發以致二井咸被衝淹貯倉鹽塊亦多浸失民房衙署俱有坍塌幸人口未有損傷當經稟請督撫於鹽庫內酌動銀三千兩委

員前往撫卹緣山水旋長旋消其退甚速江蘭於秋間往勘未經細體被水情形遂謂被水不重不至成災委員施廷良散放撫卹銀兩疑其捏報不准照數開銷嗣因猥黑滋事前任督臣勒保令顏檢隨同前往勸辦經過該二井地方目擊井上壩臺正在修理衙署民房亦尚未一律修葺且見屋柱水痕高至數尺因知彼時被水原重江蘭委令知州施廷良領銀撫卹實有其事惟未將被水情形專摺陳奏動項撫卹之後又未准開銷亦係實情等語覈其所奏情節惟人口未有損傷一節與江蘭所稱相符而該二井被水甚重江蘭於秋間始經往勘並未細體被水情形亦未專摺陳奏又將所動銀兩不准開銷是江蘭竟不免有諱災情事封疆大吏於地方偶有被災自應據實奏聞妥為經理不得稍有掩飾以致災黎失所江蘭前在滇撫任內於抱母等井被水情形何以並未專摺陳奏

又不准動項開銷。其因何與顏檢覆奏不符之處。仍著江蘭明白迴奏。乙巳諭內閣。據愛新泰奏稱。臺灣鎮向有經管地方事務。伊與前任奎林。哈當阿。分位懸殊。情形各別。若仍照舊例章程。遇事叅辦。轉似越分專擅等語。朕詳閱摺內情節。顯係欲求加提督職銜。大屬非是。各直省督撫。提鎮。管理地方。統轄屬員。均有彈壓叅劾之責。愛新泰前由閩省副將。升授臺灣鎮總兵。於重洋邊境。一切事宜。自當遵照成例。督率所屬。認真查辦。若州縣等果有違例不法之事。原可隨時據實叅奏。即如本日所叅操防不職之署都司高必魁等。朕即降旨革職。休致。何嘗不允所請乎。愛新泰於營伍地方。果能實心整頓。著有成效。朕必酌量加恩。賞給提督職銜。亦斷無自行擅請希冀邀恩之理。看來愛新泰竟係無福承受朕恩。妄行瀆奏。著傳旨嚴行申飭。仍交部議處。嗣後該員任內。應辦各事。若不能

妥為經理。致有貽誤。必將愛新泰治罪示懲。不稍寬貸。諭軍機大臣等。富綱奏官兵克復霧龍山等處。邨寨及酌籌分兵進剿情形。一摺。覽奏俱悉。已於摺內批示。猓黑等在霧龍山屯聚。經官兵進剿。賊匪退入深林。將各處草房自行燒燬。富綱摺內既稱殲斃賊人無數。而割獲首級。何以僅止十餘顆。奏報不實。即此可見。此次猓黑滋事之初。若差令明幹員弁前往該處。曉以利害。令猓黑頭人將滋事為首之犯。如和尚銅登等。縛獻正法。原可就事完事。即如姜晟辦理湖南苗匪一事。未曾打仗。祇係傳集苗弁。詳悉開導。即將首犯吳陳受擒。縛餘苗俱安靜回寨。猓黑之事。何難照此辦理。乃烏大經率行帶兵往捕。而富綱亦紛紛調遣多兵。以致猓黑肆行抗拒。不能解散。且總漕任內。得受餽送銀兩。獲罪有所風聞。故將猓黑一案。張大其事。希冀將功抵罪。亦未可定。此時既已用兵。事難中止。

前已降旨。令書麟前往威遠督辦該督到彼後務當酌量情形。若猱黑見大兵雲集。震懾軍威。不敢仍前抗拒。書麟即可趁其畏懼之時。勒令將滋事首犯縛獻正法。其所占土司。猛猛地方。概行退出。不敢再犯邊界。即可完案。原不必深入窮追。盡殲醜類也。至富綱摺內所稱土司西北未從猱匪之邨寨。可以派練從征。繞出賊營之後。以圖恢復。及另片奏將來官兵進至猛猛城。其後路俱係西北土司地方。毫無顧慮等語。談何容易。行軍後路關繫緊要。並閱所進圖內。由打雀山至猛猛城。道路綿長。何能繞出賊營之後。且此等土司所屬番民。反覆靡常。或為猱黑勾結。聽其指使。豈可深信焉。有防備官兵後路。全仗土司之理。書麟於此一節。亦當留心妥辦。不可稍存大意。將此諭令知之。丁未。諭內閣本日召見顏檢。將雲南抱母恩耕等井被水一事詳悉詢問。據稱嘉慶元年六月內。因雨水

稍多。山水驟發。以致二井咸被衝淹。雖人口未有損傷。而鹽塊多有浸失。衙署房間亦多衝塌。當經稟請勘辦。巡撫江蘭以雲南向不辦災。遂謂被水不重。未經特行具奏。並將撫卹銀兩。不准開銷。辦理過刻等語。雲南雖係邊遠省分。而地方民瘼。總屬一體。抱母恩耕二井。既經被水衝淹。自應據實查明。妥為經理。何得以該省向不辦災為詞。隱匿不辦。即云該處並未損傷人口。但彼時竈戶不能照常煎鹽。因未經報災。致有墮欠。在井官已不免追賠。而竈戶等尤為苦累。是江蘭諱飾之咎。實所難辭。著交部嚴加議處。以為封疆大吏玩視災務者戒。又諭蔣兆奎奏浙江溫州後幫船隻。上年在濟寧魯橋地方遇風沈濕米石。該幫素稱貧疲。丁力實屬拮据。所有沈濕米石。請分年買補等語。著照所請。將陳士明等十船沈濕米二千九百九十八石零。自明冬為始。分作四限。按數買補搭運赴通。

交納。以紓丁困而示體恤。○又諭朕恭閱

皇考前降

諭旨。曾將打牲烏拉東珠。自乾隆四十六年至五十一年。停採五年。至今又經十五年。不惟每歲勞苦採撈人等。又復多傷物命。朕仰體皇考好生

至仁。其打牲烏拉採珠河。著自明年起。停採三年。以資長養。俟三年滿後。由該將軍等再行具奏。請旨當此停歇之際。交吉林黑龍江將

軍等。於水陸隘口。安設卡倫。嚴行查拏偷採之人。此朕憐惜物命。並非珍愛其珠也。勿得仍任偷採。負朕愛物之至意。○免湖南永順府屬被水漂失軍裝器械。應扣餉補製銀。○戊申。

孝莊文皇后忌辰。遣官祭

昭西陵。○

上詣

慈寧宮

壽康宮行禮。以裕祭

太廟致齋。前期命

皇次子

孝淑皇后殯宮。行歲暮祭禮。○諭內閣據琳寧

奏。查明奉天旗民私墾餘地。隱占日久。若不清查辦理。恐致妄起爭端。請將從前私種之罪。並地方官失察處分。俱行寬免。賞限二年。令各業戶將浮多地畝。自行首報。不拘數目。照依紅冊納糧之例。一律交納等語。所奏尚

是。此等私墾地畝。為日已久。自應清查辦理。以杜爭端。著照所請。賞限二年。令各業戶將浮多地畝。自行首報。其從前私種之罪。及地方官失察處分。俱著加恩寬免。惟所稱照依紅冊地畝。納糧一節。尚未妥協。向來納租餘地。每畝交銀六分。今著加恩減半。每畝酌中納租三分。折交錢文。自於旗民生計為便。如有逾限隱匿不首者。准令地鄰人等首報。文出餘地。即撥給首告之人。耕種納租。該將軍

等務須督飭所屬實力詳查。儻吏胥等有藉端勒索影射等弊。必當嚴行治罪。決不姑貸。命戶部尚書朱珪為上書房總師傅。乙酉。諭內閣陳嗣龍奏官設養濟局。自普濟堂外尚有育嬰堂。向由順天府派人經理。其中給發官項支銷用度。胥吏及鄉耆等多有侵漁。請派御史查察等語。育嬰堂僻在東城。一切支發養贍銀兩。若僅交胥吏鄉耆等經手。難保無弊。現在普濟堂已派滿漢御史監放。稽查育嬰堂事同一例。著照所請。即令巡視東城御史隨時查察。以昭覈實。添建廣東電白縣興平山並虎門海口礮臺。從總督吉慶請也。

上以歲暮禋祭

太廟。自是日始齋戒三日。庚戌。諭內閣胡季堂奏審擬續獲盜犯一摺。已交刑部速議具奏矣。此案盜犯于二紀會等。皆係張標夥匪。住伊窩內。屢次隨同行劫。且探知何處鋪面

熱鬧。煙火稠密。如直隸容城縣之白溝河及易州大名深澤等處。山西孝義縣之迤南地方。河南臨漳之五岔口。邨俱糾結多人。分投前往。肆行強劫。殺傷事主。實屬不法已極。地方官若無其事。任彼橫行。朕實深憤恨。而大吏等一味因循畏葸。其盜首張標盤踞直隸河南交界地方。十有餘年。朕早有所聞。屢諭胡季堂吳熊光速行搜捕。而該督等心存畏事。延擱不辦。以致釀成長新店劫掠之案。然亦幸因此案破露。經朕節降嚴旨。責令查拏。該督及地方官等始知畏懼。將盜首張標及案內夥犯陸續就獲。否則何以清盜源而靖奸宄耶。各省封疆大吏。於地方重大案件。往往心存姑息。不肯早行辦理。以保全人命為自積陰功。殊不知此等積年盜匪。若於初起時。即行查拏懲辦。既不至任其四處擾害。多戕人命。而破案之後。亦可不至誅及多人。即如教匪一案。該督撫等若能於平日早為覺

察密訪嚴拏。不過將為首匪徒。辦理數人。即可完結。何至輾轉勾結。日久蔓延。竟成叛逆之案。此時用兵征剿。轉不能不痛加殲戮。誅之不可勝誅。此皆由姑息於前。養癰貽患所致。是伊等積陰功之見。實為大損陰功。豈非婦寺之仁耶。嗣後各督撫等於地方應辦要件。務須慎之於始。一有端倪。即行查拏究辦。隨案示懲。免使萌蘖潛滋。釀成巨案。至前此直隸搜捕張標。因喬人傑辦理不善。致被風

實錄卷六

書

聞先逸。是以將喬人傑革去頂帶。今朕聞喬人傑前往內黃圍拏張標時。伊親自搜衣持刀。跳越牆內。督率搜捕。雖被張標得信潛逃。而其夥黨皆因此畏懼竄散。得以陸續就擒。首犯張標亦旋經拏獲。是喬人傑雖不能將張標即時拏獲。而較之胡季堂之遷延不辦者。尚為勇往。喬人傑著賞還頂帶。以示功過兩不相掩之意。將此通諭知之。又諭督撫職任封圻。政務殷繁。不得不延請幕友。以資

助理。近聞各省督撫多有挑取屬員入幕之事。因其屬明例。案便於任使。是以多留在幕。謹飭者或無影射滋弊。而一二蒼滑之輩。藉與同寅交好。暗通關節。私相結納。到處招搖。逢人撞騙。司道資其通信。府州藉以逢迎。每遇升遷。輒出具上考。既擁厚貲。復邀遷擢。且此等人員。既經常在督撫署中。於本任應辦事件。必多貽誤。於吏治官方實有礙。嗣後各督撫等。不得將所屬人員留入署中。致滋

實錄卷六

書

弊端。其延請署中幕友。亦毋許出外。與地方官交結往來。如敢仍前私自留用屬員。別經發覺。或被科道糾參。必將各該督撫及留入署中之員。一併治罪。決不寬貸。將此通諭知之。○命哈密辦事大臣伍彌烏遜回京。以吐魯番領隊大臣佛志為哈密辦事大臣。賞已革總兵官寧泰藍翎侍衛為吐魯番領隊大臣。○辛亥。以歲暮祫祭。遣官祭太廟中殿。

後殿○諭內閣禮部議准御史郭儀長條陳鄉會試迴避卷請另編坐號將硃卷密封進呈欽派大臣秉公校閱一摺所議非是迴避舉子另行考試雖係舊例嗣於乾隆年間奉

特旨停止蓋每科鄉會試主考官官至下科未必復行簡派其子弟迴避者不過數人即本科迴避不過停試一科下科仍可應試並無礙登進之路今據禮部奏稱此項迴避卷請旨取中一二名如俱係平庸之卷即全不取

實錄卷五十六

四十六

中既無定額即難著為成例設使例應迴避者僅止數卷亦請特派大臣校閱更屬無謂且摺內稱迴避各卷全行進呈將去取之故於卷面黏貼黃簽以備比較亦屬紛煩不成事體朕於臣工條奏交部叢議者原以試看各該堂官等識見如何自應酌其事理分別准駁並非一經交部即可議准也禮部所議不准行○壬子裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

實錄卷五十六

四十七

泰東陵

裕陵○遣官祭

端慧皇太子園寢○遣官祭

太歲之神○癸丑諭軍機大臣等陝省各股

竄匪輾轉奔突朕原望那彥成將張逆餘匪速行勦盡即可移師合擊不料那彥成惟事

入林追捕稽延時日而川陝交界老林藏匿之賊又復乘間至沔縣一帶肆行焚掠此皆

由那彥成辦理不善所致王文雄又復堵禦

不嚴以致賊匪分投奔竄將入甘境本應治以疏縱之罪姑念王文雄所帶兵勇無多且平日尚屬黽勉現又患吐血病症是以暫行寬宥松筠可將此旨傳諭王文雄令其倍加奮勉立功自贖儻再有貽誤必按律治罪現在陝境賊多兵少應行防堵之處甚多現已降旨諭令德楞泰速赴陝境與松筠併力合擊並著松筠傳諭吉蘭泰索費英阿一併帶兵會同堵剿務將此股竄匪擊退勿令乘虛

實錄卷五十六

吏

肆擾為要至陝省被賊滋擾地方早經降旨令該督詳查應如何接濟之處據實具奏俟查奏到日再行酌量加恩將此傳諭知之○是年旌表孝子江蘇等省丁履豫等五名孝婦湖北洪譚氏孝女江蘇等省吳月官等三口順豫甘肅王守官守節合例宗室滿福妻文佳氏等十三口滿洲惠格妻舒穆魯氏等一百一十口蒙古烏勒登額妻王氏等一十七口漢軍都倫妻西魯勒特氏等三十六口

駐防壯丁三各妻李氏等一百五十四口直隸等省方邵妻夏氏等共五百六十口未婚守志滿洲伊靈阿聘妻兆佳氏蒙古巴林保聘妻伊爾根覺羅氏漢軍佟國泰聘妻東鄂氏直隸等省羅維常聘妻張氏等三十一口百歲壽民婦江西等省朱山儒等二十名口五世同堂浙江等省翁廷連等六十家各給銀建坊如例○一產三男直隸等省楊德等七家○會計天下民數穀數直隸各省通共

實錄卷五十六

四十九

大小男婦二萬九千三百二十八萬三千一百七十九名口存倉米穀三千一百三十八萬七千九百九十九石二斗七升九合四勺

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十六

實錄卷五十六

辛

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十七

嘉慶五年庚申春正月甲寅朔

上詣

奉先殿行禮 詣

堂子行禮 遣官祭

太廟後殿 詣

大高殿

壽皇殿行禮 還宮不御殿受賀王以下文武

大臣官員於乾清門外行禮 啟鑒恭謁

裕陵 再免蹕路經過地方本年額賦三分

是日駐蹕烟郊行宮 乙卯駐蹕桃花寺行

宮 丙辰

高宗純皇帝初週忌辰

上恭謁

裕陵至帷次降輿更縞素慟哭步入

隆恩門詣

寶城前黃幄行禮讀文奠酒畢隨

冠服籬出跪奠盡哀乃退王以下文武大臣官

員均隨行禮○是日駐蹕隆福寺行宮○丁

巳

上恭謁

昭西陵

孝陵

孝東陵

景陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

隨行禮○詣

裕陵叩辭奠酒行禮慟哭盡哀乃退○命前任

清 實 錄 嘉慶五年正月上

漕運總督蔣兆奎來京候旨 兩江總督費

淳漕運總督鐵保奏調劑漕務事宜請將向

例應給州縣銀米錢文改撥旗丁並將旗丁

應得行月米石改給折色及應領運費令糧

道放給以杜剋扣等弊得旨依議速行○是

日迴鑾駐蹕桃花寺行宮○戊午諭軍機大

臣等此次高姓等四股賊匪竄入城固南鄭

等處祇因川省無糧可掠希圖由漢江上游

搶入甘境覓食陝省兵力較單不能堵禦額

勒登保酌量緩急機宜帶領兵勇即由保寧

廣元一帶取道入陝不辭勞瘁力疾遠涉實

堪嘉慰前因川匪竄入寧沔一帶德楞泰相

距不遠是以令其速赴陝境堵剿今額勒登

保親自前往更為得力川省各股賊匪即責

成德楞泰魁倫勦辦魁倫係本省總督川境

賊匪係伊分內應辦之事伊二人務當督率

將弁分投截擊將冉添元徐添德等股以次

殲除至川東賊匪專交七十五勦辦勿任東

七四七

竄楚境其川北之通江南江一路賊匪專交朱射斗勦辦將此傳諭知之是日駐蹕白

澗行宮己未享

太廟遣豫親王裕豐恭代行禮遣官祭

太歲之神是日駐蹕烟郊行宮庚申

世祖章皇帝忌辰遣官祭

孝陵

孝淑皇后殯宮月祭遣官行禮

上還宮辛酉諭內閣松筠奏審擬秦州鄉勇

疑賊誤殺一案內蕭復有一犯見甘肅河州

左營千總向明山形迹可疑不能詳辨真假

率行首先報信以致該處鄉民爭先手刃其

罪較重不應照過失殺律辦理蕭復有著改

為絞候不必入於情實馬世清等三人著照

例收贖其向明山等著照陣亡例議卹尋予

向明山祭葬世職並賞卹難兵五十二名如

例命發往伊犁効力之慶成赴軍營帶兵

圖功自贖命大學士伊犁將軍保寧來京

供職以陝甘總督松筠為伊犁將軍仍留陝

省幫辦勦賊事宜調閩浙總督長麟為陝甘

總督實授王德為閩浙總督阮元為浙江巡

撫轉戶部右侍郎戴衢亨為左侍郎調工部

左侍郎張若渟為戶部右侍郎轉工部右侍

郎汪承霈為左侍郎以前任漕運總督蔣兆

奎為工部右侍郎命新調陝甘總督長麟

馳往陝西會同松筠辦理軍務加賑直隸

霸河閒任邱隆平寧晉定六州縣水災蟲災

飢民並貸文安清苑蠡雄安新安六州縣災

民籽種口糧免大城文安二縣無地貧民應

還官穀有差加賑江蘇蕭碭山二縣被水

災民加賑安徽宿靈璧泗三州縣衛被水

災民並貸鳳陽懷遠盱眙五河四縣衛貧民

口糧貸湖北荊門潛江天門三州縣被水

軍民籽種口糧壬戌

上詣

大高殿行禮

時應宮

昭顯廟拈香。特諭各省督撫國家設立倉庫原備各省緩急之用。豈容稍有虧缺。若清查過急。州縣借彌補為名。復有勸捐派累之事。是為民反成害民之舉。理財變為聚斂之弊矣。若勒限在任彌補。則是剝肉補瘡。無益有害。朕深知此弊。大抵州縣虧空。不畏上司盤查。而畏後任接手。上司不能周知。盤查仍須書吏臨期挪湊。賄囑簽盤。況為期迫促。焉能得其真實。此所以不畏上司盤查也。惟後任接手。自顧責成。無不悉心查覈。書吏亦自知趨向新官。不能隱藏冊簿。然此皆向來之弊。非近年情形。近年則新舊交相聯絡。明目張膽。不特任內虧空未能彌補。竟有本無虧空。反從庫中提出帶去。名曰做虧空。竟移交後任。後任若不肯接收。則監交之員兩邊說合。設立議單。其不肯說合者。又令寫具欠券。公同書押。以國家倉庫作為交易。實屬從來

清 實 錄 嘉慶五年正月

未有之創舉。凡此弊端。朕在深宮。皆知况親臨之督撫。獨不知乎。既知而不辦之故。則因三節兩生日之私情。有礙顏面。閒有一二清正大員。又以不辦為積陰功。殊不知保全一貪官。害百萬生靈。其損陰功大矣。總之百姓不可剝削。倉庫不可虧損。其如何從容彌補之法。則在督撫悉心講求。無欺無隱。密奏章程。候朕酌定。亦不拘年限也。特諭。諭軍機大臣等。從來用兵之道。不外天時地利人和三者。以天時而論。則惟冬春兩令最為得力之時。一交夏令。則氣候蒸熱。秋雨水較多。雖精兵勁旅。亦不能展其長技。乃各路統兵大員。並未籌及。輾轉遷延。以致坐誤時日。不知天時其弊一也。以地利而論。則扼險堵禦最為要著。川陝等省。雖深林密箐之處較多。然必有要隘處所。可操一夫當關之勢。而帶兵大員等。不能相度地利。擇要守險。惟事跟蹤尾追。東奔西逐。轉將險要之地被賊占據。

七四九

任賊來往以致攻守兩難徒疲兵力不知地利其弊二也以人和而論尤在將士同心無分畛域乃能收衆志成城之效前此明亮永保等遇公事則彼此觀望於私忿則互相傾軋似此猜疑交構人各一心將士豈能用命即現在之統兵大員如額勒登保那彥成松筠等亦皆各顧各路彼此不相知會以致此處餘匪未能勦盡而他處之賊又復乘閒蔓延彼此各存私見甚至兩不相下互相推諉

不能和衷其弊三也本應各治以應得之罪即將伊等悉行更換國家亦不患無人今不即辦理已屬朕格外從寬伊等務須知愧知懼同心協力無論經畧欽差與將軍督撫等皆係同辦國事惟當屏除私見悉心籌辦以期於春令內剋日歲功力圖自贖儻仍前觀望遷延顧此失彼勒保明亮永保即前車之鑒毋謂教誡之不早也將此諭令知之○癸亥以甘肅提督蘇寧阿為寧夏將軍寧夏鎮

總兵官吉蘭泰為甘肅提督以工部右侍郎蔣兆奎為山東巡撫予故兵部尚書金士松祭葬如例諡文簡○甲子以戶部右侍郎張若淳為兵部尚書調吏部左侍郎周興岱為戶部右侍郎轉吏部右侍郎童鳳三為左侍郎調禮部左侍郎錢樾為吏部右侍郎轉禮部右侍郎曹城為左侍郎以內閣學士莫瞻菴為工部右侍郎仍兼管順天府府尹事是日立春順天府進土牛春山寶座○

乙丑以莊親王綿課為正黃旗領侍衛內大臣都察院左都御史達椿兼鑲藍旗蒙古都統丙寅諭內閣據戶部奏各省積欠自嘉慶三四年以來不下二千餘萬此項銀兩豈盡實欠在民外省地方官於應徵錢糧往往挪新掩舊以徵作欠每遇有協撥之項輒以本省現有急需為辭其實正項虛懸是以不得不為挪移掩飾之計似此年復一年伊於何底各省內如現在用兵省分需用浩繁或

可暫緩查辦其餘各省並無緊要事件自應將連年積欠實力清查歸還款項著通諭各督撫將各省積欠認真查辦分別在民在官覈實清釐妥為經理務使年清年款將應留貯者即行留貯應撥解者即行撥解不得仍前懸宕僅經此次通諭之後再有以完作欠挪新掩舊諸弊一經發覺除將經徵地方官按律治罪外定將各督撫一併治罪勿謂誥誡之不豫也將此通諭知之○以都察院左副都御史蔣曰綸為禮部右侍郎仍留山東學政任大理寺卿劉涓為左副都御史太常寺卿孟邵為大理寺卿廣西布政使聞嘉言為太常寺卿陝西按察使台斐音為廣西布政使陝西延榆綏道溫承惠為按察使○丁卯諭內閣賡音奏向來五城竊盜案件俱係各城司坊官緝捕其承緝不力之員例有處分嘉慶四年竊案未獲者尚有八十餘案東城西城俱有獲犯惟中南北三城拏獲者甚

屬寥寥請明定巡城御史處分以嚴緝捕所奏甚是五城地方人烟輻湊最易藏奸定例司坊承緝不力各有應得處分而巡城御史未經議及未免袒護司坊並不嚴行督緝司坊等又往往轉求失主息事或縱令胥吏捕役故意耽延自係實在情事現在中南北三城並無緝獲之犯所有該城御史均著嚴行申飭嗣後除承緝不力之司坊官仍照定例議處外其巡城御史亦著該部明定處分查照竊盜未獲之多寡及限期遠近分別酌議具奏尋吏部議五城竊案如巡城御史不嚴行催緝應罰俸三個月其任內一年期滿所報竊盜已滿初限者竊案獲不及十之二三罰俸六個月盜案三案未獲罰俸三個月五案未獲罰俸六個月六七案以上未獲罰俸一年從之○諭軍機大臣等此時川省賊匪既由寧羌奔竄畧陽已入徽縣那彥成分派吉林官兵並帶貴州固原等兵同扎克塔爾

綸布春等取道五郎洋縣探明賊蹤取捷追
勦此行甚是現在額勒登保已離川省那彥
成由陝入甘彼此同在一處勦賊無分畛域
那彥成務當與額勒登保同心協力繞出賊
前迎頭堵截不可徒事尾追此時川省竄匪
為數不下二萬甘省地方係曾經賊匪滋擾
之處賊匪未必能多有搶掠斷不可任其深
入致未經被賊地方又遭蹂躪也將此諭令
知之 以湖北鄖陽協副將多爾濟扎布為

廣東高州鎮總兵官 喀喇沁公丹巴多爾
濟緣事革爵賞頭等塔布囊在大門侍衛上
行走 戊辰

上詣

奉先殿

壽皇殿行禮 諭軍機大臣等近聞廣興到川
後經管軍需一味苛刻不知大體將各處鄉
勇任意大加刪減以為可以節省錢糧意圖
見好殊不知該處鄉勇久經團練既可藉資

堵禦保護地方兼可令無業遊民仰給於官
免致失所若大為裁撤則此等鄉勇無業可
歸必致去而從賊況勦辦賊匪之事若能剋
日告蒞則所省實多若再遷延時日徵兵撥
餉轉致需用浩繁是名為撙節更多糜費廣
興惟逞其小見全不以國事為重難勝總辦
軍需重任並聞其前赴川省時沿途亦頗不
安靜現已派副都統托津前往辦理但托津
到川尚需時日所有該省軍需事務先著阿
迪斯暫行署理一面傳旨諭知廣興令其由
驛回京候旨不許逗遛 以在畧陽禦賊出
力加甘肅道員瑞亨按察使銜並賞花翎

以次辛祈穀於

上帝自是日始齋戒三日

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十七

實錄卷之五十七

十七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十八

嘉慶五年正月己巳以恭奉

高宗純皇帝升配

祈穀壇先期遣官告祭

天

地

太廟

社稷、撥部庫銀一百萬兩解往陝甘以備軍

需 庚午

上詣

南郊齋宮齋宿諭軍機大臣等據倭什布奏

陝省平利一帶竄匪闖入楚省竹山竹谿邊界因思賊匪奔竄往來無定竹山竹谿又與豫境不遠完顏岱防守江岸恐兵力較單不能兼顧著吳熊光即令河北鎮總兵常麟酌帶弁兵馳赴豫楚毗連沿江要隘地方幫同完顏岱嚴密防範勿令竄匪乘間闖入豫境又諭據倭什布奏陝省平利之賊又擾及竹山竹谿一帶隘卡該處距德楞楞泰一路不遠已飛咨帶兵援應楚省防堵兵力較單德楞泰自應前往督勦其川境各股賊匪即著魁倫上緊勦辦以戶部左侍郎戴衢亨為武英殿總裁官辛未祈穀於

上帝

上親詣行禮恭奉

高宗純皇帝配享如儀諭內閣自川楚教匪滋事以來所過地方焚燒搶掠迫脅萬狀民人不得已而從賊日以寢多經朕節次降旨令領兵大員剴切曉示如賊匪中果能有歸

命投誠者仍係朕之良民令地方官妥為收卹自降旨以後據川陝各督撫先後奏到被脅之人悔罪投出者甚多但伊等俱已早失生業室家田土蕩然一空名曰回籍仍受流離顛沛之苦每一念及朕心為之惻然雖撫卹之旨屢下特恐地方官未能妥為安置而胥役人等又不免因其曾經從賊加以陵虐任意索詐是伊等雖脫身賊中冀求生路而仍不能各遂其生所謂安撫者皆有名無實即實在傳授邪教之徒若能去逆效順即屬良民皆當許其自新一體收卹斷不以其曾經入教又復罪其既往儻地方官經此次傳諭之後不能仰體朕心妥為辦理以致伊等稍有失所或任胥役從中訛詐一經查出必當重治其罪決不寬貸現在戶部侍郎周興岱赴川祭告嶽瀆著於所過川陝曾經被賊處所將此旨宣布謄黃並面告地方官遵照妥辦以副朕矜卹愚氓脅從罔治至意又

諭前因明亮在陝省勦辦張漢潮一股賊匪帶領多兵不能奮力殲除任其往來奔竄日久稽延於樂莊牧護關等處打仗情形又復奏報不實是以將伊革職拏問交大學士九卿嚴訊定罪但念明亮從前在西北兩路帶兵著有勲績嗣於征勦大小金川曾任副將軍贊理軍務功成受賞辦理湖南苗匪亦係伊接辦歲事勦辦湖北孝感邪匪亦能迅速殄除嗣又在陝境殲斃齊王氏姚之富二逆

惟上年追勦張漢潮辦理遲延先經降旨將伊拏問明亮旋將張漢潮殲斃雖其餘匪冉學聖等尚未淨盡而那彥成等帶兵督勦僅在老林尾追徒疲兵力至今亦未痛加殲戮是辦理遲緩之罪不獨明亮一人為然朕平心細覈明亮功多罪少况係宿將必應保全至明亮在湖北得受餽遺訊明俱係犒賞兵丁並未入己即兩次查伊家產貲財亦屬無多亦未有似永保於事後受賄之事罪不掩

功非曲法示恩亦非姑息明亮著加恩釋放賞給金頂領催前赴湖北竹谿一帶隨同松筠帶兵勦賊但係屢經獲罪之人本應自備資斧前往第恐行走不能迅速並著加恩准其馳驛伊到軍營後所有一切分例不准支給明亮經朕此次寬宥之後如能倍加感奮殲賊成功尚當加以懋賞若再不激發天良力圖報稱或仍以宿將自居不聽調度致有貽誤必當加倍治罪不能再為曲宥矣命

兵部尚書張若渟理藩院尚書烏爾圖納遜都察院左都御史達椿在紫禁城內騎馬以湖廣總督倭什布不能辦賊命來京候旨命伊犁將軍松筠馳赴湖北督兵勦賊以湖南巡撫姜晟為湖廣總督刑部右侍郎祖之望為湖南巡撫調工部右侍郎莫瞻菴為刑部右侍郎命兵部尚書張若渟兼管順天府府尹事調禮部右侍郎蔣日綸為工部右侍郎以大理寺少卿劉躍雲為禮部右侍郎

壬申諭內閣朕聞閩省漳泉地方營汛兵弁平時於汎地漫不稽查偶遇有緝捕盜匪輒向地方官需索供給費用甚或有不法兵弁私通巨盜得受賄賂反為之容隱藏匿以致緝捕徒勞業懸不結海洋地方所設營汛兵丁原以資捕盜之用今不但實力查拏而轉受盜賊為其通信並聞此等惡習不獨漳泉為然即沿海各省分營兵等亦有暗通洋匪利其贓賄名為海倖之事項兇承認以致真盜漏網似此玩法養奸何以綏靖海疆肅清洋面特此通諭沿海省分各督撫及提鎮等務須一體實心查察嚴行飭禁儻有前項不法兵弁即當據實覈辦按律懲治毋得視為具文仍致有名無實各干重譴○諭軍機大臣等川省竄入甘境之賊如過白水江即係龍安地界該處有路可通成都聞即係陰平小路自有險要可守著魁倫豫為籌備飭令該處文武員弁加意防範勿使川南未經

被賊之區致滋擾累將此諭令知之○又諭昨據倭什布奏川省竄匪合夥力撲卡隘衝入楚境竹山竹谿一帶希圖東竄該省襄陽一帶與東路逼近儻賊匪意存窺伺欲圖竄入該處兵力稍單恐不足以資堵禦著弘豐確探此股東竄賊匪為數究有若干如業經官兵截回該將軍不必輕動若漸有東竄之勢即於駐防兵丁內酌派一千名或五百名親自帶領號稱數千為倭什布等逞壯聲勢並酌量迎頭堵擊與倭什布等兩面夾勦更為得力如賊匪已逼逐出境弘豐亦不必跟蹤遠追仍帶原兵回駐荊州可也將此諭令知之○命嗣後東陵侍衛等俸米折銀支給○都察院左都御史趙佑以病乞假允之○癸酉諭軍機大臣等從前楊錫紱在漕督任內辦理漕運一切章程俱屬妥善迄今數十年旗丁尚受其益聞伊於派委員弁催查漕運一節尤不肯輕

易差委大率糧船開兌行走各衛弁等故意鑽營派委差使藉催查之名沿途需索肆意苛求而旗丁之苦累已不可勝計是慎委漕弁亦剔除漕弊之一端鐵保惟當以楊錫紱之經理得宜為法以富綱之貪婪勒索為戒妥協辦理以副委任將此傳諭知之○又諭自教匪滋事以來四載有餘任其東奔西竄總未殲除固由帶兵大員勦辦不力而地方要隘不能認真堵防尤屬貽誤若果能各按

地方形勢扼要攔截則帶兵追賊之人無難即時趕上奮力殲擒是日前辦賊機宜以堵為上策總之能堵而後可以言勦必能勦而後可以言撫蓋內地人民非邊徼外夷可比如從前廓爾喀等部落及現在青海番賊滇南猺黑果能畏罪乞降將為首滋事之人獻縛即可令各安邊界就事完結操縱在我今賊匪俱係內地民人在川楚陝甘一帶蹂躪地方荼毒百姓一處未淨即一日不能歲事

斷無置之不辦之理必須痛加殲戮使賊匪自知奔逃無路畏懼投誠方可行招撫之策示之以克其降乃固而受撫以後若止量加資助給以口糧不過為將就目前之計轉瞬仍形缺乏此等既經從賊之人無以謀生難保其不復萌故智該督撫等務須悉心籌畫設法妥辦將此諭令知之○又諭魁倫奏川省勦撫情形所論皆合竊要惟欲將投出頭目給與頂帶一事斷不可行此等曾經從賊

之人宥其一死已屬格外從寬若給與頂帶何以服百姓之心即鄉勇等代官堵禦尚未能盡加獎勵而曾經從賊之人投出後轉得邀頂帶之榮恐鄉勇見之亦未免心懷缺望此等投出邪匪果能招徠同類或臨陣奮勇殺賊尚可酌量加恩斷無一經投出即予頂帶之理此時魁倫甫經帶兵自當大加振作所有川省各股零星賊匪專交魁倫勦辦該督務須上緊截擊奮勉成功將此傳諭知之

又諭昨據那彥成奏已帶兵馳赴留壩入棧今川匪既有竄至鳳縣地方之信那彥成相去不遠伊自當在彼截剿但該處距省甚近台布自當酌量情形何處緊要即於何處堵截總之未經被賊處所斷不可任其滋擾如鳳翔西安二府屬為陝省精華之地尤應豫為防範勿使該處民人有風鶴之驚必當時刻留心將此傳諭知之 又諭據貢楚克扎布奏土爾扈特哈薩克偷竊馬匹之克什克圖等審明定擬一摺土爾扈特等越卡竊馬例應正法但此案兩處所竊馬匹俱經如數償還且非案關人命而土爾扈特親王車琳烏巴什哈薩克公庫庫岱各將屬下竊馬之人查出呈送甚屬可嘉著格外加恩將克什克圖托克托博勒圖魯克免死各枷號兩箇月滿日發往烟瘴地方並著貢楚克扎布曉諭該王等以朕嘉其恭順將其屬下行竊之人免死從輕辦理伊等宜倍加感激諸事

奮勉以期仰承厚恩也○甲戌諭軍機大臣等本日召見廣東按察使吳俊奏稱粵東洋盜出沒因該省額設巡船緝捕不能得力經總督長麟督率吳俊照依商船米艇式樣於通省各官養廉內捐造各船礮位及每年修理均係歷任督撫司道府州縣陸續捐辦共有一百餘號常川在洋遊巡堵緝遇盜即擒聲勢頗為雄壯嚴密等語粵東既有捐辦米艇之法近年洋盜稀少已有成效此外沿海省分自可仿照捐辦以資緝捕即或粵東洋面較寬各省捐造米艇不能如粵省之多亦應酌量各處情形或捐造二三十隻或四五十隻按照粵東之例辦理妥協綏靖海疆必當一體交部議敘以示獎勵將此各傳諭知之 復翰林編檢等官輪班引見例以左春坊左庶子觀誠翰林院侍讀鶴林充日講起居注官詹事府少詹事平恕署日講起居注官 乙亥

上詣

雍和宮行禮 丙子

孝聖憲皇后忌辰遣官祭

泰東陵

上詣

慈寧宮

壽康宮行禮 諭軍機大臣等廣厚奏接據安

肅道瑞亨咨會川省賊匪搶渡白水江闖入

徽縣之信現將各族野番分別勦撫趕緊辦

理一俟完竣即馳赴徽秦協同勦辦等語所

見甚是現在貴德番衆業已悔過投誠僅餘

上下剛咱兩屬經廣厚與台費蔭移師示威

該番衆甚形畏懼已有投首之信台費蔭甫

經到甘情形尚未深悉廣厚慮及番衆窺知

內地有事又生抗拒是以暫行緩回秦州先

著蔡廷衡回蘭州料理軍需所辦皆妥若番

衆咸知畏懼於可以徵兵之時即行歇手將

一切辦理章程交與台費蔭妥為經理廣厚

即赴徽秦一帶協同勦辦即彼時探知賊匪

已離甘境該省防堵亦須嚴密將此傳諭知

之 丁丑諭軍機大臣等據廣興奏報支用

軍需情形將經手錢糧浮濫之府縣三人據

實陳明所辦尚是節次所發部帑專為軍需

而設而地方官往往以本省支用各款牽混

廣興奏明查辦係為慎重軍需起見且自到

川總理以來已經半載一切辦有頭緒著加

恩仍留川省幫同托津辦理軍需將此諭令

知之 戊寅命熱河副都統德勒克扎布來

京候旨降黑龍江將軍那奇泰為熱河副都

統以總管內務府大臣景熠為黑龍江將軍

戶部尚書布彥達賚兼總管內務府大臣正

藍旗滿洲副都統德麟兼右翼前鋒統領

大理寺卿富崑以老病休致 己卯諭內閣

向來保甲一法原係比閭族黨之遺制稽查

奸宄肅清盜源實為整頓地方良法前據科

道等條奏節經降旨飭令各督撫等實心講

未妥為辦理但定立章程惟在簡而易遵切而可久方能得有成效如繕造循環冊籍務令地方公舉誠實甲長俾司其事不經吏胥之手至於稽查之法地方官勢難周歷四境應於因公下鄉隨時詢問據其所言丁口閱對牌冊或於審理詞訟時隨意詳詰取冊校覈則甲長等自不敢從中弊混任意捏報加以化導有方誠勉有法條析利害申明約束如有干犯禁例牌甲知情不舉者查明隨案懲處幾法立而人不敢欺小民相勸於為善矣特此再行通諭各該督撫等務須督飭所屬實力奉行以期閭里無所容奸地方漸臻淳厚毋得視為具文仍致有名無實也諭軍機大臣等吉慶奏盜匪悔罪投首一摺盜首馮勝聞知節次投出盜匪俱已免罪因帶同家口及夥匪等共四十一名口一併投誠吉慶等分別安插嚴加約束所辦甚是並據飭令委員及地方各官於內地內洋妥為

招撫不得擅入夷地夷洋一節所辦亦是此等盜匪在洋面行劫多時自必積有貲財現既令地方官分處安插恐胥役等因其曾為盜匪有意勒索或致別生事端不可不嚴行查禁至安南農耐盜匪或有聞風來投者即當送回本處不獨農耐之人應行拒絕即安南之人亦不可收留至此次投出盜匪多人並著該督等留心查察儻有安南農耐之人在內即著酌給盤費遣回可也將此諭令知之

朝鮮國王李祘遣使表賀

高宗純皇帝

孝賢純皇后

孝儀純皇后升祔禮成並謝恩及進貢方物賞賚如例停止筵宴○琉球國中山王世孫尚溫遣使奉表謝恩及進貢方物賞賚如例停止筵宴命工部右侍郎山東學政蔣曰綸來京供職以大理寺少卿戴均元提督山東學政以貝子永碩為宗人府左宗人鑲紅

旗滿洲副都統晉昌為右宗人、庚辰諭內閣朕恭閱

高宗純皇帝實錄內載戶部右侍郎趙殿最奏州牧縣令出境迎接上司久經嚴切申禁令奉命查勘直隸河東等處河道所過地方知府牧令每於數十里外迎送甚至教官率領生員迎接道左請一體禁止等因國家設立州牧縣令為守土之官原責以牧養斯民勤勉吏治若任意出境迎送上司不特有曠職守而黃緣奔競等弊即從此起豈設官分職之意耶至生員躬列膠庠乃遇大員經過境內亦有教官率迎道左之習更屬無謂即朕每於巡蹕所經亦祇令地方官於二三十里之內前來瞻覲若道途遙遠即不令前來亦所以重職守其前往熱河時因經過文廟有生員在道旁跪迎他處從無此事今朕聞那彥成前於奉命往陝省時沿途地方官多有遠來接候曲為逢迎之事實屬外省

惡習此等積弊州牧縣令視為故常恬不為怪不獨欽差大員過境伊等極其承奉即遇本省上司及鄰省督撫司道經過該員等皆不憚遠涉紛紛迎送轉以此為見長之地則地方應辦事務延擱貽誤不知凡幾著通諭各直省地方官凡有守土之責者務須各勤職守僅遇上司欽差所過地方其正印各員非有公事傳詢不得輕離職任至教官為訓迪之司尤不應率領生員道旁迎送俱著一

體嚴禁僅經此次諭禁之後尚復視為具文仍蹈從前陋習一經覺察或被入糾參必當嚴行懲究以期官方肅而士習端亦化民成俗之一道也將此通諭知之○又諭慶郡王永璘自幼蒙

穎貴太妃撫養現值

穎貴太妃七十壽辰備物申祝本屬誼所應有但必應在朕前先行奏明方可呈進今永璘竟不豫行陳奏輒令護衛太監等徑赴

壽康宮陳遞經

穎貴太妃處太監奏明朕始得知從前

孝聖憲皇后每遇萬壽慶辰如和親王果親王

及內外臣工等備物申悃無不奏明

皇考始行呈進從未有擅自遞進者此時

穎貴太妃尤與

東朝尊養禮節懸殊乃永璘竟自令護衛太監

遞進並不先奏朕知交結近侍之舊習復萌

以此嘗試朕能知否若朕不能知或知而不

問則故態復作矣再從前恭遇

皇考巡幸朕與成親王永璉俱謹隨

輦蹕不敢稍離而永璘則往往偷安行走落後

竟不繫撒袋直至

駕詣行宮時始隨班跟入今年朕恭詣

裕陵往還途次留心察看永璘尚不知悛改仍

復在後行走並不隨侍永璘前在書房即喜

與太監人等相近諸凡不知大體著退出乾

清門並交宗人府議處加恩仍留內廷行走

隨同儀親王永璇等當差以觀後效如再不

知改悔則當退出內廷令隨同閒散諸王行

走不能全其顏面矣○諭軍機大臣等川省

之賊因彼處無可掠食是以竄入甘境現經

額勒登保等合兵追剿自未必仍折回川必

思竄至陝省而陝境石泉一帶現據台布奏

稱又有川省竄匪搶渡過江距城甚近該處

兵力較單難以堵禦看來賊匪彼此勾通竟

有分掣官兵之勢德楞額泰自應即赴陝省會

同台布勦辦石泉之賊並防甘省竄匪折回

陝境又聞入陝豫交界為要將此傳諭知之

又諭現在川省賊匪股數無多而楚省勦

賊急需兵力著魁倫於通省鎮將中如七十

五阿哈保朱射斗等察看何路距楚省二竹

一帶較近即派一人速行帶兵前往協同楚

省官兵併力合擊或截回川境上緊勦淨如

此方合封疆大臣任事之道朕必特加優獎

也又諭朕聞福建地方匪犯往往暗通書

役營兵互相勾結遇有搶獲將賊私三股均分兵役等利其分肥私通信息不肯破案其械鬪傷人者於地方官拏究時僅將項兇之人送出將就了事近年以來併項兇亦不肯遽行送出矣至會匪一項素以三指為號雖無持呪念經等事若非犯事到官原可聽其自然如顯有擾累良民貽害閭閻情事自未便置之不辦地方官因其由來已久往往養癰貽害勢必無所顧忌於吏治民風均有關係著傳諭玉德汪志伊等遵照節次所降諭旨悉心籌畫督同文武員弁將械鬪會匪諸弊實力剔除鎮靜辦理固不可怠緩因循致滋貽誤亦不可過事張皇轉致激成事端○緩徵湖北被賊滋擾之竹山竹谿房保康南漳東湖興山歸巴東九州縣衛本年春徵額賦並荊州荊左荊右沔陽四衛及枝江松滋宜都當陽四縣未完節年運費義幫等銀○緩徵甘肅被賊滋擾之隴西寧遠伏羌通渭

岷西和漳秦徽秦安兩當禮階成十四廳州縣西固三岔二州同所屬本年春徵額賦撥部庫銀四十萬兩解往湖北以備軍需辛巳諭內閣國家設兵原以衛民全在平时操練方能得用第承平日久文恬武嬉各營伍將弁往往自耽安逸竟不以操練為事而該管上司又復不加查察以致日漸懈弛即如調兵各省分前曾降旨諭令各該督撫提鎮按數召募新兵以備操防巡緝之用自須勤加訓練悉成勁旅一經調遣即可得力若僅以兵數充足而不加之訓練仍屬有名無實轉致虛糜帑項著各該督撫提鎮務須隨時認真操練使之技藝嫻習悉成可用之兵以飭營伍而重巡防至各省倉儲關繫民食軍糈若於地方年歲豐稔之時不行買補足數設遇一隅偏裨或他省有需用之處何以接濟此皆守土大臣所應隨時經畫者倘經此番訓諭之後各督撫提鎮等於營伍倉儲

仍不肯實力整頓一經查出必當重治其罪
諭軍機大臣等去年八月以後各處奏報
往往以賊勢窮蹙為詞彼時即恐諸臣所奏
意在寬慰朕懷未必確實及臘月至今四川
各股賊匪紛紛四竄可見前此軍營奏報賊
勢窮蹙情形竟係飾詞寬慰看來此等匪徒
怙惡已深懲不畏死勢難藉招撫為解散之
計惟有痛加剿殺刻盡根株但賊匪固應殲
除而良民尤當愛惜從前屢被賊匪裹脅之

故總因地方官不能加意撫卹惟知苛刻苦
累以致民志不固遇賊逼脅即甘心附從此
時惟有曉以大義庶可衆志成城著各督撫
等嚴飭各屬廣為開導出示曉諭以爾等世
世以來食毛踐土百數十年於茲我朝

列祖

列宗深仁厚澤無不浹髓淪肌即此時被賊處
所蠲賑並施無非惠愛黎元登諸社席小民
具有天良自當倍加感激志切同仇豈有一

經賊匪逼脅遽爾相從以致身家不保現在
川陝各處其結寨保聚者賊匪即不能擄掠
爾百姓惟當集勇團練固守村莊賊至則合
力迎禦賊去則仍安生業既可捍禦鄉邑亦
足自護室家方不負朝廷教養之恩如此剴
切曉諭則人思自衛不致再為賊匪所擄多
一民即少一賊從此民心益固賊勢益孤可
望剋期肅事 壬午

孝儀純皇后忌辰遣官祭

裕陵 諭軍機大臣等現在山西河南邊境寧
謐賊匪竄入陝甘有大兵勦捕斷無闖入山
西河南邊界之事第豫晉兩省毗連畿輔必
須兵強卒練有勇知方庶足以資保障即或
有需調派之處亦可得力著傳諭伯麟將征
兵額數全行召募補足外再召募數千名吳
熊光亦酌量情形於已經募補外再召募數
千名務須督飭鎮將備弁等勤加操練緩急
可恃方為不負委任即賊匪蕩平之後該二

省多留數千兵丁增添額餉亦不為糜費也

加封

天后垂慈篤祐四字神號命冊封琉球國正使翰林院修撰趙文楷齎往福建致祭○癸未特諭山東江浙各督撫朕聞濱臨江海一帶鹽販較衆頗少忌憚內中恐有被賊難民或裹去復出者或棄賊逃回者既失舊業無所依賴附客船順長江而下甚易陸續聚集亦未可定此等窮民若僅數十人賴私販存

活於鹽務尚無大損原不必過事搜求但聞近來有聚至三五百者儻愈久愈多地方官更不敢過問矣况東南之人浮而不實易於流動一夫疾呼百夫響應儻別滋事端為害匪淺是在良有司設法查辦緩急得宜過緩則恐難圖過急又恐生變須付託賢能州縣勤訪密察亦防患於未然暗弭奸宄之要務不可視為泛常也又聞浙江紹興海寧接界之江灘上聚匪數百頗為過往客船之累近

雖有拏獲尚未盡清地方官每因案重則處分亦重諱匿不報因此盜風未能斂戢各該督撫須共矢忠貞安良除莠以國事為家事化有事為無事無事固不可生事有事亦不須畏事佐朕之不逮庶幾漸臻郅治歟特諭

諭內閣江蘭歷任藩司巡撫聲名平常辦事任性朕早已稔知是以令其來京陛見因彼時尚無別項劣蹟將伊留京暫補兵部侍郎嗣據初彭齡奏江蘭前在雲南巡撫任內於抱母恩耕等井被水衝淹有諱災不辦之事令軍機大臣傳旨詢問並令伊明白回奏江蘭並不據實陳明含混登答曾降旨將江蘭交部嚴加議處伊自當聽候部議乃復具摺堅稱實無淹斃人口嘵嘵置辯已失大臣之體然朕尚恐稍有屈抑復諭令書麟詳查具奏於部臣議請將江蘭革職之處暫改留任俟書麟覆奏到日再降諭旨茲據書麟查奏抱母恩耕二井前被山水衝淹井竈民

房衙署鹽倉皆被衝塌淹斃男婦三十二名口被災民竄三千四百餘丁口衝坍房屋一千四百餘間經地方官稟報江蘭祇於辦理裸匪回省摺內聲明咸遠一帶並無被水村莊轉稱收成極其豐稔書麟辦事素稱公正所奏皆係實在情形是江蘭竟係有心諱災其咎甚重封疆大吏於民間水旱災祲自當據實速奏以便降旨加恩撫卹用甦民困乃江蘭玩視民瘼並未即時馳奏其被災井竈向俱奏明動項興修而江蘭捏稱向係鹽道同管井同知大使等捐廉修辦不動正項其飾詞諱匿尤為百喙難辭又署鎮沅州廣照原估修理五井工料銀三萬五千一百餘兩係將井臺木橋等項估計在內其劉家井大井二處原止估銀七百餘兩而江蘭一併牽混以致駁飭與原估數目多寡懸殊顯係有心苛刻至咸遠被災時該同知孫峻德稟報江蘭原稱衝去人丁十餘口而江蘭摺內以

孫峻德稟內並未敘及損傷人口更屬支飾又裸黑滋事皆由鹽斤墮銷地方官按戶派買借債繳課蒙化等處刁民遂借此滋事江蘭豫將此案卷宗抽匿以為消弭地步情弊顯然本應將江蘭革職交刑部審訊發往伊犁但江蘭係屬鹽商家貲豐厚即發遣之後亦必具呈請贖轉似利其貲財江蘭著加恩照吏部原議革職即行回籍並不准再行瀆辯及具呈捐項自贖等事至伊子江平伊曾奏請帶同在萬年吉地効力今江蘭既經革職若伊子仍留該處恐無識之徒妄議或有出貲助工之事國家經費有定亦不藉此區區江平著即撤回又書麟奏請將抱母恩耕二井墮銷鹽課及墊用賑卹銀共五萬三千九百六十餘兩令江蘭賠繳一節抱母恩耕二井被災若江蘭彼時據實奏明自應照例停煎焉有墮銷鹽課如許之多此項虧短課項皆係江蘭諱災所致既經該督等奏請著

賠所有前項銀兩著江蘭照數繳出於回籍後即行措辦解往雲南藩庫歸款毋得延緩轉兵部右侍郎劉秉恬為左侍郎以內閣學士陳萬全為兵部右侍郎是月欽差軍機大臣那彥成奏欽奉

上諭那彥成此次赴川辦理軍務朕聞其在陝西境內與隨帶司員有需索供應之事在那彥成受朕厚恩特加委任必自知凜慎不敢任性妄為但伊家人倚恃主勢或與司員所帶家人有向地方官勒索使費之事俱不能保其必無著傳旨諭那彥成嗣後當嚴行管束家人並轉飭司員等留心查察有則改之無則加勉不可存護庇僕役之見欽此伏念臣自奉命赴陝督師行次良鄉即繕發傳牌飭令沿途驛站毋許供應及帶兵入山後復通飭陝省州縣即迎送亦概行停止帶出轎夫二十名入山時悉行遣回又家人孟克因與兵民爭買酒食致相口角當即飭交臬司

台斐音查照旗人家奴酗酒之例立時發遣祇因事涉瑣屑未敢一一瀆陳實不敢任意縱容致有貽累嗣後惟當嚴管僕從並令司員等留心查察家人勿稍疏縱得旨卿雖自矢忠貞屬下尚須嚴察外省官吏聞軍機大臣之名有不趨奉乎一切慎勉毋負汝祖家聲全朕用人顏面盡心竭力速成大功五等崇封朕不惜也勉之京中人言紛紛朕自有定見不為搖惑若久不覈事實不能姑容矣卿赴此兵威莫遺餘力速剿逆賊朕佇聽喜音連至以慰

皇考在

天之靈全朕孝字卿奉命至陝實尋拙路入林追捕未見寸功徒勞跋涉落河溼衣朕日夜懸心在卿左右刻不能捨因此議論紛紛有言卿放恣者有言無能者朕皆付之一笑專待卿之捷報以壓黃口卿受朕如此深恩若不知報竟非廣廷相國之孫矣燈下密書

傍無一人卿亦密存此摺回京面繳漕運總督鐵保奏漕務陋規現已革除惟浮費之在官吏者能革浮費之在無名宵小者不能盡革祇可逐漸清釐得旨浮費在官吏者多在宵小者少多者能革少者何害富網婪索盈千累萬以致層層剝削若源清而流不潔未之有也持定見要做好官再無不集之事一切慎勉為之湖北巡撫高杞奏奉旨交辦本省控案現在趕緊催提迅速審辦得旨聞汝頗有紀袴習氣若果如此是辜負國恩朕不能容汝敗壞封疆應深自刻責效法書麟之行為時時加勉從儉去奢為要兩廣總督吉慶奏蒙發回前次奏摺欽奉硃批以粟米布帛為重不貴珍奇臣民敬聞俱深悅服臣惟有督率所屬實力奉行以仰副節用愛人至意得旨節用不但能養身併能養人上行下效其功立見朕向來治家以崇儉為本今治天下不易此心唯望賢督撫佐成朕

實錄卷五十九

壬子

治共樂昇平百姓足則朕之願足矣家有蓋藏則朕之富大矣善體此意毋忽

實錄卷五十八

壬子

大清仁宗受天興運敷化綏猷崇文經武孝恭勤儉端敏英哲睿皇帝實錄卷之五十八

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十九

嘉慶五年庚申二月甲申朔遣官祭

先醫之神諭內閣勒保前在雲貴總督任

內勒辦神苗藏功完善蒙

皇考錫封侯爵嗣調任四川勒辦叛匪因擒獲

起事首逆王三槐復蒙

皇考殊恩晉封公爵上年朕親政之初即授勒

保為經畧畧以事權冀其上緊辦賊迅速奏

功乃勒保自任經畧以後惟知安坐達州從

未帶兵與賊接仗僅將各路打仗情形彙奏

塞責毫無調度以致賊匪日久稽誅是以將

勒保革職拏問解京審訊勒保惟認遷延貽

誤之罪無可置辯經軍機大臣會同刑部遵

朕前旨擬以斬候但念勒保前此辦理神苗

尚為安速至今黔省苗民寧貼其功實不可

泯即在川省辦理教匪曾擒首逆王三槐且

其任經畧時各路亦曾頻獲首犯雖非勒保

帶兵擒捕究係伊所派調其罪止於安坐軍

營一節竟似帶兵打仗非伊分內之事而各

路勒賊處所又未能相度機宜隨時策應實

屬大員委任然朕權衡功罪務在持平勒保

尚可功罪相抵伊在任亦尚無營私等事著

加恩釋放賞給藍翎侍衛帶兵贖罪本應令

伊自備資斧前往但恐行走遲滯著加恩准

其馳驛迅即起程前往經畧額勒登保軍營

面商應赴何處勒賊即行帶兵協勒伊現係

領隊之員自當以打仗殺賊為事若能將賊

匪痛加殲戮或更有立功之處朕必加以恩

擢勒保惟應倍加奮勉不但可贖前罪並可

蓋伊父溫福之愆僕再不知感勵仍前玩誤即當於軍營正法示衆不能屢邀寬貸矣諭軍機大臣等魁倫自接辦額勒登保軍務後輒因檄調兵勇支給鹽糧料理履直至初八日方自達州起程以致賊匪由墊江南竄魁倫始向合州一帶迎截今合州之賊尚未移動另有賊一股竄至定遠之石板沱地方搶渡嘉陵江西岸共計不下萬人騎馬者並有千人是賊勢甚為鴟張可見嘉陵江西戒備空虛毫無防範魁倫所辦荒唐錯謬大員委任本應革職治罪姑念其平日居心頗直辦事尚能認真暫從寬拔去花翎革職留任因現在帶兵觀瞻所繫著仍留頂帶以觀後效現在魁倫由鄰水進勤務須曉諭民人協力堵禦魁倫惟當將此股竄匪即在川西定遠一帶悉數殲除即使力有不敷亦應將賊匪逼回川東川北併力合擊斷不可使之竄往西南擾及重慶及成都省城方為妥善

將此諭令知之○又諭川省迤西現經賊匪闖入情形甚為著重著額勒登保悉心籌畫或於甘境現帶官兵內派出一枝令鎮將大員帶領於階文一帶取道赴川以遏賊匪窺伺成都之路那彥成馳赴兩當一帶務須奮迅勤賊若才力實有不能不妨速行陳奏切勿貪功倣倖致員委任將此傳諭知之○以賊匪擾及川西命德楞泰帶兵由廣元昭化前赴川西會同魁倫相機剿辦○乙酉遣官

祭

關帝廟○諭內閣朕恭閱

高宗純皇帝實錄內恭載

世宗憲皇帝諭旨武弁中熟習水性之人甚為難得著通行傳諭若係水師中為平常之員而長於陸路者准其調補陸路若係長於水師之員則應留於水師題補不可因陸路一時需人輕為改易以致用違其長

皇祖聖諭煌煌復蒙我

皇考重申垂訓誠以水師之用原與陸路迥殊
必得熟習水性者方能履險如夷知所趨避
若將水師得力之員調赴陸路不特舍其所
長用其所短而洋面舟師驟易生手於巡防
無蓋關繫甚重現在各省海洋每有緝捕之
事更須練習水軍以裨實用著各該督撫提
鎮等於所屬武弁詳加體察若果通曉水師
者不得輕調陸路使之專心練習即朕擢用
提鎮大員亦必覈其本係水師陸路分別簡
任庶收隨材器使之效○諭軍機大臣等新
寧賊匪本係額勒登保追擊因帶兵赴甘致
賊由梁山擾及合州實額勒登保冒昧輕舉
之咎廣興據實直陳係為軍務起見所奏尚
是此時成都順慶等處甚為緊要廣興令許
文謨前赴順慶策應所辦亦是但達州為存
貯糧餉重地當實力嚴防所有川省各處軍
營須源源運送若稍有缺乏惟廣興是問將
此諭令知之○又諭川西情形急需兵力接

濟著常明即挑精兵三千名派素經行陣之
鎮將帶領速赴魁倫軍營聽候調遣該省與
川界毗連不特川省得此生兵之力足資剿
辦並可遏賊匪東竄黔省之路現在書麟在
緬寧剿辦猺匪常明不必等候回覆致有延
誤並著常明再豫備精兵二三千以備續調
又諭前倭什布奏陝西平利之賊竄至竹
山竹谿約有五千餘名今據弘豐奏稱探聞
賊匪一二千名東竄續被官兵擊退若賊匪
果有數千似非倭什布數百名兵勇所能剿
退所奏甚為得要今弘豐既已挑備兵丁器
械竟當帶赴襄陽一帶聲稱帶兵數千為倭
什布造壯聲勢並可鎮定人心若賊匪尚在
楚境弘豐當直抵竹山竹谿堵剿但弘豐素
未經歷行陣不必親冒矢石惟當督兵截剿
並沿途管束兵丁勿令滋擾閭閻官兵行走
本有應得口糧如有不遵約束者嚴行治罪
勿稍姑息將此諭令知之○又諭貴德番衆

見大兵壓境即畏懼投誠自應網開一面許其自新台費蔭等諭令出具甘結並退出搶去牲畜交還蒙古屬下人戶所辦皆是此時台費蔭等移兵前赴循化查辦該廳野番如該處番賊亦能畏威懾服兵事便可完結但野番獷悍性成雖均知改悔難保其不仍蹈故轍必須蒙古王公等振作自衛方可絕其覬覦之心著台費蔭等傳諭蒙古王公扎薩克等現在遠赴邊界勦辦番賊皆為爾等勞師糜餉今野番既將搶去人戶牲畜全數交還爾等必當湔除從前萎靡積習力加振作於所設卡倫嚴為守禦不可稍有疎懈並當體卹屬下使之各饒生計方不至再向外番勾結滋事如仍怯懦推諉不但不能再為調兵辦理並將伊等治罪如此剴切曉諭庶蒙古王公扎薩克各知振作自衛不致為野番滋擾大學士慶桂等議覆給事中恩治條奏內務府管理六庫各官令總管大臣保舉

等語查內務府六庫存貯錢糧緞疋及內廷需用什物均關緊要若僅由總管大臣派員管理恐啟夤緣請託等弊除六庫郎中尚係揀選引見仍照舊例外其三庫郎中六庫員外郎等官向不帶領引見今請照該給事中奏嗣後遇有缺出均由內務府總管大臣於七司三院郎中員外郎內保舉數員帶領引見恭候欽定仍於三年期滿更換以昭慎重從之○命明亮自湖北馳赴四川軍營帶兵勦賊○革教漢郡王德沁扎薩克仍留郡王爵○奉恩將軍景燾因病乞休以其子祿吉襲職○以擒獲洋匪功賞廣東左翼鎮總兵官黃標碣石鎮總兵官錢夢虎花翎○上以祭社稷壇自是日始齋戒三日○丁亥祭先師孔子遣大學士慶桂行禮○諭內閣鐵保奏調劑浙江旗丁運務與江南情形相同請將浙省例徵漕費錢文及春耗米三斗內

酌撥六升給丁。又各丁應領本色行月米石亦請令州縣照依市價變賣折給各丁。所有該丁積欠庫項三萬九千四百餘兩。酌分六年歸款。即從本年冬運起扣。並請回空船集於例帶土宜六十石外。照重運之例多帶土宜二十四石等語。江安二省幫丁。經鐵保會同費淳奏請。將分給州縣銀米內劃出給丁。並將行月米石。按照市價。交州縣折銀給丁。已批依議速行。所有浙江旗丁酌撥漕費錢文春耗米石。及應領本色行月米。令州縣照市價變賣折給。均照江安二省一體辦理。以為濟運之資。至幫丁從前借撥行月食米。亦著照該漕督所請。酌分六年扣歸款項。以紓丁力。其回空丁船。於例帶土宜外。並著加恩照重運之例。准其多帶土宜二十四石。俾丁力益臻充裕。○又諭鐵保奏。漕船經過地方。向有無賴棍徒。勾串水手。勒加身工銀兩。甚至打船滋事。請嚴飭地方官查辦等語。此等

棍徒勾串漕船水手。沿途滋事。皆緣漕船經過之文武地方官。因循姑息。兵役廢弛。即有滋事之案。又復任意彌縫。化大為小。以至肆無忌憚。現當漕務肅清之際。不可不嚴行稽察。著沿途文武地方官。於漕船經過時。即多派兵役。認真查拏。務令棍徒知所畏懼。豫為斂迹。儻此後仍行疎縱。致棍徒水手再有勾串滋事之處。著漕運總督。即將該處文武地方官嚴叅治罪。決不寬貸。○諭軍機大臣等。徽縣兩當大股賊匪。渡過渭河。至隴州。清水。秦安境內滋擾。那彥成由寶雞出棧。趕赴隴州。清水乘賊匪屯聚隴山鎮地方。痛加殲戮。儻從後尾追。焉能得此勝仗。可見行軍之道。總在察探賊匪奔竄之路。豫為迎擊。此時賊已分竄西和。禮縣等處。那彥成於秦隴一帶。截住竄往東北之路。而額勒登保由褒城入棧。正可會合夾擊。至那彥成既與經畧額勒登保同在甘省辦賊。自應受其節制。今那彥

成自行懇請並稱和衷協力所見甚是前次軍營參贊原有二員明亮之缺將那彥成補授所有欽差大臣關防著移交經畧額勒登保收存俟大功告竣與從前經畧印信一併繳進又本日刑部覈擬湖北武童阮安國控案伊於從前教匪滋事時隨營効力曾經總兵賞給行營把總又經遊擊加賞千總勒保未經准行所辦尚是國家名器豈伊等所得擅行濫賞嗣後各路軍營遇有出力兵勇惟經畧及參贊得以酌量賞給頂帶仍行隨時具奏其餘帶兵各員不得擅自賞給以杜冒功濫賞之漸將此傳諭知之○以攻克隴山鎮賊匪功賞副都統扎克塔爾巴圖魯名號餘賞賚有差○戊子祭

大社

大稷

上親詣行禮○諭內閣上年因川省參奏部發銀兩庫平俱有短少當經降旨將銀庫郎中

誠安等革職嚴加究訊嗣據審明實係庫平足兌並傳詢承領及監放各員俱稱抽兌足數並無短缺而現在川省節次收到部餉亦據奏平兌俱有長出銀兩其各省解川餉項亦係有贏無絀即云現在部臣管理三庫事務認真整頓俱按照庫平足兌宣各省亦同時頓除積習毫無短缺耶可見前此川省所奏短平一事總由經手局員藉端侵扣且外省平法比之部平較小其收兌銀兩本有多餘該局員等不但不將長出銀兩據實呈明並任意花消結交餽送如胡齊崙之營私侵冒皆所不免及至銀數虧缺率以庫平短少藉口殊非事理之平誠安等辦理不善原難辭咎罷斥亦所應得但念其俱係滿洲世僕年力強壯既訊無情弊未便令其廢棄原任郎中誠安原任員外景祿格圖肯俱著加恩賞給七品筆帖式原任司庫洋安泰著加恩賞給九品筆帖式各在原衙門行走遇缺即

補（又諭富綱前任雲貴總督時不知潔已奉公聲名本屬平常嗣於漕運總督任內恣意貪婪藉應繳賠項為名向各糧道及衛弁等索取銀兩至數萬之多是以降旨將富綱革職鞫問交書麟審辦茲據書麟奏審明富綱在漕督任內種種婪索情節已經富綱供認不諱按律擬以絞決請旨即行正法富綱身為大員簠簋不飭所得贓銀多至數萬且上年冬閒伊在緬寧時又將接到廷寄書麟

諭旨擅自折看其獲罪尤重即照書麟所擬罪名予以絞決實屬罪所應得但念其續任雲貴總督時尚知檢束而勤辦猥黑一事督率將弁奮勇搜捕亦有微勞因於法無可貸之中寬其一線富綱著改為絞監候秋後處決富綱已押解起程到京時著交刑部監禁（諭軍機大臣等徽縣兩當竄匪業經那彥成統道迎擊得有勝仗松筠飭王文雄等移師沔縣遏其東竄江北之路所辦俱好現在

軍情湖北甚為緊要松筠於迎晤長麟後即馳赴竹山竹谿等處堵剿兼施以期肅清楚境或即將慶溥所帶之兵酌撥數百名或千名令該鎮隨同前往儻慶溥難以分身另派將弁帶兵亦可至倭什布在湖北日久松筠到後倭什布應將一切事宜會同商酌俟松筠得有端緒再行起程長麟著即馳赴漢中以便松筠速赴楚省其陝省石泉平利等處賊匪著長麟督飭勤辦將此諭令知之○又

諭朕聞通州北壩等處奸胥蠹役積慣盤剝旗丁交米費用甚大有錢者先兌無錢者留難吹求米色拋撒升合種種積弊實堪痛恨現在釐剔漕弊州縣自不敢浮收而旗丁疊經調劑輓運裕如儻到通後仍有問旗丁勒索之事是漕弊仍未肅清達慶鄒炳泰操守尚屬可信恐吏胥等積慣舞弊或查察稍疎仍思乘閒婪索轉瞬新漕抵通朕必欽派大臣侍衛等前往稽查密訪儻有弊端惟達

慶鄒炳泰是問。將此諭令知之。○又諭康基田堵築邵家壩漫工。於堵合後復因凍土不能堅實。致有滲漏過水。節經降旨諭令實力妥辦。乃督辦已久。未能堵合。現據奏口門僅寬三丈。又因正月二十七日。料船失火。直撞大壩。將料物悉行延燒。被燬之船。衝至西壩。該處壩身稽籲。悉行焚燬。近地料物。業已收買淨盡。須俟新稽登場。再行興築。是康基田疎防玩誤。不勝河督之任。業將康基田革職。留工効力贖罪。並將焚燬料物等項。著康基田分賠十分之五。餘著工員分股攤賠。吳璥調任江南河道總督。著即前赴新任。向來河工員弁。往往於無事時。故將隄工偷挖穿漏。生出新工。以為開銷侵冒地步。此次料船失火。安知非存料虧缺。工員恐被查出獲罪。私行放火延燒。以為掩飾規避之計。康基田為其所愚。均未可定。吳璥到彼。務須嚴查。如有前項情弊。即行據實嚴參。毋得徇隱。將此諭

令知之。○以河南布政使王秉韜為河東河道總督。調陝西布政使馬慧裕為河南布政使。廣西布政使台斐音為陝西布政使。以山西按察使李舟為廣西布政使。甘肅安肅道瑞亨為山西按察使。調雲南按察使公莪為廣西按察使。廣西按察使楊長桂為雲南按察使。○己丑

上至靜安莊

孝淑皇后殯宮奠酒。○諭軍機大臣等。額勒登保奏岷州階州有分股賊匪竄入。現在德楞泰已抵秦州。距岷階不遠。而階文一路。由白水江前赴成都。較為捷近。著德楞泰馳赴岷階相機辦理。如此股賊匪未能剋期辦竣。現在吉蘭泰廣厚楊揆等俱在甘境。勦賊何人較近。德楞泰即可酌調交伊勦辦。德楞泰即取道速赴川西截勦。○又諭魁倫。本日奏報。僅行抵順慶。而賊匪已在蓬溪滋擾。並未緊躡賊蹤。辦理甚為遲緩。著傳旨嚴行申飭。據

奏蓬溪赴省之路有潼河一道可以堵賊西
竄已經先福派兵赴太和鎮防堵魁倫一路
現有朱射斗百祥阿哈保而七十五亦統兵
自東而西務當趁賊匪在蓬溪屯聚之時并
力勦淨否則總須逼賊折回川北川東斷不
可令其直向西南奔竄現在川省賊匪俱責
成魁倫一手勦辦將此傳諭知之○又諭台
布舍石泉大股竄匪轉赴商州竟擇一無賊
處所駐劄大有永保大山岔之故態慎之此
股石泉竄匪已由漢陰竄至安康鎮安台布
既到商州如察看地方安靜務須速赴鎮安
將竄匪探蹤截勦不可再緩將此傳諭知之
又諭現在南河料物猝難購辦因思河東
現在無事料物自必充裕全保現署東河印
務著傳諭全保將河東料物迅速分撥南河
協濟要工俾漫口得以及時修築○以廣西
寧遠協副將汪啟為甘肅寧夏鎮總兵官
免四川被賊滋擾之巫山雲陽開萬大寧忠

梁山江北巴州蒼溪閬中廣元通江昭化南
江營山廣安渠岳池儀隴大竹鄰水合定遠
南充墊江蓬溪二十七廳州縣本年額賦緩
徵石砬劍巴縣璧山西充遂寧鹽亭平武長
壽涪南鄭遂寧都射洪十四州縣營並南坪
巡檢所屬本年額賦○庚寅
孝淑皇后三週忌辰命
皇次子旻事詣
殯宮行禮○諭內閣慶成前在安南帶兵曾經
著有勞績嗣於湖北勦辦教匪得受重傷回
京後伊又自請前往軍營是以上年令其前
赴陝省帶兵勦賊而慶成到陝後隨同明亮
等勦辦張漢潮一股賊匪觀望遲延不能迅
速辦竣因降旨將慶成一併革職拏問交松
筠審辦擬以斬候經朕加恩將慶成改發伊
犂續又經松筠奏請將慶成留於甘省帶兵
亦已允准因思慶成昨年在陝省帶兵時其
獲罪祇遲緩不前較之勒保明亮等之調度

失宜究屬有閒。今勒保明亮業經朕分別加恩棄瑕錄用。令往川陝幫辦勦賊事宜。慶成現在甘省帶兵。亦著加恩免其發遣。賞給藍翎侍衛以觀後效。○諭軍機大臣等。陝省各州縣團練鄉勇。原以保護村莊。堵禦賊匪。今率將遊蕩無業之人。濫廁其閒。安望其能認真出力。長麟現將向來病民陋弊。出示禁革。並明白曉諭。令精壯糧戶。抽丁團勇。責成各州縣。每鄉擇一公正能事之人。作為鄉總堡。

總酌給頂帶。論功升賞。俱屬可行。至長麟迅赴平涼。於適中之地駐劄。籌備軍火糧餉。而松筠又須前赴楚北。所有陝省糧餉軍需。著台布回至漢中。實力籌辦。其石泉等處竄匪。或酌派額勒亨額柯藩劉之仁。抽撥防江兵丁前往協勦。陝西全省。專交台布辦理。自王文雄以下。聽其調遣。南防川。西防甘。不可不倍加奮勉也。將此各諭知之。○辛卯。諭內閣。有人叅奏。近日有監生進京。過廬溝橋時。經

管稅監督之家人等。訛索錢文。及至廣寧門。又被攔阻。需索該監生。因所攜錢文已在盧溝橋用盡。無可給予。不准進城。祇得繞至便門。而使門人役。仍將該監生及行李。送至崇文門稅務廳查驗。經該廳將箱籠開看。並無應行上稅之物。始肯放行。聞該監生本在廣寧門內居住。因各處婪索。輾轉繞道。以致守候兩晝夜。方得到寓。又易州貿易之浙江人。進京被稅上索錢十餘千。業經放行。復有家

人從鋪中走出。將該商用鞭擰住。遍身搜檢。搶去該商替人攜帶銀十數兩。並肆意毆打。此二事。經朕密為訪問。竟與所叅無異。上年各處關稅。經朕將盈餘銀兩酌加刪減。原所

以加惠行旅。體卹商民。立法之初。崇文門監督等。尚能約束家人。隨時查察。乃近日竟有此等訛索之事。京中如此。成何政體。必當嚴行查辦。在監督等。俱係朕簡派大臣。自不至有知情故縱之事。但委員及胥役家人等。日

久滋弊亦所不免。著交布彥達賚即行傳喚。曾被訛索之監生及貿易之浙江人並拘集。索錢搶銀之稅上家人等當面質對。嚴辦示懲。至訛索銀錢家人係正副監督何人所派。並著一併查明具奏。分別議處。○以工部左侍郎汪承霈為都察院左都御史。轉工部右侍郎。蔣曰綸為左侍郎。○壬辰遣官祭黑龍潭。

昭靈沛澤龍王之神。玉泉山。

惠濟慈佑龍王之神。○諭內閣魁倫奏審擬福寧前在旗鼓寨殺降一案。請將福寧發往新疆自備資斧。効力贖罪等語。福寧在旗鼓寨誘殺已降之賊。致各處賊匪心懷疑懼。不肯投出。其罪甚重。本應照擬發遣。姑念福寧恐降賊不可深信。辦理錯謬。尚屬有因。著加恩免其發遣。自備資斧。前赴額勒登保軍營。作為兵丁。効力贖罪。○諭軍機大臣等。勦辦教匪已閱四年。尚未告竣。朕思此時若再欲

添兵其最得力者。自莫如黑龍江兵丁。但道路遙遠。調派需時。且沿途供頓浩繁。而到營後既不能服習水土。又不能曉悉地利。及凱旋時送回原處。尤多糜費。是各省防禦賊匪。與其遠為徵調。自不如就近招募鄉勇。為便在各該督撫之意。惟恐竣事後此項鄉勇無所歸著是以不敢多募。殊不知兵制雖有一定。而現在鄖陽五郎西鄉等處。業經定議添設營制。其餘要隘處所。將來尚須添兵駐守。

以資控制。即可於鄉勇內分撥充補。特此再行通諭。用兵省分各督撫若尚須添兵。應於鄉勇內酌為招募。勤加訓練。俾成勁旅。再向來各軍營遇賊打仗。總以綠營居前。令其衝鋒接刃。而健銳火器二營及東三省兵俱在綠營之後。朕所素知。自添募鄉勇後。則又令鄉勇前敵。以櫻賊鋒。設遇挫衄。則綠營及滿兵等相率先退。一得勝仗。則攘以為功。而首先陷陣之鄉勇。轉致不能邀賞。即如軍營中

節次打仗得勝。所保俱係滿兵。綠營亦間有保列。至於鄉勇。則據實保奏者甚少。此實向來積弊行軍之道。全在賞罰公平。方能鼓勵。或行爭先効用。若任滿兵。及綠營等冒功請賞。而轉使實在出力之鄉勇。多有屈抑。何得為事理之平。伊等見無功者。屢邀獎賞。而有功者。轉置不錄。豈能使之用命。此後如再有鄉勇出力。不行據實保奏。甚至將平日優待之人。冒名舉薦。以及官兵等並未出力。攘他人之功。以為己功者。並准鄉勇自行首告。隨時懲治。庶賞罰嚴明。鄉勇等知所激勸。再軍營紀律。必須整肅。聞官兵行走。往往攬前落後。即如額勒登保。前赴甘肅剿賊時。曾於途次。遇見兵丁數人。竟因行走落後。託病逗遛。可見帶兵官員。於所管兵丁。漫無約束。一路如此。他路可知。尤當申明號令。使之步武整齊。不得仍前懈怠。貽誤致干重咎。將此傳諭知之。又諭魁倫奏稱。蓬溪城外。被賊焚燒。

並見民人被害屍骸。此非魁倫疎防縱賊。而何魁倫既見賊衆如此。殘害生靈。尤當竭力剿殺。乃毫無展布。轉於獅子山。駐劄株守。豈魁倫僅於沿途掩埋骸骨。即為辦賊耶。似此遲留不進。是誠何心。朕看此股賊匪。其勢蔓延。現據奏附近民人有被裹脅者。若遷延時日。則日聚日多。又安知不成大股賊匪。僕魁倫欲俟養成賊勢。再行剿殺。以顯其功。恐彼時貽誤地方。罪難寬貸。當已早經拏問治罪矣。凜之慎之。將此諭令知之。○又諭竹谿之賊。經倭什布派令總兵孫清元督剿。現從房縣奔竄。欲趨郢境。而羅姓一股。又從陝境闌入竹谿石店河地方。該處卡隘。竟不足恃。以致兵勇傷損多名。倭什布所司何事。松筠到彼。即傳旨將倭什布翎頂革去。仍令隨營効力贖罪。倭什布係獲罪之人。不得心存諉卸。應將賊匪情形。告知松筠。聽其調派。松筠尤當飛催弘豐王凱帶兵協剿。將此傳諭知之。

○癸巳諭內閣新疆各回城自乾隆二十四年平定後即鑄造乾隆通寶錢文通行至今敬思新疆二萬餘里俱係

皇考開拓撫定之區國寶流行所當萬年敬守現在阿克蘇請領祖錢式樣所有新疆等處地方自應鼓鑄嘉慶錢以資行使至乾隆錢尤應永遠通行嗣後新疆地方鼓鑄乾隆錢二成嘉慶錢八成一體行用萬世子孫敬謹遵循勿替○嚴誠督撫諱災又諭向來各直

省地方間遇水旱偏災各督撫等皆隨時具奏發帑賑卹不使一夫失所近因軍務未竣節次所撥帑項甚多封疆大吏遇有地方緊要之事應行請帑者或未免意存遷就不敢直陳以為曉事即如前此雲南鹽井被淹江蘭諱災不報皆因惜費所致此則於閭閻生計殊有關繫地方水旱災祲事所恒有惟在該督撫等及早馳奏蠲賑兼施用蘇民困上年各省所報收成分數雖未能一律上稔而

統計尚屬豐收此皆仰賴

上蒼鴻庇朕心感謝之餘益加敬凜即今歲暘雨應時可期大有然豐歉不齊豈可常恃儻有一鄉一邑偶被偏災而該督撫等因現辦軍務匿不上聞則小民飢困無依或致別滋事端是欲撙節帑項而所費轉多現在內藏充盈無虞支絀該督撫等務當仰體朕惠愛黎元痼瘼在抱之意儻遇收成歉薄旱潦成災必須飛章入告纖悉無隱以便發帑賑濟

若有諱飾必當嚴辦示懲江蘭即前車之鑒也將此通諭知之○諭軍機大臣等本日刑部議覆松筠審擬疑賊戕害及乘機殘殺圖財害命各案分別治罪一摺朕詳加批閱川楚良民皆因賊匪滋擾攜眷逃避陝省鄉民疑為賊黨立加戕害情殊可慘其間並有不分起意及下手傷重之人概擬斬決者已照部議飭令該督另行訊明定擬蓋緣人命至重朕於披閱秋審黃冊即一人一命必將應

行矜緩情實之處詳細酌覈務得情法之平
今鄉民等將被難人民肆行殺害又以時涉
倉猝或於昏夜不能分別何人起意含混定
擬具奏朕亦何從覈其情節分別重輕則擬
抵之人又安能悉當乎可見軍事未蒞百姓
等不特遭賊荼毒其被守卡鄉民慘害者不
知凡幾及至定擬時又未必情真罪當幾至
廢法難行皆該各路領兵大員不能速滅教
匪之罪特此再行通諭伊等應上思朕之宵

旰憂愁焦急下念四省民生困苦顛連務當
激發天良上緊勦辦及早蒞功奠安黎庶設
再有遲延則朕與軍機大臣及伊等之罪日
重一日

上天必示警於朕朕亦必重治領兵大員之罪
不可不各謹凜也將此傳諭各路領兵大員
知之 旌表守正被戕廣西博白縣民李德

輝妻唐氏 甲午

孝康章皇后忌辰遣官祭

孝陵諭軍機大臣等賊匪竄至均州孫家灣
草店滋擾距襄陽甚近該郡存兵無幾而倭
什布尚在西路追勦未能繞赴賊前迎擊明
亮札催弘豐王凱迅速來襄與朕節次催調
之旨相符自應如此辦理弘豐已於官兵內
挑選五百名前赴襄陽明亮即可帶領勦賊
如尚需添派即添調五百名亦可但荊州滿
兵並非勁旅朕所素知多派亦未得力而弘
豐鎮守荊州又不可無兵防守明亮不如上
緊添募鄉勇以資勦捕再前曾諭令明亮赴
川協勦今楚匪緊要明亮竟無庸前赴四川
著即在湖北率領官兵相機截勦○又諭前
日姜晟面奏俟抵二竹後再行酌調湖南官
兵今該處賊匪業已擾近均州若俟姜晟到
彼檄調未免緩不濟急著於接奉此旨後即
酌量湖南省何處可調何營將領可用加緊
行文該省或調一千名或二千名前赴湖北
軍營勦辦賊匪○又諭部家壩漫工不能堵

築完竣固屬現在河臣辦理不善。但既合復開。恐該處河身必久有受病之處。或係引河淤塞。未能疏濬深通。吸引大溜。或係下游高仰。水勢不能順流暢達。以致堵合稽時。此則歷任河員均不得辭其咎。從前如李奉翰、蘇凌阿均有管理河務之責。平日漫不經心。如何貽誤。及歷任河道等辦理疎懈之處。俱著吳璥查明叅奏。並將河道如何受病。不能堵合情形據實具奏。○又諭吉慶等奏。洋匪陳

得昇經漁戶宋新隆等遵諭出海招安。即率領夥衆眷口二百餘人。並船隻器械等物。懇恩投首吉慶等自應俟陳得昇進港後查詢明確。分別遞籍安插。嚴加約束。盜首陳得昇著照所請賞給外委頂帶。留於該處令其招徠餘匪。仍遵照前旨嚴禁胥吏等不得因陳得昇等曾為盜匪。有意勒索。或致別生事端。將此諭令知之。○乙未遣官祭昭忠祠。○諭內閣上年將關稅盈餘酌加裁減。原以體卹

行旅加惠商民。在各關監督等自當體朕卹商惠民之意。不敢於正稅之外復有勒索擾累之事。而所派之巡役家人等難保無肆意苛求藉稽查稅務之名妄行勒捐情弊。現在盧溝橋廣寧門經管稅局人役竟有訛索過往行人銀錢等事業。經分別懲治。輦轂之下尚敢如此。其餘各直省關稅種種積弊。不問可知。該監督等所管稅口不止一處於稽查稅務一節不能不另派胥役家人等分任其

事務。當諄切曉諭。不許例外訛索。仍應時加查訪。嚴行管束。以絕弊端。嗣後京外各關稅局除隨時密訪外。或別經告發。或被人指叅。如再有訛索飯錢擾累商旅等事。不獨將所派之巡役家人等從重治罪。並將各關監督一體嚴辦。示懲不稍寬貸。將此通諭知之。○諭軍機大臣等。此次兵勇趕上賊匪。追殺三十餘里。殲斃三四百人生擒一百餘人。似屬得手。詎賊匪數千突出衝截。朱射斗落馬被

傷陣亡將弁兵丁俱有損折。覽奏實深軫惜。此次挫失。實由賊多兵少。並非打仗不力。官兵一挫之後。未免稍阻銳氣。自不必復事窮追。寇倫惟當於潼河一帶嚴密堵禦。以遏賊匪奔竄成都之路。至七十五既因足疾不能騎馬。而鮮大川一股。現在川陝楚交界屯聚。伊所帶兵力亦屬無多。即令仍在原處堵禦。不必調赴川西。現在川省督兵祇有寇倫一人。目前官兵偶有挫失。正須持以鎮定。慰問傷亡。休息士卒。以冀軍威再振。寇倫當堅持定見。料理軍務。不可心忙意亂。轉致有誤事機也。將此諭令知之。○又諭嘉陵江西岸繁庶之區。賊匪久經窺伺。自額勒登保德楞泰俱離川省。以致賊匪搶渡西竄。寇倫行走遲緩。又未妥為調度。在蓬溪屯劄。僅派朱射斗等往文井場追剿。衆寡不敵。陣亡官員兵勇如此之多。是額勒登保德楞泰率行赴甘。俱有應得之罪。現在甘省竄匪。有額勒登保那

彥成在彼督剿。又有廣厚吉蘭泰慶成等帶領甘涼兵數千協剿。德楞泰應即迅速由階文一帶過白水江。徑赴川西。幫同寇倫剿辦。所有川西之賊。責成德楞泰寇倫勒保三人併力同心。迅速截剿。將此各傳諭知之。○又諭川西尚須兵力接濟。著常明再於各營內抽撥精兵二千名。並揀選曾經行陣之將分起管帶。接續前赴川省。勿稍延緩。○又諭據寇倫奏朱射斗在蓬溪剿賊。被埋伏之賊突起以致失利。推原其故。賊匪狡詐百出。凡遇官兵迎截。先令裹脅難民。及老弱在前。精銳在後。我兵鼓勇直前。將老弱之賊剿殺。又分別撫卹裹脅難民。及至遇賊精銳。而我兵一鼓作氣之勢已過。賊匪得以肆行抗拒。官兵轉致失利。嗣後領兵各員。截剿賊匪時。其在前老弱及裹脅難民。聽其奔竄。不必迎剿。總須專注賊匪精銳及馬隊之賊。奮力衝擊。方可得手。又賊匪奸計。往往一面迎擊官兵。一

面分股抄出官兵後路突入營盤並於山徑叢雜之處故為奔逃引誘我兵追躡深入而賊匪或於山溝內多為埋伏我兵猝不及防為賊掩襲以致損折著各路領兵大員留心慎重豫操勝算以期所向克捷為要將此諭令知之○以廣東巡撫陸有仁為工部右侍郎盛京刑部侍郎瑚圖禮為廣東巡撫調盛京戶部侍郎瑚圖靈阿為盛京刑部侍郎盛京兵部侍郎成書為盛京戶部侍郎以通政使司通政使穆克登額為盛京兵部侍郎兼管奉天府府尹事○以四川候補總兵官劉之仁為川北鎮總兵官○廣西太平府信倫州土知州馮峻柱因病告替以其子廷璠襲職○撥部庫銀一百萬兩解往陝西以備軍需○丙申諭軍機大臣等各路軍營除勇健可用各兵外其隨征疲乏及老病殘傷留於各該地方調養者甚多即如魁倫現赴川西係將各路撥回達州養傷養病之兵挑撥應

用而額勒登保亦曾經奏及前鋒伍靈阿甲兵長雲保等因病留養廣元病痊後仍託故逗遛並不赴營是其明證此等廢殘老病之兵既不能打仗殺賊而留養該處又需給與口糧徒滋糜費額勒登保應先將附近營分查明裁撤奏聞其餘較遠各路即行文該領兵官員詳查實數一體辦理額勒登保再行通盤籌畫將此次添調湖南貴州兩廣等省新兵分別派撥俾各路皆為勁旅此等疲病兵丁亦自樂於回營此時及早徹歸俾其調養平復仍可於本營當差豈不兩有裨益乎將此傳諭知之○丁酉諭軍機大臣等伯麟奏山西省各營兵丁俱挑補足額現在陝匪尚未剿淨著伯麟即抽撥精兵數千名揀派將弁管領駐劄蒲河一帶地方聽候諭旨派往何處即便就近起程該處離省較近此項生力兵丁暫住沿河晉省邊界亦足藉資保障也○以故廣西向武州土知州黃坤寧子

錫曾襲職○戊戌諭內閣朕惟崇儉黜奢治道所尚朕素喜儉樸乃出於天性一切起居服御不肯稍事紛靡儀親王永璘等素所深知乾隆四十年以前書房中每遇年節餽歲等事於師傅及諸昆弟等偶有備物將意之處不過如意荷包食物此往彼來互相酬答從未有以陳設玩器相持贈者迨近年以來不免踵事增華沾染習俗間有陳設之物朕已深為憎厭總由習尚浮侈外省官員養廉豐厚又三節兩生日得受屬員規禮惟以華靡相高遂致吏治難以整頓至在京官員得項本屬有限亦復轉相仿效漸事奢靡又藉口於俸入較薄日用不敷最為陋習是以朕於親政之初節經降旨停止貢獻禁絕苞苴以期還淳返樸復我滿洲敦龐風氣使旗民人等咸知節儉庶生計日臻寬裕訓諭再三至為嚴切乃本日肅親王永錫因三阿哥於本月十八日上學備進玉器陳設等物並不

奏明輒令伊本府太監轉交

皇后飯房太監遞進實大不是向來皇上學外廷臣工本不應與聞即朕兄弟子姪從前入學讀書廷臣亦初不知有其事如儀親王永璘成親王永理慶郡王永璘定親王綿恩等均係近支因曾在上書房讀書備物致送亦祇係筆墨等件並無玉器若永錫祇係遠派宗藩三阿哥上學與彼何涉若伊先行陳奏朕必不准其呈遞又况所進之物內中並有玉器陳設等件乃並不奏明私遣太監遞送至

皇后飯房更屬冒昧永錫自因恭阿拉之女係屬伊媳欲因此牽涉瓜葛在朕前嘗試伊即與恭阿拉誼屬姍親互相往來原所不禁與朕同

皇后何涉宜得因此而干及內廷皇子乎其心不可問矣前此慶郡王永璘於穎貴太妃七十壽辰備物申祝因其未經先

行奏明。輒令護衛太監擅自呈遞。是以將永璘退出乾清門。並交宗人府議處。但永璘本係內廷王子。又因幼蒙

穎貴太妃撫養。呈遞壽儀。理所宜然。所欠者未奏耳。今永錫迴非永璘可比。乃似此妄行。呈遞其罪更重於永璘百倍。且永錫管理圓明園八旗事務。諸事高興。擅將宏雅園私行居住。現在二十七月內。朕尚不詰圓明園。而永錫轉將官園私住。有是理乎。永錫種種不

合著將所管鑲藍旗漢軍都統及管理圓明園八旗事務俱行革退。仍交宗人府議處。伊子敬敏著革去副都統散秩大臣。敬敏革去額外散秩大臣。俱在閒散。王公上當差。稍示內外之限制。至內外臣工。此後如尚有不知謹飭。仍前以陳設玩好。私相餽送者。一經察出。必重治其罪。決不姑貸。將此通諭王公內外滿漢大臣等一體凜遵。並著傳集各親王郡王將永錫所進物件當面擲還。○諭軍機

大臣等。姜晟奏抽調兵一千名馳赴襄鄖一帶該處現有賊匪滋擾。姜晟宜加意持重。惟當與松筠明亮相機籌酌。儻尚需兵力。姜晟仍於湖南各營再調一千名前赴湖北。以資

勦辦。將此傳諭知之。○參贊大臣那彥成奏追勦秀金山賊匪得旨嘉獎。授副都統扎克塔爾為鑲白旗護軍統領。副都統銜綸布春為鑲黃旗蒙古副都統。副都統銜桑吉斯塔爾為正藍旗蒙古副都統。擢領催常安為藍

翎侍衛。賞兵丁一月錢糧。○以鑲白旗護軍統領永璉為鑲藍旗漢軍都統。以呼倫貝爾總管岱森保為鑲黃旗漢軍副都統。○調正藍旗蒙古副都統托津為正紅旗滿洲副都統。鑲黃旗漢軍副都統文寧為正藍旗滿洲副都統。○以正白旗漢軍副都統明興為吐魯番領隊大臣。參贊大臣德楞泰為正白旗漢軍副都統。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之五十九

實錄卷五十九

十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之六十

嘉慶五年庚申二月己亥諭軍機大臣等賊

匪分竄川西朕於數千里外時刻焦勞寢食

不寧豈魁倫目擊情形竟坐守蓬溪任賊奔

竄乎魁倫惟當知愧知感與德楞泰勒保併

力截擊再阿哈保前與朱射斗在高院場勒

賊朱射斗陣亡阿哈保衝圍而出自係敗衄

退回本當按軍律治罪今朕不加嚴譴仍留

副都統之任現在貴州兵到川著交阿哈保

分帶與施縉協力勦賊儻再有疎懈必當從

重治罪將此各傳諭知之○庚子諭內閣據

嘉慶五年庚申二月己亥諭軍機大臣等賊

匪分竄川西朕於數千里外時刻焦勞寢食

不寧豈魁倫目擊情形竟坐守蓬溪任賊奔

竄乎魁倫惟當知愧知感與德楞泰勒保併

力截擊再阿哈保前與朱射斗在高院場勒

賊朱射斗陣亡阿哈保衝圍而出自係敗衄

退回本當按軍律治罪今朕不加嚴譴仍留

副都統之任現在貴州兵到川著交阿哈保

分帶與施縉協力勦賊儻再有疎懈必當從

重治罪將此各傳諭知之○庚子諭內閣據

理藩院奏回子郡王銜貝勒哈迪爾之母請
旨給予誥封等語從前各城回子及在京回
子王公等並未編旗分佐領是以不予誥封
惟哈密吐魯番已編定旗分佐領之回子王
貝勒與蒙古王公扎薩克等一體給予誥封
今哈迪爾已入鑲黃旗蒙古旗分現在御前
行走著加恩照旗人例賞給誥封其餘回子
王公仍照舊例不必給予○諭軍機大臣等
弘豐奏賊匪至均穀一帶仍折回西竄房縣
山內與前此吳熊光奏報相同惟弘豐以房
穀山險路難所帶兵一千名尚屬單薄未便
深入已形畏怯僅派協領富魁在襄陽迤西
紮營堵禦又因賊匪擾近保康恐其西竄遠
安復將官兵分撥五百名派赴荆門堵截是
兵力又不免分而見單全不知行軍之道著
明亮即將弘豐派在襄陽荆門之兵一併酌
調會同松筠由東而西相機堵剿將此傳諭
知之○以故廣西太平府上龍司土巡檢趙

純嘏弟純臣襲職○辛丑諭內閣稅雲棟奏
請將民間應納錢糧以穀代銀一摺所奏斷
不可行國家設立倉庫均關緊要小民輸納
正供銀米本有定額若將應完地丁銀兩概
行徵收米石是倉儲蓄積豐盈而庫項竟至
短絀成何事體現因各省地方官徵收漕米
滋弊屢降諭旨嚴禁今若令百姓盡輸本色
是各州縣例收漕糧外又添無數漕糧浮收
之弊更難禁絕苦累閭閻莫此為甚即如地
方官買補倉穀若非豐收應補之年尚不准
各州縣率行採買恐糧價增昂有妨民食祝
雲棟即因調劑倉儲起見自有舊定章程可
以遵辦何得率請以穀代銀實屬全不曉事
至摺內於永字缺寫末一筆竟不成字乾隆
六十年欽奉
皇考諭旨
特賜朕名天下臣民皆所共知永字本無可避
何庸缺筆祝雲棟係科甲出身現任道員豈

於中外通行文字尚不諳曉則其辦理地方事務不能留心更可概見且將斷不可行之事妄行瀆奏錯謬已極著將祝雲棟原摺發交蔣兆奎即調祝雲棟來至省城當面傳旨嚴行申飭並將原摺擲還○又諭福寧前在旗鼓寨殺降一事究緣投出之人倉猝難信設計誘殺尚屬有因是以免其發往伊犁作為兵丁在軍營効力贖罪現又據魁倫奏報賊匪搶渡嘉陵江西岸竟係福寧裁撤鄉勇所致其罪實不可恕福寧著仍發往伊犁不必留營効力以示懲儆○諭軍機大臣等額勒登保奏勒辦甘省及川陝楚竄匪情形所辦俱好惟現患肝旺心怯之症殊為慮念現今伊姪福忠阿帶同御醫田廣福前赴軍營診視賞給人蔘半斤並賞親佩小荷包一箇如朕親臨問病此時額勒登保惟當在秦州安心調養不可力疾督師用示體卹額勒登保前次因竄甘賊匪有二萬餘人事關緊要

彼時力疾趕往意在急公朕亦不加深責現在額勒登保派撥各路兵將皆合機宜岱森保竟不必赴陝所有勒辦竄匪及各路官兵均交那彥成管帶督辦額勒登保在秦州駐劄亦應留兵防備僅賊匪經由該處伊仍可派往堵剿即作為一路守禦之兵亦屬有益經畧印信仍係額勒登保掌管其欽差大臣關防著那彥成暫行留用將此傳諭知之○又諭魁倫奏川西竄匪自高院場接仗後一竄鹽亭南部等處一竄太和鎮射洪勢甚猖獗嗣大兵到彼不及搶渡其分往太和鎮射洪賊匪亦向鹽亭奔竄魁倫束手無策竟不足恃著勒保星赴川西催調貴州兵丁迅速趕到不可片刻遲延以期剿除淨盡至阿迪斯以本省將軍大員於川西竄匪情形從未有一字奏及且帶兵在大寧閒住據稱率同德英額在彼防堵究竟防堵何賊著勒保嚴查具奏○額勒登保等奏龍山鎮汪家山秀

金山等處連次勦賊出力人員。賞三等侍衛
謨馨。委護軍叅領麒麟保。巴圖魯名號。協領
布蘭泰。佐領官保畢勒屯。察防禦英林。英保
遊擊李殿元。馬鳴玉。守備屈端揚。正明。千總
馬正雄。花翎驍騎校法林。太等。藍翎餘升。賞
有差。壬寅。

上詣

大高殿行禮

時應宮拈香。諭內閣倭什布前在湖廣總

督任內防堵疏懈。致川陝竄匪闖入楚境。是
以將伊革職示懲。近日倭什布在楚督率兵
勇分投堵剿。並將竄匪逼入房縣南山。尚有
微勞。且念其平日官聲尚好。於楚省情形亦
較熟悉。雖前此疏防貽誤。咎有難辭。但賊匪
奔竄無定。即如陝甘督撫亦被川省賊匪闖
入境內。並未將伊等治罪。自難專責。倭什布
一人。倭什布著加恩補授湖北巡撫。以觀後
效。不必給予頂帶。仍帶革職留任。俟八年無

過方准開復。並俟川陝各路軍務全行告竣
再行來京。陛見高祀著來京另候簡用。○舉
行嘉慶四年大計。奉天卓異官一員。年老官
一員。吉林卓異官一員。直隸卓異官十七員。
不謹官一員。罷軟官二員。年老官九員。有疾
官一員。才力不及官一員。江西卓異官十一
員。不謹官一員。罷軟官一員。年老官五員。有
疾官二員。才力不及官一員。浮躁官一員。湖
南卓異官八員。不謹官二員。罷軟官二員。年
老官四員。有疾官一員。才力不及官二員。山
東卓異官十三員。不謹官三員。罷軟官一員。
年老官五員。有疾官一員。才力不及官四員。
浮躁官三員。山西卓異官十二員。罷軟官一
員。年老官七員。有疾官三員。才力不及官三
員。浮躁官二員。廣東卓異官十三員。不謹官
二員。罷軟官一員。年老官七員。有疾官三員。
才力不及官二員。浮躁官二員。貴州卓異官
七員。罷軟官一員。年老官三員。有疾官二員。

浮躁官一員南河卓異官二員年老官一員才力不及官一員分別議敘處分如例○調山東登州鎮總兵官李紹祖為四川松潘鎮總兵官以山東文登協副將富寬為登州鎮總兵官調四川北鎮總兵官劉之仁為巴里坤總兵官予四川陣亡副將關聯陞祭葬世職如總兵官例副將佟世徵叅將何之璞都司陳騰龍守備趙祥王文章藍翎千總諱一洪祭葬世職如例追賊病故總兵官德

寧祭葬世職如傷亡例○癸卯

上至吉安所

穎貴太妃殯宮前酌酒○諭軍機大臣等陝境竄匪現在沙溝一帶游奕台布專交劉之仁多爾濟扎布勦辦並令國霖駐劄商確以資防守現在陝省糧餉固關緊要而勦賊之事尤為重大台布雖赴漢中必須隨時察探若劉之仁多爾濟扎布所辦未合機宜仍當親赴軍營督辦不可大意至所稱賊匪總以

難民前行婦孩在後須分兵埋伏衝其中堅等語切中竅要朕早經降旨通諭各省領兵大員以賊匪狡詐百出凡遇官兵迎截先令難民及老弱在前精銳在後我兵總當專注賊匪精銳及馬隊之賊奮力衝擊方為得手今台布所論與朕意相合深為嘉悅但言之非艱行之維艱該撫當依計而行不可虛託空言至稱賊匪必仍折回川省此則不可川東川北此時兵力正單豈可令其復行竄回務於鎮安一帶將賊匪悉力勦滅將此諭令知之○又諭尚書劉權之代四川舉人朱儁條奏川省情形如所奏欲平賊匪必須保全蜀地欲保蜀地尤在保川西川南其守禦之道尤以團練鄉勇嚴防潼江為重年來川東川北夫米等項皆恃西南協濟今賊渡嘉陵江順慶所屬已被滋擾若賊再窺潼江則潼江以內素未被賊之西南各處豈能接濟東北等語所見甚是又稱各省州縣中為衆論

所與者如劉清尹英圖等。朕亦知其素得民心。而川省劣員如戴如煌等。平日任意貪虐。以致激成事端。亦朕所深知。總由該省大吏怠玩廢弛。全不以地方為事。於屬員賢否置之不問。而魁倫接辦軍務後。又不能妥為布置。致任賊匪搶渡嘉陵江。擾及川西完善地方。其罪甚重。現在即能將竄匪堵住。亦僅可畧減其罪。斷無仍任川督之理。勒保前任經畧。惟知株守達州。聽賊匪奔竄。是以將伊革職治罪。而辦理地方事務尚無大過。著加恩賞給三品頂帶。辦理四川總督事務。仍帶革職留任。俟八年無過。方准開復。前因魁倫兵力有限。曾令將賊匪仍逼回川北。今據朱旣稱。蓬溪南阻潼江北。阻嘉陵江。賊匪屯集之處。係屬絕地。若將賊誘近合州地界。而以重兵扼住蓬溪定遠。遂寧之間。則三面阻水。可以全股擒獲。等語。於該處地里險要情形。頗為明切。未必非目前一好機會。勒保須察看

形勢。督兵在兩處江岸之中。實力防堵。以期感之死地。於潼川之東。嘉陵江之西。將賊一鼓殲除。其朱旣所稱官聲素著之各州縣。已用硃筆圈出。著勒保酌量奏請調赴軍營。効用。其川省貪劣各員。亦著據實嚴叅治罪。將此諭令知之。○以文華殿大學士董誥兵部尚書傅森戶部侍郎戴衢亨充經筵講官。○甲辰諭軍機大臣等。御史鄭宗彝奏請飭查鹽務岸費一摺。湖廣江西運鹽口岸。向有匣費。自經裁革後。商人成本減輕。於辦運實多裨益。乃日久懈弛。其弊復生。竟至有每引用至一兩數錢以上之事。其運鹽江船復不遵奉官價。任意高昂。而自場竈至各口岸。無益之費有增無減。似此種種糜費。商本日虧於國課。民生所關匪細。著傳諭姜晟張誠基書魯嚴飭各該岸商人。務將浮費盡行裁汰。不得復有加增。即有不能省者。亦應令該商等酌定數目。費歸實用。毋許絲毫浮冒。儻此

後裁革各款仍屬有名無實惟該督撫鹽政是問○乙巳諭內閣本日廣興遞到奏報之外另有咨文一件送軍機處係將魁倫許伊短處嘵嘵置辯經軍機大臣即刻將廣興咨文進呈朕詳加批閱惟索取總督令箭一事實係廣興少年高興不曉事體其咎猶小而其另用印文欲軍機大臣代為轉奏實大不是從前和珅私令各省督撫等將奏事摺底先送伊閱看係欲豫知所奏事件於

皇考前應對便捷以顯其能而督撫等每致私書將奏摺底稿封入亦止於和珅處遞送上年正月早經降旨飭禁此後陳奏事件不許將摺底先送軍機處內外衙門一體凜遵乃廣興竟敢顯然違制以私行剖辯之事輒用印文咨送軍機處並以若蒙垂詢懇代為轉奏私行囑託實向來所未有且其咨文內稱事近分辯不敢具摺瑣瀆聖聽而本日奏到之摺另片奏稱已將分辯原委咨明軍機處

查覈若朕不將奏片發出或軍機大臣等恐事涉煩瀆亦不將咨文進呈則廣興豈非有心制軍機大臣乎況廣興既有咨文軍機大臣斷不敢不即時呈覽仍須朕一一披閱何不於摺內一併敘入乃廣興尚稱不敢煩瀆是何語耶再廣興係專辦糧餉之員向魁倫索取總督令箭意欲何為雖其咨文內巧為分辯以伊請留令箭三枝為催趲糧餉之用試思歷來總理糧餉如英善福寧等在川承辦時亦從無以總督令箭催糧之事幸魁倫未將令箭給發若竟依廣興所言伊得有總督令箭必更有越分妄為之事矣廣興於索取令箭一事已自認明無可置辯而軍機處咨文一節尤屬膽大違旨難以寬貸廣興著交部嚴加議處○以故廣西南寧府忠州土知州黃璫子本末襲職○丙午遣官祭賢良祠○諭內閣各省沿海水師向例設有統巡總巡分巡及專汛各員出洋巡哨近因各省

奉行日久漸有代巡之弊即如統巡一官係總兵專責今則或以叅將遊擊代之甚至以千總把總外委及頭目兵丁等遞相代巡遇有叅案到部則又聲明代巡之員希圖照離任官例罰俸完結殊非慎重海疆之道著通諭沿海省分各督撫嗣後均令總兵為統巡以副叅遊擊為總巡以都司守備為分巡儻總兵遇有事故祇准副將代巡或副將亦有事故准令叅將代巡不得以千總外委等濫

行代替以杜借端規避之弊至山東水師三汛向不叅送統巡疏防職名殊未允協嗣後該省亦應一律遵辦以昭畫一此次通諭之後各督撫等務令水師各員親身出洋梭織巡查以期綏靖海洋儻敢仍前代替藉端推諉一經部臣查出或被科道糾叅則惟各該督撫等是問將此通諭知之○諭軍機大臣等據吉慶等覆奏總兵黃標錢夢虎在三沙洋面查拏盜匪實在情形一摺盜匪在洋肆

劫最為商民之害沿海鎮將自當實力巡拏俾盜匪斂跡以期海疆綏靖但洋面捕盜必須生擒活口或驗明首級方可定其真偽此次弁兵在三沙洋面於黑夜之中攻擊匪船盜匪因見兵船衆多且拒且逃該兵弁等未能過船拏獲活口亦不及割取首級在黃標錢夢虎二人於洋面捕盜素為出力自無捏飾虛報情事第恐該鎮等屬下員弁或將商船認作盜船查拏稟報希圖邀功亦未可定

尤宜覈實辦理嗣後吉慶等遇有稟報拏獲洋盜案件必須認真確查以期毋枉毋縱至投首之人既免其死罪自應妥為安插但該匪等一時改悔投誠難保其日久不萌故智總宜加意防範勿令復滋事端為要將此諭令知之○丁未諭內閣教匪滋事起於湖北沿及河南陝甘四川地方往來逃竄迄今四載有餘尚未蕩平朕心日深焦慮推其蔓延之故總緣領兵大員及各督撫等未發天良

既不能即在本境將賊匪勦滅任其奔逸而鄰省又未能實力堵禦縱賊入境即有能拏獲一二賊首者輒思藉此邀功仍置餘黨於不問以致輾轉滋蔓復行勾結所至之處荼毒生靈勞師糜餉不可勝計伊等貽誤之咎實屬百喙難辭今當列其罪狀再行明白宣諭俾衆知之如湖北教匪在枝江宜都起事時惠齡係湖北巡撫在彼勦辦並未設有總統嗣因永保由烏魯木齊回京在西安地方具摺請赴湖北軍營而福康安又保奏其人尚可用是以授為總統專辦湖北賊匪乃永保坐擁多兵毫無調度賊匪在鍾祥屯聚時明亮劄鍾祥之正南合之東南西南三路祇有兵三千餘名不敷防堵永保在鍾祥之北面帶兵九千餘名多寡懸殊明亮與永保以此遂生嫌隙詎知賊匪不由明亮一路兵少處竄逸轉向永保北面兵多處奔逃自此由鍾祥北竄焚掠潯河鎮竄至黃龍塢

皇考因明亮與永保彼此齟齬恐誤軍務令明亮前赴湖南專辦苗匪而永保仍前急玩不將賊匪在湖北境內殄滅縱令偷渡滾河關入豫境此永保首先縱賊之罪其時景安若能任豫省各要隘督率堵禦則賊匪前有攔截後有追兵亦不致肆力衝突乃景安畏蒞怯懦有心避賊僅在南陽株守不發一兵賊匪遂從武關竄往陝西毫無阻擋雖有慶成在河南盧氏一帶打仗稍挫賊鋒而已不能遏其西竄此景安縱賊入豫又復擾及陝境之罪迨賊匪已竄至陝秦承恩並未督率文武扼要堵截聽其由商州鎮安逃往石泉紫陽而漢江船隻又未盡泊南岸使賊匪得以搶船徑渡漢江從漢中直竄川境此又秦承恩縱賊入陝又復擾及川省之罪至四川教匪其始不過王三槐徐添德二人在東鄉達州滋擾為數無多彼時係英善勒禮善勦辦若即能奮力攻擊原不難立時撲滅乃亦因

循遲緩致賊匪四出勾結日聚日多勒禮善旋在東鄉被賊戕害英善雖帶兵未久尚未縱賊出境辦理遲誤之罪亦無可辭至宜綿以陝甘總督總統軍務自到川省後惟知在大城寨蓋房居住一年有餘並未與賊接仗使賊匪得以從容裹掠肆擾頻年至今未能剿盡伊即年老多病亦應及早切實奏懇解任乃貪戀因循致貽誤其罪實不可恕至惠齡係接辦永保總統之事帶兵總不出力

因其在湖北時曾將聶傑人張正謀劉啟榮生擒在四川時曾將羅其清冉文傳拏獲尚有微勞可錄且在軍營尚無婪索賊私之據前已降為侍郎姑免追問此外貽誤諸人除永保業經定擬應斬監候外景安現已拏問俟解京時交軍機大臣會同刑部審訊定擬具奏秦承恩前已革職因伊有母喪加恩令其回籍今已將服闋豈可任其安居故里著費淳傳旨將秦承恩發往伊犁効力贖罪押

令即由籍起程英善著革去吏部侍郎加恩賞四品頂帶隨同和寧仍在西藏辦事宜綿若仍令以三等侍衛辦理烏里雅蘇台叅贊事務不足示儆著綿佐傳旨將宜綿革職發往伊犁効力贖罪即由該處發往以上各員經朕此次分別懲辦罪狀昭著嗣後各路領兵大員督撫等任剿賊之責者總須在本境將賊匪殲盡不得縱令他竄任堵禦之責者亦須在本境嚴密防守不得任賊闖入當以

永保景安秦承恩宜綿等為戒以期共知儆惕奮勉成功無負諄諄告誡至意將此通諭知之○諭軍機大臣等此時陝甘川楚賊匪分投奔竄來往靡常著責成各路領兵大員自奉到諭旨之日為始各將專辦賊匪即於本境剿盡如甘省賊匪專交額勒登保那彥成勦辦陝省賊匪專交台布勦辦四川賊匪專交德楞額泰魁倫勒保勦辦湖北賊匪專交松筠明亮倭什布勦辦務將本境專辦之賊

設法兜截。殲滅無遺。儻因勦捕緊急。竄逸出境。遂為了事。不但不能邀功。必當治以縱賊之罪。若各該省邊界堵禦不嚴。致賊竄入。亦必當重治。疏防之咎。並著經畧額勒登保。查明堵剿不力之員。即行據實叅奏。總之堵剿各有專司。則賊匪所到之地。即不能復行竄越。而領兵大員。責成既專。亦無從推卸。諉咎庶各齊心。併力以期剋日竣事。儻仍前延玩。賊匪遲完一日。不特朕心引咎刻難自寬。內而軍機大臣。外而帶兵大員之罪。亦日重一日。諸臣務當凜遵訓諭。勉之又勉。當以從前貽誤諸人。作前車之鑒也。將此傳諭知之。○雲貴總督書麟奏。攻克裸黑黃草壩賊巢。出力人員。提督烏大經等。下部議敘。賞千總張國寶。藍翎擢守備餘升敘有差。○轉吏部右侍郎祿康。為左侍郎。調兵部左侍郎。書敬。為吏部右侍郎。轉兵部右侍郎。惠齡。為左侍郎。以總管內務府大臣。經布。為兵部右侍郎。○

以新授熱河副都統那奇泰。為烏里雅蘇台叅贊大臣。德勒克扎布。仍留熱河副都統任。○調正紅旗蒙古副都統經布。為正紅旗漢軍副都統。以頭等侍衛溫春。為正紅旗蒙古副都統。○戊申。上以穎貴大妃啟殯。至吉安所臨送。酌酒。○諭內閣。外省大員。遇有緊要公務。方可由驛遞交兵部轉奏。私事俱應差人具奏。今烏雅勒達由塔爾巴哈台回京。於安定途次。奏請前赴軍營効力。乃係私事。即謂無人可差。亦不應由驛遞交。通政司轉奏。烏雅勒達久任大員。何竟罔知體制。著傳旨申飭。即令前赴經畧大臣軍營効力。○諭軍機大臣等。德楞泰已抵廣元。籌辦勦賊機宜。所見甚是。惟據稱在禮縣汪家川等處。將竄甘之楊開甲痛勦。殲斃偽元帥先鋒一節。止報額勒登保並未自行具摺。殊為拘泥。此後該叅贊於打仗情形。

務須隨時具奏。今賊匪竄鹽亭蓬溪該處西阻潼江東阻嘉陵江賊匪屯聚之處實係絕地。德楞泰現由廣元昭化直趨梓潼綿州自西而東。所有此股賊匪即專交德楞泰勦辦。務將賊匪悉數殲除勿留餘孽。即為德楞泰之功。朕必加以五等崇封。德楞泰從前搜捕賊匪往往半途而廢以致齊家營高家營至今未靖。現將川西賊匪交伊專辦不得復蹈前轍。施綬甫由貴州赴川於該處地利未諳與李紹祖等俱聽德楞泰節制其實在出力者即特行保奏。若有不遵調度者即嚴叅治罪。將此諭令知之。○陝甘總督長麟奏臣自入陝西潼關以後沿途體察軍務情形領兵各大員皆受恩深重非不爭先恐後而賊氛尚未消除其故非盡由勦捕之不力實半由於堵禦之無方。蓋賊匪並無裹帶奔竄捷而出沒無常官兵各有軍裝步伐齊而追尋自緩且官兵不能追獲之日賊匪則合夥以掠

鄉間官兵甫將追及之時賊匪又分股以竭兵力官兵逐日追賊總無停歇賊匪方肆張狂官兵已多疲憊此賊匪之計也。地方官吏毫無籌畫百姓商賈毫無防備一遇賊至官則束手不能救援民則棄業悉行逃避以致賊到處得志到處得食此賊匪之利也。欲破其計而絕其利有地方之責者非修築堡寨團練鄉勇不為功。若果堡寨處處修築鄉勇團練整齊能使百姓同心則賊到一處一處有守禦既不能恣意搶食又不能迅速奔竄官兵易於追尋何患難於殲戮臣酌定章程由平涼至隴西各州傳集紳士百姓等親身勸諭共知利害傾心樂從自必衆擎易舉現又札飭各州縣毋得稍存畏難苟安之見致失機宜將應行堵禦處所一併妥為勸諭奏入諭軍機大臣等長麟奏賊氛未消由於堵禦無方切中軍營情弊朕已早經見及長麟到處曉諭百姓築堡團勇派員於川陝豫楚

各交界一體遵照所辦皆好額勒登保病亦痊愈現已帶兵前進尤為欣慰甘省賊氛不日可就肅清長麟務當將糧餉悉心籌辦將此諭令知之○西寧辦事大臣台費蔭奏報循化野番均已投誠繳出所槍青海蒙古人戶馬牛羊飭蒙古扎薩克分認領回得旨嘉獎授台費蔭為頭等侍衛仍留西寧辦事賞州判余景奎姜有望同知銜○陝西巡撫台布奏報官兵連殲安康一帶賊匪鎗斃首逆王金桂得旨嘉獎按察使溫承惠總兵官慶溥下部議敘擢鄉勇劉國政為把總賞千總王英藍翎義民首冉貴等頂帶○己酉春分朝

日於東郊遣肅親王永錫恭代行禮○

孝昭仁皇后忌辰遣官祭

景陵○諭內閣向來各衙門陳奏事件遇有將皇子開列之處俱照排行次序書寫阿哥並不書名現在禮部奏請三月十二日

孝淑皇后殯宮行清明致祭禮開列名單內直書皇子名號殊於體制未協所有禮部堂官著交部察議○又諭本日吏部議處廣興一摺廣興索取總督令箭一事祇係少年高興不曉事體且魁倫並未將令箭給與其咎猶小至另用印文私行囑託軍機大臣代為轉奏並不凜遵上年禁止副封諭旨實屬違制吏部照例議以革職原屬咎所應得姑念伊在川辦理軍需尚知謹慎樽節且其樽節之處並非任意裁減有誤軍務若如福寧之率行裁撤鄉勇以致賊匪得以搶渡過江滋擾川西則其罪當亦同福寧之發往伊犁効力並不止於革職矣廣興著加恩降為四品京堂仍留四川隨同托津辦理糧餉作為章京不准列名奏事伊益當自知感悔激發天良認真辦理用觀後效○庚戌諭內閣原任大學士蔡新人品端正學問深醇久任綸扉兼綜部務俱能恪共奉職而在上書房行走

年分最久。朕與諸昆弟俱經授讀。懋著慎勤。自予告回籍以後。頤養林泉。年逾九秩。鄉望翕然。茲聞溘逝。實深悼惜。著加恩。晉贈太傅。並著巡撫汪志伊前往代朕奠酒。所有應得卹典。著該衙門察例具奏。其原任內如有降革處分。俱准其開復。以示朕眷念舊臣恩施無已至意。○又諭原任戶部尚書曹文植原任左都御史胡高望俱於前歲先後溘逝。其時正值

皇考聖體違豫。朕心日深焦切。未經加恩賜卹。今思曹文植在南書房行走有年。胡高望久直上書房。又曾在南書房行走。均屬勤慎。身後未蒙恩卹。殊堪軫念。曹文植胡高望俱著加恩補行給予卹典。該部察例具奏。其原任內如有降革處分。俱准其開復。以示優卹舊臣至意。○又諭原任侍郎謝墉在上書房行走有年。勤慎供職。朕自幼誦習經書。係原任侍郎加贈太師尚書銜奉寬授讀。及長而肄

習詩文蒙

皇考特派謝墉講論。頗資其益。嗣因謝墉在學政任內聲名平常。是以

皇考將伊降為編修。但念謝墉究係內廷舊臣。學問優長。且在書房供職時。並無過失。著加恩追贈三品卿銜。該部照例給予卹典。以示朕眷念恩施至意。○諭軍機大臣等。王德等奏總兵李長庚等追捕夷匪。駛至南日洋面。瞭見蔡牽盜船三十餘隻。在洋游奕等語。該

鎮瞭見盜船。何以知是蔡牽船隻。或係弁兵希圖冒功。恐情形尚非確實。現有生擒盜匪六名。著王德等向其究詢。是否實係蔡牽船隻。有何標記。再行具奏。至道員吳鼎雲之母年逾八十。迎養在署。何以忽行呈請終養。知府祥慶稱患怔忡。此等病無可查驗。或該省道府因近有會匪洋盜。難以辦理。思離該省。亦未可定。王德等嗣後於此等開缺人員。仍須留心查察。無任藉詞規避。再原任大學士

蔡新病故已降旨令汪志伊前往代朕奠酒漳泉一帶向有會匪械鬪等事實為地方之害該撫正可順道查勘有無匪徒私行糾聚之事量加懲辦以儆刁風將此傳諭知之○又諭吉慶等奏洋盜接踵投首一摺洋盜接踵投首固出於一時改悔但此等多係積年為盜頑梗難馴近日自行投首者過多難保其永遠安靜守法該督等務宜留心防範該匪既准其自新自應於通省州縣分別安置但人數衆多又安能人人隔別若附近海洋地面令多人聚處又致故智復萌殊有關繫該督等所奏現在查明入官沙田酌量分給尚屬可行若令地方官派充民壯則斷不可此等洋匪僅令充當民壯既與該管地方官過於親近並恐其桀驁成性或倚恃在官人役欺虐民人尤為地方之害著吉慶等將投出各犯分散布置於相距海洋較遠之州縣量為分插酌籌安頓之法令其各自謀生

日久化為良善所有呈出器械礮位俱應點驗收貯其交出艚船即可充公駕駛以資捕盜之用至安南夷匪若有自行投到者斷不准收納應隨時遣回原處以免滋生事端○以貴州巡撫馮光熊為兵部左侍郎刑部右侍郎琅玕為貴州巡撫湖北巡撫高杞為刑部右侍郎○辛亥諭軍機大臣等昨台布奏將沙溝賊匪交總兵劉之仁多爾濟扎布二人勦辦朕即以伊二人於陝省地利必不能熟習今多爾濟扎布果力戰陣亡殊為可惜劉之仁帶兵策應賊即畏懼逃竄是賊勢尚不至鴟張過甚台布係本省巡撫自應以帶兵勦賊為重著即將漢中軍需事件派委大員經理或於楊護元福二人內酌量一人令其接辦該撫即刻馳回鎮安相機勦辦僅賊匪從鎮安隘口北竄惟台布劉之仁是問○又諭此次劉之仁多爾濟扎布探得賊匪屯聚三岔河即分路堵勦並無畏蕙情事總因

該處山徑分歧不能熟悉被賊匪從山溝繞赴官兵後路以致失利現在鎮安一路帶兵大員祇有劉之仁一人實難倚恃恒瑞係西安將軍於陝省道路素為熟諳且甘肅竄匪現有額勒登保那彥成督辦共有六路官兵著恒瑞即馳赴鎮安會同台布督辦本省賊匪此時甘肅官兵約有數萬並著額勒登保挑選數千名交恒瑞帶領回陝更為得力將此諭令知之○以鑲藍旗滿洲副都統扎郎

阿為內閣學士兼禮部侍郎銜○以湖南按察使清安奏為廣西布政使奉天府府丞百齡為湖南按察使○壬子諭內閣前因禮部奏三月十二日

孝淑皇后殯宮應行清明致祭禮開列名單直書皇子是似於體制未協當經降旨將禮部堂官察議本日據德明自請召見並呈出乾隆四十二年該部奏請添派阿哥俱獻帛爵原摺及清單單內曾經書名又將從前

該部所存交片呈覽據原片開載恭進儀注及奏摺內應寫阿哥之處俱改寫皇子並未概令書名但禮部從前遇有祭祀典禮開列皇子名單奏請簡派既經辦有成案是該部上次所奏尚無不合朕不知該部舊例係朕疏畧於該部堂司各官毫無錯誤即德明面奏呈出交片軍機處俱有檔案可稽及令軍機大臣詳檢是年清漢各檔並無此件自係該部彼時自行記載德明一時記憶模糊亦

無足責所有禮部堂官紀昀等五人及德明交部察議之處俱著加恩寬免嗣後仍著該部凡遇

壇

廟

陵寢各典禮應請奏派皇子摺內俱照舊例書名如係尋常陳奏事件及擬賞清單俱著照排行次序書寫阿哥毋庸列名至德明於奏摺內應書皇子之名一節既查有舊案如果

會同該部堂官繕摺聲明具奏。朕亦必以所奏為是。免其處分。否則俟召對時從容陳奏。亦無不可。朕每日召見廷臣。不但部院大臣。及大小京堂等。無不輪流接對。即呈遞封章之科道及曾經密保之部院司員。明保之旗下章京等。亦時常引對。德明又有何迫不及待之處。而率行請見耶。前因和坤福長安往往因有獨對之時。即在外藉端招搖逞其勢。朕是以朕屢經飭禁。不准自請獨對。今德明既違旨請見。已屬膽大。又本日召見德明後。經朕令將查出原片進呈。而德明並不在外。照例交奏事官員接遞。輒擅進乾清門。徑交奏事太監。迨太監不敢接收。伊又在乾清門內自向奏事官員交付轉遞。經御前大臣奏。是德明違旨奏請獨見。又於陳遞事件並不照例遞交。輒行擅進乾清門。自行陳遞。其咎實無可辭。德明著交部議處。○又諭刑部議覆直隸省民人侯鶴子圖財謀死劉二小。

康熙得二命將侯鶴子問擬斬決一本。係屬照例辦理。但細覈案情。劉二小年甫十三歲。康熙得年甫十五歲。侯鶴子因圖得劉二小窩鋪內衣被膽敢將劉二小推入井內。復因康熙得瞥見喊嚷一併推入。又將軌石拋擲井內。俱致受傷斃命。兇殘已極。侯鶴子著即處斬於犯事地方。梟示數日。俾兇惡之徒知所儆戒。此係因侯鶴子情節較重。隨案示懲。刑部不必引以為例。餘依議。○諭軍機大臣等。費淳擢任兩江總督。即以前未諳河務。具摺懇請免其兼管。但南河皆該督所轄地方。是河工實該督第一要務。若督臣不兼河務。遇有要工。則河臣呼應不靈。現在邵家壩漫口合而復開。甚至被火焚燬料物。未必不由於此。所有該省河工著費淳照舊兼管。會同河臣吳璥悉心籌辦。現在辦理此事。有云必須趕在大汛以前堵築完竣者。亦有云挑汛水勢日長。即難施工。必須在霜降後方可興工。

堵合者江南河務朕前此隨扈

皇考南巡時雖曾目覩但祇係一時經過未能
深悉著費淳吳璥詳悉籌酌計出萬全儻該
處壩工堵築尚須時日則全河之水灌入洪
澤一湖豈能容納而湖底淤高設大汛時清
黃並漲高堰石工在在皆成險要淮揚一帶
所關非細尤不可不豫為籌畫或將引河挑
挖深通或設法疏通另籌去路以分水勢俾
漫水不致全行歸入洪湖高堰石隄無虞著

實錄卷六

五

重此為最要其高堰石隄上年即有撥擲係
費淳專辦之事現在是否完工費淳當順道
親往查勘務期一律鞏固足資保護將此傳
諭知之○予四川陣亡千總郭德元王大倫
把總馬玉成外委胡得貴祭葬加二等世職
如例都司李寬五十六常存守備夏繼元胡
魁千總馬彪秦廷玉治正華余海陳裕後把
總王正剛毛安國外委張永清張文倫吳玉
祭葬加等世職如例武舉陳子現祭葬世職

如千總例千總馬國寧張時華外委王奇菴

朱占元羅應舉羅仕春祭葬世職兵丁馬志
高等一千六百七十九名賞卹如例○予陝
西陣亡協領克什保遊擊楊虎吳璉哈三泰
都司音登額守備周鍾梁興千總郝忠把總
范世成外委徐見得祭葬世職前鋒德新保
等七十四名兵丁閔德聖等一百六十三名
賞卹如例○予江蘇捕盜淹斃把總雷震姜
林祭葬世職步兵王佐等六名湖北陣亡前

實錄卷六

三十五

鋒塔齊布等八名兵丁袁高等二名四川陣
亡委前鋒校武珍湖南陣亡鄉勇田正教等
二十二名貴州陣亡土兵黃昌等三十九名
賞卹如例○是月安徽巡撫荆道乾奏安省
各屬倉庫虧缺款項繁雜請展限半年徹底
清查得旨國家設立倉庫儲蓄銀米原為水
旱災荒惠養子民耳今各省皆被不肖州縣
侵欺挪用或交結上司或卷歸私橐今欲彌
縫不過又將小民剝削設或激成變故更需

費用反不如不辦之為愈矣。必通盤籌畫。方可次第舉行。切勿孟浪。至於貪官。必不可恕。當切實嚴懲。勉之又奏。彌補虧空章程八條。一。各員舊虧。應各按各任。分別嚴追。一。勒提現任各員。節省之項。按大中小。缺分酌定銀數。提歸司庫。一。離皖各員。應分別咨追。一。倉庫抵款。應責成現任變追。一。年久無著之項。應於歷任失察各上司及濫行出結之員。攤賠。一。此次清釐之後。每年上司盤查及新舊

實錄卷六十一

五

官交代。不許沿習故套。率以無虧捏結。務將已未完各數。於結內聲明。題咨存案。一。追出銀兩。買補倉穀。應責成該管道府州賠補。一。現任州縣。開報舊虧不實。應著開報之員。賠繳報後。續虧應將現虧之員。叅辦其徇情之接任官。及明知不報之上司。一併嚴叅。以絕流弊。奏入。內勒提現任各員。節省之項。一條。得旨。此處尚應斟酌。何則。三節兩生日所需。皆取之於民。非官自辦也。今革彼增此。仍取

之於民耳。是令民補官項。仍致剝削矣。似乎未便餘七條。俱得旨。是。○安徽廬鳳兵備道珠隆阿奏。辦理關稅。及地方情形。得旨。以實奏報。切勿虛言。至於民間所藏軍器。亦不必盡令繳回。現今湖北均州。即有教匪。安省亦須有備無患。免致臨事張皇。密誌之。切勿宣露。○湖北布政使孫玉庭奏。湖北省倉庫錢糧。各州縣有並未經手軍需者。即應先為查辦。惟彌補之法。辦理不善。必至挪東掩西。甚

實錄卷六十一

五

或藉詞科派。擾累地方。反成害民之舉。請將虧數在一萬兩以內者。先行革職離任。調至省城。分別銀數多寡。勒限完繳。如限內全完。奏請開復。逾限不完。即行監追。照例問擬。其在一萬兩以上者。仍立即奏叅監追。毋庸先行予限。措完。內有升調別省。及已回旗籍者。均請照此辦理。已故者。照例在家屬名下著追。該州縣一有虧缺。即應離任。亦不致苛擾小民。得旨。朕所以不急辦者。原恐病民。此諭。

祇可同姜晟看。不可宣露於衆。

實錄卷六十

壬

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十

清 實 錄 嘉慶五年三月上

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十一

報修

嘉慶五年庚申三月癸丑朔諭內閣御史德

新等奏請嚴禁私販米糧出京鬻賣一摺京

十

師米糧無論官民鋪戶一概不准出城鬻賣。久經嚴行飭禁。但恐各衙門奉行日久稍有廢弛。現在漕米將次抵通。兌交若京城米糧。任聽門軍車戶米鋪人等私販出城。難保無勾串挪移之弊。並恐市僧之徒居奇屯積。以致米價漸昂。實於民食有關。自應重申禁諭。著步軍統領並順天府五城各衙門酌派番役人等輪流查察。如有私販出城及屯積各

八〇七

弊俱當嚴行禁止該衙門等經此番嚴禁之後務須實力奉行久而無懈儻番役人等藉稽查之名任情訛索滋生事端一經訪聞必將該管各員及番役人等分別嚴辦示懲不稍寬貸諭軍機大臣等此次額勒登保那彥成督率官兵分路截擊多有斬獲賊勢已形窮蹙所辦固好然以數萬官兵殲賊一千餘名不可謂之大勝朕所嘉慰慶幸者在伊等令恒瑞帶兵回陝及合力勦賊二端昨據劉之仁奏多爾濟扎布在三岔河地方被賊繞出後路力戰陣亡即降旨諭令額勒登保連令恒瑞帶兵回陝今額勒登保那彥成在數千里外與朕前旨不謀而合內外一心大功指日必定告成伊二人和衷共濟實堪嘉獎將此諭令知之○以川匪由畧陽闖入徽縣革甘肅提督吉蘭泰職賞遊擊銜留營効力以西寧鎮總兵官楊遇春為甘肅提督甲寅定刑部呈進情實官犯及服制人犯黃

冊例諭內閣每年刑部辦理秋審呈進黃冊俱係將各省情實官犯及服制人犯首先進呈一經分別予勾後該部即行文各該省不論遠近部文到日即遵照處決其餘常犯則按照省分遠近進呈黃冊以次勾到此向來辦理成例也惟念勅法明刑務存矜卹所有罪應斬絞人犯除立決外餘令監禁俟秋後處決者原係於執法之中寓哀矜之意該犯等於未屆勾到以前或在監所病斃得免肆市亦屬法外之仁今因係官犯服制即將黃冊先行進呈其予勾人犯部文一經到省即日行刑是同一秋審而此等官犯服制較之各省情實常犯處決日期近省或早至一二月遠省亦早至月餘及數旬不等先行受法且各省官犯中多有令其解交刑部監禁者例應歸入朝審辦理其勾到之期又在各省常犯之後是同一官犯轉因解部監禁而處決日期較之在本省監禁候決文到施刑者

又復遲早懸殊未為平允著自本年為始刑部辦理秋審其官犯服制黃冊毋庸先期進呈俱於每次呈進各該省情實常犯招冊時將此二項人犯另繕黃冊列於常犯黃冊之前一併呈覽聽候勾到以示格外矜全用刑務得其平至意著為令○乙卯免江西各幫旗丁借領銀○丙辰

上御乾清門聽政○諭內閣據鐵保奏檢查歷年飭發各省糧道及府衛審訊詞訟未結者

共有六百六十餘案請分別註銷起限以清積案等語已另降諭旨令鐵保查辦矣漕督衙門發審各件積壓年久皆由管幹員富綱梁肯堂等廢弛所致因思總漕專司漕務發審未結事件即有六百六十餘案之多地方有司詞訟紛繁其歷年積壓者更不知凡幾州縣惟知以逢迎交結上司為急務遂置公事於不問視陋規為常例以缺分美惡得項多寡總思滿載而歸視民生如膜外而督撫

司道等亦祇知收受屬員規禮並不隨時督察上緊嚴催而胥吏等又利於案懸不結可以兩造恣其需索以致拖累多人日久塵積上下相蒙其弊已非一日此朕所深悉者屢經降旨嚴飭現在綱紀肅清地方官吏諒不敢仍蹈故轍顯事苞苴但於歷年積壓之案尚不能勒限清釐即如湖北呈控各案上年發交高杞審辦者至今未盡奏結至直隸長新店盜案經朕指出盜首張標節次嚴飭胡

季堂訪拏始能破案其餘案件積壓者尚多復經降旨飭催該督撫於朕特交之事尚爾耽延况問刑衙門自理詞訟本無一定例限有不日積日多竟至延擱不辦者乎京中部院辦事皆有例限從不許積壓多案外省地方官事同一例豈得任意稽延嗣後各直省凡遇地方案件除審辦命盜本有定限外其餘自理詞訟著各督撫分別立限飭令有司按期完結逐件註銷若有任意遲延逾限不

結者立即奏僦意存徇庇經朕訪聞或被他人糾劾必將該督撫一併嚴處決不寬貸將此通諭知之○諭軍機大臣等本日午刻有魁倫六百里加緊報至朕以為必係將奔竄川西賊匪痛加殲戮及批閱所奏情形仍屬派撥兵勇分守沿河一帶與半月前所奏無異伊前此具奏防堵竄匪情形擅用六百里加緊馳遞經朕降旨嚴飭若非擒獲首逆及大得勝仗豈得仍發六百里加緊之報駭人聽聞徒勞驛站何不曉事一至於此至該處鄉勇業經劉清募足分投防守其前派防河官兵俱已撤回魁倫自當親率官兵上緊勦辦乃僅派令阿哈保張超等帶兵前赴彰明江油適中之地駐守魁倫於拜摺後始行拔營前進欲在魏城梓潼地方駐劄相機調度豈竟任賊屯聚待其自斃乎畏葸情形實如繪出至摺內既稱德楞泰由廣元昭化一路而來何以魁倫並不催令連至川西即勒

保此時諒早入川亦未見魁倫咨催趨程行走且黔兵三千據奏約三月初旬即可全數到齊所調松岡等處土兵尚未據稟報起程日期魁倫與其用六百里加緊奏此無關緊要之摺何不用以飛催德楞泰勒保及黔土各兵乎伊向來自稱勇往乃竟延玩怯懦至此實屬大負委任魁倫著傳旨嚴行申飭○又諭台布因五郎守禦空虛望岱森保帶兵赴陝昨據額勒登保那彥成奏岱森保在甘肅賊已派恒瑞帶兵三千名馳赴該省協勦恒瑞台布係本省將軍巡撫此時陝境之賊責成恒瑞台布辦理務當併力一心上緊勦盡至所稱山西兵丁疲懦不堪難望振作此次伯麟招募新兵可以無庸調撥現在台布團練鄉勇省費既多打仗更為得力自以添募鄉勇停調晉省兵丁為是將此傳諭知之○以詹事府少詹事平恕為內閣學士兼禮部侍郎銜光祿寺卿繼善為大理寺卿翰林

院侍講學士恩普為詹事府詹事○以故廣西慶遠府那地土知州羅起城子鳳翔襲職旌表守正捐軀浙江嵒縣民表興組女表氏、緩徵陝西被賊滋擾之咸寧長安藍田盤屋鄆孝義五郎岐山扶風鄆寶雞隴南鄭城固沔畧陽洋寰城西鄉留壩寧羌鳳安康漢陰平利紫陽洵陽石泉白河商南鎮安山陽雒南及咸陽興平渭南臨潼高陵涇陽三原富平醴泉耀同官鳳翔汧陽麟遊潼關大荔華陰韓城蒲城白水澄城郃陽朝邑邠長武淳化乾武功永壽六十四廳州縣新舊額賦鹽課有差○丁巳諭吏部國家設官分職以察吏之權不能歸於上反寄之於各省督撫者蓋天下至大州縣至多焉能人入自上簡用是以有調繁調簡之例令其因地制宜量才授任法至善也顧其始也為缺擇人而其弊也遂不免為人擇缺不論政務之閒劇人才之長短惟較量肥瘠會計多寡善

逢迎交結者為能員惴惴無華者為不勝任大不法小不廉吏治不清民生何賴甚至大缺一萬中缺八千形諸白簡此非彰明較著者乎而以賄得調者移虧空於新任牟倍利以取償下賄百姓之脂膏上盜國家之帑項其流弊不可勝言朕澄敘官方首先責已力行節儉永杜貢獻諸大吏受任既重養廉又優貢獻之費已除權門之索又絕必應清白乃心為國宣力然而風氣未移俗態猶故時有在朕前藉端嘗試巧言利國實皆利己似此者不一而足朕皆存於心不忍宣露在朝尚有此輩言利之徒況外省耶現今各督撫有如此堅忍不拔定見似朕者歟州縣或妄意鑽營或乞憐昏夜何如稍易其法俾眾曉然共知必無鬻缺之事是否畧仿兵部豫保註冊之例令督撫以可調繁者開列名單切註考語視該省調缺之多少每年具奏一次其人地實在相需專摺奏請之例似可停止

遇有應調之缺即咨吏部將該省豫保之員通行書籤請旨派大臣公掣並不假手吏胥亦防弊之一法第州縣人數繁多其才具是否與缺分相宜無由深悉若所掣之員督撫以為不當又將紛紛奏請更易亦於政體未協或將現行定例於調繁人員予以限制豫杜弊端朕意偶思及此是否可行有無窒礙吏部衆大臣悉心妥議具奏若實不可行巧為迎合朕意至扞格不通之時亦惟汝諸臣是問特諭○諭軍機大臣等前據倭什布兩次奏報之摺均稱將賊匪痛加殲戮敗竄保康興山一帶勢已窮蹙為數自屬無幾乃本日摺內在白虎觀殺賊五百餘名生擒九十五名又於罐子壩斃賊六十餘人荷花店擒獲落後之賊三十餘人共計殲擒七百餘名若果殺賊如此之多則賊匪已應殲盡何以尚有竄入東湖興山之賊若非前次將所剩賊匪以多報少即係此次將所殲賊匪以少

報多二者必居一於此總有不實之處倭什布自係因朕加恩仍用為巡撫將此次殺賊之數裝點多報以見其奮勉出力仍蹈從前虛誑惡習且摺內稱賊退向荷花店逃遁該處迤東係東湖所屬王凱自己率兵趕攔入稱賊匪勢必竄入興山邊界折回川境明係倭什布豫為地步若賊匪向東奔竄王凱不行堵截伊可謾咎該鎮如賊匪奔逸入川伊亦可以驅出楚境了事更屬非是倭什布著傳旨申飭此股賊匪責成倭什布即在本境悉數殲除○戶部議准山西巡撫伯麟奏請定立口鹽池鹽運行界限據稱口鹽池鹽若不酌定界限順流而下勢必混入淮蘆引地請口鹽至磧口鎮起岸責成汾州府知府稽覈池鹽於茅津渡對渡登岸責成河東道稽覈併令陝豫撫臣一體嚴禁應如所請從之免山西口外渾津河等處荒地三百三十頃四十六畝額賦免雲南猓匪滋擾之

順寧府屬緬寧地方上年額徵秋米。○戊午諭內閣長麟奏遵旨傳諭阿拉善王旺沁班巴爾率領原兵仍回游牧一摺阿拉善王奉調帶兵前來幫同勒捕固屬急公長麟因甘省連得勝仗賊匪不日即可殄滅於該王行抵甘境即遵旨令其仍回游牧妥為照料出境並自出己資買備羊隻派員齎往分賞俾蒙古兵丁共知感激深得撫卹外藩之體所辦可嘉長麟著交部議敘。○又諭戶部議覆

長蘆鹽政觀豫奏請蘆東鹽斤加價一摺所駁甚是已依議行矣現在軍務尚未藏事一切兵餉供支皆須發帑接濟固應寬為籌備但朕斷不肯因此有累及閭閻之事教匪何民也原因不肖官吏勒索苦剋激成此事至今未能復業自滋事以來到處焚掠裏脅百姓逼於飢困不得已而從賊是欲剋平賊匪必先使吾民各安生業民安而賊自可平安一民即少一賊此事理之必然者若因軍

興需費浩繁遂思剝削百姓之脂膏冀補國家之帑項或致生計不足別滋事端即言利則所費豈不更多為害更大朕躬行節儉永杜貢獻言利之徒無所施其伎倆惟近日臣工往往藉軍需為名在朕前嘗試巧言利國實皆利己此等假公濟私之人本應加之譴責但人材不易豈遂以一眚遽斥此時亦第存之於心不肯宣露早已薄其為人矣即如長蘆加增鹽價一事雖計算食鹽之人每日

所費不過一二文似屬有限而不知鹽斤為食用所必需一經議增則人人均受其累且私販本因官鹽價昂而起今再議增加則私鹽自必更為充斥官引隨銷愈多長蘆鹽價加增已非一次即該商積欠各款節經寬免展限者亦非一次恩施不為不厚豈得復行干瀆為此無厭之求況鹽價既增之後即不能復減累民寧有已時雖據觀豫奏稱此次加價為清完積欠而設但加價之後該商等

亦未必能清完國課徒然病民以裕商更屬不值朕寧可使帑項有稽而斷不肯朘民以益帑况天下山海海濱所有財貨皆朕之財貨豈必聚於官府踵瓊林大盈之鄙識哉為天子者富有四海不問有無藏富於民周流泉幣斯得九五福之二曰富大旨矣昨兩淮浙江廣東各商俱籲懇報効而長蘆商人並未呈請出資助餉更無可藉口今若允該商等所求致兩淮等處亦復效尤紛紛懇請加

價更無所底止矣朕勤求上理惟思克己利民以符損上益下之義將來軍務完竣即現開捐例亦當停止豈有無故將鹽價加增之理乎觀豫此摺雖未必為牟利私已起見但率聽商人慫恿遽行瀆請實屬不合觀豫著飭行將朕此旨與諸王及大學士九卿同看即行覆奏○諭軍機大臣等朕恭閱

皇考高宗純皇帝實錄內載毛城鋪減水石壩因徐州一帶兩岸山勢夾束河流不能下注

設立減水壩分洩黃漲一節徐城逼處河濱設遇黃流漲發自須隨時酌量減放石壩以銷水勢是毛城鋪壩工原為盛漲之時減放黃河出槽之水並非使正河大溜全行灌注今邵家壩漫口未能即時堵合徐州正河現已涸出大溜竟由毛城鋪匯歸洪湖下游高堰石工在在喫重從前河臣高斌以毛城鋪減下之水既多急籌將洪湖四圍淤淺處所量加撈濬以防漫溢高堰之患彼時高堰出

水石岸有十三四層工程堅立尚且豫為籌備今已相隔六十餘年河底漸次淤墊石岸出水自不甚高上年復經衝刷間有塌卸之處轉瞬大汛經臨清黃並漲設洪湖不能容納高堰工程皆成險要淮揚一帶所關非細朕每思及此悚惕靡寧吳璥身任河督是其專責至費淳現係總督兼管河務且該處石工去年本係費淳在彼承辦著傳諭費淳吳璥會同熟商妥為籌畫察看情形豫期設法

務使石工堅固毋稍疏虞以期有備無患並
於

實錄內將高斌等原議摘鈔寄閱○己未遣官

祭

歷代帝王廟○庚申

上啟鑒恭謁

東陵○以浙江溫州鎮總兵官黃嘉謨不諳水

師留於閩浙候補陸路總兵官以廣東龍門

協副將胡振聲為溫州鎮總兵官○予故部

察院左都御史趙佑祭如例○旌表守正捐

軀河南許州民史西齡妻張氏○免蹕路經

過地方本年額賦十分之二○是日駐蹕烟

郊行宮○辛酉諭軍機大臣等賊匪自元山

場等處向西竄擾自因聞德楞泰帶兵入川

之信恐被遏截欲圖牽綴官兵搶渡潼河魁

倫分派官兵在彰明江油一帶及潼川上下

分駐防堵其搶渡之賊雖俱經兵勇擊退仍

當飭令各弁員時刻留心嚴密堵禦不可稍

涉大意至所稱差探德楞泰於二十四五等

日在江油所屬之烏龍觀新店子等處連獲

兩次勝仗殲擒賊匪甚多覽奏深為欣慰德

楞泰一到川境即獲勝仗事機實為順利至

魁倫現在潼川防守當此賊匪分股奔竄之

時尤為緊要惟當以督率嚴防為重何須前

往江油會合德楞泰勦辦耶此時李紹祖所

帶七十五一路官兵已抵金山驛前調黔省

官兵日內亦可齊到而賊匪南阻潼河北阻

嘉陵江實為自投絕地前旨早經諭及決勝

之機全在此舉魁倫務須倍加愧奮相機堵

勦以稍贖前愆也將此傳諭知之○又諭陝

境漢江南北有鮮大川苟文明楊開甲辛聰

等股分竄滋擾而鳳寶一帶亦有賊匪奔竄

棧道梗阻目前陝省賊勢鴟張較甘省自為

著重不知台布所防何處所堵何賊耶前因

陝省領兵乏人降旨令恒瑞帶兵來陝幫同

台布勦辦旋據額勒登保奏稱先已派令恒

瑞帶兵數千名赴陝此時恒瑞諒已抵陝台布惟當確探恒瑞信息一俟其到陝後即當會同籌辦先將棧內賊匪悉數殲除廓清道路為要將此傳諭知之○又諭賊匪擾入川西實由額勒登保冒昧赴甘以致賊匪乘虛搶渡至陝省之賊本係那彥成在彼勦辦乃未能及早勦竣又因甘省有川匪竄入移兵前往而德楞泰復因川西賊情緊急遵旨前往勦辦並經額勒登保催令迅速赴川將陝省防堵事宜委之無能之吉蘭泰既任賊匪由虞關搶渡分擾甘境復致餘匪逼近棧道吉蘭泰又不跟蹤追勦致闖入鳳縣此時甘省賊匪屢經官兵合力痛勦賊勢已蹙其陝省勦辦賊匪雖有恒瑞帶兵前往究恐未能得力著額勒登保那彥成詳細商酌若甘省之賊已漸勦敗無須伊二人一同在彼那彥成成本係特派督辦陝省之賊竟當酌帶官兵即赴陝省將各股竄匪上緊勦辦至吉蘭泰

防堵賊匪種種疏玩貽誤仍著額勒登保詳悉查明據實奏奏將此傳諭知之○以貝勒永珩為宗人府右宗人○盛京將軍琳寧以年老命來京另候簡用以鑲紅旗滿洲副都統晉昌為盛京將軍正紅旗漢軍副都統繼布為鑲紅旗滿洲副都統工部右侍郎西成兼正紅旗漢軍副都統○四川提督七十五以託病逗遛解任候訊命德楞泰以叅贊大臣署四川提督○是日駐蹕白瀾行宮○壬戌諭內閣本日由四川軍營奏報叅贊德楞泰連得勝仗生擒首逆川西將次肅清又據甘省軍營奏報經畧額勒登保叅贊那彥成截勦邪匪不令入川擒獲偽元帥殲戮千餘名正值朕駐蹕隆福寺此皆

上天
祖

考垂佑欣感不盡明晨敬詣

諸陵虔申叩謝軍機大臣每日自寅至酉實力

贊襄助朕籌畫實屬辛勤侯大功告成自當
予以世職先著各加一級軍機章京及兵部
聽報章京均著賞給紀錄二次沿途驛站咨
行各省督撫俱加賞賚○以勦殺川西賊匪
擒獲首逆陳得俸等功授德楞泰為內大臣
餘敘賞有差○以截勦賊匪不令入川功賞
慶成三等侍衛額勒登保等獎賚有差○以
直隸河屯協副將德忠為巴里坤總兵官○
是日駐蹕隆福寺行宮翼日如之○癸亥

上恭謁

昭西陵

孝陵

孝東陵

景陵畢隨恭謁

裕陵俱未至碑亭即降輿慟哭步入

隆恩門詣

寶城前行禮王以下文武大臣官員均隨行禮

孝賢純皇后忌辰遣官祭

裕陵諭內閣前經朕訪聞盛京將軍衙門多
有私增番役名為捕盜實害閭閻又有浙江
人余筠在彼處出入衙門把持地方公務特
親書諭旨密令琳寧將此二事分別查辦旋
據琳寧等覆奏已將番役裁減並將余筠押
令回籍茲據瑚圖靈阿叅奏琳寧查辦番役
雖云全行革退並未斥逐草率塞責不實不
盡並稱琳寧總以捕盜無人為言為將來請

復番役之地且該處番役於查拏創夫偷漏
私漫得錢賣放飽其私橐協領等亦有分肥
情事琳寧受其朦混甘蹈積習又奏稱侍郎
寶源於奉旨交查事件慫恿琳寧以為必不
可行並聲稱從前侍郎世臣得罪前任將軍
立即置之死地且謂番役一去必致盜賊公
行前任府丞劉躍雲在任時即有數人持刀
勒索錢物各等語因即降旨詢問劉躍雲據
稱前在奉天府承任所衙署內並無被盜強

劫之事惟上年冬間曾有竊匪窺窗鉤出舊衣一案當經知會將軍衙門並飭縣緝捕現在賊犯未獲等語即此一節可見寶源所稱劫盜之事全屬藉詞恐嚇且該府丞衙署失竊正在番役未裁之時如果番役平日緝捕得力則衙署重地不應有竊賊之案既經被竊而犯未就獲是該番役捕盜無能竟同虛設自應將私增番役悉數裁革乃琳寧於接奉諭旨後雖不敢公然違拗並不認真嚴行

查辦痛除積習任聽該屬下協領等飾詞朦混草率具奏仍屬有名無實看來琳寧竟年老無能諸事不能整飭已降旨令琳寧來京另候簡用其盛京將軍員缺已將晉昌補授矣至寶源於奉旨交查事件輒敢肆意指駁實屬膽大且以從前侍郎得罪將軍將軍即將侍郎置之死地之言向瑚圖靈阿恐嚇希冀瑚圖靈阿隨同寶源阿附琳寧顯肆欺蔽卑鄙無恥之極但究係瑚圖靈阿一面之詞

必當徹底查記現已特派尚書傅森會同新任盛京將軍公晉昌馳驛前往盛京查辦一切寶源著即解任交傅森等秉公嚴審定擬具奏其浙江人余筠曾否勒令回籍現有伊二子入籍奉天亦著傅森等一併歸案辦理又諭阮元奏拏獲杭紹地方窩盜陳阿三等審明定擬一招阮元到浙未久甫經實授巡撫於積年窩盜要犯即能留心查察飭屬嚴拏到案具見緝捕認真各省地方官吏遇

有多年盤踞盜匪往往畏難苟安不肯即時督拏任其擾累閭閻最為惡習即如直隸省張標一案經朕訪聞密諭直隸督撫迅速查拏而伊等總心存畏事遲遲不辦以致釀成長新店肆劫之案今浙省疊次窩劫盜犯若阮元亦復遷延遲緩並不及早查拏亦必至容奸遺患阮元辦理此案任事實心克副委任又提督蒼保黃巖鎮總兵岳璽在洋搜捕土盜擒獲一百七十餘名現俱解省審辦看

來浙省吏治大有起色。均堪嘉獎。阮元蒼保
岳璽俱著交部議敘。○又諭荊州將軍弘豐
副都統海興阿題報交印接印日期各一本
殊可不必向來督撫因公離省為時稍久有
具題交代印信日期者。若帶印公出未離本
省即無交卸印篆之事。今弘豐雖帶兵協剿
尚在湖北境內即帶印前往未為不可。且既
奏明將印信交與海興阿代管亦何必復行
具題實屬重複嗣後有似此代管印信為時

不久業經奏明者均無庸具題以歸簡易著
為令。又諭前以永琨在將軍任內聲名平
常又擅用八百里驛遞公文是以將其公爵
將軍斥革賞給奉國將軍令其在

陵居住今思永琨在將軍任內聲名平常尚無
實據其限行八百里驛遞不過失察屬員相
沿舊習永琨乃和恭親王之子於朕為從兄
弟若令其在

陵久住不足示朕篤愛宗支之意現在德楞泰

已授內大臣不必兼副都統所有正白旗漢
軍副都統員缺加恩著永琨補授即回京當
差並著仍兼奉國將軍。○諭軍機大臣等川
西賊匪屢經官兵痛加殲戮江岸防守嚴密
無從竄逸自可期漸就肅清而陝省漢江南
北及鳳寶一帶俱有賊匪竄擾情形較川省
又為著重該省兵力無多即恒瑞亦祇帶兵
二千餘名前往恐尚不足以資堵剿現在川
省所調貴州兵三千名自己到齊又有李紹

祖帶到之兵以之剿辦敗竄餘匪無難迅速
殲除此時德楞泰如已將川西竄匪剿淨則
續調之貴州兵三千名並可行文停止即將
先行調到之兵酌撥一二千名派李紹祖阿
哈保帶領取道渡江先將川北零星餘匪搜
捕淨盡即赴陝省幫同恒瑞協剿僅川西賊
匪一時未能辦竣兵力難分即將續調之貴
州兵檄催赴陝俾資堵剿之用德楞泰務須
察看情形妥為籌畫不可因此又將川西未

盡餘匪舍而他顧將此傳諭知之○以兵部

左侍郎惠齡署兵部尚書○甲子清明節

上恭謁

裕陵至幄次降輿更縞素慟哭步入

隆恩門詣

寶城行數土禮畢易素服詣

隆恩殿行大饗禮禮成仍服縞素詣

寶城前行禮叩辭奠酒盡哀乃退王以下文武

大臣官員均隨行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 命

皇次子吳璽祭

孝淑皇后殯宮○遣官祭

端慧皇太子園寢○是日迴鑾恭謁

西陵駐蹕桃花寺行宮○乙丑諭軍機大臣等

阿迪斯係成都將軍既知有摸樁賊匪即當

上緊搜捕豈有等候賊匪自行投到方始勦

辦且半年以來截勦何股賊匪似此庸懦無

能擁兵玩誤實出情理之外著德楞泰即行

催令阿迪斯前赴德楞泰軍營傳旨解任此

時勒保自己可到即會同詰訊令其據實登

答如無可置辯即將伊革職定擬具奏派員

解交刑部候旨所有成都將軍員缺即著勒

保暫行護理另候簡放至鶴麗鎮總兵德英

額前經額勒登保派在黃羅傘等處帶兵防

守究竟防守何處如該處並無賊匪德英額

竟係在彼株守著德楞泰一併訊明嚴叅治

罪行軍之道全在賞罰嚴明重先登之賞嚴

退縮之誅原欲令身在行間者知所勸勵方

可期踴躍爭先立功受賞此即所謂置之死地而後生也並著各路統兵大員通諭帶兵員弁等一體知悉庶幾有勇知方人人用命勦捕自能得力也○是日駐蹕白瀾行宮○

丙寅駐蹕烟郊行宮○丁卯上至南苑詣

闕帝廟拈香○諭內閣德楞泰奏連日截勦渡江各股賊匪大獲全勝生擒著名首逆冉添元等一摺覽奏深為欣慰冉添元等各股

賊匪在江油之重華堰屯紮占據關耳梁一帶山包又於樹林房屋內潛行設伏經德楞泰派兵進擊賊匪敗退佛耳巖火壩口等處潛匿箐林口令其夥黨假充難民詭稱賊衆已遁入雁門壩欲誘我兵墮其計中德楞泰窺破豫令兵丁准備而進行抵箐林口突有馬步賊匪數千衝出官兵奮勇迎勦將賊匪痛加殲戮賊匪復竄回重華堰德楞泰督兵追勦又在馬蹄岡火石壩一帶鼓勇奮擊鎗

箭並發先後殲擒賊匪二千餘名生擒首逆冉添元並各股賊目偽總兵鮮其順等實為將士同心奮力所辦可嘉之至此皆

上天

祖

考垂佑兵勇効力擒此巨惡川西民生得安曷勝感慰德楞泰此次帶兵入川連獲勝仗今又五日四戰破賊奸計殲厥渠魁深堪嘉獎德楞泰本係二等男爵著再加恩晉封三等

子以示優眷其隨同帶兵之阿哈保賽沖阿溫春阿穆勒塔李紹祖色爾衮馬瑜等奮勇爭先衝鋒力戰俱著交部議敘又射倒騎馬賊首冉添元之妻防禦蘇爾慎如現係六七品官職即著授為三等侍衛如現係五品官職即著授為二等侍衛將來凱旋後即令留京當差所有此次德楞泰帶領打仗殺賊兵丁俱著賞給一月錢糧以示鼓勵如尚有奮勇出力之員弁等並著德楞泰查明續行具

奏候朕加恩。○又諭陝西五郎地方層巒複嶂道路分歧奸民易於藏匿自當專設總兵大員永資鎮守以為西安省城屏障著照長麟所請設立總兵一員賜名寧陝鎮在五郎廳駐劄其應設將備及安置墩汛各事著該督撫酌議具奏所有陝西寧陝鎮總兵員缺著劉之仁調補其興漢鎮著改名陝安鎮漢興道著改名陝安道。○諭軍機大臣等朕思各股賊匪屢被殲擒勢極窮蹙近據各路奏報賊夥自行投誠及難民由賊營逃出者絡繹不絕正在勦撫兼施喫緊之際此次勦辦教匪非若邊徼外域必須俟全數蕩平受降奏凱後方籌辦善後者可比自應一面搜捕餘孽一面妥為安撫況此等從賊匪徒實皆赤子既經悔罪投出貸以不死即當愛之如子各遂其生其撫輯之方不可不及時籌畫現據長麟奏稱甘省自賊營逃回之川楚難民甚多俱經給予路票釋放回籍但所給路

票止係免死憑據仍無謀生實濟因思現在亟須安撫之人約有三等一係降賊一係難民一係鄉勇此三項若俱藉為兵丁則人數衆多安得有如許營分廣為分隸若於投出後聽其各自謀生其有業者尚可自為餬口之計而無業之人非官為經理安置得所則伊等雖去逆投順而無衣無食何以自存飢寒日久必致故態復萌又思搶掠一經繩以官法又恐激成事端彼時業已撤兵又將如何辦理至鄉勇一項其團練者多係本省有身家之人惟召募一項良莠不齊一旦散歸鄉里亦恐未必皆有生路是安撫之方目前切宜早籌妥辦總之有恒產者方有恒心或將查出叛產及被賊難民絕產量為分給或於曠閒地方如南山老林等處可以耕種之區撥給開墾數年之內免其納糧俟墾有成效再行酌量升科庶各安本業不致復懷反側此三項中如絕產一項有目前查係絕產

而流民逃戶日久或又歸其本土勢又難將
業主地畝奪與失業之人轉使本人無所依
藉至清查叛產開墾荒地頭緒紛繁均賴良
有司宣力妥辦方能經理協宜將此傳諭陝
甘四川湖北各督撫於所屬道府州縣中遴
選平日居官廉明公正實心愛民者使之專
董其事不妨將其本缺開除畧仿從前觀風
整俗宣諭化導等使之意不必另設官名各
依本銜給予廉俸俾其專心撫輯如果能盡
心籌辦著有實效該督等即據實奏明朕必
逾格施恩加以獎擢儻辦理不善或有懈弛
玩誤者亦即嚴叅治以應得之罪仍將此旨
謄黃曉諭俾衆共知各遂其安恬樂業之願
是日駐蹕舊衙門行宮

實錄卷六十一

三十三

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之六十一

實錄卷六十一

三十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十二

臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽
臣等謹將本年內各處奏報事宜彙編一冊呈覽

嘉慶五年庚申三月戊辰

上諭

永慕寺行禮○書麟奏勦捕獐黑賞道員屠述
源按察使銜都司李豐方和花翎守備王天
賦等藍翎餘升擢有差○以恭謁
西陵免蹕路經過地方內曾經辦理兵差之宛
平良鄉涿三州縣本年額賦十分之五房山
涿水易三州縣本年額賦十分之三○是日
駐蹕黃新莊行宮○己巳月食○祭
先蠶之神遣妃行禮○諭內閣吏部具題河

南信陽州知州諸以謙選授禮部精膳司郎
中調取來京引見一本諸以謙由現任知州
加捐郎中經吏部選授今缺調令引見因屬
照例辦理但諸以謙在豫省官聲素好民情
愛戴朕所稔知前經該撫吳熊光保舉堪勝
知府自係該省得力之員若令內升禮部郎
中未免轉置閒曹諸以謙著留於豫省遇有
知府缺出交該撫奏請補用俟該省防堵事
竣再行給咨送部引見○諭軍機大臣等額
勒登保等以西和一帶另股賊匪從禮縣直
趨秦州有竄往東北大路之勢帶兵躡蹤追
擊所辦甚是額勒登保將此股勦淨後竟當
就近赴陝督辦其由宕昌南竄之賊專交那
彥成勦辦俟甘省賊匪勦淨再行赴陝協勦
其防守事宜可交與廣厚辦理將此諭令知
之○是日駐蹕半壁店行宮○庚午駐蹕秋
瀾行宮○辛未諭內閣刑部審擬恩特赫謨
餽送富綱銀兩因恩特赫謨係被富綱勒押

先經革職請即發交該旗領回管束一摺思特赫謨身任監司既被富綱刁蹬逼勒即應據實揭叅乃憐於聲勢湊備重資私行餽賂其咎甚重且餽送銀兩至六千兩之多雖據稱係出已資迨事後自必仍向屬員婪索以補私橐僅擬革職不足示懲恩特赫謨著發往軍臺効力贖罪○旌表守正捐軀河南西平縣民龐合女龐氏○是日駐蹕梁格莊行宮○壬申

上恭謁

泰陵

泰東陵俱未至碑亭即降輿慟哭步入

隆恩門詣

寶城前行禮王以下文武大臣官員均隨行禮

○諭內閣奉天府丞兼學政百齡已擢湖南臬司其缺尚未簡放即由京簡用有人赴任亦需時日現在該處有應補考試事宜生童俱已調集未便令其守候所有奉天府府

丞兼學政事務著瑚圖靈阿暫行兼署即將應行考試各事宜照例辦理俾生童等得以試竣速歸以示朕體卹陪京士子至意○旌表守正捐軀河南永寧縣民趙世全妻黃氏○是日迴鑾駐蹕秋瀾行宮○癸酉諭內閣魁倫於經畧額勒登保赴甘截剿竄匪時奏明將軍務交伊接辦當經降旨將川北賊匪責成魁倫勒捕乃魁倫接辦以後於防堵事宜漫無覺察不能妥為布置致任賊匪擾及

川西完善地方彼時即應將魁倫革職拏問治罪特因一時乏人接辦從寬僅將魁倫拔去花翎革職留任仍留頂帶以觀後效魁倫自賊匪竄入川西以後知潼川地方最關緊要督率兵勇嚴密堵禦賊匪不能輟轉奔竄俾德楞泰到彼得以相機進擊屢次克捷殲擒著名首逆多人伊雖疏縱於前而防守潼川尚能持以鎮靜稍有微勞是以曲加寬貸魁倫仍著加恩署理四川總督但分獲咎甚

重此時若仍用一品頂帶伊亦自覺無顏著以三品頂帶辦理總督事務仍帶革職留任八年無過方准開復其不能防守之罪即以此示薄懲不必交部嚴議矣至勒保前在貴州本有功勲去年任經畧惟知株守達州任聽賊匪竄擾是以將伊革職治罪而辦理地方事務尚無大過前已降旨授為藍翎侍衛暫護成都將軍印務此時川北一帶尚有賊匪竄入亟須大員帶兵進剿勒保著格外加恩以四品翎頂補授四川提督仍帶革職留任八年無過方准開復勒保即當徑赴川北將各股賊匪以次殲除用副棄瑕錄用之意○又諭前因劉權之條奏地方官在本地派買倉穀往往有短發價值勒具領票及繳價飛灑等弊曾行通諭各督撫飭屬在鄰封採買續經奏覆即有言其不便者茲據胡季堂奏直隸省州縣多有不通水道之區應買穀石購自鄰封道路相隔數十里至數百里不

等輓運之資有時轉浮於買穀之價既未便作正開銷如責令墊辦不肖州縣或藉詞運費不敷派斂錢文轉滋弊竇再宣化承德二府地居口外並無鄰封尤難搬運請嗣後仍在本地方採買等語採買一事遠赴鄰封自需運腳若地方官以運費無出為詞因之派累閭閻巧為朘削是便民而轉致累民胡季堂所奏自係實在情形著照所請行嗣後除各省附近水次舟楫可通地方著即於鄰境採買外其不通水路者仍准其在本地方採買不必遠赴鄰封該督撫等惟當督飭所屬公平採買以期民無擾累而倉歸實貯倘有短發價值以及勒派折收等弊經朕訪聞或科道糾參則惟該督撫等是問○又諭朕聞恩明由河南藩司赴奉天府府尹新任於出關後有馬姓太監送伊家眷沿途需索門包使費爭鬧之事因思恩明何由得有太監令軍機大臣詢問伊子雲慶使承啟據稱馬姓太監

係從伊戚金簡家借用因家眷起身時金簡之妻尚在薦令送往任所等語宗室王公及文武大臣所用太監上年特降諭旨定有額數一品以上大臣准用太監四名二品以下不准濫用當經諸王等將多餘太監送進宮內當差從前金簡家原曾使用太監朕所素知金簡本係一品且其時尚無定額所用人數過多亦所不免至縵布上年係屬二品自應將伊父原用太監悉行交出送進宮內當

差況昨年降旨之時縵布係總管內務府大臣於此事更宜諳悉乃私行留用太監又復轉薦恩明處護送家眷聽其出關以致在途滋事實屬膽大之極縵布著交部嚴加議處仍將伊家所有太監著內務府大臣查明共有若干據實報出交進毋得再行私留致干重咎並著內務府大臣通查現在文武大臣例不應用太監如縵布者均令盡數報出其前此未經報明之處亦不復追究儻經此次

查辦仍有隱匿不報私自濫用者或有人叅奏或經朕察出必當治以違制之罪決不寬貸○又諭吳璥奏請將豐工懸款四十九萬六千餘兩及曹工賠項十萬兩分別罰賠等語豐工未經報銷銀兩係蘇凌阿蘭第錫二人經手但念蘭第錫從前居官廉潔操守刻苦曾已有旨將伊應賠銀兩加恩寬免此項未經報銷銀兩蘇凌阿名下應賠二十四萬八千餘兩今加恩減去四萬餘兩僅令交二

十萬兩即著交該旗在蘇凌阿家屬名下追繳至李奉翰曹工應賠銀十萬兩亦著交該旗在李奉翰家屬名下追繳均著各該旗勒限於本年霜降以前解交南河工次以資要工之用○又諭滿洲風俗淳樸向俱嫻習騎射及馬上技藝感激君恩為國効力是以每遇出征皆歡欣嚮往所至立歲大功即派出隨圍亦皆奮勉爭先其中不得派往者即自覺愧赧並無遇差退縮藉端規避之人何風

之美歟近來習俗日下年少者惟圖安逸差使怠惰技藝廢弛竟有不能騎馬者即如治儀正承昌平日差使既屬懶惰而此次該衙門派出隨扈恭謁

陵寢膽敢捏稱葬妻藉詞告假並不隨往即實有此事亦非伊父母之事可比況此語尚屬虛捏實為膽大不法若不嚴加懲治將來滿洲世僕不知警戒互相效尤所關甚重承昌著革職交總理行營王大臣傳集乾清門侍

衛大門侍衛粘竿處侍衛拜唐阿鑾儀衛章京及各處章京拜唐阿等眼同將承昌重責四十鞭以示警戒仍著胡季堂立即派員押解發往熱河交德勒克扎布令在該處披甲嚴加管束倘有逃走等情拏獲時即照例具奏正法此旨著通行曉諭嗣後滿洲世僕各勤厥職以復淳樸舊風毋得任意偷安儻不知畏懼仍復懶惰從事則承昌即前車之鑑也○是日駐蹕半壁店行宮○甲戌德楞泰

奏報痛剿川西竄匪生擒賊目多人得旨獎賚授御前侍衛○又奏節次打仗出力員弁賞知州鄒翰遊擊李應元都司劉彪守備羅思舉畢萬年向春照花翎千總熊敏謙等藍翎○又奏軍營出力將弁賞佐領達付領催常存都司張英桂守備馬元千總馬吉際巴圖魯名號騎都尉永德防禦富勒渾協領邁昌阿花翎前鋒黑成等藍翎○調直隸正定鎮總兵官觀祥為宣化鎮總兵官宣化鎮總

兵官扎勒杭阿為正定鎮總兵官○是日駐蹕黃新莊行宮○乙亥

上詣

大高殿行禮

時應宮拈香○還宮○祭

先農之神遣和郡王綿循行禮○諭軍機大臣等蔣兆奎覆奏察看丁力尚須劃給正改二耗一摺前曾節次降旨將漕務陋規全行革除並酌增津貼銀米又准各船多帶土宜

丁力已為充裕現在各幫糧船銜尾北上朕派人密訪沿途並無需索旗丁費用之處及抵通時倉場侍郎俱各親身實力稽查吏胥等不敢稍有勒措且聞其米色俱好行走順利是今歲漕運節省無數浮費丁力已不致拮据況東省幫船即日抵通而各省漕米亦俱輓運在途又何必於正兌之外復將改兌耗米再行劃給紛更定議耶著傳諭各該督撫除今歲已經北來漕船無容議增津貼外

再留心察看每年俱能如此輓運無誤即可照現定章程永遠遵辦儻試行一二年後如果於前項津貼之外丁力或尚有不敷再將改兌曬颺米奏明劃給以資運費未為遲也將此傳諭蔣兆奎並諭漕運總督及有漕省分各督撫知之○旌表守正捐軀直隸束鹿縣民李文蔚女李氏○丙子諭內閣倉場侍郎達慶等叅奏坐糧廳顏培天貪酒任性不曉事體於稟事時傲慢無禮或託故不到現

在南糧將次到壩恐致貽誤請將顏培天撤回交部議處等語上年九卿內曾有人密保顏培天稱其人尚爽直惟性好飲酒從前該員在甘肅知州任內曾經福康安於計典內劾叅送部引見時發往直隸以同知補用推升禮部員外郎朕原欲俟伊坐糧廳任滿時召見看其才具再定去取今據達慶等以嗜酒任性叅奏且於該侍郎前議論公事語言唐突少有不合輒數日不往謁見不特有乖

堂屬體制而現在南糧將次到壩於商辦一切恐有貽誤至所叅顏培天查驗米豆時任聽書役慫恿有意從刻一節詢之達慶鄒炳泰據奏抵通米豆惟三船稍有潮溼並無攪和其餘各船俱係乾潔顏培天雖無勒措之事而任意苛求實所不免等語且今歲到通糧艘朕早經派人密查並將米豆呈覽皆係顆粒堅好可見該侍郎所奏屬實顏培天著即撤回並交部嚴加議處所有坐糧廳一缺

著各該衙門照例速行保舉帶領引見候朕簡用○以翰林院侍講顧德慶充日講起居注官○丁丑諭內閣戶部奏各省支用耗羨銀款請酌量刪減並將閒款查明歸款一摺各省耗羨銀兩係隨正項徵收即與正項錢糧無異不得任意支銷向來動用耗羨至一千兩以上者俱奏明請旨原以杜浮冒濫用之弊況各省本有存貯閒款銀兩偶遇地方公務自當先行儘用如有不敷方可借支耗

羨乃近來地方官往往將閒款私行支用及有應辦公事輒稱需用孔亟轉不提及閒款而於不應輕用之耗羨任情挪借以致日漸虧絀各省督撫每遇動撥需項率以本省無可動支屢向部庫請撥既添沿途運費之煩而本省應行存貯之款日久胥歸無著現在各路軍營屢次獲勝奏報捷音大功即日告藏一切善後事宜需費浩繁正資籌備著照部議所有近五年各省耗羨贏餘內借款責

成各該督撫速行查明實數補歸原款並將動支耗羨之款各就該省情形酌量刪減其各項閒款銀兩共有若干亦著詳查開單具奏現已飭令部臣將近五年案卷通行查對俟各省奏到之日再行覈辦各該督撫務宜悉心查奏毋任地方官隱匿蔽混○書麟奏官兵勦洗壩卡一帶探匪得旨嘉獎下部議欽○戊寅諭軍機大臣等今日召見百齡奏稱鳳凰城駿陽邊驛廠邊旺青邊英額等邊

以外舊設有卡座十九處自乾隆五十五年以來共裁撤十三處後又添設六處邊內舊設有卡座十九處於乾隆五十五年裁撤一處於五十八年又添設五處等語鳳凰城各邊外地方與高麗接壤所關甚要此等地方卡座皆係

太祖

太宗開基之始相度地勢建設非可任意更改即今昔情形不同亦斷不至如此之甚著寄

諭晉昌查乾隆五十五年將軍係屬何人因何將此項卡座裁撤後又因何添設彼時曾否奏明并著詢問琳寧再此等地方卡座應否照現改之處安設抑或仍應遵照舊設之處安設著晉昌務於暇時親往詳查相度形勢務期防範嚴密繪圖具奏不可稍有疏忽亦不可拘泥固執也○又諭本日召見新授湖南臬司百齡據奏稱伊行至廣寧縣之新民屯地方查有番役頭李德玉坐車一輛在

彼逗遛當即詢以現在奉旨裁革番役該役何以尚敢潛出恐有索詐情事據稱該番役已於二月十八日業經協領安平革退復將裁革番役諭旨係於二月二十日始行奉到何以該番役輒稱於十八日先行裁革之處向其詰詢該役語言支吾恐有別項情弊當將該番役交廣寧縣知縣張炳解赴奉天府尹處審辦又據奏稱行至寧遠州地方據知州劉大觀稟稱有番役二名在中後所訛詐

鋪戶錢文百餘千業經拏獲亦令該州解往奉天審辦各等語盛京將軍衙門私添番役擾害民間早經降旨令該將軍等裁革以除積弊乃現在百齡來京在途仍兩次查有番役在外招搖訛詐之事可見琳寧等竟係陽奉陰違於奉旨裁革後尚敢四出滋擾未查辦以前更不可問矣朕與留都百姓伸此公憤必欲力除此輩所有百齡查出番役等自已解到省城並著傳奏晉昌會同兼管府尹

穆克登額一併提訊歸案審辦以示懲儆○已卯諭內閣朕恭閱

皇考高宗純皇帝實錄參領金珩奏請將各省駐防滿洲蒙古漢軍官弁子弟於歲科兩試令該將軍考試馬步箭即送附近府院考取一事

皇考欽遵

皇祖諭旨以駐防弁兵子弟有能讀書向學者聽其來京應試若悉准其在外應考則伊等

競尚虛名必致騎射生疏操演怠忽將來更有何人充駐防之用將該叅領申飭事未准行仰見我

皇祖

皇考睿慮周詳誠恐駐防弁兵專習文藝弛

武備再三

申諭意至深遠因思上年通恩條奏駐防事宜一摺內稱請令各處駐防旗人另設學額就近考試入學再聽赴京鄉試等語彼時朕尚

未恭閱

實錄所載此條即交軍機大臣議奏准行蓋因各處駐防兵丁較之雍正乾隆年間生齒增倍而披甲名糧例有定額概令食糧當差則人浮於缺勢有所難若徒手嬉遊毫無所事必至習於非義其有能讀書向上通曉文義者如必令遠赴京師應試資斧又恐不給是以准就近應歲科試以廣進取之階我滿洲根本以騎射為先若八旗子弟專以讀書應

試為能必將輕視弓馬怠荒武備殊失國家設立駐防之意嗣後各省駐防官弁子弟不得因有就近考試之例遂荒騎射本業著該將軍都統等通行飭諭各官弁等訓課子弟以騎射為首務其攻肄舉業者仍當嫻習騎射務臻純熟以仰副

皇祖

皇考教育八旗諄諄垂訓及朕多方造就之至意將此通諭知之○諭軍機大臣等此次額

勒登保帶兵赴陝相機剿辦所見甚是與前降諭旨相合惟帶兵過少竟未通盤籌畫豈因兵少賊多不能痛剿即任賊匪到處奔竄乎額勒登保德楞泰二人平日帶兵俱屬奮勉而額勒登保尤為操守清廉奮勇出衆是以特加委任用為經畧乃近日德楞泰帶兵赴川西剿辦旬日之間三奏捷音擒獲首犯多名而額勒登保帶兵赴甘後未能大有克捷總覺遲緩現在賊匪由甘竄回陝境惟岱

森保等殺賊二百餘名並未見額勒登保痛殲賊衆其奮勇出力之處何竟遠遜於德楞泰耶此時額勒登保一路與岱森保等會合總計兵勇亦止四千餘名自不敷剿賊之用額勒登保應一面札知那彥成將伊一路所帶之兵酌分一二千名又前此陸續派調黔兵六千名原分以三千名交勒保帶往川北以三千名交李紹祖阿哈保帶赴陝省但黔省官兵未能一時全到而川北川西尚有應剿之賊額勒登保可飛咨德楞泰先撥黔兵一二千名派阿哈保帶領迅速赴陝以資剿辦○庚辰

上詣

大高殿行禮

時應宮拈香○辛巳甄錄賢良後裔諭內閣朕恭閱

皇考高宗純皇帝實錄乾隆三年八月欽奉諭旨賢良大臣之子孫已登仕籍者固多其中

或有不能自振漸就零落之人亦屬可憫除現在入祠大臣之子孫有文官七品以上武官五品以上已經錄用無庸查奏外如子孫並無仕宦或有品級而甚屬卑微者著該部行文各旗都統及直省督撫查係嫡裔擇其品行才質可以造就者給咨送部帶領引見酌量加恩仰見

皇考獎勵前勞有加無已欽惟

皇祖建立賢良祠實為千古曠典

皇考復念其後裔恩意有加迄今已閱六十餘年朕欽誦

聖謨緬懷篤樂凡宣勞佐治之大臣曾入賢良祠者其子孫或未登仕籍或品級卑微著該部行查八旗都統及各該督撫等遵照舊例詳悉查明送部引見以示朕念舊加恩至意○又諭前據胡季堂奏請將河南省之內黃縣改歸直隸管轄所有該縣地丁錢糧歸於直省其漕運事宜仍交河南糧道辦理一摺

已交部臣覈議施行矣茲據吳熊光奏稱河南全漕皆在內黃楚旺地方受兌若改歸直隸不特恐誤兌運並慮稽察難周等語胡季堂請將內黃改歸直隸之意原為便於緝捕起見但前此巨盜張標在內黃窩藏本係豫省地方官失於查察該犯於豫省本境內並未聞有劫盜之案其屢次糾夥行劫乃多在直隸地界上年經朕訪聞密諭胡季堂上緊查拏該督因係河南直隸交界地方即不免

存推諉畏難之見因循不辦以致釀成長新店肆劫鉅案雖經胡季堂派員往拏究係河南官役在彼幫同始將積年巨盜張標擒獲殲斃是查察奸宄惟在地方官認真緝捕不在紛更定制儻仍前玩忽即改歸直隸亦復何益且錢糧漕務分為兩省辦理既多牽掣於體制亦有不合恭查雍正三年

皇祖曾以直隸內黃等縣為河南漕糧運道所經隔省呼應不靈令將內黃三縣分隸彰德

衛輝迄今內黃楚旺水次遵行已久受兌輓運均無貽誤俱各相安吳熊光所奏皆係實在情形又與

前旨相符著照所請將內黃一縣照舊歸於河南管轄不必再議更張其俗名三不管地方亦仍交內黃管理以專責成至該處為三省交界吳熊光務當飭令該縣實力查察勿令奸宄潛滋其交界之直隸山東等處著胡季堂蔣兆奎各飭所屬嚴密巡緝毋得稍存畛

舊案休沐

查

域之見其漕運一切事宜仍照舊例行○諭軍機大臣等前此賊匪偷渡嘉陵江西岸後賴有潼河為之攔阻賊匪不能四竄節次降旨令魁倫嚴密防堵使賊匪東扼嘉陵江西阻潼河自投絕地可期一鼓撲滅並以此係魁倫生死關頭諄諄訓諭至再至三昨因德楞泰連獲勝仗擒獲首逆而魁倫防守潼河尚能持以鎮靜稍有微勞加恩將魁倫以三品頂帶仍留總督本任其不能防守嘉陵江

之罪。即以此示懲。不必交部嚴議。詎料魁倫竟無造化。不能承恩。又任賊匪竄過潼河。其罪甚重。朕不能曲加寬宥。上年額勒登保因川賊竄至甘境。帶兵赴剿。將川北賊賊之事。交與魁倫交代。時如自揣不能勝任。即應留額勒登保在彼。或奏明另派他人接手。乃竟欣然樂從。直任不辭。而接辦以後。復在達州逗遛八日。致賊匪從容徑渡。雖防守嘉陵江鄉勇查係福寧所撤。但魁倫係本省總督。於防堵事宜。漫無覺察。不能妥為布置。致川西完善地方。遭賊蹂躪。已屬罪無可逭。今又任聽賊匪竄過潼河。情罪重大。魁倫即著革職。拏問。前因川西賊匪已被德楞泰節次痛剿。首逆已擒。即可辦竣。是以令勒保帶兵前赴川北。今賊匪又竄過潼河。甚關緊要。魁倫業已罷斥治罪。四川總督一時簡放乏人。德楞泰雖打仗奮勇。但辦理地方事務。非其所能。勒保已加恩授為提督。著仍以四品頂戴。實

授提督暫署四川總督事務。並將魁倫交與勒保嚴加審訊。按律定擬具奏。後不必解京。著即派委妥員。解赴成都。省城交與先福董教增監禁。候旨至賊匪在太和鎮上游八里之王家嘴。踰灘渡河。該處防守文武係屬何員。不可不查明。嚴加懲辦。查出後。即將該員弁一面據實奏。一面革職鎖拏。嚴行定罪。亦解往成都監禁。候旨。所有嘉陵江以西之賊。責成勒保。勒辦。其川北地方零星賊匪。著勒保與德楞泰會商。派令鎮將酌帶兵力。前往剿除。將此各傳諭知之。○又諭楚北竄匪。現聚房縣。保康一帶。又分竄宜城。鄖縣所屬地方。其陝省賊匪。亦由山陽折向洵陽。西竄。並有大股竄入洋縣地方。即畧陽境內。亦有賊股出沒。是豫省西南兩路。存在均關緊要。至川省賊匪。雖現距豫省邊境尚遠。而山路多歧。賊蹤無定。豫省盧新一帶。尤不可不加意嚴防。著

吳熊光隨時察探情形督率完顏岱等在襄江一帶嚴密巡查並令田永祠等於西連陝境地方確探賊蹤所向扼要防守川省可為前車之鑒地方官往往疏懈於賊遠之時不可不知也○又諭楚省竄匪尚多倭什布節次所奏未為確實松筠現因患病不能帶兵截剿奏請來京業已准行所有湖北勦賊之事專交明亮督辦其防堵卡隘並攔截賊匪等事交倭什布辦理明亮著加恩授為藍翎

侍衛領隊大臣楚省軍務一切情形俱著隨時奏報列銜在倭什布之前○旌卹遇賊捐軀湖北宜都縣民張發瑤等十八名口如例旌表守正被戕湖北黃陂縣民項開秀妻潘氏○壬午諭內閣傅森等奏查審琳寧等辦理裁革番役一案請將琳寧交部議處寶源革職等語琳寧於該處所設番役奉旨裁革後即追繳印票按名革除其現在出差者亦飭令回省陸續革退尚非竟置不辦至裁

革後尚有番役在外滋事索詐錢文皆由琳寧年老精神不能周到致被協領等從中朦蔽其咎止於失察琳寧著交部議處並著傅森等傳知琳寧令其即行來京候旨寶源係盛京禮部侍郎番役人等非其管轄乃倡議欲行留用並作為無稽之談將從前侍郎得罪將軍曾經奏獲譴告知瑚圖靈阿意圖恐嚇並妄稱前任府丞劉躍雲有銜署被盜之事據云誤聽傳聞劉躍雲前任奉天府丞並未被盜不過上年冬間曾有竊匪挖牆鉤出舊衣一案朕在京即已稔知豈有寶源近在同城轉不知其詳乃藉詞支飾其本意總以番役必不可裁不但阿附琳寧並欲在協領額倫泰安乎二人前見好且琳寧平日尚非驕傲之人寶源已如此附會迎合設非琳寧者比其阿意曲從更當若何寶源卑鄙無恥小人之尤著照議革職即令回旗閉門思咎永不敘用○諭軍機大臣等本日據穆克

登額奏盛京奉天府所屬地方糧價雨水情形僅繕寫漢字摺具奏向來盛京具奏此等事件均用滿漢合璧奏摺乃為不可忘本起見用意甚深理宜永遠遵行豈可任意更改穆克登額甫經到任未能深悉尚屬可原恩明在任已經數月豈得諉為不知舊制此必恩明率意更改穆克登額隨同具奏著寄諭傳森詳細查明若係恩明任意更改現在傳森在彼審辦恩明家人馬姓太監等妄行滋

事之案即可將此一併參奏○又諭自辦理軍務數年以來各路撥發部庫銀兩已不下七千餘萬上年朕親政以後又撥給銀一千餘萬通計不下萬萬而各路帶兵大員等惟事東追西逐帶兵者既不認真勦殺守土者又不實力防堵一任賊匪輟轉奔竄日久稽誅似此因循玩誤即再有六七千萬餉銀發給伊等亦不過坐食虛糜賊匪何日得平朕近聞由甘竄回陝境之賊時往時來肆行滋

擾東則黃牛鋪草涼驛五星臺等處屋宇被焚居民戕害者相望於道西則九子溝瓦房壩陳倉溝等處亦多焚掠賊匪均有五六七千人每日報馬數十搜山捉人裹糧搶商山中居民分投奔散傷心慘目有不忍言而各路官兵並未追捕一任賊匪盤踞山岔險要餉運文報以及商旅皆有梗阻其帶兵官員惟以兵勇俱係湊集不便以少擊衆藉詞推諉以致有賊處無兵有兵處無賊額勒登保

身為經畧陝甘川楚勦賊之事皆伊統轄著額勒登保將各路防守大員如王文雄柯藩額勒亨額愛星阿劉之仁觀得索費英阿扎勒杭阿長春慶溥等查明現係防守何處如地當要隘不能分身自當仍留防守如並非必不可離之地即將該鎮將等調赴經畧大營派令勦賊如有虛言推卻不聽調度者即令傳旨鎖拏解京正法朕座念軍務宵旰焦切雖夢寐之間無不時縈懷抱即如昨日戌

初遞到台布摺報朕當加披閱直至戌末始畢若軍營帶兵大員皆能體朕之勞心焦思認真籌畫豈有不能將賊匪辦竣之理茲特再行明白申諭經畧額勒登保叅贊那彥威總督長麟巡撫台布等將陝甘勦賊之事通盤籌畫必須如何布置何時始能辦竣為一舉成功之計辦賊無過兵餉二端此時各省所調官兵為數不少若有須添兵力遠省則緩不濟急自不如即在本省多募鄉勇以資協助伊等若以添募鄉勇必須多添餉項亦無可吝惜與其遷延時日而費多不如併力一舉而費省著額勒登保那彥威等接奉此旨自定限期並將每日在何處勦辦何股賊匪及在途日行若干里因何事停住開具節畧隨報具奏○又諭吳熊光奏查明豫省各官扣繳養廉以充軍餉將該省歷任巡撫司道各府州縣分別銀數開單進呈豫省從前被賊處所地方官不能認真防守固屬咎有

應得若因此扣及現任各官養廉安知不以被累藉口暗肆侵貪於地方吏治大有關繫且豫省年來一切防守尚為周密有功無過朕又安忍令現任巡撫兩司措銀充餉乎以防守嚴密有功無過之省分大小官員盡令措銀充餉川陝甘楚之省分大小官員豈盡查抄治罪耶是朕除邪救民之舉反成掎克聚斂之虐政矣現據單內所開銀數共四十五萬三千餘兩軍務度支國家已不惜數千萬帑金又豈藉此區區繳項充餉乎此一事吳熊光竟無庸辦理原摺單俱著發還不必存留將此諭令知之○以都察院左副都御史賡音布為盛京禮部侍郎○撥部庫銀五十萬兩解往陝西以備軍需○緩徵甘肅被賊滋擾之清水平涼華亭靜寧鹽茶固原隆德洮安定會寧淳崇信靈臺鎮原太十五廳州縣並莊浪縣丞所屬本年額賦○是月閩浙總督王德等奏辦理閩省積虧情形得旨

實力整飭吏治民生自安倉庫原為衛民斷不可損下益上大虧元氣君與民原同一體身心相應少有損缺朕刻不能安知此義方可謂國之大臣致君澤民曷可偏廢勉之思之○廣西巡撫謝啟昆奏彌補虧空之法稱各省倉庫大局約有三變始則大吏之貪黷者利州縣之餽賂債事者資州縣之攤賠州縣匿其私橐而以公帑應之一經離任則虧缺纍纍大吏既餌其資助不得不抑勒後任

接收此虧空之緣起也繼則大吏之庸闇者任其欺朦姑息者又恐興大獄甚至以敢接虧空者為能員以稟揭虧空者為多事以致州縣視若已資取攜如寄並有藉口虧空過多挾制上司升遷美缺此虧空之濫觴也近年諸大吏共相濯磨各州縣亦爭先彌補但原虧之員大半死亡遣戍現任者歷年賠補未免囊橐空虛且彌補之法寬則人心生玩而胥吏因緣為奸急則衆志驚惶而百姓先

受其累此立法之難也況各省多寡不同難易迥別一法立即一弊生惟在因地制宜請勅下各督撫先查明實虧數目及原虧職名除本員現在者照例辦理外其損虧無著之項詳記檔案使猾吏無可影射多分年限使後任量力補苴不必輟轉誅求亦不必程功旦夕督撫革陋規以清其源倡節儉以絕其流講求愛民之術以培元氣獎擢清廉之員以勵官常似此日計不足歲計有餘不數年

閒休養生息不獨倉庫完善而吏治民生亦蒸蒸日上矣得旨所論甚是三年有成亦不為緩總之倉庫原不應有虧必須實貯然虧損之由非一朝一夕則補助之道豈可驟施况應酬交接之人存亡離散無可著追忍令現任之人傾家蕩產乎况亦必不肯傾家蕩產反借此以剝削小民肥家入己此事朕見得清知得透然則任其虧缺耶自應熟籌善法彌補全在上司培養元氣躬行節儉以不

收之陋規耗羨之盈餘緩緩歸款上行下效
未有不能完之理卿其善為料理持論

實錄卷六十二

三

大清仁宗受天興運敷化綏猷崇文經武考恭
勤儉端敏英哲睿皇帝實錄卷之六十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十三

纂修傳記云經建諸起居注太子傳次殿大學士文淵閣閣書傳家數年上諭書件甚多書三閣下諸翰林院書所屬之稿
每必檢書當四題會該編修纂修太子太保文淵閣大學士李燾明諭事指三題一載均大經建諸起居注太子之稿四卷文淵閣
提報則事指較數年上諭事件甚多編修一家之戶謂之有翰林院書院學士教習在官編書內件所大者雖黃集漢洲湖杭書院傳
管明戶部三庫家數此有為國等處轉經處尚書諸房尚書房各書院內件書序房均加二題通書加三題通書加三題也錄云之
纂修傳記云太子太保傳記有書主序行文表殿纂修傳記國子監書院加二題通書加三題也錄云之纂修傳記云
纂修傳記云太子太保傳記有書主序行文表殿纂修傳記國子監書院加二題通書加三題也錄云之纂修傳記云

郭行與杜氏在屋談笑。形迹固屬可疑。但此等鄉村小戶。男女聚談。亦所時有。且郭信郭行兄弟二人。同時在彼談笑。並無行姦實跡。樊克敬素知郭行等在門口睡卧。於毆詈伊妻勸散後。候至三更。持刀將郭信等殺斃。安知非有別項情節。今既經該撫訊明。據供定案。亦不必以此揣度情形。復行深究。且此等人犯。雖經定擬絞候。將來辦理秋審時。亦係列入緩決。即情實亦不予勾。若竟將該犯未

減。則與姦所目睹行姦非登時殺死者。無所區別。樊克敬著仍照原擬辦理。其並非姦所獲姦登時追捕殺死姦夫之案。亦仍照定例辦理。毋庸議改。○乙酉。諭內閣。上年魁倫在京時。屢次在朕前懇求前往四川勦賊。並言伊前任四川營官。熟悉地方情形。於辦理囑匪時。晝夜乘馬搜捕。不予以暇。匪奔逃疲困。用能剋期竣事。彼時朕已覺其言大而夸。因川省帶兵大員。辦賊遲緩。用額勒登保為

經畧。令魁倫暫署總督。原不任以勦賊之事。魁倫自到川後。於辦理團聚堡寨事務。尚為妥協。嗣因大股賊匪竄往甘省。經畧額勒登保帶兵赴甘。遂將川省勦賊事宜。交與魁倫接辦。魁倫若自揣不能勝任。或留額勒登保在彼。或奏明另派他人接手。乃竟欣然樂從。直任不辭。而接辦以後。復藉等候調兵。料理軍裝為詞。在達州逗遛八日。致賊匪得以搶渡嘉陵江。肆行焚掠。魁倫於賊匪渡江後。始

帶兵前往。仍未親身督戰。僅令阿哈保朱射斗。分兵追趕。後無接應。以致朱射斗被賊抄截。力戰陣亡。魁倫因此更形怵怯。不復帶兵勦賊。專在潼河一帶。督率防守。當賊匪搶渡嘉陵江時。勢頗鴟張。若逞其奔突。竟可直犯成都。幸而賊匪專以擄掠為事。在西充地方。因徐添德生日演劇酣飲。無暇往撲。魁倫營盤。而魁倫因賊匪休息之暇。得以分布兵勇。防守潼河。又幸朕早降諭旨。令德楞泰帶兵

由陝赴川協勦。德楞泰星夜帶兵。從廣元昭化直赴川西。連次克捷。將首逆陳得俸。冉添元。李斌等。先後殲擒。因念魁倫不能防守嘉陵江之罪雖重。而防守潼河尚能嚴密。俾德楞泰得以緊追賊匪。痛加殲戮。魁倫亦尚有微勞。是以加恩。不即斥革。降為三品頂帶。仍留總督本任。其疏於防江之罪。即以此示懲。不更交部嚴議。並節次降旨。以防守潼河係魁倫生死關鍵。不可再有疏忽。諄諄飭諭。至再至三。乃昨據魁倫奏。賊匪在太和鎮上游之王家嘴地方。搶渡潼河。朕因此刻深焦。廬幸德楞泰帶兵踵至。無分晝夜。盡力追擊。擒殄首逆要犯。及大小頭目。共殲賊匪一千三百名。生擒匪犯一千三百餘名。并救出被圍四寨難民萬數千人。川西竄匪。指日即可肅清。而魁倫前此既縱賊渡過嘉陵江。今又縱賊竄渡潼河。不特川西繁庶之區。遭賊蹂躪。而荼毒生靈。又不知凡幾。若不將魁倫治

罪。則貽誤封疆者。何以示儆。魁倫前已有旨革職。拏問。其四川總督。已令勒保暫行署理。魁倫即著交勒保審明。按律定擬具奏。在成都監禁候旨。至魁倫之子三等侍衛完顏扎拉芬。昨已退出乾清門。今魁倫既獲重罪。且完顏扎拉芬人亦平常。不勝侍衛之任。著革職閒住。伊家原有之輕車都尉世職。著該旗於年終照例辦理。至阿迪斯係大學士公阿桂之子。上年經朕加恩補授成都將軍。自應倍加感奮。力圖報効。伊素有足疾。如果自揣不能稱職。即當面奏更換。乃彼時並無一言懇辭。到川以後。額勒登保等祇令其駐劄大寧防堵。自係知其帶兵勦賊。不能得力。從此阿迪斯在大寧株守。迄今半載有餘。並未移動。前此川北賊匪。搶渡嘉陵江。擾及川西完善地方。阿迪斯係本省將軍。竟視同膜外。既不帶兵速往。又不據實奏聞。經朕節次嚴飭。自知獲罪已重。並接到魁倫令。伊勦辦川北

賊匪知會。心懷恇怯。始行具摺。以冬閒腿疾復發為詞。懇請斥革。以遂其避賊之計。試思阿迪斯若非心存戀棧。何不於上年冬閒即將腿疾奏出。而必遲至今日乎。顯係有意諉卸。喪良昧心。本日復據奏稱。伊駐劄大寧。並無專防賊匪。因患足疾。不能帶兵勦賊。在重慶候旨。更不成話。阿迪斯既玩誤於前。又復捏病避賊。不料阿桂竟有此不肖之子。大傷伊顏面。此而不加嚴辦。則滿洲勲舊後裔。豈不相率效尤。阿迪斯著革職。交與勒保按律嚴審定擬具奏。候朕再降諭旨。其成都將軍員缺。已著德楞泰補授。所有阿迪斯長子三等侍衛兼頭等輕車都尉那彥瞻。次子候補中書那彥柱。三子那彥福。四子六品廕生那彥堪。本應革職發往伊犁。從前阿桂在雲南軍營獲罪。阿迪斯弟兄即曾發遣。伊寧不記憶。但念阿桂屢著功勲。久任綸扉。恪勤供職。不忍將伊孫多人均令遣戍。且那彥成

現在軍營出力。今那彥瞻等即係那彥成嫡堂兄弟。因此格外加恩。免其發遣。俱著革職。在家閒住。其阿迪斯承襲公爵。及那彥瞻所襲輕車都尉世職。俱係阿桂所得。並著該旗於年終照例辦理。將此通諭知之。○諭軍機大臣等。現在防堵賊匪。必須鄉勇之力。但聞各省招募鄉勇。多係隨時招集。賊至則聚而防守。賊去則散歸本業。且技藝生疏。毫無紀律。徒有虛名。而不得實用。自不如團練鄉勇。常給口糧。隨同官兵。分布要隘。較為得力。然團而不練。亦仍不過虛名充數。朕聞河南鄉勇。每人日給錢文。勤加操練。至今團而不散。於防堵最為得力。長麟台布。現亦籌辦團勇。將此諭令知之。○德楞泰奏報勦擒潼河竄渡賊首雷世旺等。得旨嘉獎。晉封子爵。實授成都將軍。出力員弁。下部優敘。○

上以常雩祀

天於

園丘自是日始齋戒三日○丙戌增喜峯口羅文峪駐防兵丁米折銀數如密雲等處例從戶部請也○以故奉恩將軍成聰子松桂襲職○旌表守正捐軀湖北應城縣民陳雲漢女陳氏○丁亥

上詣

南郊齋宮齋宿○以鑲黃旗護軍統領積拉堪為前鋒統領降前鋒統領德麟為正藍旗護軍統領調正藍旗護軍統領扎郎阿為鑲黃

旗護軍統領○以陝西陝安道文需為山西按察使○以四川督標中軍副將薛大烈為川北鎮總兵官甘肅莊浪協副將九十為西寧鎮總兵官調四川松潘鎮總兵官李紹祖為廣東高廉鎮總兵官以四川阜和協副將呂朝龍為松潘鎮總兵官○以貽誤軍務革遊擊銜吉蘭泰職○枷號示衆革山西按察使瑞亨職遣戍伊犁○撥廣儲司庫銀十萬兩熱河銀十萬兩廣東銀三十二萬兩分解陝

西湖北以備軍需○戊子常雩祀

天於

園丘

上親詣行禮○諭軍機大臣等現在猓匪既已懾伏不必因擒拏二僧留駐多兵遠涉窮搜書麟於接奉此旨後當察看情形若現有擒獲銅金信息不過數日即至自當俟銅金等到後辨結此案再行回省若一時尚無的信書麟即將此事交付烏大經蘇爾相二人在

彼督緝或將後到之兵練酌留數百名防堵以壯聲勢其先調之兵練等即行撤回辦理猓匪一事朕所以欲即行辨結者初不因現在勦辦教匪無暇及此惟因猓匪係邊外窮夷界連緬甸該國歸誠已久極為恭順現聞皇考升遐之信遣使遠道進香呈進貢物若率領多兵在彼邊界搜拏在逃之僧犯令彼疑懼殊屬無謂將此諭令知之○加賑安徽宿靈璧泗三州縣衛被水災民○己丑諭內閣

朕恭閱

高宗純皇帝實錄內載乾隆三年十月欽奉諭旨

四朝實錄理當畫一今正值重繕

列祖實錄之時應敬將恭加

皇祖尊諡增入

實錄內後世子孫不得援以為例欽此現在補

繕乾清宮陳設

五朝實錄應將上年恭加

皇祖世宗憲皇帝尊諡睿聖二字敬謹增入其餘各處恭貯

五朝實錄不必更動○諭軍機大臣等陝西南

山老林一帶山徑僻雜延袤廣遠與其置之

空閒莫若酌為經理安置難民務令得所將

山內老林量加砍伐其地畝既可撥給流民

自行墾種而所伐材木即可為建蓋營廨民

廬設良吏行保甲以實心經理仿照前明原

傑辦理鄖陽之制其實在幽仄險峻人跡罕

到之處竟當查明封禁如此分別辦理則南

山老林內不致仍為盜藪而失業流民日久

即可作為土著既有恒產必有恒心於招徠

安撫及因地制宜之道兩有裨益著長麟台

布歸入善後事宜內認真妥辦○辛卯諭內

閣向來各省地方建立祠廟載在祀典者俱

當隨時修葺上年恭上

皇考尊諡時頒發恩詔條款內已令各直省地

方官於嶽鎮海瀆廟宇傾頽者奏明修整各

府州縣自當實力奉行況各省俱有存貯閒

款與其為無益之費莫若用以修葺神祠用

昭妥佑如

先農壇

文廟

關帝廟

城隍廟及此外列入祀典各壇廟可以為民

祈福者或有日久傾圮之處即著於閒款內

奏明動用修葺以副朕敬神庇民至意但不

可藉此一任州縣冒銷○又諭傅森晉昌奏審訊恩明家人烏春等及太監馬德慶於盛京地方沿途需索使費分別定擬一摺恩明上年由安徽升任河南藩司朕即聞其於經過地方不能約束家人任聽在外需索嗣將伊調任奉天府尹到京請訓時朕見其精神委頓似有病容又敢在朕前懇求賞戴花翎尤屬糊塗冒昧曾經傳旨嚴飭即恐其難勝府尹之任必不能約束家人旋經密訪果有伊管門家人烏春沿途索取使費及馬姓太監於送伊家眷赴藩時按站需索並與辦差家人爭鬧之事即降旨令傅森等嚴行鞠訊茲已審明屬實且伊係三品京堂越分借用太監尤屬違制若將伊交部議處必議以革職雖係應得之咎但僅止失察究非入己其太監亦係借用非伊常川使令著從寬加恩降為筆帖式即行來京遇有部院筆帖式缺出照例補用至恩明家人烏春膽敢起意勒

索經過沿途州縣銀兩實屬有干法紀今傅森等將該犯擬徒在奉省犯事地方枷號一月示衆所辦尚是惟太監馬德慶因伴送恩明家眷亦在沿途索取銀兩與烏春厥罪維均何以不將伊一同枷號未免輕縱馬德慶亦著在犯事地方枷號一月滿日再發往黑龍江給披甲人為奴○諭軍機大臣等教匪之事起於湖北沿及河南陝甘四川地方彼時各該督撫往往藉軍營出力為詞任意保奏私人得膺升賞並有將幕友親串廁入者與實在出力之人漫無區別從前督撫如宜綿景安秦承恩永保等皆因貽誤軍務分別治罪畢沅汪新均已病故伊二人所保各員如胡齊崙即係奏請賞戴花翎加按察使銜此外濫邀保薦者自不一而足此等冒功之人若不查明甄別不足以昭懲勸著傳諭曾經用兵省分各督撫等查明嘉慶元年以後三年以前各省因軍功保奏人員內如有衆

人共知冒濫確有可據者。即當指名叅奏。其曾經賞給花翎藍翎及加按察使道府同知知縣升銜者。著一併開列名單進呈。並於各員名下。將因何事出力。係何人保奏之處。詳悉注明。候朕按名稽覈。分別辦理。以杜冒濫而慎名器。○以大理寺少卿明志為奉天府府尹。○加賑江蘇蕭陽山二縣被水災民有差。○壬辰

上詣

大高殿行禮

時應宮拈香。○展五城及普濟堂粥賑一月。以未得透雨故也。○癸巳諭內閣。刑部議覆。廣西省桂平縣民韋亞應等謀死幼童凌阿滿。王程養二命。將韋亞應照圖財害命未得財殺人為首者擬斬監候。方亞十。覃亞長。照為從。加功擬絞監候一本。因屬按律辦理。但覈其情節。方亞十瞥見幼童凌阿滿。王程養趕牛七隻。在地放草。欲行搶奪。賣錢。因素與

凌阿滿認識。恐伊回報事主告發。不敢動手。韋亞應上前搶奪牛隻。經凌阿滿等攔阻。韋亞應即起意致死滅口。與方亞十。覃亞長。將凌阿滿按地摑喉。立時斃命。棄屍河內。復因王程養哭喊。方亞十。韋亞應先後用刀砍傷。致王程養越日殞命。韋亞應正欲牽牛。適有黃學超趨視該犯等。隨各逃散。彼時因係牛隻。是以不及牽去。若係銀錢包裹。便於攜取之件。雖經黃學超趨視。該犯等亦必搶去。依

分。不應仍以未經得財科斷。此等人犯定擬監候。將來辦理秋審時。亦必入於情實予勾。且該犯等起意搶牛。輒將十歲以上之幼童先後謀斃二命。情殊殘忍。韋亞應著改為斬立決。方亞十。覃亞長著改為絞立決。以示炯戒。○諭軍機大臣等。由甘省竄至龍安及文縣。另股賊匪。均係那彥成勦敗之賊。若再乘間竄入川西。殊有關繫。勒保此時惟當先辦川西竄匪。俟勦盡後。再往川北會勦。將此傳

諭知之。○以故喀爾喀右翼貝勒車布登納木扎勒子忠濟勒車凌襲爵。○旌表守正捐軀陝西韓城縣民薛虔女薛氏。○甲午。予臺灣換班淹斃兵丁陳德璘等四名賞卹如例。○乙未。

上詣

時應宮拈香。○諭軍機大臣等。此等教匪。俱係內地奸民。非如外域可比。但征討外域。我兵殺伊一人。伊部落即少一人。若賊匪到處

裹脅。原無一定數目。如官兵今日殺賊百人。賊匪逃往他處。明日裹脅百人或千人。俱未可定。而我兵祇有此數。遇有傷亡員弁。即少一人。是賊匪雖日殺而不見少。我兵即日增而不見多。何時始能竣事耶。現在防堵之事。已責成各督撫辦理。額勒登保那彥成。務當通盤籌畫。使賊匪不能出其範圍。庶可以次殄滅。將此諭令知之。○台布奏報攻勦安康洵陽賊匪。得旨嘉獎。陝西按察使溫承惠等

下部議敘。文武員弁升擢有差。○鑄給陝西寧陝鎮總兵官陝安鎮總兵官陝安兵備道印信關防。改五郎撫民通判為寧陝廳撫民同知。並給關防。從巡撫台布請也。○舉行嘉慶四年大計。浙江卓異官十一員。不謹官一員。罷軟官二員。年老官八員。有疾官一員。才力不及官三員。浮躁官二員。分別議敘處分如例。○緩徵甘肅鄰近賊氛之皋蘭金狄道渭源循化河靖遠洮安定會寧鹽茶平涼固原靜寧華亭隆德清水文。湮靈臺崇信。二十一廳州縣并沙泥州判。紅水莊浪。一縣丞所屬新舊額賦。○丙申。諭內閣。刑部覈擬樂平縣民婦吳劉氏等控告已革知縣福慶濫刑斃命一案。此案福慶於劉三等不肯承認行劫。動刑嚴訊。輒用竹片刮兩腮。此種刑法。惟審訊叛逆案內罪應凌遲處死之犯。間一用之。本非正刑。况劉三等甫經到案時。不肯供認。何至輒用非刑拷問。連斃三命。殊屬酷

濫刑部將已革灤平縣知縣福慶比照加等擬以杖流折枷鞭責發落不足示懲福慶著於枷號滿日發往軍臺効力贖罪○諭軍機大臣等官兵在分水嶺地方隨勦隨進額勒登保雖竭力勦辦而賊仍依恃老林任意出沒陝省南山老林最為深阻但亦必有出入路徑堵賊之法不外杜其竄入竄出二端如果能扼住要隘設法堵禦或將道路挖斷或擇要派令團勇嚴防賊匪烏能出入自如總應使賊匪既入不得復出既出不得復入庶可以收搏擊之效乃各路帶兵大員每於賊匪竄至平地則以散漫難辦為言而於深山密箐則又稱險峻逼窄難以施展似此動行窒礙藉口因循又安得有既不散漫復不險窄處所待伊等從容辦賊耶至所稱堵者自堵勦者自勦實為最要如有防範不力者著據實嚴叅治罪照川省疏縱賊匪竄過嘉陵江潼河之例辦理軍令務在嚴明額勒登保

前此辦理一切不無過寬嗣後當以為戒年餘以來節次具奏所殺賊數早當殘感而各股竄匪仍任往來奔突朕細思其故總緣賊匪長技在於到處裹脅擇其精壯者迫之隨行所掠騾馬亦係民人自行餵飼休息膝壯者官兵則往來追勦人疲馬乏勞逸相殊賊匪隨處可以掠食不必攜帶口糧一遇敗逃鋌而走險當此炎熱之時即赤身露體皆可乘間竄逸其奔走自為輕捷而官兵則執持軍械攜帶火藥等物已屬累重且軍行餉隨必須糧運接濟方可充腹閒遇軍糧到遲即須停待以之躡蹤追擊自常處於不及之勢似此彼逸我勞反客為主處處總落賊後馬能得力勦賊之法全在聲勢聯絡豫為布置使賊無從奔逸然後合力攻勦始能迅速集事若惟事東馳西逐跟蹤追擊則官兵甫向前追及而賊又已遠去豈能一鼓成擒此時總當謀定而戰轉不妨詳慎再四即停待數

日。布置周妥。再行決戰。似稍遲緩。而辦此一股。即將此一。股。勦淨。機宜轉為捷速。總須處處圖占先著。不落賊人之後。則可豫操勝勢。將此諭令知之。○以京師雨澤愆期。命設壇祈禱。刑部清理庶獄。○丁酉。諭內閣。近來各省陳奏事件。凡本章摺奏內。恭載乾隆年間。皇考諭旨。與嘉慶年間所降諭旨。一律擡寫。殊非敬謹之道。所有各省呈進本章。經內閣票擬。其擡寫不合之處。俱簽出請旨飭行。而各處遞到奏摺。擡寫每有參差。未經通飭。嗣後在京各衙門。及各直省文武大員。遇有陳奏事件。恭載乾隆年間。皇考諭旨。首行俱用三擡。嘉慶年間朕節次所降諭旨。首行俱用雙擡。均當一體凜遵。不得仍前疏忽。將此通諭知之。○以太常寺卿萬寧為通政使司通政使。○挑濬直隸牯牛河。黃家河北村引河。及新安。安。雄。任。邱。霸。高。陽。正定。新樂等。八州縣河道。並修築隄。從總

督胡李堂請也

實錄卷六十五

五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十三

[illegible]

嘉慶五年庚申四月戊戌。

大高殿行禮。

時應宮拈香○諭內閣前據管理右翼幼官學大臣德明等奏稱正黃旗滿洲世襲恩騎尉常安不諳清語騎射平常屢加教訓毫無長進請旨斥革一摺朕念常安究係世職是以降旨令派出閱看軍政兵丁之王大臣試驗如可將就仍留其官今據王大臣等覆奏傳到常安問以清語不能答對步箭三枝俱

學習清語騎射俟三年後所學如有成效著秀林等據實奏聞再行施恩若學至三年技藝仍屬平常則是終為不肖亦著秀林等據實奏聞治罪以示儆戒除將所襲恩騎尉著該旗於年終另行揀選承襲外並將此旨傳諭八旗滿洲臣僕務期互相勉勵不可廢弛滿洲本業○追封榮郡王綿億生母索綽絡氏為榮純親王側福晉○予追贈三品卿銜編修謝墉祭如例○己亥

孝端文皇后忌辰遣官祭

昭陵○諭內閣向來

常雩以後未得雨澤應遣官於

天神

地祇

太歲三壇祈禱若七日不雨則虔禱

社稷壇亦仍遣官行禮昨因本年入春以來雨

澤較少立夏後仍未得甘霖寸衷愧悚晝夜

靡寧已諭禮部設壇祈禱派睿親王淳穎等

齋戒虔誠致祭而時雨尚稽現當麥苗長發

之際望澤甚殷朕心倍深焦廩嘉慶二年初

次設壇祈雨

皇考曾命朕親詣

天神壇致祭現在

三壇祈禱已過應於七日後祈禱

社稷壇朕當恭詣行禮以期感召

天和速敷霽澤嗣後初次

三壇祈雨仍奏請遣官至恭祭

社稷壇該部即奏請親詣行禮照大祀例齋戒

三日著為令○諭軍機大臣等長麟所奏防

堵事宜祇係陝甘交界處所而於陝省可通

四川湖北河南等處未經一律籌及甘省地

瘠民貧原非賊所覬覦四川河南湖北地方

係賊匪四年以來往來熟徑若陝省官兵分

投勦捕賊匪必思分股竄往是陝境與川楚

豫毗連較甘省隘口更為緊要長麟務當派

令文武各員分投防禦以專責成伊現帶兵

一千七百餘名不必專駐鳳縣竟當帶兵於

陝西各處邊界巡防妥為布置至所奏經過

各州縣留存傷病兵丁俱撤回原營一節所

辦甚是此項傷病兵丁既不能使之打仗殺

賊又難以分派巡防留於軍營無益長麟分

別遣回其空出餉銀即可添補新兵自為得

力將此諭令知之○庚子諭內閣教匪滋事

起於湖北彼時係永保總統此一路軍務督

兵勦辦當賊匪在鍾祥屯聚之時明亮駐劄

鍾祥之正南東南西南三路防堵止有兵三千餘名。而永保帶兵九千餘名。在鍾祥北面防堵。詎知賊匪不由明亮兵少處竄逸。轉向永保北面兵多處奔逃。可見彼時明亮一路防堵尚嚴。而永保一路擁有多兵。不能攔截。仍任賊匪向北奔竄。焚掠潯河鎮。繞至黃龍塢。偷渡滾河。雖即攔回。然從此賊勢鴟張。至二年竄入豫境。疏縱於前之罪。永保難免。其時景安係河南巡撫。帶領兵勇甚多。若能在

豫省各要隘督率防禦。則賊匪前有攔截。亦不至肆行衝突。乃豫省惟慶成、王文雄、張文奇曾與賊接仗。亦未能將賊截回。而景安則一味畏蕙懦怯。僅在南陽無賊地方駐守。該處居民裹攜糧食。迎犒官兵。景安拒而不納。因此大失人心。甚至該省文員將糧餉軍火豫備齊全。聽候景安調遣。而景安不發一兵。武員伏地跪求打仗。景安亦安坐不顧。通省文武員弁。俱各心懷不平。是以有叅將廣福

向其譏誚爭執。轉被景安叅以咆哮治罪。民間遂稱景安為迎送伯。無不人人痛恨。而賊匪轉利其在彼。得以肆行奔竄。賊至之處。豫省並無官兵阻攔。遂由羅山南召等處竄至盧氏。從武關闖入陝境。而秦承恩又失於防堵。任賊竄往興安。越過漢江。擾及川境。適川匪王三槐、徐添德等亦從此勾結蔓延。迄今四載有餘。未能戡事。勞師糜餉。荼毒生靈。實景安首先縱賊所致。前經降旨將景安拏交

刑部治罪。茲景安業經解到。先令軍機大臣會同刑部審訊。景安亦自知罪狀昭著。無可置辯。其所供從前湖北教匪接連北竄時。同王文雄帶兵迎勦一節。彼時景安並未能趕上賊匪。及賊已入陝。王文雄帶兵追勦。而盧氏境內尚有餘匪屯聚。景安何不前往會同慶成等勦辦。乃轉向內鄉躲避。迨賊匪全出豫境二十日後。方到盧氏。總在賊後逗遛。從未與賊接仗一次。其恒怯避賊。實百喙難辭。

至所供辦理浙川教匪係據完顏岱面稟該處有教匪潛匿委員查辦屬實伊親自帶兵前往查拏辦理一節浙川教匪本係伏而未動自應密加防備約束斷無任意妄拏激之生變之理現今賊隊中裹脅之人方節次降旨令各軍營設法招撫豈有將祇係習教未經滋事者概行殺戮乎況此案人犯已經完顏岱審明辦理完結景安始行到彼輒敢張大其事誣稱帶兵斃賊一千餘名生擒首逆

飾辭入奏致濫膺伯爵崇封其欺罔冒功之罪景安亦已自認不諱以上種種款蹟若不公同鞠訊明正其罪何以為封疆大臣貽誤國事者戒景安著交大學士九卿會同嚴審定擬具奏至永保前在鍾祥擁兵九千餘名不為不多又專司一面防堵當賊匪向北奔竄時何以不能攔截致令偷渡滾河各情節節並著監提永保嚴訊再賊匪向豫奔竄時永保曾否飛咨景安囑令上緊截堵之處並著

將永保景安二人一同當面質訊毋任諉卸○又諭勦辦教匪已閱四年有餘總因帶兵大員不將賊匪在本處勦盡縱令他竄而在邊界防堵者又不將賊匪堵截以致輾轉奔逃蔓延數省前因景安在豫省首先縱賊將伊革職拏問景安解到已將伊種種畏蕙玩誤情節逐一指出交大學士九卿會同刑部嚴審並令軍機大臣將從前景安節次奏到辦理軍務原摺及永保前次獲罪原案一併

查出朕詳加披覽教匪滋事起於湖北其時畢沅在當陽勦辦賊匪楊起瑞等惠齡在灌灣腦勦辦張正謨聶傑人等其襄陽南北兩面則交永保明亮分投帶兵堵勦彼時明亮在鍾祥之正南東南西南三路所帶官兵祇三千餘名永保在鍾祥北面所帶官兵共有九千餘名乃不能實力攔截致任賊匪向北奔竄彼時賊勢未張而官兵全係精銳又係平地易於勦滅非如此時南山老林可以藏

匿。若永保在鍾祥時。果能於北面竭力堵截。乘勢剿殺。則賊匪早可辦竣。何至蔓延至今。是永保疏玩之罪。百喙難辭。是以

皇考訓政時。即將永保革職。拏問。解京。取供。監禁。仰窺

皇考聖意。自以教匪滋事。祇係內地亂民。若將統兵大員。遽寘重典。恐長奸徒桀驁之風。是以未即嚴行懲辦。而大功一經告竣。通覈功罪。亦必將永保發遣新疆。決無寬貸。後因勒

保擒獲首逆王三槐。著有功績。格外推恩。將永保釋放。然亦祇係令其在家閉戶思愆。未經賞給差使。迨朕上年親政後。特將勒保授為經畧。專委以勦賊之任。因念永保雖屬無能。而伊曾經在楚勦辦。其罪僅在失防。滾河一節。復加恩賞給藍翎侍衛。齎送經畧印信。前往軍營。在領隊侍衛上行走。並因勒保已授經畧。特將

皇考大漸時

遺訓。詳悉傳諭永保。令其轉向伊兄勒保告知。旋又授永保為頭等侍衛。署理陝西巡撫。方以永保身獲重咎。經朕逾格施恩。自必激發

天良。力圖報効。乃永保到軍營後。全不自知感奮。且在陝勦辦賊匪。竟於大山岔帶兵閒住。並不接應明亮。又查出永保從前曾收受卑沅饋送銀二千兩。胡齊嵩饋送銀六千兩。種種昧良喪心。是以降旨復將永保革職。拏問。解京。經刑部定擬斬候。永保既辜負

皇考深恩。又負朕宥罪錄用之恩。但覈其罪狀。其在大山岔株守。及得受饋送二款。猶其罪之小者。伊之罪案。實以鍾祥疏縱賊匪為最重。自賊匪在鍾祥奔竄以後。逆氛肆擾。累經年載。尚在稽誅。帑項多有虛糜。固不足道。民人屢被蹂躪。其誰之愆。雖節次所發餉銀不下千萬。然此項軍餉。不過散在民間。猶無足深惜。至各省地方橫遭焚掠。荼毒無數。生靈朕每念及此。輒為焦思不釋。若不將首先貽

誤大員嚴行究辦何以整飭軍紀為數省無辜赤子一申冤忿乎著將查出永保供詞原案及以上指出罪款交大學士九卿再向永保詰訊同景安一併嚴審定擬具奏○又諭琳寧在盛京將軍任內多年辦事尚好今因年老稽察不能周到以致革退番役滋事且係該協領等朦混所致尚非重罪琳寧著加恩在散秩大臣上行走○成都將軍德楞泰奏報勦殲川西竄匪於盤龍驛等處得旨嘉獎擢德楞泰子三等侍衛蘇冲阿為二等待衛總兵官施縉等下部議敘賞兵丁一月錢糧○書麟奏報探黑投順夷境廓清得旨嘉獎晉書麟太子太保餘下部議敘○命雲南總兵官書麟更名書成以與總督書麟音義相同故也○予湖北勦賊被執不屈之外委張有道祭葬世職如把總例○免雲南經過兵差之威遠景東二廳額徵民屯條編公耗銀思茅廳寧洱縣順寧府順寧縣雲州五屬

額徵條編地畝差發公耗銀十分之五官莊學租十分之三緩徵景東廳順寧府順寧縣雲州四屬帶徵三年公耗銀○辛丑諭內閣大學士九卿等會審景安永保將景安問擬斬立決永保仍擬以斬監候一摺係屬按律定擬並非周內亦非寬縱但立決之案係決不待時用之軍前惟當於失機之際立時辦理以儆戎行景安永保二人一則恒怯避賊一則縱賊奔竄若律以軍法自當立正典刑今事閱二年覈其罪狀與當時貽誤即行治罪者稍有不同景安著改為應斬監候秋後處決永保仍照原擬牢固監候○又諭本日軍機大臣會同理藩院議覆台費蔭條奏西寧貴循所屬地方應行事宜分別准駁一摺已依議行矣台費蔭請修青海龍神碑亭禁止私售器械蒙古番民定期易換口糧河南河北蒙古各旗內暫減兵數酌易會哨四款所見尚是至野番族戶紛繁若徧厯清查胥

役人等必至藉端勒索轉滋騷擾又野番不諳耕種儻必教以樹藝誠恐徒費牛具籽種亦仍於事無益至蒙古游牧向依水草不拘里數原所以因地制宜若必令在十里內外逐段居住其水草全無之處又將何以游牧以上三款台費蔭未能熟為籌酌率行奏請殊屬不曉事體著傳旨申飭○諭軍機大臣等本日額勒登保那彥成聯銜奏報之摺朕以為必係在陝西興安一帶打仗殺賊及加

披閱祇係在洋縣會商分勦覆奏通盤籌畫情形朕二十餘晝夜所盼望者又成虛矣況陝省賊匪惟恐闖入豫境額勒登保那彥成當以截住東面為目前第一要務乃經畧叅贊均由西面進勦轉驅賊匪向東奔竄而東面僅有恒瑞國霖二人在彼豈能遏賊全力衝突勢必闖入豫境無論賊匪由豫省北趨密邇直隸即以賊擾之處而論豫省兩年以來賊蹤不至如逼今北趨使豫省復遭蹂躪

該處係平原繁富之區賊匪得以肆行搶掠裹脅自必日多辦理豈不更為棘手陝西賊匪伊等原應在陝境剿竣即或豫籌賊匪去路必不得已亦當逼往川北及甘境地方那彥成惟當速與額勒登保熟商分一人速赴東南與恒瑞國霖等扼住賊匪竄豫之路至所請廣東陸路兵丁較多懇於原調五千名外再調兵八千名速令一併來陝一節前經降旨額勒登保添調黔兵三千名旋據覆奏

以陝省賊股無多若那彥成帶兵回陝即足數用毋庸添調黔兵今那彥成已與額勒登保會合何以輒欲於廣東廣西備調兵五千名外又添廣東兵至八千名之多豈不與前奏大相矛盾粵東相距遙遠添調多兵須三兩月方能到陝因思山西大同之兵頗為趨健又甘涼一帶兵力素為強勁著額勒登保那彥成飛咨長麟伯麟速調甘涼兵二千名大同兵二千名並知照叅贊德楞泰酌分一

路官兵繞至東面將賊匪向西逼勦勿令竄入豫境吳熊光接到額勒登保等知會務須督飭鎮將田永桐常林等認真堵禦並確探湖北均州鄖縣各處賊匪是否距豫已遠仍當轉飭臬司完顏岱等於沿江一帶嚴密巡防將此各傳諭知之○壬寅命江南提督定佳馳赴河南協同堵禦○調直隸山東兵各一千名赴河南勦賊○予四川陣亡署知州王垂重吏目何擴茂典史章潮祭葬世職如例湖北遇賊被戕教諭黃義峯訓導吳珍祭葬世職如傷亡例陝西陣亡主簿項朝槐祭葬世職如千總例當陽縣殉難典史馬棟訓導蕭文燦減等卹廕如例○旌表守正捐軀直隸藁城縣民張大經妻王氏○癸卯諭內閣理藩院會同刑部等衙門將皇考大故百日内違例薙髮之蒙古德沁擬以即行斬決沙拉布杖一百流三千里等語固屬按律定擬第念從前

皇祖妣大故時有山東民人石安違例薙髮由刑部將石安照例擬以斬決具奏蒙

皇考仰體

皇祖妣慈愛之心未曾究辦今遇

皇考大故已逾一週且德沁等究係糊塗蒙古不曉律例德沁著改為應斬監候秋後處決沙拉布亦著減一等杖一百徒三年照例完結至原告特古斯既已告實又復自戕斃命情節實屬含糊案關人命著交該盟長扎薩

克等將有無別項情弊嚴行審明報部照例辦理○以時雨尚稽再命刑部查辦永遠監禁枷號各案尋奏上釋永遠監禁六犯永遠枷號二十八犯○旌表守正被戕山西太平縣民張圪塔妻李氏○

上以祈雨

社稷壇自是日始齋戒三日○甲辰浙江處州鎮總兵官韓正國以老病留京以候補總兵官黃嘉謨為處州鎮總兵官○乙巳添調直

隸兵一千名暨山西大同兵二千名赴河南
盧氏縣堵禦○丙午

上自午門內步詣

社稷壇祈雨○詣

大高殿行禮

時應宮拈香○諭內閣前派侍郎明安往泰
山進香本日明安回京奏稱該侍郎於山東
起程時東省地方官公備土物並贐銀八百
兩致送明安僅收土物其銀兩不肯收受該

地方官再四懇收明安仍行固却並告以如
必令伊收受銀兩回京後亦不敢不據實奏
聞該地方官又復諄懇並稱奏聞亦屬不礙
此項銀兩現在帶京等語殊堪詫異朕上年
親政以來嚴絕貢獻復節經頒發諭旨禁止
賂遺所以澄治源而肅官紀者至為明切內
外大小臣工久宜凜遵何得復有餽送之事
此等往來交際本屬私情即間有之亦當慮
朕察出何竟敢云奏聞亦屬不礙是誠何語

蔣兆奎全保俱著傳旨申飭至此項銀兩既

據明安以實奏聞即著賞給明安來歲明安
再赴山東進香時不得再行餽送向來地方
官於出差人員內遇有家道清苦或係自備
資斧因而量為飲助以盡地主之誼原所時
有但如明安以侍郎大員馳驛前往本有廩
給口糧而來去又祇旬餘復何藉該地方官
懇懇贈遺為耶嗣後各該督撫及司道等官
務當凜遵節次諭旨肅除陋習毋得任意應

酬不知節省繁費致漸蹈苞苴惡習如有仍
前餽遺銀兩者經朕訪查得實或經出差之
員自行奏明必將該地方官照例治罪將此
通諭知之○革額勒登保那彥成長麟台布
花翎以陝西賊逼近豫省故也○貸陝西被
賊滋擾之藍屋孝義五郎山陽鎮安安康洵
陽石泉平利紫陽漢陰寧羌沔西鄉洋留壩
鳳寶雞岐山郿隴二十一廳州縣籽種○丁
未諭軍機大臣等自勦辦教匪以來調兵省

分節經降旨令該督撫召募足額然百姓往往樂當鄉勇而不願充伍食糧蓋一經入伍即須遵奉營規約束不若充當鄉勇可以來去自如而所得鹽菜口糧又較兵丁分例為多是以招集鄉勇較易而召募兵丁轉難前因陝境賊匪向東奔竄豫省已添調直隸山東山西兵速赴盧氏但該三省地方密邇京畿營伍皆當充實亦不宜久戍河南莫若使百姓等各顧身家自行捍衛况賊匪分股逃竄裹脅多人其數總不及良民百分之一是以兵禦賊其力尚分而以民禦賊其勢易集即如川省賊匪竄越潼河時蘭州知州毛大瀛射洪縣知縣張位中著南部縣知縣王贊武皆因竭力堵賊陣亡深堪嘉許在守土之臣効命捐軀原屬義所當然惟是賊蹤未至之時漫無守禦及賊氛已逼徒以一死塞責其情固覺可憫而於事究屬無益不若早為區畫俾人自為守以收衆志成城之效特愚

民無知每於賊匪未至之先一有傳聞其少壯者即紛紛遠避而所留者祇係老弱婦女以致賊匪到時毫無守禦任其肆行荼毒焚燬室廬即使賊退後陸續歸里而邨莊廬舍蕩然無存仍屬流離失所此固緣象平日久百姓等目不覩兵革之事偶因風鶴訛傳即至倉皇失措亦由地方官平日不能豫為勸諭以致民志不堅難靜易動也現在陝西賊匪漸次東趨豫省如陝州盧氏浙川閿鄉靈寶各處緊接陝省著吳熊光轉飭地方官出示曉諭剴切開導總當聚集壯健結隊保守賊至則合力迎禦賊去則仍安生業既可捍衛鄉邑亦足保護室家如百姓中有首先集勇禦賊立功者先行賞給頂帶俟軍務告竣後送部引見其辦理妥協之地方官亦據實奏明候朕量加獎擢儻不能實力督辦毫無守禦將該地方官以軍法從事至各邨莊集勇之費如係官為辦理事定後准其據實開

銷。若係百姓自行出資捐辦。即將各該處應徵錢糧。奏請加恩蠲免。以示體恤。○戊申。諭內閣。八旗兵丁學習騎射。當差操演。專藉錢糧養贍。我朝定鼎以來。於養兵之費。籌畫備至。凡所以體恤八旗代謀生計者。極為周渥。惟是部貯帑項。較之國初。不能有所增益。而旗人生齒日繁。雖節經格外加賞。仍不能共臻饒裕。乃朕所深知。特因經費有常。勢難更增額缺。未嘗不引以為歎。若八旗兵丁。就其

應得分例。各知力敦儉樸。原可人人自給。在旗人等。素習勤苦。於宿娼賭博等事。自所不為。即穿著衣服。朕在藩邸時。每見伊等。亦係布素居多。並不涉於華靡。惟於口腹一事。往往恣意肥甘。不思節省。並聞有饕餮之徒。於闕領錢糧後。稍有數餘。惟圖目前一飽。不復顧及身家。為經旬匝月之計。雖未必盡人皆然。而此等習氣。實所不免。亦即旗人不善生理之一端。近日臣工條奏。請將兵丁支借庫

銀。統俟九月中旬。支領資贍。冬季。又正月錢糧。酌留三成。於正月節後。以錢文搭放。部旗冊檔。徒致紛更。究於兵丁毫無裨益。曷若以儉約為先。奢靡為戒。勉圖經久之計乎。特此剴切通諭。凡我八旗兵丁。務須各知搏節。損有餘以補不足。並勤練弓馬。諳習清語。無失向來淳樸之風。俾生計漸臻寬裕。以副朕諄諄訓戒至意。○己酉。諭內閣。朕在藩邸。不識魁倫。授璽以來。伊亦未曾入覲。去年魁倫至

京。時常召見。始識其人。覺伊言論通暢。心直口快。似無欺隱。是以命伊暫署吏部尚書事務。頗能整飭部務。伊前在閩海關。應賠短少盈餘銀十八萬六千餘兩。竟至無可措繳。請將住屋入官。餘在養廉內分半坐扣。朕憐伊外任多年。毫無積蓄。清介可嘉。特旨免交九萬六千餘兩。又將所呈住屋賞還。嗣因勒保安生軍營。辦理遲誤。降旨拏問。另授額勒登保為經畧。統兵勦賊。其總督事務。命魁倫於

七月間馳驛赴川署理兼辦達州軍需原未令伊勦賊。陛辭時諄諄面諭數千百言。用其爽直。戒其鹵莽。親解荷包手賜以寵。其行伊起程後。在途間用六百里加緊之摺。妄報徐添德等窮蹙之信。彼時即不滿意。降旨不令伊常用加緊之摺。至達州後。辦理糧餉。又與廣興意見不合。屢次密奏。俱無實據。然廣興之少年任性。朕所素知。屢於伊奏摺中嚴加申飭。而廣興辦理糧餉。實無貽誤。况節次運

川之餉。被松筠截留至九十餘萬之多。廣興能撙節妥辦。不形匱乏。實難加之以罪。魁倫祇知欲去廣興。於地方防堵要務。毫不介意。至十二月間。額勒登保因竄陝之賊較多。川北之賊無幾。以勒保為鑒。不敢逗遛。親至達州與魁倫面商。留阿哈保百祥朱射斗併官兵四千餘名。令魁倫督率進勦鄰水大竹一帶賊匪。彼時伊若自揣才力不及。實不能任此重大之事。額勒登保亦必另委別員督率。

仍令伊駐達州專辦軍需。伊竟不度德量力。直認不辭。額勒登保於元旦帶兵由達州起程赴陝。若魁倫亦於元旦帶兵追賊。雖不能必掃穴擒渠。而不予以暇。斷無意外之變矣。乃魁倫以置辦兵丁鞋襪為名。在達州安坐八日。又不差人偵探沿途又緩程前進。僅奏報聞有殘敗摸樁賊匪冉添元等在悅來場搶渡。經官兵擊退等事。朕即覺其不妥。降旨申飭。催令速進。旋即奏報。賊匪於十五日在

定遠縣石板沱地方踴淺過江。擾及從未被賊之地。完善膏肓各州縣。焚掠殺戮之慘。實不忍言喻矣。而魁倫渡江追賊。仍不上緊。僅令朱射斗領兵前進。伊仍駐蓬溪附近地方。仍將寄廣興書信數件陳奏。必欲去之。其不知緩急。倚事喪心。一至於此。朱射斗旋即陣亡。賊勢益熾。彼時原欲將伊革職。等問。奈無人接署。是以令伊嚴守潼河。俟德楞泰統兵進勦。為一鼓殲擒之計。伊亦繪圖進呈。星羅

基布分派兵勇日夜嚴防朕屢降諭旨以潼河為伊生死關頭一誤豈容再誤舌敝唇焦諄諄訓勉及德楞泰統兵進剿轉戰直前擒獲首逆十餘名殲戮及投首解散者幾及萬餘朕即降伊為三品頂帶以完嘉陵江之案少示薄懲實為輕縱孰意魁倫薄福小不能受恩復於三月十八日賊匪由太和鎮王家嘴搶渡潼河使河以南居民又遭殺戮使德楞泰三戰之功皆為虛舉若再不將魁倫

按律治罪則是朕迴護自己用人錯誤之咎廢我大清國之法朕非庸碌無能之主也將伊革職等問令欽差侍郎周興岱同署總督勒保嚴審魁倫定擬具奏茲據審明情節又究出魁倫妄報解火藥營官陣亡一事伊供辭尚多矯飾未經定罪現今勒保將魁倫送至成都監禁拜摺後即統兵赴龍安勦賊此事著在京之儀親王成親王大學士軍機大臣刑部六部滿漢尚書會擬罪名具奏○

又諭王大臣等會議魁倫罪名請將魁倫照例擬斬立決即於川省正法所擬甚為允當魁倫係朕特命署理四川總督承辦軍務種種債事較之景安永保貽誤於前者其罪更重難以寬貸即如和坤為

皇考任用之人朕因其擅權翫法即於親政數日內將伊拏問治罪賜令自盡况魁倫係朕特用之人豈肯稍存迴護伊又並非親近之臣罪狀昭著有何足惜即照王大臣等所議

將魁倫在成都正法實屬罪所應得但思前此拏獲教匪賊首冉添元陳得俸俱在成都凌遲示眾今魁倫曾任本省總督大員若亦在該處辦理不特有闕國體且恐百姓蔑視本省大員易長刁風非於魁倫尚有姑息也魁倫現在成都省城監禁著楊揆先福派文武要員將魁倫解京沿途務當小心管押若稍有疏虞致魁倫畏罪自盡必將該解員從重治罪俟解到時仍交此次派出會議之王

大臣等同赴刑部復加審訊照原擬罪名具奏候朕再降諭旨○諭軍機大臣等顏檢喬人傑奏察看隆平寧晉等處被水情形先挑淤以消積潦一摺隆平寧晉等處因潯沱河與滏河會合漲水淤塞顏檢等察看情形挑挖淤積以消積潦而利商艘所見尚是著傳諭胡季堂轉飭所屬將大營上村一帶運鹽河道及東旺至候高村之新挑河並衡水縣之安濟橋孔即日興工分別挑挖又奏隆平寧晉二縣被水低窪村莊如積水不消請將該處應徵錢糧豁免並聽村民遷居高阜處所一節現在已將新挑河設法疏濬所有未消積水自可漸次宣洩若該二縣被水田地未能及時涸出其應完錢糧實難以徵收而民人又以遷居高阜為便該處淤塞地段即再動款挑挖疏消徒費無益自不如讓地與水轉為利便著胡季堂於秋汛後親加履勘將該處情形據實具奏○庚戌

上御乾清門聽政○以詹事府詹事劉鏞之為內閣學士兼禮部侍郎銜大理寺卿繼善為都察院左副都御史鴻臚寺卿阿隆阿為光祿寺卿○辛亥諭軍機大臣等伯麟奏將大同兵調赴河南蒲州沿河一帶不可無兵防守著伯麟仍酌派官兵駐劄蒲州○那彥成奏遊擊王延年奮勇出力賞花翎○予故予告大學士蔡新祭葬謚文恭戶部尚書曹文植祭葬謚文敏左都御史胡高望祭葬謚文恪○壬子諭軍機大臣等吉慶奏洋匪殺賊投首並率夥來投分別獎賞安插各摺覽奏俱悉海洋盜匪因聞內地招安咸思向化吳海進商同夥匪將盜首殺死攜帶器械贓銀等項率眾來投羅成振自覓漁戶引報登岸悔罪自首願為良民此等改邪歸正之人相率內投自應量加獎勵以示招徠但洋匪投首過多終欠妥協且朕聞該督撫等招撫洋匪往往以所帶夥匪及呈繳器械船隻為數

較多者始行賞給頂帶而盜匪等或因人數無幾呈出之件亦屬無多不能仰邀恩賞轉向海洋劫掠商旅船隻以為邀賞之計此等情形實所不免嗣後吉慶於投出盜匪亦當詳加查察再此次投出洋匪內其羅成振一名業經吉慶賞給外委頂帶但盜匪等既經悔罪投誠自當許其自新復為良善然遽行賞給外委把總頂帶或至為數日多與營官不相上下則伊等究係曾經為匪之人於名器不無冒濫吉慶等於獎勵之中仍寓慎重之意方為妥善將此諭令知之○又諭據汪志伊奏順道查明漳泉所屬之龍溪詔安馬巷海澄四廳縣地方經該督撫等遴委才守兼優之同知汪楠等四員力加整頓以來現在民間均不械鬪等語從來察吏為安民之本欲使民風丕變必先求吏治肅清龍溪等廳縣一經良有司認真整飭百姓皆知改除積習是小民不難於化導要在親民之官必

得其人假令督撫大吏等親至其地勸民以善而既去之後地方官仍不免貪縱廢弛安望愚民遷善遠罪而督撫又安能遍歷所屬親身勸諭乎王德汪志伊等總當於平日選擇賢良俾之實心任事為正本清源之道如果州縣官有認真出力著有成效者不妨據實保奏破格升用如或吏治廢弛即屬故舊門生亦當覈實嚴叅以示懲儆庶足以肅官方而安百姓將此傳諭知之○是月江蘇按察使張師誠覆奏督拏徐屬盜匪情形得旨能如此實力嚴查地方必可清理汝與岳起皆係至誠辦公毫無疏縱然州縣各員未必皆能奉公守法狡詐者藉此巧取於民以良為盜濫竽居功愚懦者闡冗因循隱匿不報祇顧一身功名不卹百姓疾苦又有胥吏藉此乘風縱火妄拏平人以上諸弊皆應留心甄別賢劣屬員尤為至要也勉之慎之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十四

實錄卷六十四

奏

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十五

欽定大清會典事例 卷一百一十五 禮部 嘉慶五年 庚申 閏四月 癸丑朔 德楞泰奏軍

營出力人員 賞都司蕭太和日更太子備袁

陞侯大金龍必達虎正林花翎千總袁洪等

藍翎○又奏查明軍營出力人員加總管色

爾衮副都統銜賞佐領德寧阿領催常德巴

圖魯名號防禦五德雲騎尉德勒格爾綽克

托花翎領催永海等藍翎餘升擢有差○撥

部庫銀一百萬兩分解河南陝西以備軍需

○旌表守正捐軀山西繁峙縣民劉玉庭妻

原氏○甲寅以雨澤愆期復命刑部查明久

嘉慶五年庚申閏四月癸丑朔德楞泰奏軍

營出力人員賞都司蕭太和日更太子備袁

陞侯大金龍必達虎正林花翎千總袁洪等

藍翎○又奏查明軍營出力人員加總管色

爾衮副都統銜賞佐領德寧阿領催常德巴

圖魯名號防禦五德雲騎尉德勒格爾綽克

托花翎領催永海等藍翎餘升擢有差○撥

部庫銀一百萬兩分解河南陝西以備軍需

○旌表守正捐軀山西繁峙縣民劉玉庭妻

原氏○甲寅以雨澤愆期復命刑部查明久

禁重案官犯及官犯子孫不准當差應試者並發遣新疆永遠不准釋回者開單進呈酌量加恩○命五城設廠平糶○以故廣西安平土知州李廷欄子緝祐襲職○乙卯諭內閣從來聽言為邳治之本拒諫實失德之大朕從不敢自作聰明飾非文過採擇羣言折中而用兼聽並觀惟求一是而已去年編修洪亮吉既有欲言之事不自具摺陳奏轉向成親王及尚書朱珪劉權之私宅呈送原屬違例妄為經成親王等先後呈進原書朕詳加披閱實無違礙之句仍有愛君之誠惟言視朝稍晏及小人熒惑等句未免過激令王大臣訊問定以重辟施恩改發伊犁然自此以後言事者日見其少即有言者皆論官吏之常事而於君德民隱休戚相關之實絕無言者豈非因洪亮吉獲咎鉗口結舌不敢復言以致朕不聞過下情仍壅為害甚鉅洪亮吉所論實足啟沃朕心故置諸座右時常觀

覽若實有悖逆亦不能壞法沽名不過違例奔競取巧營求之咎況皆屬子虛何須置辯而勤政遠安更足警省朕衷今特明白宣諭王大臣併洪亮吉原書使內外諸臣知朕非拒諫飾非之主為可與言之君諸臣幸遇可與言之君而不與之言大失致君之道負朕求治之苦心矣王大臣公看此諭先行迴奏仍各殫心竭思隨時密奏軍機大臣即傳諭署伊犁將軍大學士保寧將洪亮吉釋放回籍仍行知岳起留心查看不准出境○諭軍機大臣等朕聞河工積弊甚多而辦工人員侵漁貽誤已非一日即如淮揚遊擊劉普淮徐遊擊莊剛睢南同知熊輝丁憂睢南同知莫濡素號四寇又捐職淮徐道書潘果郭聰有費仲尤渾之稱並聞劉普有花園一所康熙田往來河干在內住宿劉普又勾串潘果郭聰從中通信每事迎合言聽計從副將田宏謀守備張欣祖朱治仁師得運以及同知

熊輝莫濞聯結姻好。援引弟姪偷減帑項。又劉普承辦邵工。引河徒費帑銀。不能宣暢。再前此埽料延燒。夫役人等因平日抱怨。不肯力救。以致火勢蔓延。功敗垂成。至向來承辦河工。淮徐道專司出納。乃一切錢糧購料。不令廳員領辦。悉交守備千把旗牌效用等經理。該備弁得以肆意侵蝕。致外間有食料著蔬喫草。齟土之謗。同知熊輝莫濞捐職道書潘果郭聰家財豐厚。皆係積年侵冒工帑所致。自應查產撥抵公用。徹底根究。嚴行懲辦。以除積蠹。而重河防。岳起辦事尚為公正。吳璫到任未久。無所用其迴護。此案著交岳起會同吳璫辦理。現在岳起本有應辦徐州揚州盜案。著傳諭該撫。即順道前往。與吳璫嚴行查辦。逐一根究。又聞淮徐道田自福柔懦無能。河庫道葉雲聲名狼籍。並著查明具奏。不可稍有瞻徇。此旨著岳起俟面見吳璫時。給與閱看。○又諭書麟奏日來降猱等隨同

各委員安插降寨清查地畝。搜繳器械。頗為出力。其銅登銅金俱情願出具遵依甘結。悔罪投誠。懇請寬其一綫。並曉諭銅登等。安分焚修等語。所辦甚是。從前猛滋事。係李文明起意勾結銅登。既未前來。即銅金被李文明邀請念經。亦尚無主謀情事。今已悔罪具結。又何必繩之以法。即令銅登等遵照所出之結。在本處焚修。毋許過辣。蘇江地界。其江岸南所安設土練。常川駐守。務須嚴密防範。書麟仍當選派明幹土司。往諭銅登等。安分守法。勿得再滋事端。其南扎賀扎等處。如有生事之徒。即著伊等出首。僮隱匿不報。一經查出。惟銅登等是問。並諭令猛猛孟連耿馬車里各土司。隨時查察銅登等。如稍有反側。立即搜捕。以靜猱夷。而安邊陲。為要。將此諭令知之。○命宗人府查明永遠圈禁及發往軍臺年久之人。請旨辦理。○丙辰

上詣

大高殿行禮。

時應官拈香。○以故廣西龍英土知州趙鎔

子奉矩襲職。○旌表守正捐軀廣東順德縣

民何景南妻梁氏。○釋刑部監禁安南人黎

何鄭憲黎值李秉道安置火器營賞馬甲錢

糧。○丁巳諭內閣向來恭遇祭祀齋戒日期

各部院衙門例不進本。但思大祀如

圓丘

祈穀

常雩朕精誠專壹祇宿齋宮自應循例不進本章以昭虔敬其

方澤

太廟

社稷均係大祀雖照常齋戒而不親宿齋宮若

各衙門本章概不呈進恐致事多積壓嗣後

凡遇齋戒日期

圓丘

祈穀

常雩親宿齋宮之日各部院仍照向例不進本章至

方澤

太廟

社稷致齋三日內除刑部不必進本及各部院

外省本章有關涉刑名者俱不呈進外其餘

尋常事件著該衙門照常進本即以本年

方澤大祀為始著為令○

以上諸

社稷壇謝雨自是日始齋戒三日○戊午諭內

閣太常寺衙門具奏

社稷壇恭謝雨澤請照春秋祭祀儀注舉行曾

詢之該寺堂官據稱親詣

社稷壇祈雨舊儀係由金水橋北步行前往至

報祀向係遣官行禮並無親詣儀注是以

此循照春秋親祭常例乘輿至

社稷壇北門外鋪設棕薦處降輿等語但思祈

求雨澤既經步行祈禱若報祀之禮稍有不

同。轉似得有雨澤畧涉滿假。朕何敢出此。况朕從前隨侍

皇考往

黑龍潭求雨。

皇考至山門降輿升階數十級俱係步行而上。報祀之儀亦同。節年從無更改。試思

龍神尚如此申敬况

社稷壇典禮尤隆。既經步禱自應步謝。方足以申誠敬。嗣後除春秋祭祀仍照舊定儀。注舉

行外如遇祈禱雨澤及親詣報祀各典禮均步行前往。所有此次儀注著太常寺遵照改定具奏。並載入會典永遠遵行。○額勒登保奏痛勦商雒賊匪得旨嘉獎賞還額勒登保那彥成長齡台布花翎賞提督楊遇春雲騎尉世職副都統銜格布舍恩騎尉世職擢三等侍衛傳陞為頭等侍衛並賞巴圖魯名號餘升賞有差。○已未諭內閣禮部具奏五月朔一日夏至

方澤大祀

高宗純皇帝升配事宜一摺於祭日先詣

高宗純皇帝神牌前上香行禮尚未周備上年

冬至恭逢

圜丘大祀祇奉

高宗純皇帝神牌升配朕於前一日恭赴

天壇齋宿即敬詣

皇穹宇拈香隨至

高宗純皇帝神牌黃幄敬謹行禮今春

祈穀

升配前一日先詣

皇乾殿次詣

神牌黃幄禮節亦同

方澤大祀

高宗純皇帝升配

地壇因每年例係在宮內齋宿禮部請於祭日

先詣

神牌黃幄行禮視

升配

天壇禮儀尚缺先期致告一節朕心殊覺未安

因思

地壇於乾隆十七年初建齋宮

皇考曾詣齋宿一次彼時新栽樹木尚未成陰

隨從官員致有受暍者

皇考俯加體卹以後夏至

地壇俱即齋宿宮內祭日始詣

壇行禮此次

升配前一日自應先期致告若禮畢仍行還宮

於義未合若住宿壇內齋宮雖屬正理但隨

從之王公大臣侍衛人等車馬喧闐其時

高宗純皇帝神牌黃幄恭設

北天門外相距甚近實不足以昭虔肅心實不

安再四思維惟有於前一日閱祝版畢還宮

辦事後朕由東華門恭赴

皇祇室拈香隨至

高宗純皇帝神牌黃幄行禮畢即詣

雍和宮齋宿其隨從王公大臣侍衛等亦可就

近致齋朕於次早恭詣

地壇行禮庶

圜丘

方澤

升配前期致告之儀既昭畫一而禮緣義起節

次更為詳備著禮部遵照此旨於儀注內敬

謹增載此次專為

升配增此禮節嗣後夏至

地壇齋宿仍照舊例行○又諭蔣兆奎奏伊年

老有病難勝巡撫重任懇請簡員更換一摺

蔣兆奎前在山西巡撫任內因年已七旬兼

患怔忡予告歸里上年來京叩謁

皇考梓宮經朕召見看其精力尚未就衰是以

復用為漕運總督彼時伊以年老懇辭朕因

其平日操守廉潔未允所請伊赴任後辦理

漕運將近一年聲名尚好惟於旗丁津貼不

敷一節始則妄議加賦繼則請借給各幫船

銀兩。曉曉置辦。殊不知漕船一切陋規。俱經降旨裁革。復禁止糧道運弁侵扣漕費。並勅部叢議於正兌改兌米石。酌加津貼。又加恩於應帶土宜外。量予加增。免其上稅旗丁用度。已屬寬餘。乃蔣兆奎之意。總以非加賦借帑不能辦理。屢次瀆陳。經朕節次申飭。伊即懇請解任。已失敬事之道。姑念其平日官聲清潔。不肯即加罷斥。改授工部侍郎。伊來京謝恩。在朕前猶以旗丁津貼究屬不敷。於漕運恐有貽誤。堅執前見。其實鐵保接辦漕運後。並不見其掣肘。各省漕艘。俱各依限開行。銜尾前進。朕密訪各幫漕船行走。均屬安靜。現已陸續抵通。並無遲誤。可見蔣兆奎於漕運情形。全不悉心體究。輕聽屬員之言。逞其偏見。自以為是。又復不肯承認受人愚弄。其剛愎自用之咎。實無可辭。朕猶念其曾任封圻於地方事務。較為熟諳。彼時適陳大文丁艱回籍。一時乏人。即將蔣兆奎補授山東巡

撫。伊到任後。於該省吏治官方。並未見實有整頓之處。前因御前侍衛明安往泰山進香。回京奏稱。東省地方官私餽驢儀八百兩。並稱沿途經過營汛墩房坍塌。未見有兵丁駐守。曾明降諭旨。將蔣兆奎等申飭。昨據伊覆奏。上年明安前赴泰山進香。亦曾受銀八百兩。至守汛兵丁。因明安乘馬馳行。不及身穿號衣站班伺候等語。殊不成話。向來奉旨出差人員。沿途驛站。俱有傳單。豫行知照。豈有明安業已到境。而汛兵尚未得信之理。所奏實屬迴護強辯。復降旨申飭。茲蔣兆奎遽因此事。愈激求去。試思如此執拗任性。豈人臣事君之理乎。況朕不過降旨申飭。尚未將伊交部嚴議。而伊即抗章引退。宣內外大臣。有善必旌。有過即不應加之譴謫乎。若臣工等皆似此相率效尤。寧不成明季挂冠惡習。此風斷不可長。蔣兆奎在朕前尚敢如此。其接見屬員。辦理公務。必更有偏執已見。不卹人

言之處。安能飭吏治而得民心。即將蔣兆奎革職治罪。亦所應得。究念其廉名素著。量予薄懲。蔣兆奎著革退。巡撫拔去花翎。加恩降為三品卿銜。即予休致。將巡撫印篆交布政使全保暫行護理。即由山東起程回籍。不必進京謝恩。伊即來京。朕亦不復召見。回籍後。惟當閉門思過。以終餘年。用副朕格外矜全至意。○以署鑲黃旗蒙古副都統裕興為鑲藍旗蒙古副都統。○以兵部左侍郎惠齡為

上步詣

山東巡撫。轉兵部右侍郎。縕布為左侍郎。以直隸泰寧鎮總兵官范建豐為兵部右侍郎。江南督標中軍副將常懷義為泰寧鎮總兵官。○庚申。

社稷壇謝雨。○諭內閣。前因直隸省積案累疊。

延擱不辦。一省如此。則他省可知。曾降旨飭諭。早為清理。不得任意積壓。民間控案到官。自應隨到隨辦。以清案牘。若因循懸宕。則小

民守候無期。種種拖累。致胥役得以從中需索。牽連恐嚇。波及無辜。其弊有不可勝言者。至內外大小各衙門。充當書吏人等。遇事需索。使費日久。竟成陋規。所得陋規。逐漸加增。因而視為美缺。故書吏役滿。繼充之人出錢頂補。名曰缺底。竟有盈千累萬者。此等書吏所出資本。既多。勢必藉端舞弊。貽累軍民。所關非淺。現當綱紀肅清。地方官吏。諒不敢仍蹈故轍。任情延玩。有意姑容。但恐日久懈生。

復有前項情弊。不可不實力整飭。痛除積習。著通諭各督撫。除審辦命盜案件。本有定限外。其餘自理詞訟。應令各督撫分別定限。飭令有司。按期完結。逐件註銷。其缺底名目。出錢充頂。本干例禁。亦著嚴行禁革。儻經此次飭諭之後。如敢仍前延緩。及陽奉陰違。別經發覺。或被科道糾參。定將各該督撫一併嚴懲。決不姑寬。將此通諭知之。○以擊敗穀城賊匪功。授明亮三等侍衛。賞叅將吉林泰巴

圖魯名號○以兩廣督標中軍副將王模為廣東南澳鎮總兵官○予福建捕盜傷亡鄉勇周大全賞卹如陣亡例○辛酉。緩徵直隸霸文安清苑蠡雄安新安河間任邱寧晉隆平定。十二州縣旱災新舊額賦復緩徵滿城新城祁高陽阜平望都博野。正定新樂易冀饒陽安平涿寶坻唐獻曲陽豐潤通三河遵化玉田。二十三州縣旱災新舊額賦免大興宛平良鄉涿通三河薊遵化八州縣本年額賦並緩徵旗租銀糧○癸亥。以詹事府詹事恩普為大理寺卿○甲子。諭內閣松筠上年在陝甘總督任內。曾經條奏請將私鹽私鑄二項悉行弛禁。所見殊屬迂謬。斷不可行。本應降旨交部嚴議。特以松筠平日尚能持正。為有用之材。是以不加深責。特令軍機大臣親書諭旨。密為訓飭。即軍機章京等亦未令聞知。此乃朕欲保全松筠不得已之苦心。曾經詳悉示知。而松筠自任總督以來。屢稱患

病。於一切防堵事宜。並不能妥為布置。致任川省竄匪。於今春闖入甘境。又不能實力攔截。以致輾轉奔突。蔓延至今。本應治以應得之罪。即不至如魁倫之重。較之倭什布之疎於防範。其咎正復相等。寧不應予以降調處分。猶念其居官聲名尚好。且不似楚省之屢任賊匪竄入。是以從寬免議。令長麟接辦總督事務。將松筠授為伊犁將軍。仍令赴湖北暫署督篆。并令居首督辦勦賊之事。而松筠甫經到楚。仍即稱病。漫無展布。軌行懇請陞見。朕於伊初奏到時。尚以松筠在彼或能得力。未經允准。而伊又稱有恩出自上之事。必須面奏。具摺懇請。隨經降旨准行。及松筠到京。經朕日日召見。面加詢問。則其所欲面陳者。仍係私鹽私鑄請寬禁例二項。並無奇謀秘策。經朕詳加開導。平心靜氣。反覆譬曉。以此事礙難施行。松筠固執已見。將此事又復懷摺瀆奏。並不由奏事處呈遞。試思私鹽私

鑄律有明禁係開國以來

祖

宗定制。豈得輕議更張。設朕有不循成法之意。妄思更改。在廷諸臣。尚當直言極諫。松筠安可以一人臆說。妄欲紛更。且如松筠所奏。將私鹽私鑄。概寬其禁。則自鹽政以下各官。皆當裁去。另派專司鹽稅之官。紛紛更制。且現在私鹽有禁。不過官役巡攔。尚有私梟拒捕等事。若設立稅口。是向日販私者。轉需交納

官稅。儻販私之徒。逞其刁悍。不肯交稅。又將如何辦理。至川省若弛私鑄之禁。則各省亦必相率效尤。豈有國家泉幣之權操之自下。隳紀綱而弛法度。莫此為甚。而松筠以為所鑄係嘉慶通寶。即非私鑄。是何言耶。且分設各廠。聚集多人。更恐釀成事端。其流弊將不可勝言。又賊匪即有私鹽私鑄之徒。聞風散出。為數亦屬無幾。此外如松筠摺內所稱。囑匪賭棍及白蓮教匪。又豈皆令其各回本地。

作奸犯科乎。是所奏種種訛謬。實為迂腐無識。儻朕輕聽其言。貽誤不小。且似此議論紛紜。豈非謀夫孔多。是用不集之明驗乎。若將原摺發交大學士九卿覈議。自為公論。所不題。必將松筠議以變亂成法之罪。革職示懲。今朕姑念松筠所言。雖屬失當。而其心究為國家公事。尚屬無他。是以仍令軍機大臣明白傳知。不復交議。松筠經朕指示。雖自知糊塗冒昧。懇請仍赴軍營効力。但伊平素未經行陣。弓馬平常。帶兵既非所長。即令督率防堵。而伊前在陝省時。一任川匪竄入甘境。其不能實力堵禦。已可概見。至於辦理糧餉。松筠前此雖未請撥帑銀。屢將解川餉項。路經陝省者。任意截留。至九十餘萬之多。亦未見經理得當。是松筠前往軍營。實屬無益。而似此識見迂踈。亦豈能勝伊犁將軍之任。松筠著加恩賞給副都統職銜。前往伊犁作為領隊大臣。並賞戴花翎。替換珠爾杭阿回京。其

伊犂將軍員缺。仍著保寧實授侯簡放。有人再行更換。松筠當力改前非。隨同保寧學習辦事。以期稍贖罪愆。無員朕格外矜全。教誨至意。○賞已革荊州將軍興肇四等侍衛。為和闐辦事大臣。○旌表守正捐軀直隸邯鄲縣民郭寶山妻郭氏。○乙丑諭內閣。刑部題覆直隸省民人王仲貴毆傷胞兄王仲香身死一案。聲明倫紀攸關。將王仲貴依律擬斬立決。細閱本內情節。王仲香調戲伊弟妻張氏。欲圖強姦。已屬亂倫傷化。迨經伊父王尚才斥詈不服。將伊父揪倒欲毆。尤屬目無倫紀。及伊弟王仲貴聞聲趨救。王仲香竟欲與伊父拚命。兇惡已極。伊父王尚才忿極喝令王仲貴毆打。王仲貴央求不允。並聲言如不代毆。即欲尋死。王仲貴無奈。隨用石毆王仲香額顱殞命。是王仲香淫兇殘忍。種種蔑倫所犯應死之罪。不一而足。及王尚才喝令王仲貴毆打伊兄。復經王仲貴代為央求。尚有

不忍致死其兄之心。因王尚才不允。王仲貴始用石毆傷致斃。迴非逞兇干犯可比。乃刑部照原題於奉父命毆死蔑倫之兄者。仍依弟毆兄致死本律擬斬立決。並聲明倫紀攸關。措詞不當。殊失情理之平。且與維持風化之義未協。所有王仲貴一犯。著即改為杖一百。流三千里。不必再交九卿覈議。嗣後遇有此等死者。自犯蔑倫之案。著刑部即行覈議。奏明請旨減等。著為令。○以土默特貝子朋素克琳沁。苦累所屬。革爵安置熱河。○丙寅諭內閣。費淳等奏六安州知州員缺緊要。該省實無人地相宜。合例堪補之員。仍懇以宋思楷補授等語。已照所請行矣。向來各省州縣要缺。往往以人地相需。將不合例之員。專摺奏請升調。及交部議駁。後而督撫等仍以原請升調之員。復行具摺奏懇。此等人員。如果於該省要缺實在相宜。若不准其所請。則督撫等無由收指臂之效。但一經部駁。又復

奏懇准行。如此竟成故套。在辦事公正之督撫。原屬為缺擇人。而稍涉偏私者。未免為人擇缺。致啟夤緣奔競之漸。不可不明示防閑。以杜流弊。嗣後各省督撫於部駁不合例之員。復行具奏懇請允准者。竟當責令保其終身。毋論將來該員仍任原省。或升任他省。若不過因公罷斥。尚可免其追問。如係貪污獲罪。則原保之督撫。自難辭徇情濫舉之咎。著吏部嚴定處分。用昭懲儆。宋思楷即著照新

例行。○又諭。祖之望奏審訊桂東縣民扶咸欽。呈控李羽儀等窩留逃犯。私開鐵廠等事。俱屬虛誣。將扶咸欽問擬軍罪一摺。已交該部覈議具奏矣。扶咸欽因挾李羽儀等從前控拆鍋廠之嫌。架捏重情。赴京呈控。自應按律坐誣。抵以軍罪。其扶家嶺等處山地所開鐵廠。亦當查明飭禁。永絕爭端。此等赴京控告之案。從前往往令欽差前往審辦。原以杜該督撫迴護瞻徇之弊。在公正廉潔之欽差。

自能屏絕苞苴。秉公審斷。其不能檢束者。不獨沿途需索。驛站陋規。竟有收受餽送屈法徇情之事。即欽差尚知自愛。而跟隨人等。勒索使費。供應擾累。地方州縣辦差家人。長隨等。亦藉端濫行開銷。均所不免。朕深悉其弊。自親政以來。遇有各省民人赴京控案。不肯輕派在京大臣前往審訊。即交原省督撫就近查辦。乃年來各督撫等於交辦案件。率以審係虛誣。一奏塞責。而被告審實問罪者。寥

寥。試思若非抱不白之冤。豈肯自出已貲。遠赴京師呈控。難云盡屬子虛。是該督撫等非庇護所屬。即有意從輕。所審案情。未可盡信。朕又不得不用欽差矣。嗣後發審之件。若該督撫不據實秉公審辦。希圖朦混結案。致原告之人稍有屈抑。一經訪得確實。或被入舉發。或欽差覆審。必當將原審之督撫從重治罪。決不姑貸。將此先行通諭知之。○又諭。昨日祖之望有由三百里遞到之摺。係審訊桂

東縣民扶咸欽呈控李羽儀等窩留逃犯私開鐵廠等事一案於本月初二日拜發本日又由三百里遞到初四日所發摺報朕以為必有地方緊要事件及加披閱則又係審辦善化縣民蔣萬順呈控該縣短價派買倉穀之案此等事件祇係尋常審案有何迫不及待自應照常差人齎遞乃連日由驛馳奏豈有此理其意不過為差齎奏摺吝惜小費起見但各省督撫節經降旨停止進貢並刪除一切應酬閒費又從無罰項伊等養廉豐厚豈得於陳奏事件尚存惜費之見況現在軍書絡繹驛馬已極疲煩更何得以尋常陳奏之摺閒日發報逐案馳遞平日亦不可況此時耶宣督撫等惟自知吝嗇而於國家設立驛站竟任意驅使乎且祖之望兩日內所發摺報俱係審案亦何妨於前案審明後畧停一日俟後案訊結一併具奏或將後案速行辦結趕早一日與前案同日奏聞俱無不可

然亦不應輕用驛遞又況於初二初四兩日將此等審件分作二次疊行發報實出意想之外祖之望何不知緩急輕重惟知惜費見小若此大屬非是著傳旨嚴行申飭並著交部嚴加議處近日各省督撫於地方尋常事務亦多有似此濫用驛遞者試思各省學政所得養廉遠不及督撫等之多尚俱自行差人齎奏豈各督撫等於此轉斤斤計較乎此後如有似祖之望濫用驛遞者必將該督撫等一體交部嚴議將此通諭知之○以故四川竹木坎土巡檢孫天德子應貴襲職○予四川陣亡提督達三奏祭葬世職如例○予四川陣亡叅將姜敏功七十七魏攀舉泰安王溶那爾泰趙宗濬遊擊吳玉貴楊洪新王宗佑都司石鼎臣郭明宗張永成守備唐文高劉正麒岑現佩胡希照李連發郎于明田啟華陳占舉李國賓秦恒趙成龍馬天德王耀千總李占魁王之鎮謝飛熊吳開祥宋國

富上官宗文李如椿吳興開張如龍護軍校
德克登布藍翎長巴凌阿把總楊國名劉宗
崔升卓應瑞蔣應禮林中南周永泰劉忠孝
任殿繁秦得祿李瑤楊兆德外委廖懷英田
應龍保廷棟燕福寧薩得芳張得貴楊銳薛
烈湖南勦苗陣亡守備何肇勤把總鄧得外
委馬正雄姚之龍祭葬加等世職如例額外
外委朱玉貴曹天佑武生潘啟先祭葬世職
如把總例千總周占元劉天奇馬世雄把總
王國用馬之俊張登鰲何連升呂尚玉陳泰
傷亡都司涂得海守備邢嗣昌把總廖思魁
外委陳國梁何崙李洪業王必貴張和劉習
志潘必進甘肅陣亡遊擊全亮外委李得祿
祭葬世職如例○丁卯額勒登保奏軍營出
力人員賞副將豆霸遊擊李東宣都司劉秉
揚同知龍萬育花翎守備璩嘉驥等藍翎○
又奏軍營出力人員賞協領全德驍騎校索
多爾凱巴圖魯名號協領清德驍騎校新保

花翎前鋒德布克等藍翎餘升擢有差○以
山東按察使王汝璧為江蘇布政使內閣侍
讀學士方維甸為山東按察使○旌表守正
被戕貴州印江縣民戴應志妻任氏

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之六十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十六

嚴修總辦官經日講起居注太子太傅武英殿大學士文淵閣領侍衛內大臣上諭事件處管理工部事務翰林院掌院學士

隨帝加二級尋常加四級
曹振鏞歷官六次大任文科舉大學士管理刑部事務加五級
戴均元歷官三日集起居注官太子少保內大臣文

閣下舉閣事務繁欽奉
上諭事件處協辦太監士戶部尚書翰林院掌院學士殷有庵等上仙宗內務府大臣鍾靈據爲州縣統令庫抄儲蓄

戶部三庫奉宸苑清漪園等處總理工程處御茶膳房和藥房太醫院西洋堂事務奉功加三級隨帶加二級尋常加十二級紀錄二十一次。

英和延讓官大夫任禮部尚書二書序行走武英殿總纂管世園子監事務加六級隨帶加二級紀錄四次

嘉慶五年庚申閏四月戊辰

教修

上詣

大高殿行禮。

時應宮拈香。○諭內閣。勒保奏審擬阿迪斯。請發伊犁充當苦差一摺。阿迪斯經朕簡放成都將軍。到川後。惟知株守大寧。擇一無賊處所駐劄。經朕節次嚴飭。自知獲咎已重。並接到魁倫令。伊勒辦川北賊匪客會。輒以感冒風寒。足疾愈劇。不能騎馬帶兵。具摺懇請罷斥。種種遷延避賊。是以降旨將阿迪斯革

職。擎問交勒保提至軍營審訊。今據勒保奏。阿迪斯所稱左腿墜馬跌傷左胯骨挫不能騎馬之處。親驗屬實。並據阿迪斯泣訴伊父阿桂在日。因伊糊塗無能。曾經屢次訓誡。不宜外任等語。其意不過欲提及伊父希冀朕垂念舊恩。寬其罪責。伊父在日既有此語。阿迪斯於上年派令署理古北口提督時。即未經奏及。迨簡放成都將軍。何以並不據實陳奏。若彼時即諄切懇辭。朕亦必另簡他員。不

令阿迪斯前往。乃於簡用時默無一語。心存戀職。而現獲重咎。則又訴伊父遺誠以圖減罪。有是理乎。朕即念伊父阿桂舊日勤勞。而阿迪斯不能勉承父訓。自蹈重譴。亦斷難曲法寬宥。阿迪斯著照勒保所奏。發往伊犁充當苦差。此尚係朕憐念阿桂不忍重治其子之罪。亦欲令勲舊大臣之後嗣不能承受恩眷者。知所儆也。○又諭。上年秋間。因張漢潮一股賊匪在陝竄擾。特派那彥成前往督兵。

勦辦那彥成未至陝省。張漢潮先經明亮殲斃。所餘逆黨祇係擊退之賊。無難乘勢殲除。乃那彥成於賊匪竄入老林後。漫無展布。惟知帶兵入林跟蹤尋覓。徒疲兵丁。涉歷三冬。並未與賊接仗一次。轉任賊匪西竄甘境。而川省各股賊匪紛紛闖入陝境。那彥成係特派大臣。在陝居首帶兵之人。又不能設法攔截。聞額勒登保帶兵赴甘。伊亦徑趨甘省。惟在龍山截勦得一勝仗。仍未將餘匪勦淨。旋因竄匪折回陝境。額勒登保先行帶兵赴陝。那彥成專辦甘境高二馬五等賊。雖得勝仗。仍未勦殺淨盡。任此股賊匪竄入川境。僅交與總兵百祥接辦。伊棄垂敗之賊。領兵赴陝。致高二馬五一股賊匪在龍安地方日漸鴟張。至今未能殄滅。皆由那彥成玩縱所致。彼時若那彥成緊躡賊蹤。前赴川境。自可將此股賊匪速行殲除。即在川省幫同德楞泰勦賊。未為不可。乃必欲隨同額勒登保先後入

陝。自係那彥成不肯幫助德楞泰。又欲分額勒登保之功。此等淺見薄識。豈大臣所宜居心。前此那彥成奏到時。朕即以其所辦錯謬。傳旨訓飭。今高二馬五尚在川境竄擾。而總兵施縉竟因勦賊陣亡。以零星殘敗之餘匪。聽其入川。復行裹脅滋擾。致令打仗出力勞績最著之施縉臨陣捐軀。實為萬分不值。而追溯失事之由。皆因那彥成輕率貽誤。此而不加之懲治。何以服人。那彥成著退出軍機大臣。不必在南書房行走。亦不准在紫禁城騎馬。伊如此猶豫無能。亦斷難兼理各處事務。所有原充之

實錄館正總裁。國史館副總裁。文淵閣提舉。戶部三庫總管。內務府大臣。茶膳房。造辦處。總理工程處。均著革去。祇留工部尚書。鑲白旗漢軍都統。及經筵講官銜。伊所戴花翎。前於革去後復經賞還。仍准戴用。此係朕推念阿桂舊日勲勞。又因阿迪斯現在獲罪。已革去

所襲公爵成都將軍發往伊犁充當苦差若再將那彥成革職治罪則阿桂之子孫竟無身任大員者是以姑示薄懲那彥成惟當倍加感奮痛改前非勉圖後效以副朕教誨矜全至意○又諭東三省留京當差人員定例過二代以後方准補用綠營現在軍營正當勦賊之時各省奏請分發在在需人差委每致乏人揀選所有東三省人員嗣後除本身留京之員仍不准其補用營員外至各該員

子嗣遇有各省奏請揀員准其一體挑選著為令○嚴飭大吏因循迴護又諭朕前聞廣東博羅縣知縣丁大松因下鄉催糧該處百姓有與衙役爭鬧強拉牛隻致將婦女拖落河內該縣庇護衙役致被百姓打碎所坐之轎一事又聞昌化縣知縣張聚奎派役催糧徵收過刻經民人呈控本府批縣將書役等加責該縣並不遵辦仍派令催徵致民人騰怨聚集多人拆毀書役住房該縣聞信往拏

見人勢衆多輒令兵役放鎗打死民人四名一事當經密諭吉慶查明據實覆奏今據該督奏到此二事俱係屬實可見朕所訪聞均為確實但天下之大兆民之衆朕一人耳目豈能周徧若必待訪聞始行奏明辦理則未經朕訪察之事各督撫即置之不辦者正不知凡幾即如粵東博羅一案前任巡撫陸有仁於上年十一月具題率將差役拉牛婦女落河又擠破坐轎各情節刑去實屬弊混著

陸有仁明白迴奏其昌化一案直待朕密諭到日吉慶始以在逃要犯甫經弋獲現在解審具奏是伊等於辦理地方事件因循迴護已可概見此等陋習亦不獨廣東為然即各省皆所不免若俱俟查詢始行究辦則吏治民生貽誤已多又安用督撫為耶試思迴護一不肖有司其市惠甚小而俾一方怨讟繁興其流弊甚大各督撫等毋以朕不能周察希圖免咎總之可對朕之事見諸施行不可

對朕者。切勿輕試。方合奉公率屬之道。特此通諭各該督撫等。務須共知儆省。實心任事。遇有地方案件。惟當無隱無欺。據實入告。即辦理偶有錯誤。亦應於朕前直陳。轉可邀免處分。不得慮干部議。有心弊混。欲求救過。轉致自蹈重愆。負朕委任也。將此通諭知之。○以工部尚書彭元瑞為

實錄館正總裁官。○以貴州布政使護理巡撫常明調派兵丁。未經習練。致總兵官施縉陣

亡。革翎頂。及巴圖魯名號。○庚午。以勦擒臺灣會匪功。加總兵官愛新泰提督銜。予恩騎尉世職。賞道員遇昌遊擊敏祿花翎。餘升擢有差。賞兵丁一月錢糧。○加賑安徽宿靈璧泗三州縣被水災民。○辛未。諭內閣。朕恭閱皇考高宗純皇帝實錄。以在京各部院之弊。多由於書吏之作奸。司官庸懦者。往往為其所愚。而不肖者。則不免從中染指。堂官事務繁多。一時難以覺察。以致事件之成否。悉操於

書吏。飭令各督撫嚴行查禁。仰見我

皇考整飭吏治。懲創奸胥之至意。朕上年因內外各衙門。多不免有猾吏蠹書串通弄法之事。明降諭旨。令一體秉公查辦。但思部中書吏藉端需索。總以例案為詞。外省承辦事件。原有例案可稽。何難詳細檢查。循照辦理。若本係合例事件。又何慮部中指駁。焉有內外准駁事權。全憑一二猾吏之手。最為錮習。特再明切申諭各部院堂官。務宜督飭司員。每事躬親查覈。嚴防弊竇。具各省督撫。如遇書吏等有仍前訛索者。即時奏聞。真之於法。庶作奸犯科之徒。知所儆畏。儻經此次訓戒。後內外衙門。視為具文。仍不認真查察。任聽若輩勾通舞弊。別經發覺。惟該堂官各督撫是問。○以本年鄉試考試應開列試差人員於

乾清宮。○壬申。諭內閣。朕恭閱

皇考高宗純皇帝實錄。以大學士趙國麟。向有足疾。不能騎馬。著坐車進紫禁城。到內閣辦

事仰見

皇考體卹癯病老臣。至為優渥。因思現在大臣中。曾經賞給紫禁城騎馬者。在滿洲蒙古大臣。於乘騎素為嫻習。而漢大臣則乘馬本非所長。設遇衰年有疾。仍勉強策騎入朝。未免轉形勞頓。嗣後除滿洲蒙古大臣外。所有漢大臣。曾經賞馬者。或偶因患病。或適有足疾。不能乘騎。著自行具摺奏明。准其坐車進紫禁城。至向例下馬處下車。疾愈後仍照常騎

馬。以示朕眷念耆臣。恩加無已至意。○又諭給事中邱庭澍奏。嚴禁僭用帽頂一摺。據稱每月驗看月選官及新捐分發試用人員。八九品及未入流各官。俱僭用七品素金頂。又近見街市各色人等。纓帽上俱用紅絨結頂。並有棍徒等假冒官職。戴用金頂。均請嚴禁等語。所奏甚是。此弊由來已久。朕在藩邸。曾經目睹。國家設官分職。等威本自秩然。冠服儀章。豈容稍有僭越。會典所載甚明。乃近日

八九品及未入流人員。往往僭戴七品素金頂。並有無職人員。隨意戴用者。此等陋習。朕向有聞見。該給事中奏請嚴禁。甚為得當。嗣後八九品及未入流帽頂。俱謹遵會典分別戴用。其補服亦應按照定制。毋許稍有僭越。京城內外著交步軍統領衙門。及五城御史各部院衙門。著交該堂官。各省著交督撫等留心查察。勒限更換。違者立即叅奏。示懲。至外間民人涼暖帽上。俱用纓絨大結。尤屬非是。併著一體飭查。嚴行禁止。俾冠服各有等差。官聯益昭整肅。其游手棍徒及逃匪等有假充職官。戴用金頂者。亦照該給事中所奏。實力嚴拏。毋任宵小弊混。○舉行嘉慶四年大計。廣西卓異官五員。才力不及官三員。年老官二員。有疾官七員。分別議敘處分。如例。○旌表守正捐軀浙江西安縣民張有榮女張氏。○癸酉。諭內閣。據王大臣等奏。考驗各營前鋒護軍分別等第情形。其夾片內開。上

次一等者六十九人。此次四十二人。上次四等者二十四人。此次九十八人。兵丁按年考驗分別等第。以申勸懲。原期相率鼓舞。專心練習。俾能日臻精熟也。今考驗火器健銳二營兵丁。列陣放鎗。俱各嫻熟。而前鋒等營二萬七千餘人內。較上次一等者減少。四等者加多。是該管大臣官員。平日並不實心訓練。於此可見。夫騎射為滿洲根本。今乃日見其劣而不見其優。若不亟加整頓。勢必漸就廢弛。所關甚重。除此次應行賞賚懲責者。仍照例辦理外。著交該管大臣。嗣後務各盡心教演。朕於明歲二十七箇月後。臨幸圓明園。不拘何時。立傳一營驗看。儻仍技藝生疏。必將該大臣等從重治罪不貸。○以浙江杭嘉湖道秦瀛為按察使。○旌表守正捐軀河南安陽縣民女袁引姐。○戶部議准直隸總督胡季堂疏報。三河大興宛平昌平昌黎新安樂平豐潤易九州縣開墾地八十五頃二十四

畝。照例升科從之。○甲戌諭內閣。朕恭閱皇考高宗純皇帝實錄。內載小民知識短淺。種種惑於鬼神。祈求禱祀。為費不貲。如越省進香一事。程途則有千餘里。及二三千之遙。時日則有一月及二三月之久。以有限之蓋藏。坐耗於酬神結會之舉。直隸山東山西陝西等處風俗。大率如此。而河南為尤甚。著各省督撫。訪察所屬有越省進香者。善為化導。徐徐轉移。毋得呼朋聚眾。跋涉山川。以致誤農耗財。漸成人心風俗之害。仰見皇考牖民善俗。諄諄教誡至意。朕在藩邸時。即素知民間有赴了髻山天台山等處進香之事。而近京各省。相習成風。亦所不免。往往千百為羣。填塞街道。其間男女雜處。奸良莫辨。不獨耗費錢財。且恐別滋事端。風俗人心。殊有關係。在蚩蚩者。祇於福善禍淫之理。不能深曉。每以進香虔禮。即可仰邀福佑。又或遇父母疾病。許願酬神。以冀速痊。殊不知父母

有疾。正當親身侍奉湯藥。焉可越境遠離。而神靈隨處降格。即於本境祠廟虔誠祝告。亦無不可。況小民果能竭誠事親。諸惡莫作。衆善奉行。自蒙神祇默佑。又何必遠勞跋涉。為此無益之祈禱乎。是此等酬神之事。其始原為求福免禍起見。但分途四出。結隊成行。其為會首者。藉此斂錢滋事。日久相沿。人數衆多。漸至流為邪教。此而不嚴行禁止。何以正人心而厚風俗。嗣後京城內外及各直省所

有民間一切越境酬神聯羣結會等事。俱著該管衙門及各督撫等。出示曉諭嚴行禁止。違者按律懲治。○又諭。近日內務府大臣等。將國初以來庫貯珠玉磁器等件。屢次開單奏請招商變價。節經呈覽。朕皆不准發售。甚至本日將玉寶亦列入進呈。尤屬大謬。此項玉寶。何人敢用。已降旨明白飭諭。當經伊等具摺懇請交部嚴議。復令軍機大臣等將玉寶一節詢問盛住等。據稱玉寶與珠玉寶件。

本係奏明呈覽後。請旨分別辦理。並不敢擬以發售。更屬巧辯。內庫存貯物件甚多。朕何嘗欲行查看。令伊等一一呈覽。盛住等原摺本係將可以發售之件。請旨分別辦理。今經傳旨詢問。伊等不敢承認。姑以請旨一語搪塞。其實呈覽之件。非欲請發售。而何伊等既冒昧於前。又復狡飾於後。若交部嚴加議處。部議上時。自應議以革職降調。彼時或當分別施恩。但伊等獲咎輕重。亦有不同。前此內

務府大臣等奏請將內庫物件變價時。傅森尚在盛京審案。並未會同具奏。其咎止於到京後不能阻止。且在軍機處行走。事務較多。未能兼顧。傅森著加恩改為交部察議。布彥達賚豐紳濟倫。識見本淺。無足深責。況非伊二人本意。著加恩改為交部議處。至盛住在朕前沾沾言利。已非一次。此事自係伊一人倡議。即本日飾詞分辯。亦係盛住主見。布彥達賚等不過附和。其詞盛住係

孝淑皇后之兄。朕在藩邸時深悉其為人器小貪利。今又屢次獲咎。不可不加之懲戒。伊所得公爵。本應革退。因係

皇考所封。免其斥去。其餘各項職任。差使。全行革退。著以公爵授為

西陵總管內務府大臣。辦理萬年吉地工程。常川在工督辦。若能改過自新。安靜妥協。俟孝淑皇后奉安後。再加恩內用。尚書侍郎亦未可定。所有工部尚書事務。著達椿署理。其

戶部右侍郎員缺。著額勒布補授。管理錢法堂事務。正紅旗漢軍都統員缺。著琳寧補授。仍兼署正白旗漢軍都統事務。不必在散秩大臣上行走。總理工程處。著添派布彥達賚。總管內務府大臣。著明德補授。俟盛住到時。明德即行來京供職。○旌表守正被戕江蘇江寧縣民李維臣女李氏。○乙亥永禁紅案陋規。諭內閣。上年因貴州學政養廉本少。該省距京較遠。學政延請幕友。需費稍多。該省

舊有紅案陋規銀兩。以資用度。曾降旨予以限制。不得過五六兩之數。其實在無力者。即

當減免。不得強令交納。今思此項紅案銀兩。究係陋規。學政本不應得受。雖予以限制。但既有此項名目。難保日久不又逐漸加增。上年所降諭旨。係朕一時思慮未為周備。該省學政養廉。本係三千二百兩。著該撫於貴州省藩庫閒款內。加恩酌增五百兩。俾資辦公。此後該省紅案陋規銀兩。著永行禁止。不得

收受分文。至其餘各省學政。例給養廉。本屬數用。其向無紅案陋規者。自不得違例索取。若向有此項陋規。俱著一體飭禁。儻有仍前私受者。一經查出。或被糾參。必將該學政按例治罪。○丙子

上詣

大高殿行禮

時應宮拈香。○旌表守正捐軀四川漢州民游芳遠姪女游氏。○戊寅。以故奉恩鎮國公

斌寧子果勒豐阿襲爵。○己卯以三等待衛明亮為湖北宜昌鎮總兵官。○以攻勦楊開甲等賊匪功賞恒瑞雲騎尉世職扎克塔爾恩騎尉世職。○陝西陝安鎮總兵官柯藩以留防山陽賊至不能追勦革職嚴訊。○旌表守正捐軀直隸阜城縣民婦米氏。○

上以夏至祭

地於

方澤自是日始齋戒三日。○庚辰撥部庫及廣

儲司庫銀四十萬兩解往四川以備軍需。○

辛巳

上恭詣

皇祇室拈香隨至

高宗純皇帝神牌黃幄行禮畢詣

雍和宮齋宿。○諭內閣據勒保奏查明賊匪竄

渡嘉陵江潼河疏防各文武分別嚴審定擬

一摺此案太和鎮一帶原有分派防守官嗣

經魁倫因賊匪竄近鹽亭即親寫手字令百

祥等將沿河兵勇一併帶回並專差持令將張績所帶兵勇全行撤回大營以致該處無兵堵禦魁倫實屬罪無可逭所有勒保奏到魁倫原信及批稟應俟魁倫解到詰訊外至劉清在潼綿一帶巡防時曾因太和鎮一帶淺灘要隘鄉勇難恃稟請魁倫欲留貴州新到兵丁未經批准而賊匪旋即由太和鎮踰淺過河是劉清先能見到其咎尚有可原且伊平日居官能得民心著加恩以知縣補用

如此後仍能奮勉出力著勒保據實保奏至遊擊王之鑑於賊匪搶渡王家嘴地方雖非專管但伊駐劄之古井口相距甚近既未豫為嚴防又不能奮力擊退實屬疏玩僅擬枷號半年發遣尚覺稍輕王之鑑著在太和鎮地方枷號一年俟川省軍務辦竣再行開枷發往伊犁充當苦差其通判連彭年究屬文員且經身受矛傷著照擬發往伊犁効力贖罪知縣孫熙及其餘疏防員弁俱著照所擬

辦理前次賊匪踰淺過河團首文大魁所帶鄉勇因寡不敵衆被賊殺死八十三名俱著咨部賜卹至七十五在川既據勒保查明帶兵打仗尚能認真所稱傷發驗明屬實即照所奏仍以提督銜准留軍營養傷於傷痕平復後聽候勒保派委何路帶兵即前往何路勦賊自効其現在養傷不准給予分例○諭軍機大臣等川省勦捕現當喫緊之際軍餉自所急需托津酌量情形原可隨時奏請乃於一月以前豫懇接濟豈不徒添朕之憂悶托津甚屬冒昧糊塗看來托津於軍餉事務漫無籌畫廣興亦年輕好事在彼總屬無益現在湖北陝西亦有軍需並未由京派大員前往經理川省亦當一律裁撤以省推諉已降旨將軍餉交署總督勒保派本省地方官接辦托津廣興著即來京供職並准其馳驛行走伊二人才具平常既不能籌辦餉務而帶兵打仗更非所長接奉此旨斷不准續奏

留川即過陝西時亦毋庸向經畧總請隨營効力此即朕保全伊二人之恩不可不知也所有經手一切錢糧俟勒保派員一到交代清楚即行起程

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十七

職修補。嘉官經筵日講起居注官太子太傅武英殿大學士文淵閣領閣事稽察欽奉
上諭事件處管理工部事務翰林院掌院學士隨帶

加一明府掌加四級。曹振鏞。官太子太保。又。刑部大學士。管理刑部事務。加五級。戴九經。筵日講起居注官。太子少保。內大臣。文淵閣提舉。

[illegible][illegible][illegible]

敕修

嘉慶五年庚申五月壬午朔夏至祭

地於

方澤

上親詣行禮恭奉

高宗純皇帝配享如配

天儀○詣

火神廟拈香。諭內閣據范建中奏擬定跟

隨將軍副都統官兵額數等語去年曾經特

降諭旨。定例在京都統副都統前鋒統領護

軍統領等祇准各挑兵丁二名作為親隨其

驍騎校皆係職官不准作為親隨而外省將軍副都統等並未定有額數今據范建中查出將軍副都統等親隨官兵現在竟至四五十名之多酌擬數目請旨所奏甚是但為數尚多將軍副都統之親隨原因公務傳話而誤數人足敷所用今乃多至四五十名在將軍大臣等不過欲壯觀瞻而在官員則有專司之職事兵丁則有隨時之操演跟班日久本務技藝必致廢弛甚屬不合嗣後各省將

軍等准挑領催二名兵丁十名副都統等准挑領催一名兵丁六名作為親隨跟班不准任意挑取職官仍當恪遵屢降訓諭將所屬官兵盡心操演以臻精熟各當屏除浮飾虛文儻經此次訓飭後仍敢挑取多人或私令職官跟班一經查出必從重治罪決不寬貸

○諭軍機大臣等前因完顏岱奏稱青號賊匪竄至宜城小河口一帶滋擾湖北並無派防官員朕即以彼處堵禦之事並未認真辦

理今楊開甲賊衆一經竄撲鄆西該處守卡官兵即皆受傷衝散可見該處堵禦事宜全未妥協布置姜晟係本省總督豈專坐省城辦理尋常案件及軍火糧運等事竟置防堵要務於不問乎且現在倭什布係該省巡撫明亮亦係該省總兵以本地方文武大員辦理本地軍務尤應彼此協力同心肅清楚境並遵照前此諭旨實力團練鄉勇以資堵禦將此各諭知之○又諭鄆西大股賊匪仍折

竄蒿坪垭一帶其另股賊匪已向五郎一帶西奔自可不致東竄但賊匪靡定豫省西南邊界仍當督飭官兵實力嚴防至直晉東三省調到之兵著吳熊光等酌量情形如河南竟可毋庸此項兵丁即當全行撤回令其各歸原省儻防堵邊界尚須兵力協助亦應於調到兵丁內挑擇可用者各酌留數百名餘俱令回原省以節糜費○以翰林院編修蘇兆登為雲南鄉試正考官內閣中書蔡炯為

副考官翰林院檢討韓克均為貴州鄉試正考官吏部主事陳雲為副考官○以防堵河南邊界出力賞遊擊李正品都司楊景芬花翎守備黃文錦等藍翎○癸未

上御乾清門聽政○停四五品京堂及翰林學士等官京察驗看諭內閣繼善奏四五品等官停止驗看請照三品京堂一體帶領引見等語所奏甚是向來四五品京堂及翰林院讀講學士並左右庶子等官每遇京察之年

係吏部開列王大臣名單請旨簡派驗看分別等第由吏部帶領引見但此項人員職分較大俱係朕特加簡擢伊等與王大臣向無交涉事件又無統屬其賢否何由深知所定等第亦未必確當況於驗看後仍須帶領引見又何必多此一番驗看為耶嗣後四五品京堂及翰林學士等官即照三品京堂之例一體帶領引見不必由王大臣驗看著為令

○以

高宗純皇帝

北郊

升配禮成大典全備又值澍澤普霑賞前引後
護對引贊引及

壇上執事之大臣官員各加一級查

壇及陪祀之王公大臣官員並各項執事官員

紀錄二次其恭請

神亭及請禮轎校尉鹵簿大駕親軍校尉太常
寺樂舞生並提燈拜唐阿站道護軍墊道步

甲人役等各賞半月錢糧○以大理寺少卿

戴均元為詹事府詹事光祿寺卿阿隆阿為

太常寺卿○甲申

孝誠仁皇后忌辰遣官祭

景陵○

上詣

大高殿行禮

時應宮拈香○乙酉命侍衛富翰恒昆五保
住護軍叅領瑪勒呼善前赴湖北軍營○福

建海壇鎮總兵官許廷進以緝捕怠玩革職
留閩協緝○以廣東順德協副將張士儒為
福建海壇鎮總兵官○丙戌命左都御史汪
承霽工部右侍郎西成兵部左侍郎馮光熊
在紫禁城內騎馬○丁亥諭內閣昨給事中
邱庭澍奏嚴禁僭用帽頂一摺已降旨飭令
各按品級戴用矣因思國子監學正學錄及
各省教諭訓導等官有係進士舉人出身者
進士舉人例應截取選用知縣其頂帶本係
七品而學正等官則係八品若按品級而論
該員等得官後轉須降換頂帶似未允協再
九品及未入流應用起花銀頂一項向來未
見戴用此等微末之員若令其一時更換勢
須紛紛製辦亦多煩費著吏部另行詳議具
奏尋奏由進士舉人除授八九品小京官及
教職者均用素金頂由進士舉人出身降補
佐雜等官者帽頂均照現任品級至九品未
入流例用鏤花銀頂究係職官與生監有別

應令八品官用陰文鏤花金頂九品未入流用陽文鏤花金頂報聞○諭軍機大臣等昨考試各省保舉孝廉方正內有湖南優貢嚴如煜疏陳平定教匪善後事宜並呈出平日所擬平匪條議如地方官查拏邪教大率由市井無賴造作訛言將平日奉佛信巫之人指為邪教拘拏牽累激成事端若州縣官果能將無辜被陷者立予省釋挾嫌誣控者即行懲辦並剴切曉諭百姓有誤入邪教者一經改悔即為良民決不罪其既往小民具有天良自必互相勸戒不致迷而不悟始終從賊又聞謀之法亦兵家所常用此等教匪皆係一時烏合並非固結不解之衆難以離間但須與賊相習者方可混入賊巢官兵打仗時拏獲賊匪數人或數十人即盡膏斧鉞於賊匪大勢何損莫若貸其一死面為開導令轉回賊隊乘間將賊首賊目殺戮擒獻又用兵之道首貴紀律嚴明領兵各員當諄切訓

諭以臨陣退縮者為軍法所必誅而摧堅陷陣殺賊立功者必邀上賞即使効命捐軀亦得仰膺卹典恩及子孫與其退而死於法毋寧進而死於敵况奮勇直前未必皆陷不測將弁兵丁等果能共知大義踴躍爭先自必所向克捷至所擬屯田方畧雖屬古今成法但前代所行皆因鄰敵邊患而設寓兵於農且耕且戰以省運糧之費今教匪乃內地亂民勢難為曠日持久之計現當勦賊喫緊之際豈有如許兵力置之空閒其說迂闊難行嚴如煜現已用為知縣發往陝西並將伊呈出屯田方畧鈔寄長麟閱看該督當量其才具酌加委用將此傳諭知之○己丑諭內閣胡季堂覆奏調撥兵丁赴豫防堵並未親身挑派飭令扎勒杭阿在代防兵內挑選各兵技藝生疏實係各鎮協營未能挑選所致不敢代為隱諱等語直省為京師屏翰各營兵丁自應勤加操演俾將勇兵強作王畿之捍

衛況調赴別省協力堵禦尤應兵精械利不得以新募之人未嫻紀律者充數而胡季堂接據該鎮稟報正定等處協防兵丁僅可挑得五百名其餘俱不堪前往另派正定營兵三百名督標兵二百名湊足一千之數彼時胡季堂並未據實具奏若非吳熊光奏到直兵不能得加經朕降旨申飭該督必始終隱飾可見綠營積習全未悛改於召募各兵不加訓練並恐各營員挑補兵額時即未必足數仍不免有空糧之弊前因直省營汛墩臺多有坍塌損壞曾降諭旨令該督等飭屬加意整頓但修葺墩臺尚可藉口於無款可動若操演兵丁豈亦須動用款項乎此等訓練不力各營員最為錮弊而總督提督大員所司何事胡季堂特清額俱著傳旨嚴行申飭並交部議處總兵扎勒杭阿曾經行陣署理正定鎮事務已非一載諸事較為熟習是以將伊特調正定鎮總兵以專責成挑兵一節

係交伊一人辦理乃於挑派赴豫之兵率多技藝生疏是該總兵既不能訓練於前又不能慎選於後其咎甚重扎勒杭阿著交部嚴加議處此次經朕飭諭之後直省各營官兵該督等務須督率將備力加振奮認真操演冀成有用之師一二年後朕必隨時特派欽差前往查看如營伍再不能整齊精練必將該總督提鎮等一併治罪決不寬貸○以殲淨陝西逆首劉允恭劉開玉擒獲賊目王洪儒功晉經畧大臣一等男額勒登保為三等子賞鄉勇趙文超把總銜○庚寅諭內閣本年尚在
皇考大事二十七月之內筵宴典禮概不舉行本年班應來之東三省將軍副都統盛京五部侍郎各省將軍副都統等俱著停止明年再行按班入覲○辛卯諭內閣向來綠營出師員弁遇有臨陣捐軀者俱交部賜卹給予世職其子弟承襲引見時皆發本省督撫

標下學習以期造就成材該員等雖皆係本省之人但住居原籍距省遠近不一若相離較遠者一經到標即應常時到省學習或家有寡母及年邁祖父母在堂不無繫戀且家計貧窘者居多所得俸銀於當差之外豈能分贍其家伊等父兄俱經為國宣勞歿於王事自應曲加軫卹俾俯仰無憂方可專心練習嗣後承襲各員例應在本省督撫標下學習者除距省城較近之員應仍隸督撫標下學習外其距省城較遠者各就伊原籍附近各標營交該鎮將等勤加訓練每年該督撫調赴省城考驗一次俟三年期滿照例給咨送部引見酌加錄用以示朕軫念蓋臣後嗣優加體卹至意○以謝雨命通政司叅議汪日章恭齋

御書濯靈禹甸扁額前往保定府城

關帝廟拈香懸掛○以翰林院侍讀吳芳培為四川鄉試正考官吏部主事魏元煜為副

考官翰林院修撰姚文田為廣東鄉試正考官內閣中書湯謙為副考官刑部主事汪彥博為廣西鄉試正考官內閣中書韓掄衡為副考官翰林院侍講學士李宗瀚為福建鄉試正考官編修沈樂善為副考官編修陸以莊為湖南鄉試正考官內閣中書趙佩湘為副考官○壬辰諭軍機大臣等本年四月內據長麟台布前後奏到移兵陝省邊界及江口一帶分段堵禦閱所開單內和星額王文雄索費英阿長春汪啟王文湧等各員俱在陝省西南一帶分段駐守統計所帶兵勇不下一萬四千餘名彼時因賊匪本欲竄赴河南西南兩面設卡安兵斷其後路而東北兩面全無遏禦是欲逼令賊匪全趨豫境因降旨將額勒登保那彥成長麟台布四人拔去花翎嗣因額勒登保在商維一帶痛殲賊眾賊勢已向西趨距豫漸遠即將伊等花翎俱行賞還續復據額勒登保奏楊開甲一股賊

匪竄至鄖西經恒瑞扎克塔爾等帶兵追擊東面又有額勒登保等截勦賊折向西竄朕方以西南一帶有利長麟等所派重兵堵禦正可乘勢夾擊殲除淨盡乃本日台布摺內轉稱此時江口情形比前著重且距盤屋七百餘里僅有長春雄昂一路兵勇難以兼顧之語然則伊等四月間所奏布置各兵今俱何往豈此項駐兵續行撤去或別有調遣抑竟係長麟台布前此所奏全係紙上空談若果如此則伊等之罪無可逭且昨據額勒登保奏報張漢潮一股餘匪全行掃蕩現赴洵陽一帶追勦各股賊匪已知會長麟令其從孝義鎮安一帶前往江口兼調甘涼兵二千名於要隘安設以資堵禦並知會台布移駐興安就近督辦糧餉策應照料額勒登保之摺乃五月初一日拜發台布近在同省豈有於五月初四日發摺時尚未得信之理而伊摺內僅稱約計長麟距省二百數十里亦係懸

揣之詞究竟總督駐劄何處並未知悉看來該省巡撫與總督聲息全不相通督撫又與經畧不相聯屬伊二人互相推諉竟係有心貽誤長麟台布均著傳旨嚴行申飭長麟台布於無賊地方則以布置堵禦情形虛詞陳奏及至賊匪竄近則又稱兵力不敷此時新調甘涼兵二千又交長麟帶領豈又在無賊處所擁兵自衛耶賊匪現在向西奔竄伊等自必奏稱派撥兵勇防堵東面與前此西南兩面布置情形相等萬一賊勢又復折而向東又必以無官兵堵禦為詞似此賊去有兵賊至無兵其所奏豈復可信伊等於防堵事宜毫無調度一任賊匪往來奔竄全不先事豫籌惟知以請撥餉銀為事總之長麟台布如能屏除私見督率防範俾經畧追賊所到之處有兵截擊得以殲淨賊匪若仍前遷延觀望是額勒登保帶兵不能得力皆伊二人貽誤所致則長麟台布之罪較魁倫尤重勿

以身輕為嘗試慎之○癸巳諭內閣御史周
棫呈遞封奏各條內如朱珪因彭元瑞墜馬
跌傷將轎喚入西華門乘坐而出此事朱珪
一時疎忽原有不合但摺內稱朱珪雖無無
君之心而已有無君之跡所言未免過當甚
至比之和珅尤屬擬不於倫豈以朕袒護朱
珪如漢成帝庇護舊傳張禹而周棫自以朱
雲比擬乎又明安前赴泰安進香收受餽送
一節明安復命時即在朕前奏明是以未將

明安飭交吏議今該御史以明安始則見金
不能禁其貪心而又假奏明為倣倖求全之
地欲朕詳為體察無使以忠市詐以誠售欺
等語則是得受餽遺不行奏明者轉無不合
而明安據實自陳必欲忖度其心為此逆詐
億不信之舉豈公論乎至蔣兆奎任性執拗
引疾求去本屬乖謬是以降為三品職銜令
其回籍並令不必來京謝恩該御史以蔣兆
奎雖奉有不必來京之旨究應前赴宮門謝

恩請罪乃竟悍然不顧還自歸里應請交部
治罪若如周棫所言是朕已有旨止其來京
又因伊遵旨回籍復加譴責誘人犯法有是
理耶又摺內稱顏檢之叅魏若虛吳省蘭之
叅李焜不過意圖見好並非實心為公亦屬
失當從來干求請託必係素所熟識之人乃
該御史以顏檢吳省蘭與魏若虛李焜平日
既有交情即不應賣之見好豈竟應受其囑
託隱匿不奏轉為公正乎至吉蘭泰前因額

勒登保奏伊不能認真堵剿將伊革職在
軍營枷號示眾又溫承惠經台布奏稱前赴
安康洵陽應援殲賊多名人心寧貼交部議
敘今周棫以吉蘭泰打仗奮勇又能約束兵
丁撫卹難民所到之處感念者甚多溫承惠
在安康洵陽連獲勝仗並無其事此二節除
降旨詢問經畧額勒登保令其飭查覆奏外
該御史並未親歷其地究係得自何人傳說
有何確據應即向該御史詳悉詢問此摺著

交大學士九卿會同查議具奏其請停止考試膳錄嗣後仍於鄉會試落卷內挑取一事並著一併議奏尋詢據周棧稱吉蘭泰溫承惠二事並無指實嗣部議上請分別議處並以無庸停止考試膳錄具奏得旨朱珪著銷去紀錄四次仍降一級留任彭元瑞罰俸一年御史周棧仍免議餘依議○旌表守正被戕直隸河間縣民謝雲龍妻趙氏○甲午遣官祭

關帝廟○諭內閣阮元具題嘉慶四年分據各屬詳報並無逃官朱荃蹤跡一本朱荃於乾隆十六年在四川學政任內以匿喪趕考賄賣生童一案經三法司衙門議以溺死無據題請廣行嚴緝嗣各省督撫於年底據各屬詳報以並無該犯蹤跡循例具題一次今思朱荃犯事之時迄今幾及五十年該犯雖倖逃顯戮必久伏冥誅嗣後各直省年底題報並無朱荃蹤跡之本即著停止以省案牘

○又諭胡季堂奏教漢墾地民人停其攆逐一摺此項蒙古地畝招民墾種之初均出有押租錢文並非憑空占種嗣後民人挾資攜眷陸續聚居數十年來生齒日繁人烟稠密蒙古民人本屬相安無事迨耕種日多有礙蒙古牧廠因而呈請攆逐第此等民人本係無業出口種地以資餬口一旦驅逐未免流離失所若將蒙古從前所得押租概行追出不特事涉紛擾亦非體卹蒙古之意我朝中

外一家無論蒙古民人皆係臣僕赤子所有此項地畝除現在墾種者仍聽該處民人各安本業照舊交納租息無庸驅逐其押租銀錢係從前所得亦不必根查給還惟蒙古人等以牧養牲畜為業若聽民人耕占牧廠則日種日多伊於胡底於蒙古生計殊有關繫著胡季堂即派道員慶章親赴教漢切實查勘仿照將軍秀林所辦就現在居民所種地畝定界立碑清查戶口此外不准再行開墾

一隴亦不許添居一人俾蒙古民人永遠相安兩有裨益並傳集蒙古民人將所降恩旨詳悉宣諭俾共知感激以示朕一視同仁加惠給卹至意○諭軍機大臣等本日刑部題覆福建省方城等行劫陳維番銀并將陳維等擄禁勒贖一本將方城問擬斬決已照簽批發矣閩省盜賊肆行無忌已非一日朕前聞該省應試生童途間往來尚遭荼毒何況商旅玉德汪志伊何竟毫無聞見著即嚴切查辦以安行旅而靖盜風○吉慶奏捕獲靈山縣匪徒林大懋賞武生劉相武藍翎擢千總○丙申免四川被賊滋擾之射洪鹽亭遂寧西充南部劍長壽涪豐都平武松潘三臺中江綿梓潼江油彰明十七廳州縣本年額賦並緩徵安岳樂至石泉金堂茂簡六州縣本年額賦鹽茶課稅有差

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十七

大清仁宗受天興運數化綏猷崇文經武孝恭勤儉端敏英哲睿皇帝實錄卷之六十八

[illegible]

嘉慶五年庚申五月戊戌額勒登保奏報追

勦伍金柱大股賊匪得旨嘉獎賞犒兵銀五千兩護軍統領扎克塔爾等下部議敘以三等侍衛慶成為陝西陝安鎮總兵官鑄給吉林新設郭爾羅斯理事通判印從將軍秀林請也撥部庫銀五十萬兩解往陝西以備軍需己亥舉行嘉慶四年大計安徽卓異官六員不謹官一員罷軟官二員才力不及官三員年老官五員分別議敘處分如例旌表守正捐軀直隸豐潤縣民解繼銀

妻張氏守正被戕安徽宿松縣民唐大妻項氏免江蘇常熟縣坍沒沿海灘地三十頃九十畝有奇版荒田七畝有奇額賦庚子諭內閣前據刑部審辦葉起治砍傷伊母馬氏又任堯文扎傷伊父任元章身死各案今復有高傳氏毆死伊翁之事輦轂之下兩月之間屢見蔑倫重案教化不行朕深引以為愧至高傳氏之夫高奇山一犯雖訊據供稱於伊妻素日悍潑頂撞伊父屢經毆責不悛但該犯平日果能教導其妻亦何至兇惡至此且伊妻既經屢責不悛亦早應休出是該犯平日徇縱其妻致釀此案僅責四十板尚不足示懲高奇山著於高傳氏凌遲處死所重責四十板看視伊妻受刑後於犯事地方枷號一箇月滿日仍重責四十板以為縱妻不孝翁姑者戒甘肅布政使廣厚奏報擊勸西蘭鄉一帶賊匪得旨嘉獎下部議敘擢把總關殿魁為千總外委柴如柏為把總

士寅諭內閣前鋒統領護軍統領進班日期例應在景運門外直房進班下班之日亦必面見接班之人交代後出班此定制也今前鋒統領護軍統領出班並不俟進班之人進班之人亦不早至僅差一護軍校先為接班然後本人入直此內公永玉綿志恒寧別覓下處並不在直房上宿綿懿前進前鋒統領班時亦曾另覓下處殊屬不合從前綿恩係內廷阿哥王爵補授前鋒統領每逢入直俱在景運門外直房上宿彼時伊尚未分府在紫禁城內居住而不敢違制另覓下處朕所深知今永玉等俱係宗室公爵綿懿不過貝勒較之綿恩分位懸殊本年朕尚在二十七月之內並無巡幸之事伊等尚敢如此若二十七月後臨幸圓明園熱河時伊等必致曠班不可不加以懲戒永玉綿志俱著革去護軍統領恒寧亦著不必署理護軍統領仍各罰俸一年伊等所兼副都統及別項差使加

恩毋庸開缺綿懿人尚明白加恩仍留前鋒統領著罰俸二年以示懲儆永玉所遺正白旗護軍統領員缺著德麟調補德麟所遺正藍旗護軍統領員缺著丹巴多爾濟補授綿志所遺鑲紅旗護軍統領員缺著都爾哈調補仍兼副都統禁廷入直理宜嚴肅嗣後前鋒統領護軍統領等務各遵循舊制敬謹奉行毋忽諭軍機大臣等胡季堂奏拏獲傳教詎錢之高觀賢等審辦一摺畿輔重地遇有此等編造經語哄誘愚民之事地方官自應隨時留心稽察就案審辦但必須持以鎮靜不可稍涉張皇况閱所進經卷內首列祝頌之語其非為悖逆可知此案除首犯高觀賢等業經拏獲外其供出之吳洛興既為此案要犯自當一併拏獲歸案辦理此外供出各姓名既經分飭查拏於拏獲後只須治以應得之罪就案完結切不可輒轉株連擾及無辜方為妥協至該州和倫於此等斂錢誦

經之案甫經入境傳教即能連夜拏獲尚屬留心地方著於審明定案後加恩送部引見以示獎勵○額勒登保奏軍營出力人員賞遊擊王應鳳都司桑漢委叅領塔勒瑪善防禦托倫保花翎千總丁永安等藍翎○台布奏報追勦戴家營賊匪得旨嘉獎官弁升擢有差○裁烏什駐卡侍衛一員從辦事大臣都爾嘉請也 癸卯

上御乾清門聽政○諭內閣前經調撥直隸山東山西三省官兵赴軍營協勦均係新募之兵技藝生疏不能得力帶兵大員等恐徒有添兵煩費之名不肯檄調昨吳熊光奏亦稱該三省之兵於征勦無益但三省之中山西兵尤屬疲軟自軍營來者衆口一詞諒非苛論即如直隸兵丁定住尚挑選八百名赴陝勦賊而山西之兵竟為領兵各員所棄而不用現據那彥成奏伊所帶兵內即有山西兵數百名甚屬無用且有途次逃回原營者該

管營官置之不問而伯麟亦未經查辦昨那彥成自陝來京經過晉省見蒲州防河兵一千名皆係老弱詢之方維甸所奏亦同是該省防守之事竟屬有名無實各省召募兵丁全在地方無事之時實力操演以期有備無患遇有調撥必須兵精械利方足以資勦捕今晉省之兵如此不堪可見伯麟平日管束兵丁全未認真訓練上年因伯麟係以巡撫兼提督銜統轄營伍特加恩賞戴花翎今該省操防如此廢弛尚有何顏承受即著革去花翎並交部議處伯麟當倍加愧奮督率將弁竭力振作認真操演冀成有用之師予限一二年務令兵皆精練俟伯麟奏到時朕特派大員或侍衛等往查屬實伯麟仍可邀恩給還花翎儻仍前懈怠不能整飭必將該撫從重治罪決不寬貸其自軍營逃回兵丁著即查明嚴辦 又諭給事中王鍾健奏釐正文體一摺向來科場年分例不許條陳考試

事宜。如果陳奏之人於鄉會試別除獎賞。確有所見不顧處分。具摺陳遞。尚為有因。今王鍾健所奏盡屬空言。無關緊要。且據稱三場策問係屬記誦之學。未便因策對之佳遽行取中。又近科墨卷率以說文內不經見之字鈔寫一二。妄矜新奇。請旨飭禁等語。國家設科取士。三場並重。其策問內果能條對詳明。實足徵考訂之學。若如該給事中所言。專重頭場四書題文。是三場對策竟可裁撤。有是理。求至士子讀書稽古。原應博採羣籍。況說文亦非僻書。如能引據的當。是其平日尚屬留心訓詁。若概置弗錄。使空疏者轉得倖獲。豈崇尚實學之道。王鍾健所奏全不成話。又違例條奏。著交部議處。○諭軍機大臣等。京師自交夏至後。甘肅連綿。極為深透。因思南省正值大雨時行之際。湖水勢自必增長。現在邵壩漫口。未經堵合。大溜全注洪湖。高堰石工最為險要。吳璥係河道總督。自當以

河工為重者。即親赴高堰。於湖水未漲之前。妥為籌畫。實力守護。以期一律穩固。至洪湖宣洩盛漲。向來全恃開放五壩。惟五壩既開。則下游民田必多淹浸。亦非萬全之策。費淳與吳璥總宜彼此熟商。設法疏濬。俾河湖之水去路暢順。高堰石工不至十分著重。方為妥善。不可徒恃開放五壩。置下游民田於不顧。以鄰為壑也。將此諭令知之。又諭保寧奏哈薩克汗瓦里蘇勒坦遣伊子伯格里蘇

勒坦前往伊犁呈請將伊汗爵將來令伊長子阿帕斯蘇勒坦承襲。並請賞給印文一摺。尚屬可行。阿帕斯蘇勒坦著賞給公銜。作為瓦里蘇勒坦之嗣子。俟繕寫勅諭後。照例賜與緞匹。寄交保寧派員持赴瓦里蘇勒坦牧所賞給。令於明年年終於伊眾子內擇其已經出痘者。遣來瞻覲。將此傳諭知之。又諭昨據台布奏戴家營分股賊匪由小路竄至百姓溝黑河等處。黑河西通徽兩南通畧陽

沔縣責令索費英阿跟蹤攔勒等語已降旨責成台布長春索費英阿防堵西面一帶責成王文雄防堵南面一帶矣本日召見那彥成方維甸據稱黑河在棧道之西與徽縣兩當接壤即可直趨秦隴是戴家營分股賊匪業已越過棧道即可至甘肅境內恐額勒登保聞知此信遽捨現辦之伍金柱楊開甲等股賊匪親自帶兵赴甘則伍金柱等必復折回東竄仍擾及商雉地方額勒登保已屢獲勝仗伍金柱一股勢漸窮蹙正當趁此機會迅速殲除即可接勦楊開甲等股賊匪斷不可捨而至甘致賊東竄其徽縣兩當等處前經被賊蹂躪今賊匪已至黑河自應上緊截回雖現有台布索費英阿長春等在西面防堵尚恐不能得力現在額勒登保大營又添那彥成一路勁兵軍威極為壯盛儘可酌量分出著該經畧即撥兵二三千名交楊遇春管領由捷徑迅赴棧道之西繞出賊前與索

費英阿奮力攔擊將此股賊匪截回勿令竄入甘境○以翰林院侍讀學士普恭為詹事府詹事○甲辰

孝恭仁皇后忌辰遣官祭

景陵○諭內閣王德等奏拏獲洋盜審明辦理一摺已批交刑部議奏矣從前批交刑部速議之摺多係本日議覆具奏乃近日議覆各摺竟有遲至十餘日始行具奏者殊為延緩嗣後凡審辦洋盜及殺死一家數命等案即

批該部覈議具奏者亦限五日內覈覆具奏毋得仍前怠緩○鑲紅旗護軍統領兼鑲黃旗漢軍副都統都爾哈鑲紅旗漢軍副都統恒寧均緣事革職以鑲黃旗漢軍副都統奕紹為鑲紅旗護軍統領浙江處州鎮總兵官韓正國為鑲黃旗漢軍副都統刑部右侍郎高杞兼鑲紅旗漢軍副都統○乙巳

上詣

大高殿行禮

時應宮拈香 諭軍機大臣等甘省高二馬
五等股賊匪前據勒保奏已全數逼入番境
自投絕地滿望勒保乘賊窮竄之時悉行勒
淨乃辦理多日又任賊匪由黑河口一路輾
轉奔突調度不善著先行革去花翎以示薄
懲至叅將增順前於賊匪由哈南寨草地溝
一路竄入川境時係伊代辦松潘鎮事務疏
於防範實有應得之罪今賊匪又從伊安設
營卡處所衝出增順既不能奮力截擊竟退

回南坪是其疏防玩誤獲罪甚重著即在軍
營正法並傳集帶兵員弁看視行刑俾知儆
惕百祥係督防大員不能豫為督飭防範著
降為叅將至托津廣興現已飭令回京其達
州辦理糧餉事宜應於楊揆先福劉清三人
中酌派前往接辦將此傳諭知之 丙午諭
內閣朕自上年親政之初辦理和珅等一案
彼時那彥成本係軍機大臣朕看其應對明
白似有出息且係原任大學士公阿桂之孫

原冀其克繼家聲以備任使是以疊次加恩
擢用尚書都統派令管理戶部三庫崇文門
稅務及各處事務較他人為多竇欲造就成
材並非偏厚於那彥成也伊於該管部旗及
各處事件均非一人獨辦尚未見短每日召
見時於朕籌辦軍務宵旰靡寧一切皆其所
深悉嗣緣勒保明亮等先後獲罪軍營乏人
更換朕以那彥成正當壯年應有志上進况
曾目覩

皇考為軍務焦急直至

龍馭上賓之日未能解釋滿望伊去督辦或能

歲事以慰

在天之靈減朕之咎是以派赴陝西軍營授以
欽差大臣關防代明亮統領一路軍務那彥
成亦直任不辭而陛辭之前屢次陳奏伊到
軍營後如不能即時打仗求免催促俟可以
打仗時即不遺餘力奮勇直前等語豫為占
脚地步彼時朕心即覺不愜然業已派令前

往亦無忽行中報之理那彥成出京後途間行走已屬遲緩及到陝省接勦張漢潮餘股漫無布置惟尾隨賊蹤深入老林遷延歲月迄無成效其時大兵俱在山西輟轉跋涉此外全無官兵是以川省之賊乘間竄入甘境那彥成如果能及早分派官兵於陝西邊界悉力截勦賊匪自必仍折回川而額勒登保即可無庸赴甘將川省之賊得以一手督辦不必交付魁倫斷無任聽賊匪竄過嘉陵江

潼河擾及川西完善地方之事無如那彥成惟知在老林盤旋全置他賊於不顧遂致竄甘之賊日久蔓延川東川北之賊竄渡川西額勒登保不能兼顧魁倫因是獲罪雖經德楞泰在川西疊次勦殺賊匪仍行竄過嘉陵江以東荼毒無數生靈費卻無限兵力僅能將四川之賊截回若溯其失算之由皆那彥成在老林耽延所致用人不當朕深引以為咎當額勒登保督兵赴甘時張漢潮餘黨業

由老林逸出那彥成屢奉嚴旨始帶兵往甘省截勦惟於龍山得有勝仗殺賊尚多此後額勒登保追賊入陝那彥成在甘專辦高二馬五一股雖亦有斬獲而餘匪數百人由甘省白水江竄渡闌入川境那彥成並不緊躡追勦乘其衰敗一鼓掃淨輒將此股賊匪委之總兵百祥徑行帶兵赴額勒登保一路以致高二馬五等賊竄近龍安復行裹脅幾擾及附近省會地方經勒保督同鎮將等屢次

堵勦致將奮勇得力之總兵施縉因此陣亡賊匪被官兵勦急仍由松潘番地竄近甘境現在阿哈保等帶兵繞截是否能攔回川境勦淨此股尚未可知此皆那彥成棄垂敗之賊留遺餘孽以至於今也朕因那彥成在軍營不能得力且恐掣他人之肘是以召令回京以便詢問軍營實在情形其在老林內耽延之罪縱賊入陝甘之罪及縱賊入川之罪僅予薄懲將軍機大臣及所管各處事務斥

退仍留其尚書都統各大缺並准戴花翎留
經筵講官銜乃係格外加恩朕曾面諭在京
軍機大臣等方以那彥成接奉召回之旨自
必懇請仍留軍營即虛詞敷衍亦必應如此
而朕亦斷不允所請必令來京乃那彥成得
旨召回即束裝就道摺內並無懇留一語到
京之時連日召見朕微試其意亦總未懇請
復行前往是其視軍營為畏途肺腑如見迨
朕細詢軍務情形語及添兵則以各省無用

之兵添調何益語及添餉則以如此虛糜餉
項殊屬不值至辦賊之道不外堵剿二者那
彥成則以官兵追剿賊匪愈遠愈疲勢難剿
盡語以防堵機宜伊又以為兵勇皆疲堵亦
無益前因楊開甲一股竄至洋縣地界王文
雄帶兵截剿其由白沙河踰渡之賊有把總
王培璉赤身扛礮淌水轟擊不令過江西竄
朕方加之獎許而那彥成則以為不如聽其
竄往川境又戴家營一股賊匪竄至黑河有

欲趨徽縣兩當之勢朕即令楊遇春定住分
兵繞道前往攔截那彥成轉以為不如縱令
入甘地勢較平轉易辦理若果如此則那彥
成前在甘境辦賊何以不行勦淨又任其分
竄川陝乎那彥成似此措語游移毫無把握
已非奏對之體乃昨復召見詢以陝省賊情
據稱皇上洪福自能勦竣賊匪譬如蝗蟲非
人力所能捕淨況此事總關劫數如果劫數
已盡即現在守卡無用之兵一人亦能殺賊

十數人若劫數未完即有健將如扎克塔爾
慶成等帶領精兵亦不能得力此何語耶聞
之令人寒心朕又論及額勒登保現今連次
得勝之事那彥成復以額勒登保所奏如果
不虛再得一二仗即可將陝賊辦竣其意不
過因伊甫離軍營額勒登保即連獲勝仗心
懷妒忌為此將信將疑之語欲朕猜疑額勒
登保阻其成功此等居心豈能逃朕洞鑒試
思那彥成於前月二十七日自軍營起程額

勒登保卽於是日督兵奮勦將張漢潮餘黨
之在陝者先行辦竣旋於手板崖續得勝仗
又將伍金柱一股助惡之首逆龐洪勝殲斃
前後殺賊幾及五千人豈竟全不可信且詢
以川楚軍營情形據云全不知悉恐亦不免
虛誑等語豈德楞泰將川西之賊痛加勦殺
截回川東川北亦全係子虛乎那彥成游詞
獎聽其心實不可問若如伊所云一切堵勦
俱屬無用兵餉亦不必添惟委之劫數聽賊
自斃此乃心存膜視袖手旁觀竟似事不可
為置身局外者那彥成身為大臣又係阿桂
之孫受

皇考及朕厚恩至為優渥何忍為此搖惑人心
之言尚得謂之有天良耶朕召見軍營回京
之人原以其身歷行間見聞自確與懸揣臆
度者不同冀其稍有畫策贊助萬一即如松
筠亦係朕由西藏召回擢任陝甘總督因其
辦理未能妥協調任伊犁將軍又因楚省帶

兵乏人令其暫署督篆同明亮等勦辦楚境
賊股而松筠奏稱患病不能督戰懇請來京
面陳軍務朕不得已姑允所請及至到京詢
以方畧惟屢請將私鑄私鹽全行弛禁以斷
不可行之事潰奏不休然伊於軍務情形則
以團練鄉勇裁撤疲兵及分路堵勦為要尚
非漠不關心毫無所見是以僅示薄懲將伊
降為副都統職銜前往伊犁作為領隊大臣
乃諒其愚悃曲加寬貸若那彥成屢次奏對

無一言確實全係一片私心初次召見時尚
自認無能負罪引慝繼則毫無愧懼矢口亂
道率爾而對豈竟以此等伎倆在朕前嘗試
乎朕之初心未將那彥成全行斥革者原係
逾格矜全望其悔罪自効亦因簡任大臣不
欲輒行更易乃朕用人不得已之苦衷若大
臣等不知仰體朕心必欲激朕之怒朕亦非
不能剛斷之主也著將此旨交儀親王成親
王大學士軍機大臣會同六部滿漢尚書向

那彥成宣示令其明白登答由軍機處代奏若伊另有密奏之語亦令其自行書寫封交軍機處轉呈看伊有何分辯俟奏上時再降諭旨○又諭刑部叢獲屯居漢軍庶吉士趙繼昌與袁鳳瑞之妻袁趙氏通姦將袁鳳瑞誣欠控縣逼令退婚收納為妾照依該督原擬將趙繼昌發往極邊烟瘴地方充軍一摺趙繼昌從前會試中式進士時朕即聞其文理不通外間嘖有煩言是以告假多年不敢銷假散館此時若嚴行究辦必致又成大獄因事屬既往姑免追求至此案情節趙繼昌認袁趙氏為義女調戲成姦迨袁趙氏出嫁後屢經姦占甚至捏控袁鳳瑞借欠錢文逼勒退休收納為妾刑部照原議以袁趙氏先與趙繼昌通姦伊父母利資縱容非良家婦女可比又趙繼昌收納為妾在袁鳳瑞退休之後亦與強占不同援照兇惡棍徒生事擾害良人例問擬遣戍第袁趙氏若果先被伊

夫袁鳳瑞斥其不端自行休棄趙繼昌因而買娶為妾尚得以本非強奪量為末減今趙繼昌誣陷伊夫袁鳳瑞用計逼勒退休即與強占無異擬以烟瘴充軍尚覺法輕情重趙繼昌應即比照強奪良人妻女姦占為妻妾例定擬絞候入於秋審辦理至該犯原係告假庶吉士久經在屯居住其失察之該管旗分大臣叅領佐領固應照例議處但翰林院掌院及教習庶吉士各大臣有稽察訓課之責於趙繼昌告假期滿即當催令銷假散館如看出文理荒謬不能應試即可據實叅辦何得任其藉假遷延致倚恃職官聲勢姦淫橫肆彼時該掌院教習均有不合著該部查取職名一併議處餘依議○又諭刑部遵旨將從前獲罪官犯子嗣不准應考出仕及原案並無不准應考出仕官犯子嗣分別開單具奏朕詳加披閱內陳山崑係陳輝祖之子陳輝祖在總督任內聲名固屬平常但如吏

治關冗濫務武備廢弛究係空言即如查抄王亶望案內抽換抵兌一事亦不過卑鄙見小又楊烱係楊景素之子楊景素在總督任內聲名亦甚平常但尚無破案實據又另單所開之高稜高棚高攢均係原任廣東知府高綱之子高綱為僧澹歸製悖逆文集序文並募資刊行將該犯等發遣此不過比照大逆緣生辦理與實犯不同其原任布政使錢度之子錢邠不過隱匿伊父查抄財產原任海州知州鄔承顯之子鄔嘉壽鄔德壽鄔圖壽三人尤不過於應繳伊父借支銀錢糧石等項拖欠未完覈其情節均尚可原陳山崑楊烱高稜高棚高攢錢邠鄔嘉壽鄔德壽鄔圖壽均著加恩准其出仕應試至年羹堯大逆不道子孫本係永遠不許為官已忠辦理廓爾喀軍務貽誤子孫二三代內不准居官其王亶望等係甘肅捏災冒賑侵蝕錢糧福崧係婪索多贓虧缺庫項情節俱重其子嗣

應仍不准出仕應試至另單內官犯子嗣文敏等祖父各原案或遇賊退縮從軍脫逃或貽誤軍機挾詐飾欺或黷貨營私貪污敗檢或侵盜賞賜外藩銀物情罪均屬重大其子嗣業經釋回准令充伍食糧已屬從寬豈可令其復登仕版文敏等亦一併不准出仕應試○諭軍機大臣等吉慶奏洋匪投首訊明遞籍安插一摺粵省洋面盜匪屢經該督奏稱盜匪聞有自首免罪諭旨帶領夥匪先後投出者不一而足節經降旨以人數過多諭令該督妥為安插今又據吉慶奏盜首許亞勝帶領夥匪二十一名自行投出自不能不量為收撫但人數漸眾亦難以隨時管束務須妥籌安頓之法至該省洋匪既經接踵投誠洋面自應日就寧謐乃現據學政萬承風奏該省盜風仍未斂戢本日吉慶摺內並未提及又據奏陸豐縣前有捏稱共合義會哄騙斂錢之李崇玉等犯當經審明分別問徒

押發合浦等縣安置。今該縣紳民因李崇玉素性强梁，欺壓良善，聞有恭遇恩詔釋回之信，赴縣密稟，不欲該犯回籍。吉慶請將李崇玉發往黑龍江等處給披甲人為奴。從來無此辦法。況各省皆有應行赦回原籍流徒罪犯，若此例一開，紛紛具呈，皆不准放回。概行充發遠方，是遇恩赦轉加重矣。吉慶何太不曉事。若此著傳旨申飭。○西安右翼副都統永鄂患病，命回京調理。調鑲白旗漢軍副都

統祥保為西安右翼副都統，以總管內務府大臣明德兼鑲白旗漢軍副都統。丁未諭內閣：州縣為親民之官，必須官民相習。始於地方有益。朕聞近來各省督撫於州縣缺分往往計其肥瘠，輒轉調署，以致各州縣多非本缺。其中為公事通融調劑者亦所時有。而上司愛憎所屬為人擇缺者居多。勢必本缺署缺皆易生手。兩有貽誤於吏治。大有關繫。此弊各省皆有。而廣東為尤甚。各督撫等如

果為人地相需起見，何不奏明更調，乃任意高下其手，致啟屬員夤緣趨避之端。其風斷不可長。況州縣違例調署，督撫等原有處分。自當通行飭禁。嗣後各督撫等調署州縣，若不具摺陳奏，一經部中查出，或被他人叅劾，必將該督撫等交部嚴議。將此通諭知之。○又諭：那彥成外似有才，中無把握，見機遲鈍。遇事狐疑，不聽人言。自以為是。此次軍前叅贊雖有微功，不能掩咎。本應革職發往伊犁，

効力贖罪。但阿桂之子孫半年之內俱行遣戍，朕心實有不忍。伊等縱不念乃祖乃父，朕豈可不篤念老臣乎。那彥成在外不能決勝千里，在內不能運籌帷幄，洵為無用之物。分宜置散投閒。著革去尚書，都統講官花翎，格外施恩，用為翰林院侍講。在

實錄館効力行走八年，無過方准食俸。至於軍營情形，較前大有起色。兵精糧足，帑藏充盈。額勒登保等三人實能殄寇。秋冬之間必可

收功內外諸臣除軍機大臣外毋得干與軍務。莠言煽惑違者不貸。○又諭工部尚書員缺著琳寧補授。鑲白旗漢軍都統員缺著張永勳補授。張永勳所遺正黃旗漢軍副都統員缺著那彥寶補授。那彥寶係阿桂之孫。其才具雖屬中平。但現在阿迪斯於成都將軍任內獲咎。已發往伊犁効力贖罪。而那彥成又革去尚書都統。用為翰林院侍講。職分較小。即如和珅身獲重罪。伊子豐紳殷德尚係

固倫額駙。授為散秩大臣。福康安歷任封疆。簠簋不飭。伊子德麟現尚朱襲貝勒。阿桂乃勲勞舊臣。其子孫轉無一二品大員。朕心實有不忍。是以將那彥寶擢授副都統。俾資造就。伊惟當感激奮勉。力圖報効。切勿稍存自滿。以副朕眷舊施恩至意。○戊申。予江西故漕運總督楊錫紱入祀鄉賢祠。從巡撫張誠基請也。○免陝西被賊滋擾之渭南畧陽鳳華四州縣額賦鹽課。○己酉。諭內閣給事中

甘立猷奏請於京師地方照例宣講聖諭廣訓一摺。朕於上年曾經降旨。令各省有司每逢朔望謹將

聖諭廣訓剴切宣示。俾小民知所領悟。各地方官自應實力奉行。況京師為首善之區。尤宜先為開導。以期化行自近。嗣後著五城順天府大興宛平二縣各官選舉鄉約耆老於朔望之日齊集公所宣讀

聖諭廣訓。按期講諭。毋得視為具文。日久廢弛。

以副朕化民成俗至意。○又諭朕惟正朝廷以正百官。正百官以正萬民。欲敦民俗。先飭官方。我

皇祖世宗憲皇帝御極初年

特頒訓諭文職自督撫司道以至州縣武職自提鎮以至叅遊

誥誡諄諄。務俾文武大小官僚各揚其職。朕敦念

先猷。時時恭覽。仰見

皇祖訓俗型方。傲於有位實萬世所當奉守。惟各衙門尊藏日久。祇循例入於交代。未必能身體力行。是我

皇祖垂訓之深。心幾視為具文。安望其循名責實。無負朝廷設官分職之意乎。現在各省文武大臣官員等辦公餘閒。未必盡習於荒怠。亦或留心典冊。從事蒐求。但與其涉獵詞藻各書。何若恭繹

聖訓。砥礪官箴。以為化民成俗之本務。再各省

頒行

聖諭廣訓十六條

聖祖仁皇帝挈其綱

皇祖世宗憲皇帝詳其目。牖民覺世。剴切詳明。

近有御史條陳。請朕製孝弟忠信禮義廉恥

八論。宣諭百姓。朕思

聖諭廣訓。綱舉目張。朕即另製訓辭。亦斷不能

出

聖祖

世宗範圍。至於整飭百官。朕亦惟有稟承前志。以期實力奉行。大小臣工。但能恪守。與訓。即不殊聽朕誨言。各督撫提鎮等。其董率所屬。勉思職守。敬奉

成模。庶幾地方營伍。日有起色。用副朕顯承謨烈。申諭官常至意。旌表守正捐軀廣東新寧縣民朱昌。羊女朱氏。庚戌諭內閣。本日靈泰奏到。審擬兩案。一係旗人多幅扎死旗人扎勒杭阿。按故殺例。問擬斬候。一係奇臺

縣民張應順。疊毆伊妻張氏身死。按毆妻至死例。問擬絞候。此兩案情節。多幅係逞兇。故殺。張應順係毆妻至死。該署都統所擬罪名。皆係按例辦理。並無舛誤。惟多幅扎傷扎勒杭阿兩處。復起意扎死。洩忿。秋審應入情實。勾到亦應予勾。新疆距京遠。遠非內地可比。靈泰接奉此旨。著即將多幅正法。至張應順一犯。因伊妻張氏素性懶惰。不能照料前妻之子。向其斥詈。張氏肆行撒潑。該犯氣忿用

牛鞭亂打延至次日殞命張應順毆斃潑婦秋審時尚當入於緩決張應順一犯著靈泰照例監禁聽候覈辦各省獄獄全在隨案覈其情節即如靈泰同日奏到兩案多幅即予正法張應順則照例監禁並非朕嚴於旗人寬於民人若使民人所犯之案係屬故殺而旗人所犯之案祇係毆妻至死亦必照此辦理靈泰當曉諭旗民等咸知朕執法持平至意○諭軍機大臣等阮元等奏艇匪驟入浙境即馳赴台州督飭防勦一招自應上緊搜捕竭力堵禦仍行逼回閩粵洋面以便該二省迎頭截勦斷不可令其登岸致沿海居民猝被滋擾朕聞浙省海疆土盜甚多艇匪鳳尾蔡牽等幫肆行勾結為害押人勒贖更有奸民通盜寧波之姚家浦為最地方官總因處分太重故不嚴辦阮元尤當嚴行查察勿令潛行勾結並嚴禁沿海匪民接濟糧米淡水等物李長庚向來在洋捕盜素有威望曾

經賞戴花翎此次追勦艇匪應令温州黃巖兩鎮聽其關會協同策應以期號令專一肅清洋面將此諭令知之○旌表守正捐軀安徽懷遠縣民何三孜妻潘氏○辛亥諭軍機大臣等此次徐添德等大股賊匪向當陽等處奔竄經明亮等奮力截勦多有斬獲並因大雨時行河水長發賊匪不能徑渡向仙居等處奔竄即可逼歸山內聚而殲洗姜晟厚集鄉勇在南漳一帶堵截伊等合力同心覽奏殊深欣慰至續調之廣東廣西各兵一俟楚賊勦淨即當令其全數速赴額勒登保軍營以資調撥將此諭令知之○予湖北陣亡叅將李正勇外委汪奉彩楊學上淹斃把總劉朝品外委劉升祭葬加等世職如例遊擊陳戴德守備倪占鼐曾春章憲把總崔廷庫李紹元陳高龍趙廷棟候補把總孟淮玉外委鄧復禹邱世貴趙輝武萬啟貴方智張誠意祭葬世職如例武舉馬國棟祭葬世職如

千總例馬兵廖應魁祭葬世職如外委例兵丁哈豐阿等一千三十八名傷亡兵丁郭萬福等五百五十八名鄉勇周天錫等三百七名淹斃兵丁高奉文等二十六名賞卹如例陝西陣亡額外委徐東昇祭葬世職如外委例千總李文秀周孝淹斃把總海滿蛟祭葬世職陣亡淹斃兵丁徐貴等三十三名賞卹如例○是月密諭張誠基知朕聞汝前任官聲平常自去年以來頗知謹飭亦能整理地方惟察吏一節尚未詳備州縣得人民如戴慈父之恩豈有干名犯義之事若州縣貪婪苛毒或懈怠因循民不聊生尚不畏死馬能畏罪以致告訐仇殺釀成重案縱有好督撫亦不可救藥矣即如知府一官為州縣之表率不能正己焉望責人江西各知府每月薪米之費多取之於知縣大縣每月一百餘兩小縣八九十兩或云係舊規名曰月費知府進省一次各縣又送盤費七八十兩不等

朕聞建昌府嵩年南昌府椿齡二人不敢收受陋規尚知守法餘如瑞州府熾昌人極粗鄙操守平常臨江府清江縣知縣鄭國棟袁州府宜春縣知縣黃河清南安府南康縣知縣吳樞聲名皆劣難保無賄賂夤緣諸弊又寧都州石城縣知縣許翌年將七旬官聲平常民稱之為無牙虎此數員若果有劣蹟不可姑容又如同知何啓秀知縣黎承忠趙增官聲皆好朕所聞如此而應去取酌奪在汝秉公細訪以實申禁務令民安化淳官清吏正方為盡職汝其勉之毋忽朕又聞南昌總兵移駐九江一事頗為不便七百餘名兵丁父母妻子田產器具久在南昌未免安土重遷况九江亦未必有兵丁營房可安頓若與民雜處恐滋事端此一節應妥辦又聞省城內頗有持齋感眾之人此時自不便搜查亦須隨時密察消患未萌再辦虧空一事最難處置急則病民其患更太緩則帑乏終無補

期豈有各直省毫無積蓄不論事之大小用之多寡皆取於內庫之理若不重懲劣員法不能立法不立則政不行汝思之尋覆奏遵辦情形並開列清單呈覽內稱江西從前吏治廢弛州縣遇事婪索知府收受漕規月費節禮盤費所在皆然批非無故也因上司剝削耳所要之錢又不肯全奉上司一半入己層層如此小民何堪朕所以不准進貢者意在此大不法必小不廉至定不易之理又奏知縣黃河清吳楷二員俟查有劣蹟即行嚴叅批朕所聞果實即行辦理若虛不可因朕言致有屈抑焉知條陳者非與彼有憾耶○江蘇巡撫岳起奏查徐州賑務及被災民人情形得旨覽奏實深憫惻中澤哀鴻嗷嗷待哺皆朕不德以致子民失所卿須力為撫卹以減朕愆寧濫無遺以實要辦

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十八

[illegible]

嘉慶五年庚申六月壬子朔諭軍機大臣等

清實錄

嘉慶五年六月上

一摺戴家營賊匪前經官兵勦殺分股由黑河竄甘據台布奏係由索費英阿汛地逸出除將索費英阿革職交額勒登保查訊外至台布彼時在陝境西面往來彈壓未能督率將弁嚴為勦截咎實難辭而摺內並未自行請罪且辦理糧餉最關緊要今於經畧額勒登保大營在袁家莊勦賊竟至糧運缺乏所辦何事本應將伊革職發往伊犁惟念台布在陝經年甫知頭緒一時乏人更換是以姑

從寬貸。台布著革去翎頂。仍交部嚴加議處。以觀後效。至長麟前經額勒登保知會在陝省東面帶兵防堵。而本日額勒登保。台布奏摺內並未聲敘長麟在何處堵截。且伊係本省總督。索費英阿不能將戴家營賊匪攔截。致今由黑河奔竄。皆由長麟派委非人所致。亦應革職治罪。姑念長麟所駐之處距黑河稍遠。較之台布之近在西面。未能堵截者。尚屬有間。長麟著拔去花翎。仍交部嚴加議處。

以示薄懲。長麟。台布。惟當倍加愧勉。於堵剿糧運事宜認真籌辦。以期稍贖前愆。儻再有貽誤。必將伊二人從重治罪。不能再為曲宥也。○以四川軍標中軍副將馬瑜為貴州安義鎮總兵官。○甲寅諭內閣。上年九月

皇考高宗純皇帝升祔後。朕於孟冬時享歲暮裕祭恭詣

太廟行禮而

奉先殿尚未經特祭恭讀

皇考御製詩集註內詳載乾隆戊戌年因孝聖憲皇后升祔後未經

親祭

奉先殿特於是年孟秋之朔

親詣致祭而孟秋時享

太廟循例

遣王恭代朕思中元為祭祀之辰朕本擬恭詣裕陵致祭因查乾隆二年

皇考曾經降旨以秋令正值禾黍暢茂恐致扈

從人馬踐踏是以未經前詣

泰陵朕自當敬守

前謨不敢過禮至

奉先殿致祭則有

皇考成例所當做法遵行今朕特於中元恭詣

奉先殿前殿讀祝致祭以申誠敬所有應行典

禮著各該衙門照例敬謹豫備俟

奉先殿祭畢再恭詣

壽皇殿拈香行禮其孟秋時享

太廟仍照例遣王恭代○又諭托津奏接奉令
伊回京諭旨伊遂起程前來等語托津係特
派管理軍需之員今回京時自應將伊所管
營內現存銀幾萬兩約數幾月之用奏明即
目下所餘無幾尚需調撥銀幾萬兩備用亦
應奏明至德楞泰軍營距托津所駐達州甚
近其軍營要緊情形托津亦應遇便奏聞今
托津並無一語奏及僅含糊稱將檔籍及現
存銀兩均交勒保派出道員收領其現在究
存銀若干之處並未聲明實屬糊塗之至似
此無用之人即使來京又令其辦理何事托
津著革去副都統加恩賞給頭等侍衛前往
葉爾羌更換奇豐額回京○刑科給事中廣
泰奏臣巡視南漕每聞綠營弁兵升拔千把
竟有視為畏途者緣各營千把缺出係由本
營將官層層遴選保送各該鎮酌擬二三人
送提督考驗再送總督拔補往返數千里守
候動經數月陪選之人苦累尤甚乾隆五十

六年前任江南提督陳杰曾奏請分別督提
駐劄遠近就近拔補經兩廣督臣福康安議
駁並將向來不由總督考拔各營一體改歸
總督拔補窮弁畏賠累之苦營務亦難免曠
誤請嗣後千把缺出督提本標聽自行考拔
其鎮協各外營各視督提駐劄遠近由該鎮
徑送就近一處拔補至外委職分愈小各視
提鎮駐劄道里就近考拔以省跋涉得旨所
奏甚是兵部議奏尋議嗣後外委缺出各按
督提鎮駐劄營分分別就近考拔其提鎮拔
補之弁仍詳明總督咨部註冊至把總由該
鎮轉送督提考拔於體恤未弁尚未周備應
照考拔外委之例一體就近改歸本標拔補
千總一經拔補即可膺將備之選向來俸滿
保送均令送部引見自應分別歸於總督提
督考拔以昭慎重其撫標千總仍歸巡撫拔
補從之○調正紅旗漢軍副都統西成為正
紅旗滿洲副都統以理藩院右侍郎貢楚克

扎布兼正紅旗漢軍副都統○乙卯諭內閣。休致道員劉錫嘏援引空叅人員引見之例。在部具呈。經吏部議駁請旨。劉錫嘏與胡齊崙俱係景安叅奏胡齊崙業經審明正法。劉錫嘏雖無實在劣蹟。其平日官聲平常。朕亦素所稔知。前此景安所叅並非屈抑。是以上年秋閒查辦接駕人員。劉錫嘏未經酌加錄用。乃伊妄生冀倖。又向吏部具呈。實屬不安本分。劉錫嘏前已勒令休致。著即行回籍。永

不敘用。若再敢多事。必當治以應得之罪。決不寬貸。○又諭太常寺奏請將現任筆帖式明福補授滿典簿一摺。向來內外各衙門歸選之缺。例應由部銓授。不准奏請升補。今太常寺滿典簿既係選缺。而德明等率以筆帖式明福奏補。實屬違例。若云該衙門事務必須熟諳之員。方能辦理妥協。是凡有部選推升之缺。皆應將本衙門人員升授。而各部院亦俱紛紛奏留本部之員。吏部選法竟可置

之不用。成何事體。此非朕偏重吏部事權。況此時誰敢擅權。實因於銓政有礙也。且德明等以由吏部推升太常寺司員俱係人地生疏。不能辦事。若太常寺人員推升別衙門。寧獨非人地生疏。將遏抑不令升轉乎。況乾隆五十六年。曾經吏部議奏。各衙門如有應歸部選之缺。不准違例奏請升補。若不按定例。將該堂官交部議處。例意甚為明晰。德明等尚為此奏殊屬非是。著交部覈議具奏。○又

諭本日召見新授廣西思恩府知府金之忠。新選湖北宜昌府知府盧溶。朕察看二人才具。金之忠雖捐納出身。但在直隸山東歷任有年。且曾任濟南首府。辦理公務自能熟諳。思恩府僅止四屬。廣西現又無事。員缺尚非緊要。至湖北荆宜一帶。竄匪尚未勘淨。宜昌府係選缺。但該處現有團練鄉勇。督率堵守之事。且該府所屬共有七州縣。事務亦繁。盧溶係捐納出身。初登仕版。不足以資經理。所

有湖北宜昌府知府員缺著金之忠調補速赴新任其所遺廣西思恩府知府員缺即著盧溶補授○以右春坊右庶子多慶充日講起居注官○丙辰諭內閣恭閱

聖祖仁皇帝實錄內載

諭兵部我國家開創大業軍法最為嚴密凡擊斬賊衆攻取城池必據實奏報復行確覈功罪昭著從無虛偽冒功之弊今自用兵以來每覽各處奏捷章疏如擊敗賊兵動稱斬殺

甚多或云數千或云萬餘或云不計其數甚至賊棄空城尚云如何攻取如何恢復妄行虛報微功小寇任意鋪張議敘之時冀幸濫邀升賞嗣今諸領兵大將軍將軍督撫提鎮等凡報捷必確覈功績據實上聞如因循陋習冒濫軍功定以軍法從重治罪等因欽此仰見我

聖祖仁皇帝整飭軍紀賞罰嚴明至意朕思開國以來我滿洲帶兵大臣居心淳樸本無虛

偽之習且平定三藩恢復七省軍務極為重大帶兵大臣中如圖海張勇等皆忠勤奮勇實力宣勞用能迅奏膚功克成大業然其時睿慮周詳諄諄垂誡深恐軍營奏報有虛捏戰功鋪張粉飾之事飭禁綦嚴至現在敕匪不過內地亂民較之底定三藩難易何殊霄壤此時帶兵大員中若得有如圖海張勇諸人自必早經竣事乃自勦辦以來迄今已及五載尚未歲功設以現在帶兵諸臣勦辦三藩

豈能剋期集事是其敵愾宣力遠遜於國初諸臣而其奏報不實鋪敘戰功冒濫邀賞之事較之從前何啻倍蓰經朕屢加訓飭諭令勝敗皆宜據實奏報而軍營陋習至今未能盡改若不申嚴禁令何以肅軍紀而飭戎行嗣後各路奏報軍功務宜從實毋許一字虛假儻仍蹈前轍著兵部查明據實叅奏即所奏情形虛實兵部或未能懸揣但軍旅之事斷難掩人耳目如別經發覺或被人指叅必

按軍法從重治罪決不寬貸將此通諭各路帶兵大臣及陝甘四川湖廣各督撫知之○諭軍機大臣等費淳等奏蕭瑒二縣被水災民及徐州衛軍丁自四月起至合龍之日止約需賑銀三十餘萬兩請於江蘇藩庫及淮揚蕪鳳各關庫共酌撥銀三十六萬兩並酌撥碭山銅豐沛宿等縣倉貯麥豆一萬七千石以資展賑之用等語蕭瑒等處地方正值邵壩口下游被水成災地畝未能涸出難以播種小民生計維艱自須妥為賑卹免致失所今費淳等酌籌款項奏請撥給著照所請准其撥解以資展賑第現當帑藏不充需用浩繁之際費淳等因辦理展賑奏撥數十萬兩朕即如數准行費淳等務當督飭所屬認真查辦毋任稍有浮冒費淳等摺內雖亦有確查妥辦災戶均沾實惠之語第恐奉行不力地方官或仍視為具文以國家有定之經費供吏胥無限之侵蝕較之國用充裕時剝

削分肥者情罪尤重即如外省官員往往藉口倉庫空虛此亦難以憑信不肖州縣侵蝕公項無所顧忌甚至已徵不解以完作欠償還私債肆意侵挪如近日晉撫伯麟所奏之臨晉縣知縣張觀私動庫項至數千兩之多庫無存項何得供其侵用又如新任思恩府知府盧溶係捐納知府伊父係屬知州亦經捐升離任此等人員若不侵蝕庫項挪移影射安能本身捐升之外復為伊子捐納知府各省如此類者諒亦不一而足總在上司平日嚴行查察有犯必懲不致以公項飽其私橐方不愧大法小康之義費淳等辦理此次賑務當嚴飭所屬實力妥辦分毫顆粒均歸實用勿令官吏胥役人等得以中飽如查有滋弊之處費淳等自行叅辦尚可免其失察處分儻或毫無覺察致經手之員竟有侵欺情事經朕訪聞或被他人控告必將該督撫等一併從重治罪不能稍為寬貸也將此傳諭

知之○丁巳命江西碾米十萬石運赴陝西興安以備賑糶○戊午諭內閣兵部具奏議覆王德聲請開復水師人員一摺所有已革遊擊蔡得耀守備陳寶貴降調千總胡朝選已革把總黃炳忠黃飛熊等五員均著加恩降一等補用不必送部引見至海洋處分從前本係二叅為期較迫嗣經兵部援照陸路設有墩鋪之例改為四叅期限已寬若仍照二叅不獲處分之例聲請開復則水師員弁勢必無所顧忌轉致緝捕懈弛殊非整飭海疆之道所請四叅開復之處著照部議停止○又諭兵部具奏餽送富綱銀兩之衛守備王德和等八十三員均照例議以革職一摺此等逢迎上司私行餽送之員本應斥革一併發往軍臺効力贖罪但究由上司勒索且人數過多其餽送銀兩亦有多寡不同所有衛守備王德和黃以瓊二員餽送銀八百兩李仁華友鵬賈元三員餽送銀四百兩衛十

總張攀桂餽送銀三百兩以上六員所餽銀兩較多均著革職發往軍臺効力贖罪其送銀二百兩至五十兩之衛守備朱之興等七十七員銀數較少均著照部議革職○旌表守正捐軀直隸香河縣民王玉妻蘇氏○庚申諭內閣前據賡音布奏江南宿遷縣內舊建

高宗純皇帝御製碑刻有傾折之處因降旨飭令費淳查辦茲據費淳查奏該縣順河集地

方蠲免

恩諭碑現係敬側又

御製詩碑於乾隆五十六年七月內被風吹倒傾折現在趕緊賠修並查明因循未辦各員分別叅奏等語該縣建立

御碑被風吹倒以致傾折遲至十年之久不行修理外省廢弛惡習即此可見此等關繫觀瞻之事如此稽延其餘地方審辦案件稍涉難結者諒必任意積壓公事闕冗尚可問乎

即如在京各部院辦理尋常事件從未有遲至十年不結之事即具報一切工程亦無十年未辦者乃外省積習相沿似此未經查出事件諒不一而足所有此項碑座傾折之處蘇凌阿在江督任內有年實難辭咎費淳於接任後未經查出亦屬不合其賠修銀兩著在蘇凌阿費淳名下罰令各半分賠費淳著加恩免其議處俟碑座修竣即行摹搨進呈其前任宿遷縣調任江寧縣知縣張永浙聲名本屬平常著即革職前任徐州府現任山東運河道策丹著交部嚴加議處其歷任因循未辦之正署府縣及不行催辦之藩司均著查明交部議處○旌卹遇賊捐軀湖北房縣巡檢黃詔妻王氏僕婦何氏如例○壬戌諭內閣勒保奏審擬守備馬良柱被鄉團殺死一案所擬罪名俱未妥協馬良柱身為守備途次遇賊並不向前抵禦輒匹馬潛行若使其身尚在即當按律正法今既被鄉勇誤

殺除將伊卹典徹回外所有馬良柱子嗣永不准出仕食糧以示懲儆至外委張廷貴雖曾經禦賊旋即退回且所解弓箭全被搶失僅擬責懲革為兵丁不足示儆張廷貴著革職重責四十棍枷號一箇月滿日發往伊犁充當苦差○署四川總督勒保奏連日以來與司道悉心商榷就目前軍務情形而論川東川北往來奔竄之賊不下十餘股而勦賊之兵僅臣與德楞泰兩路刻下既無可調之兵又無添兵之餉自應遵旨通查受傷患病弁兵飭歸原伍以節糜費此外兵力不敷通飭各州縣團練鄉勇以資堵截惟是團勇一項與鄉勇有別如隨營打仗防守卡隘官給鹽菜口糧聽候調撥者謂之鄉勇百姓等自出已資修築堡寨擇其中年力精壯各備器械里民自行捐給口糧以為守禦者謂之團勇為今之計各路隨營鄉勇雖不能十分得力然查詢道路探聽賊情亦不能概行裁撤

且恐猝然刪減流而為匪。不可不防。惟有從此停止招募。自可日見其少。無虞糜費。至防守地方鄉勇如嘉陵江口一帶地方緊要亦不得不官給鹽糧。此外各州縣零星守卡鄉勇。擬令悉行歸併鄉團。仍設立團長首領名號。如果能殺賊立功。隨時奏加獎賞。至糧餉事宜。川省每年額徵正雜各款。計算支發。滿漢官兵俸餉。新疆臺費等項。尚有不敷。近年被賊州縣。屢蒙蠲緩。僅有十分之五。倍形支

絀。辦理軍需。惟有民間津貼。但所謂津貼者。如運糧腳價。臺站夫馬。官價不敷。由百姓出資幫貼。而川東川北。悉經賊匪蹂躪。已逐漸停止。迨賊過潼河。川西完善之區。又去其半。其未經被賊之處。不過四十餘州縣。未免漸形拮据。所幸本年雨水應時。收成豐稔。川省民田寬廣。賦比他省較輕。量加津貼。尚屬可行。亦應責成地方官。妥為經理。無許吏胥稍有影射。奏入諭軍機大臣等各處團勇。原令

其各保里閭。自為守禦。但近聞各處團勇。往往因賊經過。堡寨懼其攻破。將糧食等物。擲給賊人。冀免蹂躪。此則顯然助賊。必當嚴行飭禁。著勒保。遍加曉諭。如有私自助賊者。定即查拏。按律治罪。至民間津貼之事。原屬不得已之舉。但如川西川南等處。素稱繁富之區。今歲則嘉陵江潼河附近各州縣。被賊焚掠之處甚多。地方情形。迥不如前。若一切費用。咸取資於津貼。恐不肖州縣吏胥。辦理不

善。或致藉詞。勒派別生弊端。雖該省軍需浩繁。不能不稍資民力。然必須酌覈情形。妥協經理。不可專恃此項辦賊。尤不可任聽屬員需索。侵漁肥己。○額勒登保。奏報殲逆首楊開甲。得旨獎賚出力。官弁下部議敘。拔兵丁黃金玉。為千總。並賞藍翎。○又奏殲淨逆首張漢潮。餘匪出力人員。賞防禦顏冲阿。屯守備卡登明。花翎馬甲。德祿。藍翎副都統桑吉斯塔爾等。議敘有差。○調黑龍江兵一千

名吉林兵五百名赴川楚軍營更替○甲子軍機大臣等議覆給事中銜尹壯圖奏請慎拔真才以儲實用一摺諭內閣此次密保人員外間本無由知悉其所保之人將來若實有貪贓枉法情事經朕指出自應交部嚴議本有成例可循若果有出色之員建堅功績亦必將保舉大臣量加優獎權衡出自朕裁其主考搜閱落卷亦係現行事例所有議令各房考落卷由監試御史交送一節著禮部

載入科場條例至滿洲素以騎射清語為重即隨時訓諭尚恐未臻嫻熟若保題各缺皆用科甲出身之人是令其專攻舉業更致拋荒本務轉非造就滿洲人材之意自應循照舊例無庸另立科條俱著依議行○乙丑旌表守正捐軀陝西米脂縣民杜貴兒妻姜氏○丙寅諭軍機大臣等台費蔭叅奏青海扎薩克貝勒濟克默特伊什等各款從前青海蒙古屢被生番搶掠朕俯加矜全特派大員

多帶官兵前往查辦番眾畏懼始將所掠牲畜交出經台費蔭均勻分給伊等自應感戴朕恩歡忻祇領乃反稱被搶牲畜一百餘萬今僅給還一萬為數短少其言甚屬謬妄統計青海蒙古牲畜未必百萬有餘上年所報被搶之數亦不過任意虛捏至沿河一帶派兵會哨原為巡察邊境防範生番乃該王索諾木多爾濟聲稱屬下窮困不能會哨更屬錯謬至本年護送堪布赴藏例應派兵百名

此次僅派兵五十名而協理台吉沙津德勒格爾行抵穆爾古策地方指稱兵少輒敢私回尤屬目無法紀濟克默特伊什等俱照所叅交理藩院嚴加議處沙津德勒格爾著革去協理台吉台費蔭接奉此旨即傳集索諾木多爾濟等諭以奏聞大皇帝欽奉諭旨以爾等所獲各罪如內地臣工有犯此者即應擬斬姑念爾等無知祇將沙津德勒格爾革去台吉此係格外施恩至本年會哨因係初

次故將索諾木多爾濟加恩寬免。僅明年仍復如此決不寬宥。嗣後務當感激重恩。一切差務敬謹奉行。但思青海蒙古性本庸懦。茲竟肆行冒犯。難保無嘗試之情。台費蔭宜留心察看。如伊等稍形跋扈。著即據實密奏。朕自有處置。將此傳諭知之。○以禮部左侍郎曹城為浙江鄉試正考官。翰林院編修黃因璉為副考官。內閣學士李鈞簡為江西鄉試正考官。編修王麟書為副考官。翰林院侍讀學士劉鳳誥為湖北鄉試正考官。編修黃焜望為副考官。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之六十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之七十

整修總管官經是日講起屠淫官太子太傅武英殿大學士文淵閣領閣事務欽奉
上諭事件定管理工部事務翰林院掌院學士隨帶加

二級序常加四級。曹林鎮總教習太子太傅文淵閣大學士管理刑部事務加三級。戴均元總巡江蘇總督太子少傅內大臣文淵閣提舉。

事務察取奉 上諭事件處爲辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統領管理戶部

三序奉宸苑廣積園等處總理工程處御各購房御書唐太監院西洋堂事務軍功加五級隨卹加二級尋常加十三級紀錄二十一次日 榮和

經筵講官太子太傅禮部尚書工書房侍武英殿總纂官管理圖書監事務加六級隨帶加二級紀錄四出

教修

嘉慶五年庚申六月丁卯

上御乾清門聽政○諭內閣軍機大臣南書房

翰林等奏請將朕在藩邸時所製味餘書室

詩文全集刊刻頒行一摺從前

皇考御極初年。曾允大臣等所請。刊刻

聖製樂善堂詩文頒行海內

奎章炳煥。萬古常新。朕自維典學之功。實覺淺。

陋焉敢仰希

皇考。但諸臣等既有此奏。懇請甚殷。朕於幾暇。

亦曾檢閱曩時所作詩文。將沖年藁本量為

九二八

刪去。自乾隆丙申年以後。從朱珪習詩文。朝

夕講求篇章漸夥復經親為檢定其中尚有

可存之作但遽付棗梨恐字句間尚不無應

行斟酌之處著將朕檢存壬辰至乙卯年味

餘書室詩文仍交朱珪詳細勘訂如有應酌

之處黏簽陸續進呈俟朕閱定再發交繕刻

○又諭前因刑部尚書一時乏人令大學士

董誥暫行署理但該部凡遇帶領引見及奏

事列名大學士轉在滿尚書之後殊於體制

未協且刑部事務紛繁尚書員缺未便久懸

董誥著以大學士管理刑部事務其刑部尚

書員缺著張若淳調補汪承霈著補授兵部

尚書兼管順天府府尹事務其左都御史員

缺著馮光熊補授陳萬全著轉補兵部左侍

郎其兵部右侍郎員缺著平恕補授莫瞻菴

於刑名本非熟手。陸有仁係刑部司員出身。

素為諳悉。所有刑部右侍郎員缺。著陸有仁

調補其工部右侍郎員缺。即著莫瞻菴調補。

至漢大學士管理部務者。不諳清語。嗣後遇有引見之事。祇於摺內列名。不必一同帶領。著為令。○又諭前因御史周栻奏。內有吉蘭泰打仗奮勇。又能約束兵丁。溫承惠在安。康洵陽連獲勝仗。並無其事。二節。當即降旨。令經畧額勒登保查明覆奏。茲據額勒登保奏。吉蘭泰前在白水江防堵。未能截賊。本年又未能追勦楊開甲。致該匪等遠竄。均有應得之罪。近日更年邁衰庸。斷難供職。溫承惠

在漢興一帶督率鄉勇。隨處堵勦。尚不株守一隅。且係臬司大員。舉動無人不知。前由安康過江。直赴洵陽打仗殺賊。斷不能憑空捏造。並請令該御史前赴軍營查看等語。吉蘭泰遷延貽誤。本屬罪無可原。且衰庸已甚。即曲加寬貸。亦難望其出力。而溫承惠團勇殺賊。極為認真。並無冒功情節。周栻所奏。竟屬虛妄。御史雖許風聞言事。但遇有奸賊不法等事。自宜封章呈遞。即所言未必盡實。朕亦

不加責備。即如周栻奏。朱珪蔣兆奎等措詞過當。有意搜求大學士九卿議。以交部察議。朕因其言尚非盡虛。加恩寬免。至軍務重大。功罪攸關。若如該御史所言。是非倒置。何以飭戎行。而明賞罰。周栻冒昧陳奏。著交部議處。無庸令其前往陝西軍營。嗣後科道等於軍營事宜。既非確有聞見。毋得率行瀆奏。徒滋搖惑。○又諭提督總兵。皆係一二品大員。向有奏事之責。而近來各提鎮所遞奏章。

祇循例奏報雨水及請陞見謝恩等摺。於該管事務。從無一人奏及其識見。若何朕亦無由而知。從前雍正年間。各提鎮於地方營伍事務。條陳利弊者甚多。此時各提鎮即以地方事件。本非專辦。未能深悉。而營伍是其專責。亦未將如何整飭訓練之處。隨時陳奏。本日蘇靈差人齎摺。專係恭謝恩賞。千叟宴詩。并用駢句掉弄文墨。殊屬非是。著傳旨申飭。嗣後各提鎮應循照雍正年間各武職奏事。

舊規將營伍事件認真經理。如有所見不拘清漢字繕摺具奏。即地方事務遇有閭閻緊要者。聞見既確。亦當據實奏聞。毋得仍前僅以尋常奏謝及具報雨水等摺塞責。將此通諭各提鎮知之。○又諭直隸省民人田錫榮。因伊胞兄田錫紳疑竊肇釁。先被揪住掌批。該犯甫經掙脫走開。復被趕扭擒按。該犯又行央求。未經放起。後因疼痛情急。手往上揚。不期煙袋戳傷田錫紳斃命。細覈其情實與干犯逞兇者有間。上年薛存孝被兄趕毆。用刀戳斃。較此案情節尚重。猶以伊母年老。准其留養。田錫榮雖犯事在嘉慶二年。由斬決改為監候。已入秋審三次。但現在伊母年已七十四歲。與留養之例相符。且傷由誤戳。非出有心。即著從寬准其留養。○又諭王大臣審訊刑部貼寫金明塗。編造逆詞。將該犯比照大逆律凌遲處死一摺。朕細閱該犯所造逆詞。共二十字。如嘉慶傳位動刀兵。至今五

歲賊未淨等十四字。尚無悖逆情事。且教匪滋事以來。現在本未勦除淨盡。朕心時以為愧。若止係如此編寫。其罪尚不至死。其餘所寫六字。則顯然狂悖。即照王大臣等所定。予以凌遲處死。實屬罪所應得。第該犯究係意圖傾陷。經承富懋齡並非肆行編造逆詞。長篇累牘。與從前曾靜等逆跡昭著者。亦屬有間。金明塗著從寬改為斬決。壽長庚於遺失文書後。若回明本管司員。罪止杖責。乃因糊塗害怕。希冀掩飾。輒私行畫付盜用印信補發。圖避輕罪。轉蹈重罪。實由自取。著照所擬依律絞候。朱衡峯酒後與金明塗頑罵。因金明塗用言激怒。輒敢於印文內塗寫岳起革職四字。亦屬謬妄。但所寫字蹟。若有奉旨欽此等字。發行自應即照詐傳詔旨本律問擬。今該犯係酒後被激塗寫。旋欲撕去。情稍可原。王大臣等減等問擬。發往伊犁充當苦差。已足蔽辜。亦著照議行。至發文畫押之候。補

員外郎歐陽慎主事吳元慶於用印後並不親自封交該吏發行以致延擱滋弊及該司承辦失察之滿漢司員均著交部分別嚴加議處至大學士董誥在軍機處行走事務較多不能常時到部侍郎高杞到任甫經六日均著加恩改為交部議處其餘失察之刑部各堂官著交部嚴加議處○以大理寺少卿賡音為光祿寺卿○旌表守正捐軀山西薩拉齊廳民吳會妻王氏○戊辰諭內閣王德

等奏泉州府知府錢學彬稟請改補京職一摺內稱錢學彬年壯才明在任雖無貽誤而書生器局不能開展遇事恐懼轉形竭蹶實在不勝外任應飭令錢學彬離任另行給咨送部引見等語泉州地方缺分本好錢學彬調補該郡時地方各官於械鬪等案置之不辦錢學彬於無事之日則意存隱缺並未以限於才識稟請改補直至此時到任已越二年該督撫等實力查拏匪黨整飭地方該員

恐干處分心懷疑懼始藉詞具稟改補京職實屬有意規避錢學彬著交部嚴加議處仍令該督撫給咨送部候旨至王德等於此等有心取巧之員接據稟詞即當據實奏奉何得輒為懇請且既稱錢學彬器局不能開展實在不勝外任又云年壯才明在任並無貽誤亦屬自相矛盾王德汪志伊本應交部議處姑念伊等近日辦理漳泉各案尚屬認真免其交部仍著傳旨申飭其泉州府知府員

缺緊要福建現有候補人員著該督等奏明補授○台布奏報痛勦西鄉竄匪提督王文雄下部議敘餘升擢有差○以福建臺灣水師副將倪定得為海壇鎮總兵官○己巳諭軍機大臣等勦辦教匪迄今已及五年之久輾轉稽延尚未辦竣節經降旨令統兵大員等務於今歲秋冬之交剋期肅事本日已屆立秋轉瞬即交冬令尤不可再有延緩川陝楚三省教匪多留一日百姓即多被害一日

蓋官兵勦賊偶遇軍糧缺乏不能不忍受飢餓若教匪一經乏食勢必肆行焚掠殘燬村莊而生靈之受其荼毒者不可勝計朕仰荷上天恩眷躬承

皇考付託之重子愛黎元惟恐一夫失所即如秋審朝審及人命重案無不詳慎推勘心存矜恤其有一綫可原者即加寬宥不忍屈抑一人何況以無罪赤子任賊摧殘且各處被賊戕害者固屬良民即官兵臨陣勦殺者亦

多係被賊裹脅百姓每一念及為之盡傷並以軍務自元年至今五載不能早竣時深愧恨幾至寢食俱廢帶兵大員及封疆大吏皆當各發天良無分滿漢文武同心辦賊自能豫操勝算各股教匪惟以分路奔竄疲我兵力日久竟成流賊行徑治兵譬猶治水設遇奔流漫溢自應豫築隄防方可遏其衝決況辦賊之事無出勦堵二端然必先堵其去路始可乘勢殲除近日帶兵大員尚知奮勉勦

殺而前無攔截地方鄉勇不能得力仍任賊四散奔逃即如楊開甲一股雖經額勒登保將首逆殲斃其餘匪黨仍俱分竄勢必復行裹脅又與未經勦殺何異從前如湖北省擒獲張正謨聶傑人覃加耀等皆係先行圍困始克奏功可見勦辦賊匪究以實力嚴堵為重今以川陝楚三省情形而論川省民人往往團練築堡自為保聚並幫同官兵禦賊有爭獻米肉者而一聞賊匪信息即就近報明

州縣州縣等亦即轉稟督撫及帶兵大員似此聲息相通自能屢有克捷其次則楚省所辦亦尚認真惟陝省南山一帶則任賊往來官民皆不過問即賊蹤竄近亦無地方官豫行稟報互為堵禦之事雖陝省地方不及四川之殷實然民人等即自為身家計亦應築堡聚守共相抵禦何得視同膜外且節次降旨令長麟台布等於南山出入隘口及險要處所酌量開挖溝壕創斷道路至今未據奏

及該督撫俱係責成防堵之人。此等事有何難辦。而因循若此。又長麟於初到陝省時。於蔡堡團勇事宜。曾經具奏。數月以來。並未將如何籌辦之處。詳悉陳明。可見該督前奏。不過意圖見長。並未認真辦理。設果有難辦之處。亦何妨據實直陳。乃於防禦事宜。全無布置。試思賊匪分合。原無一定。然山川險要。自有一定。伊等總不能據險扼要。以致屢失事機。又何怪賊匪之日形散漫。勒辦迄無成效。

耶。現在該省惟西。同。鳳。三府未被賊擾。地方完善。該督撫等。尤當督飭所屬。扼要嚴防。無使賊匪一名闖入。即如川西一帶。被賊渡江。竄擾後。經德楞泰奮擊。勒殺。始能將賊匪攔回。地方安堵。若西。同。鳳等處。為陝省菁華之地。設有疏防。致完善處所。復遭蹂躪。則惟長麟。台布。是問。總之勒堵。同為一事。勒必兼堵。堵正所以為勒。各路帶兵大員。及該督撫等。自其祖父世受國恩。而伊等又身受。

皇考及朕委任深恩。具有天良。寧可不併力同心。互相策勵。勤者竭力奮擊。堵者則迎頭截殺。並激勸官民。協同守助。以期眾志成城。如有防堵不力之地方。文武各員。當大破顏面。其職分較大者。參奏辦理。職分較小者。即一面奏聞。一面拏究。務使兵氣奮揚。人思用命。於秋冬之交。將各股賊匪。一律廓清。同膺懋賞。儻再有遷延。必將伊等按律治罪。決不再為寬貸也。勉之慎之。將此傳諭知之。庚午。

湖廣總督姜晟等奏。楚省鄖陽之竹山。竹谿。房縣。鄖西。四屬。及宜昌之巴東一帶。均與川陝毗連。綿長幾三千里。萬山重疊。路路可通。防守實非易事。查楚省官兵。前赴川陝協勒者。為數尚多。是以各處邊卡。轉留河南。山東等省官兵防守。一有賊警。則防邊之員。只能就各邊卡。抽撥兵勇。勒捕。日追日遠。即不能回顧邊防。因此卡隘。益形單薄。從前楚省各卡。原設官兵一萬二千餘名。現止存八千餘。

名防勦兵力不敷因而添雇鄉勇支項所費倍增前奉

諭旨以軍機大臣會議請於鄖陽府設立道員改協為鎮移駐竹山竹谿地方於控制機宜最有裨益蓋邊境路長山險固守尤難另設一鎮招募新兵就近協防則鄉勇可漸加裁撤以歸節省現擬親身履勘將添設鎮道事宜妥議具奏並咨商經畧前由楚北派往川陝官兵如能撤回則河南山東等省官兵亦

可令回原營歸伍至團練義勇自應先就邊界情形廣為勸練臣等現飭各該縣於四鄉紳士義民內分舉首領每首領一人承管義勇百人或數十人以數十首領即可得義勇數千人遇賊窺伺一呼可集以赴邊堵禦之日起給予口糧賊去則令各安生業其中實在奮勇出力者即奏請優加鼓勵此外如襄陽宜昌施南安陸荊門各府州屬亦一律辦理至各州縣村落市鎮聞警即逃往往賊未

至而先已流散必須築堡捍衛各團壯勇賊至則奮勇協擊使之無人可裹無物可掠即屬堅壁清野之道實為制賊良法奏入諭軍機大臣等據會奏籌辦堵勦大局情形所稱團勇防禦等事皆係防備竄匪而設尚屬善後事宜又據奏楚省官兵多赴川陝協勦離營日久恐不免繫念家室不如調回本省協防之較為得力已降旨令額勒登保酌為對調此項兵丁回楚後其河南山東等省官兵

即當撤回原營歸伍將此傳諭知之○辛未調直隸泰寧鎮總兵官常懷義為天津鎮總兵官天津鎮總兵官哈豐阿為泰寧鎮總兵官○癸酉旌表守正捐軀直隸滄州民高均女高氏○緩徵河南睢州水災舊欠額賦漕糧○甲戌遣官祭

火神廟○諭內閣魁倫自上年署理吏部尚書時常蒙召見屢請前往四川軍營並以伊從前曾任四川營官於辦理囑匪時擒捕奮

勇曾將囑匪辦淨。現在教匪滋事尚不似囑匪之難辦。乃遲至數年尚未肅事。皆由帶兵大員等因循貽誤所致。若令伊前往必能剋期奏績。彼時朕即以其言大而夸。未允所請。嗣因勒保以總督辦理經畧事務。難以兼顧。且安生達州。於勦捕事宜。未能經理妥善。是以將勒保革職治罪。改授額勒登保為經畧川督。一時乏人。因念魁倫在川年久。又曾任閩浙總督。於地方事務。自應諳曉。特命伊前

往署理四川總督。並未委以軍旅重寄。上年冬底。川省賊匪由陝竄甘。其時額勒登保有鑒於勒保之株守不動。遂於本年正月初一日。由達州帶兵前赴甘省。彼時四川別無大員。額勒登保因將川省零星賊股。交與魁倫接辦。若魁倫自揣不能勝任。即應阻留額勒登保不令前往。或據實奏明。請旨定奪。乃竟直任不辭。復於達州地方逗遛八日。以置辦兵丁衣履為詞。又復繞道行走。以致賊匪乘

間搶渡嘉陵江。以西茶毒無數。生靈。魁倫並不親身督勦。僅派阿哈保朱射斗前往追躡。又不妥為策應。以致朱射斗失利陣亡。以後魁倫愈加畏葸。惟於鳳凰山紮營。屢次奏摺。總以防守潼河為名。從未與賊接仗。適德楞泰遵旨帶兵馳到。屢殲賊眾。朕彼時諄諭魁倫以防守潼河。是伊生死關頭。特宥其縱賊渡嘉陵江之罪。加恩降為三品頂帶。令其固守潼河。以觀後效。魁倫若果能實力堵禦。俾

德楞泰得於潼河以東。將賊匪勦淨。是魁倫前此疏縱之罪。早經寬釋。而防守潼河。將功贖罪。即不能復還頭品頂帶。仍可留任總督。詎魁倫疏於防範。經劉清稟請暫留黔兵以資防守。又復批飭不准。致令賊匪竄過潼河兩岸。將完善地方百姓。肆行殘害。幾至擾及成都省城附近處所。幸德楞泰督兵奮勦。始將賊匪驅過潼河東岸。彼時魁倫僅幫同勒保打仗一二次。旋又帶兵前赴龍安。川省百

姓無不感激德楞泰而怨恨魁倫其輾轉避賊恒怯無能若不加之顯罰何以肅軍紀而飭戎行且川西被賊黎民不可勝計此而猶欲曲事姑容豈無辜受害之百姓目不忍觀耳不忍聞者獨非民命乎因降旨將魁倫革職拏問交勒保等審訊擬以斬決經王大臣等復加覈擬無異本應即將魁倫在軍前正法特因教匪究係內地亂民若將失律大員即在該省辦理恐啟莠民蔑視官長之漸是

以令其解京仍命王大臣等連訊兩日魁倫亦惟俯首認罪無可置辯且於團勇誤殺解送弓箭之守備馬良柱一事並不據實奏聞轉將馬良柱捏報陣亡濫邀卹典其欺飾之罪亦據供認不諱復經王大臣等照原擬請旨將魁倫即行正法並遵旨將從前軍營債事各員辦理成案六件檢查進呈以備比擬如馬爾賽訥親張廣泗雅爾哈善俱經明正典刑此四人因勦辦準夷金川回部外域較

之魁倫情罪尤重至所開李侍堯則係原擬斬決蒙

皇考改為監候覈其原案止於不能豫防回匪致田五等糾眾謀逆復株守靖遠不即趕赴軍營以魁倫之畏葸退避縱賊殃民與李侍堯相比情節更重至楊應琚任雲貴總督時因辦理緬匪調度乖方捏飾欺蒙原擬照統兵將帥貽誤國事例擬斬立決曾蒙

皇考加恩賜令自盡魁倫身任總督與楊應琚同其調度乖方亦與之同至於魁倫屢次以防守潼河入奏隱遂其避賊之計又於馬良柱一案捏詞具奏其欺蒙隱飾亦與楊應琚同魁倫種種罪狀固應正法但究係自請前赴軍營其情尚稍有可原魁倫著照楊應琚之例免其肆市著刑部堂官傳旨監視賜令自盡乃於萬無可貸之中寬以一綫此即朕過於姑息之處然於軍紀所關斷不肯曲宥一貽誤封疆之庸臣而膜視小民之被賊戕

害陷於非辜也。魁倫之子完顏扎拉芬並著發往伊犁効力贖罪。以示懲儆。特將辦理此案緣由通諭中外知之。○又諭人君馭下之柄不外賞罰。不可稍有偏倚。必以至公無私處之。切莫豫立成見。惟視其人之自取。無所容心於其間。賞濫則不知感勸。刑濫則民無所措。有功缺賞。失鼓勵之道。有罪不罰。損懲創之法。在平時尚不可少闕。況行軍不明賞罰。事必難成。貽誤因循。為害益大。失律之臣

不誅。奮不顧身者何勸。豈有數萬子民。身膏原野。骸骨拋零。為君父者漠不關心。必欲曲法保全一債事之庸臣。我大清國豈有如此庸碌卑鄙之主。茲因治魁倫之罪。特行明白宣諭。○又諭據額勒登保奏。查明防堵不力各員。分別劾參。並將出力之員懇請交部議敘一摺。朕詳加披閱。各員功罪。總兵索費英阿係在杜家莊專司防堵之員。戴家營一股賊匪由辛峪竄出。經道員王文湧參將緯克

圖等截擊。後賊匪由黑水峪折入山內。復從索費英阿所管地界奔竄。此股賊匪係額勒登保勦敗之餘。為數不滿千人。而索費英阿所帶兵勇有一千七百餘名。兵多賊少。如該總兵能奮力截勦。自可痛加殲戮。不令他竄。乃該鎮並未將賊匪截住。即跟追後。亦未能緊躡賊蹤。與之接仗。致賊匪竄入甘境。索費英阿疏縱之罪。實所難辭。且伊已年老無能。業經降旨革職。若仍令帶兵自効。不足示懲。

著照吉蘭泰之例。即於軍營枷號示衆。俟軍務告竣。再行發往伊犁効力贖罪。涼州鎮總兵長春在江口一帶駐守。雖所帶兵丁有一千六百餘名。然因索費英阿追賊去後。該鎮分撥兵丁移駐兩河。兵分見單。且伍金柱股內賊匪分竄攻撲營卡時。該鎮屢經擊賊。殲斃三十餘名。因竄匪分股較多。不能兼顧。較之索費英阿情尚可原。然僅請革去總兵及巴圖魯名號。並拔去花翎。亦覺過輕。長春著

革去總兵及巴圖魯名號並拔去花翎加恩降為遊擊隨營効力自贖布政使台斐音於辦理團勇一事未能豫先籌畫妥為布置總理軍需糧運於大兵進至鎮安五郎時又未能趕運接濟實有應得之咎自應降調照額勒登保所擬示懲台斐音著拔去花翎降為道員溫承惠在紫陽一帶督率鄉勇堵禦賊匪最為出力所有陝西布政使員缺即著溫承惠補授至王文湧自勦賊以來帶領鄉勇於要隘處所屢次堵賊且伊係文員能與衆將緝克圖奮力勦賊截回竄匪實為出力可嘉王文湧即著補授陝西按察使其所遺鳳邠道一缺即將台斐音降補仍令辦理軍需事務以觀後效副都統和興額在峪口地方防堵既未能將冉學勝等股賊匪截住而伍金柱股匪亦旋由該處逸出該副都統總未奮勇堵截迨賊匪竄後又不盡力緊追其罪雖較索費英阿稍輕而較之長春則重豈可

仍留副都統之任和興額著拔去花翎革去巴圖魯名號降為防禦隨營帶兵効力自贖至堵賊出力之王文湧業經加恩升擢叅將緝克圖能會同地方文員實力捍禦著有勞績洵為出力之員著加恩以副將升用遇有缺出即行奏補如從前未經得有花翎即著賞戴花翎此二員無庸復行交部議敘總兵汪啟在桅杆石五道梁等處分防雖疊經盤獲逆匪堵禦亦屬認真但防守事宜是其專責尚未著有殺賊功效此時暫不必交部議敘如果該員始終奮勉出力再行據實保奏候朕另降恩旨○撥浙江商捐銀五十萬兩解往陝西以備軍需○是日得雨賞引見遇雨人員葛各二匹○乙亥申嚴赴京越訴治罪例諭內閣朕勤求治理明目達聰今都察院步軍統領等衙門接到呈詞即行奏明申理以期民隱上通不使案情稍有屈抑但國家設官分職自有等差各省民人遇有冤抑

之事本應先赴州縣衙門具控如審斷不公再赴該管上司呈明若再有冤抑原准來京控訴但外省由府縣而上至督撫豈無一二公正之員何至無從昭雪乃近日來京呈訴之案殆無虛日其中多有以閭閻細故瑣屑上控甚或挾嫌圖詐任意株連並聞有不肖之徒以不干己事挺身包攬科斂錢文作為資斧既遂貪心復稱仗義此等莠民平日賦稅則任催不納詞訟則抗斷不遵地方官決

獄催科小施刑罰輒即捏詞上控希圖報復似此逞刁滋訟若不稍示限制於人心風俗殊有闡繫即如閩省械鬪屢禁不悛粵省抗糧致將官員乘輜擠碎皆由民人等不知畏官所致即教匪肆逆固由貪官污吏激成事端亦因不逞之輩藐視官長而起豈可不豫防其漸向來民人越訴定例綦嚴而藉端傾陷赴京告訐歷有明禁嗣後各省軍民人等凡有赴京呈控之案如果係實在冤枉曾赴

該管上司控訴仍不准理或批斷失當及閭涉官吏執法營私者審明得實自當將原審各員及所控官吏按律辦理若未經在本籍地方及該上司先行具控或現在審辦未經結案遽來京控告者即所告屬實仍當治以越訴之罪著傳知都察院步軍統領等衙門遇有外省民人來京呈控之案具奏後交刑部訊明如係越訴者即按例先行懲治再將本案審辦並令各省督撫將赴京控訴之律

例通行刊刷出示曉諭俾刁健之民知所儆畏各省督撫等於屬員中其聲名平常不孚輿論者自當嚴行糾劾而官聲素好被人誣捏者亦當善為保全至小民冤枉自不可不急為中理其砌詞誣捏挾制官長拖累善良者尤不可不大加懲創庶健訟之風漸知悛改民俗可日臻淳厚特此通諭知之○以翰林院檢討王瑤臺為陝西鄉試正考官刑部主事張志緒為副考官兵部侍郎陳萬全為

江南鄉試正考官翰林院檢討何學林為副考官○以西安協領明祿為涼州副都統○丙子以詹事府詹事戴均元為內閣學士兼禮部侍郎銜仍留山東學政任○予浙江故禮部左侍郎金甦入祀鄉賢祠從巡撫阮元等請也○予甘肅陣亡兵丁李昇龍等五十名賞卹如例○戊寅諭內閣玉德奏審擬德化縣差役張虎斃命輪姦一案向來交外省審辦之案多有將原告審虛者此案德化縣知縣李宗澍業已病故該督等無所用其迴護是以究出實情按律定擬除張虎一犯業於審明後即行正法其黃鑽張鑾二犯不但隨同張虎攔截索詐斃命復與張虎將黃珠娘輪姦兇淫已極若問擬絞候應入於明歲秋審情實始予勾決未免稽延黃鑽張鑾均著即行處絞至德化縣知縣李宗澍於縣役斃命之案並不據實究辦輒將縣役改作民人並諭令刑書捏為自行訪聞不但規避

處分且欲見長邀功若使其人尚在其罪不止發遣今因身故免議不足示懲著該督查明伊之長子如有官職或係生監即行斥革發往軍臺如係平人亦即發往軍臺効力以示懲儆其餘各犯仍著刑部覈擬具奏再聞省向有械鬪及搶人勒贖之案地方官懼干失察處分往往延擱不辦有意消弭此等惡習最為可惡嗣後該督撫等務須通飭所屬實力整頓遇有此等凶惡匪徒必當隨案嚴懲其地方官查緝不力及有心隱匿即行嚴叅治罪不得稍有姑息將此通諭知之○命吏部郎中周鏐提督貴州學政○旌表守正捐軀安徽太和縣民賈文運女賈氏○己卯以先賢閔子後裔閔廣源襲五經博士○旌卹遇賊捐軀湖北均州武生張聯元生員張敬仁張朝選及民人張金榜等八十四名口如例○庚辰諭內閣吳璥等奏河庫道葉雲前在廬州府任內不能約束伊孫於經過所

屬地方有供給夫馬飯食之事請飭令該員離任留工幫辦其河庫道員缺請以候補道沈啟震補用等語而摺內又稱密為訪察葉雯尚無劣跡並以該員係河工出身於河務諳練老靠請留工次是葉雯尚屬河工得力之員其不能約束伊孫咎止失察尚非大過何至遽令離任看來吳璥等竟係欲為沈啟震補缺地步所辦實屬非是葉雯著仍留河庫道之任其失察伊孫之處著交部議處沈

啟震著在南河幫辦邵家壩堵築工程俟有河道缺出奏明補用○諭軍機大臣等各省倉庫虧缺經朕密諭各該督撫逐一清查設法彌補以歸實貯原以虧空之案官非一任事閱多年若概行查辦則經手虧缺及接任虛報各員皆當按例治罪人數未免眾多或尚有賢員亦覺可惜是以寬其既往之愆予以彌補之限此係朕格外施恩各該督撫惟當實力查覈將該省實在虧缺若干其離任

各員如何追繳現任各員如何彌補並作何分別年限一律清釐之處一面查辦一面據實密奏方為實心任事之道乃近日督撫中如岳起則將江蘇省盤查案内虧缺一事抄錄硃筆密批咨報戶部荆道乾則將安徽省州縣交代展參案內以倉庫有虧聲明咨部惠齡則請將山東省未完州縣處分暫緩例議均屬非是已降旨飭諭外各省虧空一事朕既責成各該督撫密行查辦自當仰體朕

意實心經理豈得以和盤托出即可自占地步置身事外乎况一經報部即當按例參辦又豈能姑容不肖之員使之無所畏忌耶近日各省清查虧空惟聞廣東浙江不動聲色以次清釐辦理已有成效其餘多係漫無章程未見認真經理著傳諭各該督撫惟當通盤查覈趕緊彌補據實密奏所有報銷錢糧仍當按限題達其經徵不力之州縣亦當按照未完分數循例參處不得將虧缺數目輒

行咨部。並為屬員開脫處分。如設法清釐。實有一二州縣不能彌補。必須奏明嚴辦者。自當據實奏。按律治罪。若能全數彌補。則尤所深願也。○又諭兵部。奏駁護貴州巡撫常明。辦理狎苗案內鄉勇卹賞銀兩一摺。所駁甚是。此案冊造陣亡受傷鄉勇一萬二千三百一十六名。經兵部駁查。該護撫即將受傷鄉勇六千餘名及陣亡無眷屬者一千餘名。刪除其餘共發給卹賞銀十九萬餘兩。咨部覈銷。所辦實屬錯誤。鄉勇均由軍營招募。非如兵丁實有額缺冊籍可查者可比。既經兵部駁查。自應詳查名數。覈實辦理。乃該護撫並不遵照部駁查明造報。又不待題准。率行給發。遽請報銷。顯有影射浮開情弊。頃召見馮光熊。詢以鄉勇情形。據稱鄉勇一項多寡虛實本難憑信。即發給卹賞銀兩亦不能按照應得數目。如數給予等語。是此項請銷卹賞銀兩實不免有冒濫之弊。琅玕甫經到任。

無所用其迴護。著傳諭該撫。揀派前此並未辦理軍需。平日居官公正者數員。將前項卹銀查明經手之員。如何任意浮冒及護撫常明何以並不遵照部駁。即行給發。請銷各情節。逐一查明。如有將餉項私行餽送。歸入鄉勇項下冒銷。如胡齊崙者。即當據實嚴奏。毋得稍有隱飾。○是月。兩江總督費淳奏謝寬免議處恩。得旨。吏治不振。民何能安。總宜振刷精神。切勿姑息。養患滋害。其咎甚於要錢。為大吏者。非一清字所能包括也。勉之望之。

集

九四三

太廟遣莊親王綿課恭代行禮○諭內閣恩長等奏續經查出和闐所屬各城有糧無地之回民七百五十二戶併丈出官荒地二萬零六百四十餘畝請全數撥給開墾一摺著照所請所有查出官荒地畝即照前次分撥官地章程按數撥給有糧無地之回戶均勻開墾以示朕惠養回民有加無已至意○兩廣總督吉慶奏拏獲糾衆拜會匪徒知府丁如玉知縣朱麟徵下部議敘賞生擒首夥之舉

人方世型等職銜有差○壬午諭內閣費淳吳璥奏報伏汎安瀾一摺內稱清口迤東入海之路甚為迅駛運河分洩暢行五壩石脊上僅過水一尺五寸高堰誌椿出水尚有八尺三寸等語此皆仰賴

上蒼垂佑

河神默助欣慰之餘益深欽感俟該督等奏報秋汎安瀾時尚當敬發藏香前往虔答神貺並將該督等酌加恩敘現屆秋汎為日方長該督等當倍加敬慎實力宣防無得稍存自滿之念至吳璥另摺所奏察看南河工程有應行放淤化險及逢灣取直之處酌擬籌辦一節黃河水勢靡常全在隨時相度機宜因勢利導朕斷不為遙制即在廷臣工並未身親其境亦難以懸揣情形率行擬議惟在該督等度量地形博採輿論妥協經理毋得師心自用方為不負委任至黃河漫溢自古為然我朝

列祖

列宗飭令河臣開挑引渠加築隄埝工程不知凡幾所費金錢不啻幾億萬萬計蓋以河防一事原所以保衛民生偶遇潰溢不獨居民漂溺堪虞即有遷徙高阜者其室家田畝皆已淹沒仍不免流離失所以國家不惜多費帑金鳩工集料並設立河工大小文武官員分防經理無非為小民籌及萬全期於安堵總司河務者如果平日加意隄防河流自然順軌即或偶有漫溢之事能趕緊堵築俾帑項不致多糜工程克臻穩固實所深願即或費用較多但能為小民保護無虞帑金原所不靳若河員等平日捏報險工侵欺入己而於辦理要工時又復偷工減料任意冒銷以致屢築屢墊如近日叅辦河工員弁莊剛劉普等為河工積蠹既將該犯等按律治罪其子孫所捐官職亦一併斥革是伊等侵冒錢糧貽害百姓既為國法之所不貸即為天

理之所不容。嗣後河工文武大小官員。務當
滌慮洗心。力改從前陋習。如能各矢天良。認
眞辦理。為民捍患。不但身受國恩。子嗣亦必
蒙福。僕仍前玩工侵帑。殃及黎民。本身即倖
逃法網。其孽報必在子孫。民命至重。不可不
倍加警凜。莊剛劉普等。即其前車之鑒也。將
此通諭知之。○申諭祭祀日期。午門外隨扈
大臣官員。不得於例外多帶騎從。○癸未。

上詣

大高殿行禮。

時應宮拈香。○甲申。廣西思恩府屬定羅司
土巡檢徐能文緣事革退。以其子典章襲職。
○旌表守正捐軀浙江江山縣民李滿思妻
周氏。安徽壽州民益材員妻王氏。○乙酉。台
布秦義勇首千總銜孫榮於五日內。獨力支
撐。擊退魏家寨前後賊匪。并救出吳家寨被
虜難民。賞授千總實缺。○丙戌。諭內閣。正黃
旗都統等。奏據魁倫家屬呈繳房間衣飾等

項一摺。並開單進呈。魁倫前在川省辦理軍
務。種種玩延貽誤。伊在潼河防守不力。任賊
匪乘間竄渡。荼毒無數。生靈其獲罪實在於
此。至其平日居官操守。實為廉潔。即如魁倫
前在福州將軍任內。叅奏閩省虧空一案。彼
時被劾多人。皆係其讐怨之家。魁倫若非平
日並無劣蹟。則結怨不少。豈不慮人舉發。今
魁倫失機。債事身獲重罪。固由自取。業經王
大臣等定擬斬決。因伊能廉潔。所以寬其一

線。不令其身首異處。加恩賜令自盡。現在魁
倫名下應交官項。亦多係閩海關應賠盈餘。
短少銀兩。並非侵貪入己。應行追繳款項。可
比。若魁倫果有執法營私等事。早應將伊家
產查抄。何止僅著賠繳。且計應賠之項。為數
十萬二千餘兩。即將該家屬呈出房產。悉數
賠抵。尚不及十分之一。若全行入官。必致合
家流離失所。伊妻究曾為一品命婦。亦未便
令其無所棲止。著加恩將單內家下人住房

一所三十四間賞給伊妻居住其餘照例入官所有不敷賠項竟行寬免至魁倫之子完顏扎拉芬前經降旨發遣伊犂効力贖罪魁倫貽誤軍務獲罪甚大伊子自難輕貸但魁倫止有此子其孫亦尚在襁褓若令其年久遠成伊妻未免無人照料著再格外加恩准令伊子於到戍効力三年屆滿後即令該將軍奏明釋回到京日交該旗挑補馬甲賞給錢糧一分俾資養贍仍不准挑補別項差使

此係朕憐念魁倫平日官聲尚好曲加矜卹以示法外施仁之意總之服官奉職首尚清廉果能自勵清操即身蹈愆尤尚可仰邀末減其子嗣亦得格外蒙恩大小臣工不可不砥礪廉隅共相勗勉也至魁倫去年曾經面請八旗官員人等於本名上各系姓氏所見甚謬朕彼時即經面飭未經准行而伊子仍以完顏冠於本名之上殊屬非是著於本名扎拉芬上除去完顏二字並將此通諭知之

○命工部尚書琳寧在紫禁城內騎馬丁亥諭內閣兵部具奏每年立秋後應請操演兵丁一摺操演兵丁固在該管大臣平日盡心訓練該兵丁等亦當自思既入行伍各項技藝即應專心演習今八旗各營兵丁並不勤習騎射惟知飲酒賭博並染種種惡習此皆該管大臣官員等平時並不盡心教導操演時不過虛文塞責以致廢弛如此嗣後該大臣等務將該管兵丁盡心教訓務使習勞專心技藝勿令遊蕩偷安俾其均成勁旅以副朕諄諄訓戒之意○以嗣老山空封閉雲南永昌府屬茂隆銀廠從總督書麟請也○以提督銜軍營効力七十五為四川提督調貴州安義鎮總兵官馬瑜為四川重慶鎮總兵官○戶部議准江蘇巡撫岳起疏報昭文上海二縣轉則田五頃一十一畝有奇照例升科從之○戊子諭內閣軍機大臣會同吏部等衙門議覆吉林將軍秀林奏郭爾羅斯

地方民人開墾地畝各事宜一摺。蒙古游牧處所。例不准內地民人踰界前往開墾。惟因蒙古等不安游牧。招民墾種。事閱多年。相安已久。且蒙古每年得收租銀於生計。亦有裨益。是以仍令其照舊耕種納租。此係朕為體恤蒙古起見。乃秀林奏請照吉林民人之例一體納租。大屬非是。方今中外一家。普天莫非王土。但蒙古向來游牧之地。既許內地民人墾種。若復官為徵收。竟似利其租入。豈朕

愛養蒙古之意。今軍機大臣等議令設官彈壓。不令經徵。並不准照吉林地丁收租。所議甚是。至秀林奏將長春堡界內居住蒙古等另擇善地移出一節。該處本係蒙古等游牧之所。豈有轉令遷徙之理。秀林不曉事體。著傳旨申飭。仍令查照軍機大臣等所議。再行查勘。酌定租數。俾蒙古民人兩有裨益。以副朕一視同仁至意。○又諭。御史文通奏請將山東糧船改為冬兌春開一摺。所奏尚是。山

東糧船向係冬兌上年經陳大文奏改春兌。原為免幫船守凍起見。但本年冰泮之後。甫行受兌。以致開幫遲滯。轉將豫省船隻通融先行。東省各船經該巡漕等竭力催趲。直遲至半月後始克銜尾前進。實屬遲緩。本年幸係閏月。得以無誤。明年又係全漕。年分若照此辦理。勢必有逾到通定限。而南省回空船隻在後行走。必致轉受凍阻。殊未妥協。所有山東糧船嗣後著改為冬兌春開。交巡撫惠

齡督飭糧道妥為經理。勿致遲誤。○己丑以

故輔國將軍永譽子綿丹襲三等輔國將軍

○庚寅

孝懿仁皇后忌辰遣官祭

景陵。○諭軍機大臣等。據馬慧裕奏葉縣知縣

廖寅稟稱。因寶邨匪徒滋事。設卡盤詰。拏獲

著名首惡之劉之協。並被脅同行之冀大榮。

即據指實質之該犯。供認從前在扶溝犯事

脫逃。及現由邨縣勾結復要。到陝楚各情節。

直認不諱等語。劉之協為教匪首犯。漏網已久。既經拏獲。自應解京懲治。現已特派侍郎高杞。馳驛前往嚴行審訊。並派乾清門侍衛興長。佛倫。保隨同前往。如傳到眼目。質認明確。即著高杞。興長。佛倫。保。小心管押。迅速解京。○又諭。現在川東竄匪。苟文明。竄至雲陽。屬之露草壩一帶。該處接壤大寧。與楚省房縣。歸巴。處處可通。明亮。僅派參將曹星。帶兵八百名。往堵究不足恃。著孫清元。酌帶兵勇。速赴房縣一帶。實力堵禦。若稍有疏虞。惟孫清元是問。明亮接到此旨。即傳知該鎮。加倍奮勉為要。○以掌雲南道御史蕭廣運。為河南鄉試正考官。內閣中書董彩鳳。為副考官。大理寺卿恩普。為山東鄉試正考官。戶部員外郎焦以厚。為副考官。左春坊左贊善茹荼。為山西鄉試正考官。戶部員外郎倪思淳。為副考官。○辛卯。命京營右翼總兵長齡。為領隊大臣。領吉林黑龍江兵。赴湖北軍營協同。

勦賊。○貴州巡撫琅玕奏。擒勦廣順等寨滋事。青苗楊文泰等。得旨嘉獎。加琅玕總督銜。參將雙林。副將銜署臬司周緯。知府陳熙藩。下部優敘。擢署知州范來泰。為知府。並賞花翎。賞狝苗內舉人王淪等。加一等頂帶。兵丁一月錢糧。○予陝西陣亡都司趙禧。已革知縣王行儉。四川陣亡從九品熊均衡。祭葬。加等世職。如例。遇賊被戕。陝西同知齊默。慎司獄黃定。湖北陣亡巡檢黃詔。祭葬。世職。如例。○壬辰。旌表守正捐軀湖北江陵縣民楊方一妻張氏。○癸巳。諭內閣。前因東三省官兵調赴軍營。日久不無疲乏。續行調派吉林黑龍江官兵一千五百名。前往更換。其需用馬匹。已飭令河南省上緊備辦。乘騎並於直隸營馬內。先後撥給八百匹。解往應用。因思直省額設營馬。節經酌撥。一時不能足額。著加恩於官馬內。挑出堪用者八百匹。撥還直隸省。補足所缺營馬之數。著兵部行文直隸。

總督胡季堂派員來京接收俾營馬足數應用○命文武大臣兼署部旗僅在一月以內者毋庸專摺謝恩○馬慧裕奏報勦辦寶邨滋事教匪悉數殲除得旨嘉獎賞騎都尉世職擢候補叅將亮祿為副將賞花翎知縣劉元吉以知州即升均下部議敘擢擒獲首逆劉之協之知縣廖寅為知府並賞花翎賞出力兵丁一月錢糧○以各路軍營連獲勝仗並擒獲首逆劉之協加軍機大臣慶桂等軍

功一級紀錄三次軍機章京下部議敘賞兵部尚書傅森花翎○轉理藩院右侍郎貢楚克扎布為左侍郎以內閣學士和寧為理藩院右侍郎○杭州將軍范建中以疾解任以鑲黃旗滿洲副都統普福為杭州將軍調鑲藍旗漢軍副都統額勒布為鑲黃旗滿洲副都統以兵部右侍郎范建豐兼鑲藍旗漢軍副都統○以山東沂州協副將豐紳為甘肅肅州鎮總兵官直隸河屯協副將楊奎猷為

甘肅涼州鎮總兵官○旌表守正捐軀直隸易州民邢亮妻牛氏○甲午諭內閣朕廑念民依於各省雨暘及年歲收成刻繫懷抱向來各省田禾夏收秋收分數多有先奏約收復於一二月後題報實收者在各督撫臚章入告自應覈實報聞即先報約收分數後適遇旱潦偏災收成稍減原可隨時具奏何得因先已奏過約收稍存迴護乃外省習氣因州縣離省遠近不一每虞府司覈轉遲延於

正在揚花吐穗間即率行約畧開報其所報分數已不足為憑此後遇有晴雨不時所收實數未必能如約收之數該州縣率以具報在前心存粉飾即聞有災荒亦以諱匿為曉事而府司等又輒迴護前詳即州縣偶有具報者亦多方駁飭惟期與原報相符以致成災之處不加勘辦且照常催徵置災黎於不問實堪憫惻朕於各省奏報災稔立時加恩賑濟惟恐一夫失所從不許地方官有諱災

之事。節經諄諄訓誡。但恐各督撫仍有未能深喻朕意者。著再通行飭諭各省。於奏報約收分數時。即須據實開報。如具報後續因旱潦蟲傷。以致收成不能悉照原數者。該督撫即當據實續行入告。斷不可因奏報約收在先。稍存諱飾。至地方官捏災冒賑之弊。原所不免。但該管上司果訪查確實。又何難嚴叅治罪。但不得因豫防冒捏情弊。遂於報災之案。有心批駁。以致民隱不能上達。關繫尤重。

各督撫尚其體察閭閻。留心民瘼。於陳奏雨暘年歲之摺。語必從實。以副朕惠愛黎元至意。○諭軍機大臣等。前據馬慧裕奏寶邨地方有匪徒焚掠之事。旋據葉縣稟報。盤獲首犯劉之協。本日馬慧裕馳奏。已將寶豐等處匪徒千餘名悉數殲除。並提到眼目。認明劉之協屬實。劉之協為教匪首逆。勾連蔓延。荼毒生靈。乃該犯仍敢在豫省糾結潛謀起事。並欲為陝楚教匪接應。實堪痛恨。仰賴

昊穹垂慈。

皇考默佑。俾豫省新起教匪一千餘人。立時剿捕淨盡。擒獲首逆。明正刑誅。可見教匪劫數已盡。從此各路大兵。定可剋期蒞事。朕於欣感之餘。轉覺惻然不忍。蓋教匪本屬良民。祇因劉之協首先簧鼓。附從日衆。徵兵勦辦。已閱數年。無論百姓無辜。橫遭殺戮。被脅多人。迫於不得已。即真正白蓮教。皆我大清國之赤子。祇因一時愚昧。致罹重罪。至各股賊首。

先後就誅者。如張正謨。聶傑人。覃加耀。林之華。齊王氏。姚之富。王三槐。冷添祿。羅其清。高均德。龔建卜。三聘。王登廷。張漢潮。冉添元。陳士奉。楊開甲。龐洪勝等。無不身受極刑。全家被戮。雖孽由自作。亦係聽從劉之協倡教而起。白蓮教獲罪於

天。自取滅亡。其頑梗可惡。其愚蠢可憐。朕仰體上天好生之仁。於萬無可貸中。寬以一線。著經畧額勒登保。叅贊德楞泰。及各路帶兵大員。

並各督撫等將劉之協擒獲一事廣為宣播
並傳諭賊營伊等教首已就誅戮無可附從
至於裹脅之人本係良善百姓何苦為賊所
累自破身家如能翻然悔悟不但免誅並當
妥為安置即實係同教畏罪乞命棄械歸誠
亦必貸其一死若經此番曉諭之後仍復怙
惡不悛則是伊等甘就駢誅大兵所到殲戮
無遺亦氣數使然不能復加矜貸額勒登保
等鼓勵將士務於今秋迅掃賊氛奠安黎庶

同膺懋賞將此傳諭額勒登保德楞泰明亮
陝西甘肅四川湖北各督撫知之○乙未中
元節

上以

高宗純皇帝升祔後特詣

奉先殿前殿致祭行禮○詣

壽皇殿行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子 還葬祭

孝淑皇后殯宮○遣官祭

瑞慧皇太子園寢○諭軍機大臣等據吳熊
光奏寶邨潰匪二百餘人竄至彭山一帶此
等潰匪或至沿途裹脅務當悉數殲擒教首
劉之協業經質認確鑿著即撥兵二百名派
委署遊擊亮祿知縣劉元吉押解探迎高杞
興長佛倫保接解來京至劉之協與冀大榮
逃至葉縣北關冀大榮即密告門兵朱中林
因而稟縣擒獲是冀大榮首指要犯頗知大

義竟當拔補把總實缺再優加賞賚門兵朱中林得信後即密報該縣即時擒獲頗屬能事亦著拔補把總以示獎勵○丙申諭軍機大臣等阮元奏生擒各海山逸盜三百餘名所辦尚好惟鳳尾幫二十餘船仍遁往大陳山而閩洋蔡牽幫船又竄入浙境水澳幫船復駛往三盤是溫台洋面盜船尚多阮元務須督飭該鎮等會同閩粵兵船不分畛域三面截擊毋任在浙洋日久遊奕將此諭令知

之○調鑲紅旗漢軍都統傅森為鑲藍旗滿洲都統以鑲白旗滿洲副都統書敬為鑲紅旗漢軍都統調正黃旗漢軍副都統富成為鑲白旗滿洲副都統以太常寺卿阿隆阿為正黃旗漢軍副都統○贈故禮部尚書德明太子少保予祭葬謚恪勤○丁酉轉都察院左都御史達椿為禮部尚書以吏部右侍郎書敬為左都御史調禮部右侍郎文寧為吏部右侍郎以內閣學士英和為禮部右侍郎

○戊戌諭內閣據宋澍奏新例駐防旗人另設學額上年通恩原奏將新進生員歸入府學約束但各學教官於清語騎射皆不通曉令其教導轉屬無益等語所奏尚是所有駐防新進生員即著照所請交該佐領約束於清語騎射加意訓習其月課文藝則交府學閱看各省駐防俱一體遵行○己亥諭軍機大臣等本日姜晟奏賊匪折回鄖縣紅石河花果園一帶並竄至穀城均州等處已諭令

長齡將所帶吉林黑龍江兵徑赴湖北勦賊午刻吳熊光報到所奏適與朕旨脗合可嘉之至至陝匪離豫雖遠但恐被勦緊急折回商雒一帶吳熊光於查看老河口江防後即在適中之地駐劄兼顧西南兩面並分飭常林田永桐完顏岱等嚴密巡防勿稍疏懈將此諭令知之○以殲勦寶邨竄匪功河南巡撫吳熊光下部議敘擢都司楊景芬為遊擊賞花翎賞兵丁一月錢糧○庚子諭內閣刑

部奉江西省民人周德章毆斃十一歲幼孩黃叅才。又山東省民人何元耀毆死妻母郭氏二案。該撫等將該二犯均問擬情實聲。明周德章之母齊氏現年八十歲家無次丁。何元耀本生母孔氏現年七十一歲並無別子。嗣母楊氏現年七十三歲亦無可以另繼之人。可否將該二犯改入緩決。准其留養之處。奏明請旨等語。朕詳閱此二案情節。幼孩黃叅才係代伊母向周德章索欠。該犯斥其不應。催討黃叅才不依。拉住周德章哭罵。該犯順用手帶烙鐵嚇打。致傷偏左黃叅才愈加哭罵。仍拉住周德章不放。用頭向撞。該犯欲圖脫身。復用烙鐵嚇毆。適傷黃叅才腦後左耳根倒地。逾時殞命。是該犯兩次隨手用烙鐵嚇毆。釁由逼債殺出無心。黃叅才並非獨子。該犯之母現年八十歲。別無次丁。周德章一犯著加恩改為緩決。准其留養。至何元耀係醉後晚歸。因身上寒冷埋怨妻母郭氏。不

幫女做衣致相爭吵。伊妻荆氏在旁解勸。該犯嗔其袒護。取趕麵軸將荆氏毆傷。郭氏隨取棒槌格落麵軸。該犯復取桌上菜刀架格伊妻上前奪刀。該犯即用刀砍傷荆氏右額角。荆氏負痛外跑倒地。將燈搥滅。郭氏拉住該犯拚命。該犯情急用刀格砍致傷郭氏偏左等處。殞命是何元耀砍斃妻母。雖在黑暗之中。而該犯取菜刀架格。係在燈未搥滅之前。且伊妻先經砍傷跑逸倒地。則一室之中。除郭氏之外。再無別人。該犯輒逞兇疊砍多傷致斃。且又係外姻尊長。情節較重。傷多近故。姑念該犯係一子承繼。兩房又皆別無次丁。若問擬情實將來勾到時亦必予勾致令兩房絕嗣。情稍可憫。何元耀一犯亦著改為緩決。已屬法外施恩。不准留養。○旌表守正捐軀直隸永年縣民閻思敬妻王氏湖北蘄州民周希雲妻李氏廣東嘉應州民鄒奕興妻羅氏。○辛丑旌表守正捐軀四川大邑縣

民譚觀貴妻陳氏 壬寅諭軍機大臣等本日召見廣興據奏四川一省計征防各兵約共有六萬餘今德楞泰一路祇有征兵一萬餘名勒保原帶兵一萬有餘撥給阿哈保六千名前往甘肅祇帶征兵四千餘名此外兵丁四萬餘名則俱在川東川北留駐防守等語前據德楞泰勒保奏川省征防各兵共二萬八千餘名而廣興則奏稱約有六萬何以懸殊至數萬之多殊不可解是否各州縣有冒銷情弊廣興係辦理糧餉各路皆由伊按名給發所言自非無據軍營勦賊全在一兵得一兵之用若節次所調官兵俱經州縣懸留守城何怪軍營日形兵少況此等留駐之兵安坐城中所需錢糧仍舊按名給領以有定之經費養此無用之兵丁既虛糜無數帑金而出力征兵得項不能有加苦樂不均孰肯用命且軍營傷病兵丁節經降旨裁減何不將留守兵丁奮勇者調赴勦賊傷病者徹

令歸伍所節省之錢糧不可以資出力征兵之用乎此等積弊川省係廣興所目擊陝楚二省據云大畧相同著德楞泰勒保詳細開單據實具奏並令額勒登保明亮及陝楚各督撫一體查辦 旌表守正捐軀直隸寧晉縣民孫光耀妻彭氏曲周縣民郭庭海妻李氏 甲辰諭內閣王公等門上五品以上護衛如遇軍政之年著交派出王大臣列在門上侍衛鑒儀衛章京之後考驗所有什長典儀俱著不必歸入軍政宗人府毋庸每年具奏○諭軍機大臣等朕近聞山西捐餉一事辦理不妥之至有一縣派至十萬兩輒稱奉旨捐派該戶未能措繳即行掌責鎖閉班房後名曰黑窩此事實出情理之外前因山西捐輸軍餉賞給議敘屢經辦有成案自係人所樂從嗣據伯麟奏現在捐輸者已有一百四五十萬約可得二百萬等語即經密批該省輸銀既有成數毋庸復令捐輸免致擾累

又降旨密諭伯麟於接奉前批後即將捐輸一事截住開列銀數名單具奏此旨由驛發往未據覆奏自係該撫前因奏有二百萬之語勢必勒限催繳如此則與橫徵暴斂何異況富戶捐銀原聽其隨意樂輸將來分別議敘即與在京報捐一例豈有豫定成數勒令繳銀之理總由經手之員藉詞科派思為飽橐之計伯麟糊塗不曉事一至於此著傳旨嚴行申飭儻因此激成事端先治伯麟之罪

仍著遵照前旨將所委之員概行撤回總期地方不致擾累百姓毫無怨言方為妥善若既經停止尚有藉端苛索者即嚴行叅奏將此密諭知之○德楞泰等奏報督勸獎人傑等四股賊匪殺賊四千餘人得旨獎賚實授勒保四川總督賞二品頂帶○又奏重慶江南北兩處防守文武員弁加知府石韞玉道銜通判李在文同知銜並賞花翎加知縣陳寶鼎知州銜升遊擊李發先為叅將賞把總

馬友文藍翎○又奏軍營出力人員賞協領努和楞雲騎尉希積納依駢騎校伊克藏阿霍慶阿叅將羅聲皋遊擊馬文斌楊國林都司郭文魁花翎守備李朝相等藍翎知縣喻日泗等升擢有差○以故鎮國將軍定敏子碩壽襲職○以詹事府詹事普恭光祿寺卿詹音為內閣學士兼禮部侍郎銜○乙巳上御乾清門聽政○諭軍機大臣等玉德奏閩省造辦米艇將攤捐養廉銀數開單進呈此

項米艇前此廣東俱係捐廉成造閩省自清查以後一切陋規全行革除地方清苦該督撫廉俸優厚出資捐辦自所應為至今藩臬道府一律捐廉未免辦公竭蹶在謹飭自愛之員未必因此有婪索之事但銀數既多難保無藉詞取之州縣而州縣又勢必剝削小民是成造米艇本期緝盜安民而閭閻已先受其累轉非惠愛黎元之意總督巡撫准其如數捐出兩司道府著減半以示體恤將此

傳諭玉德汪志伊知之○以詹事府少詹事戴聯奎為詹事○丙午

上詣

大高殿行禮

時應宮拈香○諭內閣裴行簡已補授太僕寺少卿著仍在軍機章京上行走嗣後軍機章京有升任至通政司副使大理寺少卿者即著軍機大臣奏明不必在軍機章京上行走○旌表守正捐軀江蘇豐縣民單景愈女

實錄卷七十一

主本

兩姐河南南陽縣民田裕妻牛氏陝西蒲城縣民李登高妻鄧氏○丁未勅諭暹羅國王鄭華據兩廣總督吉慶廣東巡撫瑚圖禮遞到國王進香

祭文一道表文一道鑒王忱惻增朕悲懷惟外藩使臣向無謁

陵之例上年安南國王阮光纘遣使赴京進香曾經勅諭以

高宗純皇帝業經奉移

山陵計使臣到京已在永遠奉安之後令該國

使臣不必來京並將所備儀物齎回用示體

恤今暹羅國王遣使赴京事同一例朕怙冒

萬國於海徼藩封並無歧視所有該國王呈

進儀物方物仍飭疆吏發交使臣齎回以免

跋涉該國王具悉朕意益矢虔恭永承優眷

欽哉特諭○旌表守正捐軀江蘇豐縣民王

寅妻陳氏○戊申以故廣西思恩府屬安定

司土巡檢潘清淇子桃襲職○旌表守正捐

實錄卷七十一

主本

軀直隸曲周縣民李全德妻籍氏○己酉諭

內閣張誠基奏贛州鎮標左營兵丁趙忠立

至

文廟割草經門斗阻止不服教諭鄧友樞出

向喝問致被營兵桂高洪掌毆並將教官擁

至守備衙署經代行守備事把總彭耀廷安

慰而散各營兵丁該管官弁理宜按時操練

嚴加約束毋任在外滋事今擅至

文廟割草與門斗扭結已屬不合教官鄧友

檣喝阻時雖未穿戴衣帽但係同城官員何至各兵全不認識乃敢肆行毆辱實屬不法迨兵丁等將該教官擁至守備衙署其代行守備之把總彭耀廷祇向教官安慰並不嚴究兵丁顯係有心徇縱其專管之署千總黎誠平日漫無約束彭耀廷黎誠俱著斥革交該撫提同營兵趙忠立桂高洪陳隴汪元禮等嚴審定擬具奏所有署左營遊擊事候補都司楊學海署贛州鎮總兵事副將台斐音

實錄卷十一

主

均有應得之咎該撫張誠基失於查察俱著交部分別議處○諭軍機大臣等陳傑一股賊匪雖為數無多但越過棧道若竄入南山不特搜捕費力恐致牽綴官兵今額勒登保將陳傑生擒掃除餘黨所辦甚好現在陝甘東北一帶賊匪已盡止餘伍金柱張世龍冉學勝等股向西和成縣西南一帶奔逃額勒登保自東而西長麟等自西而東兩面夾擊務將陝甘兩省賊匪一律肅清朕惟計日以

待捷音之至○額勒登保奏軍營出力員弁賞叅將夏福遊擊唐文淑都司李貴楊逢春守備范雲龍花翎守備劉勝祥等藍翎餘升賞有差○明亮奏報追剿賊匪徐添德殺賊千餘得旨嘉獎賞三品頂帶侍衛富翰等下部議敘賞新兵一月錢糧○又奏軍營出力各員賞佐領伊宗阿副將樊雄楚驍騎校卓爾琿保花翎驍騎校德克精保等藍翎○撥山西藩庫銀五十萬兩解往陝西以備軍需

實錄卷十一

主

○庚戌諭內閣前據琅玕奏署知州范來泰辦理青苗滋事一案擒獲最要頭目楊文泰等五名甚為出力是以降旨將范來泰起授貴州黎平府知府今據吏部查奏范來泰本缺係屬經歷署理知州則是范來泰所署之缺已屬越級自未便以八品經歷超擢知府該員拏獲最要頭目著有勞績著加恩以知州升用遇有本省缺出即行奏補其貴州黎平府知府員缺著程卓樑補授至琅玕前此

聖意將永保釋放賞給藍翎侍衛令齋經畧印信前赴軍營旋即擢授頭等侍衛令其署理陝西巡撫是永保從前應得之罪業經原宥伊署理陝撫任內帶兵在華林山剿辦賊匪適因賊多兵少致有敗衄如果永保據實具奏則勝負兵家之常原不遽加之罪乃永保不敢以實陳奏仍復隱飾其詞其罪實在於此嗣後與明亮分投堵剿賊匪永保遂形氣餒在大山岔株守不進其逗遛之罪亦無可

辭復降旨革職拏問經大學士九卿等會同審訊定擬斬候但覈其情節尚係軍營通弊即勒保明亮上年逮問時其遷延玩誤之處皆所不免朕於勒保明亮業經先後施恩亦不肯於永保一人獨加重罰况永保之父溫福前在木果木陣亡究屬歿於王事勒保現在辦理軍務亦屬出力而永保之罪尚非必不可原本欲將伊赦出發往軍營贖罪惟永保屢經効力戎行俱曾獲罪是其於軍旅之

事實非所能且於帶兵不利現在各路軍營連次克捷大功指日告成軍營將領亦不少伊一人永保著加恩釋放賞給八品領催自備資斧前赴烏里雅蘇台跟隨綿佑辦事以觀後效至景安從前在河南巡撫任內恒怯無能並不帶兵堵剿惟擇無賊地方駐守若皇考知其畏蒞情節必即加之重罪伊在南陽堵截時又不能實力防禦致賊匪於二年復由羅山南召等處竄至盧氏從武關闌入陝

境擾及川省種種縱賊之罪若蒙

皇考鑒悉早將伊立正典刑惟因軍營惡習率多諛詞入告又無人將伊參劾是以倖免本年朕將數年來貽誤之封疆大吏各加懲治將景安一併革職拏問經大學士九卿定擬斬決施恩改為斬候但景安應得罪名事屬已往且賊匪到處奔竄地方官不能堵禦何獨景安為然亦不值因內地亂民鋌走稽誅即將所到省分之督撫等概置之於法况景

安之罪究屬追論尚可寬其一綫著加恩改為緩決仍牢固監禁此朕於軍營獲罪大臣格外施恩苟情節稍有可寬必不肯遽行誅戮若罪在不赦亦不能廢法曲貸也將此通諭知之○領隊大臣長齡奏孝義廳築城未竣猝遇賊匪署同知李岡都司周健勇所帶兵勇僅三百餘人衆寡不敵退守山梁以致糧石火藥均被燒燬請於失陷城寨本律減等發遣下部知之○予雲南勦捕獮匪陣亡

傷亡土練圈牙等八名賞卹如綠營兵例○

癸丑遣官祭

關帝廟○諭內閣各直省舉人自乾隆六十年乙卯

恩科大挑後至明歲會試又閱六載著於辛酉恩科會試後大挑該部屆期查照向例奏辦○又諭前因直隸民人王仲貴毆死蔑倫之兄王仲香將王仲貴斬決改為杖流並著刑部遇有此等情節相同之案覈議辦理茲刑

部檢查案卷內有與王仲貴事同一律之已入秋審緩決情實劉元書等共五十起未入秋審應擬情實之令狐開保一起開單進呈奏請減等此等服制命案其死者實係忤親不孝或淫亂蔑倫罪犯應死若以倫紀攸關仍將該犯按律定擬原不足以昭平允但人心詐偽多端使干犯兄長之人因其兄長本犯應死之罪概予減等或有父母愛憐少子者遇傷斃兄長之案裝點情節諉罪於已死之兄以保全其逞兇之弟亦不可不防其漸自應分別辦理俾無枉縱所有劉元書一犯因伊母被兄姊忤逆氣忿自縊劉元書痛母情切致死逼斃伊母罪犯應死之兄姊且經緩決十一次其易紹蘭賴瑞壠林太翊張潮岳自強孟加奇冀國海王爾景黎南山康珍耿煊宋登舉韓浩修余名高韓遇盛等共十五犯與王仲貴之案相同亦經緩決八次至二次不等俱著准其減等其陳義等三十

四起。及未入秋審之令。狝開保一起均著交刑部俟秋審兩次免勾改入緩決。二三次後再行請旨減等。○諭軍機大臣等。據姜晟等奏賊匪竄近荆門一帶。移商弘豐將挑備滿兵帶至荆門相機截擊。事屬可行。總之楚省勦賊之事。責成明亮堵禦之事。責成姜晟倭什布。若能勦堵相輔而行。使賊匪無從竄逸。速就蕩平。當將明亮姜晟倭什布一體恩敘。若仍前懈弛。則當一併治罪。將此傳諭知之。

○又諭戴如煌在達州知州任內。賊私狼籍。民怨沸騰。朕所深悉。從前宜綿參奏戴如煌年力就衰。並未敘及。敘怨肇釁情事。蒙

皇考諭令將戴如煌革職。仍留軍營効力。朕親政後。節次降旨令勒保魁倫查辦。嗣據勒保覆奏。以戴如煌老疾無能。任聽書差在外滋事。以致民間多有怨言。而魁倫覆奏亦祇以該員病廢。飭將經手報銷各案交代清楚。勒令回籍。俱未將戴如煌激變之處據實查奏。

今據廣興奏稱。戴如煌私設衙役至五千名之多。首逆徐添德王學禮等曾被戴如煌拘拏。訛銀數千餘兩。私行釋放。凡有習教之人無不遭其索詐。以致不能安身。遂萌異志。是戴如煌實為邪教啟釁。罪魁不可不嚴加懲治。此時戴如煌尚在重慶地方逗遛。著勒保即行提至軍營。將戴如煌在達州任內借查拏教匪為名。勒索銀兩及激變起事緣由逐一詳悉研鞫。速行按律定擬具奏。○甲寅諭

內閣各省營伍遇有名糧缺出。於餘丁內挑選充補。全在該管各員認真查驗。擇其年力精壯材技可觀者充補。名糧隨時訓練。方可望成勁旅。乃綠營千把總多係本地之人。每遇招募餘丁。瞻徇情面。任意挑補。及上司考驗時。亦意存將就。迨至拔補戰糧馬糧。即在此項餘丁內分別挑補。以致兵丁率多軟弱。且兵丁有年老力衰者。並不隨時斥革。甚至減去年歲。更換名字。開伍入伍。百弊叢生。遇

有徵調不能得力各省營伍廢弛實由於此至外省屬員逢迎餽送最為州縣陋習節經降旨嚴行飭禁而練營亦往往效尤即如上司到任三日內所屬為之備辦供應家人亦多方勒索及至生辰喜賀等事屬員皆致送禮物或索取土儀若遇上司巡查營伍公出經過營汛為之豫備公館鋪設供張以華侈為能此等積弊在文員係剝削民間肆行擾累而武弁則惟剋扣兵糧藉端攤派似此陋習相沿安望其整飭營伍訓練兵丁乎著通諭各省督撫提鎮轉飭所屬一體嚴行禁止嗣後招募餘丁務須秉公選擇將身材壯健者挑取以備充補名糧勤加操演俾技藝各臻純熟並將供應餽送一概飭禁以肅營伍儻此次訓誡之後仍敢陽奉陰違別經發覺或被科道糾叅定將各督撫提鎮及該管各官一併嚴加懲治將此通諭知之○又諭刑部奏逃兵孫有可否准其留養一摺軍營逃

兵在軍務未竣以前投首擬以發遣者原不應准其留養惟念孫有因染患疥瘡行走落後逃回畏罪自首且該犯之母曹氏現年七十一歲伊胞兄孫斌先經陣亡該犯兄弟二人均未娶妻生子家無次丁煢孀孤苦殊堪憫惻著加恩准其留養嗣後軍務未竣以前自首逃兵內如有實係因病落後並非無故脫逃而其父兄曾經歿於王事又親老家無次丁者均著照此案孫有之例准其留養其無故脫逃續經拏獲者雖有父兄歿於王事仍不准留養著為令○德楞泰奏報儀隴鄉勇鮮文芳等殲斃賊首鮮大川得旨嘉獎賞鮮文芳六品頂帶陳朝會七品頂帶並藍翎餘賞賚有差○以內閣侍讀學士吉綸為太常寺卿○賞護貴州巡撫布政使常明三品頂帶○乙卯秋分夕月於西郊上親詣行禮○旌表守正捐軀河南柘城縣民

李祿妻喬氏○

上以祭

社稷壇自是日始齋戒三日○丙辰遣官祭黑龍潭

昭靈沛澤龍王之神王泉山

惠濟慈佑龍王之神○諭內閣台布奏請添設寧陝城守營以重汛防一摺陝省五郎地方為南山適中之地前經添設寧陝鎮總兵並經台布先令都司銜黃瑞等前往招募新

兵現已募有六百餘名著以五百名作為城守營兵即以黃瑞補授寧陝城守營都司以專責成其餘一百餘名留為該鎮中左右三營之用又據查明商州出力義首十一名除楊萬全等十名酌賞把總外委頂帶外所有千總職銜文童李台一名尤為超眾奮勇李台著改賞州同職銜以示鼓勵又守備銜陳大用現患腿疾已成殘廢著照所請准其原品休致○又諭台布奏固原提督王文雄於

逼勒川匪出境後趕回截擊高二馬五等股賊匪在西鄉地方進攻山梁因眾寡不敵猝致陣亡等語王文雄自到軍營以來打仗殺賊甚為出力今追截高二等股賊匪復身先士卒直前奮擊因前調粵兵未到而原帶之兵日久不無疲乏以致眾寡不敵殺賊陣亡深為可惜且伊尚有老母年已八旬尤堪憫惻王文雄著加恩賞給三等子爵即令伊子承襲並傳諭琅玕用藩庫銀一千兩賞王文

雄之老母為伊子治喪所有應得卹典著該部察例具奏○諭軍機大臣等台布奏王文雄殺賊陣亡所有原帶兵丁已派令海洪阿前往招收擬俟粵兵到彼一併交與綸布春九十馬玉魁帶領勒辦西鄉賊匪亦祇可如此辦理高戴等逆前既戕害扎勒杭阿今王文雄又被圍困力戰陣亡實為可恨即被勒窮感懇請投降降亦斷不可准所有此股賊匪即著交綸布春併力勒辦務須速行擒獲盡

法處治以伸國法而慰忠魂○又諭前曾降旨令長齡在豫俟後起官兵到齊即赴額勒登保軍營令高戴等逆戕害大員實為可恨現已令綸布春九十馬玉魁等帶兵擊勦但恐兵力尚單長齡接奉此旨後不必等待後起官兵如三四起已到即可先行帶領速赴西鄉協同綸布春等由東北向西南併力勦辦其後起兵丁並著長齡行文帶兵之該侍衛章京等遄程前進速抵西鄉以便協力痛殲迅擒賊首所有勦賊情形長齡應隨時一面自行陳奏一面咨報經畧庶不致有稽時日也將此諭令知之○又諭賽沖阿現在德楞泰軍營隨同勦賊此時川省各股賊匪勢已窮蹙軍威大振著德楞泰即令賽沖阿速赴西鄉並酌分兵丁千餘名帶往會同綸布春等專辦高二馬五戴家營各股賊匪○以都察院左副都御史繼善工部右侍郎莫瞻萊監臨順天鄉試吏部尚書劉權之為正考

官禮部右侍郎英和都察院左副都御史陳嗣龍為副考官○以戶部尚書朱珪兼署吏部尚書○以三姓副都統賽沖阿為固原提督江西南贛鎮總兵官慶溥為三姓副都統仍留陝西平利白河一帶辦理防堵事務○移直隸大名府倒馬關千總一員駐牙里集撥正定北九關營兵四十五名屬之正定鎮左營額額外委一員駐清豐縣順河集撥清豐汛兵十名正定北九關營兵二十五名屬之開州營額額外委一員駐井店集撥營兵二十名屬之從總督胡季堂請也○緩徵山東濟寧鄒金鄉魚臺嘉祥單曹城武勝嶧長清東阿平陰利津蒲臺汶上聊城博平茌平莘恩武城鄆城范博興樂安陽穀鉅野朝城二十九州縣濟寧臨清二衛歷年舊欠漕糧額賦○丁巳祭先師孔子遣大學士劉墉行禮○諭軍機大臣等昨據台布奏冉學勝張世龍二逆折竄

回陝甘肅地方祇有伍金柱一股又經官兵連次剿殺祇剩二千餘人勢已窮蹙而陝境高二馬五戴家營賊衆合夥向西鄉奔突以目前賊情而論陝省最為著重著額勒登保酌派得力大員帶兵千餘名前赴西鄉協同綸布春等剿辦至伍金柱分股餘匪或由階州奔竄該處路通龍安即係陰平小道尤應加意防範額勒登保已飭定住廣厚在彼攔截所辦甚是額勒登保身任經畧自應察看賊匪往來蹤跡在秦隴各屬適中之地或漢中西鄉等處擇要帶領重兵駐劄東扼老林西顧甘肅而南面又可攔截川匪實為居中制勝之策務當熟籌全局妥為布置也將此傳諭知之○額勒登保奏報剿捕階州賊匪得旨嘉獎擢二等侍衛愛星阿為副將總兵官穆克登布等下部議敘○給陝西朝邑縣被水災民口糧有差仍貸籽種並緩徵本年額賦及新舊未還倉穀○戊午祭

大社
大稷
上親詣行禮○己未
太宗文皇帝忌辰遣官祭
昭陵○諭軍機大臣等徐添德大股賊衆屢經官兵截擊自揣不能抗拒詭稱難民希圖混入民寨乘間擄掠此事之所必有明亮務當嚴飭各卡隘寨首凡有來投難民形迹可疑者細加盤詰勿任賊匪一名混入更不可令混入軍營致為賊用將此諭令知之○以國子監祭酒玉麟為詹事府詹事○庚申諭軍機大臣等前據德楞泰奏稱黃號賊匪徐萬富由川省雲陽大寧等處竄過八石坪湖北房縣一帶本日又據吳熊光奏稱苟文明一股由川省大寧之陰條嶺竄入湖北房縣之九湖坪總之無論其為徐萬富苟文明亟應奮力截剿現在倭什布帶兵丁八百名前往堵禦並將新到之吉林黑龍江勁旅內酌帶

二百名以資截勦其吉林黑龍江馬隊兵二百名即可速令赴明亮軍營協勦若李紹祖已將此股賊匪辦竣倭什布即可帶原有兵丁在房竹一帶駐守以防賊匪折回將此傳諭知之○台布奏報截勦高二馬五等賊偷渡漢江情形賞千總孫榮守備銜鄉勇王大才等千總銜並藍翎○辛酉

太祖高皇帝忌辰遣官祭

福陵○諭內閣岳起奏前任丹徒縣知縣黎誕

登升署太倉州知州離任時該縣紳耆鄒光國等具呈懇請將黎誕登以升銜仍留本任並請將黎誕登實政十九條刻石垂久經岳起駁飭嗣有原任國子監學正韓怡以黎誕登在任專結富戶搢紳重用蠹役並自作實政各條令鄒光國等向巡撫衙門呈遞事關職衿控官虛實未定請將韓怡黎誕登暫行革職審訊等語黎誕登上年曾經九卿密保其保奏之人並非籍隸江南因降旨令費淳

岳起將黎誕登平日居官聲名如何據實奏覆旋經該督撫保奏並奏請升署太倉州知州嗣據岳起奏黎誕登審辦朱蔣氏自縊身死一案人心不服又有私設班館之事殊非良吏所為曾降旨交費淳岳起秉公查奏今據岳起所奏韓怡具控黎誕登情節鄒光國等所列黎誕登實政十九條多屬溢美浮詞係黎誕登自定稿底令該縣紳耆具呈勒石似此作偽沽名尚得謂循良之吏耶看來黎

誕登平日居官專務虛聲未嘗實有惠政且伊係州縣微員能使在京大臣為之延譽其聲氣結納更可概見至韓怡將黎誕登實政十九條逐款指駁一人出名具控或平時挾有夙嫌有心誣捏或黎誕登在任實有結交富戶紳耆重用蠹役之處均未可定所有原任國子監學正韓怡升署太倉州知州黎誕登著暫行革職交費淳岳起秉公質訊如黎誕登在任實有劣蹟即將黎誕登定擬具奏

若係韓怡挾私誣捏亦即按例究擬俟奏到日再降諭旨○壬戌命督撫甄別知府諭內閣朕恭閱乾隆六年

實錄內開欽奉

諭旨知府一官承上接下為州縣之表率誠親民最要之職也蓋小民之休戚惟州縣知之最周而州縣之賢否惟知府知之最悉知府精明諳練即庸常之州縣亦存奮勵之心知府闕茸無能即自愛之州縣亦啟玩弛之漸

著該督撫秉公甄別等因欽此仰見

皇考愛民察吏整飭官方之至意州縣為親民之官民間一切利弊休戚相關之處其實心拊循全在州縣而州縣之能否興利除弊教養斯民則惟知府稽查最切誠如

聖諭為承上接下之要職也朕上年親政以來遇有謝恩請訓知府俱經召見其中才具明幹者固不乏人而年力衰積才識拘迂及新例報捐年輕全未諳悉者亦復不少以天下

知府額缺而論經朕召對之員不過十之一二而才具優劣已有區別則其餘各省未經見朕之知府或聞茸戀棧或少不更事經督撫姑容留任者想各省皆所不免著通諭各該督撫於現任知府內詳加考察認真甄別如有不勝知府方面之任者即據實奏聞送部引見或勒令休致或降補丞倅等官母任因循貽誤此次降旨考察知府之意原為地方得人起見並非沙汰年老之員知府中即

或有年齡稍增而精力尚健且辦理地方事務歷練熟悉正資其治理若督撫等誤會朕意惟將年老之員概行叅劾豈綜覈名實之道至初任年少之員於吏治民情全未歷練或有限於才識難望其振作有為者即當據實劾奏豈得因其年歲方強稍涉瞻徇各督撫等其善體朕意秉公甄別以收化民成俗之效其直隸州知州亦應照此例行將此通諭知之○旌表守正捐軀直隸東安縣民李

田保妻王氏河南寧陵縣民孫貴林妻史氏
○戶部議准廣西巡撫謝啟昆疏報天保縣
開墾水田九十二埜有奇照例升科從之○
癸亥

上詣

奉先殿

肅皇殿行禮○諭內閣從前查辦邪教劉松宋
之清等案訊出劉之協為傳教要犯在扶溝
聞信脫逃後屢經

皇考嚴飭各省查拏未獲迨楚北匪徒起事之
初復經

申諭嚴拏原以該犯係著名最要首逆若一經
擒獲其餘附和黨與無難立時解散乃地方
官辦理不善四處搜求以致匪黨無可容身
紛紛蠢動迄今勒辦五年尚稽嚴事而劉之
協一犯竄逃日久年來各省已視為海捕之
犯昨於七月內據馬慧裕奏寶邨匪徒滋事
經葉縣將劉之協拏獲奏到時尚恐未必確

實旋經馬慧裕奏到眼目指認的確將該犯
解京連日令軍機大臣會同刑部嚴加究詰
已據供認鑿鑿劉之協以積年漏網巨慝今
於無意中擒獲實我

皇考垂慈默佑豫示軍務嚴功先兆九月初旬

朕恭謁

裕陵茲又獲此渠魁自當虔誠祭告仰慰
在天之靈所有一切應行禮儀著上年經理
大事之原派王大臣等會同禮部速議具奏○

以大理寺少卿徐績為光祿寺卿○旌表守
正捐軀河南永城縣民郝懷武妻李氏○甲

子

上詣

大高殿行禮

時應宮拈香○河南教匪首逆劉之協伏法

○乙丑諭內閣豫省劉之協解京後令軍機
大臣會同刑部連日審訊業據將起意謀反
各情節供認確鑿昨廷訊後即將該犯凌遲

處死。然辦理劉之協之故，並非因該犯係白蓮總教首，遽加以極刑也。劉之協假白蓮教傳徒，以根基錢打丹銀為名，其初原不過斂財起見。迨行之日久，不能哄誘愚民，遂買王雙喜託名牛八，指稱朱姓後代，又將劉松之子劉四兒託名彌勒佛轉世，可以輔助牛八希圖聳動衆人，謀為不軌。其罪在此，我朝

列祖

列宗厚澤深仁，凡在編氓，無不淪肌浹髓。乃劉

之協捏稱明代後裔，誘惑愚民，有心謀逆，實屬罪大惡極。從前拏獲劉松宋之清等破案時，劉之協在扶溝聞信脫逃。蒙

皇考屢次嚴飭各省購緝，原因劉之協係屬謀逆要犯，不可不迅速擒捕。初不因其傳習白蓮教之故，彼時各省地方官未能仰體

皇考聖意，竟以查拏邪教為名，四處搜求，任聽胥役多方勒索，不論習教不習教，只論給錢不給錢，以致含恨之人與習教者表裏勾結

藉無可容身之名，紛紛蠢動，起於襄陽、蔓延川陝。迄今勦辦五年，尚稽歲事。其實劉之協數年以來在鄧州新野地方往來潛匿，地方官並未查察，可見搜拏邪教大率拖累無辜，而實在叛逆首犯轉至任其漏網。多年至於白蓮教名目由來已久，即據劉之協所誦經文，大意亦不過勸人為善，並無違悖字樣。劉之協之罪犯寸磔在於託名牛八潛造逆謀，孽由自作，與白蓮教無涉。譬如儒生誦習

孔孟之書，尊崇正教，設現在川楚陝甘滋事賊匪，或有一二文武生員脅從在內，豈因此而遂以儒相詬病等而下之？其學習白蓮教者，持齋誦經，原與齊民無異。詎因白蓮教內有劉之協一人而遂指習教之人概為匪黨，嚴行查禁乎？即如賊匪中平日習白蓮教者固屬不少，然各省地棍鹽梟之類亦不一而足，但經抗拒官兵，即一律翦除。罪在不赦，其自賊營投出者不下數萬人，無不一體安為

安置又何嘗根究其從前曾否習教乎若朕
欲禁絕白蓮教何難向劉之協刑求同教之
人一一追究且現在劉之協供明脫逃後潛
匿河南鄧州新野地方歷歷可據所以不加
深究者原以劉之協同教之人但能各安本
分原可置之勿論即失察劉之協之地方官
朕尚加恩概免追問則凡平日與劉之協熟
識容留藏匿之人豈肯令地方官轉加究詰
乎劉之協係白蓮教稔惡最久之人尚不肯
因此稍有株連況其同教中人數衆多焉有
一一查究之理總之現習白蓮教者安靜守
法即是良民地方官無庸查拏若聚衆煽惑
即非素習白蓮教之人必當按律懲治所有
辦理劉之協原委及朕不加追究白蓮教至
意明白宣諭中外咸使聞知 命嗣後善射
鵠人員照十五善射例按品級賞翎○予浙
江領餉遇水淹斃外委秦華及兵役等賞卹
如例

實錄卷七十三

十四

實錄卷七十三

十五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之七十二

斃石子溝賊首伍金柱得旨獎賚護軍叅領格布舍總兵官豐紳楊遇春等下部議敘以追擊偷渡渭河賊匪功擢知州蕭光浩為直隸州知州賞藍翎兵勇等升賞有差緩徵甘肅逼近賊氛之岷西和隴西寧遠伏羌洮通渭漳會寧靜寧隆德華亭秦泰安清水禮縣兩當階成文二十一廳州縣西固三岔二州同所屬本年額賦戊辰諭內閣吏部議處給事中甘立猷降一級調用一摺前據搜檢王大臣奏頭場搜出懷挾之監生甘紹烈照例辦理朕於召見臣工時即詢知係給事中甘立猷之子而甘立猷係原任尚書甘汝來之孫伊子甘紹烈既有搜出懷挾之事即應具摺請罪乃遲至二日並未奏陳其意竟欲隱瞞朦混殊不知朕於鉅細政務無不詳加詢訪此等事件豈容混過即臣工中經朕垂詢又誰敢代為隱瞞甘立猷既不能約束於先又思隱飾於後實屬非是因降旨將

該員交部嚴加議處素聞甘汝來係舊日大臣中之有名望者因令國史館取進甘汝來列傳閱看俟部議上時降旨茲據吏部將甘立猷照例議以降一級其不行具奏之處係屬私罪所降一級不准抵銷實屬咎所應得且甘立猷平日居官聲名平常即著照部議降一級調用至伊子甘紹烈年甫十五六歲係初次觀場未諳例禁究因伊父失於管教所致且係甘汝來曾孫甘汝來從前在知縣任內頗為風厲歷任居官亦甚持正身後飾終之典蒙皇考恩施優渥而甘紹烈祇係年幼無知且已經革去監生枷責科罪已足示儆甘紹烈著加恩仍准原名應試以示朕眷念舊臣準情宥過至意嗣後大臣官員務當課督子弟嚴加約束而為子弟者亦當顧念家聲讀書自愛儻有不自檢束輕身試法者不但將該生按例辦理必將伊父兄一併治罪決不寬恕

將此通諭知之 己巳諭內閣朕恭閱乾隆
六年

實錄內欽奉

諭旨制治未亂保邦未危必以風俗人心為之
本人心正則風俗醇而朝廷清明國祚久遠
胥由於此

聖諭煌煌實為萬世治道之準我

皇考承

三朝重熙累洽之後其時海宇安恬綱紀整飭

然猶朝乾夕惕治益求治安益求安而於風

俗人心之本尤三致意焉朕寅紹

丕基勤求治理惟恐弗克仰承

謨烈夙夜滋懼況人心漸不如古風俗日趨日

下朕敢不敬念

先猷亟思化民成俗之道乎夫化民成俗必先

使百姓勿惑於邪同趨於正而後教化可行

孔子之教萬世尊崇此外如釋道之流雖非

正教然漢唐至今未嘗盡行沙汰且其服飾

住持自成一類即有滋事為匪者無難立時

辨識若近世所稱白蓮教其居處衣服與齊

民無異即一家之中同居數人其習教者與

不習教者無由分別地方不肖官吏因有邪

教之目輒肆查拏往往藉端勒索不問其入

教與否惟賄是求甚至有鄉閭椎魯全不識

字之人任意妄拏指為邪匪而實係習教傳

徒者轉置之不問良莠不分激成事故遂致

赤子弄兵潢池勦捕頻年迄今未靖其實從

前查拏劉松宋之清及劉之協因其潛蓄逆

謀並非因白蓮教之故昨已將辦理劉之協

緣由宣示中外並親製邪教說一篇申明習

教而奉公守法者不必查拏其聚眾犯法者

方為懲辦原以此等愚氓但能安靜循分即

不必過事苛求初非欲留此白蓮教之名任

蚩蚩者日趨於惑也夫正學昌明則歧途自

絕教化之行必先自上朕勤求治理日有孜

孜惟期正朝廷以正百官正百官以正萬民

內外臣工果能咸體朕意精白乃心大法小廉共襄郵治凡有教化斯民之責者平日實心訓迪默化潛移引之規矩之中而消其暴戾之氣若地方果有不逞之徒或行兇滋事或糾衆抗官原當執法究治何必問其所習何教耶總之經正則庶民興庶民興斯無邪慝聖賢心法治法無踰於此朕所由紹

聞衣

德願與大小臣工端本善則共牖斯民於蕩平

正直之途也將此通諭知之○又諭刑部奏訊明三場搜出藍筐內帶有策文之黃載華實係車夫楊二誤行裝入尚非有心懷挾等語該生已將赴試猶帶策文在車記看其非宿學可知且當入場時不能留心檢點實屬疏忽黃載華業已疏枷著革去監生加恩准其原名應試至科場嚴搜懷挾原期選拔真才此次除二場搜出之章宇芝實係懷挾照例辦理外其頭場搜出之甘紹烈年幼無知

又係甘汝來之曾孫三場搜出之黃載華訊非有意藏匿是以加恩原名應試嗣後士子等各宜勉敦實學自愛身名不得因本年有准令原名應試之恩旨心存僥倖冀邀寬典儻仍有輕身試法者必當按例辦理不能再為原貸也○補行嘉慶四年大計福建卓異官七員不謹官四員罷軟官三員才力不及官二員浮躁官三員年老官四員有疾官二員河南卓異官八員不謹官一員罷軟官一員才力不及官一員浮躁官一員年老官十員有疾官二員東河河員卓異官三員才力不及官一員有疾官一員分別議敘處分如例○庚午

上御懋勤殿勾到新疆雲南貴州廣西情實罪犯停決新疆絞犯一人雲南斬犯三人絞犯三人貴州斬犯六人廣西斬犯五人絞犯一人餘一百七人予勾○諭內閣向來外省各督撫等發遞本章及摺奏事件皆先行跪拜

親授所差員弁齎捧禮固宜然至在京王公內閣部院及八旗各營大臣等應奏事件較多固非外省可比然亦應親自遞奏乃近來王公大臣等日久相沿多不親赴宮門率令護衛太監司員筆帖式章京驍騎校等代為遞奏殊非敬謹之道嗣後各王公大臣等於自行陳奏事件務須親身呈遞即各部旗衙門公遞事件亦應輪值堂官一人親到宮門遞交奏事官員轉奏如有仍前派交護衛太

監司員章京等代遞並無一人親到者奏事官不准接受並將該堂官交部議處再各王公及部旗大臣等於帶領官員引見後往往即在丹墀之下傳宣諭旨而引見官員亦在乾清門內擁擠聽候殊非體制此後每逢引見官員日著御前大臣派出乾清門侍衛二三員於官員引見後告知帶領引見之大臣官員等令其退出乾清門再行傳旨即大臣中有在內廷行走者亦應於宮門外傳宣諭

旨後再行進內嚮帶領引見之大臣等有仍在丹墀下傳旨者即著御前大臣指名叅奏將此通諭知之諭軍機大臣等勒保奏七十五追勦樊人傑一股在三溪溝地方殺賊五百餘名生擒男婦三百餘名所辦尚好至勒保於張子聰一股賊匪由該縣發給檄諭令民人羅崇等齎赴賊營張子聰等並不聽從轉將同往之羅芳等八人殺死此等首逆往來竄擾已閱五年自知罪重豈肯輕易投

出即投出者亦難保其不心懷反側況賊匪等狡猾異常安知非以投首為名為緩兵之計若勒保信以為然駐兵不動而賊轉得乘機遠竄豈非予賊以暇墮賊奸計乎至湯恩蛟龍紹周等股如官兵逼勦緊急賊勢窮蹙或其夥黨有將賊首殲斃擒獻者勒保自當據實具奏聽候諭旨辦理將此諭令知之

壬申

上御懋勤殿勾到廣東情實罪犯停決斬犯六

人絞犯二人餘二百二十七人予勾○諭內閣鑲紅旗漢軍都統奏黃檢未完官項二百四十四兩零請在伊孫披甲黃坤應得錢糧內坐扣一半陸續歸款等語黃檢外任多年聲名甚屬平常伊名下應賠官項前已在於族姪副都統黃文燦養廉內扣繳今又有應繳官項二百四十四兩零因黃文燦不能代為完繳又欲在伊孫披甲錢糧內坐扣披甲每月所得錢糧本屬無幾若又扣繳一半勢必不敷當差之用此項應繳銀兩無多若黃檢平日居官尚非貪劣儘可豁免乃黃檢久膺外任聲名狼籍其應繳之項僅止二百四十四兩零何至不能措繳又欲在伊孫披甲錢糧內坐扣居心實為狡猾黃檢著交刑部審訊將因何不即完繳有心延宕緣由據實具奏請旨辦理 給山西永濟縣被水災民一月口糧房屋修費並貸籽種緩徵本年額賦○予四川陣亡傷亡鄉勇丁上義等二百

五十一名賞卹如例 癸酉
世宗憲皇帝忌辰遣官祭
泰陵○
上詣
奉先殿
壽皇殿行禮 予福建出洋淹斃兵丁趙廷材等三十名賞卹如例 甲戌
上御懋勤殿勾到四川情實罪犯停決斬犯三十二人絞犯三人餘一百三十六人予勾
諭內閣本日勾到四川各犯單內該督題緩決經刑部改為情實者九起朕詳加披閱一起絞犯劉順竊匪拒捕刃傷事主原擬以情非逞兇傷因圖脫擬緩細覈則係拒捕連戮多傷行竊逞兇一起斬犯袁洪負欠被控傷差斃命原擬以情急圖脫適斃人命擬緩細覈則係拒捕刃斃官差目無法紀一起絞犯徐尚元刃斃徒手原擬以該犯懼毆嚇戮傷由圖脫擬緩細覈則該犯並未受傷而死者

被戮多傷實屬有心致死一起絞犯趙仕才
兇拷斃命原擬以釁由死者傷係他物擬緩
細覈則係因索謝細故逞兇拷逼以致斃命
何得以傷非金刃未減一起絞犯姜玉清誣
竊斃命原擬以疑竊有因尚無毆逼兇情擬
緩細覈則係該犯誣良為竊又捏出人證以
致被逼投河情殊兇橫一起絞犯李衿圭使
輪毆斃命原擬以釁起死者理曲擬緩細覈
則係該犯使令連毆傷多致死一起絞犯龔
元潮逞兇斃命原擬以情非糾毆擬緩細覈
則係毆扎傷多兇殘斃命一起絞犯張榮逞
兇斃命原擬以傷非致命殺出無心擬緩細
覈則係戮傷倒地後復行連扎逾時殞命一
起絞犯劉進翼強姦刃傷本婦原擬以姦尚
未成擬緩細覈則係恃強逼姦因聲喊用刃
劃傷實屬淫兇以上九案均經刑部改為情
實所辦俱為允協業已按名予以勾決而該
省原擬均失之輕縱或因四川現在辦理軍

務殲戮甚多欲於獄囚稍從寬辦實乖欽恤
之意朕於各省刑名無不詳覈案情儻有一
綫可原必當稍從末減若情節萬無可寬亦
難曲加原貸即如廣東省現係寧謐地方該
省案犯較各省多至加倍朕詳加察覈於法
無可貸者亦不能不予勾決四川省雖有教
匪滋事亦不因此將勾到各犯有意從嚴總
之求其生而不得則死者亦無所憾實辟以
止辟之道今四川辦理秋審總督勒保在軍
營身任勦堵事宜自難兼顧而臬司先福係
綜覈之員闔省刑名是其專責乃於應入情
實案件並不悉心覈擬率行列入緩決詳請
具題失出至九案之多辦理實為寬縱著諭
令勒保行知先福傳旨嚴行申飭嗣後各直
省凡遇秋讞重案務當悉心究擬固不可一
味從嚴而於情真罪當之犯亦不可曲法市
惠庶罪名不致枉縱讞獄咸得其平將此通
諭知之又諭刑部議駁御史辛從益奏請

詳覈卑幼毆尊長之例分別酌擬緩決可矜一摺所駁甚是向來服制案犯如係逞兇干犯情節較重者皆立寘重典原不待秋審時始行辦理其歸入秋審情實者本係情有可原之案若係常犯皆可入於緩決可矜特因事關服制是以督撫等按律問擬入於情實法司亦照擬覈覆每省另冊進呈遇勾到時此等案犯多不予勾即如本年服制人犯辦過者祇廣西省勾決一起餘俱改為監候未辦者可寬之犯必多於明刑弼教之中仍寓法外施仁之意若如該御史所奏並非逞兇干犯者即酌擬緩決可矜是欲將服制之案與常人一例問擬且此等案犯俱行擬以緩決可矜則秋審時服制內竟無應歸情實者不惟辦理多有窒礙亦與扶植倫常之意未協該御史未諳律例所奏不可行此後服制案犯仍照現行定例辦理又諭戶部奏請查各官賠款分別按限追繳一摺朕詳閱單

開現任前任及原任各員應賠銀兩積至五百八十餘萬兩之多年來辦理軍務需用浩繁目下大功將次完竣一切善後事宜均需籌撥款項各該員等於應交官項並不上緊措繳任意遲延其中多有已經寬展限期者而原任各員子孫上年曾經通行查辦分別加恩減免所餘銀兩理應按限完交近日如豐紳濟倫代伊父福隆安措交官項前因無力完繳日久未清自上年加恩擢授戶部侍郎管理崇文門以後遂陸續全行完繳尚屬急公若盛住應交官項曾經降旨寬免二萬三千七百餘兩已屬格外加恩乃此次單內有伊在霸昌道任內未完攤賠銀二千餘兩盛住曾任戶部侍郎管理錢法堂事務兼署工部尚書得項優厚此項未完銀兩僅止二千餘兩何以宕延未繳又宜綿在口北道任內有未完攤賠銀一千二百五十餘兩宜綿歷任督撫有年伊子瑚圖靈阿現復擢任盛

京刑部侍郎應交銀兩無多乃亦宕延不繳又阿精阿在直隸布政使任內應賠藩庫借墊各款未完銀一萬四百餘兩阿精阿久任藩臬巡撫伊弟阿明阿曾經朕施恩用為大員旋經獲罪今又擢用何至不能完繳又哈靖阿在宣化府任內未完攤賠銀二千五百餘兩哈靖阿外任有年伊子成書復現任盛京戶部侍郎銀數既屬有限亦非力不能完交之人乃皆未經歸款實屬昧良負恩其餘各員似此延玩者不一而足伊等或久膺外任積有家貲或現係大員廉俸寬裕似此相率效尤將應交官項有意遷延豈竟遲至軍務告竣後又欲邀恩豁免耶亦太不知先公後私之義矣著照戶部所奏按單開各員行文各該旗籍任所飭令承追各員一體實力嚴催其原有定限者按限催繳其原未立限者於文到之日勒限一年完繳如仍前遲逾不交即著指名嚴叅辦理並將承追之員一

併議處乙亥諭內閣向來軍機大臣出差隨帶軍機章京原以堂司統屬故令帶往辦事乃年來出差及簡放外任大員如阿迪斯長麟長齡等並非軍機大臣亦在朕前率意請帶軍機章京殊屬非是大臣等奉派出差各有屬員可以隨往何必將素非所屬之員帶往辦事至簡放外任向無隨帶京員之例況軍機章京現有定額若出差大臣俱請帶往軍機處安得有如許人員且難保無軍機章京向出差大臣營謀前往沿途倚仗軍機處虛張聲勢此時軍機大臣實皆小心謹慎不敢作福作威章京等亦皆奉公守法若屢派出差恐小軍機之故態復萌沿途又受苦累是朕並非欽派各大臣出差竟係派軍機章京出差矣嗣後出差人員除軍機大臣仍准其隨帶軍機章京外其餘如有率行奏請者即將該大臣治罪另行簡派又諭刑部具題山東民人王狗謀殺林氏一本王狗係

林氏總麻服姪因借錢不與將林氏用鐵鍼砍傷攫取匱內京錢十千刑部依謀殺總麻以上尊長擬斬立決固屬照例辦理但此案王狗因借錢不與輒敢起意致死攫錢即係圖財害命向來圖財害命之犯俱按律擬以斬決該犯係屬服姪紀攸關與尋常因財起意謀殺者不同王狗著即行處斬梟示嗣後遇有此等謀財害命有關服制者即著照此辦理○額勒登保奏報殲斃麻池溝賊首宋麻子等得旨獎賚賞四品頂帶慶成三品頂帶護軍叅領格布舍等賞擢有差○姜晟奏勦辦三廳苗匪在事出力人員賞同知傅鼎食知府俸副將阿林布等下部議敘弁兵賞擢有差○以廣東羅定協副將喜明為江西南贛鎮總兵官廣西義寧協副將胡定泰為甘肅河州鎮總兵官○丙子改江蘇蕭南通判為蕭南同知邳北同知為邳北通判從總督費淳等請也 丁丑

上詔

大高殿行禮○諭軍機大臣等徐添德股匪在盛家壩淌渡時遊擊富慶知縣孫光先俱在穀城城內並未堵截賊匪又賊匪竄至黃龍灘時該處鄉勇未能堵住任賊西竄巡檢黃士杰並未在彼督率攔截乃於賊匪渡河後稟稱淹斃百餘名鄉勇尾殺數十名尤為無恥此皆地方官不能防守之咎富慶孫光先黃士杰均著革職交姜晟嚴訊速奏○明亮奏報截勦穀城賊匪得旨嘉獎擢侍衛富翰頭等侍衛雙福塔津保二等侍衛江鼎乾清門侍衛賞遊擊全祿花翎驍騎校花連布等藍翎○加賑安徽宿靈璧泗三州縣被水災民並緩徵懷寧桐城潛山宣城南陵貴池銅陵當塗蕪湖繁昌廬江和舍山滁全椒來安建平鳳陽懷遠壽鳳臺定遠盱眙五河二十四州縣新舊漕糧額賦○戊寅上御懋勤殿勾到福建情實罪犯停決斬犯二

人絞犯一人餘七十七人予勾○論內閣朕恭閱乾隆六年

實錄內載左都御史劉統勳條奏二疏一以大學士張廷玉歷事

三朝晚節當慎外間輿論動云桐城張姚兩姓占卻半部搢紳此即盈滿之候為傾覆之機所伏請令張廷玉會同吏部將張姚兩姓部冊有名者詳悉查明若係親房近支累世密戚開列奏聞三年之內停其升轉一以尚書

公訥親承辦事務太多任事過銳請量行省減各等因詞義極為嚴正其時我

皇考整飭紀綱勵精圖治大臣中尚無散法營私者即張廷玉訥親二人亦無款蹟可指而劉統勳獨能抗疏指陳豫防盈滿其意自己見及張廷玉訥親聲勢赫奕形跡之間晚節難保故為此防微杜漸之奏迨數年後張廷玉因事獲譴訥親身罹重罪果如老成先見是劉統勳立朝風節實能侃侃不阿是以仰

蒙

皇考眷注優隆用為大學士身故後飾終備禮易名之典

賜諡文正而其子劉墉亦擢任綸扉受

恩兩世可見臣工建白惟當於用人行政諸大端剴切敷陳以收兼聽並觀之效不在毛舉細故敷衍塞責也即如和珅從前專擅貪黷各款若諸大臣及有言責者能早為奏

皇考必立將和珅懲治和珅亦不敢恣意妄行

是轉可保全末路何至釀成巨案耶嗣後臣工等居心立言皆當以劉統勳為法其大臣中有所管事務雖多並無私弊者固不必有意苛求儻所管事務雖少而有專擅營私不公不法等事即當據實指叅以期肅清朝列裨益政事君臣一德庶幾可望郅治矣將此通諭知之○廣州將軍崇崇尚以病命回京以都察院左都御史書敬為廣州將軍鑄給額魯特公托克多巴圖管理旗務印信從科

布多叅贊大臣策拔克請也。旌表守正捐軀河南浙川縣民鄭殿華妻桂氏。己卯遣官祭賢良祠。諭內閣禮部奏四川酉陽州屬秀山縣於乾隆五十七年設學未定拔貢之額。今據四川學政陳希曾咨稱已與雅州酉陽兩舊學一體各拔一名。係援照乾隆四十一年前任學政吳省欽咨部選拔彰明縣學額之案。辦理錯誤。照例不准一摺。學校事關名器。即增一童生進額。亦必遵例奏請。況

選拔貢生尤宜慎重。從前吳省欽遵行咨部。而部臣輒行咨准之處。均屬錯誤。姑念事隔多年。吳省欽業已革職。禮部堂官亦俱已更換。物故均著免其查辦。至學政陳希曾咨部選拔。亦有不合。但係相沿舊案。除所增拔貢二名。照部議不准外。陳希曾亦著加恩免其議處。嗣後各省學政遇有添增貢額等事務。當循照增添學額之例。一體奏明。請旨不得咨部辦理。以杜冒濫。○又諭前據玉德等奏。

泉州府知府錢學彬稟請改補京職一摺。朕披閱之下。即以該督等摺內既稱錢學彬氣局不能開展。遇事竭蹶。又云年壯才明。在任並無貽誤。殊屬自相矛盾。且外任內用京職。係屬升擢。豈有不勝外任人員轉授京曹之理。當經降旨將錢學彬交部嚴議。并將該督等傳旨申飭。本日復據玉德等奏到。錢學彬在知府任內有任聽家人李玉勾串司獄舞弊婪贓之案。請將泉州府知府錢學彬司獄

莊銓一併革職歸案審辦。可見錢學彬在知府任內實屬不妥。且伊家人婪索番銀。錢學彬若不知情。何以輒將取保呈詞批准。不可不徹底根究。以期水落石出。錢學彬莊銓均著革職。交該督等提同案內犯證。審明定擬具奏。至該督等前於錢學彬平日居官政績漫無覺察。輒據該員呈改京職。冒昧陳奏。茲查該員任內果有此等昏庸不職之事。是該督等察吏不明。咎無可辭。該督等自請議處。

實所應得王德汪志伊俱著交部議處諭
軍機大臣等前因赴陝協防兵丁逃回豫省
投首一事據吳熊光奏稱陝省糧臺原發鹽
菜口糧每兵每日共銀一錢自嘉慶三年十
月祇給八分本年王文雄在西鄉時共四十
五日並未發給鹽糧兵丁無食再三央懇始
經糧臺發給二十五日尚有二十日未發王
文雄忽發出傳條將松筠賞過每兵銀二兩
扣還糧臺兵丁等恐將未發之二十日鹽糧
銀兩扣除完款難以存活是以私自潛回本
省此事前據該兵丁等供有四十五日鹽菜
口糧銀兩未經發給今據發過二十五日雖
不盡相符而陝省短發銀兩自己屬實或係
經管糧員剋扣或係王文雄所轄將弁等從
中侵蝕抑或係王文雄自行侵用著額勒登
保秉公審究不可因王文雄前已陣亡曾蒙
優卹稍存瞻顧以吏部左侍郎祿康為都
察院左都御史轉吏部右侍郎文寧為左侍

郎調禮部左侍郎多永武為吏部右侍郎刑
部右侍郎高杞為戶部左侍郎以庫車辦事
大臣伊桑阿為刑部右侍郎轉禮部右侍郎
英和為左侍郎以內閣學士扎郎阿為禮部
右侍郎以總管內務府大臣豐紳濟倫兼
鑲紅旗漢軍都統調鑲藍旗滿洲副都統
扎郎阿為鑲黃旗滿洲副都統正黃旗漢軍
副都統那彥寶為鑲藍旗滿洲副都統以護
軍叅領格布舍為正黃旗漢軍副都統以調
正紅旗護軍統領春寧為鑲黃旗護軍統領
以正紅旗漢軍副都統慶傑為正紅旗護軍
統領頭等侍衛丹巴多爾濟署鑲白旗護軍
統領以勦辦寶邨教匪功遊擊達爾扎等
升敘有差賞廣寧門外普濟堂煮賑小米
三百石是月廣東按察使吳俊奏盜匪出
沒風濤得賊之後夷官婪取所得無幾其中
畧知利害之輩率夥來歸呈繳船隻礮械手
無寸鐵斷不能再出為盜其每起俱有頭人

均在開縣等處防守並未隨營打仗前次請賞花翎是何處立功殺賊應明白迴奏再知縣喻曰泗係本年三月始行調赴隨營承辦者皆往來書啟何故即請超升同知若皆似此瞻徇濫舉則有囑託者平步升天真出力者反遭淹滯賞罰不明非為將之道因汝常立功勲不肯直書諭旨申飭此後當知改悔切實保薦若稍徇私前功可惜勉之慎之五年以來軍營積弊朕實深知因汝屢次立功安民除賊雖小有不妥之處皆付之不論非不知也汝但勉力奮勇成功朕必破格酬賞成功速則賞重不可不奮力也今春汝實可嘉許立功殺賊自夏秋以來甚不出力今次奏摺全不成話忽東一句西一句總不明白朕日夜焦急盼一摺來看今看此摺實令心灰氣塞今冬成功汝定蒙厚恩若仍前取巧推諉朕旨一下汝即性命不保矣朕能誅和珅不能誅德楞額泰耶因汝從前出力故密寫

此諭先行示汝知之信與不信憑汝此後亦不復再諭矣○壬午

上啟鑒恭謁

東陵○命蹕路經過州縣額賦已節次蠲免十分之八者此次全行蠲免○是日駐蹕烟郊

行宮○癸未遣官祭

歷代帝王廟○是日駐蹕白澗行宮○甲申

駐蹕隆福寺行宮○乙酉

上恭謁

昭西陵

孝陵

孝東陵

景陵俱未至碑亭即降輿慟哭步入

隆恩門詣

寶城前行禮躬奠哀慟隨恭謁

裕陵行禮讀文祭告哀慟深切王以下文武大

臣官員均隨行禮○是日迴鑾駐蹕桃花寺

行宮○丙戌諭內閣吉慶奏升任山東青州

府知府李戴春前曾奏明留辦洋匪投首事
件今因洋匪投誠者漸少請令該守速赴山
東新任等語向來各省人員有升任他省者
各該督撫往往奏留不令即赴新任此內如
遇用兵省分該員有承辦軍務要件或未便
遽易生手事尚可行其尋常無事省分安得
援照此例若云為地方需人起見殊不思該
員升任省分其員缺轉至懸宕又需委員署
理於地方公事不無貽誤儻督撫等以該員
實係熟悉風土民情為該省必不可少之員
不妨專摺奏明候旨酌量對調何必率請暫
留除李戴春令其速赴新任外嗣後各督撫
於該省升任人員不得輒行奏留違者將該
督撫交部議處將此通諭知之○是日駐蹕
白澗行宮○丁亥諭內閣勒保奏現當軍務
未竣所有四川委署各缺除知府以上仍應
循例具奏其餘委署正佐各缺照向例按季
咨部等語川省現當辦理軍務之際與他省

情形不同所有委署正佐各缺准其按季咨
部俟軍務告竣後仍將調署州縣各缺隨時
具摺陳奏以符定例○以貴州勦辦青苗功
道員呂雲棟等下部議敘賞把總劉成業等
藍翎義首舉人高廷瑤等頂帶○德楞泰等
奏川省軍務出力人員知州劉佳琦等升賞
有差○賑江西寧都雩都廣昌南豐四州縣
被水災民并蠲緩額賦有差○緩徵石城瑞金
南城永豐吉水豐城南昌新建八縣水災額
賦○緩徵河南武陟孟二縣被水村莊新舊
額賦及應還倉穀○是日駐蹕烟郊行宮
戊子
上還宮○貸山西朔州被雹村莊籽種口糧並
緩徵本年額賦○庚寅
上御懋勤殿勾到奉天浙江情實罪犯停決奉
天斬犯九人浙江斬犯十人絞犯二人餘一
百十一人予勾○諭軍機大臣等姜晟奏湖
北各處雇募鄉勇隨時覈減情形總不免存

惜費之見。鄉勇一項。固須覈實辦理。但勦辦賊匪。必先能堵。而後能勦。果能於邊防各卡。隘。督飭兵勇。實力堵禦。使各股竄匪。無從奔逸。得以迅掃賊氛。即需費稍多。而於勦捕大有裨益。儻任意刪減。則防堵不嚴。勦辦稽時。轉致勞師糜餉。姜晟惟當擇其素不得力之鄉勇。量加裁汰。其餘各要隘處所。仍須嚴密布置。分飭防守。俾帶兵之員。得以痛加勦殺。此為最要。將此諭令知之。○兩江總督費淳

南河河道總督吳璥奏報秋汛安瀾得旨嘉獎賞費淳花翎與吳璥下部優敘○辛卯諭內閣書麟奏請將黔省總兵以下照浙江之例交貴州巡撫節制一摺。所見甚是。黔省地控苗疆。界連川楚。兵防最關緊要。雲貴總督駐劄雲南。離黔省較遠。其貴州營伍。不能時加校閱。而鎮將平日訓練之勤惰。亦恐耳目難周。自應令貴州巡撫就近考覈。俾資整飭。嗣後黔省總兵以下。均著巡撫節制。所有各

鎮協營官兵。責成該撫。隨時校閱。如有怠玩廢弛。即知會總督分別叅革。著為令。○又諭昨據謝啟昆奏請揀發同知二員。通判二員。知州二員。知縣八員。前赴廣西差委。一摺。已派大臣揀選矣。但近來各省奏請揀發人員。內惟四川陝甘湖北等省。現在軍務未竣。需員較多。自應照所請人數發往。其餘各省紛紛奏請部中候補候選正途人員。現在不敷揀發。若以捐納人員充數。則素未諳悉吏治

恐於地方公事無益。此後無事省分。奏請揀發人員。若部中候補人多。仍照所請發往。若人數不敷。吏部奏明照所請之數減半發往。所有現在廣西省揀發各項人員。即減半發往。○又諭劉權之奏保舉黎誕登不實。請交都察院嚴加議處。一摺。黎誕登於劉權之保奏後。朕曾降旨詢問費淳等。該員平日居官聲名如何。該督撫亦經保奏。並奏請升署太倉州知州。至黎誕登在任虛博聲名。自敘實

政令紳衿等具呈勒石等事該督撫等近在省城尚未深知况劉權之祇係在學政任內接見數次其官聲得自傳聞焉能究竟底裏若因其採訪未確即加以嚴議恐將來大臣等心存顧慮不肯舉薦人才但竟置之不議又恐開濫保之端除黎誕登俟該督等審明奏到再行覈辦外劉權之著加恩改為交都察院議處○命五城於冬春二季設廠煮賑○壬辰遣官祭

都城隍之神○癸巳

上御懋勤殿勾到陝甘情實罪犯停決官犯一人斬犯十二人絞犯四人餘八十一人予勾○諭內閣本年順天鄉試尚書朱珪之孫朱涂入場應考未經中式因將伊硃墨卷取閱其制藝詩策俱屬平平原難入選同考官未經呈薦而主考亦未搜錄校閱本為公當但念朱珪前在上書房行走曾授朕詩文且數歷有年恪共厥職現在伊孫祇有朱涂一人

其試卷文理亦尚無大疵朱涂著加恩賞給舉人一體會試朱珪當益勤訓課俾伊孫力學上進以副朕恩施造就至意○賞順天鄉試年老諸生曠大澄等八十五名舉人副榜有差○緩徵廣東大埔海陽饒平澄海四縣水災本年額賦○甲午德楞泰等奏職斃逆首唐大信賞寡首龐閣龍把總並藍翎○調廣東高廉鎮總兵官託雲泰為貴州安義鎮總兵官以四川阜和協副將張志林為高廉鎮總兵官○免江蘇省舊欠蘆課河租并漕項兵米月糧○緩徵江蘇江浦六合溧水上元江寧句容金壇溧陽山陽阜寧清河安東鹽城銅山豐沛邳宿遷睢寧海丹徒丹陽二十二州縣及淮安大河徐州三衛水災新舊額賦漕糧並免蕭陽山二縣及徐州衛水災本年額賦漕糧有差○乙未

上御懋勤殿勾到湖北情實罪犯停決斬犯二十四人絞犯二人餘一百二十五人予勾○

諭內閣額勒登保奏查明河南兵丁在陝潛回實係口糧不繼等語各路軍營兵餉自應隨時發給台布係陝西巡撫專辦糧餉之人乃於河南在陝協勦兵丁鹽糧始則遲至四十餘日不行發給及至找補復仍欠發十九日以致兵丁等口糧不繼結隊潛回豫省實屬辦理不善台布著交部議處○以翰林院侍讀圖勒斌充日講起居注官○撥山西藩庫銀七十萬兩解往陝西以備軍需○旌表

守正捐軀山東蒙陰縣民姚開山妻王氏○丙申諭內閣吏部議處尚書朱珪不能約束轎夫以致逞兇不法請將朱珪降二級調用一摺係屬按例辦理朕惟敬勝者吉古訓昭然朕實承大寶於

天人交感之際朝乾夕惕一以主敬為本即接待臣工猶時存敬大臣之念况人臣奉上恪恭盡禮尤當各循止敬之道不可稍有疏忽年來屢降諭旨整飭朝儀申嚴門禁初非欲

過示尊崇實以堂廉之分本自秩然近年過於忽畧幾不知君臣之辨若不判以等威何以為萬世子孫臣民法守朱珪前在上書房行走小心恭謹於在書房讀書之皇子皇孫無不一體盡敬上年內召來京朕疊施優眷朱珪亦深以謙抑自持惟本年夏間因彭元瑞在禁城內墜馬跌傷朱珪輒將彭元瑞所乘之轎喚入西華門昇出彼時朱珪見彭元瑞墜馬昏迷難以扶掖又因其轎祇隔數武

遽行喚入雖一時倉猝不暇詳思殊不知尺寸禁門不容稍越究難辭疏忽之咎旋經御史周栻劾奏其言甚正是以將朱珪交部議處今朱珪復有轎夫在西關門禁地酌酒爭毆毆打護軍撥斷槍桿之案即由伊轎夫滋事而西關門禁地僅距西華門咫尺可見平日恪謹如朱珪者造次之際稍不自檢不數月間遂有此事未必非默儆其疏忽轉為朱珪之福此據感應之理而言非徒神道設教

之謂大小臣工可不共知凜惕收斂身心斯須不忘恭敬乎部議將朱珪降二級調用本屬咎所應得惟念朱珪平日為人謹飭此案祇因約束不嚴致呈吏議其轎夫向銀庫廚役折給飯銀亦屬失於查察朱珪著革去太子少保不必管理三庫事務仍加恩改為降三級從寬留任慶桂係同管三庫事務之大臣於折給飯銀一節均有失察處分其三庫事務亦著不必管理此旨通諭諸王貝勒貝

子公等滿漢大臣知之○予勦辦苗匪傷亡雲南訓導胡芳浦司獄戈昶減半祭葬如例○旌表守正捐軀河南汝州民程珍妻王氏○丁酉

上御懋勤殿勾到江西江蘇情實罪犯停決江西斬犯二十一人江蘇斬犯十二人絞犯三人餘九十八人予勾○旌表守正捐軀湖南衡陽縣民馮國洋妻周氏○戊戌

上詣

雍和宮行禮

火神廟拈香○補行嘉慶四年大計江蘇卓異官四員不謹官三員年老官一員有疾官二員才力不及官一員浮躁官一員分別議敘處分如例○己亥

上御懋勤殿勾到安徽情實罪犯停決斬犯十人絞犯五人餘七十八人予勾○庚子諭內閣向來順天文鄉試及文會試分左右兩翼請派副都統二員帶領章京等入場彈壓惟

辦理武鄉試會試並無彈壓大員不足以昭慎重嗣後武鄉試會試屆期著該部不必拘定翼分亦請派副都統一員帶同章京等一體入場彈壓至武鄉會兩試內場閱卷之主考官考向雖有迴避之例尚未詳盡著軍機大臣會同兵部妥議具奏○旌卹遇賊捐軀湖北竹山縣武生張懷璧民人郭添顯等七十六名口如例○辛丑

上詣

昭顯廟拈香○諭內閣本日朱珪等將磨勘
順天鄉試各卷進呈朕詳加披閱內御史辛
從益簽出策題應磨勘者八條經覆勘大臣
公閱惟第五問建武年號辛從益簽出宋孝
武改元孝建並無建武年號一條實係策題
書寫舛錯其餘如神農之貨布黃帝之金刀
各條策題皆係引用西清古鑑有何可議乃
辛從益一一簽出並指為荒謬蒙混杜撰訛
謬大加批斥殊屬非體又戴璐名下分得七

卷伊簽出六卷惟白日華一卷次藝用天地
萬物犯下應議其餘不過字畫錯誤無甚關
礙至周廷謹一卷頭場次藝內引用周禮聖
義忠和而戴璐簽出中和二字犯下不惟該
生原卷忠字本與下文無涉且周禮原文本
係忠字豈戴璐竟未肄業及之耶此皆有意
苛求殊未平允前日發榜後適召見彭元瑞
據稱此次順天鄉試江西士子赴考者中式
一名江西係屬大省今科取中僅止一人而

辛從益籍隸江西即將主考策題有心指摘
顯係挾私又聞戴璐之子入場未中伊奉派
磨勘遂爾吹毛求疵均非秉公覈實之道况
每科鄉會試總裁主考官及派出磨勘試
卷者皆係科甲出身人員此次磨勘之員安
知下次不令其入闈校士而此次總裁主考
房官又安知下次不派令磨勘試卷設彼此
各懷私意互相報復成何事體且衡文者若
因磨勘過刻懼干處分必有豫為請託或被

人挾制交通照應之事於掄才大典殊有關
繫辛從益戴璐著撤出磨勘班並傳旨申飭
○又諭伯麟奏貪鄙不堪之知府知縣等
請革職嚴審一摺據稱於平陽途次有太平
縣樂輸軍餉王協之姪王濡翰及尉維模二
戶進見詢出平陽府知府繆晉太平縣知縣
郭明德委員候選知縣潞安府經歷陳聖域
均稱拮据向該二戶共借銀十萬兩王濡翰
尉維模因無現銀可借議立銀票送給繆晉

陳聖域各四萬兩。又許定借與郭明德銀二萬兩。並未給與銀票。該撫當傳繆晉等面質。俱各不能隱諱。承認屬實等語。晉省紳士樂輸軍餉。甚屬急公可嘉。乃繆晉等遽向太平縣捐戶王濡翰。尉維模。借貸銀十萬兩。實屬貪鄙無恥。並顯有藉端勒索等弊。不可不徹底根究。繆晉郭明德陳聖域俱著革職。交伯麟嚴審定擬具奏。○賜故朝鮮國王李祹謚恭宣。以其世子琮為朝鮮國王。命署散秩大臣。明俊為正使。內閣學士納清保為副使。往封。○壬寅。諭內閣。彭元瑞奏上年冒昧保舉繆晉堪勝道府。請與那彥成一併交部嚴加議處。一摺。固屬咎所應得。惟念彭元瑞等祇看得繆晉才具尚堪外任。亦不能豫料其卑鄙不堪。竟有向所屬富戶勒借之事。若即加以嚴議。恐將來部院大臣等心存顧慮。不肯保舉人才。但竟置之不議。亦無以為濫舉者戒。彭元瑞那彥成俱著加恩改為交部議處。

○以刑部右侍郎陸有仁為陝西巡撫。湖南巡撫祖之望為刑部右侍郎。河南布政使馬慧裕為湖南巡撫。四川按察使先福為河南布政使。四川候補道董教增為按察使。○命陝安鎮總兵官慶成在漢中專辦堵剿事宜。暫護陝西巡撫印務。○癸卯。

上詣

大高殿行禮

時應宮拈香。○諭內閣。胡季堂奏典史楊道純向該督衙門呈遞條陳軍務奏摺。懇求轉奏。實屬狂妄。請革職治罪。並將楊道純奏摺及原稟進呈。閱摺內所陳以川楚教匪叛由被逼。情尚可原。其意竟欲暫緩用兵。專事招撫。殊不知勦撫兼施之法。早經降旨宣諭。不啻至再至三。而逆匪等執迷不悟。尚未盡行解散。現在川陝楚各首逆經官兵屢次痛勦。賊功在即。豈有撤兵不辦。徒以空言招撫之理。且該典史並欲於賊隊中擇其言有可

採才堪任用者量為器使尤為謬論楊道純因上年九月呈遞表策稍有可採是以加恩賞給官職交胡季堂委用此時該員又妄生冀倖若伊將奏摺於蹕路經過地方呈進或差人赴在京各大臣處齎投自當照例治罪今具稟總督懇請代奏與薦越控訴者有間但一交部議亦必議以革職姑念摺內所陳尚無違悖之處不過其言斷不可行著從寬免其革職交胡季堂嚴加管束俾以典史終身遇有應升之缺不准升用若楊道純再有不妥本分妄行條奏之事必將伊革職從重治罪決不寬貸○賑甘肅永昌武威鎮番三縣被旱災民並蠲緩額賦有差○甲辰

上御乾清門聽政○以正黃旗漢軍副都統阿隆阿為內閣學士兼禮部侍郎銜○丙午

孝慈高皇后忌辰遣官祭

福陵○諭軍機大臣等台布奏官兵分勦各路竄匪情形俱經額勒登保長麟先行奏到台

布已令其前往西寧辦事所有此次來京之貝子齊墨特達巴等呈訴台費陰廣厚前此查辦該處蒙古被賊番搶劫牲口等物追給不及百分之一並行文該處蒙古嗣後遇有搶劫之案不准呈報各款台布務須悉心秉公查覈如果台費陰廣厚前在西寧於此事竟未查辦全係空言自應據實奏奏若被搶物件已為查拏追給而該貝子因未贖所欲嘵嘵瀆訴此風亦不可長蒙古卡倫各有地

界其向係官為設卡處所自應循照舊規若本係該處蒙古自行設卡地方即當自為防範豈有伊等開門揖盜處處皆藉天朝兵力為之保護游牧之理且該處蒙古素稱窮苦亦焉能有牲口百萬餘俱被搶劫是所控本難盡信因該蒙古等屢次瀆控輒行更易大臣亦屬非體著台布查明上年台費陰廣厚是否全未查辦如祇係不實不盡亦當據實陳奏聽候覈辦至該蒙古如續有被搶之事

亦不可竟置不問仍當為之查拏追給但不
得遂其無厭之請方合撫馭外藩之道台布
辦理此事惟當令番子各知震懾不致再行
滋事而該處蒙古亦誠心悅服更無控告之
事乃為經理得宜其台費蔭前奏該貝子等
於到京後有欲懇請遷至阿拉善地方游牧
如不准所請即欲勾結丹噶爾地方回子鬧
事一節現在該貝子等所遞呈詞內並未提
及欲遷游牧且住京多日亦並無他說經朕

將該處王貝勒貝子公等俱加賞賚衆心極
為感悅是台費蔭前此所奏自係誤聽人言
張皇入告至貿易人謝朝禮或因不能深悉
蒙古語言聽聞不確以致傳述舛錯尚無大
過台布到彼後如謝朝禮已經喚至祇須向
彼畧加詢問即行省釋不必再事苛求如該
處窮苦蒙古或有尚須酌加撫卹之事台布
當奏聞辦理伊等自必倍加感悅邊圉更可
永期寧謐也○又諭勦辦教匪五載以來所

發餉銀不下數千萬兩此項餉銀原係供支
軍營官兵鹽菜口糧之需乃所發帑金總不
敷用自由承辦官員遇有餉項到省先將例
不開銷之款任情支發轉將官兵應領之項
拖欠藉口餉銀缺乏甚至兵丁有因拖欠鹽
菜口糧竟致結隊潛回者現在承辦各員雖
未必敢如從前濫行支用但遇有解到餉項
或將本省他項應給之款先行給付以致支
發軍需轉形支絀此則不知事體之輕重緩

急試思頻年在京在外撥給帑項原為軍需
而設則支用亦應以軍需為主如有牽混之
處將來報銷時部臣亦必議駁若地方偶有
災賑自當專摺奏請如本年夏間陝省地方
秋禾被旱有應行賑濟之處一經台布奏請
於軍需撥銀七十萬兩之外另發去銀三十
五萬兩辦理賑務原屬兩無牽混斷不准將
此次所發軍需再於他項動支著傳諭各路
軍營領兵大員及各督撫等嗣後餉銀一項

於撥解到局時皆當一體遵照儘供軍需之用至兵丁口糧雖例支大米前經降旨詢問額勒登保據奏現皆米麴兼放即小米亦堪支食是經畧一路並不單支大米各路軍營自應做照辦理若必欲食大米則是有意刁難所有各路領兵大員及各督撫等皆應遵照通融籌畫妥為經理軍營既可米麴兼放自易採辦僅再有貽誤或小米麴亦竟至缺乏則承辦糧員咎無可辭必當嚴叅辦理再

各路領兵勦賊管理糧務之員應隨時供應不得稍有遲誤乃帶兵之員往往藉口糧運不繼以致勦賊不能得力而承辦糧員亦以軍行無定隨時轉運維艱並非糧儲不足似此互相推卸何日始能藏功總之各路領兵大員及地方督撫等均係同辦一事現在各路賊勢已形殘敗不過數月即可辦竣當此功收一簣之時尤為喫緊在地方官辦理軍需固應於軍營所到之處多方設法運送務

期無誤而領兵之員亦當令該弁兵等隨時酌量裹帶口糧即使糧運稍遲亦不致枵腹從事庶於勦賊機宜更有裨益此係朕指示所及並非他人條奏經此次通諭之後該領兵大員及各督撫等務當協力同心和衷共濟於年內一律辦竣同膺懋賞不可不倍加奮勉也○丁未諭內閣前據伯麟奏晉省紳士王協尉維模等因官兵勦辦教匪大功將屆告竣一切善後賞賚諸事需費情願捐銀

二百一十八萬餘兩以備凱旋之用並查從前該省曾因捐輸軍餉議敘官職將該紳士等原呈進呈朕念伊等情詞懇切且有該省捐餉成例未便阻其報効之忱惟因捐數過多祇賞收銀一百五十萬兩其餘仍著伯麟按數發還將捐輸之各紳士咨部議敘原以該紳士等情殷報効踴躍急公於獎勵之中仍寓體卹之意乃不料晉省府縣繆晉郭明德陳聖域竟有向富戶王協之姪王濡翰及

尉維模借貸銀十萬兩之事實屬貪鄙不堪已降旨將繆晉等革職嚴審但恐各省督撫兩司等或因晉省富戶樂輸軍餉輒思倣效辦理希圖見好而不肖府州縣亦欲倣效上官以助餉為名向百姓借索假公濟私實難保其必無現在川陝湖北賊匪不日蕩平所發帑項接濟各路軍需亟為充裕即督撫等果有具奏富戶捐輸之事朕斷不准行然一俟地方官稟報督撫陳奏後始行飭禁而閭閻已不勝其擾與其懲辦於事後莫若嚴禁於事前朕宵旰勤求於小民生計刻繫懷抱總期戶有蓋藏人皆樂利庶幾漸臻上理豈忍令貪官墨吏藉詞擾我良民著傳諭現無軍務各省分之督撫等此後如有奏請捐輸者不但不准所請必將該督撫治以瀆奏之罪儻府州縣有指稱百姓樂輸從中漁利者該督撫查出即行嚴叅治罪決不寬貸○予四川陣亡副將李錫命王清弼叅將張文貴

實錄卷七十四

十一

伊蘭泰遊擊陳選夏鈞阿克東阿都司何振剛鄭振貴守備王百齡董榮黃起鵬伍英揚鐵鼎千總解化龍許振起程上德周世倫把總崔聖傳梁揚光張英陳祖榮熊應休林廖榮外委王增譚福趙起雲陝西陣亡守備永虔把總梁相外委田守玉田連祭葬世職如例四川陣亡生員郭承域武生余耀先祭葬世職如外委例兵丁張振等一千四百九十三名賞卹如例○

實錄卷七十四

十一

上以孟冬時享

太廟自是日始齋戒三日○戊申

孝敬憲皇后忌辰遣官祭

泰陵○密諭張誠基知朕聞汝近來小心謹慎持正虛衷力改前非深可嘉許但汝從前辦理寧州匪徒一事頗有冒功邀恩之弊鄉勇中有仗義忘身者有傾家析產者未蒙敘功頗有含怨不服官長因此而起此事已過二年朕施恩不究汝冒功之咎汝應作為自行

續查出前次曾出力之鄉勇頭目數人量予甄敘以服其心方為正辦再聞得江西頗有喫齋念佛之徒若久聚因循恐滋事端亦應留心防察有生事者即行辦理若安靜守法亦勿搜求朕願汝常存奉公守法之心愛民察吏之念久久不懈將來為朕宣猷受福無量勉之尋覆奏當時未將鄉勇聲請優敘緣由現即再行詳查酌量請旨辦理至持齋誦經積習已久惟嚴飭地方官留心密查得旨

實錄卷十四

七

以實查辦加以鼓勵則人心平矣至於喫齋念佛等事總以聚眾不聚眾為斷不可妄行查拏致啟胥役勒索滋成事端然亦不可姑息必須委託得人於事有濟如不得人寧遲勿辦此等處汝其勉之○諭內閣向來各省採買穀石原應按限補足以實倉儲然各省收成分數豐歉不一亦須分別辦理即如本年四川陝西湖南廣西等省有得雨較遲州縣浙江江西福建等省所屬間有被水州縣

各該處收成未免歉薄若將倉穀一律採買轉於民食有妨著通諭各督撫等除秋收豐稔省分均當及時買補報部查覈外其各省內有收成稍減之州縣不妨暫緩採買俟穀多價賤之時再行採辦嗣後各省辦理買補均須各按年歲情形分別查辦以期民食倉儲兩無妨礙將此通諭知之○已酉諭內閣姜晟奏請將丁憂永綏營副將仙鶴林在任守制一摺所奏非是湖南現非辦理軍務省

實錄卷十四

七

分該副將祇係在苗疆留防彈壓並無帶兵之事且該省苗疆地方不止永綏一處若遇有丁憂之員俱以熟手為詞紛紛請留在任守制成何政體仙鶴林著即回籍守制嗣後尋常無事省分該督撫不得率行奏留丁憂人員以符定制○諭軍機大臣等藍黃白綠等股竄匪由房縣西南一路竄回川境明亮等未能迅速趕上痛加殲戮仍任其逸出楚境此係明亮等之罪與姜晟無涉但賊匪既

竄回川則楚境現已無賊。明亮係專派勦賊之員。早經降旨諭知。如賊匪折回川省。令其追勦。入川。明亮自己遵照諭旨。赴川勦辦。此時楚省防堵最關緊要。姜晟與倭什布孫清元俱當在本境防堵。儻賊匪經德楞泰等分飭鎮將迎頭截擊。亦難保其不又竄回楚境。再徐添德一脫。現在平利一帶奔竄。經慶溥溫承惠等併力勦殺。雖有長齡前往迎截。亦難保其不折而向東。是虜竹巴東一帶均應守禦。姜晟務當與倭什布督率所屬一律嚴防。將此傳諭知之。

實錄卷七十四

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之七十四

實錄卷七十四

十九

景陵

鐵余較易。德。悞。秦。勅。保。不。可。不。知。此。意。將。此。

諭令知之。○以截斃首逆趙麻花功。擢四川步兵何有富為千總。○給黑龍江等處霜災兵丁官屯人等口糧。並免本年應交糧石。緩徵齊齊哈爾布特哈等處舊欠糧石。○癸丑喀爾喀車臣汗桑齋多爾濟緣事革退。以其族子瑪哈錫哩襲爵。○甲寅。

上詣

凝和廟

宣仁廟拈香。○諭內閣。台布奏查明河南兵

丁借支銀兩一事。係松筠將此項借款。口許賞給兵丁等語。軍需銀兩。絲毫皆關報銷。松筠如因各兵辛苦。所借銀兩。未便查扣。自應據實奏明。候朕降旨加恩。今松筠既未具奏。則係伊自行賞給。豈有動用官項之理。所有河南兵丁前借銀五千兩。著令松筠賠出。毋庸向各兵查扣。松筠現在伊犁。此項應賠銀兩。即令該家屬就近措繳。以清官項。○諭軍機大臣等。長齡現已帶領吉林黑龍江官兵

迎赴紫陽平利一帶。會同慶溥溫承惠等協剿該處竄匪。但吉林黑龍江兵丁皆係生力勁旅。正宜及鋒而用。長齡素未經歷行陣。若將此項勁兵。徒事往來奔涉。恐又漸形疲乏。著額勒登保派員迎赴前途。將長齡作為領隊大臣。聽候額勒登保調派。於勦捕更資得力。至吹扎布等。係巴圖魯侍衛。遇有派委打仗。理應迅速勇往。今不遵調度。繞道遲延。甚屬可惡。數年以來。軍營大臣等從未奏奏巴

圖魯侍衛。額勒登保係吉林人。能不徇情面。秉公參奏。甚屬可嘉。吹扎布著退出乾清門。與定色魯均革去巴圖魯名號。降為藍翎侍衛。留於軍營効力贖罪。以觀後效。將此傳諭知之。○乙卯。

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。○遣官祭

顯佑宮。

東嶽廟。

城隍廟。○

上詣

大高殿

壽皇殿行禮。還宮。不御殿受賀。王以下文武大

臣官員。於乾清門外行禮。○丁巳。諭軍機大

臣等。據祿康奏。調劑奉省倉儲。仍照舊例出

陳易新一摺。向來各州縣倉儲米石。俱於青

黃不接之時。發給納戶。以便民食。秋成後照

數交倉。自前任奉天府府尹岳起。因不肖州

縣。額外加收。遂將此例禁止。殊不知出陳易

新之例。各省奉行已久。如果地方大員。嚴飭

州縣。妥遵辦理。焉有額外加收之弊。今奉省

州縣。各倉不行出借。以致米石積久。黷腐未

免。因噎廢食。著盛京將軍。會同戶部。並府尹

等。詳悉妥籌。務使倉穀不至陳腐。而於民食

亦有裨益。儻有不肖州縣。仍敢復蹈前轍。一

經告發。必將該州縣及該管上司。一體治罪。

○直隸總督胡季堂。以病乞解任。允之。以直

隸布政使顏檢。護理總督事。按察使同興。署

布政使。清河道喬人傑。兼署按察使。○戊午。

諭軍機大臣等。王珊一股匪衆。經德楞額。泰勒

保。督率將領。分路兜截。殲擒淨盡。川東腹地

肅清。所辦甚屬可嘉。且據稱與額勒登保。彼

此札商。欲將陝省之賊。全數逼入四川。以便

併力圍攻。覽奏。更為深慰。數年來陝甘四川。

湖北。各股竄匪。雖疊經官兵痛剿。但賊情狡

猾。奔竄靡常。而各省帶兵大員。又不免各存

意見。僅將該省之賊驅逼出境。即為了事。不復顧及鄰省。其鄰省帶兵之員。亦復如是。賊匪輾轉奔竄。日就蔓延。最為軍營惡習。今德楞泰勒保能見及此。籌慮大局。可謂無分畛域。不愧大臣任事之道。現在嘉陵江一帶。防守最關緊要。各股竄匪。因通已。境內寨砦嚴密。欲圖竄越。若嘉陵江防堵不嚴。又致偷渡。擾及川西完善地方。更復成何事體。德楞泰等務須加意防範。不可稍有疎虞。至勝兵所到之處。賊匪等窮蹙畏懼。自必紛紛乞降。德楞泰勒保當察看光景。如果賊匪誠心投出。自應允准受降。但賊情狡詐。不可不加意嚴防。恐該匪等被大兵勦急。計無所出。相約詐降。勾結。轉為大營肘腋之患。此最應隨時留心者。德楞泰勒保尤當慎之又慎也。將此諭令知之。○加四川知縣徐廷鈺知州銜。以截勦陝省竄匪也。○庚申。諭內閣。御史長琇奏慎重

陵寢工程。以歸簡易一摺。所奏事屬可行。陵寢歲修工程。理宜敬謹修飾。向來零星工程。係由工部派員前往照估修理。工竣回京後。遇有零修之處。作為次年歲修。未免延緩。不足以昭慎重。著照該御史所奏。嗣後陵寢歲修。於每年十月奏請。欽派工部侍郎一員。帶同司員前往詳細估勘。所有應修之處。即就近專委石門工部司員敬謹辦理。由陵寢該管大臣董率稽查。以專責成。而歸簡易。所需錢糧。仍由工部支領報銷。其陵寢額種樹株。並回乾補種等事。亦即著派往估勘歲修之侍郎一併詳細稽察。○諭軍機大臣等高。二馬。五。二逆。狡詐異常。奔越數省。今長齡探得該匪屯聚洵陽之王家坪一帶。分派滿漢官兵同時並進。奮勇衝殺。殲擒賊匪七百餘名。所辦可嘉之至。前因長齡素未經歷戎行。降旨將所帶官兵歸入額勒登保隊內。聽候調撥。此時賊鋒大挫。正當乘勢搜

捕現已諭知額勒登保毋庸令長齡前赴大營。所有高二馬五一股賊匪即責成長齡協同勒辦。務將此股逆匪在洵陽地方速行勒淨。如不能即時勒滅亦應逼向西面以便額勒登保迎頭截擊。或向西南逼入川境斷不可令其折竄楚省二竹一帶亦不可令其越過漢江西北逸入商雒等處致搜捕又稽時日。總須將此股迅速勒除。若賊已垂敗不可又棄而之他。如那彥成前此不將高馬餘孽勦竣。貽累至今也。將此傳諭知之。○辛酉諭軍機大臣等。目下紫陽安康一帶賊匪較多。額勒登保取道西鄉前往督辦。所見甚是。其南鄭寧羌一帶當知會長麟定住慶成分設卡隘嚴密防禦。務絕賊匪折竄之路。至沿江一帶現屆冬令水落之時尤應加意嚴防。勿令賊匪踴淺偷渡北岸。又據稱現在賊勢日形殘敗。各路領兵人員惟能遇賊緊勒。黨與已淨。頭目亦難獨存等語。尤為扼要之論。前

此領兵大員總以擒獲一二首逆希冀邀功。置餘匪於不辦。以致敗逃之賊裹脅蔓延。又成大股。數年以來未能蕩平。實由於此。若將賊匪黨與殲淨。則首逆勢孤。何難即時就獲。此等機宜朕已屢經降旨通諭軍營。今額勒登保遵照妥辦。已操勝算。此時聲威壯盛。想此殘敗賊匪無難一鼓殄除。額勒登保務於年內悉數殲擒。莫安黎庶。伊等早成一日之功。朕亦早減一日之過。但又不可因欲迅速歲事。辦理稍有草率。務使餘孽勿致復萌。地方永臻寧謐。方為盡善。至賊匪見官兵勢盛。自知不能逃竄。相率乞降。其有臨陣棄械投誠者。自當予以一綫生路。然當此大兵痛勦之時。成功在即。斷不可先存招撫之見。總當以勦為主。俟賊匪畏懼懾伏。實心投順。再行議撫。看來紫陽安康各股賊匪勢已窮蹙。非東竄入楚。即南竄入川。額勒登保大兵一到。能即於陝境勦盡。實所深望。否則與其令賊

入楚。母寧令賊入川。楚省兵力無多。明亮年已衰老。倭什布亦難倚恃。恐賊匪一經竄楚。又致蔓延棘手。川省有德楞泰勒保大兵在彼。賊匪竄合一處。兩面夾擊。正可聚而殲洗。將此諭令知之。○又諭台布奏青海蒙古番子等情形。所見俱是。青海蒙古等不自防守。游牧邊界。是以番子等毫無忌憚。肆意妄行。以致蒙古等窮迫失所。此皆過於懦弱之故。天朝簡派大臣辦理事務。應使蒙古番子安居樂業。各得其所。不相欺凌。方為合宜。豈有每歲代蒙古等向番子追取牲畜之理。台布到西寧後。務須鼓勵蒙古人等各守游牧邊界。操練技藝。設法禦敵。不可專恃天朝威力。自弛防範。至番子等亦當令其各知畏懼。不敢任意侵擄。方為妥善。將此諭令知之。○以隨辦軍務出力。賞甘肅知府王榮榮花翎。知縣李凱等升擢有差。○壬戌諭內閣。上年推恩宗室。准令應試。原定以辛酉正科為始。本

年舉行恩科。因給事中慶岱奏試期較近。恐宗室等於舉業一時未能嫻習。請暫停本年鄉試。當經降旨允准。仍以辛酉正科鄉試為始。但思宗室應試。若與士子等一同入闈。於體制究有未協。溯查乾隆年間。曾兩次舉行是典。自有舊規可循。現當久經停止之後。其應如何酌定章程。及一切事宜。著軍機大臣會同宗人府禮部詳查妥議。具奏尋議。宗室應試。請照八旗例。由宗人府考試馬步箭。挑取合式者。奏請簡派王大臣覆試。後再行錄科。其奉天宗室。由宗學考試馬步箭合式者。就近咨送奉天將軍覆試。錄科送京。貢院局試。鄉試於八月初四日點名入場。會試於三月初四日點名入場。由宗人府派出章京數員。在轅門識認。至龍門外。由御史點名散卷歸號。並請於左右宗人內先期簡派一員彈壓。巡查懷挾亂號等事。如有前項情弊。交宗人府自行辦理。其營弁號軍等交監臨

知貢舉酌量應用若干人。於初三日先行點進。考試擬用制藝一篇。五言八韻排律詩一首。由順天府禮部先期奏請。

欽命題目。於點名日。令宗人府府丞赴乾清門恭請。捧至貢院。交監臨知貢舉送入內簾。啟封刊印。俟點名封門後。交出散給。即於初五日交卷出場。一印卷照鄉會試例。由順天府禮部備卷鈴印。交監試御史鈴用。坐號散給。交卷後送外簾彌封。不必謄錄。送內簾主考。

總裁擬定中式名次。封交至公堂。鄉試派順天府官一員。會試派禮部司官一員。同宗人府章京一員。捧至乾清門交奏事處進呈。欽定名次後。鄉試由監臨會試由知貢舉拆名填榜。屆期由宗人府派員至貢院外接榜。宗人府衙門前張榜。試卷交順天府禮部存查。中式人員應得旗扁銀兩表裏緞匹照例給予。中額鄉試應由順天府將試卷數目開單進呈。

欽定中額。其會試中額初次人數無多。應令總裁擇其文理優長者封卷進呈恭候。

欽取至數科後。會試人數增多。仍由禮部覈明試卷數目請。

旨定額。殿試朝考奉。

旨與新進士一體應試。應請同日入考。坐次及引見排班均列在新進士前。由該衙門一體帶領引見。或用翰林或用部屬。其未授職進士及取中舉人應如何選用。請交吏部議奏。

一。凡宗室祖孫父子及同胞叔姪兄弟應行迴避外。其餘概毋庸迴避。一。查乾隆年間宗室曾考試繙譯嗣後凡考試繙譯鄉會試之年亦應照文場鄉會試例辦理。取中者應如何選用亦請交吏部議奏。從之。○諭軍機大臣等。王德奏浙洋遭風餘匪悔罪投首一摺。所辦俱好。惟所稱將黃東幅等三十八名發往安徽山西二省充伍管束殊未妥協。該犯等悔罪投首本為繫戀鄉土若發往他省仍

與遣戍無異。伊等既籍隸廣東，應即遞回原籍。交地方官嚴行約束。其婦女幼孩，內有四名口籍隸廣東者，各有父母夫男，應各遞回給親完聚。其餘六名口，不知籍貫，即於閩省分賞旗員為奴。此後海洋再有投出匪犯，俱不必請發他省。概交原籍妥為安置。俾聞風投首者，益加踴躍。將此諭令知之。○以翰林院侍講學士亮保為順天武鄉試正考官。檢討趙未形為副考官。○以福建澎湖協副將

何定江為金門鎮總兵官。○巴里坤總兵官德忠以疏縱逆匪革職。逮問。○緩徵甘肅皋蘭、金安、定平、涼涇、寧夏、朔平、羅鎮、原、環、靖、遠、安化、河、崇信、狄道、渭源十六州縣並莊浪縣、丞、沙泥州判所屬本年被霜被雹被旱各災民額賦。○癸亥密諭長齡知悉。現今川陝各賊皆聚於大寧、安康等處。總思竄入湖北。是湖北防堵責任最為重大。特用汝為宜昌鎮統兵防堵，能使一賊不入楚境，汝之功比

勦賊尤重。加意奮勉。毋負朕恩。再聞明亮日見老邁。若在軍營不能帶兵行走。轉為汝累。汝即據實奏來。另有旨用彼別處不致掣汝之肘。再防守之道，須先講明地理山川形勢扼要安卡。若處處設防，焉有如許兵勇。況分而見單，亦無濟於事。汝兄前在湖北辦理不善。朕施恩未究，仍用為山東巡撫。汝今又用為湖北大員，縱不為朕出力，寧不為汝兄一洗前羞乎。汝兄誤事於前，汝能收功於後，庶

可全朕用人顏面。亦可慰汝父納延泰九泉之靈。汝之才可用，但前隨福康安出兵未免沾染積習，言行不相符合。此後最戒取巧見長。虛言欺飾，當為國宣猷實心對朕。一心報主。將來受福無窮。若稍不信朕訓，禍不旋踵。勉之慎之。此旨密封交回。○諭內閣據明亮等奏湖北襄陽鎮總兵孫清元於帶兵途次聞伊母李氏在籍病故，呈請歸葬，並稱伊父孫自法、伊妻庾氏均經先後病故，三樞並停

乏人經理安葬等語。孫清元自帶兵勦賊，以
來奮勉出力。現在楚境雖已肅清，邊防正資
堵禦。孫清元著暫留本任，但念伊家中疊遭
事故，不遑兼顧，殊堪憫惻。孫清元籍隸直隸
晉州，著顏檢於藩庫內撥銀五百兩，專派丞
倅一員，齎往孫清元族中，交付親近之人，妥
為料理，以示體卹。○又諭刑科給事中周元
良等奏請嚴秋讞朝審決囚重典一摺。所奏
甚是。向來市曹處決朝審重囚，刑部侍郎會

同刑科給事中等前赴法場監視行刑。先期
派委營城文武地方官清理街道，嚴閉柵欄，
不許閒人往來。立法本為嚴密，但恐日久玩
生，各員弁等視為具文，不能認真彈壓。雖現
在綱紀肅清，斷無他慮，然獄獄大典，行刑之
地，自應慎重嚴肅，著照該給事中等所請，每
年朝審決囚時，都察院及步軍統領衙門一
體嚴飭營城各員弁兵役等，於行刑處所周
圍排列嚴禁巡察，毋許街市閒人擁擠，並著

派是日輪住城外之京營總兵親往巡查彈
壓。僅派出城營各員弁及兵役等不能實力
奉行，街市閒人仍前擁擠，著監視行刑之侍
郎給事中據實指名參奏。○以鑲白旗蒙古
副都統國霖為京營右翼總兵，駐藏大臣和
寧為鑲白旗蒙古副都統。○湖北宜昌鎮總
兵官明亮以不能勦賊降藍翎侍衛以領隊
大臣長齡為宜昌鎮總兵官。○貴州鎮遠鎮
總兵官劉惠因病休致，以浙江紹興協副將

策楞為鎮遠鎮總兵官。○甲子諭內閣據德
楞奏勒保奏將已革知州戴如煌審擬治罪
一摺。前因戴如煌老病無能，任聽書差在外
滋事，以致民間多有怨言。凡習教之人無不
遭其索詐，不能安身。遂萌異志，是戴如煌實
為激變啟釁罪魁，不可不嚴加懲治。因降旨
命勒保將戴如煌提至軍營，悉心研鞫，按律
定擬具奏。今據德楞奏勒保審訊戴如煌，並
無貪婪切實證據，而檢查任內書差卯簿竟

有四千餘名之多一任差役在外詐錢滋事雖事隔四年書役王國學馬貴等均已先後被戕病故此外更無質證之人而戴如煌濫設衙役四千餘名任聽藉端訛索以致達州教匪首先滋事自未便因其現無索詐入已確據致有輕縱戴如煌著照德楞泰勒保所擬在達州地方枷號三個月滿日發往伊犁充當苦差子嗣不准出任以示懲儆○諭軍機大臣等現在各路竄匪屢經官兵痛勦奔逃游奕合計賊數雖有二三萬然脅從者居其大半賊蹤所至不及千里此時四面攻圍漸逼漸緊正可聚而殲戮惟是因獸猶鬪自必尚思抗拒此等賊匪怙惡不悛自屬法所必誅而內中無知愚民被其裹脅迫而從賊者亦復不少若概就駢誅於朕心尚有不忍此等原係平民因被賊焚搶無路謀生不得不陷身賊黨若投出以後不過酌給銀糧仍聽伊等自覓生計伊等流移日久漸至口食

無資即不敢有心謀叛而為飢所迫勢必又去而從賊萌蘖仍屬未淨或聚於山谷之中為撲椿之事即如本日德楞泰等奏生擒首逆張子聰一摺張子聰本係大股賊匪因夥黨逃散其勢立孤致被擒獲逃散之人豈能枵腹藏匿總當飭令地方官實力稽察各令得所並恐胥役人等因伊等係曾經從賊之人藉端訛詐致投出者存身無地仍復驅之從賊此等情弊尤當實力嚴禁安一民即少一賊嗣後各路軍營於投出之人如果訊問明確實係被裹難民應行省釋者責成各該督撫遴派明幹道府大員如川省之劉清陝省之楊護等前赴各路軍營隨時經理設法安頓俾其衣食有資各安生業難民既不致流徙無依賊黨亦可聞風解散此即一面勦賊一面安撫為善後應辦之事以期事半功倍原不待賊匪勒淨後始辦理善後也將此傳諭知之○德楞泰等奏報盤獲首逆張子

聽得旨獎賚出力員弁升擢有差○賞還原任直隸總督胡季堂太子太保以張標餘黨就獲也○撥部庫及廣儲司庫並山西藩庫銀各二十萬兩解往四川以備軍需○予四川陣亡總兵官施縉祭葬世職如提督例謚壯毅○予陝西陣亡副將李文蔚祭葬世職如總兵例遊擊朱天貴張東林祭葬加等世職如例○予陝西湖北陣亡都司富克錦額爾吉善守備楊伏國徐天祐吳一鳴千總馬

龍圖徐士伯把總高英趙盛陽張述勲王瑄外委花郎保張榮土都司溫布土把總澤朗等祭葬世職如例○丁卯

上詣

太廟磚城門外綠帷恭閱加上

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后

孝聖憲皇后

尊謚冊寶尊藏

太廟盛京

太廟各七分又尊藏盛京

太廟

高宗純皇帝

孝賢純皇后

孝儀純皇后

冊寶三分閱畢行禮敬謹分藏並遣官恭送如儀○諭內閣閩省漳泉二府向有天地會名目及械鬪案件民風最為刁悍雖屢經降旨令該督撫實力整飭而一時未盡丕變必須官民相親默化潛移以收實效朕思親民之官莫如守令此等積弊之區尤宜遴選賢能久於其任方得從容與民更化但閩省督撫於漳泉二府所屬遇有要缺需人之處或因

格於成例。懼于處分。不敢奏請。嗣後漳泉二府屬縣緊要缺出。著該督撫於通省現非要任知縣內。擇其明幹廉能之員。奏請更換。調補俾資治理。除合例人員。部議准行外。其有與例不合者。部臣仍按例議駁。俟朕臨時酌量降旨。至漳泉兩府及各廳縣。有因丁耗糧米鹽課處分。及承緝遲延。叅罰事屬因公。應行降革者。該督撫仍應照例題叅。其中如實有政績卓著。民情愛戴之員。准該督撫另行出具切實考語。奏明候旨。此朕為整飭漳泉二府地方起見。閩省別府。即不得援以為例。若遇有廢弛地方之員。則當隨時據實糾叅。不得稍存姑息。○戊辰。

上御懋勤殿。勾到河南情實罪犯。停決斬犯十人。絞犯二十四人。餘九十六人。予勾。○諭內閣。本日勾到河南省秋審情實人犯。內劉大海等二十一犯。皆因語言調戲。致本婦羞忿自盡。問擬絞候。列入情實。此等案情。並無

實在勾引之事者。節年俱經免勾。但該婦女等祇因言語戲謔。即捐軀明志。河南一省至二十餘起之多。如果屬實。是其風俗尚知以貞節為重。實堪嘉尚。乃詳閱本內情節。大率皆陪宿伴等語。前後多案。如出一轍。豈有各該犯等調戲之言。不謀而合。殊無此情理。向來語言調戲之犯。讞獄時多予免勾。各省問刑衙門庸劣幕友。或不免妄為揣摩。每以死者不可復生。轉為生者開脫地步。雖迹涉勾引。輒刪減情節。概以語言調戲問擬完結。並恐不肖官吏。從中婪索得贓。將案情有意輕減。若所欲不遂。又將情節本輕之犯。巧為周內。即語言調戲者。轉可陷以手足勾引。此等曖昧之事。任意低昂。其弊將何所不至。朕辦理庶獄。務在協中。各省勾到時。惟憑黃冊聲敘各情節。節詳慎酌覈。分別予勾與否。向來語言調戲之案。多不予勾。此次仍當一例辦理。但人命至重。生者固不容屈抑。死者又豈

忍令其含冤地下。若將情節本重之犯。有意寬脫。不但兇犯倖逃法網。而死者冤抑莫伸。何以慰貞魂而端風化。嗣後內外問刑衙門。遇有此等案情。務須將各該犯如何用言調戲。以致本婦羞忿莫釋之處。於定案時詳晰聲敘。務得確情。毋得稍涉含混。若其情節實不止於語言調戲。竟任聽不肖官吏刪減情節。以致案犯不實。別經發覺。或經朕廉訪得實。必將原審及覆勘之員。按例懲治。決不姑貸。

○調湖廣總督姜晟為直隸總督。雲貴總督書麟為湖廣總督。以貴州巡撫琅玕為雲貴總督。刑部右侍郎伊桑阿為貴州巡撫。盛京刑部侍郎瑚圖靈阿為刑部右侍郎。內閣學士賡音為盛京刑部侍郎。○以乾清門侍衛興長為正紅旗漢軍副都統。○贈故直隸總督胡季堂太子太傅。遣御前侍衛豐紳濟倫帶領侍衛十員往奠茶酒。予祭葬。謚莊敏。○賑直隸文安大城武清高陽新安河間靜

海隆平寧晉霸雄安景青十四州縣被水災。民○己巳。

上御懋勤殿。勾到山東情實罪犯。停決斬犯十五人。絞犯十九人。餘六十一人。予勾。○諭軍機大臣等。本日倭什布等六百里報到。仍不過籌辦堵剿情形。自係明亮接奉前此令其追賊入川。諭旨伊未經前往。故以此奏塞責。而倭什布亦隨同列銜。但明亮等前奏以陝賊竄楚。緊要為詞。帶兵趕赴二竹迎剿。今又

不往二竹。轉在豐溪無賊地方駐劄。老奸蒼滑。巧於趨避。實不知其是何肺腑。至倭什布係湖北巡撫堵剿。是其專責。乃亦並不認真出力。惟知附和因循。無能已極。外省惡習。總以朕所差去之人。朕必迴護。其短疎不知朕之心。至公至正。即如那彥成台布以及魁倫。皆朕去年所用。何嘗有所迴護。耶伊等既以邊防自任。所有楚省防堵各事宜。即責成倭什布。帶同明亮嚴密守禦。儻稍有疏懈。無論

川陝竄匪由何處逸入楚境惟倭什布等是問。將此傳諭知之。○庚午調湖北按察使張長唐為貴州按察使。貴州按察使成寧為湖北按察使。○辛未。

上御懋勤殿。勾到山西情實罪犯。停決斬犯十人。絞犯七人。餘七十六人予勾。○諭內閣。每年十月考試宗室。帶領引見時。皆係管理宗人府王等會同派出考試。王大臣一同帶領引見。但吏部月選及揀發各官。經派出大臣等選定人員。即交該部帶領引見。派出大臣並不同進內。嗣後考試宗室。亦照此交宗人府帶領引見。原派王大臣等不必一同進內。著為令。○諭軍機大臣等。現在各股賊首徐添德、曾芝秀並先經奔竄之張添倫、辛聰、魏棒、顏勝、可戴家營等俱已逸入川境。祇有龍紹周、高二馬、五王廷詔及冉張等逆尚在陝楚交界之竹山、白河一帶游奕。高二馬五條賊中最兇悍者。王廷詔亦屬教匪要犯。

額勒登保務當督催慶溥等趁賊窮蹙之時奮力截擊。悉數殲除。總以去疾務盡為要。此事已遲至五年之久。早完一日。百姓早受福一日。此朕所昕夕企望者。至漢江以北。祇有伍懷志一股竄入南山老林。不過四五百人。務當趕緊搜剿。斷不可令其竄匿。若各匪俱能剿盡。額勒登保自當振旅入川。會合德楞泰、勒保等將川省各匪於年內一律蕩平。將此諭令知之。○命署固原提督定住來京。加

三品頂帶總兵官慶成。二品銜兼署固原提督。○壬申以廣西鎮安協副將趙廷魁為雲南騰越鎮總兵官。○癸酉。

上御懋勤殿。勾到直隸情實罪犯。停決斬犯三人。絞犯七人。餘八十七人予勾。○諭內閣。據吳熊光審擬遂平縣典史呂申甲違例條奏。請將該典史照上書詐不以實律杖一百。徒三年等語。呂申甲越職言事。本應照例懲治。但念該典史所奏嚴禁坐省家人及截取舉

人分年學習二款尚無違悖字樣不過因典史升轉無期有意見長妄希上進若交部議必將該典史照例杖徒雖屬咎所應得但恐言事者因此不敢進言殊有關係呂申甲著加恩僅予革職免其杖徒○調山西按察使文需為陝西按察使陝西按察使王文湧為山西按察使浙江按察使秦瀛為湖南按察使湖南按察使百齡為浙江按察使○甲戌撥山東江西藩庫銀各二十五萬兩解往陝

西以備軍需○截留江南銅山睢寧碭山蕭豐沛邳七州縣本年漕糧四萬餘石備賑徐州府屬災民○乙亥

上御懋勤殿勾到朝審情實罪犯停決官犯三人斬犯二人絞犯五人餘十六人予勾○諭內閣整飭吏治以清廉為本蓋必有守然後可責以有為若操守先不可問則一切措施皆屬昏聩不能治已焉能治人此貪墨之風首當嚴懲也向來秋審朝審案犯其常犯內

多係謀故殺人及因姦盜問擬死罪者若官犯則少此等情節自因身列仕途習知法律不敢任意妄為而身罹重罪者每由於貪黷前車已覆後轍相循夫以寒素之士一旦食祿於朝已可瞻及身家若簡擢外任則養廉尤厚焉有一行作吏較之未經服官以前轉形匱乏何懲慙之難盈如蛾投火實堪悲悼推原其故總由恣情糜費日事奢華以致廉俸所入不足供其揮霍因而敗檢踰閑多方

婪索伊等豈不知得受贓款律有明條而利令智昏遂自蹈重譴而不顧當其計肥囊橐雖未必顯有干係民命之事然督撫司道等則取之州縣州縣則取之百姓層層剝削無非苦累良民罄竭脂膏破家蕩產且有不勝榜掠自戕軀命者不知凡幾較之謀故罪孽更重此等贓私敗露之員既經按律定擬憲典昭然豈能曲為寬貸

祖宗所定刑章朕實不敢廢法沽名本日勾決

朝審官犯富綱鄭源璫二員均因贓獲罪其所定罪名皆係內外問刑衙門詳細推鞠始定爰書朕豈豫有成心亦實不願臣工等獲此不赦之誅也即如本年秋審案犯因屢次停勾經朕再三酌覈凡有一綫可原免其勾決者共有一百八十餘名予勾者尚有一千三百八十名此皆求其生而不得朕實懷哀矜勿喜之誠不但愚民犯法務存欽恤即邪教匪徒每次軍營報到聞至官兵殲戮賊匪多名亦係赤子弄兵潢池未嘗不為之憐念何況臣工屢經拔擢至大僚者惟望其各矢公廉共襄郅治豈忍以一朝觸法即予刑誅而貧吏之弊必至害民此而稍存姑息勢必無所顧忌民困莫伸釀成重案轉非辟以止辟之道嗣後內外大小臣工務當喻朕懲貪執法不得已之苦心潔清自矢儉以養廉以期吏治澄清閭閻安堵無負朕諄諄訓誡至意將此通諭中外知之○明亮等奏追勅上

龔賊匪賞總兵官孫清元侍衛富翰雙福等巴圖魯名號馬甲竊濟保藍翎○以截勦鐵掘寨等處竄匪功賞已革翎頂之湖北巡撫倭什布四品銜以藍翎侍衛明亮為領隊大臣○以鑲藍旗滿洲副都統那彥寶為內閣學士兼禮部侍郎銜○續緩徵甘肅平番古浪山丹三縣雹災早災本年額賦○賑浙江金華永康武義麗水縉雲諸暨遂昌松陽八縣被水災民有差○丁丑

上御乾清門聽政○調正黃旗蒙古副都統慶傑為熱河副都統以內閣學士德本兼正黃旗蒙古副都統上駟院卿圖默慎為正紅旗護軍統領○加給福建浦城建寧寧化清流長汀五縣被水災民一月口糧並蠲緩浦城建寧寧化清流長汀沙永安七縣沙墾石壓田新舊糧米有差○戊寅

上詣
奉先殿

壽皇殿行禮○旌表守正捐軀河南許州民史
柱妻彭氏○是月署廣東巡撫瑚圖禮覆奏
撫卹大埔等縣被水災民得旨朕撫綏萬方
除愛民之外別無他念然愛民之實政固在
有災即恤而察吏尤為最要恐澤不下逮徒
飽吏胥之橐耳此則在賢督撫勤加訪察有
弊即懲切勿姑息勉之望之

嘉慶五年七月

十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之七十五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之七十六

秋

嘉慶五年庚申十一月己卯朔旌表守正捐

軀河南汝陽縣民王殿奇妻楊氏○庚辰諭

內閣朕前在藩邸時曾於乾隆四十八年隨

皇考祇詣興京盛京恭謁

祖陵今仰荷

皇考付託之重續承

鴻緒自上年親政以來即應躬親展謁因在二

十七月之內所有祀

神升殿宴賚一切典禮不便舉行是以未經降

旨明年四月己屆釋服著於七月十八日自

京師啟鑒由山海關至興京恭謁

永陵旋至盛京恭謁

福陵

昭陵並循例舉行祀

神升殿宴賚各典禮回蹕仍由山海關詣

東陵敬告禮成所有一切應行豫備事宜著各

該衙門察例具奏○辛巳以

圓丘大祀致齋前期命

皇次子

孝淑皇后殯宮行冬至祭禮○遣官祭

先醫之神○諭內閣大挑各省舉人業經降

旨於明年會試後舉行原以疏通寒畯及時

自効俾各省膺民牧者多讀書人於吏治民

生實有裨益近年定例將近四科舉人扣除

不挑是應挑者皆係遠科恐人數過少難以

甄錄若將近科概行與挑又恐挑取者多係

新進而科分較深者仍致淹滯所有明歲大

挑舉人著將近年乙卯戊午庚申三科舉人

扣除其中宣以上各科舉人俱准一律與挑

○又諭據理藩院奏哲哩木盟長科爾沁卓

哩克圖親王拉旺等呈稱輔國公鄂勒哲依

圖年已及歲伊祖固倫額駙色布騰巴勒珠

爾從前因功所封王爵可否仍令鄂勒哲依

圖承襲之處懇請轉奏一摺色布騰巴勒珠

爾王爵乃

皇考念其宣力戎行准照軍功例世襲罔替迨

鄂勒哲依特木爾額爾克巴拜承襲後因罪

革退賞給公銜身故後令其過繼之子鄂勒

哲依圖承襲去年朕復加恩晉封輔國公今

查閱襲次原委所有郡王爵自應推廣

皇考之恩仍令鄂勒哲依圖承襲惟伊年歲尚

幼著加恩賞給貝子如果能奮勉供職再行

施恩○予江西故江蘇布政使陳奉茲入祀

鄉賢祠從巡撫張誠基等請也○壬午

上以冬至祀

天於

圓丘自是日始齋戒三日○癸未諭內閣戶部議覆長麟籌辦甘省鹽法章程一摺各省鹽法原無設局收稅之例甘省額引本屬無多因私販充斥官鹽不能暢銷自當嚴行查禁設法疏通若照姜開陽原奏設局收稅併弛禁阿拉善鹽斤等事不特各省鹽務無此辦法而該處私販一經弛禁既於該省官引有礙行銷並恐礙及兩淮引地戶部照依長麟所奏駁飭甚當所有蒙古鹽斤及內地私鹽經由各處責成文武各官嚴緝併一切浮費分別裁減之處均著照議辦理姜開陽冒昧陳奏著交部議處○大學士慶桂等奏請滿洲翰詹等官缺出輪用外班升補向例專歸大學士吏部揀選是揀選大臣先時豫定恐不免有希冀趨避情事請嗣後欽派大臣揀選以昭慎重此外應行揀選人員尚有十項並請於各例內逐項改註從之○予故奉恩輔國公綿策祭葬如例○予故杭

州將軍范建中祭葬如例謚恪慎○旌表守正被戕廣東南海縣民李岳昆女李氏○甲申上詣南郊齋宮齋宿○緩徵陝西毗連災區之岐山縣本年額賦○乙酉冬至祀天於圓丘上親詣行禮○遣官祭

永陵 福陵 昭陵 昭西陵 孝陵 孝東陵 景陵 泰陵 泰東陵

裕陵○遣官祭

端慧皇太子園寢○停次日朝賀○諭內閣本年冬至齋戒期內氣候晴明今早朕恭詣郊壇行禮

天光和霽允兆嘉祥惟贊引之侍郎多永武引禮錯誤朕隨侍

皇考多年觀禮幸弗致僣儀旋經侍儀之左都御史祿康等參奏請將多永武交都察院議處實屬過輕恭祀

壇

廟典禮最鉅執事各官理宜敬謹嚴肅設有錯誤即非尋常處分可比自應嚴議示懲此次多永武引禮舛錯若行交議亦必將該員議以革職或降級調用姑念多永武平日於讀祝尚為熟諳不必交議亦不應仍留侍郎副都統之任並革去花翎所有吏部右侍郎員缺著范建豐調補現在阿桂子孫輩並無官至卿貳者所有兵部右侍郎員缺著加恩以

那彥寶補授吉綸著補授內閣學士所遺太常寺卿員缺著加恩即以多永武降補遇有典禮執事時准暫戴花翎此後凡遇祀典專派多永武讀祝其贊引著派扎郎阿祿康英和陳嗣龍奏多永武引禮錯誤僅請議處亦屬不合著一併交部察議嗣後

壇

廟大祀執事官員遇有錯誤於參奏時應請交部嚴議○諭軍機大臣等川省賊匪經德楊

泰勒保追勦緊急分股折竄陝境慶成派海洪阿與阿哈保帶兵分路並進扼要堵剿海步兵勇馳往接應在板橙垭土地嶺遇賊接仗殲賊三百餘名一股由馬家灣原路逃奔一股向北折竄白河峽自瓦脊溝偷渡漢江慶成係總統防堵之人不能先事豫籌致賊匪踴淺偷渡究屬疏防其自請嚴加治罪本所應得姑念慶成此次殲賊多名餘匪偷渡

之處尚非有心玩誤免其治罪至額勒登保此時仍當在陝督剿不可遽往川省務將陝境竄匪迅速殲除不得再有遲緩將此諭令知之○睿親王淳穎薨以成親王永理為宗人府左宗正調定親王綿恩為右宗正兼正黃旗領侍衛內大臣鑲紅旗滿洲都統布彥達賚為正黃旗滿洲都統以大學士保寧兼鑲紅旗滿洲都統都察院左都御史祿康兼正黃旗漢軍都統○調鑲紅旗漢軍副都統高杞為鑲白旗滿洲副都統以伊犂領隊大臣吉勒章阿為鑲紅旗漢軍副都統○丙戌諭內閣明年正月初四日

上辛

祈穀初三日朕詣

壇齋宿是日正值

皇考二週年忌辰禮統於所

尊一切儀文自應循照每次宿

壇成例惟鹵簿大駕現值二十七月內雖應照

常陳列亦當稍有區別因恭閱乾隆辛丑年皇考御製詩集內有世廟今朝值忌辰鑾儀五輅例應陳之句蓋緣正月初八日

上辛初七日

皇考詣

壇齋宿正值

世祖忌辰禮重

明禋是以鑾儀五輅仍照例陳設至明歲正月

初三日為

皇考二週年時日過近又與

世廟忌辰常例不同所有應用服色禮儀對越

維虔朕自不敢稍有減損而鹵簿大駕則係

為朕而設若照舊陳列朕心究有不安著傳

知鑾儀衛明年正月初三日朕詣

壇時不必陳設鹵簿大駕不御禮轎乘坐八人

轎至初四日

祈穀禮成回宮時仍照例陳設鹵簿大駕二十

七月以後或遇正月初四日祭

辛初三日詣

壇齋宿所有應用鹵簿大駕恭照

皇考正月初七日詣

壇成例行○丁亥

上臨睿親王淳穎邸第賜奠○諭內閣朕本日親

往睿親王淳穎邸第奠醊見其屋宇窄狹因

詢知尚無塋地深為憫惻著加恩於例賞外

由廣儲司庫加賞銀五千兩為置塋之費以

示眷注優卹至意○諭軍機大臣等勦辦教

匪大局總宜將各股賊匪逼入川省則賊勢

不能散漫官兵得以併力勦辦年來朕與在

廷諸臣均持此議蓋川省辦理團勇築堡等

事極為認真該處民人同心禦賊實能踴躍

急公而陝省地方民心散懈於團勇築堡等

事不能實力奉行總由地方官不能善為勸

諭朕思百姓之久經從賊怙惡不悛固不足

惜至良善之民亟應力為保護著長麟陸有

仁督飭親民之吏實心綏撫務令得所其鄉

勇中有能禦賊出力者即當奏明獎擢若臨

陣捐軀則更當倍加賞卹至地方州縣果有

盡心民事者必當據實保奏若不肖劣員則

嚴行叅劾治以應得之罪不可稍存姑息庶

地方官及鄉勇等共知激勸不致仍前弛懈

○戊子諭內閣前據經略額勒登保奏將賊

營內投出之張效元解京審訊據供於本年

三月間同李廣榮袁有得王應惠等攜帶銀

兩前赴喀什噶爾地方探望邪教遣犯王發

生該犯等行至肅州地方換票原籍印票祇

有李廣榮袁有得王應惠三人張效元因票

內無名嘉峪關盤查嚴緊該犯不能私自出

口從肅州折回蘭州到韓家店地方投入王

廷詔賊營嗣見王廷詔一股賊匪到處殺人

放火肆行掠食該犯曾向王廷詔勸令投首

或可免死王廷詔不依張效元害怕反悔逃

出賊營至經略軍營投首當經降旨令保寧

等截拏出口之李廣榮等三犯審明具奏今據保寧奏將李廣榮袁有得王應惠三犯拏獲錄取供詞具奏朕詳加披閱該犯等所供情節與張效元供詞均各相同惟該犯等供係張效元之父張全使令伊等前往探望一節張效元前此未經供出當經提訊張效元亦據該犯供認不諱是張效元一犯本係習教之人聽從伊父攜銀欲往新疆地方探望同教匪徒因不能出口折回投王廷詔賊營種種不安本分實有應得之罪但朕節經降旨從前曾經習教而並未從賊者即與齊民無異概免查辦若糾衆謀逆抗拒官兵即當一律剪除罪在不赦其自賊營投出者亦無不一體妥為安置今張效元雖經習教因在王廷詔賊營內見賊充橫真心害怕反悔投誠尚知畏法稍有一線可原張效元一犯著加恩釋放交該部行文順天府派委妥員解至直隸所有經過地方一體派員小心接遞

至安徽省交與荆道乾督同藩臬兩司將伊父張全傳到向其明白宣諭以張全令伊子私自潛往新疆探望教匪王發生本屬不法今因伊子張效元尚知畏懼從賊營內投出不特伊子免罪即張全應得罪名一併加恩寬免令張全將張效元領回俾伊父子團聚嗣後務須安靜守法各務農業毋許再有滋事如該犯等不知悔改仍前糾約同教互相傳習煽惑愚民一經發覺必當加倍嚴懲決不姑寬並將此通諭知之（己丑）

上詣

大高殿行禮

時應宮

昭顯廟拈香（諭內閣向來翰林院編修檢討遇有京察保列一等引見記名者與開坊各員一體簡放道府但編檢祇係七品而道府則係四品職級相去甚遠乃編檢等一經保列記名即邀簡用道府未免太優且編檢

職係詞垣其由掌院學士保列一等者大率因其學問較優年力精壯登之薦牘引見時量予記名並非考試優等者可比該員等即長於文藝究未經歷政務於地方民事豈能諳習遽膺方面恐不免致有貽誤嗣後除業經開坊之翰詹等官及修撰京察一等記名外用者遇有道府缺出仍開列請旨外其編修檢討京察一等記名外用者遇有同知直隸州知州缺出開列簡放著為令○以廣東南澳鎮總兵官王模不諳水師留粵候補陸路總兵官以香山協副將潘韜為南澳鎮總兵官○庚寅諭內閣昨已降旨將翰林院編修檢討京察一等記名外用者遇有同知直隸州知州缺出開列簡放原因編檢與道府品級相去較遠遽加擢用未免過優今思編檢開坊祇係按照俸次其京察引見准列一等者未必俱係俸深人員嗣後編檢各員遇有坊缺著將京察一等記名之員於引見排

單緣頭牌及開列本內詳細註明如各該員開坊後遇有道府缺出即一體開入簡放著為令○旌表守志捐軀湖北石首縣民龔家忠聘妻陳氏守正被戕河南許州民宋思敬妻龐氏○辛卯

聖祖仁皇帝忌辰遣官祭

景陵○

上詣

壽皇殿行禮○諭內閣向來秋朝審人犯內有

業經緩決三次以上人數積多每屆數年諭令刑部堂官量為查奏減等以示法外之仁今自乾隆五十七年十一月查辦之後至本年秋讞擬入緩決者又積有六千餘名為數已為不少著刑部堂官將本年秋朝審緩決三次以上各犯照節次查辦之例逐一查明各按所犯情節分別減等發落以昭矜卹該部即遵諭行○諭軍機大臣等高馬等股賊匪經長齡帶兵截勦在竹谿白河界內遊奕

龍苟等股竄至安康平利地界經楊遇春分路截擊已向西逃而徐添德一股又與伍逆餘黨曾芝秀等合夥繞向東北奔竄並有高家營內分出與戴家營合竄之賊在西鄉勒敗後復與戴家營分夥由滔河一帶潛遁欲尋高馬二逆同竄湖北雖經官兵分路追剿殲戮多名但訊據賊目供稱高三馬五徐添德王廷詔及張賈各賊目湊合匪徒欲乘此人衆勢大前往湖北看其情形自因川省團

勇築堡防堵嚴密不敢竄入陝省又值收成歉薄難於掠食總思乘間闖入湖北以圖延喘額勒登保抽帶馬步兵勇入楚由竹谿一帶前進適扼其前並顧住東北趕緊向西勒辦所見甚是而此時湖北堵禦尤為十分緊要額勒登保已與倭什布明亮會晤將防守事宜面為囑付現又降旨諭令姜晟等督飭各屬嚴密防範額勒登保務須乘各股賊匪潰敗之時合力奮擊即於陝楚之交勒除淨

盡必不得已亦應逼向川境以期大兵會剿於年內一律辦竣迅速成功將此諭令知之○以烏魯木齊領隊大臣靈泰為黑龍江副都統直隸山永協副將永明為巴里坤總兵官○癸巳陝甘總督長麟等奏截剿川省竄匪得旨嘉獎賞叅將張應魁花翎守備朱保等藍翎餘升賞有差○賞賢良後裔原任大學士吳璥四世孫拔貢生沆原任福建巡撫潘思渠曾孫監生福寶舉人一體會試○甲

午諭內閣前經吏部奏刑部秋審遺漏處分將自行檢舉司員降二級調用別經發覺者加等辦理一摺已依議行矣但秋讞大典人命攸關一經遺漏定例褫職至尋常案犯亦應分別輕重以昭平允嗣後刑部遺漏事件處分本案人犯在絞罪以上者將遺漏自行檢舉各司員降二級調用其罪不至死之案降二級留任均准其抵銷儻該司員並未自行檢舉經刑部堂官查出叅處及別經發覺

者所有承辦司員應得降調降留處分俱不准其抵銷著為令○旌表守正捐軀山東惠民縣民孫家湖妻王氏○乙未諭內閣上年因步軍統領為九門管鑰統轄京營總司緝捕一人獨理稽察難周特降旨添設左右翼總兵各一員在正陽門外駐劄半月督率巡緝自駐劄城外以後京輦較為肅清因思明歲朕詣圓明園該處地方緊要不可無大員督察應令總兵一人移駐以專責成至步軍統領布彥達賚係御前大臣每日須前赴圓明園雖退直旋即回城究恐耳目難周因又思步軍統領衙門原設翼尉二員從前係副都統兼管分司巡緝呼應較靈近年以來不令副都統兼管而翼尉遂與提督屬員無異其職分較小不足以資彈壓嗣後翼尉二缺俱照舊例仍著副都統兼攝所有現任翼尉扎勒罕布岐山已有旨各令其暫署副都統俟有缺出再行實授俾其專司城內巡緝事

務其左翼總兵著駐劄正陽門外右翼總兵著駐劄圓明園所有圓明園副將著移駐樹村以資巡緝庶京城內外及圓明園附近皆有大員督率稽查體制益昭鄭重至各該員住宿辦公處所應如何移建或酌量添設之處著該部妥議具奏○德楞泰等奏報勦獲大竹河漢場河賊匪得旨嘉獎擢副前鋒參領武隆阿為頭等侍衛賞頭等侍衛華聘委防禦富爾松阿委參領哈馨察巴圖魯名號委參領舒隆阿領催那爾善參將李廷臣遊擊廣福花翎主簿張雲漢藍翎餘升敘有差○丙申飭京察保薦崇實黜華特諭三載考績始自唐虞至今日則為京察用人之典至要而選士之方必推氣節未有阿諛諂媚之徒而能有廉明之政者也近年以來六部堂官所拔識之司員大率以迎合己意者為曉事之人以執稿剖辯者為不曉事之輩以每日偃謁卑詞巧捷者為勤慎以在司坐辦口

齒木訥者為迂拙。遂至趨承卑鄙。乞憐昏夜。白晝驕人。仕路積風。幾不可問。氣節消磨。殆盡。成何政體耶。近日堂司各官。雖比前稍知檢束。奔競之風。恐未能盡改。總由積習相沿。狂瀾難返。朕思轉移風氣之方。須立矜式。觀摩之準。現已屆京察之期。各部俱應慎重。選舉詢謀僉同。果有猷守兼優者。自膺首薦。餘則寧取資格較久。謹愿樸實之員。其少年澆薄。才華發越者。亦應令其經練。下屆再行保

列。則相觀益善。更足以礪後起之俊。黜華崇實。於政治不無小補。再京察之時。尚書侍郎應各備一冊。密識賢否。公議之日。再行同覽。衆所獎許者。拔之。衆所屏棄者。黜之。以公心辦公事。勿存絲毫私意。問心無愧。斯可對君。覈辦之時。不准司官書吏家人。在旁窺探。亦不准豫為洩露。違譽市恩。此旨著通行曉諭。各錄一道。懸於公署。朝夕觀覽。觸目警心。以副朕循名責實。務得真才之至意。特諭。○特

諭軍機處為辦理樞務。承寫密旨之地。首以嚴密為要。軍機大臣傳述朕旨。令章京繕寫。均不應稍有漏洩。自去年正月以後。軍機處頗覺整飭嚴肅。閒雜人等亦覺稀少。近日又覺廢弛。軍機處臺階上下。窗外廊邊擁擠多人。藉回事畫稿為名。探聽消息。摺稿未達於宮庭。新聞早傳於街市。廣為談說。信口批評。實非政體。必應嚴定章程。以昭法守。此後軍機大臣止准在軍機處承寫本日所奉上諭。

其部院稿案。不准在軍機處辦理。本管司員不准至軍機處回事。軍機章京辦事之處。不准閒人窺視。自王貝勒貝子公文武滿漢大臣。俱不准至軍機處。同軍機大臣談說事體。違者重處不赦。自今日每日著都察院科道一人輪流進內。在隆宗門內北首內務府官員直房監視。軍機大臣散後。方准退直。如有前項情弊。即令直班科道參奏。候旨嚴懲。若科道曠班。或推故早散。亦准軍機大臣指名

參奏再此後有通諭王公大臣之事俱在乾清門外階下傳述不准在軍機處傳旨此旨通諭中外各衙門敬謹遵違者不恕特諭○諭軍機大臣等大學士九卿議駁費淳等奏請將江蘇浙江應徵輕齋折色銀兩改徵本色一摺已依議行矣此事前經蔣兆奎奏請嗣又有浙江旗丁儀洪遠等在戶部具呈俱經戶部議駁昨復據費淳鐵保岳起阮元聯銜具奏仍請將輕齋之項以六成改徵本色四成竟予豁免費淳等四人平日辦事尚屬認真所奏原係為公起見但先經戶部議駁而大學士九卿又以為事屬難行朕豈肯違眾臣之公議獨准伊四人之奏乎況此項輕齋每石原定折銀五錢本係國家薄斂愛民之意行之百有餘年相安已久豈容輕議更張若如該督撫等所議改徵六成本色豁免四成亦似不欲累民殊不知以六成本色所值而論較之原定十成折價已不啻多至

一倍有餘是小民虛受四成豁免之恩轉受六成本色之累與加賦何異朕聞近日各省漕務名為肅清其實浮收之弊未能盡除該督撫等雖潔己自愛而於州縣收漕種種弊竇不能實力糾察嚴參大法而小不廉有清漕之名仍無清漕之實實為近來通病比之六部京堂皆知奉公守法而司官書吏任意行私朕安用此等尚書侍郎為耶直省大吏比古諸侯豈可不以用人為先務乎司事者不思正本清源漸除積重難返之弊動以辦理清漕旗丁運費即有不敷曉曉請此非真為調劑漕務起見不過聽不肖屬員慫恿仍欲顯蹈從前浮收惡習耳況本年各省漕船屆期抵通並無遲誤其運丁之辦理並無竭蹶即此可見乃該督等或以本年漕運係多方設法始能無誤竟似明年漕運若不另加籌畫恐致艱運維艱豫為站腳地步此事惟在費淳鐵保岳起阮元等悉心籌畫認真

經理總期於運務有益而不至苦累小民方為正辦若明年漕運稍有稽遲惟伊等四人是問將此諭令知之○鑄給湖南河溪營都司關防從總督姜晟請也○旌表守正捐軀湖北棗陽縣民女高氏○丁酉諭內閣現在時值嚴冬氣候亟寒因念滿漢大臣中年老者遇有陳奏事件若照常於五鼓入朝恐過早觸寒嗣後六十歲以上年老大臣著於黎明入朝除單銜具奏之事自應親遞外如有

會銜陳奏事件或自揣精力難支即可不必進朝以示朕體卹至意○旌表守正捐軀江西南昌縣民何道鈺妹何氏○戊戌諭內閣昨經降旨令六十歲以上滿漢大臣俱於黎明入朝用示體卹因思大臣等進內例應於五鼓親向奏事官員恭遞膳牌若俟黎明始行親遞則奏事官員書寫不及膳牌必致貽誤嗣後滿漢大臣年至六十以上者其膳牌著加恩准令筆帖式代遞儻是日未能進朝

須先期告知筆帖式勿令呈遞如膳牌已遞經朕召見而本人有未到者與奏事官員及代遞之筆帖式俱無干涉惟當治本人以應得之咎其餘六十歲以下之滿漢大臣仍著照例親遞膳牌以符體制○命詹事府京察及一應事宜仍照舊例辦理毋庸翰林院掌院學士兼管○旌表守正捐軀河南武安縣民王香才妻李氏○己亥予甘肅陣亡已革成都將軍富成祭葬世職如副將例總兵官

凝德叅將蘇克東阿七德保遊擊陳兆熊都司巴金保守備穆起榮千總沈世傑王百忍張洽齡把總柳洪劉忠魏曰連霍鳳閔美玉王民得外委王泰黃榮湖北陣亡遊擊賈永吉千總李光把總劉建雍管輝燦徐尚年外委樵呈祥姚文禮祭葬世職甘肅陣亡兵丁高起雲等五十七名湖北陣亡兵丁張士林等一百六十名賞卹如例○庚子諭軍機大臣等據額勒登保奏懇請入覲面陳密奏等

語殊屬非是。朕從前原以額勒登保忠勇誠篤辦事認真。將伊授為經略大臣。總統軍務以來。尚能妥協。嗣聞賊匪分股渡江。四散奔突。伊即親領大兵跟蹤賊蹤。遠路堵截迎擊。所辦甚是。至賊匪分路逃竄。亦係事所常有。前次慶成於賊匪偷渡漢江。未能堵禦妥協。朕尚加恩寬宥。今豈肯因額勒登保未能將賊匪圍困一處。痛加剿除。即行將伊治罪乎。且額勒登保久歷戎行。聲名素著。兵弁欽服。賊匪畏懼。今若一時令其來京。必致各將備心緒離亂。賊勢鴟張。至伊摺內所言扎克塔爾。楊遇春。不過善於打仗。豈能統理軍務。額勒登保係辦理國家要務之人。理宜毋庸顧慮。一切惟當相度機宜。果斷從事。且軍營中如有掣肘之處。即可密為陳奏。其奏請陛見來京。殊屬悖謬。著傳旨申飭。前次松筠。那彥成等奏請來京有密陳事件。迨至飭令入都。並無一事陳奏。是以當將伊等治罪。今額勒

登保復欲效法此二人乎。額勒登保當感激朕信用重恩。堅持定見。設法剿賊。如能於年內一鼓殲擒。剋期歲事。朕必格外施恩。從優獎賞。若仍前不以國事為重。再行冒濫。必當治以違旨之罪。額勒登保好為勉力。慎之毋忽。○旌表守正捐軀山東齊河縣民王三妻曲氏。陝西醴泉縣民李守杰妻李氏。○辛丑諭內閣。本年秋間。謁陵途次。曾有人奏及天津鎮中軍遊擊傅曰明。在任聲名平常者。朕當經面詢天津鎮總兵常懷義。據奏甫經到任。未能深悉。俟查明再奏。乃總未據該鎮覆奏。本月護理直隸總督顏檢具題。據該鎮咨稱。傅曰明鎗傷復發。勒令休致。因思傅曰明在遊擊任內。如果有別項劣蹟。該鎮即應據實參辦。何得僅將該員勒令休致。如實在並無劣蹟。祇因有旨詢問。遽將該員勒休。又安知非前此在朕前具奏之人。與傅曰明挾有夙嫌。有心傾陷。當即降

旨令顏檢將傳曰明調至省城親加驗看現在傳曰明是否實係傷發不能步履並將傳曰明任內有無劣蹟詳細體訪據實具奏茲據顏檢奏將傳曰明調省驗看步履並不蹇澀面加詢問據稱前在金川軍營右膀左腿均受鎗傷每年間或傷發一二次親加考驗馬步箭尚屬去得惟腿受鎗傷上馬下馬不能靈便並體訪傳曰明所管錢糧軍裝馬匹均無短缺惟賦質粗率多言逞能且性好交遊喜干與人閒事實無別項劣蹟等語是傳曰明在任尚無劣款而該護督所奏傳曰明多言逞能喜事浮游之處亦祇係空言並無實據朕辦理庶政務期覈實豈肯稍有屈抑此時若即將傳曰明勒休恐將來外省遇有查詢之人意存迎合並恐在朕前陳奏者挾嫌傾陷殊有關繫傳曰明著調補督標遊擊該護督仍當留心察看傳曰明有無劣蹟其傷發時是否有礙步履將來姜晟到總督任

後並著一體察看據實具奏其天津鎮中軍遊擊著該護督揀員對調至天津鎮總兵常懷義於奉諭查詢後並不將傳曰明有無劣款隨時覆奏遽以傷發移咨護督勒休實屬疏率著交部議處護督顏檢祇係照咨具題且業經查明據實覆奏著加恩免其議處○以故廣西鎮安府屬上映土知州許維藩子曰介襲職○壬寅

上御乾清門聽政○旌表守正捐軀山東鄆城

縣民李光族妻徐氏○癸卯

上詣

壽康宮行禮○兩江總督費淳南河河道總督吳璥奏報邵工合龍河歸故道得旨獎賚加費淳吳璥太子少保出力員弁升賞有差○以勦湖北房縣竹山賊匪功擢三等侍衛呢瑪善委前鋒侍衛特依順保委參領喜常阿佐領徹布登為頭等侍衛賞候補知州魏耀參將雙福委參領阿穆昌阿守備羅綸花翎

馬甲雙喜等藍翎餘升擢有差○予浙江故四川內江縣知縣許椿入祀鄉賢祠原任武康縣知縣秦禾韓逢府劉守成嘉善縣知縣梁徽入祀名宦祠從巡撫阮元等請也○予湖北陣亡遊擊善福祭葬世職如叅將例○再加賑江蘇蕭陽山安徽宿靈璧泗五州縣被水災民○甲辰諭內閣向來挑選秀女皇后皇貴妃貴妃妃嬪之親姊妹俱應備挑於體制殊有未協嗣後自嬪以上其親姊妹著加恩不必備挑戶部內務府即遵照辦理著為令○以署廣東羅定協副將張鳳為陝西延安鎮總兵官○乙巳

上詣

大高殿

雍和宮行禮

火神廟拈香○諭內閣惠齡奏湖北襄陽縣遣回山東病傷兵丁查閱來文格式乖累印文模糊當經提訊復接湖廣總督來咨有襄

陽縣雕刻假印捏造文票給與傷病兵丁等因一摺此案著交姜晟嚴審定擬具奏至軍營傷病兵丁在各州縣留養原應驗明遣回若不明定章程以憑稽覈則各處留養傷病兵丁一屆大功告成均須回籍僮誤作逃兵沿途截擊成何事體但徑由州縣給與文移又不足以昭慎重其中捏飾賄屬串通弊混之事自所不免嗣後傷病兵丁經該營大員驗明交與地方官留養者如遣令回籍俱應報明督撫由該處道府大員發給文移不得仍前由州縣率行遣回並著經略叅贊等通諭各路軍營將各處留養患病受傷兵丁詳加查覈早令回籍歸伍以示體卹而杜弊端將此通諭知之○丙午諭內閣刑部審擬山西貢生耿濂呈控那彥瞻等串騙重貲一案那彥瞻人本平常上年朕親政時即將伊退出乾清門本年因伊父阿迪斯在軍營獲咎甚重暫將那彥瞻革去侍衛及所襲世職朕

猶念那彥瞻係阿桂長孫望其閉門悔過再當加恩錄用乃那彥瞻並不安分竟容留賭博局騙財物並於二十七月以內雇覓曲班在家彈唱種種卑鄙不法實屬有玷家聲刑部擬以杖徒折枷尚覺稍輕但念阿桂係國家出力大臣若將那彥瞻加號示衆在伊國不足惜而於伊祖顏面有關朕心有所不忍那彥瞻著加恩免其枷號發慎刑司衙門令內務府大臣監視重責四十板發遣伊犁交伊父阿迪斯嚴行管束所有伊名下分得賭博銀三百三十兩著加十倍罰出連交內務府後即行起解毋許稍有停留其餘各犯名下應追繳銀兩俱著交內務府增設福建霞浦縣雲霄同知一員從巡撫汪志伊請也

○丁未予湖北陣亡都司吳經國千總余銓把總黃超雲馬文亮汪騰雲吳尚賢四川陣亡千總楊茂朱朝相把總殷士得外委胡玠陝西陣亡佐領扎拉豐阿呼葉訥噶三保噶

塔保彰五保驍騎校幹森保多昌阿雲南陣亡把總何文俊外委張有祭葬世職如例戊申諭內閣前因兵部議駁貴州興義軍需給過鄉勇卹賞銀兩一案恐常明從中染指及任聽屬員冒銷等弊降旨令琅玕據實查明分別叅辦今據琅玕覆奏調查案卷并傳到領過卹賞銀兩之各鄉勇家屬鄰右人等出具切實甘結反覆根究常明於此項賞卹銀兩內尚無冒銷等弊但辦理錯謬請將發過卹賞銀十九萬一千三百兩著落常明照數賠補等語常明於此案如果有冒銷之事即當重治其罪何止賠繳銀兩茲既經琅玕查明並無別項情弊惟常明身為翼長總理軍需未經先行詳明立案而報部覈銷時將鄉勇死傷陣亡數目籠統造報於前其實在發給人數銀數轉造報於後迨護撫篆時又不分晰聲明率行題銷本應照琅玕所請將此項銀兩著落常明賠補第念為數過多著

加恩准其報銷十萬兩其餘九萬一千三百兩著落常明照數賠繳歸款又諭兵部議奏京營總兵移駐各事宜一摺俱屬紕繆錯誤之至朕因步軍統領為九門管鑰總司緝捕管轄五營若令一人獨理不特事權過重兼恐稽察難周是以設立京營左右翼總兵二員如各部之有尚書侍郎八旗之有都統副都統遇有一切公務步軍統領與總兵同堂辦事以杜專擅係防微杜漸不至又如和

實錄卷七

坤縱恣不法誠保全大臣以期永承恩遇行之年餘甚屬有益近因明歲朕詣圓明園後該處地方緊要不可無大員督察應令總兵一員移駐以專責成祇令兵部將各該員住宿辦公處所應如何移建或酌量添設議奏並未令議及分汛各事宜乃兵部堂官誤會朕旨輒將分汛管轄及衙署印信養廉等項概行議入甚至以總兵係管轄綠營之員自無庸兼管步軍統領事務尤屬大謬因特派

慶桂董誥戴衢亨會同成德張若淳傳集兵部堂官及布彥達賚詢問兵部滿漢堂官等俱各認糊塗錯會公同畫稿汪承霈初有異議後復隨同畫稿傅森尚無瞻徇之處布彥達賚亦無請託情弊是兵部堂官之咎惟在議將左右翼總兵無庸兼管步軍統領事務一節除已降旨將傅森及滿漢侍郎四人交部嚴加議處汪承霈交部議處布彥達賚毋庸議外兵部所議各條皆不可行惟副將移駐樹村添建衙署一條著照議辦理明年朕詣圓明園後步軍統領與左右翼總兵均著輪替在園住班布彥達賚前已賞給寓所其左右翼總兵住宿處所現在既將中營副將移駐樹村所有原設副將衙署即作為左右翼總兵輪班住宿公所其如何輪替住班之處布彥達賚等自行酌議具奏至正陽門外仍著左右兩翼總兵照舊輪流駐劄

柔

10111

祖陵向聞該處辦差各員。每有藉端科派等事。以致丁民等紛紛呈控。朕所深知。正欲明降諭旨。飭禁一切浮費。適御史茅豫奏稱。上次隨從大小官員出關後地方官按站供應。分送土儀甚有索取貂皮人蔭之事。先期豫備。借端科斂。請嚴行禁止等語。所奏甚是。來年

謁

陵途次應行鑲墊道路修葺橋梁均准照例開銷盛京殿宇曾經降旨祇須畧加掃除整理不必華美飾觀其蹕路所經備用房毋許豫備陳設點綴彩飾等事屆期該將軍等不許呈進貢件即土物亦無需用之處均不准呈進朕敦崇儉樸實以陪都根本重地不肯絲毫擾及閭閻大小臣工各宜仰體朕意所有扈蹕官員沿途毋許勒取供應其有需用土

物原應自行購辦不得向地方官需索地方官亦不得藉辦差之名任意苛派儻有前項情弊經朕察出或別經發覺必當從嚴懲辦決不稍貸將此通諭知之○又諭向來京察二三等人員凡六十五歲以上者另為一班帶領引見後經改為七十歲以上此次仍照舊例將六十五歲以上之員通行帶領引見○諭軍機大臣等自邪匪滋事以來勦辦已及五載總無藏事之日近據各路奏報賊匪

仍復東奔西竄官兵雖隨處追擊總不能遏其去路歸併一處聚而殲洗看來年內藏功之說又成虛願推原其故總因帶兵大員及各督撫等仍存此疆彼界之見祇將賊匪驅逼出境即為盡職並不協力會勦以致川陝楚三省竄匪出彼入此來往自如即被一路防堵官兵勦敗殺賊雖多而前無攔截後無追躡沿途裹脅又成大股仍與未經勦殺者無異似此輾轉奔逐年復一年何時始能勦盡亦斷無如此追逐即能成功之理是堵之一字亟須實力辦理從前降旨令伊等各在本境堵勦原因彼時股數甚多不得不各顧疆界以專責成嗣經官兵節次勦殺各股賊匪統計不過萬餘而奔竄地方亦僅在川陝楚三省邊界伊等正當無分畛域或併力合勦或互相策應以期一鼓殲除乃彼此推諉觀望人各一心並不會籌協勦使賊匪得以紛紛四竄其勢又將散漫譬諸行圍必須面

面兜合。漸逼漸緊。方能有獲。若四散驅逐。即終日而不得一禽。此事之顯而易見者。伊等寧不計及耶。辦賊之法。不外勦堵撫三者。而均以兵餉為要。現在各路征兵。不下十萬。軍威不為不盛。而所需餉銀。朕不待伊等奏請。無不豫為籌撥。源源接濟。即如陝省南山內。伍逆餘匪。所剩不過二百餘人。而官兵現在萬餘。不啻多至數十倍。尚未見搜勦淨盡。若似此辦賊。即百萬雄兵。亦復何益。伊等尚得

藉口於兵力不足乎。至各路軍營。若果因餉項不繼。致有掣肘。則朕先認過。軍機大臣不能先事豫籌。尤難辭咎。朕豈肯令伊等稍有缺乏。致誤事機。斷不必以此為慮。且朕之宵旰焦塵者。益賊匪一日不除。則百姓多遭一日慘殺。生靈荼毒。村落為墟。言念及此。朕實寢食俱廢。伊等尚不思激厲愧勉。同心敵愾。耶。此時東面有倭什布長齡。西面有長麟慶成。南面有德楞泰。勒保。北面有額勒登保。楊

遇春等。總須四面嚴堵。彼此通盤籌畫。聯絡聲勢。協力以堵。為勦。即在川陝楚邊界。將各股竄匪。悉數殲擒。方為不負委任。大功告成。八人同受厚恩。是朕昕夕代汝等默禱於天之至願。即萬不得已。亦祇許將陝楚之賊逼歸四川。勦辦易於得手。斷不許令四川之賊竄往陝楚。即如德楞泰。昨奏。因楊陳李等逆。有東趨之勢。德楞泰即自西北而東。繞出賊前迎截。伊既知賊匪不可令其東竄陝境。即

應遏其去路。奮力勦盡。何以任其東趨。始行繞道抄截。而藍黃白線號內之冉添士。王思茂及樊人傑之子。本由川省竄往湖北。嗣復由湖北竄回川省。今又從川省逸入陝境。復圖合竄入甘。此即德楞泰。勒保。不能截住川省大股賊匪之明證。任四號逆賊。由楚假途入陝。蜀地弁兵。所辦何事。今僅將楊李陳等小股截回。於事何益耶。總之賊匪聚則易勦。散則難辦。兵力合則厚集。分則見單。伊等接

奉此旨後。若再不同心合力。速將各路賊匪悉數掃除。延至明春。青苗在地。賊匪仍得掠食飽颺。又稽藏事。軍法具在。朕亦惟有將伊等按律治罪。此亦伊等自貽伊戚。實不願國家有此事。惟在伊等勉圖贖罪。迅奏膚功。勿負朕諄諄教誡也。將此傳諭各路軍營帶兵大員。四川陝甘湖北各督撫知之。○辛亥。睿親王淳穎發引。遣御前侍衛公豐紳濟倫往代奠送。○長齡奏。軍營出力員弁。賞同知蕭與潔副將朱士奉都司姜元祥千總唐盛高。花翎驍騎校果興阿等。藍翎餘升擢有差。○壬子。諭內閣。給事中蕭芝奏。敬陳天道以勵臣工一摺。初閱之似必有所見。及細加披覽。其立意祇在明年釋服後。應飭禁百官毋得私宅演戲宴會一節。而於天時人事。國計民生。仍未曉暢言之。其所稱去年九月聞雷。實有其事。而今歲春間雨澤愆期。麥收稍減。朕於四月間虔誠步禱。

大社幸降時霖。夏至恭祀方澤。升配禮成。仰荷昊慈。考佑。大霈甘膏。秋收仍獲豐稔。迨甫交冬令。即得有渥雪。現閱兩月有餘。未見祥雲續降。朕心深為焦廬。無時不齋心默禱。上帝冀蒙惠我黎元。至於勦辦教匪將近五年。尤朕所宵旰懸切者。徵兵調餉。無非欲除逆安良。節次所撥軍需。皆係動支帑項。從不肯絲毫有累閭閻。即本年伯麟奏。晉省富戶有樂輸之事。因其踴躍急公。情詞諄切。除酌量賞收外。餘仍按數給還。復恐各省督撫有藉詞助餉。擾累地方者。曾嚴行飭禁。並告誡諸臣。不得言利。節降諭旨甚明。再該給事中所稱採買倉穀一節。更與軍需無涉。各州縣遇有賑濟平糶等事。動用後。一值豐收之年。自應採買足額。其獎在州縣胥役派買勒索亦

早經降旨通行飭禁。惟在各督撫飭屬實力奉行。而採買之事。實不可廢。至朕躬行節儉。為天下先。一切服御。無不概從省約。此朕本性如此。在廷諸臣所共見共聞者。若臣工等私宅宴會。沈湎酣歌。本干例禁。豈時際昇平。遽可稍萌侈汰。儻如該給事中所奏。俟秦蜀楚百姓瘡痍平復後。仍緣周蜡漢酺之義。與眾偕樂。是不過欲目前暫從儉約。仍啟將來紛華靡麗之漸。轉非所以敦古處而正風俗。

朕惟有與內外諸臣。永守黜華崇儉之實。以期比戶可封。漸臻上理。將此通諭知之。○癸丑。賞江南等省鄉試年老諸生汪步南等二百五十三名。舉人副榜有差。○賞八旗兵丁一月錢糧。○甲寅。

孝惠章皇后忌辰遣官祭

孝東陵。○諭內閣。鐵保條奏明年盛京辦差應行禁革各事宜一摺。所奏甚屬可嘉。實應嚴禁。據稱裁革餽送。扈從官員土宜一條。昨已

降旨嚴行飭禁。並令該將軍等不准呈進土物及官員等毋許沿途勒索供應。晉昌等自當實力奉行。其請令隨從各員至盛京時不准私占民房。仍歸各營住宿一條。各衙門扈蹕人員俱有差使。若令其俱歸各營住宿。相離較遠。諸多未便。惟當嚴飭地方官不得豫備鋪墊飯食等項。致滋擾累。至所稱修道擎車二節。盛京蹕路所經。向來原有御道舊址。祇須鑲墊平整。原毋庸另築新道。分外加高。

昨經降旨。准將修葺橋梁道路之費。照例開銷。又各員需用車馬。出關後或因長途疲乏。不能不臨期更換。但應照時價雇用。不得指稱官差。妄掣民間車輛。此二節著交總理行營王大臣。並管理嚮導處大臣議奏。○又諭倭什布奏。馳抵竹山。籌勦徐添德股匪。並布置鄖西邊防情形一摺。據稱徐添德一股。由平利屬之南坪柳樹壩。逃至白沙河等處。經倭什布分派將弁。竭力勦截。賊匪由釘鉅溝。

竄入。已至王家山並探得高三馬五。已折竄至蘭河口東向等語。楚省竹谿竹山一帶。係倭什布在彼督率防堵。節據該撫奏稱分派兵勇。扼要嚴防。何以又任徐添德一股竄入楚境。可見前此實力防堵之語。皆係一派誑言。前經加恩將該撫賞給四品頂帶。今又任徐添德竄入。無能至此。實屬大負委任。倭什布仍著革去頂帶。暫留巡撫之任。以觀後效。○又諭本日額勒登保奏。丹學勝張掌櫃樊

人傑。王四虎。王幗賢。丹添泗等。股賊匪。經楊邁春等連日追剿。再學勝等已過江口。有出舊縣關之信。相距西安藍田不遠。又據倭什布奏。徐添德已竄入楚境。各等語。樊人傑等股賊匪。即係黃白藍線股內之賊。前此由楚竄入川境。德楞泰勒保曾奏明赴川東一帶截剿。乃伊二人並未上緊剿辦。任此數股賊匪。假道竄陝。而德楞泰初一日奏到之摺。但稱兜截楊開第。陳朝觀。李炳等。股賊匪。回川

黃白藍線等股。竟全不提。及顯係將此數股大隊賊衆。縱入陝省。避難就易。藉稱楊開第等需兵剿辦。以掩飾其不行入陝之咎。德楞泰一等子。本應斥革。姑念今春在嘉陵江以西。剿賊尚為出力。著加恩降為一等男。稍示薄懲。勒保前經賞給二品頂帶。亦著降為四品頂帶。暫留川督之任。以觀後效。○諭軍機大臣等。楚省防堵事宜。屢經姜晟奏稱。前赴二竹地方籌辦。今賊匪來去自如。其言全不

足信。且聞書麟將到。伊即回省辦理交代。欲赴直隸新任。竟置湖北軍務於不問。其居心亦屬蒼滑。現在書麟自必前赴軍營督剿。不能到省。姜晟既回至武昌。所有軍火糧餉事宜。即著姜晟率同孫玉庭妥協辦理。俟湖北軍務完竣。再赴新任。將此傳諭知之。○撥山東江西藩庫銀各二十萬兩。解往湖北。以備軍需。○緩徵湖北被賊滋擾之襄陽宜城。南漳。保康。巴東。荊門。鍾祥。均穀城。鄖。鄖。西。當陽。

遠安房竹山竹谿東湖歸興山十九州縣武昌荊州荊左荊右襄陽五衛新舊額賦○緩徵陝西被賊滋擾之寧羌洋城固西鄉白河商維南山陽八州縣本年額賦○乙卯以乾清門侍衛隆福為哈密辦事大臣賞護軍叅領麒麟保副都統銜為哈密幫辦大臣○丙辰

上詣

大高殿行禮○慶成奏報勦老漁壩賊匪賞委

叅領都爾博遊擊吳亨衍花翎委驍騎校扎蘭保等藍翎○丁巳以故阿魯科爾沁貝勒阿爾達什第子多爾濟帕勒瑪土默特貝勒衮布多爾濟子達什布木濟納各襲爵○以殲首逆楊開第齊國謨功晉一等男叅贊大臣德楞泰三等子爵賞四川總督勒保三品頂帶○戶部議准署廣東巡撫瑚圖禮疏報開平恩平二縣開墾地四頃六十畝照例升科從之○戊午湖南按察使百齡奏密請裁

汰有名無實之長夫節省經費得旨承平日久生齒日繁站夫之設原以閒款養閒人否則又添無數遊手好閒之輩設若盡行裁汰一應差役皆須臨時雇覓人夫扛擡若遇窮鄉僻壤一時難覓多人豈不誤事惟應以實嚴查不准偽指姓名虛申簿籍等弊斯為正辦况據汝所奏即行裁汰一省所省僅萬餘金合之天下所省不過十餘萬金而每省又添無營運之人二千餘名合之天下即有數

萬失業之人朕豈靳此十餘萬金忍令數萬人失業乎况前明因裁驛卒流為大害殷鑒非遙豈可踵其覆轍耶此事斷不可行本應明發此奏治汝之罪因汝前次條奏多有可採是以不即宣露密諭汝知之十二月初十日燈下諭百齡尋奏陳感悚下悃批當言則言不當言而言謂之莠言人君擇言行政最為難事汝係敢言者以此訓汝望汝詳審進言有裨國政勉之○己未旌表守正捐軀山

西太原縣民李宗幅妻原氏直隸臨榆縣民楊兩女楊氏○戶部議准署廣東巡撫瑚圖禮疏報新寧三水開平香山恩平五縣開墾水田七頃六十七畝有奇照例升科從之○庚申諭內閣額勒登保奏軍營隨征各員請借支養廉一節各將弁等從征日久添補衣服自當分別借支養廉俾各用度充裕此係朕因時屆嚴寒是以准行此後不得援以為例其支項於各該員本任省分扣還歸款○

又諭奏事批本二處官員俱在內廷行走多係循分供職嗣後遇京察年分所有實缺各員著由本衙門註考列為二等至繕書房提調繕譯官京察遵照舊例概由管理繕書房大臣註考○諭軍機大臣等額勒登保率同扎克塔爾將樊人傑一股賊匪截向西南而冉學勝一股現經綸布春注啟等由鎮安躡蹤而進額勒登保飭令在商維邊界併力截剿毋稍遲緩至所稱將各股賊匪逼歸荆襄

地方定可一鼓掃蕩一節斷不可行宜昌荆襄漢陽等處寬廣數千餘里多係繁庶之區若令賊匪竄往則戕害生靈裹脅日衆即有大江亦不能阻隔焉有讓賊以完善地方再圖逼剿之理又所稱請令各省道府州縣等官分派數員至川陝楚協辦結寨團勇事宜亦屬非是該員等從他省調往於道路民情豈能熟諳必至呼應不靈徒勞無益朕盼望藏功日深焦切額勒登保務當先將冉樊等逆剿辦淨盡即萬不得已亦當與高馬等逆驅令入川斷不可令賊竄入楚豫將此傳諭知之○辛酉諭軍機大臣等本年十月以來未經續得雪澤直隸山東瀕水地方甚多恐蝻子潛生不可不先事豫防著傳諭該督撫等勸諭居民於近水低窪處所豫為搜掘俾不致滋生害稼而無業貧民亦可將掘得蝻子交官換易銀米藉資餬口此事祇須地方官曉諭民人自行搜掘不必差派吏胥轉致

紛擾滋事。○壬戌以故一等信勇公富銳姪
安寧。二等男德寧子慶明。一等男范建中子
范樹廷。三等男高垣子高維鍾。一等公阿迪
斯子那彥柱。一等公隆興子祥敏。一等男李
瑞增子孝順阿。各襲爵。○乙丑諭軍機大臣
等疏。琉球國正使向必顯等現已到閩。若令守
候多時。殊非體卹遠人之道。且該國王欲令
使臣於明春到京。原為七年朝正。得以隨班
行禮。今朕明年釋服後。即應御殿。該使臣到
京後。自可隨班行禮。何必遲至次年。著玉德
傳知該使臣。並派員伴送。令於明年四月十
五日以前到京。俾不致久於旅館。並可早遂
其瞻覲之忱。至護送冊封正副使之署遊擊
陳瑞芳。在琉球病故。該國王備葬費五百兩。
表奏請旨。已足將恭順之意。何必復有贈遺。
及其子孫所有另備銀兩。自不應再為收受。
著玉德一併諭知該使臣可也。○以故二等
公致福子吉祥保襲爵。○予四川陣亡總兵

官王凱。祭葬。世職如提督例。謚勇壯。○予四
川陣亡已革總兵官富森布。祭葬。世職。○予
貴州廣西陣亡守備江鱗。把總龐得佩。外委
毛上錦。武生胡國勲。祭葬。加等。世職。如例。把
總楊溥。馬河圖。外委張昱宇。馬上剛。傷亡千
總趙聯甲。祭葬。世職。兵丁海闊等八百三十
七名。賞卹。如例。○旌表守正捐軀山西絳州
民張揆盛妻趙氏。○丙寅

上御乾清門聽政。○諭內閣。昨據惠齡奏。刑部
議駁莒州民人陳懷仁毆傷尹祐身死一案。
該州府司原擬絞罪。係該撫駁飭改擬滿徒。
自請議處。又據阮元奏。刑部議駁仙居縣民
林道愷刃傷張錫寬。林谷印刃傷張太松。各
身死一案。該府縣因原謀林日青監斃。照例
擬抵。將下手之犯並請減流。經署臬司張映
璣。錯擬一減一抵。稟明該撫奏請議處。以上
二案。均係上司不肯諉過屬員。自任處分。但
各省審辦案件。如果屬員按律辦理。並無錯

誤上司率行改擬其失出入處分。自不應却過於人。如屬員本已錯擬罪名。該管上司惟恐該員一經部議或致降黜。遂代為承認。自請處分。而督撫兩司等。均屬大員。部議處分上時。朕往往加恩從寬留任。其原擬之州縣轉得置身事外。是該上司外博擔當之譽。而陰遂其包庇之私。非所以昭覈實。嗣後著刑部遇有駁飭改正之案。即檢查該府州縣原詳。據實覈辦。如原詳本無錯誤。經上司飭駁。其錯擬罪名之咎。自應將該上司議處。若原詳未奉飭駁。該上司代為承當。不但將原擬之員仍按例處分。定將該管上司照徇庇例嚴議。將此通諭知之。○諭軍機大臣等。朕思各路派防兵丁。與其空閒株守。莫若令原管將弁操練嫺熟。悉成勁旅。俟賊匪竄近。即令奮力迎敵。跟蹤緊躡。此路追兵所不及之處。又有他路接應。是防兵皆可作勦兵之用。再賊匪伎倆。總在隨處裹掠。惟在地方百姓

認真團勇築堡保護室家。該督撫應勸諭居民收衆志成城之效。將此諭令知之。○丁卯。諭軍機大臣等。前因川境賊氛已遠。是以諭令德楞泰帶兵赴陝。今陝省賊股又分路折竄。川境德楞泰應仍在川省督勦。俟將次勦淨。再赴鄰省協勦。赴陝赴楚。相機辦理。朕亦不為遙制。再此時已近歲除。朕晝夜焦勞。且在二十七月之內。更復何心度歲。即德楞泰勒保。勦辦賊匪。亦自不因年節稍有鬆懈。但賊匪無知。此時節屆新年。或羣聚為樂。人心渙散。德楞泰等轉不妨陽為度歲。示之以隙。仍密探賊股如有懈縱之處。即帶兵奮擊。亦未始非出奇制賊之一策也。將此諭令知之。○戊辰。諭軍機大臣等。冉學勝等股賊匪竄近武關。經額勒登保派令楊遇春等銜寒冒雪。疊次勦殺多名。緊顧東面。使賊匪不能逼近豫楚邊界。實屬不辭勞瘁。茲賞給額勒登保御書福字。祝經畧與員弁兵民等共近春

禧大功速藏。又賞給額勒登保墨刻御製邪教說一分。俾伊等共知朕意。祇誅叛逆亂民。其誦習經文。安分守法者。斷不肯稍事株連也。將此諭令知之。○又諭防江之事。有慶成在彼督率。長麟自應於西南一帶卡隘。周歷巡防。況冉學勝等截向西竄。或竄近同。西鳳一帶。所關非細。省城止有台斐音一人。長麟亦當相機兼顧。至溫承惠係陝省藩司。在平利安康駐劄。著長麟酌量。若無需該員在彼。即令回省辦事。再甘肅省城僅有姜開陽一人。藩司廣厚現在何處。何以未見長麟提及。宣任其日久在邊境閒住乎。將此傳諭知之。○己巳諭內閣。戶部奏詳議徵收正賦錢糧一摺。地丁錢糧乃國家正供。原應年清年款。豈容任意拖欠。乃近年以來。經徵各員概事因循。積欠至數千萬之多。此豈盡實欠在民。總緣州縣官以完作欠。挪新掩舊。特有完過六分以上之例。批解過半。即可列入帶徵。藉

免離任。而督撫等遇有經徵不及五分之屬員。又復輟轉調署。為之規避。處分以致不肖官吏無所忌憚。實為惡習。朕惠愛黎元。蠲賑動逾鉅萬。節經降旨。毋得加賦。以期藏富於民。即各省偶被偏災。無不加恩。按照分數。分別減免。並將乾隆六十年以前積欠。加恩普行豁免。小民具有天良。自無不踴躍輸將之理。或偶有拖欠。亦何至逾年積壓。任催罔應。是地丁積欠。非由吏蝕。即係官侵。豈得概以民欠藉口。嗣後各督撫務須嚴飭地方官儘收儘解。以期國課早完。閭閻無擾。即各省情形或有不同之處。亦應詳加體察。斟酌辦理。不得概以民欠列入帶徵。仍前延玩。如有錢糧處分將屆離任。執行調署者。一經部臣查出。定將該督撫嚴議示儆。其嘉慶五年以前各省帶徵銀兩。亦著查明督飭所屬隨正徵解。毋任日久懸宕。○予陝西陣亡提督三等子王文雄。祭葬諡壯節。○予湖北陣亡遊擊

馬愷都司張兆舉把總韓宗琳鍾志茂外委周壽陝西陣亡都司來興把總王秉月張應豹趙承恩外委馬伏元袁士龍祭葬世職如例兵丁王元福等二百七十一名賞卹如例
○是日辛酉年立春順天府進土牛春山寶座○辛未以裕祭
太廟致齋前期命
皇次子 <small>諱</small> 詣
孝淑皇后殯宮行歲暮祭禮○壬申予故睿親王淳穎祭葬如例諡曰恭○以故奉恩將軍順德子華寧襲職戶部議准雲南巡撫初彭齡疏報昆明晉寧陸涼新興威遠會澤鎮詠七州縣開墾地六頃四十三畝有奇照例升科從之○癸酉
孝莊文皇后忌辰遣官祭
昭西陵○
上詣
慈寧宮

壽康宮行禮○諭內閣向來每遇大祀宿
壇日期隨從執事大小官員皆穿蟒袍一日明歲上辛
祈穀朕於正月初三日宿
壇是日恭值
皇考高宗純皇帝二週年忌辰例應素服但郊壇大祀典禮最重朕於恭閱
祝版時仍照向例御龍袍龍褂隨侍官員俱穿
蟒袍補褂到
壇恭詣
皇乾殿拈香並應行省視各典禮俱御龍袍貂褂其隨從及在
壇內執事之大小官員亦俱穿蟒袍應穿貂褂者穿貂褂應穿補褂者穿補褂俟朕至齋宮
後大小官員俱不必穿蟒袍仍穿貂褂補褂
掛朝珠是日
壇外並不陳設鹵簿大駕所有

壇外執事官員俱不必穿蟒袍祇穿補褂掛朝珠此外無執事之大小官員等俱照例穿青褂以昭誠敬而符禮制○

上以歲暮裕祭

太廟自是日始齋戒三日○甲戌諭內閣刑部議駁通政司副使廣興條奏大宛兩縣命盜案件請照營城之案一體解交刑部審理一摺所駁甚是朕向不識廣興惟自上年親政時因伊所陳各奏章間有可採是以派赴四

李奉本

十一

川軍營專司糧餉擢升內閣學士兼管副都統嗣伊在彼未能辦理妥善降為通政司副使令其來京供職到京復命朕以廣興雖非言官如有所見諭令隨時奏聞乃伊在家無事意想所及間隔數日執行陳奏雖有可取之奏而格礙難行者亦不一而足朕俱留中未發即如請將大宛兩縣命盜案件解交刑部審辦一事廣興奏上時朕即以為斷不可行敕交刑部議奏茲部臣議以向來辦有舊

章輕議紛更殊於政體有乖等語適與朕意相符刑部為刑名總匯每年多辦數十案亦不見其紛繁自國初以來順天府州縣刑名俱由該省各上司覈定達部遵行百有餘年今以大宛兩縣附近京畿距省較遠其命盜案件恐致往返紆迴即歸部審辦此外如順天府所屬通州良鄉等處及永平宣化承德等府屬距京較近距省較遠者豈亦歸刑部辦理乎且刑錢並重若刑名案件不歸該省臬司審解概歸刑部審結則錢穀事務亦可不由藩司覈辦竟由州縣自報戶部是以部臣而侵總督之職似此漫無統轄紛更我朝成法實屬不成事體廣興著傳旨申飭嗣後如伊再有條奏不得妄逞臆見並將刑部議駁緣由通諭知之○長齡奏報擒剿瓦房口逆匪得旨賞賚擢明亮二等侍衛賞出力兵丁銀五千兩○乙亥以歲暮裕祭遣官祭太廟中殿

李奉本

十一

後殿○諭軍機大臣等此時李炳等各逆俱在川北奔竄股數較多於川東且七十五一人在彼勦辦恐不可恃勒保應察看賊情如大寧竄匪無多無需自行督勦即於阿哈保薛大烈永寧三人內酌派一二員在彼帶兵搜捕勒保仍回至川北率同七十五併力擊勦並督飭鎮將嚴防嘉陵江岸不可稍涉大意將此諭令知之○丙子裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

端慧皇太子園寢○遣官祭

太歲之神○是年旌表孝子江蘇等省華潤

等五名孝女陸氏等三口守節合例宗室多

明阿妻完顏氏等十口滿洲舒禮渾妻陳氏

等九十六口蒙古舒保妻瑪莫忒氏等二十

七口漢軍于興章妻陳氏等十四口內務府

色勒妻朱氏等八口駐防小牙妻傅氏等一

百九十二口順天等省宋學直妻李氏等七

百十七口未婚守志直隸等省高近知聘妻

閻氏等二十七口百歲壽民婦浙江等省華

觀光等十六名口五世同堂浙江等省童昌

桂等十八家各給銀建坊如例○一產三男

直隸等省薛際昌等十二家○會計天下民

數穀數各省通共大小男婦二萬九千五百

二十三萬七千三百一十一名口通共存倉

米穀二千九百五十七萬五千二百九十六


石七斗三升二合一勺。

實錄卷七十七

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之七十七

清 實 錄 嘉慶五年十二月



統一書號:11018·1355—28

定 價: 49.00 元